

SCOTUS ACADEMICUS

S E U

Univerſa Doctoris Subtilis
THEOLOGICA DOGMATA
R. P. CLAUDII

FRASSEN

Ordinis Min. Reg. Obſ. Lectoris Jubilati, & Sacræ
Facultatis Pariſienſis Doctoris.

TOMUS SECUNDUS.

De Deo Intelligente, & Volente.



VENETIIS,
Apud NICOLAUM PEZZANA.

MDCCXLIV.

SUPERIORUM PERMISSU, AC PRIVILEGIO.

111008

111008

111008

111008

111008

111008

111008

111008

111008

111008

111008

111008

111008

111008

111008

111008

I N D E X

Disputationum, Articulorum, Sectionum, & Quaestionum,

Qua in hoc Secundo Tomo continentur.

TRACTATUS SECUNDUS.

De Deo essentialiter operante.

PAG. 1

DISPUTATIO PRIMA.

De Intellectu divino, & Scientia divina.

ARTICULUS I. De intellectu divino quantum est potentia operativa. 2

Quaestio I. An, & quid sit Intellectus divinus, seu potentia Dei intellectiva. 2

Quaestio II. Quodnam sit objectum primum divini Intellectus. 8

Quaestio III. Quodnam sit objectum secundarium divini Intellectus. 11

ARTICULUS II. De Scientia Dei. 20

Sectio I. De scientia simplicis Intelligentiae. 21

Quaestio I. An res possibiles ex se prius sint intelligibiles, quam ab intellectu divino cognoscantur. ibid.

Quaestio II. An, & quomodo Deus cognoscat Creaturas possibiles. 28

Sectio II. De Scientia Visionis. 31

Quaestio I. An futura contingentia Deus certo noverit. 32

Quaestio II. Quomodo, & in quo modo prius cognito Deus noverit futura contingentia. 36

Quaestio III. Quomodo conciliari possit certitudo divinae Scientiae cum rerum contingentia, & libertate humana. 44

Sectio III. De contingentibus conditionate futuris. 48

Quaestio I. An Deus certo noverit contingentia conditionate futura. 47

Quaestio II. An dentur in Deo decreta conditionate. 55

Quaestio III. An detur Scientia Media, qua Deus cognoscat futura conditionata ante decretum. 60

ARTICULUS III. De divino Intellectu pratico. 76

Quaestio Unica. An, quid, & quot sit huius divina. ibid.

DISPUTATIO SECUNDA.

De Voluntate divina.

ARTICULUS I. De divina Voluntate generatim. 86

Quaestio I. An, quid, & quotuplex sit divina Voluntas. ibid.

Quaestio II. Quodnam sit objectum primum divinae Voluntatis. 93

Quaestio III. An, & quomodo Deus amet Creaturas. 92

Quaestio IV. Quot, & quanam sint actus seu effectus divinae Voluntatis. 106

ARTICULUS II. De libertate Dei. 111

Quaestio I. An, & quotuplex sit divina libertas. ibid.

Quaestio II. In quo formaliter consistat divina libertas. 115

Quaestio III. An, & qualis sit distinctio, & ordo inter libera decreta divinae Voluntatis. 125

ARTICULUS III. De divinae Voluntatis Virtutibus, ac praecellentis. 131

Quaestio I. Quid, & qualis sit divina Sanctitas. ibid.

Quaestio II. An, & qualis iustitia sit in Deo. 136

Quaestio III. An, & quotuplex Misericordia sit in Deo. 144

DISPUTATIO TERTIA.

De Providentia divina, ejusque mirandis effectibus.

ARTICULUS I. De divina Providentiae existentia, natura, affectionibus, & effectibus. 147

Quaestio I. An revera sit in Deo rerum omnium Creaturarum Providentia, & cura. 148

Quaestio II. Quid, & quae sit divina Providentia. 157

Quaestio III. An, & quomodo defectus iam naturae, quam morum divinae Providentiae subjiciuntur. 164

Quaestio IV. An, & quomodo Deus rebus creatae immediatè provideat. 169

A 2 AR.

ARTICULUS II. De Prædeterminatione San-
ctorum. 174

Seçtio I. De Prædeterminatione generatim. ibid.

Quæstio I. An reverà aliqui homines à Deo
necessariò Prædestinentur. 175

Quæstio II. Quid sit prædestinatio. 179

Quæstio III. Qualis sit actus divina Præde-
stinationis. 181

Quæstio IV. Quodnam sit objectum divina
Prædeterminationis. 183

Quæstio V. An, & quæ sit Prædeterminationis
certitudo. 186

Quæstio VI. An, & quomodo conciliari queat
humana libertas cum invariabili Prædesti-
nationis certitudine. 193

Seçtio II. De causis Prædeterminationis. 202

Quæstio I. Quot, & qui fuerint Hereticorum
errores de causis divina Prædeterminationis. 203

DE PELAGIO.

Paragraphus I. Quis, & qualis fuerit. 207

Paragraphus II. Qualiter, & quando He-
reticus innovaverit. ibid.

Paragraphus III. A quibus primùm impu-
gnata, & in apertum latens Pelagii hæ-
resis deducba fuerit. 208

Paragraphus IV. Quæ scripserit Pelagius. 209

Paragraphus V. Quot, & qui fuerint Pela-
gii, ac Cælestii errores. 211

Paragraphus VI. Quanam arte Pelagius Con-
cilii Diospolitani Patres luserit. 213

Paragraphus VII. Quibus in Conciliis da-
mnatus fuit Pelagius. ibid.

Paragraphus VIII. Quos habuerit Assclas,
& Patrones. 216

Paragraphus IX. Quinam præcipui illius Im-
pugnatores, & Expugnatores. 217

Paragraphus X. Utrum Pelagius aliquando
suum errorem temperaverit, & tandem a-
liquod internum, ac necessarium gratia au-
xilium admisserit. 218

Paragraphus XI. Quibus de causis erraverit
Pelagius. 222

DE SEQUACIBUS PELAGII.

Paragraphus I. Quot, & qui fuerint Sèmi-
pelagianorum errores. 223

Paragraphus II. Qui fuerint Sèmi-pelagian-
orum principes, ac Magistri. 225

Paragraphus III. Qui fuerint Sèmi-pelagia-
norum Impugnatores, & damnatores. 229

DE HERESI PRÆDESTI-
NATIONORUM.

Paragraphus I. An reverà aliquando extite-
rit Hæresis Prædestinatio. 230

Paragraphus II. Quid objiciant Novatores
Hæresi Prædestinatio. existentiam negan-
tes. 232

Paragraphus III. Quinam fuerint Hæresis
Prædestinatio. Restauratores. 237

Quæstio II. An Prædestinatio ad gratiam fiat
ex prævisis meritis. 243

Quæstio III. An Electio efficax Prædestina-
torum ad gloriam merita prævisa antecè-
dat, vel supponat. 246

Quæstio IV. Quomodo hominum Prædestina-
tio decreta fuerit ex prævisis meritis Cbris-
ti. 278

Seçtio III. De Effectibus Prædeterminationis. 282

Quæstio I. Quot, & qui sint principes, &
directi Prædeterminationis effectus. 283

Quæstio II. Utrum bona naturalia sint sub-
sidiarii Prædeterminationis effectus. 288

Quæstio III. Utrum defectus, & mala tam
naturæ, quàm morum, sint occasionales Præ-
determinationis effectus. 292

ARTICULUS III. De Reprobatione. 295

Quæstio I. An, quid, & quotuplex sit Re-
probatio. ibid.

Quæstio II. An, & quæ sit causa Repro-
bationis. 299

Quæstio III. Quot, & qui sint Reprobatio-
nis effectus. 305

APPENDIX De Libro Vita. 307



TRACTATUS SECUNDUS THEOLOGICUS.

De Deo essentialiter operante.



Vulgare est Philosophicum effatum, quod operari sequatur esse, & rei cuiuslibet actio, & operatio ejusdem existentiam, & essentiam necessario præsupponat. Rationi itaque consentaneum est, &

Scientiæ Theologicæ tradendæ methodo valde congruum, ut qui hæcenus in apertienda, explicandaque divina Existentiâ, & Essentiâ suis omnibus præcellentiis, & Attributis tam Negativis, quàm Affirmativis omnem nostrum posuimus laborem; jam ad explicandas divinas Operationes tota nostra sese convertat exercitatio. Cum autem Theologis compertum sit, duplicem esse divinam operationem, Aliam quam dicunt *Essentialem*, tribus videlicet adorandis Personis communem; Aliam verò, quam *Nationalem* appellant, qua scilicet divina fecunditas in Verbi divini, & Spiritus sancti productione exuberat, & effunditur; hoc in tractatu, priorem solam auspicamur explanandam, posteriorem autem in Tractatu de Trinitate, recto, jussuque ordine transmittimus referendam.

Quoniam autem duplici Deus illustratur activa, & operativa potentia, Intellectu videlicet, & Voluntate; ut exacta, & accurata utriusque divinæ facultatis, & oper-

ationis habeatur notitia præsentem Tractatum tres in Disputationes distribuemus: quarum *Prima*, illa omnia, quæ divinum intellectum spectant, aperiet: *Secunda* divinæ voluntatis operationem virtutem, & characteres referabit: *Tertia* denique operationes intellectui simul, ac voluntati communes, nimirum Providentiam tam generalem circa Creaturas quaslibet, quàm specialem circa singulas Creaturas ratione præditas suum in finem ordinandas, & erigendas per Prædestinationem; explanabit.

DISPUTATIO PRIMA.

De Intellectu Divino, & Scientia Dei.

In intellectu operationem voluntatis exercitium natura, aut ordine saltem antecedere, Philosophis omnibus compertum est, nihil enim volitum, quin præcognitum: ideoque recta, jussuque methodo prius de divino intellectu, quàm de voluntate divina differendum est: quod ut fiat planius, & accuratius, præsentem Disputationem tres in Articulos distribuimus. Quorum *Primus* Intellectum ipsum, quatenus est operativus explicabit. *Secundus* varias illius intellectus operationes, &

A 3 scien-

scientias aperiet, seu intellectum divinum ut scientificum explicabit: *Tertius* denique ipsummet divinum intellectum ut *prædictum*, seu ut ideis divinis fecundatum, exponet.

ARTICULUS PRIMUS.

De Intellectu Divino quatenus est potentia operativa.

Non levis est inter Theologos disceptatio, num in Deo admittenda sit intellectiva facultas, ab ejus essentia formaliter, aut virtualiter, aut saltem ratione distincta: illam qui propugnant, non invicem de propriis ejus caracteribus, & objecto consentiunt. Quocirca tres censuimus proponendas esse Quaestiones sequentes, in quarum *Prima* existentiam, quidditatem, & ab *Essentia* divina ipsius divini intellectus distinctionem resolvemus; in *Secunda* ejusdem divini intellectus objectum primum; in *Tertia* verò ipsius objectum secundarium aperiemus.

QUÆSTIO PRIMA.

An, & quid sit Intellectus Divinus, seu Potentia Dei intellectiva.

Notandum 1. potentiam intellectivam in Deo, posse trifariam usurpari: *Primò Præcisivè*, quatenus nimirum significat id cui non repugnatactū intelligere, abstrahendo videlicet ab eo, quod Deus actu intelligat, eo scilicet modo quo quis dicitur posse loqui, dum actu loquitur; non enim de facto loqueretur, nisi loquendi vim, & capacitatem haberet: *Secundò Negativè*, quatenus nimirum negat actualem intellectionem; sicut enim quando Petrus dicitur posse esse actu, illa possibilitas negat actualem existentiam Petri, qui dumtaxat existens, non amplius erit possibilis; ita pariter ego possum actu intelligere id, quod non intelligo actu: *Tertio denique Activè, & operativè*, pro facultate vitaliter elicictiva actualis intellectionis. Hæc autem sic usurpata potentia, iterum triplex dicitur, nimirum. 1. *Productiva*, quæ verè producit intellectionem, seu Verbum mentis tamquam terminum realiter à se distinctum. 2. *Receptiva* quatenus recipit intellectionem, seu Verbum mentis productum.

3. *Operativa*, quæ nimirum verè, & realiter intellectionem actualem non producit: Sed est veluti fons, & radix, unde ipsa immediata intellectio metaphysicè emanat, sicut attributa ab essentia immediatè effluunt. De hac præcisè solum præsens movetur Quæstio, an videlicet talis in Deo sit admittenda facultas.

Notandum 2. Hoc esse discrimen inter intellectum, & intellectionem, quod ille sit actus primus intelligendi, seu activitas substantiæ spiritualis ad cognoscendum, & percipiendum objectum intelligibile: hæc autem est actus secundus, quia nimirum operatio substantiæ spiritualis, qua de facto objectum intelligibile percipit. Ille autem dicitur *actus primus*, quia nimirum est prima ratio cur substantia spiritualis sit capax percipiendi objectum intelligibile: hæc autem dicitur *actus secundus*, quia nimirum emanat ab ipsamet vi, & capacitate intelligendi, velut effectus à causa; Unde prior non solum dicitur *actus*, sed etiam *potentia*, eo quod ordinetur ad ulteriorem actum, qui ab eo emanat, & cum ultimo perficit: Posterior verò simpliciter *actus* nominatur, quia nimirum est ipsius virtutis intellectivæ quasi formam ultimò perficiens in ratione intelligendi.

Notandum 3. Ut aliquid dicatur intelligens, & sciens in actu primo, tria solitò desiderari. *Primò* quidem ut habeat vim, & activitatem, seu potentiam ad intelligendum. *Secundò*, ut habeat objectum intelligibile præsens, vel per se immediatè, vel per vicariam sui speciem. *Tertio* denique ut habeat facilitatem percipiendi tale objectum, sive per activitatem sibi innatam, sive per habitum comparatum. Autem hæc tria in Deo reperiantur saltem secundum aliquam proportionem, & similitudinem, invicem non consentiunt Authores; *Quidam* namque volunt in Deo præter objectum intelligibile, etiam necessariò prærequiri aliquid quod habeat rationem speciei intelligibilis determinantis intellectum ad perceptionem objecti. Volunt item *Aliquicquam* admittendam esse quandam formalitatem per modum habitus, qua divinus intellectus promptè, & expedite percipiat objectum intelligibile. *Tria* sunt itaque hæc in quæstione resolvenda. Primum, an sit aliqua virtus intellectiva in Deo, tum ab essentia, tum ab actuali intellectione formaliter distincta. Secundum, an hæc vir-

tus

tus concipi debeat complenda per speciem impressam, aut habitum, antequam concipiatur actualis intellectio. Tertium, an hæc divina virtus intellectiva varios, ac multiplices habeat actus, an verò unicum simplicem, & indistinctum realiter.

CONCLUSIO PRIMA.

Admittenda est in Deo virtus intellectiva ab Essentia divina, & intellectioe formaliter distincta. Hæc est expressa Doctoris sententia, ut colligi potest ex variis ejus assertionibus quas in longum refert Smising. Tract. disp. 2. n. 12. Primum quidem quod intellectus ut est vis, & potentia intellectiva distinguatur formaliter ab Essentia divina, aperte indicat Doctor in primum dist. 13. ubi ait, *Personas, & productiones divinas esse formaliter distinctas seipsi, & tamen principiatæ, seu origine distingui a suis principijs, intellectu scilicet, & voluntate, quæ non tantum distinguuntur ratione, sicut argumentum est contra penultimam opinionem, sed intellectus formaliter non est voluntas ex natura rei: Ergo pariter Essentia propter paritatem rationis.* Insuper dist. 26. quæst. unica, *Productio non convenit soli Essentia ut Essentia est, tanquam productiva: sed etiam intellectui, & voluntati tanquam principio productivo cum Essentia.*

Quibus Doctor aperte duo fatetur, primum quidem vim intellectivam in Deo habere rationem principij, seu potentia: Secundum autem illam potentiam esse ab essentia distinctam. Quod confirmatur ex eodem dist. 8. qu. 4. maxime autem qu. 2. quodlibet in 3. responsione ad primam sententiam, ubi docet Essentiam divinam esse principalem, non tamen totale principium productionis ad intra; sed cum intellectu, & voluntate constitutur unum, & totale principium. Si quæras, inquit, istorum duorum concurrentium in principio formalis, nonne alterum est principium formale, & reliquum concomitans? Ergo ab illo alio formalis, vel diceretur principium formaliter idem, vel omnino alterum. Respondet, *duosque concurrunt, principium, scilicet memoria perfecta, essentia, & intellectus, & in voluntate perfectas, voluntas, & obiectum diligibile præsens; non se habent per accidentis, nec sicut remotum principium, & propinquum: sed totum hoc, intellectus infinitus habens obiectum infinitum intelligibile sub præsens, est per se unum (totale)*

principium; ita quod alterum sine altero non est principium producendi: & idco est unicum totale principium simpliciter productivum, non distinctum in duo principia productiva per accidens se se concomitantia. Similiter de voluntate, & obiecto respectu inspirationis, & consensu, & de terminis respectu productionum. Si quæras quare non possit Essentia sola, ut distinguitur contra voluntatem, & intellectum, esse principium communicandi se; Respondeo essentia merè intellectualis, non est principium alicujus productionis, nisi ut coincidit cum memoria, & voluntate.

Quod autem etiam censcat vim intellectivam ab actuali divina intellectioe distingui, aperte satis indicat in primum dist. 2. qu. 2. ubi probat intellectum, & voluntatem realiter identificari Essentia divinæ quia intellectio, & volitio ipsimet divinæ Essentia realiter identificantur; cum tamen intellectio, & volitio ordine rationis posteriores sint intellectu, & voluntate. Velle, inquit, intelligitur quasi posterius voluntate; si ergo velle est idem illi naturæ, multo magis voluntas. Idem de intellectu subdit, *Rationem intelligendi esse ex se necessario esse, si intelligere (hoc est intellectio) actuale sit necesse esse; ratio enim intelligendi se quasi præintelligitur ipsi intelligere.* Quibus Doctor aperte indicat, intellectionem, & vim intelligendi ex natura rei esse distinctas. Pater idipsum ex innumeris prope modum ejus textibus, maxime in primum dist. 2. qu. 7. & dist. 13. qu. unica ad secundum principale, & dist. 35. qu. unica, ad secundum, & quodlibet 1. art. 3. ubi disertè affirmat intellectum, & voluntatem esse potentias, & actus primos, non tantum productivos respectu Personarum procedentium in Deo; sed etiam operativos respectu actus intelligendi, & volendi essentialis communis tribus adorandis Personis.

Hæc eadem veritas probatur ratione: Primum quidem quod potentia intellectiva distinguatur formaliter ab Essentia divina, jam satis superque probatum est, ubi egimus de distinctione formali divinitus attributorum ab Essentia divina. Quod pariter hæc divina virtus intellectiva ab actuali intellectioe formaliter distinguatur, etiam aperte patet, Tum quia plura justificantur de intellectu divino, quæ intellectioi actuali non conveniunt; nam intellectus est ratio quare in Deo sit intel-

lectio, quod ipsimet intellectio non quædrat; idem enim non est ratio sui ipsius. Insuper intellectio denominat Deum intelligentem; intellectus autem solum eum denominat intellectivum: Ergo non sunt idem. Denique intellectus est principium cum Essentia divina processionis Verbi, quod intellectio non convnit: Ergo intellectus, & intellectio distinguuntur.

Secundo ut verè intelligatur intellectiva potentia in Deo per modum actus primi, sufficit quod concipiatur vis intelligendi, absque eo quod concipiatur Essentia divina, & actualis Dei cognitio: sed possumus intelligere eam illam vim non cogitata ipsius essentia, & intellectione actuali: Ergo verè intelligi potest in Deo potentia intellectiva distincta ab essentia, & actuali intellectione. *Minor* patet: Utenim talis virtus intellectiva concipiatur sufficit quod apprehendatur Deus quatenus nimirum est substantia spiritalis prædita virtute intelligendi, & volendi, non attendendo ad ejus essentialia prædicata, nec ad actualem ejus cognitionem.

Tertio potentia intellectiva est perfectio simpliciter simplex, nullam in suo conceptu involvens imperfectionem: Ergo est in Deo assertenda: Patet consequentia; Deus enim, ut jam abundè probatum est, omnes omnino perfectiones simpliciter simplices formaliter complectitur, Probat *antecedens*: Melius est enim habere vim intelligendi quàm non habere, & omnes illæ imperfectiones, quæ creatam intellectione circumstant, putà quod sit actus realiter à facultate intellectiva distinctus, & in ea receptus per modum qualitatis, facile possunt à divina intellectiva virtute removeri: adeoque nihil obstat quominus hæc divina vis intelligendi censatur esse perfectio simpliciter simplex.

Denique, si quid officeret quominus potentia intellectiva Deo tribueretur, maxime quia cum Deus sit purus actus, ipsum omnis potentia dedecet: & consequenter etiam ipsi repugnat potentia intellectiva: sed hæc ratio nulla est: siquidem farentur omnes Adversarii, in Deo reperiri intellectum per modum potentie productivæ Verbi divini, quidni ergo etiam reperiri posset potentia intellectiva? non quidem productiva intellectiois, sed tantum illius operativa, seu perfectio illi ex qua velut à radice alia perfectio metaphysicè ema-

nat; eo scilicet modo quo attributa divina ab essentia prosuunt, & ab ea distinguuntur.

Dices 1. Sanctus Maximus Martyr, *para. 1. tit. 3.* disertè affirmat omnem à Deo removendam esse intellectivam potentiam, & intellectioem, Deus, inquit, neque intelligens dicitur propriè, neque intellectus, ne compositus existimetur; nam, & quod intelligens est, secum unà consideratam habet intelligendi facultatem: & quod intelligitur, ad hoc ipsum ut intelligatur, eandem habet facultatem: Sed neque intellectio dici potest, nam intellectio natura sua subiectum habet capacem sui substantiam. Quare superflui ut supra hæc omnia constituuntur.

Respondeo: Ipsum esse intelligendum de intellectu per modum potentie receptivæ intellectiois accidentalis ab ea realiter distinctæ, similiter de intellectione, quæ sit qualitas accidentario efficiens, & perficiens potentiam intellectivam à qua producit, & in qua recipitur: non autem de potentia intellectiva, & intellectione solum formaliter ab Essentia divina distincta, ipsique realiter identificata: Unde subdit, *Nisi forte illum intellectioem esse dicamus; ut si ipsa intellectio secundum substantiam, ac totum intellectio, & solum intellectio, & intellectio supra intellectioem.*

Obijciunt 2. Quidquid divinam simplicitatem, & puritatem, & infinitatem excludit, in Deo non debet admitti: sed si actus primus intelligendi propriè dictus, sit in Deo, etiam per rationem, & si sit potentia intelligendi propriè sumpta, & prout distinguitur ab actu secundo, excludit hæc tria: Ergo actus primus intelligendi propriè dictus non est in Deo etiam per rationem. Probat *minorem*: Illud quod essentialiter includit receptionem, & distinctionem, excludit simplicitatem, puritatem, & infinitatem: actus primus intelligendi propriè dictus essentialiter includit distinctionem, & receptionem: Ergo excludit simplicitatem. Probat *minorem*: Actus primus intelligendi prout distinguitur ab actu secundo, constituitur formaliter per vim productivam, & receptivam intellectiois: sed vis productiva, & receptiva intellectiois formaliter includit distinctionem, & receptionem, nam ubi est productio ibi est distinctio realis: Ergo actus primus intelligendi propriè dictus formaliter dicit re-

ceptionem, & distinctionem. Probat *major*: Actus primus intelligendi constituitur per aliquid quod non potest esse illi commune cum actu secundo intelligendi: sed nihil aliud convenit actui primo, quod actui secundo non conveniat, præter virtutem productivam, & receptivam: Ergo per illas constituitur actus primus intelligendi.

Nego minorem: Et ad omnes illius probationes dico, Adversarios in his assignandis longè à vero exorbitare, nec nostram sententiam assequi; non enim asserimus intellectum divinum esse productivum, & receptivum intellectum, sed tantum operativum esse, & veluti originalem perfectionem, à qua intellectus, veluti rivulus à fonte, & radius à Sole, effluit; eo scilicet modo, quo divina attributa emanant ab essentia; cum ergo attributa nullatenus divinæ simplicitati, puritati, & infinitati officiant, nec pariter quidquam officit intellectivæ potentiz ab essentia, & intellectione formalis distinctio.

Obijciunt 3. ex Aureolo: Essentia divina non minus est eadem cum via intellectione, quam aliqua qualitas sic eadem cum intellectione creata: sed quædam qualitas est formaliter eadem cum intellectione creata: Ergo pariter intellectio divina est eadem formaliter cum essentia; adeoque non datur in Deo potentia intellectiva à qua hæc intellectio emanet.

Nego majorem: Falsum enim est non posse strictiorem reperiri identitatem in conceptu creato, quam in increato: Major enim est, & strictior identitas inter hominem, & humanitatem, quam inter divinam essentiam, & paternitatem divinam: Ergo licet aliqua qualitas sit eadem formaliter cum intellectione creata, unde non sequitur intellectiorem divinam eandem esse formaliter cum Essentia divina.

Urgens ex eodem: Divina essentia est formaliter vivens: Ergo & formaliter intelligens, & volens; & consequenter intellectio, & volitio ab Essentia divina formaliter non discrepant. Patet prima sequela, quia vita intellectualis non consistit in alia operatione, quam in intellectiione, & volitione. Patet etiam secunda: Si enim intellectio formaliter ab essentia distinguitur, hæc non erit formalis intellectio, adeoque nec vivens intellectiione formaliter; vivens enim formaliter non distinguitur à

sua vita. Probat *antecedens*: Divina enim essentia ratione suæ infinitatis involvit omnem perfectionem, quæ est absque imperfectione, vita autem nullam imperfectionem includit: Ergo Essentia divina formaliter est vivens.

Distinguo antecedens: Essentia divina est formaliter vivens, si vita formalis accipitur pro primario actu vitalis operationis cum ipsa, seu pro principio vite, concedo; Si sumatur vita pro ipsamet vitali operatione, quæ est intellectio, & volitio, nego: Sic enim Essentia divina non formaliter, sed identice solum dicitur vivens, quia scilicet operationes vite, quæ sunt intellectio, & volitio, ab ea non distinguuntur realiter, sed ipsi identificantur.

Instat iterum ex eodem: Si volitio, & intellectio non sint formaliter idem cum Essentia divina, hæc erit in potentia ad intellectiorem, & volitionem, adeoque non erit actus purus, & ultimus: Non quidem actus purus, quia potentialitatem involveret; Nec etiam actus ultimus, quia diceret ordinem ad ulteriorem actum, nimirum ad intellectiorem, & volitionem à quibus determinaretur, & perficeretur: sed consequens est absurdum: Ergo & antecedens.

Distinguo majorem: Essentia divina non foret actus purus realiter, & quatenus actus opponitur potentiali existentiz, nego: Non esset actus purus formaliter, quatenus nimirum ordinaretur ad aliquam formalitatem, quæ ab ipsa emanaret, & ipsam identice perficeret, concedo: Similiter non esset actus ultimus, hoc est, diceret ordinem ad aliquam formam realiter ab ipsa distinctam, nego: Non esset actus ultimus, hoc est, daretur aliqua formalitas ab illa divina Essentia profluens, ipsamque identice perficiens, & quæ esset realiter ipsamet essentia, concedo: & sic nego minorem: nam ut jam diximus de attributis divinis, nulla est in Essentia divina imperfectio, quod habeat attributa formaliter à se distincta, & sui perfectiva.

Obijciunt 4. Idcirco in Creaturis datur potentia, quæ sit principium actionis distinctum ab essentia creata, quia hæc essentia ratione suæ finitæ perfectionis, & limitatæ entitatis, non potest esse immediatum principium suæ operationis; sed essentia Dei est infinita: Ergo ipsa immediate est principium operationis. *Confirmatur*, sicut in

in Creaturis proprietates immediatè ab essentia profluunt, cum intellectio divina actualis strictiorem habeat unitatem cum Essentia divina, quam proprietates creatæ cum essentia sua; consequens est quod illa actualis divina intellectio etiam immediatè ab Essentia divina profluit, adeoque non datur aliqua potentia intellectiva media inter intellectiorem, & diviniorem essentiam.

Respondeo 1. Hoc argumentum nimis probare & exinde enim sequeretur, quod ipsamet Essentia divina dici posset immediatum principium Personarum divinarum, sicque Filius, & Spiritus sanctus immediatè procederent à Natura divina, non autem mediantibus intellectu, & voluntate, quod aptè negant omnes Theologi contra Durandum.

Respondeo 2. Discrimen hoc esse inter operationes, & proprietates, quod operationes, & actus non sint immediatè perfectiones essentiae, sicut sunt proprietates, sed immediatè perficiunt potentias à quibus oriuntur, & mediantibus potentiis essentiam afficiunt, & perficiunt. Quamquam enim ab ipsa essentia remotè profluant, nihilominus quoniam diversæ sunt operationes intellectio, & volitio, ideo assignandæ sunt etiam diversæ potentiae, seu rationes, à quibus emanant, & distinguantur: volitio enim, v. g. aliter provenit ab essentia, quam intellectio; nam volitio emanat ab essentia, ut est appetitiva, intellectio autem ut est intellectiva. Quò sit ut assignandæ sint necessario duo principia proxima distincta, & immediata, quorum unum sit appetitivum, aliud autem intellectivum, seu intellectus, & voluntas, quæ scilicet principia ab Essentia divina, & suis operationibus formaliter distinguantur.

Obijciunt denique quidam Scotistæ: Doctorem Subilem nostræ sententiæ directè adversari, ipse namque in 1. diff. 26. q. unica n. 15. negat intellectum, & voluntatem esse attributa divina, sed dicit ipsamet esse Dei essentiam, Deumque essentialiter intelligere, & velle, *Essentia divina*, inquit, *circumscriptio* omni eo quod est quasi qualitas, *habet in se*, ut essentia est, *illa quæ sunt principia propria operationis convenientis Deo*; huiusmodi sunt intelligere, & velle. Concedo igitur quod propriè vocando attributa illa sola, quæ quasi qualitates perficiunt in esse secundo rem præsuppositam in perfecto esse primo, sci-

licet quantum ad omnem perfectionem, quæ convenit ei, ut est substantia, hoc modo intellectus, & voluntas non sunt attributa, imò sunt quædam perfectiones intrinsecæ in essentia ut præintelligitur omni quantitati, & qualitati. Et paulo post, cum intellectus sit quædam vita, & voluntas quædam vita, non erunt propriè attributa. Et rorsum: Sicut rationalitas non est attributum homini, sic non intellectualitas huic essentiae. Denique intellectualitas, inquit, dicit modum intrinsecum huius, propriè autem attributa sunt sapientia, & caritas, & alio modo transcendentiæ, puta veritas, & bonitas.

Similiter in quodlibetis quæst. art. 1. 6. de altero termino, ait, *Intellectualitas est idem essentialiter Essentiae divinae, sic intelligendo, quod non tantum est idem realiter ipsi Essentia, & hoc identitate simplici, sicut forte quodcumque attributum ponitur idem ipsi Essentiae, sed hoc modo est idem sibi, quòd si ipsa Essentia divina definiretur, intellectualitas non esset extra ejus definitionem, sicut sapiens, & bonum*: Unde inferunt nonnulli Scotistæ cum Lycheto in 1. diff. 8. q. 3. intellectum, & voluntatem non esse attributa; sed vel prædicata Essentialia, vel Modos intrinsecos ipsius divinæ Essentiae.

Nego majorem: Nec enim ea est mens Doctoris: sed tantum Doctor ibi loquitur de intellectualitate, quatenus nimirum intellectualitas est modus entis contrahens illud ad substantiam intellectualem, quæ est radix, & fundamentum non solum intellectivæ, sed etiam volitivæ potentiz. Nec refert, quòd dicat intellectualitatem dicere modum intrinsecum huius essentiae, sicut infinitas, quæ non est de quidditate Deitatis, sed ejus modus intrinsecus: Dicit enim Doctor ibi non usurpare modum intrinsecum propriè, & strictè; quatenus est quid distinctum à quidditate & nam ibidem comparat divinam intellectualitatem cum rationalitate hominis, quam constat esse de quidditate hominis, & ejus differentiam essentialem: sed accipit modum intrinsecum, quatenus distinguitur ab attributis omnemque rationem objectivam comprehendit, quoniam adequato rei conceptu involvitur, in quo nimirum intellectualitas cum infinitate convenit, licet propriè non sit modus intrinsecus sicut infinitas.

CONCLUSIO SECUNDA.

Nulla admittenda est in Intellectu divino formalitas, quæ habeat rationem speciei impressæ: Admittitur tamen in eo formalitas habens rationem habitus distincti formaliter ab essentia: sed indistincti ab ipsomet intellectu. Hæc Conclusio tres habet partes.

Probatur prima pars: Idcirco requiritur species impressa in intellectu, vel quia obiectum est absens, vel quia est improporcionatum, vel quia non est sufficienter per se motivum intellectus ad formandam intellectionem: sed ex neutro capite talis species necessaria est intellectui divino: Siquidem essentia divina est obiectum intum præsens, & sufficienter proportionatum ipsimet intellectui: quippe cum Essentia divina sit infinite intelligibilis, & intellectus infinite intellectivus, etiam per se movet sufficienter immediatè ipsummet intellectum ad sui cognitionem: movere namque intellectum, nihil aliud est, quam obiectum ipsi manifestari, & exhiberi cognoscendum; certum autem est Essentiam divinam per se ipsam immediatè ita manifestari intellectui divino, adeoque pariter certum est ipsam immediatè movere intellectum divinum ad sui cognitionem intuitivam.

Confirmatur: Non minor est perfectio, & virtus Essentiz divinæ, quam substantiz Angelicæ: sed substantia Angelica per se sufficit, nullaque specie impressa indiget ut determiuet, & moveat intellectum Angelicum ad sui cognitionem: Ergo multo magis Essentia divina per se sufficienter erit motiva intellectus divini ad sui cognitionem: proindeque frustranea esset aliqua formalitas gerens vicem speciei impressæ in ipsomet intellectu divino.

Secunda pars est expressa Doctoris sententia, qui pluribus in locis affirmat admittendam esse in Deo Scientiam, & Sapientiam habituaalem, distinctam formaliter ab Actuali, & ab Essentia divina cujus est attributum, idque fusiùs probabimus in sequenti Articulo, aperiendo videlicet essentiam, & characteres Scientiz divinæ.

Tertia pars autem est etiam conformis sententiz Doctoris maxime in 4. d. 46. q. 4. ubi disertè affirmat virtutes divinæ voluntatis non esse formaliter à voluntate distinctas: Quia, inquit, voluntas ex hoc quod infinita, magis sufficit ad omnem restituendi-

nem actus, quam aliqua virtus re vel ratione distincta, superaddita. Quasi diceret, ubi principium volendi, & intelligendi ex sua formali ratione sufficiens est per se ad omnem actum intelligendi, & volendi, non requiritur in eis ulla virtus ab ipsis formaliter distincta: sed intellectus, & voluntas in Deo sunt principia per se sufficientia ad actum intelligendi, & volendi, cum utrumque sit principium infinitum: Ergo nullum ad id requirunt habitum formaliter à se distinctum.

CONCLUSIO TERTIA.

Actus divini intellectus non est multiplex; sed unicus, & indivisibilis tam realiter, quam formaliter: Hæc est communis inter Theologos, illamque tenent sancti Patres, maxime sanctus August. lib. 15. de Trinitate cap. 14. ubi postquam docuit Patrem, & Filium se mutuo, & in se omnia cognoscere; cuiusmodi sit illorum cognitio, his verbis aperit. *Sciunt ergo invicem Pater, & Filius; sed ille gignendo, ille nascendo; & omnia quæ sunt in eorum scientia, in eorum Sapientia, in eorum Essentia, unusquisque eorum simul videt, non particulatim, aut singulatim, vel ut alternante conspectu, hæc illic, & inde hæc, & rursus inde, vel inde in aliud atque aliud, ut aliqua videre non possit, nisi non videri alia: Sed, ut dixi, simul omnia videt, quorum nullum, quod non semper videt. Et in lib. 11. de Civitate Dei: Cæterum dictus est, in Scripturis sanctis Spiritus sapientie multiplex, eo quod multa in se habeat, sed quæ habet, hæc & est, & ea omnia unus est, neque enim multa, sed una Sapientia est, &c.*

Accedat & Petrus Damianus, qui Deum affirmat sic omnia tempora intra suæ provisionis arcana complècti, ut nec novum aliquid sibi penitus accedat; nec aliquid ab eo per cursus momenta recedat: sed nec diversis obtutibus diversa confidat; ut cum attendit præteritis, vacet à præsentibus, vel futuris: vel rursus cum præsentia, five futura considerat, oculos à præsentibus avertat: sed uno dumtaxat, ac simpliciter præsentissimæ maiestatis intuitu simul omnia comprehendit: neque hoc confusè, atque inexplicatè; sed omnia discernit, atque juxta proprietatum suam quæque distinguit.

Hanc pariter veritatem agnovit Ammonius

nus in Commentariis ad librum Aristotelis de Interpretatione, ubi cum dixisset Deos omnia cognoscere præterita, præsentia, & futura: sed eo modo qui Diis consentaneus est, hoc est una, & determinata, & immutabili cognitione, subdit: *Nam & eas res, quæ divisibiles sunt, indivisibiliter, ac sine ullo intervallo nosse illos necesse est; & quæ multiplicia sunt, singulariter; & quæ temporalia sunt, æterno modo, & quæ facta sunt in factis.*

Huius autem veritatis ratio aperta est, tum quia actus divini intellectus cum sit infinitus, æquivaleret omnibus omnino obiectis etiam infinitis tam intensivè, qualis est Essentia divina, quam extensivè, si nempe Creaturæ possibiles sint numero infinitæ. Tum quia cum Deus sit omnino invariabilis, non potest alterari actus habere, & ab una cognitione in aliam transire. Tum denique quia nulla apparet ratio, quæ suadere possit divinæ cognitionis entitativam multipliciter: Ergo non est admittere.

Quæcumque hanc adversus Conclusionem possunt obijci, partim soluta sunt ex dictis de Immutabilitate divina, partim verò solvantur ex dicendis de Invariabilitate divinæ scientiæ: idcirco sit

QUÆSTIO SECUNDA,

Quodnam sit obiectum primum Divini Intellectus.

Ide nedum, sed etiam naturali ratione constat Deum seipsum cognoscere, unde Christus Matthæi 11. *Nemo novit Filium nisi Pater, neque Patrem quis novit nisi Filius:* Et primæ ad Corinthios 2. *Spiritus omnia scrutatur etiam profunda Dei.* Quæ veritas Gentilis Philosophos non latuit; Alcinous namque cap. 10. Platoniorum sententiam exprimens, ait: *Quoniam prima mens præstantissima est, necesse est præstantissimæ ei intelligibile propostum esse; nihil autem seipsum præstantius habet: quare seipsam novitque suas semper intelligit:* Id ipsum aperta alia suadet ratio; cum enim omnia Deus à se distincta clarè & intuitivè cognoscat, consequens est ut seipsum maxime intueatur: sibi namque nedum est intimè præsens, sed etiam obiectum summè proportionatum, utpote infinitum intelligibile intellectui infinitæ activitatis, & vivacitatis si-

bi propostum: Unde eleganter ait Syneus, Deus sui ipsius oculus est, quia seipsum, & sua omnia per seipsum immediate intuetur. Solum itaque hic restat examinandum qualiter Deus seipsum cognoscat; quod ut pateat evidentiis,

Notandum primò, quod licet in cognitione Creatæ, sic & in Increatæ distingui potest duplex obiectum, *Materiale* videlicet & *Formale*; Idque vel *primum*, vel *secundarium*: Rursum vel *motivum*, vel *terminativum*. Materiale quidem est id quod cognoscitur, formale vero est illa specialis obiecti ratio sub qua percipitur, quæque cognitionem specificat, eamque distinguit ab alia ejusdem obiecti cognitione secundum alteram formalitatem in ipso cognoscibilem: Primum dicitur quod cognoscitur præcisè ratione sui: Secundarium autem quod percipitur tantum ratione connexionis quam habet cum alio. Denique Motivum est ratio movens intellectum ad hanc obiecti cognitionem, & eorum quæ in ipso sunt: Terminativum autem est ipsamet obiecti entitas in quam cognitio intellectus tendit. Hic sermo est de obiecto primario materiali tam motivo, quam terminativo divini intellectus, secundarium autem assignabimus in questione sequenti.

Notandum secundò: Varia esse Theologorum placita de primario divini intellectus obiecto; *Quidam* enim affirmant illa omnia quæ formaliter in Deo sunt, sive essentialia, sive attributiva, sive absoluta, sive relativa, obiecti primarii rationem sortiri: *Nonnulli* docent essentiam simulcum attributis obiectum esse primum divini intellectus; relationes verò divinas inter obiectum secundarium esse reponendas. *Alii* denique contendunt, Essentiam divinam, quatenus præcindit ab attributis, esseque sors & origo unde perfectiones divinx effluunt, solum obiecti primarii appellationem sibi vindicare. Certum quidem est Essentiam divinam meritiò affirmari primum divini intellectus obiectum non solum primatate dignitatis, quia cum sit omnium divinarum perfectionum sors, & origo, etiam præcipuum est earum caput: sed etiam primatate ordinis naturæ. Eatenus enim unumquodque censetur esse intelligibile, quatenus est, maxime respectu intellectus infinitè perfecti qui necessariò cognoscit omnia eo ordine quo sibi ratio-

— nem

nem entis, & intelligibilitatis vendicant: qua ratione Deus primò concipi potest à nobis mortalibus suam Essentiam cognoscere, tum Attributa, deinde Relationes divinas, demum Creaturas possibiles, tandem Creaturas actuales, ut docet Doctor in *primum dist. 35. num. 10. & q. 14. quodlibet. ca.* Solum itaque movetur præsens quæstio de objecto primario motivo divini intellectus tum ad cognitionem Deitatis, tum ad perceptionem eorum omnium quæ in ipsa Divinitate continentur.

Notandum tertio: Hoc esse discrimen inter cognitiones quibus res aliqua dicitur in seipsa, vel in alia, vel ex alia cognosci: quòd cognoscatur *in seipsa*, quando sibi ipsi est primaria & sufficientissima ratio, tum ad sui, tum ad eorum quæ in ipsa sunt, exactam perfectamque cognitionem habendam: Dicitur *in alia* cognosci, quando cognoscitur illud directè in quo res ipsa cognoscenda continetur; sic v. g. cognita directè essentia, indirectè cognoscuntur proprietates ab illa emanantes, & directè cognita causa, indirectè detegitur effectus cuius est gravis: Tandem aliquid censetur *ex alio* cognosci, quando nimirum unius cognitio alterius cognitionem gignit, sic conclusio cognoscitur ex præmissis; præmissæ namque cognitz causant ipsius conclusionis cognitionem & assensum. Quibus prænotatis duo sunt maxime hæc in quæstione resolvenda: Primum quidem quodnam præcisè habeat rationem objecti primariò moventis, & determinantis divinum intellectum: Secundum autem quomodo Deus seipsum cognoscat, an videlicet solum in seipso, an ex Creaturis, vel etiam in Creaturis.

CONCLUSIO PRIMA.

Essentia divina est objectum primarium motivum intellectus divini, tum ad sui, tum ad creaturarum cognitionem. Hæc est expressa Doctoris sententia, ut colligi potest ex variis ejus textibus maxime *q. 3. Prologi n. 13.* ubi expressè docet Essentiam divinam esse primum objectum totius Theologiæ seu Scientiæ Dei: *Totius*, inquit, *Theologiæ in se*, & *Dei & Beatorum, primum subiectum est Essentia ut hæc*: Id est præcisè quatenus Essentia est, & prout præcindit ab his omnibusquæ in ea continentur, vel formaliter, vel eminenter, vel virtualiter.

Eadem repetit in *1. dist. 3. quæst. 3. num. 5.* *Sicut autem prædictum est*, inquit, *in quæstione de objecto Theologiæ, Essentia divina ideo est primum objectum intellectus divini, quia ipsa sola movet intellectum divinum, & ad cognoscendum se, & omnia alia cognoscibilia ab ipso intellectu.* Denique in quæst. 15. quodlibetica in fine articuli secundi, ait, *Lapidem videri in Essentia divina, at objectum secundarium in primo objecto movente proprio intellectu, id est divinum, ad intellectum secundum.*

Patet eadem veritas ratione: Illud enim est objectum primò motivum intellectus divini, tum ad ipsius Deitatis, tum ad illorum omnium, quæ in Deitate sunt, cognitionem, quod est omne ens intelligibile quodque in se continet, aut formaliter, aut virtualiter omnium entium intelligibilitatem: sed talis est divina Essentia, ipsa namque radicaliter continet omnes Deitatis perfectiones quæ ab ipsa metaphysicè emanant; continet etiam virtualiter intelligibilitatem omnium Creaturarum quæ sunt participationes quædam ipsius divinæ Entitatis: Ergo hæc essentia, præcisè quatenus essentia est, est objectum primum motivum intellectus divini.

Deinde: Si quod aliud assignari posset objectum primum motivum divini intellectus, maxime vel attributa divina, vel omnipotentia quatenus nimirum virtualiter continet omnes Creaturas quas potest producere, sicut causa suum præcontinet effectum: sed neutrum dici potest: *Non quidem primum*, quia cum attributa, nec formaliter, nec radicaliter divinam Essentiam contineant, etiam movere nequeunt divinum intellectum ad ipsius essentiz cognitionem.

Adde quòd unum attributum etiam aliud non continet formaliter, aut radicaliter; sed solum identicè, & ratione divinæ Essentiz, ac infinitatis in qua realiter invicem identificantur, adeoque nullum eorum attributorum potest habere rationem objecti primarij respectu divini intellectus. *Non etiam secundum*; hæc enim divina omnipotentia virtualiter quidem continet Creaturas quas potest producere, sicque respectu earum potest habere rationem objecti primò moventis ad ipsarum cognitionem: secus est autem de divina Essentia ejusque attributis, quæ cum in ipsamet omnipotentia nec virtualiter nec formaliter con-

contineantur, idcirco nec per illam cognosci possunt: adeoque omnipotentia non potest habere rationem objecti primario moventis intellectum divinum ad cognitionem Essentiae divinae & attributorum.

Denique: Illud necessarii statuendum est objectum primarium movens divinum intellectum, quod primario habet rationem intelligibilis: sed ipsamet divina Essentia primario habet rationem intelligibilis cum ipsa sit id quod in Deo primum est cognoscibile, & in quod ultimum cætera omnia quæ in Deo concipiuntur, tanquam in caput & fontem referuntur: Ergo, &c.

Dices: Scientia Dei est simpliciter infinita omnibusque numeris absoluta: Ergo primum ejus objectum debet esse etiam simpliciter infinitum omnibusque suis perfectionibus constans: sed talis non est divina Essentia quatenus præscindit ab attributis, ut sic enim non includit perfectionem attributorum: Ergo non sola & nuda essentia, quatenus suis omnibus perfectionibus illustratur, est primum divini intellectus objectum.

Distinguo primum consequens: Objectum primum debet esse simpliciter infinitum, vel formaliter & radicaliter simul, concedo: formaliter solum, nego: ad minorem; Essentia divina quatenus præscindit ab attributis non est simpliciter infinita, nec suis omnibus perfectionibus illustrata, formaliter, concedo: radicaliter, nego: Ut sic enim est radix & fons omnium attributorum; sicque radicaliter ea continet. Unde licet essentia præcisè non sit sapiens, nec æterna, &c. formaliter; tamen talis est radicaliter ut jam sæpè dictum est, maxime ubi probavimus distinctionem formalem attributorum ab Essentia divina.

Dices 2. Si sola essentia habeat rationem objecti primarii, attributa autem & relationes objecti secundarii, sequitur divinam scientiam terminari posse ad essentiam absque eo quod ad attributa terminetur: sed falsum consequens: Ergo & antecedens. Major patet: Quando enim aliqua potentia duo habet objecta, quorum unum est primum, aliud secundarium, potest absque ulla repugnantia terminari ad primum, & non terminari ad secundarium, ut apertè docet Doctor in primum dist. 14. num. 6. Minor etiam constat: Si enim cognitio divina terminaretur ad essentiam & non ad attributa, non esset in-

tuitiva, sed abstractiva, nec foret comprehensiva, sed limitata.

Distinguo majorem: Si divina cognitio non esset necessaria comprehensiva, concedo: secus, nego: licet enim Deus non possit suam essentiam cognoscere quin sua pariter attributa divinasque Personas & relationes imò & Creaturas omnes percipiat, quia videlicet ejus scientia est absolute & necessario comprehensiva; exinde tamen non sequitur quod essentia habeat rationem objecti primarii, scorsim ~~et se~~ cognoscibilis ab ipsis attributis, & Creaturis, quæ habent rationem objecti secundarii, & sine quibus ipsa divina Essentia videri potest ab intellectu creato, ut probatum est agendo de visione beatifica.

Dices 3. Illud est primum objectum divini intellectus, ex cujus cognitione Verbum divinum procedit: sed Verbum divinum non procedit solum ex cognitione Essentiae divinae, sed etiam ex cognitione attributorum, alias Verbum divinum, non procederet æquè perfectum ac est Pater, nec esset formaliter justus, sapiens, &c. Ergo non solum essentia, sed etiam attributa habent rationem objecti primarii.

Nego majorem: Verbum enim divinum procedit ex cognitione adequata divinae Essentiae, siquæ procedit tam ex cognitione objecti primarii quam secundarii: Unde sicut attributa divina sunt in Patre tantum in secundo modo dicendi per se, ita & in Verbo; Pater enim divinus primario communicat Verbo suam essentiam, secundario verò attributa; hæc enim eodem modo communicantur quomodo sunt: ideo cum essentia prior sit attributis quæ ab ipsa emanant, etiam & prius communicari censenda est prioritate signi.

CONCLUSIO SECUNDA.

Deus cognoscit se in seipso, non autem in alio, nec ex alio.

Probat primum ex sanctis Patribus, maxime ex S. Dionysio cap. 7. de divinis Nominibus ubi ait, *Divinam mentem ea quæ sunt, non ex his quæ sunt discentem nosse; sed ex se in se; & causam rerum omnium cognitionem, scientiam, essentiamque anticipatam, & ante comprehensam habere: non quod per speciem singula consideret, sed quod uno causa complexu omnia sciat:* Cui concinit S. Augustinus lib. 83. *questionum* q. 46. di-

cens, *Deum nihil extra se intueri, sed in se tanquam in causa omnium*. Hi tamen textus non denegant Deum etiam cognoscere Creaturas in seipsis, ut sequenti quaestione, conclusione secunda, apparebit.

Probat secundam rationem: Modus præstantissimus cognitionis Deo tribuendus est: sed præstantius est cognoscere seipsum & & alia in se; sic enim cognitio minus est dependens, adeoque præstantior: Ergo hic Deo tribuendus est. *Deinde* Essentia divina cum sit infinitum essendi pelagus, & omnia omnino contineat aut formaliter, aut virtualiter, aut eminenter, consequenter omnia divino intellectui per se cognoscenda exhibet: Ergo Deus in se seipsum & omnia alia videt. *Deinde*: Si Deus cognosci posset in alio & ex alio, ejus cognitio esset dependens & discursiva; dependens quidem; quia id in quo cognoscetur haberet rationem objecti primarii, ad cujus cognitionem Deus tanquam objectum secundarium perciperetur: foret etiam discursiva, discurre enim nihil aliud est quam unus cognitionem ex alterius cognitione inferre: sed utrumque est absurdum, Deumque summè dedecens: Ergo, &c.

Dices 1. Deus cognoscit Creaturas comprehensive: Ergo pariter cognoscit respectum & ordinem essentialium, quem dicunt ad Creatorem: sed hic respectus cognosci nequit, quin cognoscatur Deus qui est terminus hujus cognitionis & ordinis: Ergo Deus seipsum in Creaturis cognoscit.

Respondeo negando ultimam consequentiam, ex eo enim tantum sequitur quod Deus seipsum cognoscat cum Creaturis, non vero quod se cognoscat in Creaturis. *Vel distingue*, quisquis Deum cognoscit ut terminum dependentiæ, quam Creaturae habent ad Deum, Deum cognoscit in Creaturis, si cognoscat illam Creaturam in Deo ut objecto primario, & motivo, negatur: si cognoscat illam Creaturam in seipsa ut objecto secundario, concedo: Fateor equidem quod cum Angelus, v. g. cognoscit Creaturam dependentem, etiam revera cognoscit Deum in Creatura; quia cognoscit Creaturam ut objectum primum movens ad cognitionem Dei. Secus est autem de Deo, qui cognoscit Creaturam dependentem tanquam objectum secundarium: sed in seipso tanquam in medio, & in objecto primario.

Dices 2. Licet Deus cognoscat effectum

creatum in seipso, nihilominus illum etiam cognoscit in causa illius effectus productiva: Ergo à simili, licet cognoscat causam in seipsa, nempe seipsum rerum omnium Creatorem; nihilominus cognoscere etiam se poterit ut causam in Creaturis & effectibus à se productis, & consequenter seipsum cognoscere poterit in aliis à se distinctis.

Distingue consequens: Ita se cognoscere poterit tanquam in objecto movente primario & explicitè, nego: secundario & quasi implicitè, concedo: Cum enim Creatura habeat respectum intrinsecum ad Deum, ipsa cognita implicitè movet ad Dei cognitionem.

QUÆSTIO TERTIA.

Quodnam sit objectum secundarium Divini Intellectus.

DUplex in præcedenti quaestione diximus esse secundarium divini intellectus objectum, unum quidem *Increatum*, aliud verò *Creatum*. In priori ordine sunt omnes Essentiæ divinæ perfectiones omnesque relationes originis, quæ divinam essentiam circumstant. Licet enim hæc habeant rationem objecti terminantis, quippe cum divina cognitio ad ipsam entitatem Deitatis terminetur, adeoque etiam terminetur ad ea omnia quæ ipsi Divinitati realiter identificantur; Non habent tamen rationem objecti primario moventis; nam, ut probatum est, hæc ratio soli divinæ Essentiæ ut essentia est quadrat. In posteriori verò ordine, sunt omnes Creaturæ sive secundum suum esse ideale, sive entitativum & reale. De his solum hic erit sermo, an videlicet Deus distinctè & figillatim quaslibet etiam exiles & minimas Creaturas intueatur, idque, vel in se, vel in illis, sed prius.

Notandum 1. Non levem apud veteres fuisse controversiam, an Deus cunctas Creaturas intueatur; nedum enim scelesti homines, ut suis effrenatis cupiditatibus libentius indulgerent, omnem rerum mundialium Deo cognitionem denegaverunt, dicentes apud Jobum c. 22. *Circæ Cæli cardines perambulabam, & nostra non confiteratur*: Nec non Psalmistam 71. *Quomodo sciet Deus, & si est scientia in Excelsis?* Sed etiam oculatio-

latiores quique Philosophi gravissimum hunc impergerunt in errorem, ut assererent exilium & minuturam creaturarum cognitionem Deum dedecere. Id in primis ipsemet docuit Aristoteles 12. Metaph. textu 51. ut cum intellexit Doctor Subtilis: Et Averroes, affirmans Commentario in citatum Aristotelis locum, *Quod intellectus divinus videret si hæc infima cognosceret*: Imò quod valde mirandum est, eam etiam in opinionem lapsi videntur, nonnulli è sanctis Patribus, quos infra objiciemus & explicabimus.

Sciendum pariter quòd ii omnes, quibus ratum est omnes omnino Creaturas à Deo cognosci, non eandem in sententiam conveniant de modo, quo Deus illas percipit; Quidam enim censent Deum Creaturas possibiles non cognoscere in seipso, sed in illis ipsis, quam sententiam nonnulli Thomistæ Subtili Doctori falso tribuunt. Aliqui cum Aureolo, in 1. dist. 35. art. 1. qu. 2. affirmant Deum Creaturas in se cognoscere, non verò in illis ipsis; ita quòd solum earum esse virtuale & eminentiale, non autem formale & entitativum percipiat: Cæteri denique docent Creaturas à Deo cognosci, non solum in seipso, sed etiam in illis ipsis; quid autem verius in hac accipitur Doctorum sententia nobis appareat, hic erit resolvendum.

Notandum 2. Ex Philosophis duplex esse objectum intellectus & voluntatis *motivum* & *terminativum*; in quibus licet *motivum* etiam terminet, *terminativum* tamen quod purè est ejusmodi, non movet. Exempli gratia, amat quis Doctrinam; hic Doctrina est objectum *terminativum*, cum terminet actum voluntatis; & simul est *motivum*, nam ex vi hujus actus movetur is ad doctrinam prosequendam, & media ad illius consecutionem adhibenda. Unde nullum est objectum *motivum* quòd simul non sit *terminativum*. At verò quando quis in tempestate merces projicit in mare, merces quidem sunt objectum *terminativum* illius actus, non tamen *motivum*; Imò movent potius ad contrarium & reddunt actionem illam aliquo modo involuntariam. Id verò quod movet ad projectionem mercium, est bonitas & amor vite. Finis itaque est objectum *motivum*, media plerumque *terminativum*.

Notandum 3. Creaturas existentes aut futuras & præteritas habere triplex esse, ni-

mirum *Eminentiale* in Essentia divina, quæ cum sit omnium entium præstantissimum & fons & origo, etiam omnia entia eminenter continet: Secundum *virtuale*, quod habent in sua causa videlicet in omnipotentia divina, quæ est omnium productiva. Tertium denique *Entitativum* quod habent in seipsis. Quæritur autem in præsentiarum aut Creaturæ à Deo cognoscantur, non solum secundum earum esse eminentiale & virtuale quod habent in Deo, sed etiam penes esse entitativum quod habent in seipsis.

CONCLUSIO PRIMA.

Deus distinctissimè cognoscit omnes omnino Creaturas, etiam minutissimas. Hæc est de fide, & probatur variis Scripturæ textibus: In primis enim Genesios cap. 1. in ipsa rerum origine ac molitione dicitur, *Vidit Deus cuncta quæ fecerat, & erant valde bona*, qui Dei contuitus exactam rei cuiusque notitiam, & approbationem significat. Item Job cap. 28. *Tempus*, ait, *posuit tenebris, & universorum finem ipse considerat; lapidem quoque caliginis, & umbram mortis*. Et ibidem, *Ipsæ fines mundi intueatur, & omnia quæ sub Cælo sunt respiciat*. Item Psalmo 49. *Mecum sunt omnes fera sylvarum, jumenta in montibus, & boves. Cognovi omnia volatilia Cæli*. Rursus Psalmo 138. *Domine, probasti me, & cognovisti me, tu cognovisti sessionem meam, & resurrectionem meam, intellexisti cogitationes meas do longè semitam meam, & finiculum meum investigasti: Ecce Domine tu cognovisti omnia novissima, & antiqua, &c.*

Quibus Regius Vates, nedum divinam intelligentiam ad homines eorumque corpora & membra extendit; sed etiam ad quoslibet motus. Cui concinit Job 31. *Nonne ipse considerat vias meas, & cunctos gressus meos dinumerat? Quæ omnia planissime declarat Ecclesiasticus 23. ubi impium & peccatorem arguens, qui se impunè ac ne Deo quidem conscio scelus patrare putabat: Non intelligit, inquit, quoniam omnia videt oculus illius, quoniam expellit à se timorem Dei hujusmodi hominis timor, & oculi omnium timentes illum; & non cognovit quoniam oculi Domini multò plus lucidiores sunt super Solem, circumspicientes omnes vias hominum, & profundum abyssi, & hominum corda intrantes in absconditis paries. Domino enim*

Deo

Deo antequam omnia crearentur, sunt agnita, sic & post perfectum respicit omnia. Rursus cap. 39. Opera omnis carnis coram illo; & non est quidquam absconditum ab oculis eius, à seculo usque in seculum respicit, & nihil est mirabile in conspectu eius.

Secundo: Mirum in modum hoc argumentum urgent sancti Patres maxime S. Cyrillus lib. 15. *Thesauri*. Item Cyrillus Hierosolymitanus Catechesi sexta, exemplo guttarum pluvie quas omnes novit, explicat latitudinem scientiæ divinæ: Unde Irenæus lib. 2. cap. 45. ait, *Omnia quæ facta sunt, fieri, & sunt, ita sciri video, ut dei illis singulis speciem, habitum, ordinem, numerum, quantitatem.* Quocirca *superbie & insolentes cogitationes* (ait S. Hieronymus in Psal. 137.) *Deum non fallunt. Agnoscat omnia, & nihil scientiæ ejus impenetrabile est.*

Imò hæc veritas Ethnicos non latuit; nam ut refert S. Clemens Alexandrinus lib. 5. *Stromatum*, Aegyptii aures oculosque exquisita materia fingentes, Diis consecrare solebant, ea in templis appendentes: ut per hoc significarent, Deum omnia videre & audire. Rursus apud eundem lib. 6. Thales Milesius interroganti cuidam quidpiam agens latere Deum homo posuit; *Et quomodo*, inquit, *qui ne cogitant quidem?* Unde S. Augustinus adduci non potest, ut credat Aristotelem negasse Deo rerum etiam minutarum cognitionem, eò quod omnium sit Conditor; cum enim actiones circa singularia versentur, ait ipsemet Aristoteles lib. 2. *Ethicorum* cap. 2. sufficere debet, ait S. Augustinus lib. 5. de Genesi ad litteram cap. 13. *Ut quisque noverit, vel inconcusse credat, quod Deus hæc omnia fecerit.* Non enim opinari eum esse tam excordem, ut Deum, quæ non noverat, fessisse arbitretur.

Obijciunt 1. S. Hieronymus, qui in illa verba Habacuc, *Mundi sunt oculi tui, ne videant malum*, videtur scientiam singulorum animalium præter hominem Deo detraxisse; *Sicut igitur*, inquit, *in hominibus etiam per singulos, Dei currit providentia: in cæteris animalibus generalem quidem dispositionem & ordinem, cursumque rerum intelligere possumus; v. g. quomodo nascatur piscium multitudo & vivat in aquis: quomodo reptilia & quadrupedia oriantur in terra, & qui bus alantur cibus.* Cæterum absurdum est ad hoc Dei deducere maiestatem, ut sciat per momenta singula quot nascantur culices, quotve mo-

rianur: quæ cimicum, & pulicem, & muscarum sit in terra multitudo; quanti pisces in aqua natent, & qui de micoribus majorum prædes cadere debeant. Non simus tam fatui adulatores Dei, ut dum potentiam ejus ad ima detrahimus, in nos ipsos injuriosi simus, eandem rationabilium quam irrationabilium providentiam esse dicentes: Ergo censet S. Hieronymus, Dei cognitionem ad omnes sigillatim Creaturas non extendi.

Nego consequentiam: S. enim Hieronymus his verbis tantum affirmat scientiam cuiusque duntaxat benevolam & paternam non adhiberi brutis & inanimis, quam habet Deus de Hominibus & Angelis: seu, ut ipse loquitur, rationabilium, quam irrationabilium providentiam: tametsi enim ingenuè fatear ista melius concipi & exprimi ab Hieronymo potuisse; non tamen arbitror tantum virum latuisse id, quod Christus ipsemet in Evangelio nos docuit, nempe singulorum pascueram curam gerere Deum Matth. 6. Imo ipsemet Hieron. in illud cap. 6. Matth. *Si parva, inquit, animalia, & vilia absque Deo audire non decidunt, & in omnibus est providentia, & quæ in his peritura sunt sine Dei voluntate non pereunt; vos qui æterni estis, non debetis timere quod abque Dei vivas providentia.*

Dices 2. Si Deus sigillatim cognosceret Creaturas, deberet cognoscere Creaturas infinitas possibiles: sed illas non potest cognoscere distinctè, & determinatè. Tum quia, qui distinctè cognoscit infinita, etiam distinctè cognoscet: e debet id, quod necessarium est ut sit infinitum: sed Deus non potest hoc cognoscere: sublatis enim centum creaturis possibiliibus, atque iterum, & iterum centum, semper remanebit infinitus c.aturarum numerus distinctè cognoscendus: Tum quia, si Deus cognosceret actu infinitas creaturas possibiles, sequeretur dari infinitum creatum actu, quia infinitæ illæ unitates essent simul actu distinctæ in mente divina: sed hoc implicat; aliàs infinitum syncategorematicum esset infinitum categorematicum: Tum denique quia, si Deus omnes v. gr. continui divisiones videret distinctè, etiam videret continuum divisum in omnes suas partes, & consequenter videret redactum ad indivisibilia, quia videret non esse ultimas divisibiles: sed hoc implicat, continuum enim est divisibile in infinitum: Ergo Deus non videt omnes omnino continui divisiones, nec

consequenter videt omnes Creaturas sigillatim & distinctè.

Respondeo, Deum cognoscere distinctè, ac determinatè quaslibet Creaturas possibiles etiam numero infinitas, ut disertè probat S. Augustinus lib. 12. de Civitate Dei cap. 18. *Infinitas*, inquit, *numeri, quamvis infinitorum numerorum nullus sit numerus, non est tamen incomprehensibilis ei, cujus intelligentie non est numerus. Quapropter si quidquid scientia comprehenditur, scientis comprehensione finitur; profectò & omnis infinitas quodam ineffabili modo Deo finita est, quia scientie ipsius incomprehensibilis non est.* Itaque Deus nedum cognoscit infinitum: sed etiam cognoscit id, quod necessarium est ut sit infinitum, quia cognoscit infinitas numero unitates quæ infinitum numero efficiunt. Nec exinde sequitur quòd infinitum syncategorematicum sit categorematicum; quia licet actu omnes illius unitates repræsententur in mente Dei; nihilominus cum cognoscantur ut sunt, nec aliam habeant rationem infiniti quàm syncategorematici, reverà illud infinitum syncategorematicum perseverat. Similiter Deus videt continuè divisiones possibiles eo modo, quo sunt possibiles, atque adeo ita videt illas semper in infinitum esse divisibiles; nec determinatè videt ultimam, quia revera non est ultima, ultra quam alia non sit possibilis assignanda.

Dices 3. Omnis scientia dependet ab objecto tum in fieri, tum in conservari: sed Scientia Dei non potest à Creaturis dependere: Ergo Deus Creaturas non cognoscit.

Distinguo majorem, Dependet intrinsecè ab objecto motivo, & terminativo primario, concedo: ab objecto terminativo tantum, & secundario minùsque principali, quod nullatenus est motivum, nego. Ad minorem dico, Creaturas habere tantum rationem objecti secundarii terminativi, seu minis principalis respectu Scientiæ divinæ, quæ primario & principaliter ad ipsam essentiam divinam terminatur tantquam ad objectum motivum, & primario terminativum.

Urgebis: Scientia etiam mutatur ad mutationem objecti secundarii, ut confirmat Doctor pluribi: Ergo si Scientia Dei terminetur ad Creaturas etiam secundario, consequens est ut ad Creaturarum mutationem ipsa mutetur: sed Scientia Dei mutari ne-

quit, sicut nec ipse Deus: Ergo nec potest terminari ad Creaturas etiam secundario.

Distinguo antecedens: Mutatur extrinsecè, & solum denominativè, concedo; intrinsecè & formaliter, nego: Scientia enim divina semper in se invariabilis est intrinsecè, etiam quatenus terminatur ad Creaturas; Tum quia primò tendit in Essentiam divinam tantquam in objectum motivum, & primario terminativum: Tum quia etiam terminatur ad Creaturas, quatenus in Deo sunt invariabiliter, & habent esse objectivum, & virtuale: Unde licet etiam hæc divina Scientia terminetur ad essentiativum Creaturarum, quod est variabile & mutabile; nihilominus cum hæc terminatio sit omnino extrinsecæ, etiam & mutatio terminationis omnino erit extrinsecæ.

Dices 4. Per cognitionem rei, intellectus intentionaliter fit res cognita, ut ait Aristoteles 3. de Anima: sed Deus fieri nequit intentionaliter Creatura: Ergo nec creaturam cognoscere.

Distinguo majorem: Fit rescognita primario & immediatè, concedo: Fit res quæ secundario tantum & mediatè cognoscitur, nego; Idcirco enim intellectus intelligendo fit omnia quæ intelligit; quia res non percipit nisi mediante specie intelligibili, vel objecto gerente vicem speciei intelligibilis, quæ est imago rei cognitæ ipsum intellectum informans & denominans: Cum autem Deus non cognoscat Creaturas mediante specie impressa ab illis recepta: sed tantum eas videat in sua Essentia, vel in Omnipotentia, in quibus illæ Creaturæ relucet; hinc est quòd non fiat id, quod extra se cognoscit.

CONCLUSIO SECUNDA.

Deus cognoscit Creaturas in seipso, tantquam in medio prius cognito: Hæc est expressa Doctoris sententia, ut constat tum quæstione 14. quodlib. Art. 2. ubi sussimè & disertissime probat divinum intellectum moveri solum ab Essentia divina, tum ad sui, tum ad aliorum cognitionem. Item in 3. dist. 14. q. 2. n. 8. ubi inquitens an anima Christi videat in Verbo omnia quæ videt Verbum, respondet; *Potest dici quòd Conclusio ista possit poni duobus modis; uno modo, quòd anima Christi haberet unam visionem respectu Verbi ut primi objecti, & omnium*

omnium objectorum relucendum in Verbo ut secundariorum objectorum, ad quæ objecta secundaria haberet respectus distinctos: Ergo censet Doctor Creaturas relucere in Verbo divino, ac proinde Verbum divinum illas cognoscere in seipso. Item q. 3. prologi ait, *Ideo dico aliter quod divina Theologia est de omnibus cognoscibilibus, quia objectum primum Theologie, quod est Deus, facit omnia alia adu cognita in intellectu divino*. Illures alii similes proferri possent ejusdem Doct. Subt. textus, quibus aperte constat ipsum non asseruisse Deum videre solum creaturas in illis ipsis, non autem in seipso, ut perperam nonnulli Thomistæ affirmant, præsertim Cajetan in primam partem S. Thomæ q. 14. art. 6.

Probatur itaque conclusio. Primo quidem ex SS. Patribus maxime ex S. Dionysio lib. de divin. Nom. c. 7. *Neque enim ea, quæ sunt ex his, quæ sunt, discunt, noscunt divina Mens: sed ex seipso, & in seipso secundum eamdem omnium scientiam, & notionem, & essentiam præbent, & ante comprehendit: non singulis secundum cuiusque speciem intendens; sed secundum unicam causam complexiorem cunctis scientiis, & continentis*. Tum addit, *Seipsum igitur divina Sapientia noscens, scit omnia materialia sine materia, & indivisa divisa, & unice multa, ipso uno omnia, & cognoscens, & producens*. Tum concludit, *Hæc igitur ratione Deus res cognoscens non scientiam rerum, sed sui ipsius ipse novit*. Ipsi concinit S. Aug. tum lib. 6. de Trinit. cap. 10. ubi Verbum Dei vocat *Ariem* quamdam omnipotentis, & sapientis Displenam omnium rerum viventium: Concluditque, *Ibi novit Deus omnia quæ fecit per ipsum*: Et lib. 5. de Gen. ad litt. proferens illud Joan. 1. *Quod factum est in ipso vita erat*, ait, *In qua vita vidit omnia quando fecit, & sicut vidit, ita fecit, non præter seipsum videns, sed in seipso*.

Probatur insuper ratione. Nobilitiori modo Deus creaturas cognoscit, quam cognoscant Angeli & Animæ beatæ; sed Angeli & Animæ beatæ creaturas cognoscunt in Essentia divina perfectiori modo quam in illis ipsis: Ergo multo magis Deus novit pariter in seipso. Mayor constat. Minor probatur, ex S. Aug. lib. 4. de Gen. ad litt. cap. 23. & 24. ubi duplicem creaturæ cognitionem in mente Angelorum distinguit; Unam quidem in Verbo, quam *Maturam* appellat; Alteram in

propria ipsarum natura, quam nominat *Vespertinam*, eo quod minus clara sit minusque perfecta, quam prior: seu utiprimo loquitur lib. 11. de Civit. cap. 7. *Cognitio creature in seipso decoloratur est, quam cum in Dei sapientia cognoscitur, velut in arte per quam facta est*.

Secundo: Quod est medium sufficiens ad cognitionem comprehensivam causæ, potest etiam esse medium ad comprehensionem effectuum: sed Deus in seipso est medium ad comprehensionem omnipotentis, & essentis. Ergo est etiam medium ad comprehensionem omnium effectuum possibilem.

Tertio: Cognitioni divina debet necessario habere objectum formale motivum a quo specificetur: sed non potest habere objectum formale a se distinctum, alioquin penderet a creaturis, & illis indigeret ad aliquam sui perfectionem, nimirum ad suam scientiam, &c.

Dicitur Deus non potest cognoscere creaturas in seipso, nisi divina Essentia representet creaturas in esse intelligibili: sed illas ita representare nequit. *Probatur:* Non potest Essentia divina representare creaturas in esse intelligibili, nisi continere eorum esse intelligibile formaliter, vel sit eis similis in esse intelligibili: sed neutrum dici potest: *Non quidem primum*, aliàs esse creatum esset formaliter in Deo, sicque Deus formaliter dici posset creatura, sicut formaliter dicitur justus, sapiens, &c. quod repugnat. *Non etiam secundum*, quia non potest Essentia divina similis fieri creaturis in esse intelligibili; esse enim intelligibile sequitur esse entitativum: Ergo cum entitas divina non possit esse similis entitati create, nec etiam esse intelligibile divinum poterit esse simile esse intelligibili creato.

Nego minorem: Cum enim Essentia divina contineat eminenter, aut actualiter omnem prorsus entitatem, quia est entitas infinita, ita pariter divina Essentia in ratione intelligibilis, continet omnem rei cuiuslibet intelligibilitatem, tam eminenter, quam virtualiter: sicque hæc divina intelligibilitas cum sit infinita, necum Essentiam divinam reddit intelligibilem, sed etiam quodlibet aliud ens in ea representatum.

Dicitur 2. Inter medium cognoscendi, & rem cognitam, debet esse necessaria connexio: sed talis non est inter Deum,

B 2 & Crea-

& Creaturas, possibiles: Ergo Deus non potest esse medium ad cognoscendas Creaturas possibiles. *Major* pater: Aliàs medium non posset ducere in certam & infallibilem cognitionem objecti; medium enim, quod est probabile, idcirco non ducit in certam, & scientificam cognitionem conclusionis, quia cum illa non habet necessariam connexionem. *Probat* *minor* primo: Si divina Essentia necessariam haberet connexionem cum Creaturis possibilibus, sequeretur quod destructis illis Creaturis possibilibus, etiam necessariò periret ipsa divina Essentia. *Secundò*: sequeretur quod æquè necessarium esset, creaturam esse possibilem, ac necessarium esse Deum existere; sicque non minus Creaturarum possibilitas esset necessaria, quam Dei existentia, quod repugnare videtur principiis fidei, & rationis lumini. *Tertiò* denique sequeretur Essentiam divinam dependere à Creaturis possibilibus, nec sine illis posse subsistere, quæ enim necessariam habent connexionem invicem, unum existere nequit sine altero; quæ omnia absurda sunt: Ergo & id unum sequuntur.

Respondet concessa maiore negando minorem: Et ad primam illius probationem distinguo, destructis Creaturis possibilibus destruentur etiam divina omnipotentia, & essentia, à priori, & per locum intrinsecum, nego; à posteriori, & per locum extrinsecum, concedo: cum enim rerum possibilitas nihil sit reale, nisi in ipsamet omnipotentia, & Essentia divina, consequens est quòd non possit perire rerum possibilitas, quin pariter perire censenda sit ipsamet essentia, & omnipotentia, quæ est tota ratio realitatis rerum possibilitum; effectus enim possibilis cum non habeat aliud esse extra causam, non potest destrui nisi in causa, & consequenter nisi destruat vis productiva illius, quæ est ipsamet causa, & proinde nisi destruat ipsamet causa. *Ad secundam* probationem, nego sequelam maioris: Licet enim inter necessariam connexionem unum deficere non possit, quin cesset aliud; exinde tamen non sequitur, quòd unum non sit magis necessarium, quam aliud; siquidem unius necessitas firmiori nititur fundamento. Licet enim magis necessarium sit hominem esse rationalem quam risibilem, tamen deficientie risibilitate deficeret etiam rationalitas in homine: Similiter licet principia

sint magis necessaria quam conclusiones; tamen deficiente veritate conclusionum, etiam principiorum veritas deficeret.

Ad tertiam denique probationem, nego sequelam; Licet enim essentia, & omnipotentia divina, existere nequeant sine Creaturis possibilibus; inde tamen non sequitur, quòd ab illis dependeat; siquidem Pater divinus v. g. subsistere nequit sine Filio, & tamen ab illo non dependet: Similiter in creatis, essentia quæ est radix proprietatum, intrinsecè cum illis ita connectitur, ut sine illis subsistere non possit, ab illis tamen non dependet: Ergo à pari licet omnipotentia divina sine Creaturis possibilibus subsistere non possit, tamen exinde non sequitur quòd ab illis dependeat.

CONCLUSIO TERTIA.

NON est etiam improbabile Deum cognoscere Creaturas in seipsis, ita quòd illius divina cognitio in Creaturas feratur tanquam in objectum terminativum.

Probat *primo*: Intellectus infinitus, qualis est divinus, res percipit secundum omne earum esse intelligibile: at Creaturæ non solum habent esse eminentiale & virtuale in Essentia divina, sed etiam habent esse formale in seipsis: Ergo Deus necdum videt Creaturas in seipso, sed etiam in illis ipsis.

Confirmatur: Si Deus non cognosceret Creaturas secundum esse formale quod habent in propria natura, sed tantum secundum esse eminentiale & virtuale quod habent in illo, non cognosceret eas secundum omnem modum quo sunt cognoscibiles; esse enim formale Creaturarum non est in Deo, quia Creaturæ non continentur in Deo formaliter, cum Deus non sit formaliter homo vel leo: sed absurdum est dicere Deum non cognoscere Creaturas secundum omnem modum quo sunt cognoscibiles.

Deinde Deus cognoscit res perfectiori modo, quo possunt cognosci: sed perfectius videtur esse rem cognosci in seipsa quam in aliquo medio; perfectius enim est v. g. videre hominem in seipso immediatè quam in speculo in quo representatur: Ergo Deus ut omnino perfectam scientiam habeat, debet cognoscere Creaturas non solum in seipso, sed etiam in illis ipsis.

Denique Deus cognoscit Creaturas omnimodo

modo quo sunt cognoscibiles: sed non solum sunt cognoscibiles in Essentia divina, sed etiam in seipsis, Peati namque vident illas cognitione matutina in Verbo, & verspertina in illis ipsis: Ergo pariter non est improbable Deum cognoscere Creaturas in seipso, & in illis ipsis, ita quod illius divina cognitio ad Creaturas illas tanquam ad obiectum, non quidem motivum, sed terminativum feratur.

Obijciunt 1. Thomista; hæc conclusio differt militat in sanctos Patres priori conclusione laudatos, maxime vtro in sanctum Dionysium; ut patebit evidenter ex ipsius verbis, ait enim, *Non secundum visionem singulis se immitti, sed secundum causam continentiam, scit omnia.* Et infra, *neque enim ea, quæ sunt, ex iis, quæ sunt discens novit divina mens, sed ex se, & in se per causam rerum omnium cognitionem scientiamque anticipatam, & ante comprehensam habet, non quod per speciem singula consideret, sed quod una causa complexu omnia sciat, & contineat.* Et rursus *hæc ergo Deus ea, quæ sunt, nescit, non rerum notitia, sed sui.* At si Deus præter scientiam possibilem in seipso, illa in seipsis immediate cognosceret, secundum visionem singulis se immitteret, & illa sciret non seipsum noscens, & notitia non sui, sed Creaturis propria: Ergo juxta Dionysium Deus non cognoscit Creaturas possibiles immediate in seipsis, sed tantum in seipso, & mediatè, seu in Essentia divina prius visa, & cognita.

Minor pro prima parte manifesta est; nam cognoscens secundum visionem se immittit obiecto, non est ab illo accipere speciem, quia in hoc non se immittit cognoscens obiecto; sed potius obiectum se immittit cognoscenti: Ergo hoc est immediate circa obiectum versari; non enim videtur in quo alio consistere possit: & consequenter si Deus Creaturas possibiles cognoscit immediate in seipsis, se immittit secundum visionem Creaturis. Eadem minor

Pro secunda parte etiam constat: Nam si Deus cognosceret Creaturas possibiles mediatè in seipso, & immediate in illis ipsis: Ergo cognosceret non solum notitia qua se cognoscit, sed etiam alia notitia, quod à Dionysio negatur: Nam illius sensus est exclusivus, alias non sufficienter explicuisset modum, quo Creaturæ à Deo cognoscuntur. Denique *pro tertia parte sua-*

Erassen Tb. ol. Tom. II.

detur, notitia illius obiecti dicitur ad quod immediate, & primario terminatur: sed notitia, qua Deus Creaturas possibiles in seipsis immediate cognosceret, illas haberet pro obiecto immediato, & primario: Ergo si daretur in Deo talis cognitio, cognosceret Creaturas non sui, sed illarum notitia.

Respondet negando has omnes consequentias: Etenim S. Dionysius præfatis verbis tria solum significat: *Primum* quidem, quod Deus cognitionem, quam habet de Creaturis, non emendicat ab earum existentia, sed eas prius noverit, quam existant: *Secundum*, quod Deus non cognoscat Creaturas per species ab ipsis Creaturis acceptas, sicut nos eas cognoscimus, sed per suam essentiam gerentem vices speciei concurrentis cum intellectu divino ad illarum cognitionem: *Tertium*, quod Deus non seipsum noverit cognitione distincta ab ea, quam habet de Creaturis, ita quod duplicem requirat cognitionis actum, unum videlicet, quo se ipsum, alium autem quo Creaturas percipiat, sed quod uno simplici, indivisibili, & infinito actu, seipsum, & alia à se cognoscat.

Primum indicat his verbis, quæ ante citata præmiserat, *Quare divina mens omnia continet scientia, quæ secreta est ab omnibus, quod per causam rerum omnium in se omnium rerum scientiam anticipatam habet; ita ut Angelos antequam fierent, cognosceret, proferretque in lucem, & quæ sunt omnia ex se atque ab ipso, ut ita dicam initio, cognita haberet in lucemque proferret.* Idque divina scripta tradere existimo cum ajunt, qui novit omnia antequam fierent. Neque enim, &c. Secundum indicat his verbis citatis in objectionibus dicens, *Non quod per speciem singula consideret, sed quod una causa complexu omnia sciat, & contineat:* Tertium autem subjicit, *Non igitur propriam sui notitiam Deus habet, aliam autem, quæ communiter, ac generaliter ea, quæ sunt omnia comprehendit; ipsa enim seipsum omnium Causa noscens, nullo potius modo ea quæ à se profecta sunt, & quorum causa est, ignorabit.*

Quibus patet S. Dionysium, tria solum intendere. Primum, quod Deus anticipatam habeat rerum notitiam antequam existant, illas videlicet in sua Essentia omnium representativa, & in Omnipotentia tanquam in omnium causa conspiciendo: Secundum, quod Creaturas non cognoscat

sigillatim per singulas species ab eis emendatas, sed tantum vel per comprehensionem suæ omnipotentiae, vel per suam infinitam vim cognoscendi: Tertium denique, quod non sit divisa ipsius cognitio, qua scilicet Creaturæque percipit.

Obijciunt 2. S. Augustinum lib. 83. quæst. quæstione 47. dicentem; *Non enim extra se quidquam possum intuebar Deus, ne secundum id constitueret, quod constituerebat; nam hoc opinari sacrilegum est*: Ergo Deus res non novit in illis ipsis, sed tantum in seipso.

Nego consequentiam: S. enim August. solum ibidem vult, Deo non opus fuisse aliquo extra se exemplari, in quod respeceretur, ut ad ejus similitudinem res effingeret, sicut pictor v. gr. tabellam inspicit, quam depingendam suscipit: sed Deus omnia condidit juxta divinas ideas quas in seipso æternas habebat. Unde subdit Augustinus, *Quod si be rerum omnium creandarum creaturarumque ratione in divina mente continentur; neque in divina mente, quidquam nisi æternum, atque incommutabile potest esse, atque has rerum rationes principales appellat ideas Plato: Non solum sunt idee, sed ipsæ veræ sunt, quia æternæ sunt, & ejusmodi atque incommutabiles manent, quarum participatione fit, ut sit quicquid est quomodo est*: Quibus verbis aperte constat S. Augustinum solum ibidem sermonem facere de divinis Ideis, quas non extra, sed intra se Deus intuebatur in mundi creatione, ut ad illarum similitudinem res omnes produceret: adeoque hæc sancti Augustini auctoritas præfatæ conclusioni non adversatur.

Obijciunt 3. Si divinus intellectus terminaretur reverà ad Creaturas, ut sunt in seipsis, plura sequeretur absurda: *Primo* namque cum scientia dependeat ab objecto, divina cognitio etiam dependeret à Creaturis: *Secundo* cum scientia proportionetur objecto, sitque præstantior, aut minis perfecta secundum majorem, aut minorem objecti dignitatem, divina scientia vilesceret si in objectum creatum tenderet: *Tertio*, cum cognitio objecti creati non sit beatificativa, sed tantum cognitio Dei; si aliqua Dei cognitio tenderet ad Creaturam, sequeretur aliquam in Deo cognitionem non esse beatificam; quæ omnia absurdissima sunt: Ergo non asserenda.

Nego antecedens: Et ad omnes illius probationes dico: ea quidem omnia absurda

exinde sequi debere, si divina scientia tenderet in Creaturas non solum tanquam in objectum terminativum, sed etiam motivum; cum autem divinus intellectus moveatur solum ab Essentia divina, non vero à Creaturis ad earum cognitionem, hæc omnia absurda exinde non sequuntur; maxime quia Creaturæ tantum habent rationem objecti secundario terminantis divinam cognitionem.

Inhabis: Si divina scientia terminetur formaliter ad esse creatum, sequitur illam non esse absolute necessariam, sed mutabilem; talis namque est scientia qualis est illius objectum: Ergo cum Creaturæ non sint necessariae, sed tantum contingentes, talis pariter erit scientia Dei ad illas terminata.

Nego antecedens: Hæc enim vera quidem fierent si divina scientia non solum tenderet ad Creaturas tanquam in objectum terminativum, sed etiam motivum; cum autem Creaturæ à Deo cognita, habeant tantum rationem objecti terminantis, non vero moventis, hinc est quod talis non sit earum cognitio, qualis est earum entitas. Hinc sequitur, quod etsi nullæ Creaturæ essent possibiles, & futuræ, non minus divina scientia foret infinita, & necessaria, quia non minus terminaretur ad objectum infinitum primario motivum, & terminativum. Verum quidem esset, quod in hac hypothese potentia non terminaretur ad aliquas Creaturas: Sed hic defectus terminationis non pro veniret ex parte scientiæ, sed ex parte Creaturarum; nam scientia de se est representatio omnium representabilium sine sui mutatione: Sicut à simili Sol est illuminativus omnium rerum illuminabilium, quod si aliquas non illuminet, id non reperitur ex defectu Solis, sed rerum, quæ Soli non exponuntur. Certum est ergo scientiam divinam solum pendere intrinsecè ab Essentia divina tanquam objecto primario motivo; & terminativo; à Creaturis verò tantum extrinsecè, & tanquam ab objecto, non quidem motivo, sed tantum secundario terminativo.

Obijciunt 4. In Deo, utpote infinite perfectio, non potest admitti duplex modus cognoscendi Creaturas, quorum unus sit perfectior, & alter minus perfectus: sed modus cognoscendi Creaturas in Essentia divina tanquam in causâ, est multo perfectior,

fectior, & nobilior, quàm modus illas cognoscendi immediatè in seipsis: Unde in Angelis beatis cognitio matutina, per quam vident Creaturas in Verbo, & in Essentia divina tanquam in causa, multò perfectior est, quàm cognitio vespertina, per quam illas cognoscunt extra Verbum, & immediatè in seipsis, juxta illud S. Augustini, quod supra retulimus de visione beatifica: *Cognitio Creaturae in seipsa decoloratior est, quacum in Dei sapientia cognoscitur, veluti in arte per quam facta est*: Ergo præter modum cognoscendi Creaturas possibiles in Essentia divina tanquam in causa, non debet admitti in Deo alius, quo illas in seipsis immediatè, & independentè ab essentia sua prius cognita intueatur.

Distinguo majorem: In Deo non potest admitti duplex modus cognoscendi Creaturas, quorum uterque habeat rationem objecti per se movens ad illam cognitionem, quæ fiat per distinctum actum, sicut fit cognitio Angelica, & beatifica, concedo: hoc enim quidem imperfectionem denotat: Non potest hic duplex modus admitti diversus ratione diversæ terminationis immediatæ, ad varia objecta, nimirum ad essentiam, & ad Creaturas, nego: Tantum enim abest ut hic diversus modus cognoscendi, aliquam imperfectionem denotet; imò connotat summam intellectus divini vim, & infinitam activitatem, qua & ad divinam Essentiam, & ad ipsas Creaturas uno, & indivisibili actu immediatè terminari potest.

Obijciunt 5. Eo modo cognoscuntur Creaturæ ab intellectu divino, quo repræsentantur per speciem qua intelligit; sed non repræsentantur in se, & ratione sui, sed mediatè, & in alio, scilicet in Deo ut prius repræsentato: Ergo non cognoscuntur immediatè in seipsis, sed mediante Deo prius cognito. *Major* constat: Cum enim ex intellectu, & objecto media specie adæquatè intellectiōis principium constituatur, nihil potest intellectus intelligere, nisi per speciem repræsentetur: Ergo nec poterit immediatè intelligere, quod immediatè in specie non continetur. *Minor* autem probatur: Species qua divinus intellectus intelligit, est sola divina Essentia: At hæc non repræsentat immediatè Creaturas, sed mediante Deo prius repræsentato; Ergo species, qua divinus intellectus intelligit, non repræsentat immediatè Creaturas, sed solum mediatè.

Nego majorem: Falsum enim est, ut probavimus in prioriquæstione, divinam Essentiam habere rationem speciei intelligibilis tam respectu sui, quàm respectu Creaturarum; intellectus enim divinus cum sit infinitæ activitatis, cumque divina Essentia sit per se, & immediatè infinitè intelligibilis, ipsique divino intellectui per se, & immediatè proportionata, nulla specie indiget ipse divinus intellectus, tum ut divinam Essentiam percipiat, tum ut ab ea moveatur ad cognitionem Creaturarum, quas ipsi intellectui divino cognoscendas exhibet, per infinitam suam vim repræsentandi.

Obijciunt denique: Ex S. Thoma 1. contra Gent. cap. 48. ratione prima, ubi sic discuitur, *Operatio intellectualis speciem, & mobilitatem habet, secundum id, quod est per se primò intellectum, cum hoc sit ejus objectum: Si igitur Deus aliud a se intelligeret, quasi primò intellectu, ejus operatio intellectualis speciem, & mobilitatem haberet ab alio, quàm ab ipso: hoc autem est impossibile, cum ejus operatio sit ejus essentia; & hoc, quippe ens a se, nequeat ab alio distincto a Deo speciem capere: sic igitur impossibile est, quod intellectus primò, & per se sit aliud ab ipso*. Ex quibus verbis hæc potest deduci ratio: Si Deus cognosceret Creaturas immediatè in seipsis, & independentè ab Essentia divina prius cognita, objectum formale, & specificativum divinæ intellectiōis esset ens creatum vel ens ut sic abstractens à creato, & increato: sed hoc dici nequit; ergo nec illud. Sequela maioris est evidens: Illud enim censetur esse objectum formale, & primum alicujus potentie, vel operationis, quod primariò, & immediatè ab illa attingitur, & independentè ab alio prius tacto, ut constet in potentia visiva, cujus objectum formale, & primum, est color, quem per se primò attingit; secundarium verò, & materiale, paries, vel aliud subiectum colore affectum; quia illud non attingitur immediatè, & per se primò, sed tantum secundariò, & mediante colore.

Minorem probant: Primò quidem cognitio desumit suam speciem, & suam perfectionem essentialiam ab objecto primario, & ab eo mensuratur: sed intelligere Dei, cum sit ejus natura, non potest suam speciem desumere, nec mensurari à Creaturis: Ergo ens creatum non potest esse objectum formale, & primum divinæ intelle-

tionis. Secundò obiectum formale primum divinæ intellectiōnis debet esse quid actualissimum, sicut & ipsa intellectiō: sed Creatura non est ens actualissimum, sed potentiale: Ergo non potest esse obiectum formale primum divinæ intellectiōnis.

Distinguo maiorem: Ens creatum est obiectum specificativum divinæ intellectiōnis, si per se primò divinum intellectum moveat ad sui cognitionem, concedo: si nullatenus moveat, sed tantum terminet ipsam divinam intellectiōnem, nego: certum est autem Creaturas non habere rationem obiecti motivi, sed tantum terminativi respectu divinæ intellectiōnis; intellectus namque divinus immediatè quidem terminatur ad Creaturas in illis ipsis cognitās, sed movetur solum ad illam cognitionem ab Essentia divina, quæ eum eminenter, & virtualiter contineat esse Creaturarum, idque perfectiori modo, quam ipsamet Creaturæ suum esse formale contineant in seipsis; adeoque vim habeat representandi Creaturas intellectui divino perfectiori modo, quam represententur in seipsis: hinc etiam sola divina Essentia habet vim movendi ipsum divinum intellectum ad Creaturarum cognitionem; sicque Creaturæ non habent rationem obiecti moventis, sed tantum terminantis.

Quòd autem solum obiectum motivum sit specificativum cognitionis, non autem terminativum, aperte patet; diversificatur enim cognitio juxta diversitatem mediū, quo fit; ubi autem est idem obiectum motivum ibi pariter censetur idem esse medium, isdemque modus; adeoque, & eadem specificatio: Ergo cum divinus intellectus à sola divina Essentia moveatur, etiam & ab eadem sola, divina intellectiō suam formalem specificationem accipit.

ARTICULUS SECUNDUS.

De Scientia Dei.

Certum est primò: Deum infinita præditum esse Scientia, ut satis superque liquet ex dictis, tum in precedenti Articulo, tum in tertia questione proximali Theologica. Constat insuper divinam Scientiam non esse intrinsecè multiplicem: unico namque, & invariabili actu cognitionis, Deus cuncta percipit. Unde

tota divinæ Scientiæ varietas in diversās ejusdem ad varios Creaturarum statusterminationes, refundenda est.

Certum est secundò: Variam, & maximè quadruplicem à veteribus Theologis assignatam fuisse divinæ Scientiæ distributionem, quarum prima est in *Speculativam*, & *Prædicam*. Prior dicitur, quæ Deus res solum cognoscit, & non efficit, veram, ac realem existentiam eistribuens; qualis est cognitio, quæ versatur circa res merè possibiles, & quæ nullam unquam existentiam habuerunt, nec habituræ sunt: Posterior est, quæ Deus non solum cognoscit, sed etiam producit res cognitās; qualis est Scientia visionis, quæ per decretum divinum tendit in realem rerum productionem.

Secunda divisio fit in Scientiam *Necessariam*, & *Liberam*, Prima est illa, quæ antecedit decretum, & liberam determinationem voluntatis divinæ, quæque non versatur circa contingentem rerum existentiam, sed ad invariabilem, & necessariam eorum essentiam terminatur. Secunda verò Idcirco libera dicitur, quòd liberum Dei decretum supponat feraturque circa res, vel præsentēs, vel præteritās, aut futuras à Deo liberè determinatās.

Tertia, & omnium famosissima, fit in Scientiam *Simplicis Intelligentiæ*, & *Visionis*: Per priorem, Deus dicitur cognoscere rerum essentias, & possibilitatem: Per posteriorem verò illarum existentiam, vel futuram, vel præsentem, vel præteritam. Hæc tamen divisio ita non est accipienda, quasi fiat in membra per se opposita; siquidem Scientia simplicis intelligentiæ etiam intuitiva est, reque possibiles ita elare, & intuitivè Deus percipit, ac præsentēs: sed solum ita usurpanda est, ut eadem cognitio distribuatur in adæquatam, & inadæquatam; ita quòd Scientia visionis omnem, & adæquatam Dei visionem complectatur: Scientia verò simplicis intelligentiæ inadæquatam solum Dei cognitionem significet, nimirum quatenus terminatur ad res purè possibiles: Huic utrique Scientiæ nonnulli tertiam adjiciunt, quam *Mediam appellant*.

Quarta denique divinæ scientiæ distributio fit in Scientiam *Approbatōnis*, & *Improbatiōnis*. Prior est ipsamet Scientia visionis quatenus versatur circa bonum, & ut supponit decretum, & approbationem volun-

Iustitiae divinae: Posterior verò est eadem scientia visionis, quatenus fertur in mala, & peccata, quae Deus nec decernit faciendae, nec approbat factae; sed tantum permittit, adeoque non supponit decretum Dei positivum, & absolutum, sed tantum permissivum. Quae divisio deducitur ex Scriptura sacra, siquidem de scientia approbationis fertur Genes. 1. *Vidit Deus cuncta, quae fecerat, & erant valde bona.* Et Psalm. 1. *Novit Dominus viam iustorum.* De Scientia verò improbationis intelligitur illud Habacuc 1. *Mundi sunt oculi tui ne videant malum, & respicere ad iniquitatem non poteris.* Item illud Lucæ 13. *Discedite à me operarii iniquitatis, nescio vos.*

Quoniam autem omnes præfatae divisiones, maxime in tertiam collineant, & refunduntur. Idcirco ut congruenti ordine exacta, quantum fieri potest, divinae scientiæ habeatur notitia, Præsentem Articulum tres in sectiones distribuemus. Quarum *Prima* erit de Scientia simplicis intelligentiæ, & rerum possibilium, *Secunda*, de Scientia visionis, & rerum absolute futurarum, *Tertia* denique de Scientia conditionata, & rerum futurarum tantum sub conditione.

SECTIO PRIMA.

De Scientia Simplicis Intelligentiæ.

Cognitio, qua Deus res possibles percipit, idcirco Scientia simplicis intelligentiæ dicitur, quod Deus speculative res illas intueatur absque ullo ordine ad earum productionem, & existentiam. Circa hanc autem cognitionem divinam duo maxime occurrunt resolvenda. Primum quidem, an Creaturæ possibiles prius ex se sint intelligibiles, & aliquod in seipsis habeant esse, quam ab intellectu divino intelligantur. Secundum, qualiter, & in quo Divinus intellectus res illas possibiles percipiat.

QUÆSTIO PRIMA.

An res possibiles ex se prius sint intelligibiles, quam ab Intellectu Divino cognoscantur.

Notandum 1. Quantum ad præsentis Quæstionis resolutionem, triplex creaturarum esse posse distingui, Primum

quidem *virtuale*, & eminentiale, quod habent in Essentia, & Omnipotentia divina, quæ potest eas representare, & producere. Secundum esse cognitum, & *Objectivum*, quod habent in Intellectu divino omnes ab aeterno cognoscente. Tertium denique *Entitativum*, quod habent in seipsis dum verè, & realiter existunt. Hic non est sermo de esse entitativo, neque etiam de esse virtuali, & eminentiali, quod non est proprium, & formale esse Creaturarum, sed est ipsummet esse divinum, seu ipsamet divina Essentia, quatenus nimirum est primum ens, cæterorumque entium principium. Unde sicut esse calor in Sole, nihil est aliud, quam ipsum esse Solis, ut potentis producere calorem, ita pariter esse virtuale creaturarum in Deo, non est distinctum ab esse divino, sed est ipsamet divina virtus, qua Deus Creaturas producere potest. Solim itaque hic est sermo de esse cognito, quod habent in Intellectu divino. *Advertendum* est autem hoc esse cognitum dupliciter usurpari. Primo quidem pro ipsa divina cognitione, qua Deus Creaturas possibiles cognoscit. Secundò verò pro illa denominatione extrinseca veluti resultante in Creaturis ex hac divina cognitione, & à qua Creaturæ denominantur cognitæ, sicut paries à visione dicitur visus. Hic autem non loquimur de priori esse cognito. Certum est enim illud esse verè reale, eo quod sit ipsamet divina cognitio, in qua Creaturæ comprehenduntur. Quò fit ut dicantur viventes in Verbo, juxta illud Joannis, *Quod factum est, in ipso vita erat*, Vita, inquit Augustinus, Creatrix, quia cognitio Dei est realiter vita creatrix. Solum itaque hic est sermo de esse objectivo secundò modo usurpato.

Notandum 2. Triplicem distingui posse rerum possibilitatem ex Doctore subtili in 1. diff. 2. q. 7. & alibi. Nimirum Logicam, Metaphysicam, & Physicam. Prima est non repugnantia rerum ad existendum, seu ut loquitur au. 10. *Possibile Logicum est modus compositionis formata ab intellectu, illius quidem cuius termini non includunt contradictionem.* Secunda possibilitas dicitur ab eodem Doctore in 2. diff. 12. q. 1. illud esse objectivum, quo res percipi potest, & esse objectum potentiae cognoscentis. Tertia denique est illud esse Creaturarum, dicens respectum ad Omnipotentiam divinam, à qua possunt produci. De sola

pos-



possibilitate Metaphysica movetur præsens quæstio, non verò de cæteris.

Notandum 3. Ex eodem Doctore in 1. *dist.* 43. *quæst. unica, num. 5.* in detegenda rerum possibilitate distinguui posse tria naturæ instantia, in quorum primo divinus intellectus producit Creaturas in esse intelligibili, & objectivo, eas scilicet concipiendo secundum illud esse, quod realiter habere possunt, si producantur. In secundo Creatura concipi potest habere esse possibile seipsa: *Quia*, inquit Doctor, *seipsa formaliter non repugnat sibi esse, & seipsa formaliter repugnat sibi habere esse necessarium ex se, in quibus duobus fiat tota ratio possibilis.* In tertio denique, Creatura dicit respectum ad Omnipotentiam divinam, à qua produci potest. In primo instanti habet possibilitatem Metaphysicam, in secundo Logicam, in tertio verò Phisicam: seu ut loquitur ibidem Doctor num. 6. In priori instanti Creaturæ habent esse possibile principiativè ab intellectu divino, in secundo habent esse formale possibile à seipsis, in tertio habent esse completum possibile à respectu, quem dicunt ad Omnipotentiam divinam.

Verum an ita res sese habeat, non consentiunt Doctores. Primò namque Henricus quodlibet 8. q. 1. & 9. tribuit Creaturis aliquod reale esse essentiale æternum, ratione cujus Creaturæ dicuntur intelligibiles, & ab intellectu divino cognoscuntur: quam sententiam in Vvicleffo, ut errorem pessimum refert, & damnat Vvaldensis *Lub.* 1. *Fidei c. 8.* quem pariter errorem Doctori Subtili perperam affingunt Cajetanus *prima parte quæst. 12. art. 5.* & Eannes *qu. 10. art. 3.* Secundò Suarez *disp. 30. metaphysica p. 17.* duplicem distinguit rerum possibilitatem, unam *Negativam*, quæ est non repugnantia rei, ut producat, alteram *Positivam*, quæ consistit in quadam extrinseca denominatione proveniente ab omnipotentia Dei, à qua Creaturæ denominantur formaliter possibiles. Priorem dicit Creaturas habere rationem prius, quam intelligantur à Deo. Posterioriorem verò dum cognitz sunt. Tertio Aureolus noster in 1. *dist. 35. art. 4.* affirmat esse possibile Creaturarum, non aliud esse, quam virtuale, seu esse causæ potentis eas producere. Denique Vasquez 1. *parte disp. 104. cap. 4.* & 5. nec-non & omnes pene cæteri Recentiores dicunt Creaturas esse pos-

sibiles saltem incomplete, independentes ab intellectu divino. Quid autem verius sit, ut appareat, tria sunt in præsentiquæstione resolvenda. Primum, an Creaturæ habuerint aliquod esse reale possibile ab æterno. Secundum à quo præcisè habeant primum sui esse possibile distinctum ab Essentia divina: an videlicet à seipsis, an autem ab intellectu divino. Tertium quidnam sit formaliter illud Creaturarum esse possibile.

CONCLUSIO PRIMA.

Res possibiles nullum prorsus habent esse reale, formale, ab æterno. Hæc est expressa Doctoris sententia in 1. *dist. 36.* quam probat contra Henricum septem rationibus, quarum præcipua deducitur ex rerum creatione. Quidquid creatur producit ex nihilo, sed creaturæ formantur per creationem: Ergo producuntur ex nihilo, sicque ante suam creationem nihil erant, adeoque nullum habuerunt esse reale. *Confirmatur.* Quia sicut illud, quod præsupponit materiam, ex qua producit, non censetur produci per creationem, sed per educationem, aut generationem, sic nec illud censetur creati ex nihilo, cujus aliquod esse reale præsupponitur.

Replicat Henricus, creationem fieri quidem ex nihilo existentiz, ita ut quod creatur, non fuerit prius existens, non verò ex nihilo essentiz, ita ut quod creatur, verum esse antea habuerit.

Sed contra sicurgeo cum Doctore, creatio est productio à non esse ad esse simpliciter: atqui id quod suum supponit esse reale, non producit ad esse simpliciter, sed tantum ad esse secundum quid, videlicet ad esse existentiz: Ergo quod creatur nullum esse reale supponit, alioquin, inquit Doctor, *Creatio minus erit productio simpliciter, quam sit Alteratio, ubi est productio saltem alicujus quantum ad esse absolutum.* Adde quod existentia est tantum modus rei: Ergo si res producatur tantum secundum existentiam, non producit secundum esse simpliciter.

Secundò, Illud esse reale, si quod ab æterno habent Creaturæ, vel esset à Deo communicatum, vel non. Non primum, quia Deus non communicat esse, nisi per productionem, productio autem terminatur ad rem existentem, & sic illæ Creaturæ

re possibiles fuissent existentes ab æterno, quod est contra fidem. Non etiam secundum, quia totum esse Creaturæ, est à Deo participatum, & dependens.

Replicant aliqui Moderni totum esse Creaturarum, esse quidem dependens, & participatum quantum ad existentiam, non verò quantum ad essentiam. *Contra*, existentia est tantum modus rerum creaturarum: Ergo si res creatæ tantum dependeant à Deo secundum existentiam, dependent tantum secundum aliquem sui modum, & consideratæ secundum se, absolute à Deo sunt independentes. *Deinde* si Creatura tantum à Deo dependeat quoad suam existentiam: Ergo erit ens essentialiter independentens, essentia enim ejus à nullo dependebit. *Denique* Creaturarum essentia, æquæ viderentur necessariæ, ac Essentia divina, quæ à nullo dependet: sed has, & similes consequentias admittere Christianos dedecet: Ergo & id unde inferuntur.

Tertio, Si Creatura ante sui productionem habeat esse essentiale reale, sequitur illam non posse annihilari, sicut enim, inquit Doctor, esse reale essentia præsupponeret creationi, paritione remaneret post annihilationem. Illud autem, cujus essentia realiter manet post ejus corruptionem, minus censeri debet annihilari, quam illud cujus materia permanet, illa enim essentia realiter subsistens magis est esse proprium rei, quam sit materia, quæ ante corruptionem illius erat pars constitutiva.

Denique alias rationes subjicit Doctor arguens ad hominem contra Henricum. Primo si Creaturæ haberent esse reale essentiale ab æterno, sequeretur aliquid esse necessarium præter Deum, cum enim essentia rerum sint invariabiles, & necessariæ, si verum haberent esse reale ab æterno, etiam esset aliquid essentialiter necessarium præter Deum. Secundo cum intellectus divinus sit causa naturalis, & agat naturaliter, quæ producit immediatiora etiam perfectiora producit, quia producit illa secundum omnem suam activitatem, & fecunditatem: Ergo cum intellectus divinus producat rationes ideales, & ipsas essentias in ratione essentia; sed prius rationes ideales, quam essentias, quia essentia in tantum sunt in quantum exemplatæ sunt. Ergo illæ idæ haberent verius, & perfectius esse, quam ipsæ essentia; & sic ef-

sentia; non erunt reales. Alias rationes vide apud ipsum Doctorem ibidem.

Dices 1. Illud verum habet esse reale, cujus veritas realis est ab æterno; sed essentia; Creaturarum veritas realis est ab æterno, hæc enim propositio, *Homo est animal rationale*, est vera ab æterno: Ergo pariter essentia hominis per illam propositionem significata, est realis ab æterno.

Nego majorem, Entia enim fictitia etiam habent veritatem ab æterno, nec tamen veram entitatem: inde patet minoris falsitas. Pari namque modo possem inferre, *Chymeram esse ens fictitum*, & *impossibile, est verum ab æterno*: Ergo *chymera est realis ab æterno*, quæ illatio prorsus nulla est, adeoque à veritate rei non licet illius realitatem inferre.

Vel dico cum sancto Thoma 1. part. qu. 10. a. 3. ad 3. hanc propositionem esse veram quatenus res significata erat objective in mente divina, non autem subjective, seu realis in se. Cui consentit Doctor supra citato nu. 11. dicens, *Cum dicis ultra; Ergo non est ejus definitio nisi sit existens, nego istam consequentiam, quia definitio est distincta cognitio definiti secundum ejus omnes partes essentielles, distincta autem cognitio potest esse alicujus, licet ipsum non sit ens ratum, & non sequitur, ens ratum definitivè intelligitur: Ergo ens ratum est.*

Vel dico cum eodem Doctore in *primum dist. 3. quæst. 4. nu. 18.* veritates necessarias rerum, esse, & videri in Deo, quatuor modis. Primo, ut in objecto proximo, quia intellectus divinus dat esse intelligibile Creaturis ab æterno, in cujus virtute necessariè relucet immutabiliter. Secundo, ut in continente objectum proximum, quia intellectus divinus instat libri continet illa intelligibilia, quæ dici possunt lux æterna secundum quid. Tertiò, sicut in aliquo, virtute cujus movet objectum, quia sicut intellectus divinus producit alia à se in esse intelligibili, ita dat rationem objecti, quæ movet. Quarto, ut in objecto remoto cognitio, quia Essentia divina est primum principium speculabilem, & ultimum finis practicabilem, & sic veritas rerum stare potest ab æterno, quamvis res veræ non sint reales in seipsis.

Instabis, Scientia quia Deus cognoscit essentias Creaturarum, ab æterno est realis: Ergo objectum cognitum est reale. Patet consequentia, tum quia correlata sunt simul

simul natura: Ergo simul natura sunt Deus cognoscens Creaturas, & Creatura cognita. Tum quia scientiæ specificantur ab objecto.

Concedo antec. Sed nego conf. Tum quia realitas scientiæ divini non defumitur ab objecto secundario, quales sunt Creaturæ, sed ab objecto primario, id est ab Essentia divina. Tum quia ut infert Doctor num. 6. ex D. August. lib. 5. in Genes. 7. *Non aliter novit Deus facta quam fienda.* *Præcognovit igitur esse existentie, sicut esse essentie, & tamen propter istam relationem fundatam, non concedit aliquid esse existentie verum esse ab æterno: Ergo pari ratione non est concedendum de esse essentie.*

Dices 2. Ex Aristotele, & aliis Philosophis, essentie rerum sunt æternæ, invariabiles, ingenerabiles, & incorruptibiles: at tales non essent si nihil reale ab æterno haberent, &c.

Distinguo majorem. Sunt æternæ secundum esse entitativum, nego, secundum esse ideale, objectivum virtuale, quod habent in intellectu divino, & in omnipotentia divina, concedo. Et similiter distincta minore, neganda est consequentia. Itaque, quod Creaturæ dicantur æternæ, & ingenerabiles secundum essentiam, non verò secundum existentiam, hæc non ita debent intelligi, quasi illæ producerentur in tempore secundum existentiam solum. Certum est enim totum quidquid in eis est, reverà produci, & generari, sive sit essentia, sive proprietas, sive existentia. Sed ita hæc sunt intelligenda, quod conceptus objectivus, & prædicata essentialia rerum abstrahant ab existentia, & sint omnino invariabilia, itaut sive homo existat, sive non, verà semper sit hæc propositio, *Homo est animal rationale.*

Dices 3. Quod ponitur in linea prædicamentali, reale est, realitas enim est una & conditionibus ad rationem prædicamenti: sed Creaturæ ponuntur in linea prædicamentali etiam antequam existant, & quatenus sunt possibiles, imò necessariò abstrahere debent ab existentia, ut in prædicamenti reponantur: Ergo quatenus possibiles verè sunt reales.

Distinguo majorem. Debet esse reale, vel objectivè, vel entitativè, concedo, entitativè solum, nego. *Ad minorem* dico, Creaturas possibiles non esse quidem reales entitativè, & formaliter in seipsis,

sed tantum objectivè, idealiter, & in intellectu divino, quod sufficit ut reponi possint in prædicamentis.

CONCLUSIO SECUNDA.

Primum esse diffinidum Creaturarum est ab intellectu divino. Ita Doctor Subtilis pluribi, sed maxime in 1. diff. 43. nu. 5. ubi sic loquitur, *Per ipsam potentiam, sub ratione qua est omnipotentia, non habet objectum, quod sit primum possibile, sed per intellectum divinum producentem in primo instanti illud in esse intelligibili, & intellectus non est formaliter potentia activa, qua Deus dicitur formaliter omnipotens, & tunc res producta ab intellectu divino in esse tali scilicet intelligibili in primo instanti naturæ, habet seipsa esse possibile in secundo instanti naturæ.* Quibus Doctor disertè significat Creaturas habere primum suum esse ab intellectu, nimirum esse cognitum. Secundò habere ex se non repugnantiam ad existendum, quam non repugnantiam comitatur relatio rationis ad omnipotentiam potentem illas producere, sicque hanc non repugnantiam comitatur, vel sequitur illarum esse possibile formale, & completum.

Probatur primum, Auctoritate S. Augustini lib. 5. de Genesi ad litteram cap. 18. ubi ait, *Hæc visibilia antequam fierent, non erant, quomodo ergo nota Deo erant, quæ non erant?* Rursus quomodo ea faceret, quæ sibi nota non erant, non enim quidquam scire ignorans? Nota ergo fecit, non facta cognovit, proinde antequam fierent, non erant, erant in Dei scientia, non erant in sua natura: consequenter ex mente S. Augustini Creaturæ possibiles nullum habent aliud esse præter esse objectivum, quod habent in essentia, seu in intellectu Dei, siquod enim aliud esse haberent, maxime esse essentialè: sed illud excludit S. Augustinus dicendo res non fuisse aliquid in propria natura, & per consequens neque in propria essentia, quia essentia, & natura idem sunt.

Probatur etiam ratione. Illud omne esse, quod habent Creaturæ, cum non sit nec in se ipsis, nec à se ipsis, producitur, vel ab intellectu, vel à voluntate Dei; sed primum esse Creaturarum non producitur à voluntate: Ergo ab intellectu Dei. *Probatur minor.* Illud esse quod habent Creaturæ à voluntate, & omnipotentia Dei ab æterno, est esse volitum, & futurum: sed

an.

ante illud esse volitum, & futurum, Creaturæ prius habent esse possibile, & intelligibile, nihil enim volitum quin sit præcognitum, nihilque futurum decernitur, quin prius sit possibile: Ergo primum esse possibile, quod habent Creaturæ, non est à voluntate, sed ab intellectu Dei.

Deinde si Creaturæ ante divinam intellectionem haberent aliquod esse, maxime vel à se, vel à Deo: sed non à se, ut jam probatum est, alioquin non essent Creaturæ: Ergo totum quod habent esse, habent à Deo. Sed nullum habere possunt à Deo ante divinam intellectionem, quia si maxime illud haberent, vel per emanationem, vel per productionem. *Non primum*, nihil enim emanat à Deo, nisi quod divinum est, & ab Essentia divina realiter indistinctum, quales sunt divinæ perfectiones, & relationes originis: Creaturæ autem, nec sunt quid divinum, nec à Deo realiter indistinctæ: *Non etiam secundum*, prima enim Deitatis operatio tum ad intra, tum ad extra, fit per intellectum ut constat: Ergo primum esse quod habent Creaturæ, est ab intellectu divino.

Denique, maior est fecunditas divini intellectus, quam fit fecunditas intellectus creati: sed intellectus creatus tribuit esse cognitum rebus quas intelligit. Sicut enim lapis visus habet esse visum per visionem, sic idem lapis cognitus per cognitionem habet esse cognitum. Cum hoc tamen duplici defectu, Primò quòd illud esse cognitum in intellectu creato non sit primum esse, sed secundarium, quia intellectus creatus supponit suum effectum, non verò efficit: Secundo illud esse cognitum extrinsecum est rebus, qui defectus in intellectum divinum, utpote perfectissimum cum cadere nequeant, consequens est ut Creaturas producendo in esse cognito, eas producat secundum illarum esse primum, & intrinsecum, adeoque primum esse quod habent Creaturæ, necessariò debet esse ab intellectu divino.

Dices 1. Possibilitas Creaturarum consistit in illarum non repugnantia ad existendum: sed illam non repugnantiam habent à seipsis: Ergo etiam habent possibilitatem à seipsis.

Distinguo majorem, Possibilitas completa consistit in illa non repugnantia cum ordinis: ad omnipotentiam, à qua Creaturæ non repugnant produci, concedo. Possi-

bilitas prima, & inchoata, seu primus conceptus rei possibilis consistit in illa non repugnantia, nego: cum enim non repugnantia sit alicujus rei non repugnantia, necessariò supponit conceptum rei, in quo illa non repugnantia fundetur: Ergo ut Creaturæ possibiles dicantur habere non repugnantiam ad existendum, prius supponi debent habere aliquod esse: illud autem esse non possunt habere ab alio quàm ab intellectu divino, & consequenter primum suū essentiam habent ab intellectu divino.

Dices 2. Scientia speculativa non producit suum objectum, sed supponit: atqui scientia qua Deus cognoscit Creaturas possibiles, est speculativa: Ergo eas Creaturas possibiles non producit, sed supponit.

Distinguo majorem, Scientia speculativa non producit suum objectum in esse reali, & entitativo quod habet in se, concedo; non producit in esse intelligibili quod habet in intellectu, nego, quia, inquit Doctor num. 6. *Est aliquid non sit, potest tamen à nobis intelligi, & hoc sive ejus essentia, sive existentia, & tamen non propter intellectionem nostram ponitur quòd illud habeat verum esse existentia.* Nec etiam est differentia aliqua quoad hoc, ut videatur, inter intellectum nostrum, & divinum, nisi quòd intellectus divinus producit illa intelligibilia in esse intelligibili primo, nos non producit primo.

Urgent iterum, Res sunt prius intelligibiles in Essentia divina quàm ab intellectu divino intelligantur: Ergo non solum habent esse cognitum.

Distinguo antecedens, Cum nostro de Basilii in 1. distinctione 36. questione 1. articulo 2. sunt prius intelligibiles formaliter, & distinctè, ita ut in ipsa præluceant velut in speculo, nego antecedens. Sunt prius intelligibiles virtualiter in distinctè tanquam effectus in sua causa, concedo antecedens. Ad hoc autem ut aliquid dicatur intelligibile formaliter loquendo, debet actu representari, vel in seipso, vel in specie, qualiter non sunt res possibiles in essentia, priusquam intelligi supponantur.

Urges, Si Creaturæ producantur in esse possibili, & diminuto à cognitione Dei, consequens est quod quando Deus seipsum cognoscit, imò etiam quando Creaturas jam existentes cognoscit, illas producat in esse possibili, & diminuto: sed falsum consequens: Ergo & antecedens.

Nego majorem, Ut enim reverà divinus in-

intellectus res producat in esse diminuto, & possibili, nullum res cognita præsupponere debet esse, adeoque cum Deus vel seipsum, vel Creaturas jam existentes cognoscit, nullatenus se, aut Creaturas cognitias producere debet in esse cognito, & possibili, & diminuto.

CONCLUSIO TERTIA.

Illud ens possibile cognitum formaliter in se consideratum, & quatenus concipitur ut quid distinctum ab essentia, & intellectu Dei, non est aliquid reale. Hæc est expressa Doctoris sententia in 1. distinctione 36. quæstione unica, in responsione ad secundum, ubi ait, Dico quod productio ista in esse cognito, est in esse alicuius rationis ab omni esse simpliciter, & non est relatio rationis tantum; sed etiam fundamenti absoluti, non quidem secundum esse essentia, vel existentia, quod est verum esse; sed secundum esse diminutum, quod esse est esse secundum quid, etiam entis absoluti, quod tamen ens absolutum secundum istud esse diminutum, concomitatur relatio rationis: Ibidem distinctione 13. quæstione unica, ait, Ens rationis tantum habet esse in intellectu, quia ens rationis non causatur ab objecto nisi in quantum cognitum, & ut sic non habet esse nisi in intellectu, quod est ens diminutum, ex 6. Metaph. nihil autem secundum quod ens diminutum est, est propria ratio entis veri.

Et in distinctione 36. numero 10. ubi cum dixisset illud esse diminutum productum ab intellectu divino, habere rationem entis non respectivi, sed absoluti, ait, Quod tamen ens absolutum secundum istud esse diminutum, concomitatur relatio rationis. Exemplum huius, si Cæsar annibulatus esset, & tamen esset statua Cæsar, Cæsar esset representatus per statuam. Illud esse representatum est alterius rationis ab omni esse simpliciter, sive essentie, sive existentie, nec est esse diminutum Cæsar, quasi aliquid Cæsar habeat hoc esse aliquid non. Sicut Archiepiscopus est diminute albus, quia aliquid eius est verè album & aliquid non, sed totius Cæsar, & eius esse à causa sua est verum esse existentie, & essentie, cuius totius secundum totale esse suum est istud esse secundum quid, & in ipso secundum istud esse secundum quid potest esse aliqua relatio ad statuam. Quibus Doctor significat quod quemadmodum representatio formalis Cæsar nihil reale importat nec in statuam, nec in Cæsare, ita nec illud esse diminutum repre-

sentativum Creaturarum nihil reale significat nec in eis, nec in ipsis Creaturis.

Deinde, illud est purum ens rationis, quod tantum habet esse objectivè in intellectu divino eo modo, quo secundum intentiones habent esse in intellectu creato: sed illud esse diminutum nullum aliud habet esse quam objectivum in intellectu Dei: Ergo est formaliter in se ens rationis.

Denique, si illud esse objectivum aliquid realitatis haberet, maxime vel secundum essentiam, vel existentiam, sed neutrum dici potest. Non primum, quia ut iam probatum est, Creatura nullum in se habent esse reale ab æterno, neque etiam secundum, quia Creatura ut possibiles, & secundum illud esse cognitum, nullam existentiam habent in se: Ergo sunt purum ens rationis.

Dices 1. Creatura possibiles, & in esse cognito aliquid habent supra Chimæram, huic enim repugnat existere, illis verò non: sed chimæra est ens rationis: Ergo Creatura secundum illud esse possibile, & objectivum non sunt ens rationis.

Negat majorem Doctor supra laudatus numero 14. dicens, *Prima igitur omnino ratio, & non reducibilis ad aliam quare hominibus repugnat esse, est quia formaliter est bono, & hoc sive in re realiter, sive in intellectu conceptibiliter, & prima ratio quare chimæra repugnat esse est chimæra in quantum chimæra. Alter igitur inest illa negatio nihilitatis homini in eternitate, & chimæra, & tamen non propter hoc est unum magis nihil altero.* Huius responsi præmisit rationem numero 13. dicens negationem alicuius inesse alteri, vel propter solum defectum cause producentis illud, vel propter repugnantiam quam habet ad illud suscipiendum. Priori modo albo negatur de pariete non albo. Posteriori negatur de Angelo, & in hoc casu paries non albus non est minus nihil albedinis quam Angelus: Et ratio, inquit, quare non magis est hæc negatio quam ista, est quia qualibet negatio negat totam affirmationem sibi oppositam ex quacunque ratione sit talis. Tam enim verum est dicere paries niger non est albus, quam Angelus non est albus. Idem dicendum à simili de Creaturis possibilibus, & de chimæra quia ens reale de utroque ab æterno verè negatur.

Dices 2. Ens rationis est id, quod fingitur ab intellectu ad modum entis realis cum non sit ens reale: sed ens possibile

ita fingi non potest ab intellectu divino : Ergo non est ens rationis. *Major* patet ex Logica. *Minor* probatur. Talis enim fictio cum summam imperfectionem importet, tribui nequit intellectui divino omnimodè perfectissimo.

Distinguo majorem, Ens rationis purè fictitium, ita fingitur ab intellectu creato, concedo. Ens rationis per quamdam resultantiam alicujus operationis, nego. *Ad minorem* dico, illud ens possibile, seu diminutum non quidem fingi ab intellectu divino, nec ab eo fabricari per veram, & realem operationem fictitiam; sed à nobis concipi per modum alicujus entis diminuti resultantis ex infinita cognitione, qua divinus intellectus divinam Essentiam, & Omnipotentiam comprehendendo illarumque viam infinitè representativam, & productivam intuitivè cognoscendo, primum concipit Creaturas in esse possibili, seu illas non repugnare, ex quo conceptu exurgit denominatio entis cogniti, quæ est ens rationis, quæque resultare potest ex cognitione entis, quod potest aliquando esse verum, & reale, sicque divinus intellectus efficit ens rationis, non fingendo; sed verum ens concipiendo.

Dices 3. Si Creaturæ possibiles verè dicantur productæ ab æterno secundum esse diminutum ab intellectu divino, & quod ab æterno sint ab illo cognitæ, pari ratione Essentia divina ab ipso divino intellectu etiam ab æterno cognita dici posset ab illo producta secundum esse diminutum: sed falsum consequens: Ergo etiam antecedens.

Nego sequelam majoris: Ut enim aliquid produci possit in esse cognito, & habere rationem entis diminuti, necessum est ut prius nullum esse reale, live essentia, sive existentia habeat priusquam cognoscatur ab intellectu divino: sed Essentia divina prius natura quam cognoscatur ab intellectu divino, jam habet esse existentia in se, & formaliter, existentia namque est de Essentia Dei, adeoque ipsa divina Essentia quantumvis cognita ab intellectu divino, non potest habere rationem entis diminuti.

Dices 4. Ex dictis constat Doctorem affirmare illud esse cognitum, & ens diminutum esse fundamentum relationis rationis: Ergo ex mente Doctoris, vel illud ens diminutum non est ens rationis, vel Doctor sibi ipsi contradicit.

Respondeo Doctorem idcirco illud *Ens diminutum* appellare aliquid absolutum, quia nimirum concipitur ad modum alicujus formæ resultantis ex cognitione veri entis, & tribuentis denominationem entis cogniti, quæ scilicet forma resultans etiam concipitur, ut fundans relationem ad id à quo resultat, & ad id quod denominat. Hæc tamen forma denominans & relatio ad denominatum, nihil in se realitatis habent, sed sunt purum otis rationis, non quidem fictum, sed veluti per resultantiam, cum enim ens rationis consurgat ex cognitione veri entis, cumque omnis denominatio entis cogniti sit ens rationis, patet divinum intellectum, intelligendo res possibiles, formare ens rationis non per fictionem, sed per denominationem, & resultantiam, eo scilicet modo quo oculus corporeus videndo parietem, dicitur producere Ens rationis per resultantiam, quia nempe *Esse visum*, quod intellectus concipit remanere in pariete post visionem, est purum ens rationis.

COROLLARIUM I.

EX his Collige 1. quàm perperam Cæteranus, & nonnulli Thomisti Subtilli Doctori imponent, affirmantes illum in errorem Vviclesi lapsum. Nam ut refert Thomas Vvaldensis libr. 1. Fidei antiquæ cap: 1. in hoc errore Vviclef versabatur, quod triplex esse Creaturarum, nimirum intelligibile in intellectu divino, virtuale in causis secundis, & entitativum in genere proprio appellaret *esse simpliciter*, ita quod esse objectivum, quod habent Creaturæ in intellectu divino, tam reale sit ac esse entitativum quod habent in seipsis, dum existunt, insuper affirmabat illud esse intelligibile propriè, & formaliter esse in Deo. Unde contendebat Deum absolute simpliciter posse dici equum, asinum, &c. Imò & Creaturas ratione hujus esse intelligibiles, in Deo formaliter existentes, verè Deum appellari posse contendebat, quod utrumque quàm à Subtili Doctoris sententia sit alienum, satis superquæ patet ex dictis.

COROLLARIUM II.

Collige 2. Creaturas non representant actu, & formaliter in Essentia divina

vina antequam intelligantur; Tum quia ut sic Creaturæ non continentur in Essentia divina nisi tanquam effectus in causa: atqui effectus non continentur actu in causa, sed solum eminenter, & virtualiter: Ergo nec actu distinctè repræsentantur: Tum quia si Creaturæ haberent repræsentatum, & intelligibile in Essentia divina priusquam intelligantur, sequeretur eas pertinere ad memoriam Patris, quæ est ipsæmet intellectus fecundatus objecto, potius quam ad intelligentiam, quæ est intellectus cum intellectione actuali: sed hoc pugnat in mentem Doctoris, qui in 2. dist. 7. qu. 1. affirmat Creaturas non habere esse in memoria Patris. *Adde quòd* cum juxta D. Aug. lib. 15. de Trinit. Verbum divinum de tota Patris memoria nascatur, & consequenter ex eo omni, quod in memoria Patris actu continetur, & repræsentatur; si Creaturæ relucere in ipsa memoria Patris, essent rationes producendi Verbum divinum, & hoc vi suæ productionis esset similitudo, & imago Creaturarum, quod an verum sit apertius in Tractatu de Trinitate.

QUÆSTIO SECUNDA.

An, & in quomodo Deus cognoscat Creaturas possibiles.

TRia sunt maxime in præsentī quæstione resolvenda: *Primum* quidem an Deus revera distinctè, & clarè intueatur rerum omnium possibilem quidditates, proprietates, & appendices. *Secundum*, an hæc cognitio ad scientiam visionis nullatenus pertineat: *Tertium* denique, an Creaturas illas possibiles intueatur in essentia sua, vel in omnipotentia, vel in ipsamet sua divina scientia: quæ ut evidentius innotescant,

Notandum primò, in quolibet entè possibilem duodebere distingui, *Unum* quidem, quod dicit in recto; *Alterum*, quod tantum in obliquo significat. Primum est ipsum ens secundum totam suam entitatem, quam haberet si revera actu existeret; ens enim possibile illud dicitur, quod existere potest, & verum est, quòd ens existens secundum totam suam entitatem prius fuit possibile: Secundum autem est duplex illa possibilitas, quam illud ens importat, unam quidem intrinsecam, & Logi-

cam, quæ est non repugnantia rei ad existendum, seu cujus extrema nullam contradictionem involvunt, ut invicem uniuntur ad rem aliquam constituendam, puta *animal*, & *rationalè* ad efformandum hominem. Aliam autem extrinsecam, quæ consistit in respectu, & ordine rationis, quem res illæ possibiles concipiuntur dicere ad omnipotentiam divinam, à qua produci possunt. Prior possibilitas est veluti radicalis, & remota, fons, & origo posterioris; idcirco namque divina potentia Creaturas possibiles producere potest, quia illæ nullam in suo conceptu, & existentia contradictionem important.

Notandum 2. discrimen scientiæ simplicis intelligentiæ à scientia visionis præcisè in eo non consistere, quòd idem objectum cognoscant abstractivè, & intuitivè; utraque enim cognitio Dei intuitiva, & penetrativa est; nec ad scientiam intuitivam requiritur, ut res cognoscatur quatenus est existens; sed solum quatenus est præsens sive in se, sive in alio tanquam in medio prius cognito, sicut v. g. objectum aliquod videtur intuitivè, vel in se, vel in speculo in quo, ut præsens, repræsentatur. Nec etiam utraque scientia discrepat, quòd prior terminetur ad non entia, posterior verò ad entia, seu una ad res possibiles, alia ad res actu existentes; utraque enim terminari potest ad res actu existentes, siquidem scientia simplicis intelligentiæ in rebus actu existentibus percipit earum possibilitatem; res namque existentes suam adhuc possibilitatem Logicam retinent, siquidem revera non habent repugnantiam ad existendum, licet non habeant possibilitatem Phycam, & ordinem ad omnipotentiam divinam, à qua produci possunt cum jam de factò sint productæ; sicque respectum habent ad ipsam omnipotentiam earum productivam non amplius ut producibiles, sed ut productæ sunt. Tota itaque utriusque Scientiæ varietas maxime consistit in eo, quòd res easdem hac utraque scientia Deus percipiat diverso modo, diversaque ratione.

Notandum 3. Duplex à Philosophis solere distingui medium ducens in cognitionem alterius, unum *ut quo*, quod vocatur medium incognitum, qualis est species impressa, quæ non cognoscitur ut quod: sed solum est ratio cognoscendi objectum, quod repræsentat. Aliud *ut quod*, quod

quod appellatur medium cognitum, quale est speculum, v. g. quod prius debet videri, quam in eo videantur objecta, quæ repræsentat. Dubium autem est, an Creaturæ possibiles videantur in Omnipotentia divina distinctius, & expressius, quam in essentia, vel in divina scientia tanquam in medio cognito.

CONCLUSIO PRIMA.

Deus res possibiles distinctissime cognoscit quantum ad earum quidditates, proprietates, & appendices: Hæc est communis, & sufficienter probata manet in postrema quaestione prioris articuli: Nihilominus firmatur iterum hac ratione. Deus est agens productivum rerum per intellectum, & voluntatem: sed tale agens cognitionem habet rerum à se faciendarum, & productarum: Ergo Deus distinctè cognoscit res quas potest producere, quasque produxit. Probatur maior; Præstantissimæ causæ tribuendus est præstantissimus producendi, & causandi modus: sed Deus est omnium causarum Prima, & præstantissima; modusque res producendi præstantissimus fit per intellectum, & voluntatem; Ergo illa causandi ratio Deo tribuenda est. Probatur minor. Agens per intellectum, & voluntatem agit per modum artificis: sed artifex prius rem cognoscit, quam ipsam producat; nam ut ait Aristoteles 7. Meteor. physicorum lib. 5. *Domus ad extra fit à domo, quæ intra mentem artificis formata est.*

Adde quod agens per voluntatem, necessàriò præsupponat cognitionem objecti, circa quod operatur; nihil enim volitum est quin præcognitum: Ergo agens per voluntatem necessàriò habet præcognitionem rei, quam efficit; adeoque cum Deus præstantissimè agat per voluntatem, & omnia operetur secundum consilium voluntatis suæ, necessàriò præcognoscere debet res à se faciendas.

Confirmatur ex Apostolo ad Rom. dicente de Deo, *Vocat ea, quæ non sunt tanquam ea, quæ sunt*: Hoc est juxta communem Interpretum sententiam, Deus quæcquid novit res possibiles, & quæ nondum existunt, ac eas, quæ sunt interum natura. Quod rursus comprobatur ipsemet Apostolus ad Hebræos 4. *Non est in illius Creatura invisibilis in conspectu ejus, omnia autem nuda, & aperta sunt oculis ejus; & confra-*

Fraffen Theol. Tom. II.

sequenter non ipsum latent Creaturæ possibiles, easque distinctè intuetur.

Dices: Si Deus cognoscat ens possibile quatenus ens possibile est, cognoscit non ens quatenus est non ens: sed Deus non potest cognoscere non ens: Ergo nec res possibiles; *Major patet* ex præcedenti quaestione, in qua probatum est Creaturas possibiles formaliter, & in seipsis consideratas, non esse aliquid reale, sed purum ens rationis. *Minor* probatur, Deus non potest cognoscere nisi quod est cognoscibile; non ens autem non est cognoscibile, cognoscibilitas enim est proprietatis, quæ consequenter non potest non enti competere.

Respondet 1. Quòd etsi Creaturæ possibiles formaliter, & in seipsis consideratæ, nihil reale habeant; attamen non sunt, purum nihil; concipiuntur enim tanquam exemplaria earum rerum, quæ aliquando exituræ sunt realiter, & idcirco aliquam saltem exemplarem habent intelligibilitatem. *Secundò*, licet illæ creaturæ, quatenus possibiles, per se formaliter non sint intelligibiles; tamen intelligi possunt in Essentia divina, in qua relucet statim, ac productæ sunt secundum earum esse diminutum, & objectivum ab intellectu divino: Intelligi pariter possunt ex comprehensione divinæ Omnipotentie ad quam tanquam ad causam illarum in esse reali productivam, habent respectum rationis, quod sufficit ut ab intellectu divino distinctè percipiantur, sicut in tertia sequenti Conclusionem probabimus.

CONCLUSIO SECUNDA.

Creaturæ possibiles cognoscuntur à Deo tantum scientia simplicis Intelligentiæ: Conclusio patet ex secundo Notabili: In hoc enim scientia simplicis Intelligentiæ à scientia Visionis solum discrepat, quòd scientia simplicis Intelligentiæ versetur circa res quatenus sunt possibiles, & in suis causis, & quatenus nullam in suo conceptu formali repugnantiam important ad existendum. Scientia autem visionis feratur circa res præsentēs, vel præteritas, vel futuras, seu ut loquitur sanctus Thomas quaest. 2. de Veritate Art. 9. ad 2. *Dicitur scientia visionis in Deo, ad similitudinem visus corporalis, quia res extra se positas intuetur.* Unde per scientiam visionis, Deus scire non

non dicitur, nisi quæ sunt vel præsentia, vel præterita, vel futura: sed scientia simplicis intelligentiæ etiam est eorum, quæ nec sunt, nec erunt, nec fuerunt. Quibus sanctus Thomas aperte fatetur scientiam simplicis intelligentiæ à scientia visionis distingui, quod prior versetur circa rerum possibilitatem; posterior verò circa earundem existentiam.

Nec refert, quod Deus intuitivè conspiciat res possibiles, sicque eas habeat præsentis in esse cognito, & objectivo. Hæc enim præsentia non sufficit ad rationem scientiæ visionis, quæ per se postulat terminari ad realem rerum existentiam, sive præsentem, sive præteritam, sive futuram. Nihilominus non incongruè dici posset scientiam simplicis intelligentiæ præcisè à scientia visionis distingui, non penes varietatem objecti, sed penes rationem adequatam, & inadæquatam; ita quod scientia visionis totaliter, & adequatè complectatur omnimodam divinæ scientiæ latitudinem, eò quod omnis divina scientia per se propriè sit intuitiva: Scientia autem simplicis intelligentiæ tantum significet, & importet inadæquatam, & partialem illius divinæ scientiæ rationem, nimirum quatenus terminatur ad res ut tantum sunt possibiles.

CONCLUSIO TERTIA.

Creaturæ possibiles distinctè cognoscuntur in divina Essentia, & Omnipotentia, in qua relucent tanquam effectus in causa, potente illas producere, & representare: Hæc est communis; in eo namque Creaturæ possibiles cognoscuntur tanquam in medio cognito, in quo distinctum suum habent esse intelligibile, & à quo possunt habere verè suum esse reale; sed utrumque habent. Primum quidem in Essentia divina, quæ cum vim habeat infinitam representandi quodlibet ens, statim distinctè representat Creaturas possibiles in earum esse cognito, & objectivo, ac ab intellectu divino productæ sunt: Secundum autem ab Omnipotentia divina, ad quam respectum habent, & ordinem rationis, tanquam ad causam à qua habent, quod sint completè, & proximè possibiles, & producibiles. Licet enim ex se habeant non repugnantiam ut producantur, non tamen essent proximè producibiles, nec consequen-

ter completè producibiles, si nulla esset causa, quæ posset illas producere.

Dices; Quod cognoscitur in Essentia, & Omnipotentia, tantum percipitur tanquam in causa generali, & universali; sed quod ita percipitur non cognoscitur distinctè: Ergo vel Creaturæ possibiles non cognoscuntur in Essentia, & Omnipotentia divina, vel non cognoscuntur distinctè; Pater minor: Cognoscere enim rem in causa universali, nihil aliud est, quam rem in genere, & in universali attingere: sed ita rem percipere, non est eam cognoscere distinctè, & quatenus est tale ens, talibusque specialibus proprietatibus illustratum: Ergo, &c.

Distinguo minorem: Cognoscere rem in causa universali concurrente solum, & generaliter, & in communi ad rerum productionem, sicut Sol v. g. dicitur causa universalis omnium generabilium, & corruptibilium, quia concurrat ad quædam eorum principia communia, sic non est rem distinctè cognoscere, concedo: Cognoscere verò effectum in causa universali, nedum in genere, & universaliter, sed etiam in specie, & in individuo concurrente ad quorumlibet effectum particularium productionem, qualis est omnipotentia divina respectu rerum omnium formabilium; non est rem sic distinctè cognoscere, nego: Sicut enim Deus per suam Omnipotentiam distinctè concurret ad quorumlibet rerum quantumvis particularium productionem; & cum divina omnipotentia, virtualiter, & distinctè contineat res omnes particulares, consequens est quod intellectus divinus divinam omnipotentiam comprehensivè cognoscendo, etiam & comprehendat res ipsas omnes ad quas respectum habet, & ordinem.

Dices 2. Si Deus in sua Omnipotentia cognosceret Creaturas tanquam in medio prius cognito, sequeretur quod scientia Dei posterior esset, quam attributum Omnipotentia: consequens est absurdum: Ergo Deus non cognoscat Creaturas possibiles in sua Omnipotentia. Major est evidens, objectum enim formale specificans, & medium prius cognitum, debent esse prius cognitione: Ergo si Omnipotentia sit medium prius cognitum, & cognitionem specificans, prior erit quam ipsa cognitio: hoc autem absurdum est; omnipotentia enim est attributum posterius non solum intellectu, f. d.

sed etiam voluntate. *Deinde* Scientia Dei dirigit omnipotentiam; Ergo prior est, quam omnipotentia: Denique non idcirco Deus est omniscius, quia est omnipotens; si enim per impossibile non esset omnipotens, non propterea sequeretur, quod non esset omniscius.

Distinguo majorem: Sequeretur quod scientia Dei posterior esset, quam attributum omnipotentia, quatenus illa scientia terminatur ad suum objectum primum, nimirum ad essentiam divinam, nego; Ut sic enim considerata est attributum divinum prius ipsa omnipotentia etiam in actu primo operativa; Posterior esset omnipotentia in actu primo operativa, quatenus illa scientia terminatur ad objectum secundarium ab illa omnipotentia producibile, concedo. Itaque Omnipotentia divina considerari potest operativa, vel in actu primo, nimirum quatenus est illa divina virtus, qua Deus alia à se producere potest, & sic prior est intellectu, & voluntate Dei quatenus terminatur ad objecta secundaria, & ad creaturas cognitæ, & volitæ. Secundò, quatenus illa divina omnipotentia consideratur ut est actu operativa, & productiva, & sic posterior est intellectu, & scientia; siquidem scientia Dei dirigit illius omnipotentiam operantem in actu secundo, non verò operativam in actu primo; Unde sequitur, quod Deus de facto est omniscius respectu creaturarum, quia est omnipotens, & quod si non esset omnipotens non esset omniscius eo modo, quo nunc est.

Inflabit: Omnipotentia non completur nisi per scientiam per quam dirigitur: Ergo etiam Scientia Dei est prior omnipotentia ut in actu primo operativa, sicque omnipotentia non poterit esse medium cognitum perficiens divinam cognitionem.

Distinguo antecedens: Omnipotentia non completur adæquatè in ratione proximè operative nisi per scientiam sui directivam, concedo; Non completur in actu primo in ratione potentia operative absolute sumptæ, nego; Unde scientia divina prior quidem est omnipotentia in actu primo operativa proximè; non est autem prior ipsa omnipotentia absolute sumpta.

Dices 3. Si Deus cognoscere objecta secundaria in sua omnipotentia tanquam in medio prius cognito, sequeretur illum non cognoscere peccata, entia rationis, &

impossibilia; etenim cum divina Omnipotentia nullam habent connexionem; utpotè quæ ab ea non possunt produci; sed falsum consequens: Ergo & antecedens.

Distinguo; Non posset Deus illa cognoscere mediata saltem, & indirectè in seipso, quatenus nimirum videt in se causas secundas, à quibus peccata, & entia rationis fieri possunt, nego; Non posset illa primò cognoscere immediatè, & directè in illis ipsis, sed solum secundariò, concedo. Itaque Deus comprehendendo suam omnipotentiam, etiam comprehensivè, & intuitivè cognoscit illud omne, quod ab ea factibile est; cognoscit pariter quidquid fieri, vel non fieri potest ab ipsis creaturis per suam Omnipotentiam producendis; Sicque directè quidem, & primò non videt peccata, entia rationis, & impossibilia, sicut videt ipsas Creaturas; sed tantum secundariò ipsius divina cognitio ad illa terminatur.

SECTIO SECUNDA.

De Scientia Visionis.

Ingentes, ac innumeros propè difficultatum fluctus, ut Oceanus alter syrtibus, & scopulis refertus, Sectio præsens complectitur; eoque tremendis magis, ac periculosiores, quò plures hæc nus hujus divinx Scientiæ curiosi nimis Investigatores apertam in hæcsum, & ætrem incertorem lapsi lugendum in fide naufragium fecerunt; ita ut eorum quisque meritò cum Regio vate exclamare poterit, *Veni in altitudinem maris, & tempestas demersit me.*

Hinc S. Augustinus. Theologorum vertex, & aquila in inscrutabilem hanc rerum futurarum dubiam cognitionem suos mentis obtutus desigens, ita radiorum illius ponderè, ac majestate deprimitur, ut in hæc verba erumpat lib. 11. Confessionum cap. 19. *Quisnam ille modus est quod doces futura, cui futurum quidquam non est, vel potius de futuris doces præsentia? Nam quod non est, nec doceri utique potest. Nimiis longè est modus iste ab acie mea. Irvaluit ex me non potero ad illum: potero autem ex te, cum dederis tu dulce lumen oculorum oculorum meorum;* Itaque etiam si nobis effulgeat irradiatque sacra Scriptura, sanctorumque Patrum doctri-

na, hanc investigabilem divinam scientiam utcumque referendam auspicamur.

Quatuor in sequentibus Quæstionibus, in quarum *Prima* resolvitur, an certò futura contingentia Deus cognoscat: in *Secunda* quonam in medio prius cognito illa noverit: in *Tertia*, an hæc divinæ Scientiæ certitudo rerum contingentia, & humanæ libertati non officiat: in *Quarta* denique an residuo futuræ sint quia Deus illas novit; vel e contra, utrum Deus res futuras noverit, quia illæ futuræ sunt.

QUÆSTIO PRIMA.

An futura contingentia Deus certò noverit.

Notandum 1. Ens generatim solitò distribui in necessarium, & contingens. Necessarium illud dicitur quod ita ex se firmam habet existentiam, ut sibi repugnet non esse, qualiter solus Deus, & ea omnia, quæ divinam Essentiam circumstant, dicuntur esse necessaria; ipsi senim repugnant non esse. Contingens verò dicitur illud, quod potest esse, vel non esse, & sicut productum fuit ex nihilo, ita desinere potest, & in nihilum abire, qualiter omnes Creaturæ dicuntur contingentes.

Insuper rerum contingentia considerari potest vel in ordine ad causam primam, vel secundam. Priori modo omnes Creaturæ, omnesque earum effectus absolute sunt contingentes; sicut enim Deus liberè Creaturas producit, ita liberè concurrit ad illarum effectuum productionem. Posteriori modocum duplex sit causarum naturalium ordo, quarum aliquæ sunt naturales, & necessariæ, quæ scilicet positis omnibus ad agendum requisitis, suos necessariò producant effectus: ita quòd nisi præpediantur à Prima per denegationem sui divini concursus, non possint à suorum effectuum productione dimoveri, nec retardari. Aliæ verò sunt liberae, quæ scilicet positis omnibus desiderandis ad actionem circumstantiis possunt liberè se determinare ad agendum, vel non agendum. Priorum causarum, nempe naturalium effectus, dicuntur necessarij per ordinem videlicet ad causam Secundam, à qua necessariò producuntur, quamquam contingentes sint absolute per ordinem ad causam Primam,

quæ potest illarum productionem impedire. Posteriorum verò causarum, videlicet liberarum, effectus, omnino sunt contingentes per ordinem ad utramque causam tam Primam, quam Secundam. De quibus etiam maximè præsens movetur quæstio, num scilicet omnes contingentes effectus secundum quaslibet eorum circumstantias, Deus certò, & infallibiliter noverit.

Notandum 2. Futurum illud appellari, quod licet revera actualem non habeat existentiam; tamen aliquando habiturum est secundum divinæ voluntatis determinationem, & certam connexionem, quam habet cum causis à quibus produci potest. Unde triplex est effectuum futurorum genus, juxta triplicem causarum dispositionem. *Primò* enim quædam sunt causæ ex quibus necessariò sequitur effectus, nisi in suis operationibus præpediantur à Prima, quales sunt v.g. dicrum, & noctium vicissitudines; Solis, Lunæ, & aliorum aliorum astrorum Eclipsis, quæ cum certam, & determinatam habent connexionem cum suis causis, etiam demonstrativè sciri possunt. *Secundò*, quædam sunt causæ ex quibus sequuntur effectus, ut plurimum, in quantum videlicet illæ causæ magis determinatæ sunt ad unum, quam ad aliud, & ex iis potest haberi scientia conjecturalis de futuris effectibus.

Tertiò tandem sunt quædam causæ, quæ omnino indifferentes sunt ad utrumlibet effectum, quales sunt omnes causæ liberae, ex quibus futurus effectus cognosci vix potest. Cilm igitur quærimus an Deus certò noverit futura contingentia, maximè sermo est de effectibus tertii generis.

Notandum 3. Ex Doctore quæst. 14. quodlibet aris. 2. Litt. J. hunc distingui posse ordinem in divina rerum Creatarum cognitione, quòd postquam Essentia divina intellectum divinum movet ad cognitionem sui, & eorum omnium, quæ formaliter in Deo sunt, *primò* movet eum intellectum ad simplicem cognitionem entis creati, quatenus abstracti ab existentia, & tantum habet rationem entis intelligibilis, & possibilis, quæ motio necessaria est, non autem contingens. *Secundò* divinus intellectus veluti exhibet, & offert divinæ voluntati illas Creaturas possibiles, veluti demonstrando ei tales Creaturas posse existere, vel non existere; & in hoc signo divina voluntas

tas

tas deceat talium Creaturarum pro tali tempore futuram existentiam, & productionem: quo posito decreto, statim divina Essentia ipsi divino intellectui exhibet determinatè futuram illarum Creaturarum existentiam, & sic divinus intellectus certò cognoscit rerum contingentium futuritionem. Non quòd moveatur à rebus ipsis; tunc enim vilesceret, si ab alio, quàm à divina Essentia moveretur; sed quemadmodum divina Essentia movet ad cognitionem futurorum contingentium: cum hoc tamen discrimine, quòd ad priorum cognitionem moveat antecederet ad operationem voluntatis divinæ: ad futurorum verò contingentium cognitionem moveat tantum consequenter ad determinatam ipsius divinæ voluntatis, à qua provenit omnis rerum contingentia.

His præsuppositis celebris est inter Theologos, & Gentiles Philosophos controversia, an Deus futura contingentia certò noverit; præscientiam enim futurorum negavit Cicero l. 2. de Divinatione, incitatus autem fuit ad hoc sentiendum maxime, quòd ut ait S. Augustinus lib. 2. de Civit. Dei cap. 6. *Utrumque arbitrabatur esse non posse; sed si alterum confirmatur, alterum tolli; si elegerimus præscientiam futurorum, tolli voluntatis arbitrium; si elegerimus voluntatis arbitrium, tolli præscientiam futurorum.* Ipse itaque ut vir magnus, & doctus, & vi-
ta humane plurimum, ac peritissime consulens, ex his duobus elegit liberum voluntatis arbitrium; quod ut confirmaretur negavit præscientiam futurorum: atque ita homines cum vult facere liberos, fecit sacrilogos. Eundem in errore impegerrunt Stoici utrefert sanctus Augustinus supra laudatus. Et ex Hæreticis Joannes Wiclef art. 27. & Lutherus art. 36. necnon, & alii sectarii nostri temporis: quamquam eorum aliqui non tam propter divinam præscientiam, quàm propter divinæ voluntatis efficaciam, & immutabilitatem, omnia fato subijciunt: contra quos omnes sit

secundorum es cognitor, qui nos omnia antequam fiant: Eccles. 23. Oculi Domini multiplius lucidiores sunt super Solem, circumspicientes omnes vias hominum: Id est Sole clariùs eas circumspiciunt, & profundum abscondit, & hominum corda intrantes in absconditis pariter; Domino enim Deo antequam creentur omnia sunt cognita; Et cap. 39. Opera omnis carnis coram illo, & non est quidquam absconditum ab oculis ejus, à seculo usque in seculum respicit, & nihil est mirabile in conspectu ejus.

Confirmatur item ex iis textibus, qui frequentes Dei prædictiones de rebus futuris enuntiant. Unde etiam futurorum præscientia Divinitati appellari solet, quia, inquit Origenes lib. 5. contra Celsum: *Futurorum prædictio Divinitatis nota est, & caracter*: Et Tertullianus in Apologetico cap. 20. *Idoneum testimonium divinitatis, veritas divinationis*: Quod ipsemet Dominus confirmat Isaia 41. ubi ut Gentilium Numine inanitatem demonstret, ait: *Annuntiate, quæ ventura sunt in futurum, & sciemus quia Dii estis vos*: Et cap. 44. *Ego primus, & ego novissimus, & absque me non est Deus, quis similis mei? Vocet & annuntiet, & ordinem exponat mihi ex quo constitui populum antiquum; ventura, & quæ futura sunt, annuntiet eis*: Unde sanctus Augustinus supra laudatus: *Conspicere esse Deum, & negare præscientiam futurorum, apertissima infamia est.*

Id ipsum probant omnes Prophetiæ quas ipsa divina Scriptura complectitur; Lumen enim Propheticum participatio quædam est divinæ præscientiæ: unde Tertullianus lib. 2. contra Marcionem cap. 5. *Præscientia Dei tantos habet testes, quantos fecit Prophetas.*

Probatur eadem veritas ratione. Deus certò novit quicquid est scibile; cum enim sit infinitus, & illimitatus in omni genere perfectionis, maxime infinita, & illimitata debet esse illius divina cognitio: quia futura contingentia verè sunt scibilia, quia verè sunt futura; Quidquid autem est verum, est pariter scibile. *Probatur minor.* Quidquid verè existit eo tempore, quo est, erat verè futurum respectu totius temporis antecedentis illius existentiam; Futurum enim nihil aliud est, quàm illud ipsum, quod dicitur præsens pro illo tempore, quo de facto existit, & futurum respectu temporis præcedentis, & præteritum respectu temporis subsequents: Ergo

CONCLUSIO UNICA.

Deus certò, & infallibiliter novit omnia futura contingentia: Hæc est de fide, & probatur apertis Scripturæ textibus Pl. 138. *Intellexisti cogitationes meas, & funiculum meum investigasti, & omnes vias meas prævidisti*: Daniel 13. *Dei æterne qui abs-*
Frasen Theol. Tom. II.

sicut illius esse præfense est verum, seu sicut verum est illud esse præfens respectu temporis, cui coexistit; ita pariter verum est, quod sit futurum pro tempore antecedenti, & præteritum pro tempore subsequenti.

Probatur 2. Duarum propositionum contradictoriarum de futuro contingenti etiam singulari, una est determinatè vera, altera est determinatè falsa: Ergo pariter a Deo sunt determinatè scibiles. Patet consequentia, Deus enim scire potest quidquid est scibile, omne autem verum est scibile, & consequenter à Deo cognosci potest. *Probatur antecedens:* Primo, quia una est determinatè conformis objecto, & altera difformis, ex eo enim quod res vel est, vel non est, eo tempore quo significatur esse, vel non esse, propositio id significans est conformis, vel difformis objecto, adeoque est vera, vel falsa.

Secundò: Si indeterminata, & incerta veritas inter utramque propositionem penderet, & solum verum esset disjunctum *Petrus peccabit*, vel *non peccabit*, sequeretur singula hujus disjuncti membra scorsim sumpta esse falsa: sed hoc evidenter est impossibile. Si enim hæc falsa sit *Petrus peccabit*: Ergo altera quæ dicit *Petrus non*, erit vera, quia est conformis objecto.

Tertiò, Implicat dari medium inter duo contradictoria, quia implicat dari medium inter ens, & non ens, seu inter esse, & non esse: Ergo implicat etiam unam de duabus contradictoriis, quæ affirmat, aut negat rem esse, non censi veram neque falsam, sive affirmat aut negat pro tempore præsentis, sive pro futuro, aut pro præterito; neque enim minus contradictorium esset rem aliquam esse futuram, aut non esse futuram; præteritam aut non esse præteritam, quam esse præsentem, aut non esse præsentem: Ergo cum res significata sit simul futura, & non futura; neque tantum indeterminatè sit futura, vel non futura; sed verè sit distinctè futura, vel distinctè non futura: Consequens est, quod si non sit futura, propositio quæ negat esse futuram, est verè distinctè & determinatè: Si autem futura est, propositio quæ affirmat esse futuram, est determinatè vera, & altera quæ negat eam esse futuram, est determinatè falsa.

Quartò, Omnis propositio à Deo revelata, est determinatè vera, & non tantum indeterminatè vera vel falsa: sed Deus

revelat unam de duabus propositionibus contradictoriis de futuro contingenti: Ergo illa est determinatè vera, & consequenter est à Deo determinatè scibilis.

Probatur 3. Deus certò novit futura contingentia, dum illa determinato suo tempore accipiunt existentiam, & ab eo producantur: operatur enim ad extra ut artifex; artifex verò rem novit antequam eam efficiat, adeoque Deus etiam novit res, quas producere debet, alias ageret sine providentia, & sapientia: Ergo etiam longè antequam producantur, illas novit. Consequentia patet, alioquin divina scientia mutabilis esset, & incrementum acciperet juxta rerum existentiam, quod omnino Deum dedecet.

Hoc argumentum mirum in modum urget S. Augustinus lib. ad Aurelium contra Priscilianistas & Origenistas cap. 8. ubi cum dixisset hæc verba Joannis: *Omnia per ipsum facta sunt*: Concludit: *Noverat ergo Deus omnia quæ fecit antequam faceret, non enim possumus eum dicere ignorare fecisse, & ea non nisi facta didicisse: nescivisse quid faceret, sed scripsisse quod fecit. Hoc enim si de aliquo artificis diceremus, insipientissimè saperemus. Noverat ergo ea faciendâ; non facta noverat, ut faceret, non quia fecerat. Proinde quamvis jam nota essent, quia nisi sciente non fierent, non tamen facta esse cæperunt, quæ ut fierent sciebantur antequam fierent.*

Obijciunt primò Hæretici, & Philosophi, maxime Vvicleffus. Si propositio de futuro contingenti est determinatè vera aut falsa, sequitur illam non esse indifferentem, nec consequenter esse contingentem: Contingens enim illud est quod esse potest vel non esse: Ergo vel una propositio non est determinatè vera, vel nulla in rebus est contingentia.

Distinguo antecedens: Sequitur illam non esse indifferentem ad verum, vel falsum, concedo: Sequitur illam non significare rem indifferentem, & contingentem existentem, nego: Licet enim propositio vera sit aut falsa, nihilominus rem contingentem quamquam determinatè futuram connotat: Hæc enim duo non repugnant, quod effectus sit contingens, & simul determinatè futurus. Dicitur enim contingens propter indifferentiam causæ in actu primò; dicitur autem determinatè futurus propter determinationem ejusdem causæ in actu secundò, quia videlicet illa causâ, quæ potest operari,

ri, & non operari, reipsa operatura est, seseque libere determinatura ad effectus productionem tempore significato per illam propositionem.

Obijciunt 2. Flures Scripturæ textus, quibus Deus dubitative de rebus futuris loquitur, quod indicium est illum non eas certo novisse, sic Matth. 11. *Verebuntur fortè Filium meum*: Et Jeremias 26. *Noli subtrahere verbum si fortè audiant*.

Respondet primò: Per hanc particulam fortè non significare dubiam de rebus futuris cognitionem: sed primò ut ostendatur liberum hominis arbitrium, quo scilicet potest divinum verbum audiri vel non audiri; *Verbum enim ambiguum (forsitan)* inquit Hieronymus in cap. 26. Jeremias, *Majestati Domini non potest convenire, sed nostro loquitur affectu, ut liberum hominis salvetur arbitrium*. 2. Ut designetur maxima hominis malitia, ex qua vix aliquid boni expectari possit, & produci. Ita enim S. Aug. tractatu 37. in Joannem supra hæc verba, *Si me sciretis forsitan, & Patrem meum sciretis*, interpretatur; *Ille, inquit, quia omnia scit cum dicit forsitan non dubitat, sed inceptat: dubitationi verbum est, cum dicitur ab homine ideo dubitante quia nesciente; quando verò dicitur à Deo, cum Deum nihil latet, illa dubitatione arguitur infidelitas, non opinatur divinitas*. 3. Ut Scriptura sacra significet futurorum eventum esse hominibus incertum; unde S. Aug. in 1.º sal. 2. explicans illa verba: *Ne quando irascatur*: ait, ne fortè non ob incertitudinem prædictum; sed ratione eorum qui commonentur, qui cum dubitatione solent exsultare Dei futuram iram.

Obijciunt 2. Si in Deo esset certa, & infallibilis futurorum contingentium scientia, vana esset, & otiosa providentia, ac sollicitudo hominum tam circa temporalia, quam circa spiritualia: si enim de illis Deus sollicitus siue non, ea infallibiliter evenirent, cum divina præscientia non posset falli.

Nego sequelam: Quando enim Deus præscit, & prædefinit aliquem effectum futurum, simul etiam præscit, & definit causas, & media quibus debet evenire, subindeque scit quidem illum infallibiliter eventurum, sed per tales causas & talia media: Unde cum industria, & sollicitudo humana sit unum ex illis mediis, & causis quibus mediantibus res tam spirituales, quam

temporales fieri, & evenire debent; illa necessariò est adhibenda tam in spiritualibus, quam in temporalibus: juxta illud 2.º Petri 1. *Satagite ut per bona opera certam vestram vocationem faciatis*.

Obijciunt 3. Cum Marcione apud Tertullianum lib. 2. cap. 4. *Si Deus bonus est præscius futuri, & advertendi mali potens, cur hominem, & quidem imaginem, & similitudinem suam, imò & substantiam suam per animæ scilicet consensum, passus est labi de obsequio legis in mortem circumventum à Diabolo? Si enim & bonus, qui evenire tale quid nollit, & præscius qui eventurum non ignoraret, & potens qui depellere valeret, nullo modo evenisset quod sub his tribus conditionibus deinceps majestatis evenire non posset. Quod si venerit, absolutum est & contrarium Deum neque bonum credendum, neque præscium, neque potentem*.

Respondet ipsemet Tertullianus ibidem c. 6. *Consequentibus, Deum equidem præscium fuisse futuræ transgressionis Adami, quam tamen prohibere licet potuerit, non debuit, ne scilicet læderet hominis libertatem; Oportebat, inquit, cap. 6. Deum cognosci bonum, hoc utique, & rationale. Oportebat dignum aliquide esse, quod Deum cognosceret. Quid tam dignum præcipi posset quam imago Dei, & similitudo? Et hoc bonum sine dubio, & rationale. Oportebat igitur imaginem, & similitudinem Dei, liberi arbitrii, & sue potestatis institui, in qua hoc ipsum, imago, & similitudo Dei deputaretur, arbitrii scilicet libertas, & potestas Quale enim erat ut totius mundi possidens homo, non in primis animi sui possessione regnaret, aliorum Dominus, sui famulus Tota ergo libertas arbitrii in utramque partem concessa est illi, ut sui Dominus constanter occurreret, & bono spontè servando, & malo spontè vitando; quoniam, & alias possumus hominem sub iudicio Dei oportebat ipsum illud deficere de arbitrii sui meritis, liberi scilicet. Cæterum, nec boni nec mali merces jure pensaretur ei, qui aut bonus, aut malus necessitate sui esset inventus, non voluntate. In hoc, & lex constituta est non includens, sed probans libertatem, de obsequio spontè præstando, vel transgressione spontè committenda, ita in utrumque exitum libertas patuit arbitrii.*

Cuius Tertullianus concedit Deum debuisse hominem proprio committere arbitrio ut exinde præmio donandus, si divinæ Legis observator, & pænis afficiendus esset, si transgressor existeret. Non enim potuit hominem coercere, quin concessam ipsi ar-

bitrii libertatem rescinderet, quam ratione, & bonitate permiserat. Quod utique ipsum dedecbat.

Obijciunt 4. Si Deus novisset futura contingentia, sequeretur admittendam in coesse rerum præscientiam: sed falsum consequens. Ergo, & antecedens. Probatur minor ex S. Augustino lib. 2. quæstionum ad Simplicianum, q. 2. *Quid est*, inquit, *præscientia nisi scientia futurorum? Quid autem futurum est Deo, qui omnia supergreditur tempora? si enim inscientia res ipsas habet, non sunt ei futura, sed præsentia; ac per hoc non jam præscientia, sed scientia dici potest.*

Respondet S. Augustinum his verbis non negare Deo cognitionem rerum futurarum, sed tantum cum velle, quod divina cognitio, cum omnia in prospectu habeat, potius scientia quam præscientia debeat appellari. Cui concinit S. Greg. lib. 2. Moralium cap. 25. ubi eandem quæstionem sic proponit, & dissolvit: *Præscire*, inquit, *dicitur, qui unamquamque rem antequam veniat, videt, & id quod futurum est priusquam præsens fiat, prævidet, &c. Deus autem quomodo est præscius, dum nulla, nisi que futura sunt præscientur? & scimus quia Deo futurum nihil est; ante cujus oculos præterita nulla sunt, præsentia non transeunt, futura non eveniunt, Quippe quia omne, quod nobis fuit, & erit, in eius prospectu præsens est, & omne quod præsens esse scire potest prius quam præscire, Mor autem, & quia ea, que nobis futura sunt videt, que tamen ipsi semper præsens sunt, præscius dicitur, quamvis nequaquam futurum prævidet, quod præsens videt.*

Cui & Boetius accedit ita scribens: *Est autem Deo semper æternus, ac præsentarius status. Scientia quoque ejus omnem temporis supergressa motionem in sua manet simplicitate præscientie: Infinitaque præteriti, ac futuri spatia complectens omnia quasi jam gerantur, in sua simplici cognitione considerat. Ita que si præscientiam pensare velis, que cuncta dignoscit, non esse præscientiam quasi futuri, sed scientiam nunquam deficientis instantie rebus existimabis.*

Nonnullas alias obijciunt rationes quibus probare nituntur divinam præscientiam tum esse officere rerum contingentia, & hominum libertati; sed illas expressè proponemus, & solvemus in tertia quæstione sequenti: verum prius sc

QUÆSTIO SECUNDA.

Quomodo, & in quo medio prius cognitio. Deus noverit futura contingentia.

Cum omnis cognitio necessario præsupponat objectum formale motivum intellectus ad illam formandam, aliquin cognosceretur aliquid sine ratione cognoscendi: sic quoties cognitio certa est, etiam requirit rationem formalem in objecto omnino certam, aliquin objectum perfectius cognosceretur quam sit cognoscibile: Quæritur ergo in præsentiarum quænam sit formalis illa ratio certa, & infallibilis, quæ ita necessariam habeat connexionem cum futuro contingente incerto, ut infallibiliter divinum intellectum moveat ad illius cognitionem. In qua difficultate resolvenda operose laborant oculatissimi quique Theologi, quorum variz, & multiplices sententiz ut apparent evidentiis.

Notandum 1. Futura contingentia esse conceptibilia duobus modis, nimirum vel in se, vel in suis causis. *In se* quidem, vel ratione veritatis determinata, quam habent in scriptis, & in eorum esse objectivo aut entitativo, vel ratione præsentiz, & existentiz quam habent; vel in Essentia divina in qua repræsentantur, vel in ideis divinis. *In causis* vero, vel proximis, & creatis à quibus producenda sunt, vel in Increate, quatenus nimirum continentur virtualiter in Omnipotentia divina, quæ potest illis veram, & realem existentiam tribuere. *Insuper*, Secundum utrumque modum considerari possunt, vel antecedenter ad decretum divinum, vel in ipso decreto divino, vel post decretum divinum: Inde variz Theologorum circa præsentiz quæstionis resolutionem sententiz ad tria maxime capita reduci possunt. *Quidam* enim affirmant futura contingentia à Deo cognosci in eorum veritate objectiva: *Alii* in ideis divinis: *Alii* vero in eorum esse entitativo antecedenter ad decretum divinum, videlicet per illam infinitam Dei intelligentiam virtutem, quæ penetrat, & cognoscit quid unaquæque voluntas creata sub quocumque statu, & conditione ponatur, determinatè volet. *Aliqui* consentient illa cognosci in decreto divino prævisio prius quam de facto formetur. *Ceteri* denique contendunt illa solum à Deo videri in Essentia, & Omni-

Omnipotentia divina, præsupposito prius divino decreto de illorum futuritione; quid autem verius tenendum sit, infra patebit.

Notandum 2. Ad hoc ut aliquid habere possit rationem mediæ ducentis in cognitionem alterius, duo maxime desiderari. Primo ut antecedat prioritate saltem naturæ, & causalitatis, rem ipsam quam manifestat: Si enim esset pure concomitans, & ei correlatum, non posset in cognitionem illius ducere; quia cum correlata sint simul cognitione, & natura, illa simul cognoscerentur, & utrumque posset esse ratio reciproca cognoscendi aliud, ut constet de relationibus mutuis, Paternitate videlicet, & Filiatione. Secundò, illud quod habet rationem mediæ cognitionis respectu alterius, necessariam cum illo, aut saltem infallibilem debet habere connexionem, alioquin unum ex alio non liceret colligere: Cum enim cognitio unius ex alio, vel in alio æquivalet discursui virtuali; cumque nullus discursus sit legitimus nisi consequens habeat infallibilem connexionem cum medio, & antecedente; oportet ut medium quod certò & infallibiliter ducit in cognitionem alterius, habeat necessariam, vel saltem infallibilem cum eo connexionem.

Notandum 3. Propositiones de futuro contingenti esse determinatè veras, aut falsas ab æterno pro omni instanti reali; ita quòd nullum possit assignari instans reale, in quo Deus non se determinaverit absolute, vel conditionatè circa futuritionem, vel non futuritionem omnium rerum possibilem. Unde cum quaeritur an Deus cognoscat futura contingentia ante vel post decretum, per illas particulas *ante*, & *post*, non significatur prioritas, & posterioritas realis, sed rationis cum aliquo fundamento in re, nimirum ratione dependentiæ, vel independentiæ a decreto. Unde affirmare Deum cognoscere futura contingentia ante decretum, idem est ac asserere illum ea cognoscere independentè a decreto. Hinc tria signa vel instantia rationis indivina Scientia distingui possunt, in quorum *Primo* Deus seipsum cognoscit Scientia omnimodè divina, suam videlicet divinam Essentiam suasque omnes divinas præcellentias intuitivè conspiciendo. In *secundo* cognoscit omnia possiblea per scientiam simplicis intelligentiæ, antecedenter

ad quodlibet decretum suæ voluntatis, nihil scilicet determinando circa rerum futuritionem, & existentiam: In *tertio* verò cognoscit res futuras Scientia Visionis, prævio scilicet decreto de illarum productione.

Quæritur ergo an in secundo signo rationis in quo nondum concipitur formatum decretum de rerum futuritione, Deus futura contingentia noverit, vel in esse entitativo, quod habebunt in seipsis, vel in esse objectivo, quod habent in seipso, vel in decreto formando, sed nondum formato, & exercito de illorum futuritione, vel in divinis ideis res futuras repræsentantibus; vel denique utrum solum illa noverit post formatum divinum suum decretum, & quatenus continenter virtualiter in Omnipotentia divina, aut in Essentia divina illorum repræsentativa. Quoniam autem operosum nimis, & ab instituto nostro alienum esset singulas illas sententias discutere, idcirco brevitati studentes, & nostram magis sententiam firmare, quam aliarum fundamenta convellere operæ pretium ducentes, tantum sit

CONCLUSIO UNICA.

Deus infallibiliter, ac determinatè futura contingentia novit in sua Essentia, supposito prius decreto de ipsorum futuritione. Hæc est communis inter fideles S. Thomæ, ac Doctoris subtilis Interpretes, & Sequaces: eamque apertè docet Subtilis Doctor in 1. *diff.* 39. *qu. unica*, n. 23. ubi cum disertè probasset divinam voluntatem divinumque decretum esse primariam radicem causamque rerum futuritionis, & contingentiz, duos proponit modos, quibus divinus intellectus dici potest illa futura contingentia novisse: *Primum* quòd Deus videat in se decretum, & volitionem de rebus producendis, videatur pariter divinam voluntatem esse immutabilem, & non impedibilem; & consequenter videat illa quæ decernit futura, reverà esse futura: *Alium* autem dicendi modum proponit, nimirum quòd illa futura contingentia cognoscantur solum in Essentia divina post formatum de illorum futuritione decretum, idque simplici intuitu. Priorem autem modum respuit ut minus probabilem, eòquòd videatur arguere aliquem discursum in Deo; hæc enim cognitio, quam sic habere

Deus

Deus de futuris contingentibus, deduci videtur in hunc modum, *Decreti hoc esse futurum: sed quod decrevi est inevitabile, quia voluntas mea est immutabilis*. Ergo hoc certe erit futurum; quæ illatio verè discurfiva est, Deumque dedecet.

Unde Doctor alium probabiliorē, & veriorē modum dicendi proponens, ait: *Potest poni aliter, quod intellectus divinus, aut offert simplicitatem, quorum unio est contingens in re: aut si offert complexiōem, offert eam sicut neutram*: Et voluntas eligit unam partem, scilicet conjunctionem istorum pro aliquo nunc, in re facit illud determinatè esse verum: Hoc erit pro A. Hoc autem existente, determinatè vero, Essentia est ratio intellectui divini intelligendi illud verum: Et hoc naturaliter, quantum est ex parte Essentia. Ita quod sicut naturaliter intelligit omnia principia necessaria, quasi ante actum voluntatis divine, quia eorum veritas non dependet ab illo actu, Et essent cognita ab intellectu divino, si per impossibile non esset volens: Ita Essentia divina est ratio cognoscendi ea in illo priori instanti naturæ, quia tunc sunt vera. Non quidem quod illa vera moveant intellectum divinum, nec etiam termini eorum ad apprehendendum talem veritatem: quia tunc intellectus divinus visceret, quia patreretur ab alio ab essentia sua: sed sicut Essentia divina est ratio cognoscendis simplicitas, ita Et complexa talia; tunc autem non sunt vera contingentia, quia nihil est tunc per quod habeant veritatem determinatam. Possit autem determinatione voluntatis divine jam sunt vera, videlicet pro illo secundo instanti, Et hoc idem erit ratio intellectui divino, quod erat in primo (intelligendi ista) quæ sunt jam vera in secundo instanti, Et fuerint cognita in primo instanti, si fuerint in primo instanti.

Quibus Doctor universum pandit ordinem quem divinus intellectus divinaque voluntas servant in discernenda, & certo cognoscenda rerum contingentium futuratione; ita quod primò divinus intellectus voluntati offerat conceptus rerum possibilem, quæ possunt existere, vel non existere, si nempe adveniat, vel negetur decretum voluntatis: Deinde, Divina voluntas liberè sese determinat ad aliquas producendas, illarumque futurationem decernit; quo facto, Essentia ex infinita sua virtute representandi quodlibet ens verum, statim exhibet, representat intellectui divino certò cognoscendam earum rerum futurationem; adeoque ex mente Doctoris divi-

nus intellectus non cognoscit certò; & infallibiliter rerum contingentium futurationem nisi in Essentia divina, & præsupposito divino decreto.

Eandem sententiam amplectitur, & tunc Angelicus Doctor, ut contendunt peritiores illius moderni Interpretes; remque pluribus ejus Angelici Doctoris textibus, & rationibus confirmat Gonetus, Disp. 4. de Scientia futurorum contingentium, Art. 5. maxime verò ex lib. 1. contra Gentes cap. 68. ratione secunda, ubi Angelicus Doctor ita discursit: Deus cognoscendo suam essentiam alia cognoscit, sicut per cognitionem causæ cognoscuntur effectus; Omnia igitur Deus cognoscit, suam essentiam cognoscendo, ad quæ sua causalitas extenditur; Extenditur autem ad operationes intellectus, & voluntatis, cognoscit igitur Deus cogitationes, & affectiones mentis. Et ratione 3. sic loquitur: Sicut esse Dei est primum, Et per hoc omnis esse causa: Ita suum intelligere est primum, Et per hoc omnis intellectualis operationis causa. Sicut igitur Deus cognoscendo suum esse, cognoscit esse cuiuslibet rei; ita cognoscendo suum intelligere, Et velle, cognoscit omnem cogitationem, Et voluntatem. Idem volitionem, Tandem concludit: Et sic remanet causalitas in causa prima, quæ Deus est repositus motorum voluntatis, ut sic Deus seipsum cognoscendo huiusmodi cognoscere possit. Ex quibus locis istud argumentum deduci potest juxta D. Thomam, Deus cognoscit actus liberos nostræ voluntatis, in sua essentia tanquam in causa: sed divina Essentia non est causa eorum nisi ut determinata per liberum decretum suæ voluntatis, cum Deus non sit agens naturale, sed liberum: Ergo juxta D. Thomam, Deus cognoscit actus liberos nostræ voluntatis in suo decreto.

Probatum Conclusio. Primò quidem auctoritate sancto:um Patrum discretè affirmantium præscientiam futurorum fundari in decreto voluntatis divine; Idque primò quidem ex S. Dionysio jam sæpius laudato, affirmante Deum omnia in sua essentia tanquam in causa cognoscere; sed Essentia divina non est causa futurationis nisi, ut determinetur per liberum divine voluntatis decretum. Deus enim non agit ex necessitate naturæ, sed ex beneplacito suæ voluntatis, juxta illud Apostoli ad Ephesios 1. *Operatur omnia secundum consilium voluntatis suæ*: Ergo Deus cognoscit omnia futu-

futura contingentia in sua essentia supposito prius decreto suæ voluntatis.

Confirmatur ex sancto Hilario 9. de Trinitate: *Quæ Deus*, inquit, *facere decrevit in sua voluntate cognovit*. Item ex sancto Augustino, lib. 26. contra Faustum cap. 4. ubi reddens rationem cur nesciat an aliquid sit futurum, ait: *Ideo nescio quia quid habeat hoc de re voluntas Dei, me latet: Illud me tamen non latet, sine dubio futurum, si hoc Dei voluntas habet*. Quæ consequentia nulla esset, si præscientia bonorum operum non esset fundata in decreto voluntatis divinæ: Ergo vera est.

Probatur itaque ratione. Futura contingentia non possunt prius cognosci, quam habeant rationem futuri; sed eam non habent nisi præsupposito divino decreto; Ergo non possunt cognosci ante decretum divinum. Major patet, quod modo enim res est cognoscibilis quomodo est, adeoque futura cognosci nequeunt determinate, antequam determinatam futuritionem concipiantur habere. *Probatur minor*; Decretum Dei est prima radix primique principium determinate futuritionis rerum: Ergo antecedenter ad illud res nec esse, nec concipi possunt ut determinate futuræ. *Probatur Antecedens*: Illud est prima radix primique principium determinate futuritionis rerum, quod primò eas deducit à statu possibilitatis ad statum futuritionis: sed illud est ipsummet decretum divinum: Cum enim Deus non sit agens naturale, sed liberum, non operatur nihilque producit nisi ex libera determinatione suæ voluntatis; ac proinde cum res possibiles ex se sint indeterminatæ ad existendum, vel non existendum; non determinantur ad futuram existentiam, nisi per divinam voluntatem.

Confirmatur: Creaturæ considerari possunt in triplici statu, nimirum possibilitatis, futuritionis, & existentia; in quibus statibus necessario à Deo tanquam à primo Principio dependent; in statu quidem possibilitatis dependent ab intellectu divino eas primò producente in esse intelligibili, & completè ab omnipotentia divina, quæ potest illas producere; *In statu futuritionis* dependent à divino decreto, Dei potentiam determinante ad conferendam illis existentiam in tali determinato tempore: *In statu verò Existentiæ*, dependent ab actuali influxu Dei illas producentis, &

conservantis in esse: Ergo sicut repugnat aliquid esse possibile independentè ab intellectu, & potentia Dei, & existens independentè ab actuali Dei influxu: Ita pariter repugnat aliquid esse, vel concipi futurum independentè à decreto divino, sive absoluto, sive conditionato.

Probatur 2. Si res contingentēs essent determinatæ futuræ antecedenter ad decretum absolutum, vel conditionatum Dei, talis futuritio conveniret illis, vel ex se, & ex natura sua, vel ex causalitate Dei, vel ex efficacia alterius causæ; sed neutrum ex his potest asseri. *Non quidem primum*; Tum quia sequeretur illa futura esse necessario, & ex natura rei, non verò liberè, & contingentè; & ita Deus efficere non posset ut futura non essent; quod enim convenit alicui ex se, & ex natura sua, ipsi convenit necessario, nec à Deo potest impediri. Tum quia ab eodem principio res habent futuritionem ab æterno, à quo habent existentiam in tempore; sed futura contingentia non habent existentiam in tempore à se, nec ex natura sua; Ergo nec futuritionem ab æterno. Non etiam secundum; cum enim Deus non sit agens naturale, sed liberum ad extra, nulla potest in eo esse, nullaque concipi causalitas antecedenter ad decretum, & liberam determinationem suæ voluntatis. Non denique tertium, cum enim causæ secundæ debeant à determinatione, & concursu, si nulla esset in Deo causalitas, & determinatio circa Creaturas, sicut revera nulla est ante divinum decretum de illis producendis, nulla pariter concipi potest in causis secundis efficacia, à qua provenire possit illa determinata rerum futuritio.

Denique; Hæc eadem veritas probatur ex brevi sed efficaci eversione, & refutatione aliarum sententiarum. Si futura contingentia cognosci possent à Deo ante decretum, maxime primò *Vel* in suis Ideis, ut docet Agidius Romanus in 1. dist. 38. asserens Deum cognoscere futura contingentia ante decretum in suis ideis, vel in sua essentia præciè, ut habet rationem ideæ, aut speciei impressæ; *Vel* secundo in supercomprehensione causarum secundarum, & liberi arbitrii, ut asserit Molina *Disputatione quarta*, dicens, Deum antecedenter ad suum decretum, & determinationem suæ voluntatis, infinita sua intelligendi

gendi virtute penetrare, & cognoscere quid unaquæque voluntas creata, sub quocumque statu, & conditione ponatur, de facto volet, & in quam partem se inclinabit; quam penetrationem, & perfectissimam cognitionem de humana voluntate, idcirco *supercomprehensionem* appellat, ut divina cognitio ab Angelica distinguatur, quæ licet comprehendat hominis voluntatem, in illa tamen non cognoscit nostros actus liberos. *Vel Tertio*; Illa cognosceret in decreto ut futuro, & formando in sequenti signo aut instanti rationis, ut docet Suarez lib. 2. de *Scientia Dei* cap. 8. Vel denique in eorum futurorum contingentium veritate objectiva, quam Vasquez, & nonnulli alii Recentiores dicunt illa habere inpendenter à divino decreto; sed neutrum illorum verè potest affirmari; Ergo restat, ut illa futura contingentia, & libera cognoscantur in Essentia divina præsupposito divino decreto.

Probatur minor quoad primam partem; Deus non potest cognoscere Creaturas nec in suis ideis, nec in sua Essentia habente rationem ideæ, nisi eo modo, quo in illa representantur; sed antecedenter ad decretum Creaturæ non representantur in Essentia divina, ut futuræ; sed tantum ut sunt merè possibiles; Ergo in illa non possunt cognosci ut determinatè futuræ; sed tantum ut merè possibiles. Major constat. Minor pariter; Tum quia res omnes antecedenter ad divinum decretum sunt in statu meræ possibilitatis, suntque indifferentes ad futuritionem, vel non futuritionem. Tum quia Essentia divina antecedenter ad decretum representat naturaliter, & necessariò, talisque representatio pertinet ad scientiam naturalem, & simplicis intelligentiæ, non verò ad scientiam liberam, & visionis; adeoque talis cognitio esset necessaria, non verò libera.

Nec refert, quod Essentia divina antecedenter ad decretum habeat vim infinitam in representando. Ex eo enim solum sequitur, quod representat omnia, quæ sunt representabilia, & eo modo, quo sunt representabilia. Unde cum antecedenter ad divinum decretum de futuritione rerum, nihil sit representabile ut futurum, sed solum ut possibile, cò quod in illo signo res omnes create sint in statu puræ possibilitatis; idcirco Essentia divina quantumvis infinita in representando, non po-

test representare Creaturas ut futuras antecedenter ad decretum.

Probatur eadem minor quoad secundam partem; Ille effectus non potest cognosci determinatè in ea causa, quæ omninò indifferens est ad effectum producendum, vel non producendum: sed humana voluntas, tam secundum se considerata, quam spectata ut stat sub illis circumstantiis, & occasionibus, & quatenus hac vel illa moralimotione movetur, & excitatur, semper restat indeterminata, & indifferens ad formandum actum amoris, vel non formandum. Ergo ex illius cognitione non potest actus amoris contingenter futurus determinatè cognosci.

Secundò quoties aliquis effectus pendet à duabus causis, tum ut sit, tum ut cognoscatur certò, & infallibiliter futurus, necessarium est, quod determinatio utriusque causæ cognoscatur; sicut enim dependet ab influxu, & causalitate utriusque causæ, ita pariter ab utriusque determinatione dependet: sed futura contingentia, & omnes actus nostræ voluntatis non solum necessariò, & essentialiter dependent à causis secundis, & à voluntate create; sed etiam à voluntate divina libera tanquam à primaria causa: Ergo ut illorum actuum futuritio determinatè cognoscatur certò, & infallibiliter, non solum cognosci debet determinatio causarum secundarum, & voluntatis create; sed etiam cognosci debet determinatio voluntatis divinæ, seu decretum divinum de rebus illis aliquando producendis.

Tertio denique, futura contingentia in eo certò, & infallibiliter cognosci nequeunt, à quo certò, & infallibiliter non procedunt: sed ita non procedunt à voluntate create, nec à causis secundis, quippe cum in suis operationibus impediri possint per negationem scilicet divini concursus: Ergo nec in illis certò, & infallibiliter possunt cognosci. Fundamenta Molinæ proponuntur, & solvantur, expugnando scientiam mediam, quam à se excogitatum tantopere, sed vanè gloriatur.

Tertia pars ejusdem præfatæ minoris etiam apparet falsa: Tum quia decretum Deinum potest concipi ut futurum: Ergo neque Deus cognoscere potest futura contingentia in suo decreto ut futuro in sequenti signo: Tum quia ut Deus præsciret suum decretum, deberet distinguere nostro more instantia

rationis in indivisibili instanti æternitatis: sed hoc repugnat perfectioni ejusdem divini intellectus, ut scilicet distinguat, quæ revera à parte rei distincta non sunt. *Tum quia* si Deus in signo rationis antecedente existentiam sui decreti, illud ut futurum cognoscat, cognoscat illud ut futurum necessariò, & non liberè: sed hoc est absurdum, & divinæ libertati repugnans: *Patet sequela majoris:* Quia quod cognoscitur ut futurum, debet cognosci ut determinatum in sua causa ad existendum in instanti sequenti: at in illo signo, in quo Deus cognosceret suum decretum ut futurum, illud decretum non esset determinatum liberè, sed necessariò; alioquin determinari deberet per aliud decretum, & sic in infinitum; omnis enim determinatio libera voluntatis divinæ, est decretum: Ergo, &c.

Tum denique quia si divinum decretum haberet rationem futuri, vel illam haberet in sua entitate actuali, vel in sua terminatione: Non primum, hoc enim repugnat immutabilitati divinæ: Non etiam secundum, quia in terminatione non intelligitur futuritio, nisi etiam intelligatur futuritio in termino; sed in termino divini decreti nulla intelligitur futuritio prius ratione, quam decretum sit positum: *Tum quia* terminus, seu objectum divini decreti est futuritio existentie creatæ: sed hanc futuritionem habet existentia creata prius ratione, quam decretum sit positum: *Tum quia* si tale objectum haberet esse futuritionis ante decretum, vel haberet illud esse à se, vel ab alio: sed neutrum dici potest ut supra probatum est: Ergo nullatenus potest habere esse futurum antecedenter ad decretum.

Quartò denique patet eadem minor quoad ultimam partem, nempe quòd futura contingentia cognosci nequeant in eorum veritate objectiva antecedente decretum. *Tum quia* veritas objectiva consistit in connectione prædicati cum subiecto; sed in signo antecedente divinum decretum nulla potest esse talis connexio, quippe cum nulla sit causa, neque divina neque creata, quæ illa conjungat invicem: Non quidem creata, ut patet; non etiam divina, quia hæc esset, vel intellectus divinus, vel divina omnipotentia; sed non intellectus, ille enim non est causa futuritionis rerum: neque etiam omnipotentia, quæ non operatur circa Creaturas, nisi consequenter ad

divinum decretum: Ergo pariter in illo signo nulla est rerum contingentiter futurarum objectiva veritas determinata. *Tum quia* omnis objectiva veritas determinata necessariò fundatur in aliquo esse; veritas enim est entis proprietas: sed nullum est esse in quo fundari possit illa veritas objectiva rerum contingentium ante decretum: vel enim fundaretur in esse, quod haberent in se, vel in esse quod haberent in suis causis. Non primum, contingentia enim quamdiu futura sunt, nullum habent esse in seipsis. Non etiam secundum, cum enim causæ secundæ, à quibus procedere possent, sint indeterminatæ, & impedibiles, etiam in illis certum, & determinatum esse habere nequeunt.

Solvuntur fundamenta Suaris.

Objicit 1. *Suaris:* Deus prius ratione concipit suam voluntatem posse velle, quam concipiat eam volentem: Ergo etiam prius ratione concipere potest illam ut volituram, quam nunc volentem. *Confirmatur* exemplo Angeli, quem si ab æterno Deus creasset operantem, posset Deus cognoscere illum prius ratione ut voliturum pro alio signo, quia prius cognovisset ipsum posse velle, quam de facto velle.

Nego consequentiam: Plus enim requiritur ad concipiendum aliquid tanquam ponendum, quam ad illud concipiendum tanquam ponibile: requiritur enim ad hoc postremum aliquid determinans ipsum ponibile ad esse ponendum: respectu autem divini decreti nihil concipi potest, quod determinet ad esse ponendum, seu de non futuro ad esse futurum.

Ad confirmationem: Nego paritatem, ex hypothese enim, quòd Deus creasset Angelum ab æterno operantem v.g. diligentem, de facto quidem prius cognosceret talem dilectionem ut posteriorem, & quodammodo futuram respectu naturæ illius Angeli, quia in creatis prius est esse quam operari: Idque maxime cum substantia Angeli, ejusque dilectio per accidens tantum mensurentur æternitate, tanquam mensura sibi non propria, & essentiali: Secus autem est de Deo in quo non est prius esse, quam operari, & cujus tam essentialis, quam operatio, & decretum mensurantur æternitate quasi mensura sibi propria, & essentiali.

Objicit 2. Ut cognoscatur decretum divinum

num in futuro, sufficit quòd in aliquo signo abstrahat ab actuali existentia; sic autem revera abstrahit in primo signo æternitatis, in quo nondum concipitur ut positum: Ergo in hoc primo signo prius ratione, quam positum sit, concipitur ut futurum: Pater minor, in illo enim signo rationis divina voluntas non concipitur adhuc determinata ad creandum v. g. hominem; ad hanc enim creationem tantum concipitur se determinare in posteriori signo.

Respondeo 1. negando maiorem: Ut enim aliquid in aliquo signo videatur ut futurum, non sufficit, quòd pro illo signo abstrahat ab esse; ex eo enim præcisè, quòd abstrahit ab esse, non censetur magis futurum, quam non futurum; cum etiam non futura, & merè possibilia abstrahant ab esse. Itaque ultra abstractionem ab esse, requiritur ad rationem futuri, ut detur aliquid à quo determinari possit de possibili ad futuritatem: nihil autem ante divinum decretum ita determinare potest: Ergo nec habere potest rationem futuri.

Respondeo 2. id quidem verum esse si illud instans esset signum reale, & in quo, non autem esset signum rationis, & à quo, ut defecto est. Signum enim illud in quo divina voluntas concipitur ut indifferens ad formandum decretum de homine creando, vel non creando, non est signum reale, sed rationis, proindeque non sufficit ad veram rationem futuri; alioquin Filius posset dici futurus respectu Patris, quia in signo originis, & rationis concipitur prius Pater, quam Ilius.

Obijcit 3. In illo priori signo, quo Deus antecedit sua decreta libera, & concipitur habere scientiam simpliciter intelligentiæ, ista propositio, *Deus non decrevit in sequenti signo creare mundum*, est falsa: quia suo objecto non est conformis, & consequenter ejus contradictoria, nempe, *Deus decrevit in sequenti signo creare mundum*, est vera: Ergo decretum de creatione mundi in illo priori signo est determinatè futurum, ac proinde cognoscibile est ut tale ab intellectu divino.

Respondeo 1. Deum sua decreta libera non antecedere aliqua prioritate, & instanti in quo, sed solum à quo. *Secundò* falsum est ex propositionibus contradictoriis unam esse determinatè veram, & alteram falsam in signo præcedenti divinum decretum, quia nihil est futurum ante illud decretum.

Tertiò dico: Equidem alterutrum contradictoriorum debere verificari pro quovis instanti durationis realis; non autem pro quovis instanti naturæ, vel rationis; in illo enim priori signo præcindi potest ab utroque; quod constat exemplo: in priori enim signo, quo humanitas est prior risibilitate, nec est risibilitas, aliàs non esset ipsa natura posterior, nec non risibilitas, aliàs non posset humanitati competere.

Obijcit denique: Deus pro illo signo rationis in quo nondum concipitur habere liberum decretum, comprehendit suam essentiam, & voluntatem: sed non potest illam comprehendere nisi in ea cognoscat sua decreta futura in sequenti signo; cum enim cognitio comprehensiva, sit perfectissima, extendi debet ad id omne, quod in objecto suo continetur: Ergo cum decreta directè contineantur realiter in voluntate, & essentia Dei, Deus non potest suam essentiam, suamque voluntatem cognoscere quin pariter cognoscat sua decreta.

Respondeo 1. Illam illationem fore veram si daretur aliqua prioritas in instanti reali inter actus necessarios, & liberos; essetque verum, quòd Deus in instanti reali prius se cognosceret, quam formaret decreta; quæ suppositio cum falsa sit, etiam falsum est, quòd ex illa inferatur.

Respondeo 2. Quòd quamvis Deus in illo priori signo, in quo concipiuntur tantum actus naturales, & nondum concipiuntur tantum actus liberi, suam comprehendat essentiam; non tamen dicitur cognoscere sua decreta ut futura; cum enim divina voluntas in illo signo concipiat ut indifferens, & indeterminata ad productionem rerum, non potest esse medium ad illa decreta determinatè cognoscenda; in principio enim indifferenti, & indeterminato, non potest cognosci certus, & determinatus effectus.

Proponuntur, ac solvuntur Aliorum fundamenta.

Objiciunt postremæ sententiæ Assertores: Ratio, & vis contradictionis necessariò efficit ut una ex duabus propositionibus contradictoriis sit determinatè vera, & altera determinatè falsa, ut illæ propositiones, *Si Paulus vocetur in tali tempore, & occasione, reverà consentiet: Ex fivocetur in tali tempore, & occasione non consentiet*.

tiar, sunt verè contradictoriæ pro illo priori signo antecedente divinum decretum; Ergo pro signo priori ad divinum decretum, una illarum est determinatè vera, & altera determinatè falsa, & consequenter est cognoscibilis à Deo ante decretum.

Respondeo 1. distinguendo majorem: Ratio contradictionis exigit ut una ex contradictoriis sit determinatè vera, & alia determinatè falsa pro omni instanti reali, concedo: pro omni instanti rationis, nego: & concessa minore, nego consequentiam.

Respondeo 2. negando minorem: Nempe quod propositiones illæ in signo antecedente divinum decretum sint contradictoriæ, quia ad contradictionem, necessariò debet supponi essentia propositionis. Cum autem ante decretum nihil omninò sit futurum, vel non futurum; ideo nec tunc est essentia propositionis, quæ rem enuntiaret pro illo signo futuram, vel non futuram, adeoque nec est contradictio.

Infans: Veritas, & falsitas sunt proprietates propositionis, ut docetur in Logica: Ergo convenire debent propositioni pro omni signo imaginabili, in quo concipi potest hæc propositio: sed illæ propositiones concipi possunt antecederet ad decretum divinum: Ergo in illo signo veræ sunt, aut falsæ.

Distinguo majorem: Veritas, & falsitas sunt proprietates propositionis formalis, concedo: materialis, nego: in illo autem signo antecedente divinum decretum non sunt propositiones formaliter, sed tantum materialiter. Vel aliter, veritas, & falsitas sunt proprietates propositionis, respectivæ, concedo: absolutæ, nego: Quemadmodum enim æqualitas simul, & inæqualitas sunt proprietates quantitatis; non quidem absolutæ, sed respectivæ; quia una quantitas dicitur æqualis, vel inæqualis per ordinem ad alteram quam excedit, vel à qua exceditur: Ita pariter veritas, aut falsitas dicuntur proprietates respectivæ, quia sumuntur per ordinem ad objectum, ita quod ex conformitate, vel diffinitione, quam habent ad illud, sint veræ, vel falsæ. Unde si objectum in aliquo signo rationis non sit determinatè futurum, vel non futurum, etiam propositiones non erunt determinatè veræ, vel falsæ, sed indifferentes ad veritatem, & falsitatem.

Obijcies 1. Generatim contra Conclusio-

nem: Si divina Scientia de rebus continenter futuris fundaretur in decreto divino, illadque præsupponeret, sequeretur Scientiam Visionis distingi formaliter, & esse attributum divinum distinctum à Scientia simplicis intelligentiæ: sed falsum consequens: Ergo & antecedens: Patet sequela majoris, distinctio namque scientiarum petitur ex parte mediæ, & motivi; diversum autem esset motivum utriusque scientiæ: Illa enim res possibiles cognosceret in omnipotentia, hæc verò cognosceret in decreto.

Nego sequelam majorem, & probationem ejus distinguo: Scientiæ distinguuntur per diversa motiva, & media in quibus, concedo; à quibus, nego: Hoc est, distinguuntur quidem per diversa media in quibus repræsentantur formaliter; non autem à quibus talis sit representatio veluti casualiter. Illæ autem scientiæ suæ conspiciunt objecta in eodem medio, nimirum in Essentia divina, quæ res possibiles, & futuras repræsentat, illas quidem videndas per scientiam simplicis intelligentiæ, has autem per scientiam visionis. Itaque licet diversa sint motiva à quibus, nimirum quia res non sunt completè possibiles nisi per omnipotentiam, nec sunt futuræ nisi per decretum divinum; tamen non debent esse Scientiæ distinctæ, quia & Omnipotentia, & Decretum Dei, sunt tantum veluti conditiones applicantes ejus intellectum ad res possibiles, & futuras videndas per distinctam illam Scientiam simplicis intelligentiæ, & visionis.

Obijcies 2. Deus cognoscit peccata futura: sed illa non cognoscit mediante suo decreto: Ergo futura non cognoscit mediante decreto. Patet minor; Deus enim non decernit peccata futura, alioquin esset author peccati.

Distinguo minorem: Deus non decernit peccata futura decreto absoluto, & positivo, concedo: Decreto permissivo, nego: Itaque duplex est decretum divinum, unum quidem *Positivum*, quod decernit positivè concurrere ad entitatem physicam cujuscumque actionis, sive bonæ, sive malæ; aliud autem *Permissivum*, quo statuit permittere malitiam peccati, non suspendendo scilicet suum concursus ad illam actionem physicam, ex qua consequitur talis malitia; quia de ratione Providoris universalis est, ut aliquos defectus permittat tam

tam in ordine naturali, quam morali, ut inde magis reluceat universi pulchritudo, & ordo iustitiæ appareat. Unde S. August. in Enchiridio c. 5. *Non fit aliquid nisi Omnipotens fieri velit, vel ipse faciendo, vel fieri permittendo*: Priori decreto non decernit peccatum, sed tantum posteriori.

Urgebis: Ut aliquid habeat rationem medii inter deus & cognitionem alterius, debet habere certam, & infallibilem cum eo connexionem; sed decretum permissivum non habet certam connexionem cum peccatis futuris: Ergo illo mediante Deus peccata certò præscire nequit. Patet *major*: Minor probatur: Decretum permissivum duo importat, nimirum propositum concurrendi ad entitatem peccati, & conferendi ex parte causæ primæ omnia, quæ sunt necessaria causæ secundæ ad agendum. *Insuper*, Importat etiam suspensionem auxilii efficacis ad resistendum tentationi, vel ad faciendum actum virtutis præceptum: sed decretum permissivum neutra hac ratione habet connexionem necessariam cum peccato futuro: Non quidem propter suspensionem auxilii, alioquin sequeretur, quòd voluntas humana cum solo concursu generali esset determinata ad malum, nec posset aliquid bonum morale producere. Non etiam propter propositum concurrendi ad entitatem peccati, alioquin Deus esset author peccati, quia causaret illud à quo necessario causaretur malitia: Ergo per decretum permissivum non potest cognoscere peccatum futurum.

Nego minorem: Nec-non, & minorem illius probationis, Deus enim utroque modo videt futurum peccatum: Primò quidem ratione denegati auxilii efficacis, quia ad talem denegationem infallibiliter sequitur peccatum, non consecutione Physica, & causalitatis; sed consecutione veluti Logica, & illationis. Cum enim illa voluntas non possit graves tentationes superare absque efficaci auxilio: Consequens est ut ad ipsius denegationem voluntas superetur, & consentiat peccato. Idem pariter videt Deus in proposito concurrendi ad entitatem Physicam peccati, quia cum hæc entitas connexionem habeat cum actu morali peccaminoso: Consequens est quòd concurrendo ad hanc entitatem, Deus etiam videat illam deformitatem moralem, quæ ipsi connexa est. Non tamen exinde sequitur cum esse causam peccati, quia

per se non concurrat ad illam deformitatem; eò quòd illa non sit effectus, sed defectus, ut fulius aperiemus in sequenti Disputatione de voluntate Divina.

QUÆSTIO TERTIA.

Quomodo Conciliari possit certitudo Divinae Scientiæ, cum rerum contingentia, & libertate humana.

Celebrem hanc quæstionem nedum agitarunt Doctores Theologi, & oculatores quique ex SS. Patribus, sed etiam peritiores Ethnici Philosophi, quorum nonnulli, ut in priori Quæstione observatum est, divinam præscientiam cum rerum futurarum contingentia, & humana libertate conciliare non valentes, Deo futurorum præscientiam negaverunt: Alii verò nullam in rebus esse contingentiam, nullamque in hominibus libertatem, sed omnia cæca quadam necessitate evenire dixerunt. Quibus patet quàm sit difficilis, quàmque imbecillum humani ingenii caput longè fugiat præsentis Quæstionis resolutio, nisi prius fidei lumine illustretur, ac roboretur. Ut itaque hæc abdita veritas evidentiùs effulgeat,

Supponendum 1. Præscientiam, quam Deus habet de rebus liberè futuris, non efficitur futurorum effectivam, nec in eorum futuritionem ullatenus influere; imò illam præsupponere, sicut effectus causam sequitur. Hæc enim divina præscientia, est actus purè speculativus, immanens in Deo, & non operativus ad extra, quo Deus ipse merè contemplatur, & videt objectum sibi à Creatura exhibitum, illud certè non visurus, si à Creatura non offerretur: Imò, & oppositum visurus, si oppositum à Creatura fieret. Ita quòd illa divina præscientia Deus se habeat instar speculi representantis diversa objecta, & liberos hominum gestus, ac motus ipsi oppositos; aut instar hominis, qui è turri eminentis conspiceret ea omnia, quæ in demissa planitie fierent, videretque homines alios in foveam labentes, alios in adversarium digladiantes, alios saltantes, alios aliud agentes: Cux certè diversa visio, nullatenus esset causa diversarum illarum actionum, imò illæ diversæ actiones essent causæ illius diversæ visionis.

Itaque proportionem servata, eodem modo

modo de divina præscientia ratiocinandum est : cum enim divinus intellectus de se sit indifferens ad cognoscendam rei futuritionem, vel non futuritionem; veluti determinatur ad videndam futuritionem per rem ipsam, quæ reverà futura est, supposito decreto divino: Unde potius resfuturæ dici possent causæ divinæ præscientiæ, quàm præscientia dicatur causâ futurorum; ut aperte docent SS. Patres Græci: Origenes quidem 1.3. in Epist. ad Rom. explicans illa verba cap.8. *Quos præscivit, & prædestinavit*, ubi ait, *In præscientia Dei, neque salutis, neque perditionis nostra causa consistit. Non enim propterea erit aliquid, quia id scit esse futurum; sed quia futurum scitur a Deo antequam fiat. Nam est fingimus Deum non præcognoscere aliquid futurum, sine dubio erit. Idem Justinus Martyr quæstione 58. ad Orthodoxos, ubi proferens rationem cur præscientia Dei non fuerit causâ peccati Adæ, & Angelorum, sic loquitur, Non est præscientia causâ ejus, quod futurum est: sed quod futurum est, causâ præscientiæ. Siquidem non præscientiam consequitur futurum, sed futurum consequitur præscientiâ; & haud quaquam præcius est causâ futuri. Similiter sanctus Athanasius in sermone de Cruce Domini, neque, inquit, ut intervenient Prophetici verbis ita contra Christum ausus sunt; sed suos ipsimet studio ponit, volentesque illa perpetrare, ut non Prophetæ ipsarum rerum auctor sit, aut causâ; sed ipsorum voluntas; quin potius ipsi in causâ fuerunt ut talia de ipsis Prophetæ prædivinarent.*

Idem sentiunt Patres Latini, & in primis S. Hieronym. in cap. 26. Jeremæ, *Non enim, inquit, ex eo quod Deus scit futurum aliquid, idcirco futurum est: sed quia futurum est, Deus novit quasi præcius futurorum:* Et August. lib. 5. de Civitate cap. 10. *Neque enim ideo peccat homo quia Deus illum peccaturum præscivit; Imò ideo non dubitatur ipsum peccare, cum peccat, quia ille, cuius præscientia falli non potest, non fatum non fortunam, non aliquid aliud, sed ipsum peccaturum esse præscivit; qui finit, utique non peccat: sed si peccare noluerit, hoc etiam præscivit.* Nimirum quia Deus sese Creaturæ libertati accommodat, ita quod non aliud præficiat, quàm quod ipsa liberè fecerit, aut omiserit; adeo ut determinatio libera Creaturæ sit veluti regula, & mensura illius divinæ præscientiæ. Denique S. Anselmus in Elucidatorio circa medium, *Omnia quæ*
Fraſien Theol. Tom. II.

facturi erant homines futuri, Deus futura præscivit, & per Prophetas henda prædixit. Non tamen præscientia aliquam necessitatem intulit ut fierent; sed potius ipsi necessitatem intulerunt cuius suam voluntatem experient. Quibus aperte constat, divinam præscientiam non esse causam futurorum, nec res idcirco futuras, quoniam a Deo præscientiæ sunt: sed idcirco præsciuntur, quia futuræ sunt.

Supponendum 2. duplicem distingui posse necessitatem, nimirum antecedentem, & consequentem, seu consequentis, & consequentiz. *Antecedens* dicitur, quæ non supponit usum libertatis, nec voluntatis exercitium, qualiter v.g. homo est necessàrio rationalis, quia est rationalis, independenter ab hominis libertate. *Consequens* necessitas est, quæ provenit ex suppositione consequente usum libertatis, & pendet aliquo modo à voluntate nostra, ita quod non esset talis necessitas ex eo sequenda, nisi voluntas nostra se liberè determinaret. Unde sicut potest voluntas absolute non se determinare ad actum quem liberè producit, ita potest efficere ut nunquam talis suppositio sit in rerum natura. Sic necessarium est aliquid esse futurum ex hypothefi, & suppositione, quod futurum sit. Neque enim potest simul esse futurum, & non futurum in sensu composito. Sicut enim implicat conjungi, simul esse, & non esse ejusdem rei, ita pariter implicat eandem rem esse futuram, & non futuram.

Prior necessitas excludit libertatem actus, quia nimirum sequitur ex suppositione antecedente usum libertatis, qualis v.g. est necessitas moriendi, quando enim necessitas est antecedens, tunc non est in potestate voluntatis efficere ut existente tali suppositione, non sit actus, qui ex illa necessàrio sequitur. Posterior verò necessitas, nempe consequens non destruit, sed servat integrum usum libertatis, qualis est necessitas loquendi dum aliquis de facto liberè loquitur, quia non tollit, nec impedit potentiam liberam; sed potius illam præsupponit, ejusque liberum exercitium. Unde licet, dum voluntas vult, non possit, non velle, quia *Quidquid est, quando est, necesse est esse*, nihilominus absolute potest non velle, quia libera fuit ad volendum, vel non volendum.

Supponendum 3. ex Doctore in *primum dist. 39. quæstione unica numero 26.* hoc esse
D. disci-

discrimen inter determinatam veritatem p. op. positionum de præterito, de præsentis, de futuro. *Quidam*, inquit Doctor, *non est similis veritas in illis de futuro, sicut in illis de præsentis, & de præterito. In præsentibus quidem, & præteritis, est veritas determinata, ita quod alterum extremum est positum, & ut intelligitur positum non est in potestate causæ, ut ponatur, quia licet in potestate causæ, ut est prior naturaliter effectui, sit ponere effectum, vel non ponere; non tamen ut effectus intelligatur jam positus in esse. Talis autem non est determinatio ex parte futuri, quia licet alicui intellectui sit una pars vera determinatio, & etiam una pars sit vera in se determinata, licet jam nullus intellectus apprehenderet, non tamen ita, quin in potestate causæ sit pro illo instanti ponere oppositum.* Quibus indicat majorem esse necessitatem consequentis in præterito, & præsentis, quam in futuro, quia præteritis, & præsens jam sunt extra suas causas, itaut non possit ullatenus voluntas eorum positionem tollere, vel impedire: positio autem futuri cum nondum sit extra suam causam, censeri potest adhuc causâ illam suppositionem tollere, & impedire saltem hypotheticè. Quando enim voluntas nondum est determinata ad volendum, adhuc censetur posse futuram volitionem suspendere, & non elicere, ubi autem de facto voluit, aut vult non potest amplius illam volitionem suspendere. Hinc minor est libertas consequens respectu actus præsentis, aut præteriti, quam respectu actus futuri. Unde si non obstante necessitate consequenti, locutio mea actualis est libera, multo magis locutio mea futura erit etiam libera, non obstante tali necessitate.

CONCLUSIO PRIMA.

Certitudo, & infallibilitas divinæ præscientiæ rerum contingentiam non solvit. Hæc est communis inter Theologos, & probatur 1. Divina præscientia non efficit, sed supponit objectum: Ergo non solvit, sed supponit rerum contingentiam. *Antecedens* Patet ex auctoritatibus sanctorum Patrum in prima suppositione laudatorum, quod etiam ratione suadetur. Scientia, quæ est causa operis, illa est quæ voluntatem, & potentiam artificis dirigit ex cognitione operantis, in suo opere efficiendo, illa vero, quæ non dirigit artifi-

cem ad opus efficiendum, sed perinde opus fieret, quamvis illa non esset, manifestè non est causa operis, imò supponit illud opus: sed talis est divina præscientia, quæ licet tempore antecedit res existentes, nihilominus non antecedit, sed supponit illorum futuritionem in essentia divina repræsentantem, & à divina voluntate decretam: Ergo illa non efficit futuritionem rei contingentis, sed supponit, adeoque illius contingentiam non solvit.

Probatur 2. Rerum contingentia stat cum determinatione earum ad alteram contradictionis partem à divina voluntate facta: Ergo multo magis stabit cum infallibilitate scientiæ divinæ, quæ illam determinationem supponit. Patet antecedens. Primo, quia futurum contingens evenit per causas contingentes, & non necessariò operantes: Ergo licet à divina voluntate determinetur illius existentia, non minus erit contingens.

Deinde, causa non tollit ab aliquo id, quod ipsi competit ex sua ratione formali nisi conferat illi aliquid oppositum: sed divina voluntas determinans futurum contingens, nihil ipsi confert intrinsicè, quod opponatur ejus contingentie: Ergo hæc determinatio contingentiam non solvit.

Denique, determinatio futuri contingentis est omnino libera, & de re verè contingenti, in eodem enim æternitatis instanti, in quo divina voluntas rem determinavit futuram, potuit futuram non determinare: Ergo non necessariò, sed liberè determinata est illa futuritio. Patet etiam prima consequentia. Si enim divina determinatio, quæ antecedit, & efficit rerum futuritionem, illam non solvat, multo minus illam solvet scientia, quæ illam futuritionem contingentem supponit.

Adde quod facta determinatione divinæ voluntatis circa aliquid futurum, illud eveniret infallibiliter, etiam si per impossibile Deus illud nesciret: Ergo multo minus certitudo divinæ scientiæ solvit rerum futurarum contingentiam, quàm determinatio voluntatis illam futuritionem decernentis.

Probatur 3. sicut noster intuitus se habet ad ea, quæ videmus, eodem modo se habet divina scientia ad ea, quæ Deus intuetur: atqui noster intuitus nullam rebus à nobis visis necessitatem imponit: Ergonec divinus intuitus rebus contingentibus à

se cognitis aliquam necessitatem imponit. Unde Boetius 5. de consolatione prola.
 6. *Quid ergo postulas ut necessaria fiant, quæ divino lumine lustrantur, cum nec homines omnes necessaria esse faciant, quæ vident? Num quæ præsentia certis aliquam eis necessitatem tuas addit intuius?*

Dices 1. Quæ Deus seivit necessariò, necessariò evenient: sed Deus necessariò seivit res futuras v.g. fore Antichristum: Ergo ille necessariò eveniet. Patet maior. In bona enim argumentatione, in qua antecedens est necessarium, etiam consequens necessarium est: sed antecedens huius consequentia, *Deus seivit Antichristum futurum: Ergo erit*, est necessarium, nempe *Deus seivit*, quia illa scientia est æterna, & absoluta, cum sit ipsa Dei substantia, adeoque est necessaria: Ergo etiam consequens, nempe *Antichristus erit*, pariter est necessarium. Quod autem necessarium est, non est contingens, quia necessarium, & contingens sunt modi oppositi entis, necessarium enim est, quod non potest non esse, contingens autem, quod potest non esse: Ergo si divina scientia sit necessaria, res futuræ non erunt contingentes.

Distinguo maiorem. Necessariò evenient, necessitate absoluta, & antecedente, nego: necessitate hypothetica, & consequente, concedo. Similiter ad probationem dico, antecedens illius consequentia, *Deus seivit Antichristum fore, ergo erit*, non esse necessarium necessitate simplici, & absoluta, sed tantum consequenti, & hypothetica, sicut enim Deus liberè decrevit Antichristum fore, ita pariter liberè decreverit potuit Antichristum non fore. Ideoque sicut scit Antichristum fore, ita pariter scire potuit Antichristum non fore, & consequenter ipsius divina scientia de Antichristo futuro tantum est necessaria necessitate consequentis, & ex præsupposito divino decreto libero de futuritione Antichristi. Nec refert quod illa divina scientia simpliciter sit necessaria quantum ad entitatem, eoquod eadem sit realiter cum essentia divina, quæ est ens summe necessarium, non enim minus libera est quantum ad terminationem ad objecta secundaria, ad quæ terminatur prout sunt. Unde videt contingentia quæ contingentia sunt, & necessaria quæ necessaria.

Dices 2. Si divina præscientia falli non possit omninoque sit certa, quæ Deus

præscivit, necessariò evenient: Ergo vel divina scientia non est infallibilis, & certa, vel quæ sunt à Deo præscita, non sunt contingencia, sed necessaria.

Distinguo sequelam antecedentis. necessariò evenient necessitate simplici, & absoluta, quæ solvat rerum contingentiam, nego, necessitate conditionata, & consequenti, quæ non solvat, sed supponat rerum contingentiam, concedo.

CONCLUSIO SECUNDA.

Divina præscientia non officit humanæ libertati. Hæc est de Fide, patetque illis omnibus Scripturæ textibus quibus humana libertas statuitur, maxime verò Deuteronomii cap. 20. *Testes invoco domini Cælum, & Terram, quod propoñerim vobis viam, & mortem, benedictionem, & maledictionem. Elige ergo vitam ut & tu vivas, & semen tuum.* Josue 14. *Opto vobis datur, elige bonum, quod placet, cui servire potissimum debeatis.* Quibus Josue allicit filios Israel ut liberè Deo vero obsequantur, cui omnes responderunt, *Deo nostro serviemus, & obediemus erimus præceptis ejus.* Psal. 44. *Nonne si vocem ejus audieritis, nolite obdurare corda vestra.* Hoc est, si internam Spiritus sancti vocem, & inspirationem perceperitis, ei acquiescite, & nolite resistere. Supponit ergo esse in eorum potestate, vel monitioni divinæ obtemperare, vel ei refragari.

Ecclesiastici 15. vers. 14. Deus ab initio constituit hominem, & reliquit eum in manu consilii sui. Et vers. 14. *Apponi tibi aquam, & ignem, ad quod volueris porrigere manum. Ante hominem vitam, & mortem, bonum, & malum, quod placuerit ei, dabitur illi, &c.* Ex quibus sic argumentor, illud non officit nostræ libertati, quod stat cum libertate: sed certitudo, & infallibilitas divinæ præscientiæ stat cum libertate: Ergo illam non solvit.

Probat 2. Idque ratione S. Augustini lib. 5. de Civitate Dei cap. 9. ubi docet, quòd etsi Deus necessariò prævideat, quæ sumus acturi, non tamen illa necessariò, sed liberè esse à nobis facienda, quia providendo nostras voluntates, etiam præscivit eas sponte operaturas, Respondens enim Ciceroni dicenti, *Si est certus ordo causarum, quo fit omne quod fit, facti sunt omnia, ait, Non est consequens ut si Deo certus est omnium ordo causarum, ideo nihil sit in nostræ voluntatis arbitrio, & ipse quippe nostræ voluntates in causarum ordine sumi, qui certus*

est Deo, eiusque præscientia continetur, quoniam & humane voluntates humanorum operum causæ sunt, atque ita omnes, qui rerum causas præscivit, profecto in eis causis etiam nostras voluntates ignorare non potuit, quas nostrum operum causas ante præscivit. Constat ergo scientiam divinam non officere libertati, imò supponere, & statuere libertatem. Si enim ipsi officeret, seipsam destrueret, quia sciret aliquid fore liberum, quod liberum non foret, nec rem liberam novisset ut revera fit liberè.

Probatur 3. Illud non solvit libertatem, quod eam supponit: sed divina præscientia libertatem supponit: Ergo, &c. Probatur minor. Scientia enim supponit scibile: Ergo scientia de futuro supponit futurum. Constat antecedens: Consequentia probatur ex iis omnibus SS. Patrum dictis in prima suppositione.

Confirmatur insuper ex S. Hieron. Dialogo contra Pelagian. *Non ideo peccavit Adam quia hoc futurum noverat; sed præscripsit Deus quasi Deus, quod ille erat propria voluntate futurus.* D. Leo serm. 16. *Non impias furentium manus immisit in se Dominus, sed admisit, non præsciendo, quod faciendum esset, egit, ut fieret.* Damascenus Dialogo adversus Manichæos, *Quod præscientia Diabolo minime causa fuerit cur malus fieret, hinc constat, nam nec medicus dum futurum morbum prænoctat, morbo causam offert. Verum morbi quidem causæ in præposita, & immoderata vitæ ratione consistit, at medici prænotio eruditionis ipsius argumentum est. Prænotionis autem causæ hæc est, quod ita futurum erat.*

Et Augustinus lib. 5. de Civit. Dei cap. 6. *Non ergo propterea nihil est in nostra voluntate, quia hoc præscivit, quid futurum esset in nostra voluntate. Non enim quia hoc præscivit, nihil præscivit. Porro si ille, qui præscivit quid futurum esset in nostra voluntate, non utique nihil, sed aliquid præscivit. Profecto, & illo præsciente est aliquid in nostra voluntate. Quocirca nullo modo cogimur, aut retentia præscientia Dei tollere voluntatis arbitrium, aut retento voluntatis arbitrio Deum (quod nefas est) negare præcium futurorum: sed utrumque amplectimur, utrumque fideliter, & veraciter consitemur, illud ut bene credamus, hoc ut bene vivamus.* Quibus constat divinam præscientiam supponere nostros liberos actus, adeoque illis non officere.

Dices, Divina præscientia supponit decretum: sed quod est à Deo decretum, est

necessarium, non autem liberum: Ergo divina præscientia supponit rem necessariam, non autem liberam. Maior patet ex præcedenti Quæstione. Minor vero probatur. Illud est necessarium, quod non potest non esse; sed quod est à Deo decretum, non potest non esse: Ergo est necessarium.

Distinguo maiorem, Quod est decretum, est necessarium necessitate consequenti, concedo. Antecedenti, nego. Sicut enim Deus decrevit rem futuram, ita pariter liberè decernere potuit illam non esse futuram. Adeoque licet res decreta à Deo ut futura, non possit non esse futura, quia quod revera futurum est, non potest non esse futurum, sicut quod revera præsens est, non potest non esse præsens. Nihilominus hæc necessitas est tantum consequens ad liberam Dei determinationem de rebus futuris. Hæc autem consequens necessitas non solvit libertatem, sed supponit. Deus enim non decernit futuros actus nostræ libertatis, nisi ubi in instanti sue eternitatis cui obiectivè omnia sunt præsentia, videt illam se se liberè determinare ad suos actus, illam enim non prædeterminat physice, sed condeterminat, ut probavimus in moralibus, & in physicis.

SECTIO TERTIA.

De Contingentibus Conditionatè Futuris.

EX præcedenti Quæstione liquet, omnes Theologos invicem consentire, in asserenda certa Dei notitia de contingentibus absolute futuris; at non eadem est eorum sententia de contingentibus conditionatè tantum futuris, seu quorum existentia pendet ab aliqua conditione, quæ si poneretur revera existerent, quia verò nusquam ponetur talis conditio, sic nulla umquam erit eorum contingentium existentia. Tres enim in sententiis maxime scinduntur diversæ Theologorum Modernorum placita, sunt enim Aliqui hanc de conditionatè futuris certam Deo notitiam denegantes: Quidam verò Deum certò quidem nosse contingentia conditionatè futura affirmant, sed præsupposito prius conditionato decreto: Cæteri denique contendunt illam de conditionatè futuris certam notitiam Deum habere antecedenter ad omne decretum conditionatum, & independentè à qualibet hypothetica divinæ voluntatis determinatione, Quid autem in tanta controver-

sa

ſua veritas afferendum ſit, reſolvitur tribus in ſequentibus quaſtionibus, in quarum *Prima* probandum eſt Deum certo ſcire contingentia determinatè futura, in *ſecunda*, admittenda eſſe in Deo decreta conditionata, in *Tertia* verò reſolvendum Deum hæc conditionatè futura noſſe tantum dependenter à conditionato decreto, adeoque explodendam eſſe ſcientiam mediam, quam tantopere nonnulli Moder- ni Theologi pæſtant.

QUÆSTIO PRIMA.

An Deus cerò cognoscat contingentia conditionatè futura.

Notandum 1. futura conditionata eſſe triplicis generis, quorum prima neceſſariam habent connexionem cum conditione ponenda v.g. *Si Petrus currat, movebitur.* *Si Deus producat Joannem, erit animal rationale.* Secunda habent quidem connexionem cum conditione, non tamen neceſſariam, ſed contingentem, nihilominus ita convenientem, ut conſequentis inferatur ex antecedenti ſaltem probabiliter ratione talis conditionis v. gr. *Si Petrus vocetur à Deo, conſentiet: Si diu ſteteris in peccato mortali, in alia mortalia decedet.* Tertia denique futura ſunt, in quibus nulla eſt apparens connexio antecedentis cum conſequenti, omninoque diſparata ſunt, quales ſunt hæc propoſitiones. *Si Judas Chriſtum prodiderit, Nero matrem ſuam occidet. Si Turca federis Conſtantinopoli, Petrus converſetur Pariſiis.* Difficultas autem præſens non movetur de prioribus futuris, quia licet conditionata appareant, & per particulam conditionalem (*Si*) explicentur, nihilominus revera abſoluta ſunt, & neceſſaria. Solum ergo reſtat diſcutiendum, an Deus cerò noverit conditionatè futura ſecundi, & tertii generis.

Notandum 3. Hoc maxime diſcrimen eſſe inter creatam, & divinam cognitionem, quòd hæc cum infinita ſit, & omnimodè comprehenſiva, nedum res noverit priuſquam exiſtant, videatque neceſſariam, & naturalem connexionem, quam nonnulla habent cum aliis, putà riſibilitatem cum rationalitate, effectum cum ſua cauſa; ſed ultra intuitivè etiam conſpiciat connexionem liberam, quam res aliq̃ue, licet omnimodè diſparatè, habent ad invicem, *Fraſſen Throl. Tom. II.*

non quidem ex natura ſua, ſed ex libera ordinatione Dei pro nutu ſtatuentis, ac decementis quarundam rerum eventus ex aliarum exiſtentia, putà victoriam integram quam Joas Rex Iſrael de Syriis erat reportaturus, ſi ſexies jaculo terram percuſſiſſet, ita dicente Propheta Eliſeo, *Si percuſſiſſet quinquies, aut ſexies, ſive ſepties, percuſſiſſet Syriam uſque ad conſumptionem.* Ita namque Deus ſtatuerat generalem fore Syriæ deſtinationem à Rege Joas, ſi terram pluries jaculo percuſſiſſet quàm tribus vicibus.

Secus autem eſt de limitata ac cœcutienti creata notitia, quæ cum illam conditionem à Deo præſcriptam inter res diſparatas non percipiat, etiam judicat nullam inter eas eſſe connexionem, adeoque propoſitiones conditionaliter ex rebus diſparatis illatas eſſe omnino falſas. Quod diſertè exprimit Nemeliſ Chriſtianus Philoſophus 44. cap. lib. de Natura hominis, *Nos enim, inquit, futurorum nihil omnino ſcientes, & in præſentia dumtaxat inſuetas perperam eventa adjudicamus, Deo verò etiam futura pèrinde ſunt atque præſentia.*

Notandum 3. Circa præſentis quaſtionis reſolutionem maxime triplicem Auctorum eſſe ſententiam. *Curiſ.* libr. 1. controverſiarum contro. 7. *Cornèjo* hic art. 13. diſp. 3. dubio 2. & *Claudius Typhanius* noviffimus Societatis ſcriptori libro de ordine deque priori, & poſteriori cap. 25. docent futura contingentia conditionatè non cognosci à Deo cerò, ſed tantum conjecturaliter. Aliam autem ſententiam finxit *Navarret.* contro. 56. §. 2. affirmat enim non ſolum in Deo non eſſe ſcientiam conjecturalem talium conditionatorum, ſed neque formalem, at tantum virtualcum, & eminentialem, eò quòd inquit nullum de talibus conditionatè futuris in Deo ſit decretum formale, & actuale, ſed ſolum eminentiale, & virtuale. Cæteri verò Theologi unanimi conſenſu docent Deum cerò, & actu talia conditionatè futura cognoscere, quibuſcum ut ſentiamus ſit

CONCLUSIO UNICA.

Deus cerò cognovit contingentia conditionatè futura.

Probatur 1. Pluribus, ſed maxime tribus Scripturæ textibus, quibus certa, & infallibilis de his conditionatè futuris notitia

D 3 Deo

Deo tribuitur. Primus textus ex illustrioribus legitur 10. Reg. cap. 23. ubi David cum Deum interrogasset & consultuisset his verbis, *Domine Deus Israel audisti famam servus tuus quod disponat Saul venire in Ceilam ut evertat urbem propter me, si tradent me viri Ceile in manus ejus*. Respondens Dominus, ait, *descendet*. Rursus David, *si tradent me viri Ceile*, & *viros qui mecum sunt in manus Saulis*? Et dixit Dominus, *tradent*. Quibus verbis constat primò Davidem interrogasse, non de præsentis solum affectu Saulis, & Ceilanorum, sed de eventu futuro, dicit enim *si tradent*.

Secundò eventus ille fuit tantum futurus conditionatè, siquidem de facto David non remansit Ceilæ, nec ibi expectavit adventum Saulis. Unde hæc traditio à Ceilanis non erat absolutè, sed tantum conditionatè futura. 3. Deus absolutè, & sine ulla modificatione suæ assertionis respondit de Saule, *descendet*, & Ceilanis *tradent*. Ergo utrumque præciebat certò, & infallibiliter, alioquin suam assertionem periculo falsitatis exposuisset, quod asserere impium esset. *Adde quòd* Deus respondet de futuro eventu qualiter illum cognoscebat, affirmat autem traditionem illam futuram, si David remaneret Ceilæ: Ergo detestatur, & certò illam traditionem ex conditione cognoverat, ut exponit S. Hier. ad illa verba, *si tradent me viri*, & *si descendet Saul*, descendet, inquit, quasi diceret, si hic steteris descendet, & quod ait, *si tradent me viri Ceile* & Dominus ait *tradent*, iste est sensus, si descenderit Saul, & hic te invenerit, tradent.

Alter textus deducitur ex Sapientie 4. cap. ubi de justo præcipiti morte ex hac vita adempto dicitur, *Raptus est, ne malitia mutaret intellectum ejus, aut ne scilicet deciperet animam illius*. Quibus verbis significatur; Primò futuram illam mutationem, & deceptionem tantum sub conditione non ponenda, nempe si talis diutius vixisset. Secundò Deum ad cuius nutum vita, & mors hominum solvitur, certò novisse illam futuram mutationem, & deceptionem, siquidem ille diutius vixisset, alioquin inconsulto ipsum morte præcipiti rapuisset & vivis, ne malitia mutaret intellectum ejus.

Tertius textus legitur Matth. 11. & Luca 10. ubi Christus duabus civitatibus Israel propter earum civium obdurationem exprobanis, ait, *Vae tibi Corozain, Vae tibi Beth-*

saida, quia si in Tyro, & Sidone factæ essent virtutes, quæ factæ sunt in vobis, olim in cilicio, & cinere poenitentiam egissent. Verumtamen dico vobis, Tyro, & Sidoni remissum erit in die judicii quam vobis. Quibus verbis constat primò Christum loqui solum de eventu conditionatè futuro, nempe de poenitentia Tyriorum, & Sidoniorum, si Christus apud eos illa miracula fuisset operatus, quæ in civitatibus Corozain, & Bethsaida ediderat, quæ poenitentia recipi non extitit, nec futura fuit absolutè, eò quòd posita non fuerit conditio, nempe miraculorum patrato. *Secundò* Christus certò noverat futuram illam poenitentiam, si talis conditio fuisset posita, alioquin, nec ita acriter exprobraisset, necita certò asseruisset, Tyrios, & Sidonios in cinere, & cilicio poenitentiam acturos, alias suam assertionem falsitati exposuisset. Si autem Christus ut homo illam poenitentiam conditionatè futuram noverat, multò magis id noverat, ut Deus, cuiusque omnis Dei cognitio certa sit, & infallibilis, etiam certò, & infallibiliter illam poenitentiam conditionatè futuram noverat.

Quartus denique locus illustris deducitur ex 3. Regum cap. 11. & Exodi 34. ubi prohibet Deus Filiis Israel, ne connubia jungant cum alienigenis uxoris sibi vicinis. *Non ingrediemini*, inquit *ad eas, neque de illis ingredientur ad vestras, certissimè enim averient corda vestra ut sequamini Deos earum*, cujus prædictionis eventus etiam revera extitit in Salomone, qui cum jam esset senex, ut ibidem sacer textus eloquitur, depravatum est cor ejus per mulieres ut sequeretur Deos alienos. Nihilominus talis eventus à Deo prædictus, erat tantum conditionatè futurus respectu eorum omnium qui poterant connubia ducere cum alienigenis nec tamen duxerunt.

His omnibus textibus plures alii subijci possunt, maxime verò illud Ezechielis 3. cap. *Non ad populum profundi sermonis, & ignotæ lingue tu mitteris, &c. Esi ad illos mittereris, ipsi audirent te*. Item illud Jeremie 38. Propheta Regi Sedecie, ait, *Si exieris ad principes Regis Babylonis, vivet anima tua, & civitas hæc non succendetur igni, & salvus eris tu, & domus tua*. Quod tamen ipsa non contigit, Sedecias enim juxta consilium Prophetæ non exivit. Item Matthæi 24. *Nisi breviami fuissent dies illi, non fuisset salva omnis caro*, sed propter Ele-

ctos

Atos breviabuntur. Videt ergo Deus plures potuisse perire, si diu staret Antichristi persecutio, qui tamen non peribunt propter brevitas illius persecutionis dies. Denique primæ ad Cor. 2. *Loquimur Dei sapientiam in mysterio, quæ abscondita est, & quam nemo principum hujus sæculi cognovit. Si enim cognovissent, nunquam Dominum gloria crucifixissent.* Id est tam infandum scelus non commississent crucifigendo Christum, lino- vissent illum. Quæ notitia cum re ipsa non extiterit, nec pariter defuit crucifixio.

Probatur hæc eadem veritas sanctorum Patrum auctoritatibus, quorum Aliqui passim supponunt Deum habere scientiam conditionatam in suæ providentiæ, & Electorum prædestinationis administratione, quæ fit ut nonnullos è vita subtrahat in statu gratiæ, ne si diutius viverent in peccata laborerentur, & sic æternam damnationem incurrerent. Sic in primis Gregorius Nyssenus oratione de infantibus, qui præmatura morte subtrahuntur è vivis, ait. *Divina esse providentiæ ejusque perfectæ sapientiæ non solum contrarios sanare morbos, sed etiam ne omnino quispiam in illicitis versetur prospicere.* Cujus rationem sic reddit, ut asserat Deum certissimè scire, quid futurum esset de illo infante si longius ætatem duceret. *Est enim consentaneum, ab illo, qui peræque futurum novit, ac præteritum, prohiberi parvuli progressum ad perfidiam ætatem, ne malum illud, quod præcens illa vis, & facultas cognovit in eo qui vitæ esset, ita perficiatur, atque si quis ea voluntate arbitrioque vitæ esset, materia nequitia vitæ fiat.* Quibus verbis S. Greg. ostendit non probabilem, nec incerto velut exitu suspensam, ac dubiam in Dei notitia versari illationem, non modò quæ potuit esse, sed quæ re ipsa fuisset si diutius infans vixisset.

Ipsi concinit Cyrillus Alexand. libr. 3. contra Julianum, ubi de Adami lapsu, & mox subiecta pœna differens, laudat Porphyrii sententiam, Porphyrius, inquit *sic in lib. ad Nemertium scribit. Deus autem qui futura novit, alios propter pietatem adhuc juvenes è vita præcipit, alios ob detrimenta quæ per illos erant necessariis suis importanda. Alios item ob ingentes quæ futura erant calamitates, ante subtrahit.* His aditipulatur sanctus Chrysostomus libr. 1. ad Stagyrium, ubi solvens, quæ contra divinam providentiam solent opponi, maximè verò cur aliqui antequam ad eam pervenerint ætatem, in qua

bona discernere possint à malis, tanquam magna scelera commiserint, puniuntur. Respondet, *Multos illorum nosse Deum malos, aliosque futuros, atque ideo velut pedicis quibusdam, sic eos pœnis istis coercere.*

Eadem veritas ratione probatur. Quidquid est verum, scitur à Deo: sed futura conditionata sunt vera: Ergo Deus scit illa esse vera. Major constat. Deus enim cum infinita intelligendi virtute sit præditus, evidentissimè conspicit, & cognoscit quidquid est scibile; quod autem verum est, scibile est, adeoque si contingentia conditionatè futura sint vera, sunt scibilia, & consequenter à Deo sciuntur. Itaque *Probatur minor.* Primò quidem, conditionatè futura non minis vera sunt, quàm quæ sunt absolutè futura: sed absolutè futura, sunt determinatè vera, ut probatum est: Ergo etiam conditionatè futura sunt vera. Probatur major, Non minis est contradictio præcisæ, & immediatè inter contingentia conditionatè futura, & contradictoriè enuntiata, quàm sit inter absolutè futura, v.g. non minor est harum propositionum contradictio, *Si Saulus tali modo vocetur à Christo, convertetur, & fiet vas electionis, & si tali modo vocetur non convertetur*, quàm sit inter has duas propositiones, *Saulus tali modo vocatus à Christo convertetur, & eodem modo vocatus non convertetur*: Ergo cum ratione hujus contradictionis, una propositio enuntians absolutè futurum, sit determinatè vera, & alia determinatè falsâ, ita pariter duarum propositionum contradictoriarum de futuro contingenti conditionatè, una erit determinatè vera, & alia determinatè falsâ, & consequenter illud quod enuntiant, erit determinatè verum, aut falsum.

Confirmatur, Propositio conditionata non differt ab absoluta de eodem objecto, nisi penes conditionem, quæ si ponatur, propositio erit absoluta: Ergo sicut absoluta est determinatè vera, vel falsâ, sic eadem conditionalis de eodem objecto conditionatè futuro, est distinctè, & determinatè vera, vel falsâ. Patet hæc consequentia, quia conditio penesquam solam differt propositio conditionalis ab absoluta, non impedit quominus sit æquè conformis suo objecto, & consequenter sit æquè vera.

Secundò, Illa cognitio est certa, & infallibilis, quæ fundatur in medio certo, & infallibili: sed cognitio, quam habet Deus de contingentibus conditionatè futuris, fun-

datur in medio certo, & infallibili, nimirum in decreto conditionato ex parte decreti, sed absoluto ex parte subjecti: Ergo pariter cognitio debet esse certa, & infallibilis. *Major* constat. *Minor* vero probabitur in sequenti questione.

Tertio, Omnis cognitio possibilis, quæ nullam imperfectionem involvit, non est Deo dneganda: sed hæc contingentium conditionatè futurorum notitia certa, nec est impossibilis, nec Deo indigna: Ergo est ipsi tribuenda. *Major* constat: Deus enim cum sit præstantissimum omnium entium, omnes perfectiones possibiles nullam imperfectionem in suo conceptu involventes necessariò debet includere. *Minor* probatur: Primò quidem quòd hæc cognitio sit possibilis, quod enim verum est, est etiam scibile à Deo: sed illa futura sunt vera, ut probatum est: Ergo pariter à Deo sunt scibilia. Secundò, quòd etiam non sit Deo indigna, summa enim perfectio est scire quidquid est scibile, imò imperfectio esset illud ignorare: Ergo cum illa contingentia sint scibilia, non est imperfectio, sed summa perfectio illa cognoscere.

Obijciunt 1. *contra sentientes, replicantesque*, nihil ex allatis Scripturæ textibus inferri posse in confirmationem nostræ Conclusionis, siquidem hæc à Scriptura proferuntur, vel tantum per exaggerationem humanam, vel secundum probabilem tantum cognitionem quam Deus habet de huiusmodi futuris, considerando scilicet inclinationem causarum secundarum, quæ positis illis conditionibus, de se magis erant inclinatæ ad hos effectus prænuntiatis quam ad oppositos. Idque confirmant ex verbis sequentibus Math. 11. ubi cum Christus objurgasset Corozain, & Bethsaida, subiungit. *Est tu Capernaum, numquid usque in Cælum exaltaberis? Usque in Infernum descendes, quia, si in Sodomis factæ fuissent virtutes, quæ factæ sunt in te, foris manifestæ usque in hanc diem, ubi particula foris solam conjecturalem, & probabilem notitiam, non autem infallibilem, & certam denotare videtur.*

Respondeo 1. Hanc replicam nullius esse momenti, & impugnari ab ipsomet S. Augustino, qui in libro de bono perseverantiæ cap. 9. agens de Tyrinis, & Sydoniis ait, *Sed nunquid possumus dicere, etiam Tyrios, & Sidonios talibus apud se virtutibus factis credere noluisse, aut credituros non fuisse si fierent? Cum eis ipse Dominus attenteur quòd*

asuri essent magnam humilitatis penitentiam, si in eis factæ essent divinarum illa signa virtutum. Quibus S. Augustinus fatetur certò Tyrios fuisse credituros, si talia signa vidissent. *Deinde*, si tantum conjecturalis fuisset Christi cognitio de futura Tyriorum, & Sidoniorum penitentia, nullam causam habuisset tam acriter objurgandi Judæorum obdurationem, nec Christo conveniens erat, ut ad exprobandum Judæis infidelibus gravia ipsorum peccata, assumeret dubia, & falsitatis exposita. *Adde quòd* jam dixerimus, particulam *foris* non significare dubitationem Dei asserentis, sed assumi ad aperiendam contingentiam eventus, & arbitrii libertatem. *Denique*, illorum contingentium certa veritas, etiam exinde patet, quòd interdum prædicuntur, & prænuntiantur à Prophetis, prædictio autem Prophetica, quæ non est comminatoria, est omnimodè certa, & infallibilis, aliàs nullo modo foret Prophetiæ certitudo.

Obijciunt 2. S. Augustinum lib. de Prædestinatione Sanctorum cap. 14. ubi explicans illud Sapientiæ 4. *Raptus est ne malitia mutaret intellectum ejus*, ait, *Disium est secundum pericula vitæ hujus, non secundum præscientiam Dei, qui hoc præscivit quòd futurum erat, non quòd futurum non erat.* Quibus verbis S. Augustinus significare videtur Deum non certò, & infallibiliter cognoscere hoc futurum conditionatum, scilicet hominem peccaturum, si diutius vixisset: sed de illo habuisse tantum cognitionem conjecturalem fundatam in periculo, ne mutaretur, propter vehementes occasionem quas absolute prævidebat. Item sæpe affirmat figmentum esse præsciri à Deo quæ non sunt futura, sic lib. 2. contra duas Epistolas Pelagii, *Quomodo*, inquit, *præscivit ea futura, nimirum opera parvulorum ante adultam ætatem morientium quæ scissent si adolevisset... quia præscientia ejus falli non potest, non præscivit non futura.* Item lib. de Prædestinatione Sanctorum cap. 12. *Unde talibus viris*, id est Semipelagianis, *in mentem venerit, ut futura quæ non sunt futura puniantur, vel benorentur merita parvulorum.*

Ipsi concinunt S. Prosper Epist. ad sanctum Augustinum, ubi de eisdem Semipelagianis loquens, ait, *Futura quæ non sunt futura contingunt.* Et S. Damascenus in Dialogo adversus Manichæos refutans errorem eorum qui dicebant Deum non debuisse creare Homines aut Angelos quos ante

ante præcivit peccaturos, ait: *Quoniam autem modo præcivisse queat quod futurum non est? Nam si aliquem peccatorem præcivisset, neque eum condidisset, præscientia hæc non esset, sed impossura; quemadmodum etiam cognitio est earum rerum quæ sunt, sic prænotio eorum est quæ certo futura sunt.* Ergo ex mente SS. Augustini, Damasceni, & Prosperi non datur in Deo certa, sed tantum conjecturalis conditionata futurorum notitia.

Nego consequentiam, S. enim Augustinus locis citatis loquitur tantum de præscientia non conditionata sed absoluta, quam admittebant Pelagiani, & semi-Pelagiani independentem à divino decreto, eoque anteriorem, ut refert S. Prosper in eadem Epistola, & secundum quam præscientiam volebant Deum moveri per opera prævisa ad concedendam primam gratiam, & primam vocationem ad fidem. Quam præscientiam absolutam merito *falsitatem* appellant Augustinus, & Prosper; Non autem loquuntur de præscientia conditionata quæ supponat conditionatum decretum, quale nos propugnamus; alioquin sibi ipsis aperte contradicerent.

S. Augustinus quidem, nam in lib. de *Corruptione*, & *Gratia* cap. 8. loquens de his qui non sunt rapti à Deo, nemalitia mutaret eorum intellectum: *Respondent*, inquit, *si possunt*, scilicet Pelagiani, *cur illos Deus, cum fideliter, & pie viverent, non tunc de vitiis hujus periculis rapuit, ne malitia mutaret intellectum eorum, & ne falsis deciperet animas eorum?* Utrum hoc in potestate non habuit, an eorum mala futura nescivit? *Nempe nihil horum nisi perversissimè, & insanissimè dicitur.* Quibus S. Augustinus affirmat Deum potuisse per talem præscientiam impedire ne illa mutatio in pejus foret re ipsa: sed non potuit impedire per præscientiam absolutam, nam hæc supponit rem absolutè futuram: Ergo per præscientiam conditionatam, quæ nisi perversissimè, & insanissimè, inquit, Deo non potest denegari.

Ipsi concinit S. Prosper in Responsione 8. ad excerpta Genuenium: *Cum aliqui pereunt, inquit, non dubitemus ipsorum meritis deputari quòd pereunt; quos utique posset Deus justè damnare si vellet. Et cum aliqui liberantur, non audeamus definire quòd digni fuerint liberari: quos utique posset Deus justè damnare si vellet, &c.* De Tyrinis autem, & Sidoniis quid aliud possumus dicere quàm non esse eis datum, ut crederent; quos etiam credituros

fuisse ipsa veritas dicit, si talia qualia apud non credentes facta sunt, signa vidissent? Ac mox dicit non solum Tyrios, & Sidonios, sed etiam Corozain, & Bethsaida potuisse converti, & fideles ex infidelibus fieri, si hoc in eis Dominus voluisset operari.

Simili modo interpretandus est S. Damascenus, loquitur enim solum de præscientia absoluta, ut constat ex ipsis verbis, *Præscientia hæc non esset, sed impossura*; Non autem loquitur de conditionatè futuris, de quibus hic tantum agimus.

Obijciunt 3. si futura conditionata aliquam certam in Deo notitiam supponerent, maxime quia ab eo prædictum, & à Prophetis prænuntiantur: sed exinde non constat illam notitiam esse certam: Probatur, Deus plura in Scriptura per se vel per Prophetas prædixit solum per conjecturam desumptam ex dispositione causarum secundarum, v.g. Isaïa 35. *Disposui tuæ quia morieris tu, & non vives*: Et Jonæ 3. *Adhuc quadraginta dies, & Ninive subvertetur*: Quorum tamen neutrum contigit: Ergo ex prædictionibus non colligitur certitudo, & infallibilitas divinæ cognitionis.

Nego Minorem. Omnes enim divinæ prædictiones veræ sunt, & infallibiles, secundum sensum à Deo prædicente intantum, licet in quibusdam non exprimitur, sed subintelligatur aliqua conditio, maxime verò in prædictionibus comminatoriis. Nam ut docet S. Thomas 2. 2. qu. 172. art. 1. Triplex est Prophetia, scilicet *Præscientia*, *Prædestinationis*, & *Comminationis*; inter quas hoc ponit discrimen quòd prima, & secunda terminantur ad futura in seipsis. Unde ex illis veritas futurorum ex se evidentè colligitur. Tertia verò non respicit futura in se, sed dispositionem, & ordinationem causarum ad ipsa; supponitque conditionem, puta si peccatores resipiscant, & convertantur ad Deum, ipsumque studeant placare per poenitentiam, juxta illud Jeremias 18. *Si egeris poenitentiam gens illa à malo suo quod locutus sum adversus eam, agam, & Ego poenitentiam super malo quod cogitavi ut facerem ei.* Non enim fiunt illæ comminationes nisi ut homines præveniant divinam vindictam per eorum resipiscantiam, juxta illud Ezechielis 18. *Nunquid voluntas mea est mors impii, dicit Dominus, & non ut convertatur à viis suis, & vivat?* Posita autem resipiscantia non sequitur poena quam

quam Deus infligendam prænuñtiaverat sub tacita conditione, si peccator non resipisceret.

Obijciunt 4. Futura conditionata non habent determinatam veritatem: Ergo distinctè, & determinatè non possunt à Deo cognosci. Consequentia patet, Deus enim res cognoscit ut sunt, & consequenter quæ non sunt determinatè vera, non possunt determinatè à Deo cognosci. Probat *antecedens*, Si haberent determinatam veritatem, maximè vel in se, vel in suis causis: sed neutrum dici potest, non quidem primum: Eo modo enim habent veritatem, quomodo habent esse, sed non habent esse determinatum, quia nunquam erunt: Ergo nec determinatam veritatem in se: Neque etiam secundum, posita etiam conditione adhuc eorum causæ productivæ sunt indifferentes, & indeterminatæ ad illa producenda, vel non producenda: Ergo non habent determinatam veritatem, nec consequenter determinatam scibilitatem.

Distinguo antecedens: Non habent determinatam veritatem absolutam, concedo: conditionatam, nego: Posita enim conditione, voluntas creata, sese determinatura erat: cum decreto ponendo, absolute quidem ex parte Dei decernentis, sed conditionatè tantum ex parte rei decretæ; quod decretum non officit libertati, nec eam prædeterminat, sed tantum condeterminat. Adeoque illa futura contingentia habent determinatam veritatem conditionatam, in suis causis, nimirum in voluntate creata, & in divino decreto.

Urgent: Determinata veritas supponit determinatum esse, veritas enim est proprietas entis: sed illorum conditionatè futurorum esse non est determinatum: Ergo nec etiam determinata est eorum veritas. Probat *Minor*, Illorum esse non est determinatum, quæ nunquam habitura sunt determinatam existentiam, sed erunt merè possibilia, & purum nihil: atqui talia sunt ut plurimum futura conditionata; eorum enim plurima nusquam existent, Ergo, &c.

Distinguo minorem: Illorum esse non est determinatum absolute: concedo: Conditionatè, nego: Nec exinde sequitur illa esse purum nihil, habent enim verum esse reale objectivum in mente divina, ex præsupposito decreto conditionato, de conditionata eorum futuritione; Unde sicut ab-

solute futuræ habent absolute esse representatum in Essentia divina; ita pariter futura conditionata, habent esse conditionatum in eadem Essentia divina representatum virtute decreti conditionati.

Insunt: Si futura conditionata haberent determinatam veritatem, essent æternæ, & perpetuæ veritatis: sed hoc dicitur: Ergo, &c.

Minor patet: Nam ideo propositiones sunt æternæ veritatis, quia formantur de entibus determinatè veris, etiam quatenus abstrahunt ab omni existentia; sed tales essent propositiones de conditionatè futuris, si determinatam haberent veritatem. Ergo, &c.

Distinguo antecedens: Essent æternæ veritatis per necessariam illationem consequentis ab antecedente; qualia sunt futura absoluta, quæ habebunt verum esse, ratione præsuppositi absoluti decreti, nego: Essent æternæ veritatis conditionatæ, & ratione prævisionis, quia Deus videt illa de facto esse futura vel non futura, propter scilicet ponendam, vel non ponendam conditionem, concedo: Nec hoc ullam implicantiam involvit.

Urgent iterum: Si propositiones de futuris conditionatè, essent determinatè veræ, essent pariter necessariò veræ: sed falsum consequens: Ergo, & antecedens. Probat *sequela majoris:* Particula enim conditionata (*Si*) vel significat necessariam connexionem consequentis cum antecedente, vel non: Si primum, illa propositio est necessariò vera: Si secundum, sequeretur dari antecedens verum, & consequens falsum; adeoque omnis propositio conditionalis esset falsa, quia inferret consequens ex antecedente legitime sequens, cum tamen fit ex eo non sequeretur. Patet etiam *minor*; Propositiones enim de conditionatè futuris non sunt necessariò veræ, sed contingentes, quia res contingenter futuras enuntiant.

Distinguo maiorem: Essent necessariò veræ ratione necessariæ illationis consequentis ab antecedente, si particula conditionalis (*Si*) sumatur illativè, & significet necessariam connexionem consequentis cum antecedente, concedo: Si sumatur tantum conditionatè, vel promissivè, nego: Itaque particula conditionalis (*Si*) triplicem habere potest significationem: potest enim sumi. Primo *illativè*, quando con-

sequens

sequens dicit necessariam connexionem cum antecedente v.g. *Si Petrus currit, movetur*. Secundò *Promissivè*, quando consequens habet connexionem cum antecedente ratione voluntatis promittentis v.g. *Si vicarius dabo tibi coronam vite*. Tertiò sumitur *conditionalè*, quando reverà ponitur consequens cum antecedente, quamvis ex natura sua sine eo stare antecedens possit; eò quòd consequens non habeat necessariam connexionem cum illo antecedente, sed tantum contingentem ratione conditionis contingentis; quæ tamen conditio certò à Deo cognoscitur ponenda, vel non ponenda. Ideoque hæc connexio antecedentis cum consequente certò quidem à Deo nascitur, etsi necessaria non sit.

QUÆSTIO SECUNDA.

An dentur in Deo Decreta Conditionata.

NOtandum 1. divinum decretum esse illam Dei volitionem, qua decernit rerum futuritionem; idque, vel *absolute*, ita quòd infallibiliter res decreta eveniunt; vel tantum *conditionalè*, quando nimirum rerum eventus pendet ab aliqua conditione, quæ si ponatur, revera res illa existet; si verò non ponatur talis conditio, etiam res non erit.

Rursum hoc conditionatum decretum considerari potest, vel ex parte decernentis, vel ex parte rei decretae, seu ex parte *Subiecti volentis*, vel ex parte *Objecti voliti*. Priori modo significat non tam firmam, ac stabilem voluntatem, quam velleitatem quamdam de habenda hac stabili firmitate voluntate circa aliquod objectum si conditio aliqua poneretur; talis est hæc propositio, *Vellem gerere bellum adversus Turcas si id Viro Religioso liceret*. In qua propositione non significatur directè voluntas efficax gerendi bellum, sed directè solum exprimitur velleitas, & desiderium quoddam formandæ talis volitionis efficacis ex hypothetici, quòd illa volitio efficax, & sincera virum religiosum non dedeceret. Posteriori modo decretum dicitur conditionatum ex parte rei decretae, seu objecti voliti, quando videlicet actu quidem formatur volitio determinata ex parte volentis; eventus verò suspenditur donec ponatur conditio; v.g. *Si Petrus cras audierit sacrum, dabo illi librum*. Volitio enim efficax est,

& sincera dandi librum, dependet nihilominus illa donatio à conditione ponenda, nimirum ab auditione sacri.

Notandum 2. hoc esse discrimen inter utrumque illud decretum conditionatum quòd *Primum* summam imperfectionem involvat, eò quòd significet inefficacem volitionem, & quamdam potentialitatem importet; qua veluti decernens suspensus hæret, videturque impotens ad formandam volitionem efficacem de rerum eventu: Quæ videlicet volitionis inefficacitas, & indeterminatio, Deum omnimodè potentem, & ens summè necessarium, & actualem cum omnino dedecet, etiam nec in illo reperiri potest tale decretum conditionatum ex parte subiecti decernentis, & volentis. *Secundum* verò non sic; pota namque potentialitas, & indeterminatio refunditur non in ipsum volentem, sed in rem volitam cuius futuritio, & existentia pendet ab aliqua conditione, quæ si ponatur reverà res illa erit futura, si verò non ponatur, eventura non est. De conditionatis posteriori modo solum loquimur, non verò de conditionatis priori modo.

Notandum 3. Præsentem questionem moveri solum de conditionatis, tam consequentibus, quam disparatis, quæ in Scriptura sacra declarantur, aut per aliquam revelationem innotescunt. De cæteris verò, quæ neutro modo patent, cum omnino incertum sit an invicem habeant aliquam connexionem, vel ex parte rei consequentis ab alia, vel ex parte Dei decernentis illam consecutionem unius rei ab alia cum qua nullam habet ex se connexionem, absurdum esset aliquid statuere: cum talis illatio consequentis ex antecedente, nullatenus innotescat in conditionatè futuris non revelatis, v.g. in his propositionibus, *Si Turca aliquis dormiat Constantinopoli, Petrus convertetur Parisus; si Socrates ad bellum fuerit profectus, Philosophia operam dabo*. Itaque solum habemus resolvendum an conditionatè futura, quæ per revelationem innotescunt, puta Tyrionum, & Sidoniorum conversio si Christum prædicantem audissent, &c. supponant in Deo aliquod decretum conditionatum.

CONCLUSIO UNICA.

Admittenda sunt in Deo decreta, absoluta quidem subiectivè, & ex parte Dei decreta.

*decernentis, & volentis: sed conditionata ob-
jesset, & ex parte rei decreta, ac objecti
voliti.*

*Probatur primò Ex illis omnibus Scriptu-
ræ textibus quibus Deus significat suam
voluntatem de rebus conditionatè futuris,
si conditio fuisset posita, maximè verò 4.
Regum 13. Si percussisses terram quinquies,
aut sexies, sive septies, percussisses Syriam us-
que ad consumptionem: Quibus verbis Pro-
pheta Eliseus Regi Joas denuntiat, Deum
decrevisse generalem Syriæ devastationem,
& statuisse cum ipso Rege Joas se concur-
sum ad Syros exturbandos, si quinquè,
aut sex, aut septem vicibus ipse Rex Joas
terram jaculo percussisset: Ergo supponit
decretum de illo conditionatè futuro,
quod tamen non evenit defectu condi-
tionis non politæ. Item 3. Regum cap. 9. Deus
Salomoni prænuñtiat: Si ambulaveris co-
ram me sicut ambulavit pater tuus, in sim-
plicitate cordis, & in equitate, & feceris
omnia, quæ præcepi tibi, & legitima mea,
& judicia mea servaveris; ponam thronum re-
gni tui super Israel in sempiternum, sicut lo-
cutus sum David Patri tuo dicens, non aufer-
retur vir de genere tuo de solio Israel. Si au-
tem aversione aversi fueritis vos, & filii ve-
stri, non sequentes me, nec custodientes man-
data mea, & cærementias meas quas proposui
vobis, sed abieritis, & colueritis Deos alienos,
& adoraveritis eos, auferam Israel de superfi-
cie terre, &c. Quibus patet Deum sub con-
ditione decrevisse servaturum Thronum
Israeliticum penes Salomonis familiam ex
præsupposita conditione, quòd ejus divi-
na mandata tam ipse Salomon, quàm ejus
posteri servarent: quæ conditio cum non
fuerit completa, ipseque Salomon Deos
alienos colerit, idcirco cap. 11. rursus ei
Dominus apparet, ait: Quia habuisti hoc
apud te, & non custodisti præceptum meum, &
præcepta mea, quæ mandavi tibi, dirumpens
jacobinum regnum tuum, & dabo istud servum
tuo. Quibus constat decretum fuisse à Deo
servandum Imperium Israeliticum in fami-
lia Davidis, & Salomonis ex conditione;
adeoque constat apud Deum esse aliqua
decreta conditionata.*

*Probatur 2. Hæc eadem veritas ex sen-
tentia omnium sanctorum patrum priori
Quæstione laudatorum, qui divinas prædi-
ctiones de rebus conditionatè futuris nus-
quam tamen implendis à Deo sincerè or-
dinatas esse affirmant. Quibus accedit una-*

*nimis pene veterum Scholasticorum sen-
tentia, qui varias movent quæstiones de
contingentibus conditionatè futuris; &
alii pro una parte contradictionis, alii ve-
rò pro altera diserte pugnant; adeoque
centent alterutram partem in his contin-
gentibus esse determinatè veram, proinde-
que à Deo volitam. Tales sunt illæ quæ-
stiones, an si Adamus non peccasset Dei Filius
fuisset incarnatus; an si perseverasset originalis
innocentiæ status, in eo instituta fuissent Sacra-
menta, ordinata sacrificia, præscripta rerum
Dominia: Et alia id genus, quæ sublatæ
conditione non evenerunt: Quarum quæ-
stionum resolutio certo certius supponit
decretum divinæ voluntatis de eventu;
vel de non eventum talium effectuum in statu
innocentiæ. Qualiter enim hæc extare po-
tuissent nisi Deus voluisset, maximè cum
ex iis, pleraque pendeant à sola Dei vo-
luntate, ut Verbi Incarnatio, Sacramen-
torum institutio? &c.*

*Nec dicas Doctores Scholasticos his in
quæstionibus solum inquirere, & resol-
vere, non quid revera futurum fuisset, si
talis posita fuisset conditio; sed tantum
quid magis expediret, quidque congruen-
tius foret hac supposita conditione.*

*Respondeo enim non ab eis solum agita-
ri quid in hac hypothefi magis fuisset con-
gruum, sed etiam quid revera evenisset;
ut constet ex allatis ab ipsis rationibus;
quæ non solum eruuntur ex voluntate Dei
suaviter, & congruè cuncta disponentis,
sed etiam ex argumentis Theologicis deduc-
tis, nimirum ex Scriptura sacra, &
sanctorum Patrum auctoritatibus, nec-non,
& ratiocinatione, & discursu, ut videre
est in eorum scriptis, maximè verò apud
Doctorem Subtilem.*

*Probatur tertiò ratione: Illorum eventum
futurum divinum supponit decretum,
quæ non possunt habere rationem futuri,
nisi ab ipso divino decreto: sed condi-
tionatè futura nullatenus possunt habere ra-
tionem futuri nisi ab ipso divino decreto:
Ergo illud præsupponunt. Major per se con-
stat: Probatur minor; Primò quidem ex iis,
quæ jam diximus ad probandam rerum fu-
turationem formari, & pendere solum à
divino decreto. Eodem modo namque ra-
tiocinandum est de futuritione contingentium
conditionatorum, ac de futuritione
contingentium absolutorum: sed horum
futurum pendet à decreto divino abso-
luto,*

luto, tam ex parte Dei decernentis, quam ex parte objecti decreti: Ergo pariter contingentium futuritio conditionata pendebit à decreto conditionato ex parte rei decretæ, licet absoluto ex parte decernentis.

Secundò: Illorum futuritio supponit decretum Dei conditionatum, quorum consequens non sequitur ex antecedente nisi dependenter à voluntate Dei ita statuentis, & decernentis: sed devastatio Syriæ, v. g. non erat sequenda ex sex, aut septem vicibus jaculo percussâ terra à Rege Joas, nisi quia Deus ita ordinaverat, cum nulla inter utramque esset connexio ex natura sua: Ergo hæc devastatio generalis supponebat decretum divinum; non quidem absolutum cum revera hæc devastatio non existerit: Ergo supponebat decretum conditionatum, proindeque datur.

Tertiò, Omnis divina promissio, divinumque pactum expriment sinceram voluntatem Dei promittentis, & paciscentis, qui revera vult implere, quæ promittit, si nimirum adsit conditio præsupposita; sed Deus plura de factò promissit, & pacta statuit de rebus sub conditione, numquam tamen implendis: Ergo Deus habet volitiones, & decreta absoluta quidem quoad actum, sed conditionata quoad objectum, & ratione conditionis non apponendæ. *Major* per se patet: Si enim Deus non vellet sincerè implere, quæ promittit, sequeretur cum hominibus ludere, & falsitatis, ac mendacii posset argui in suis promissionibus, & pactis: *Minor verò probatur* Ex jam citatis promissionibus de perseverantia Imperii Israelitici penes familiam Salomonis si custodirent ejus mandata, quod cum impletum non fuerit, etiam Salomonis posterì dejecti sunt ab Imperio Israelitico: Divisum enim fuit Imperium tempore Roboam filii Salomonis, stetitque tantum super Judam, & Beniamin usque ad Sedeciam, qui ultimus fuit Regum Juda.

Confirmantur Hæ omnes rationes ex verbis Christi Matth. 26. ubi objurgans Petrum, quod gladio percussisset servum Principis Sacerdotum, ait, *An putas quia non possum rogare Patrem meum, & exhibebit mihi modo, plusquam duodecim legiones Angelorum?* Ex quibus verbis sic argumentor: Christus asserit Patrem divinum sibi ministraturum Angelicum auxilium si ab ipso rogetur: sed talis subministratio & exhibitio

Angelici auxilii, non ita constanter à Christo assereretur, nisi certò sciret Patrem Æternum illud auxilium decrevisse, si divinus ejus Filius ira exorasset, & optasset, alioquin assereret Patrem Æternum velle, quod revera non volebat: Ergo revera positum fuerat decretum conditionatum de ministrando tali Angelico auxilio si Christus exorasset: Ergo, & consequenter tale decretum admittitur.

Dices 1. Si darentur in Deo decreta conditionata, deberent esse libera; sed non possunt illa decreta esse libera: Ergo non dantur. *Major* patet, decretum enim est illa libera divinæ voluntatis determinatio, qua Deus vult aliquid extra se producere, vel non producere. *Minor* probatur. Decretum divinum non censetur liberum, nisi ratione liberæ terminationis ad aliquid extrinsecum, quod ex se potest esse, & non esse: sed decreta conditionata nihil habent extrinsecum ad quod possint terminari, vel non terminari: Ergo non possunt esse libera. *Major* constat: Cum enim Deus sit ens summè necessarium, sitque immutabilis, non potest esse liber libertate ad actus oppositos, sed tantum ad opposita objecta, vel ad ejusdem objecti positionem, aut non positionem; adeoque sic censetur liber ratione liberæ terminationis. *Minor* etiam est evidens: cum enim futurum conditionatum interdum habeat conditionem non ponendam; etiam est de re non futura; & sic plerumque non habet aliquid extrinsecum, ad quod terminetur.

Nego minorem: Sicut enim decreta absoluta dicuntur libera, quia effectus absolute decretus potuit decerni, vel non decerni absolute; ita pariter decreta conditionata dei debent libera, quia effectus conditionatè decretus potuit à Deo decerni, vel non decerni conditionatè. *Ad probationem* distingo minorem, decreta conditionata non possunt habere liberam terminationem ad effectus, qui nunquam erunt, id est, qui sunt omnino impossibiles, & repugnantes, concedo: Idem qui non sunt futuri, quia non ponetur conditio, quæ est specificativa illius decreti, nego: Itaque sicut decretum absolutum dicitur, quod terminatur ad effectum absolutè venturum; ita pariter decretum conditionatum appellatur, quod terminatur ad effectum futurum sub conditione ad quem respectum haberet, & liberam terminationem.

Di-

Dices 2. Illud asseri non debet esse in Deo, quod nec ex revelatione, nec ex Scripturis colligitur; sed talia decreta conditionata, nec ex Scriptura, nec ex revelatione colliguntur esse in Deo: Ergo non sunt asserenda. *Minor* patet: Siquidem nullus est Scripturæ textus, qui talia decreta significet, imò Scriptura sacra disertè affirmat omnia divinæ voluntatis decreta esse impleta, vel implenda: *Omnia* enim, *quæcumque voluit fecit Dominus*, Psalm. 11. Quæ autem conditionatè diceretur voluisse, non fecisset, adeoque non potest dici illa voluisse.

Nego minorem: Nihil enim frequentius in Scriptura sacra insinuat, quam vel promissiones sub conditione factæ, vel pacta sub conditione expressa, quæ sinceram Dei voluntatem præ se ferunt: non quidem absolutam, sed conditionatam, adeoque etiam decretum conditionatum important.

Adde quòd qualis est voluntas Dei conferendi posteris Adæ iustitiam originalem, si Adamus ipse inditum sibi innocentiam servasset; divinoque mandato de non manducando cibo vetito obtemperasset; tale etiam fuit pactum initum cum Davide, & repetitum cum ipsius filio Salomone de sceptro Israelitico apud eorum posteros in perpetuum salvando si divinis præceptis parcerent, ut ipsemet David indicat Psalm. 31. *Juravi Dominus David veritatem, & non frustrabitur eam* (Quæ verba apertum Dei decretum, sinceramque ejus volitionem indicant) *de fructu ventris tui ponam super sedem tuam, si custodierint filii tui testamentum meum, & testimonia mea hæc quæ docebo eos, & filii eorum usque in sæculum, sedebunt super sedem tuam.* Quod tamen decretum non fuit impletum, quia defuit ponenda conditio, nempe divinorum mandatorum observantia, ut supra diximus.

Dices 3. Decreta illa conditionata ridicula sunt, & nugatoria: Ergo à Deo arcenda. Probat *antecedens*, Irrisoria, & nugatoria esset promissio, quæ pendet à libero sponsoris arbitrio, quam cum posset ponere, tamen non vellet. v.g. si quis sponderet se daturum aliquid alteri ex hypothesi, quòd ad illum tali hora accedat, & ipse in mente haberet talem accessum non expectare, ipsum irrideret: Similiter si quis foret hæc decretum, *Dabo tibi centum nummos si per boram Parisius Romam*

adieris, & redieris: Hoc decretum foret imprudens, & illusorium. Sed talia essent decreta conditionata, v. gr. decretum de conversione futura Tyriorum, & Sidoniorum ex supposita conditione, quòd Christus apud illos prædicaret, quæ conditio esset impossibilis, cum Deus aliunde statuisset Christum apud Tyrios non esse prædicaturum: Ergo talia decreta illusoria essent.

Distinguo antecedens: Decreta essent illusoria, & ridicula si forent de *revana*, & *inutili*, & ex conditione omnino repugnan- te, & impossibili, concedo; Secus, nego: Talia autem non sunt decreta conditionata divina; illa enim omnia, vel significant divinæ providentiæ administrationem, vel divinæ misericordiæ propensionem ad sublevandam hominis miseriam, vel divinæ benignitatis affectum quo Deus nostræ libertati, & voluntati sese accommodat.

Non sunt etiam de conditione impossibili, aut repugnan- te: Quia illa conditio non repugnat ex natura rei; sed tantum ratione alicujus extrinseci, & ex aliqua suppositione accidentalit, quæ licet non impleatur, nihilominus censeri non debet ridicula promissio, irruriorumque decretum sub conditione factum; quia ad rationem summi, & generalis Provisoris spectat plura decernere sub conditione, quæ tamen absolute non vult exequi propter occultas suæ providentiæ rationes.

Dices 4. Omne divinum decretum importat, & efficit aliquam mutationem physicam, & realem in Creatura, illam enim deducit de statu possibili ad esse futurum, & existens; sed decreta conditionata, quorum conditio nusquam implebitur, non possunt efficere in rebus decretis aliquam physicam mutationem, cum talis Creatura decreta nusquam erit: Ergo talia decreta sunt impossibilia.

Nego majorem: Non enim necesse est quòd divina voluntas, divinumque decretum inferat aliquam realem, & physicam mutationem in Creatura ut ad ipsam dicatur liberè determinari, ad id enim sufficit mutatio moralis. Deus enim potuit ab æterno velle, quòd homo pro aliquo tempore sit obligatus alicui voto, aut præcepto, & irretitus aliquo reatu poenæ; sequenti autem tempore solutus existat ab his omnibus vinculis, nempe dispensando ipsum à voto, & ab observantia præcepti, & solvendo reatum, vel per sufficientem con-
tritiō-

tritionem, & satisfactionem jam exhibitam, vel per misericordem indulgentiam, & delicti gratuitam remissionem; quæ omnia solum moralem mutationem in homine efficiunt, nihilominus sufficiunt ad terminandam Deiliberam volitionem: Adeoque ad id non requiritur realis, & physica mutatio. *Ad minorem* dico, decreta conditionata non efficere quidem in rebus futuris sub conditione ponenda aliquam mutationem physicam; sed solum moralem, eò quòd causent in objecto quamdam mutationem objectivam, illud transferendo ab esse purè possibili ad esse futurum sub conditione, & ordinando illud ad existentiam conditionatè habendam.

Dices 5. Si darentur in Deo decreta conditionata, sequeretur Deum habere affectus contrarios, & oppositos; sed falsum consequens: Ergo & antecedens. *Probat*ur sequela majoris: Si Deus decrevisset, v. g. conditionatè futuram conversionem Tyriorum ad prædicationem Christi, illam conversionem voluisset, & cum aliunde absolute decrevisset, quòd Christus apud eos nusquam prædicaret, idem simul voluisset, & noluisset; & consequenter simul habuisset oppositos affectus.

Nego sequela majoris: Illi enim affectus non censentur oppositi, qui non versantur circa idem objectum eodem modo consideratum; ut tales sunt divinæ volitiones, una enim est efficax respectu effectus absolute venturi, v. g. volitio quòd Christus nusquam prædicet apud Tyrios: Alia autem est tantum inefficax, v. g. conversio Tyriorum ex supposita Christi apud eos prædicatione. Deus autem potest simul, & semel idem velle voluntate efficaci, & nolle voluntate inefficaci diversaratione: vult enim inefficaciter salvare etiam omnes dammandos, quia sunt ipsius imagines, & redempti pretioso Sanguine Filii sui divini; nihilominus vult eos efficaciter damnare, quia sunt peccatores, & in impenitentia finali è vivis excesserunt: quæ duæ volitiones, licet oppositæ videantur, tales nihilominus non sunt, quia diverso medio idem objectum respiciunt.

Dices 6. Illa decreta conditionata, nec probari possunt à priori, quia sunt libera, & nihil præcedit in voluntate divina eum quo habeant necessariam connexionem. Nec etiam probari possunt à posteriori, quia nullum revera habent effectum,

cilm versentur circa res, quæ simpliciter sunt possibiles: Nec etiam id ipsum inferri potest ex revelatione, illa namque decreta conditionata, neque inferuntur ex Scriptura, nec ex sanctis Patribus: Ergo revera nulla sunt.

Nego antecedens: Primò namque decreta illa probari possunt à posteriori, licet enim nullum habeant effectum absolute futurum, illum tamen haberent virtute decreti conditionati in Deo præexistentis, si conditio, qua posita enuntiatur futurum, esset impleta: Unde futura conditionata non sunt in statu meræ possibilitatis, sicut alter mundus quem Deus producere posset si vellet; sed aliquatenus participant rationem futuri, non quidem absolute, sed ex hypothesi: colliguntur pariter illa decreta ex Scriptura sacra, ut constet ex prima probatione Conclusionis.

Dices 7. Illa decreta conditionata magnam inferunt absurditatem. Ergo nullatenus sunt admittenda. *Probat*ur antecedens: Ex eis namque sequitur Deum fore causam peccatorum per duplex decretum: *Primò* quidem per conditionatum, quo Deus decrevit peccata fieri, si certæ adfint conditiones: *Secundò*, per absolutum, quod resultat ex priori, positis nempe, ac prævisis illis conditionibus exituris, quò fit ut hoc duplici decreto veluti prædeterminetur voluntas ex se indifferens ad omnia patranda crimina: Unde sequitur, Deus non solum permittere, sed etiam revera causare peccatum.

Nego antecedens: Nullus enim Catholicorum affirmat esse in Deo aliquod decretum sive absolutum, sive conditionatum quo decreverit peccata fieri, nec ullus pariter asserit ipsum prædeterminare voluntatem ad peccatum: Sed Theologi constituunt in Deo decretum absolutum, vel conditionatum, quo Deus vult permittere absolute, vel ex hypothesi futurum, & concurrere ad entitatem actus peccaminosi in quantum actus physici, & entia sunt, secundum nempe omnem rationem entitatis, & bonitatis quam habent, non autem secundum rationem deformitatis, & malitiæ, quapropter deviationem creatæ voluntatis moraliter afficiuntur.

Insuper. Revera ex illis decretis conditionatis Deus censetur esse auctor peccati, non solum secundum entitatem, sed etiam secundum deformitatem. Ergo, &c.

Pro.

Probatur antecedens: Ille censendus esset peccati auctor, qui mente revolvens omnes ordines rerum, omnesque temporum, & locorum circumstantias statueret opem ferre ad omnia patranda crimina sub certa conditione, nempe si ab illo opem patranda crimina peterent; sed hoc ipsum sequitur ex decreto conditionato, quo scilicet Deus decernit se concursurum cum omnibus causis liberis ad omnia etiam crimina; si nempe ad illa patranda crimina sese determinent, & ejus ad id concursus exigant; Ergo, &c.

Nego antecedenti, & ad ejus probationem dico, Deum non decernere se concursurum ad actum peccaminosum præcisè quatenus peccaminosus est, sed tantum quatenus actus entitativus est, ad quem elicendum sese liberè determinat creata voluntas, cui Deus ut causa generalis, & universalis suum negare non debet concursus, ut fufius docebimus in Tractatu de Providentia.

Dices 8. Ex hac sententia sequeretur constitutenda esse in Deo innumerabilia decreta, imò imprudentia, ridicula, & absorta circa res singulares; appositis nempe inutilibus, & ridiculis conditionibus sub quibus infinitæ penè propositiones possunt fieri, v. g. *Si accepero librum, moriar; si Turca sedeat Constantinopoli, ero Religiosus Parisius;* & alia similia, quæ cum omnino Deum dedecent, etiam ab eo longè removenda sunt illa decreta conditionata.

Nego antecedenti; Non enim admittimus in Deo decreta conditionata circa omnes combinationes rerum possibilium; sed solum circa illa conditionata, quæ in Scripturis sacris exarantur, vel ex illa colliguntur. Unde hoc argumentum potius militat in defensores scientiæ mediæ, qui nempe asserunt, Deum ante omne decretum liberum suæ voluntatis, certò scire, quid esset determinaturus, positis quibuscumque combinationibus etiam possibilibus cujuslibet futuri conditionati.

Dices denique: Eadem est ratio de futuris conditionatis, ac absolutis; sed præscindendo à quocumque divino decreto saltem antecedente, salvatur in Deo certa scientia futurorum contingentium absolutorum: Ergo simili ratione præscindendo à quolibet decreto conditionato salvatur in Deo scientia futurorum conditionatorum; sique nulla est necessitas illa decreta admittendi.

Nego minorem: Cum enim omnia contingentia, quæ absolute sunt futura, pendant intrinsecè ex decreto voluntatis divinæ, quod æternum est; inde fieri non potest, ut præcisè quocumque divino decreto, aliquid sit de factis futurum; adeoque nec fieri potest ut cognoscatur sub ratione futuri, siquidem Apocalypsis 4. *Tua sunt omnia, & propter tuam voluntatem erant, & creata sunt.* Unde supponere aliquid futurum independentè à decreto divino, est omnino negare Deum esse Primam rerum omnium causam.

QUÆSTIO TERTIA.

An detur Scientia media, qua Deus cognoscat futura conditionata ante decretum.

NOtandum 1. nomine *Scientiæ mediæ* (de qua celebris controversia exit coram Clemente VIII. & Paulo V. in Congregatione de auxiliis inter Patrem Thomam de Lemos Dominicanum, & Patres Gregorium de Valentia, ac Ferdinandum de Valsida Societatis Jesu,) Recentiores Theologos intelligere cognitionem certam, & infallibilem, quam Deus habet de rebus conditionate futuris ante decretum actuale, & exercitum, quo decernit, & prædeterminat illarum futuritionem.

Vocatur autem *scientia mediæ: Vel primò* quia (inquiunt) mediat inter scientiam simplicis intelligentiæ, & visionis, & de utraque aliquod participat; est enim *Necessaria ex parte subjecti*, sicut scientia simplicis intelligentiæ, scilicet ex parte Dei, eo quòd antecedit omne actuale decretum liberum de rerum futuritione, eo fere modo, quo primæ nostræ cogitationes dicuntur necessariæ, quia præcedunt omnem nostræ voluntatis deliberationem, & electionem; est etiam *libera ex parte objecti*, sicut scientia visionis, quia terminatur ad objecta libera, scilicet ad contingentia conditionata, quæ per illam scientiam mediam cognoscuntur.

Vel secundò hæc scientia vocatur *Media*, quia per illam Deus cognoscit futura conditionata, quæ veluti medium tenent inter merè possibilis, quæ per scientiam simplicis intelligentiæ cognoscuntur, & absolute futura, quæ attinguntur per scientiam visionis.

Vel

Vel denique, ut fatentur aliqui, hæc scientia dicitur *Media*, eo quod videatur medium divinitus inspiratum, ad convellendos omnes Pelagianorum, Semipelagianorum, Lutheranorum, & Calvinistarum errores circa divinam prædestinationem, Gratiæ necessitatem, & efficaciam, ac hominis cum divina præscientia, & efficaci gratia libertatis conciliationem; quatenus nimirum hæc scientia statuit electionem, & determinationem humanæ voluntatis prius à Deo sub conditione prævisam, quam aliquid prædefiniat, & determinet circa ejusdem voluntatis actus liberos absolute futuros.

Notandum 2. Hujus mediæ scientiæ Assertores omnes in eo pene convenire, quod affirmant illam esse recenter exogitatum, & sanctis Patribus, ac antiquioribus Theologis incognitam. Molina enim in *Concordia ad quæst. 23. articulo 4. §. 5.* scribere non dubitat, in iis quæ ipse tradiderat de scientia media futurorum sub conditione, sitam esse totam rationem conciliandi libertatem arbitrii cum divina gratia, & prædestinatione; quæ si data explanataque semper fuisset, forè neque Pelagianam hæresim fuisset orituram, neque Lutheranostam impudentem a bitrii nostri libertatem fuisse negaturos, obtendentes cum divina gratia, præscientia, & prædestinatione coherere non posse.

Addit: *Hæc nostra ratio conciliandæ libertatis arbitrii cum Divina prædestinatione, à nemine quem vidimus, fuit buculque tradita; ideo paulò fufius est exponenda.* Subdit, *Si ab Augustino ea data, & explanata fuisset, Pelagiana hæresis nunquam fuisset exorta, neque ex Augustini opinione concertationibusque ejus cum Pelagianis tot fideles fuissent turbati, nec ad Pelagianos defecissent.* Similia habet Fonseca quæst. 6. metaphys. sect. 8. ubi jactitat se primum in Deo quandam exogitasse scientiam, quam dicit esse mediam inter scientiam Dei naturalem, & liberam de actibus liberis sub conditione futuris. Et Vasquez prima parte disputatione 67. capite 7. *Quid mirantur Scholastici Theologi*, inquit, *si præter scientiam simplicis intelligentiæ, & visionis, nos aliam ponamus, cujus ipsi mentionem non fecerunt?* Denique Valentinus Herice 1. part. disputatione 7. capite 10. ait: *Quis nesciat hanc scientiam mediam lausisse Scholasticos, & à nostris Patribus è tenebris, in quas lapsa erat, erutam diligenti* *Frasen Theol. tom. 11.*

Patrum, assidueque lectione. Suarez verò aliis prudentior, & humilior, non affirmat eam esse novum inventum, sed contentum ab Augustino ad nos perenniter fluxisse; quamquam non semper ita perspicue Theologis innotuerit.

Licet autem omnes ferè Patres Societatis Jesu illam scientiam mediam propugnent, non tamen invicem consentiunt in illa explicanda, & probanda: Primò namque discrepant in assignando medio, in quo illa fundetur. Nonnulli enim, ut supradictum est, concedunt cum *Molina*, & *Beccano* Deum cognoscere futura contingentia conditionata in supercomprehensione causarum secundarum, & eminentissima cognitione liberi arbitrii. Aliqui cum Suarez in decreto ut futuro in sequenti signo rationis. Alii denique in veritate objectiva, quam futura conditionata habent antecedenter ad decretum conditionatum. *Secundò* dissentiunt invicem in astruenda hujus scientiæ speciali ratione: Quidam enim volunt illam esse verè mediam inter utramque scientiam simplicis intelligentiæ, & visionis. Nonnulli existimant illam ad scientiam simplicis intelligentiæ esse revocandam. Ceteri demum contendunt illam cum scientia visionis connectendam esse.

Notandum 2. Ex Didaco Alvares Archiepiscopo Transensu disput. 7. de auxiliis numer. 10. olim existisse quosdam hæreticos Arianos, qui tanquam fundamentum potissimum sui erroris hanc scientiam mediam constituerunt in Deo, ut videlicet ex parte præscientiæ boni usus liberi arbitrii futuri assignarent causam, propter quam solus Christus, quem per gratiam non per naturam esse Filium Dei asserabant, solus inquam, inter homines ad ipsam divinæ filiationis dignitatem fuerit erectus. Ita refert Alexander Alexandrinus Episcopus in Epistola ad Alexandrum Episcopum Constantinopolitanum, quæ inseritur inter acta Concilii Ephesini, cujus verba sunt, *Cum illis objiceretur sententia, quæ deinceps sequitur, & ipsi spreverunt me, quod planè natura servatoris, qui est natura immutabilis, repugnat: tunc omni exuta erga Deum pietate, ac reverentia ajunt: Deum cum cum præscientia, & præfensione prænotisset venturum ipsum aperiaturum, idcirco ex omnibus elegisset: Non enim natura aut quidquam præter cetero: Filios habuisse prærogative (nullum namque*

natura Filium Dei esse affirmant, neque quemquam esse, qui ulla cum eo proprietate conjunctus sit sed cum esset *natura mutabilis, & propter singularem in vita, & moribus vite insinuandis diligentiam ac studium, non ad vitia descendere, Deum eum elegisset; adeo ut si vel Paulus, vel Petrus in hac obnoxie incubuisset, eodem modo fuissent Filii Dei, quo ille fuit. Ac quod insanam, & possivram suam Doctrinam confirmant, etiam in ipsas scripturas vim faciunt, & sententiam in Psalmis de Christo iraditam, quæ ita se habet, Ps. 44. Dilexisti iustitiam, & odisti iniquitatem: propterea unxit te Deus tuus oleo lætitiæ præ consortibus tuis, ad suum institutum deoquent. Eandem scientiam mediam, ad stabiliendam prædestinationem ex prævisis meritis orientibus ex primario bono usu liberi arbitrii absque beneficio gratiæ, admiserunt semipelagianis, ut infra constabit. Adeoque certum est scientiam mediam non esse recens, sed vetustissimum dogma, ab hæreticis primitus excogitatum, quò facilius suis erroribus patrocinerentur.*

Notandum 3. Quod etsi nonnulli medix scientiæ Assectores affirmant nostram sententiam cum sua de scientia media facile conciliari posse: Nihilominus scientiæ illæ toto cœlo dissident, nec solum pugnant in modo loquendi, sed etiam in re ipsa.

Primo, quòd nostra sententia constituit in Deo actualiter decretum conditionatum producendi per causas secundas liberas eventum qui prænuntiatur futurus, si conditio adimpleatur: Opposita verò sententia nullum decretum constituit actualiter in Deo etiam conditionatum, in quo fundetur infallibilis eventus qui prænuntiatur futurus, si purificetur conditio.

Secundo differunt, nam decretum conditionatum ex parte actus volendi inclusum in ipsa conditione, quod ponit sententia contraria, foitilest decretum creandi causas liberas, & constituendi eas in talibus circumstantiis, & cum talibus auxiliis sufficientibus, quibus possint operari si velint, & offerendi ex parte sua simultaneum concursum, quoties ipse voluerint operari, ut ex dictis patet: Nos autem censemus, quòd ut eventus conditionatus sit infallibiliter futurus ex hypothesi, non sufficit decretum illud creandi causas secundas liberas, & constituendi in talibus circumstantiis, cum sufficienti virtute ad

operandum si velint, offerendo illis concursum simultaneum, sicut illi ponunt; sed ultra hæc omnia, ut eventus contingens sit infallibiliter futurus sub conditione, necessàrio requiritur quòd præcedat in Deo decretum actuale, quò voluit ut talis eventus sit infallibiliter futurus, sub conditione tamen, si conditio, sub qua prædicatur futurus, impletur.

CONCLUSIO UNICA.

Non est ulla admittenda scientia media qua Deus futura conditionata cognoscit antecedenter ad suum decretum de illorum conditionata futuritione. Hæc est communis inter Thomistas, & Scotistas fideles suos Doctorum Interpretes, & Discipulos: & colligitur primò ex Doctrina Doctoris Subtilis, qui in *primam dist. 38. n. 2.* resolvens scientiam Dei de contingentibus non esse practicam, ait, *Si ante actum voluntatis divine posset intellectus divinus aliquam talem cognitionem habere, haberet eam merè naturaliter & necessàrio, quia omnis cognitio præcedens ibi actum voluntatis, est merè naturalis, & per essentiam, ut ipsa est ratione merè naturalis intelligendi.* Quibus Doctor affirmat omnem scientiam divinam præcedentem decretum, esse necessariam, merè naturalem, & per essentiam, qualis est scientia simplicis intelligentiæ: sed talis non esset illa scientia media, & consequenter illam respuit Doctor.

Deinde *dist. 41. n. 10.* impugnans sententiam Henrici, dicentis rationem cur Deus aliquem prædestinet, alium verò reprobet, esse bonum usum liberi arbitrii prævisum ex parte prædestinati, & malum usum ex parte reprobis, ait, *Sed contra istud arguitur: Primò quia Deus non prævidet ipsum bene usum libero arbitrio, nisi quia vult, vel præordinat ipsum bene usum illo, quia sicut dictum est dist. 39. certa prævisio futurorum contingentium est ex determinatione voluntatis divine: Si ergo offerantur voluntati divine duo æquales in naturalibus, quæro quare ipsum præordinat bene usum libero arbitrio, & illum non? Non est huius, ut videtur, assignare rationem, nisi voluntatem divinam: & hæc est prima distinctio inter eos, quam per te sequitur electio, vel reprobatio: Ergo in prima distinctione pertinet ad prædestinationem, & reprobationem, sola ratio est divina voluntas.* Quibus verbis Doctor disertè affirmat divi-

nam

nam scientiam supponere decretum, & res non habere rationem futuri nisi dependenter à decreto: adeoque explodit illam scientiam, qua res futuræ dicuntur cognosci antecesserit ad divinum decretum de illorum futuritione.

Prima impugnatio scientiæ mediæ ex S. Augustino.

Probatur itaque conclusio: Primò quidem auctoritate sancti Augustini. Qui hanc scientiam mediæ improbat; & respuit, ut evinco hoc argumentum: Illam scientiam sanctus Augustinus respuit, & reprobavit, quam Massilienses, Semipelagianis dicti, propugnabant ad conciliandam humanam libertatem cum! ei decretis: sed illi ad id propugnabant scientiam mediæ præcedentem divina decreta esse necessariam: Ergo eam reprobavit sanctus Augustinus. Ut major clariùs innotescat, prius minorem probabo ex Epistolis sanctorum Prosperi Episcopi Rhemensis, & Hilarii Episcopi Arelatensis, in quibus Semipelagianorum errores, & sententiæ referuntur, & deservunt adipeum S. Augustinum, ut adversus eos scriberet, uti fecit in *Lib. de Prædestinatione sanctorum* & *de Bono perseverantiæ*.

Scribit itaque S. Prosper Semipelagianos unanimiter docuisse divinam prædestinationem præscientiæ esse innixam, & Deum neminem prædestinare, nisi supposita præscientia, qua prævidet quid actura sit ejus voluntas cum ipso gratiæ adiutorio in tali vel tali circumstantia posita: ait enim initio Epistolæ, *Hæc ipsorum definitio, ac professio est, omnem quidem hominem Adam peccante peccasse, & neminem pro opera sua, sed per Dei gratiam regeneratione salvari: Universis tamen hominibus propitiationem, quæ est in Sacramento sanguinis Christi, sine exceptione esse propositam, ut quicumque ad fidem, & ad Baptismum accedere voluerint, salvi esse possint. Qui autem credituri sunt, quique in ea fide quæ deinceps per Dei gratiam fit juvanda mansuri sunt præcuisse ante mundi constitutionem Deum: & eos prædestinasse in regnum suum quos gratis vocatos dignos futuros electione, & de hac viâ bono sine excessibus esse prævidisse.*

Quòd autem hanc divinam præscientiam divino decreto anteriorem esse proficeretur, indicat subiciens: *Hoc autem pro-*

positum vocationis Dei, quo vel ante mundi initium, vel in ipsa conditione generis humani, eligendorum & rejiciendorum dicitur facta discretio, ut secundum quod placuit Creatori, alii vasa honoris, alii vasa contumeliæ fieri creari, & lapsi curam resurgendi adimere, & sanctis occasionem temporis offerre; eo quod utraque parte superflui labor sit, si neque reiectus ulla industria possit intrare, neque electus ulla negligentia possit excidere: Quoquo enim modo se egerint, non posse aliud erga eos quam Deus definitur accidere, & sub incerta spe cursum non posse esse constantem, cum si aliud habeat prædestinantis electio, casus sit adveniens intentio.

Unde concludebant, *Removeri itaque omnem industriam tollique virtutes, si Dei constitutio (hoc est decretum) humanas præveniat voluntates: & sub hac prædestinationis nomine, fatalem quandam induci necessitatem.* Unde idem S. Prosper inter alia S. Augustinum rogat ut edoceat, *Utrum præscientia Dei ita secundum propositum maneat, ut ea ipsa, quæ sunt proposita, sint accipienda præscia: an per genera causarum, & species personarum ista variantur, ut quia diversæ sunt vocationes, in his qui nihil operaturi salvantur quasi solam Dei propositum videatur excipere: In his autem quæ aliquid boni acturi sint, per præscientiam possit flare propositum: An verò uniformiter, licet divina præscientia à proposito temporali distingui non possit, præscientia tamen quodam ordinis sit submissa proposito.* Id est, an futurorum præscientia sit anterior divino decreto, an verò sit eo posterior, & in eo fundetur. Quibus patet sermonem insitui à S. Prospero de scientia mediâ, quatenus etiam nunc asseritur à Recentioribus Theologis.

Confirmatur ex Epistola S. Hilarii eadem de re ad ipsum sanctum Augustinum scripta, in qua refertur pariter eorumdem Semipelagianorum errores, maxime quòd assererent Deum non concedere dona gratiæ, nisi supponendo initium aliquod bonæ voluntatis: cumque urgeretur exemplo adultorum quibus prædicatum fuit Evangelium, aliis verò non fuit; quod refundi non poterat in initium bonæ voluntatis, cum omnes essent sub peccato infidelitatis conclusi: Cum autem dicitur *ais*, inquit, *quare aliis, vel alicubi prædicatur, vel non prædicatur, vel nunc prædicatur quod aliquando pene omnibus, sicut nunc aliquibus gentibus non prædicatum sit; dicunt, id præscien-*

tie esse divine, ut eotempore, & ubi, & illis certius annuntiaretur, vel annuntiatur: quando & ubi prænoscebatur esse credenda.

Addit, *Et hoc non solum aliorum Catholicorum testimonio, sed etiam Sanctitatis sue disputatione antiquiore, se probare testantur, ubi tamen eandem gratiam non minore veritatis perspicuitate docuerit: ut illud quod dicit Sanctitas tua in questione contra Porphyrium de tempore Christiane Religionis; tunc voluisse hominibus apparere Christum, & apud eos prædicari Doctrinam suam, quando sciebat, & ubi sciebat esse qui in eum erant credituri.* Quibus constat Semipelagianos asseruisse illam divinam præscientiam divinis decretis anteriorem de qua hic sermo est.

Præbatur itaque major: Nimirum quòd S. Augustinus illam scientiam mediam respuerit: hic enim cap. 9. lib. de Prædestinatione Sanctorum, respondens ad id quod Semipelagiani ex ipsius scriptis, tum adversus Porphyrium, tum in Commentario in Epistolam ad Romanos, usurpabant ad afferendam præscientiam esse divinis decretis anteriorem; Cùm retulisset ea omnia quæ contra Porphyrium dixerat, concludit Semipelagianos perperam asserere quod voluerit præscientiam divinam divinis decretis esse anteriorem; imò illam ipsius decretis esse subnixam ibidem se docuisse affirmat; Cernitis, inquit, me sine præiudicio latentis consilii Dei aliamque causarum, hoc de præscientia Christi dicere voluisse, quod con vincenda Paganorum infidelitati, qui hanc ob jecerant questionem, sufficere videretur? Quid enim est verius quàm præscire Christum, qui & quando, & quibus locis in eum fuerant credituri? Sed utrum prædicato sibi Christo à seipsis habituri essent fidem, an Deo donante sumpturi, id est, utrum tantummodo eos præscierit, an etiam prædestinaverit Deus, quæ rere ac disserere tunc necessarium non puta vi. Proinde quod dixi, tunc voluisse hominibus apparere Christum, & apud eos prædicari Doctrinam suam, quando sciebat, & ubi sciebat esse qui in eum fuerant credituri, posset etiam sic dici tunc voluisse hominibus apparere Christum, & apud eos prædicari Doctrinam suam quando sciebat, & ubi sciebat esse qui electi fuerant in ipso ante mundi constitutionem.

Quibus verbis S. Augustinus ad decretum divinæ voluntatis, & ejus electionem, revocat scientiam, qua Deus præsci-

vit, prædicato Evangelio his vel illis temporibus, quina essent in illum credituri. Sentit ergo scientiam illorum conditionatorum præsupponere in Deo decretum aliquod suæ divinæ voluntatis.

Confirmatur, ibidem sanctus Augustinus cap. 10. ait, Prædestinatio sine præscientia non potest esse, post autem sine prædestinatione præscientia: prædestinatione quippe Deus ea præcivit, quæ fuerat ipse facturus. Unde dictum est fecit quæ futura sunt: Præscire autem potens est, etiam quæ ipse non facit, sicut quæcumque peccata. Unde sic argumtor, Quæ Deus esse facturus, prænoscit ex prædestinatione, id est ex decreto suo: Ergo non datur in eo præscientia futurorum independentem à suo decreto. Patet antecedens ex verbis ipsius Augustini hoc solum statuentis discrimen inter præscientiam, & prædestinationem, quòd prædestinatio sit tantum eorum, quæ Deus facturus est, præscientia verò sit etiam eorum quæ non est facturus, qualia sunt peccata; ideoque ex ejus mente præscientia futurorum quæ facturus est, posterior est decretis, non verò anterior.

Confirmatur 2. Ex eodem sancto Augustino lib. de Pono perseverantia c. 9. exponens illud quod dicit S. Joannes 1. Si fuissent ex nobis, mansissent utique nobiscum, ubi respondens, Non erant ex eis, quia non erant secundum propositum vocati, non erant in Christo electi ante constitutionem mundi, non erant in eo sortem consecuti, non erant prædestinati securum propositum ejus, qui universa operatur: Sibi obiciens ex parte Pelagianorum, Oportet poterat illos Deus præscire esse lapsuros, antequam id fieret, auferre de hac vita. Respondet, An eo rediuri sumus, ut adhuc disputemus quanta absurditate dicatur judicari homines mortuos etiam de his peccatis, quæ præcivit eis Deus perpetratos fuisse, si viverent? Quod ita abhorret à sensibus Christianis, aut prorsus humanis, ut id etiam rejicere pudeat. Quibus verbis diserte improbat præscientiam eorum quæ decreta antecedunt.

Deinde ibidem confirmat illa quæ dixerat Cap. 9. de Prædest. Sanctorum, nimirum quòd quando dixit Christum tunc hominibus apparuisse, & apud eos prædicasse suam Doctrinam quando, & ubi sciebat qui erant in eum credituri, illud intellexit sine præiudicio latentis consilii Dei, & sine exclusionem divini decreti: Ergo semper sup-

supponit decretum divinum antecedere divinam præscientiam.

Replicant scientiæ mediæ assertores S. Augustinum in his textibus loqui de futuris absolutis, non autem de conditionatis.

Contra: De illis futuris loquitur sanctus Augustinus, de quibus interrogatus fuerat à sanctis Prospero & Hilario, & de quibus agebant Semipelagiani, alioquin ad rem non responderet; de quibus tandem ipse mentionem fecerat in libro de *sex questionibus Paganorum*: Sed illa futura de quibus sermo est, sunt conditionata. *Probatur* 1. Ex Epistola sancti Prosperi, qui cum distinxisset duo genera Semipelagianorum, quorum aliqui magis ad Pelagianos declinabant, concludit, *Pene omnium pariter invenitur, & una sententia, qua propositum & prædeterminationem Dei secundum præscientiam receperunt, ut ab hoc Deus alios vasa bonorum, alios contumelie fecerit, quia finem unicuique prævidetur, & sub ipso gratiæ adiutorio in qua futurus esset voluntate, & actione, præscit.* Quibus patet Semipelagianos sensisse Deum utique aliquos reprobare, quod prævidetur eos etiam non consenturos gratiæ, si illam haberent; Non ergo loquitur de futuris absolutè.

Deinde ipsemet sanctus Augustinus sufficiens iter indicat se loqui de futuris conditionatis: Tum quia explicat questionem, *Si Christus pari tempore, & loco apud Gentiles prædicasset, an illi credidissent vel non*: Quod certè non est futurum absolutè, sed conditionatè.

Denique, cap. 10. de *Prædeterminatione Sanctorum*, ait, *Prædeterminatione quippe Deus ea præscivit, quæ fuerat ipse facturus*: Sed quæ Deus fuerat facturus, non sunt absolutè, sed conditionatè futura; absolutè enim futura, absolutè facturus est, non verò facturus erat: Ergo ibi agit de futuris conditionatè.

Adde quod ibidem sanctus Augustinus affirmat divinam præscientiam præsupponere divinum decretum, & consequenter etiam dato, & concessio, quod de futuris absolutis ageret, semper scientiam mediæ, & antecedentem decretum excluderet.

Replicant Alii sanctum Augustinum respondere quidem scientiam mediæ, & independentem à decreto; non quidem quantum ad substantiam, & bonum usum; sed quantum ad abusum, & modum erroneum, *Frassen Theol. Tom. II.*

quo illam Semipelagiani admitterebant. Quatenus scilicet dicebant ex illa Deo exhiberi motiva prædestinationis, & gratiæ.

Contra 1. Sanctus Augustinus eo modo rejicit præscientiam independentem à decreto, quo illam tradiderat in libro de *sex questionibus Paganorum*: sed illam tradiderat ibidem quantum ad substantiam; ibi enim dixerat quod *Christus tunc hominibus voluit apparere, quando & ubi sciebat qui in eum fuerant credituri*: Ergo illam reprobat non solum quantum ad abusum, sed etiam quantum ad substantiam. *Secundò* illam negat præscientiam ante decretum ut asserbatur à Semipelagianis: sed illi astruebant præscientiam non solum quantum ad motivum gratiæ, & prædestinationis, sed etiam ad salvandam libertatem arbitrii, ut constat ex verbis sancti Prosperi: Ergo non solum quantum ad abusum, sed etiam quantum ad substantiam illam respuit.

Replicant ceteri: Quod etsi S. Augustinus loquatur de scientia mediæ quoad substantiam, tamen non asserit eam supponere decretum absolutum ex parte subiecti, seu decernentis: sed tantum conditionatum ex parte actus, quod consistit cum ipsamet scientia mediæ quæ decretum absolutum antecedit.

Contra: hæc replica directè militat in ipsummet S. Augustinum jam laudatum & dicentem, *Quod Deus prædeterminatione præscivit quæ ipse fuerat facturus*: Ac proinde præscientia illa supponit decretum absolutum ex parte subiecti. *Deinde*, ipsemet S. Augustinus lib. de *Bono perseverantiæ* cap. 17. loquens de donis quæ Deus gratuito concedit ad perseverandum, ait: *Hec Dei dona, si nulla est prædeterminatio quam defendimus, non præsciuntur à Deo; præsciuntur autem, hæc est igitur prædeterminatio quam defendimus.*

Quibus verbis S. Augustinus concludit præscientiam prædeterminatione, ac proinde ex præsupposito decreto absoluto ex parte Dei decernentis. Constat Ergo S. August. scientiam mediæ explodere, ac proinde illam non admittit.

Scientia media Impugnatur secundò ratione Theologica.

Probatur 2. *Conclusio ratione Theologica*, Scientia mediæ dicitur cognitio certa & evidens futurorum conditionatorum
L 3 an-

antecedenter ad decretum divinum & prædestinationem divinæ voluntatis: sed talis cognitio Deo repugnat: Ergo non est asserenda. *Major patet*, quamquam enim scientiæ mediæ Assertores invicem pugnent in asserendo melio in quo Deus cognoscat futura contingentia conditionata antecedenter ad decretum, omnes tamen in hoc conveniunt quod illa divina cognitio certa sit & evidens, & anterior ipsis divinis decretis.

Probatur itaque minor: Illa Scientia Deo repugnat quæ implicat in terminis; scilicet Scientia Dei de conditionatè futuris ante decretum implicat in terminis: Ergo Deo repugnat. *Major constat*: Nihil enim contradictorium, & sibi ipsi repugnans Deo attribui debet. *Minor* verò probatur ex his quæ diximus, rerum futuritionem pendere à divino decreto, vel absoluto, si absoluta sit futuritio; vel conditionato, si fuerit conditionata: Ergo requirit causam externam, quæ illam de esse possibili ad esse futurum deducat: Sed præcipua causa rerum futuritionis est ipsamet divina voluntas, res aliquas extrahens ab esse possibili ad esse futurum; adeoque rerum futuritio à decreto divino pendet.

Confirmatur 1. Ita se habet decretum Dei absolutum in ordine ad futurum absolutè, sicut decretum conditionatum in ordine ad futurum conditionatè: sed implicat quod aliquid sit futurum absolutè nisi præcedat decretum absolutum Dei decernentis, quod illud fiat: Ergo pariter implicat, quod aliquid sit futurum conditionatè, nisi præcedat decretum Dei statuentis, ut futurum illud fiat, si adsit, & impleatur conditio.

Confirmatur 2. Futurum conditionatum adimpleta conditione transit in futurum absolutè: Ergo si ante decretum suæ voluntatis cognoscit Deus certò, & infallibiliter, quod si Petrus, v. g. ponatur in talibus circumstantiis, consentiet tali obiecto sibi proposito, adimpleta illa conditione, antequam Deus aliquid decernat de actu futuro, cognoscet illud esse futurum absolutè; & ita in hac hypothefi aliquid poterit esse futurum absolutè independentè à decreto divinæ voluntatis, quod nullus Theologorum admittet.

Replicant scientiæ mediæ Assertores: Equidem res non habere futuritionem nisi à decreto divino; sed hoc esse discrimen inter

absolutè, & conditionatè futura, quod absoluta dependent quidem à decreto actuali, & exercito, & actu elicito à Deo: conditionata verò non requirunt decretum actu positum, & existens in voluntate divina; sed tantum decretum, quod esset, & poneretur si poneretur conditio. Existentia enim causæ, inquit, debet habere proportionem cum existentia effectus: Ergo quemadmodum necessarium est ut effectus, qui est, habeat causam, quæ sit actu; & effectui qui erit, assignetur causa, quæ futura est; ita pariter necessarium est ut effectui qui esset, etiam assignetur causa, quæ esset. Cum ergo effectus futuri conditionatè nec de facto sint actu existentes, nec sint revera, & absolutè futuri, sed solum essent si poneretur conditio; idcirco non requirunt aliquod decretum actu formatum; sed tantum ponendum, & formatum, si talis conditio poneretur.

Contra, Primò hæc replicat directè militat in sanctum Augustinum, qui ut jam pluries diximus, asserit Deum præscire conditionatè futura, idque dependentè à decreto suo: Ergo sicut de facto præscit illa conditionatè futura, etiam de facto illa decrevit, & prædestinavit, alioquin non de facto, & actu ea sciret, & cognosceret; sed tantum cognovisset, & scivisset si ipsius divina Scientia divinumve decretum penderet à conditione ponenda, nec ipsa ponenda conditione fuisset antèrius.

Deinde, Decretum illud ponendum si ponatur conditio, vel cognoscitur actu à Deo, vel non: asserere non possunt illud actu non cognosci; affirmant enim res conditionatè futuras cognosci dependentè ab illo decreto conditionatè ponendo: Si cognoscatur autem, vel cognoscitur ut actu existens, vel ut futurum: Si primum, habeo intantum: si secundum, sequitur aliqua Dei decreta esse futura, quod prius contra suam falsum esse probavimus. *Deinde*, si daretur aliquod decretum conditionatè futurum, sequeretur divinam voluntatem esse mutandam, & ab aliquo extrinseco dependere: siquidem decretum formabitur, si talis adsit conditio de re conditionatè futura, non formabitur autem, si talis conditio desit: sed implicat divinam voluntatem esse mutabilem, & ab aliquo extrinseco dependere: Ergo pariter implicat decretum divinum de conditionatè esse futurum.

Denique, si verum esset quod replicant Adversarii, nimirum causam esse proportionandam effectui, eo modo quo dictum est, sequeretur decreta de rebus absolute futuris non esse etiam actu in Deo; sicque nedum conditionatè, sed etiam absolute futura non præsupponerent decretum exercitum, & actu formatum, sed tantum formandum: Absolumconsequens: Ergo, & antecedens. Pater sequela majoris, futura enim absoluta non sunt actu ab æterno; sed solum revera existent in aliqua temporis differentia: Ergo si verum sit, quod effectui quierit, assignari tantum debeat causa quæ erit, non causa quæ de facto est; aperte sequitur, quod etiam id quod est absolute futurum, non debeat præsupponere decretum actu formatum, sed tantum decretum in futuro formandum; quod cum scientiæ mediæ Assertores verum non censeant, nec sentire debent effectui, qui esset si talis poneretur conditio, etiam assignari debere decretum, non quod actu sit, sed quod esset si talis conditio poneretur.

Probatur 2. Scientia media est inutilis ad eos fines ad quos necessaria affirmatur à suis Assertoribus: Ergo non est admittenda. *Probatur antecedens:* Necessitas, & utilitas scientiæ mediæ, si quæ esset, maximè ad conciliandam humanam libertatem cum prædestinatione, & gratia efficaci, necnon ad dirigendum Deum in suis decretis absolutis, seu ad fundandam certam, & infallibilem futurorum absolutorum notitiam: sed ad utrumque est inutilis: Ergo, &c. Major patet ex sententia Adversariorum, qui arbitrantur quod nisi Deus per scientiam mediam crearet voluntatis affectus omnes exploraret, videretque quid homo in his, vel illis occasionibus, & circumstantiis posuisset ex innata libertate voluntatis sit, non possit certò, & infallibiliter aliquid statuere circa salutem, & conversionem hominum, seseque exponeret periculo id non implendi, quod efficaciter intendit. Arbitrantur pariter certitudinem prædestinationis cum nostra libertate non posse aliter conciliari, quam per illam scientiam, qua Deus prævidet consensum futurum antecedenter ad decretum; Ita quod si divinum decretum, & gratia ex illo proveniens, nostræ voluntatis consensum, & determinationem prioritate naturæ antecederet, inferret necessitatem antecedentem, adque libertatem violaret.

Probatur itaque minor: Primò quidem, quia Deus in formandis suis decretis absolutis circa salutem hominum sufficienter dirigitur per scientiam simplicis intelligentiæ: Ergo non indiget scientia mediæ directrice, & humanæ voluntatis exploratrice. Patet antecedens: Deus enim per scientiam simplicis intelligentiæ comprehendit suam essentiam, & omnipotentiam, videtque in thesauris suæ misericordiæ illa infinita mediæ, & auxilia efficacissima, quibus fortiter, & suaviter prævenire potest, & allicere humanam voluntatem, ut consentiat, & quando, & ubi voluerit: *Quis enim tam impie desipiat*, inquit sanctus Augustinus in Enchiridio cap. 98. *ut dicat Deum malas hominum voluntates quas voluerit, quando voluerit, ubi voluerit in bonum non posse convertere?*

Quod ipsemet Augustinus fusius explicat, nec minus eleganter Homilia 23. ex quinquaginta, *Adulter non fuisse*, inquit, *in illa tua vita præterita plena ignorantia nondum illuminatus, nondum bonus, malumque discernens, nondum credens in illum, qui te nescientem regebat: hoc tibi dicit Deus tuus, regebam te mihi, servabam te mihi. Ut adulterium non committeres, Suasor defuit, ut Suasor desset, ego feci. Locut, & tempus defuit, & ut hoc desset, ego feci. Assus Suasor, non defuit locus, non defuit tempus: ut non consentiret, ego feci. Agnosce ergo gratiam ejus cui debes quod non admisti, &c.* Quibus verbis sanctus Augustinus aperte docet tempus, locum, aliasque circumstantias à Deo decerni sua infinita providentia: Ergo non opus est ut per scientiam mediam exploret opportunas circumstantias temporis, & loci, nec-non & affectus humanæ voluntatis. Maxime cum ut cecinit S. Prospere carmine de ingratis cap. 5.

At verò Omnipotens hominem cum gratia salvat,

Ipse suum consummat opus, cui tempus agendi

Semper adest, quæ gesta velis non moribus illi

Fuit mora, nec causis anceps suspenditur ullis:

Nec quod sola potest, cura officioque ministris

Exequitur, famulisque vicem committit agendi.

Confirmatur: Deus per scientiam simplicis intelligentiæ novit omnia possibilis: Ergo pari-

pariter per illam novit modum congruum alliciendæ humanæ voluntatis, & eam conciliandi cum suis decretis: Ergo ad id non est necessaria scientia media. Patet consequentia: Si enim hic modus innotescat per scientiam simplicis intelligentiæ, ad illum detegendum non est necessaria alia scientia. Antecedentem enim constat, modum enim ille quicumque excogitabilis, prius possibilis est, quam futurus; ac proinde prius videretur per scientiam simplicis intelligentiæ, quæ versatur circa omnia possibilia.

Probatur etiam secunda pars minoris: Nempe quod illa scientia media sit inutilis ad conciliandam humanam libertatem cum prædestinatione, & gratia efficaci: Tum quia primò sancti Patres diserte affirmant, hanc conciliationem esse difficillimam: Unde sanctus August. Epist. 105. ad Dixtum, *Cur ille credat, ille non credat, & cum ambo idem audiunt, si miraculum in eorum conspectu fiat, ambo idem vident; alitudo est divinarum sapientiæ, & scientiæ Dei, cujus inscrutabilia sunt iudicia:* Et infra, *Cur illum potius quam illum liberet, aut non liberet, scrutetur qui potest iudiciorum ejus tam magnum profundum: Verumtamen caveat precipitum:* Et lib. de Prædestinatione Sanctorum cap. 9. *Cur istum potius quam illum liberet, inscrutabilia sunt iudicia ejus, & investigabiles viæ ejus: melius enim, & hic audimus, & dicimus.* O homo tu quis es, qui respondeas Deo! *quam dicere audeamus quasi noverimus, quod occultum esse voluit.* Et lib. 4. contra Julianum cap. 8. *Ista quæstio ubi de arbitrio libertatis, & Dei gratia disputatur (Et idem de prædestinatione) ita est ad discernendum difficilis, ut quando defenditur liberum arbitrium, negari Dei gratia videatur: quando autem asseritur Dei gratia, liberum arbitrium putetur auferri.* Quibus constat S. Augustinum longè dissentire à Recentioribus Theologis, qui arbitrantur facilem esse conciliationem efficacis gratiæ cum libertate creata.

Secundò: tantum abest ut modus ille conciliationis per scientiam mediam videatur facilis, imò non immerito à pluribus Theologis ut impossibilis respuitur. Illud enim in quo fundatur hæc conciliatio per scientiam mediam, est quod creatum arbitrium prius à Deo videatur se determinare ad actum liberum, quam Deus concurrat ad illum actum; adeo ut voluntas concurrenti ex parte Dei supponat præscientiam conditionatam concursus ipsius arbitrii crea-

ti; & tamen inter utriusque divini, & humanæ voluntatis concursum nulla sit distinctio, nullus ordo prioris nisi prioritate rationis. Quis autem potest intelligere distinctionem rationis, quæ simpliciter est nihil, esse fundamentum conciliandæ efficacis gratiæ cum libertate creata? Quomodo Deus, qui hominum instar, non concipit distincta, quæ ex natura rei sunt indistincta, talis concordie mysterium detegit? An fortè nos veram talis concordiæ rationem exploramus, quam Deus capere non potest?

Impugnatur tertio ab inconvenientibus, & absurdis ex ea oriundis.

Primò quidem, quia illa videtur detrahare divini omnipotentis: supposita enim scientia media de aliquo conditionato, v. g. de conversione Petri futura si ponatur in illis, vel illis circumstantiis, & conditionibus, vel potest divina voluntas stantibus illis circumstantiis velle Petrum non converti, vel non potest illud velle. Si primum, illa scientia non erit infallibilis, quia veritas objectiva hujus futuri conditionati per repugnantem divinam volitionem vacuumabitur. Si secundum, tunc infirma censetur divina omnipotentia, & libertas divini voluntatis infirmior erit, quam libertas voluntatis creatæ; voluntas enim creata sub illis occasionibus, & circumstantiis prævidetur se determinatura ad unam partem cum possibilitate, & libertate sese determinandi ad aliam, quod ipsi divini libertati, & voluntati non competeret: Ita ne verò, inquit sanctus Fulgentius lib. de Incarnatione, & Gratia cap. 29. *rerum ordo credi putarique permittitur, ut Deus qui Creator est hominis valeat hominem facere, non mutare?* & qui nullius eget adiutorio ut hominem faciat operari, tamen quod vult in hominis voluntate non possit priusquam in homine ipsum velle reperit? *banc amenitiam, & à fidelibus suis arceat; & ab infidelibus auferat Deus.*

Secundò, ex scientia media sequitur error Semi-Pelagianorum, qui asserunt prædestinationem ad gratiam fieri ex prævisione meritum: illa enim prædestinatio fit ex prævisis meritis naturalibus, si in signorationis antecedente divinum decretum, quo eliguntur, & prædestinantur homines ad gratiam, Deus prævideat ipsorum futu-

futura merita : Atqui ex admiffa scientia media Deus futura illa merita prævidet in figno antecedente decretum prædeterminationis ad gratiam : Ergo ex scientia media fequitur fieri prædeterminationem ad gratiam ex præviſis meritis naturalibus. *Pater major* : Deus enim in illo priori figno rationis, fi priuſquam ſtatuat conferre gratiam homini, videat illius merita futura, non poteſt non moveri intuitu illorum ad conferendam homini gratiam. *Minor* verò probatur, nam in quocumque figno rationis aliquid verum eſt, à Deo prævidetur, & conſequenter fi in illo priori figno Petri merita naturalia ſint vera obiectivè, à Deo prævidentur : ſicque ab illis præviſis meritis Deus movebitur ad conferendam homini gratiam, quod manifeſtum errorem Semi-Pelagianorum involvit.

Tertiò : Ex illa ſcientia media ſequeretur hominem ſeipſum diſcernere ex puris naturalibus : Ex hypotheſi enim quòd Deus prævideat Petrum, & Paulum, illum quidem conſenſurum gratiæ, ſi ipſi detur in tali circumſtantia; alterum verò non conſenſurum : Vel Petrus ſeſe determinabit ad conſentiendum ex ſolis viribus liberi arbitrii, vel talis determinatio cauſanda eſt à gratia excitante, aut à gratia coagente, & coefficiente : ſed hæc determinatio dici non poteſt in ſententia Adverſariorum fieri à gratia, vel excitante, vel coefficiente : Ergo oportet ut fateantur illam determinationem fieri ſolis viribus liberi arbitrii.

Probatur minor : In primis enim talis determinatio voluntatis non poteſt prævideri à Deo ut cauſanda per gratiam moraliter excitantem, quia ſcientiæ mediæ Aſſertores conſent talem gratiam ſubjici libero arbitrio, & ab illo determinari, & applicari ad agendum; & conſequenter ſentire non poſſunt illam determinationem fieri à gratia excitante, ſed à libero arbitrio. Patet eadem *Minor* quantum ad ſecundam partem : Gratia enim operans, & coefficientis, ſeu concurſus ſimultaneus ordinis ſupernaturalis eſt ex ſe, inquit, indifferens, & modo indifferenti offertur voluntati, & ab illa determinatur ad ſpeciem actus : ſed concurſus indifferens, & determinabilis à voluntate humana non poteſt cauſare ejus determinationem, imò potius ab ea determinatur : Ergo determinatio voluntatis ad conſentiendum gratiæ non poteſt prævideri à Deo per

ſcientiam mediā ut cauſata per gratiam coefficientem. Et conſequenter, ſi Deus videat Petrum antecedenter ad decretum ſeſe determinaturum, videt illam determinationem futuram ex ſolis liberi arbitrii viribus, quod Semi-pelagianorum, imò & Pelagianorum hæreſim ſapit.

Plures alias implicantias proferunt ſcientiæ mediæ Expugnatores : nimirum. 1. Quòd hæc auferat a Deo rationem Primæ cauſæ, quia ſupponit creaturam ſeſe primò determinaturam, & independentem à decreto. 2. Quòd à Deo tollat rationem primi liberi, quia primum liberum debet eſſe primum determinans, & primum eligens; eligere enim, & determinare eſt proprius actus libertatis, & ſcientia media tollit à Deo rationem primi eligentis, & primi determinantis, quia ſupponit electionem, & determinationem voluntatis humanæ conditionatæ futuram ante omnem electionem, ſeu ante omne decretum actuale, & exercitum. 3. Quòd ſcientia media officiatur ſupremo Dei in hominum voluntates dominio, cum ſcientiæ mediæ Aſſertores affirmant hominum voluntates ſeſe determinare, & applicare ad agendum antecedenter ad decretum divinum, quo Deus illas determinare cenſetur. 4. Quòd tribuat Deo modum concurrendi cum cauſis liberis cæcum, & ignorantem, vagum, & indeterminatum, quia ſupponit concurſum indifferenter, & ſine intentione, & volitione alicujus actus, & effectus particularis, cum ſola intentione generali faciendi, quòd volat creatura, ſive bonum, ſive malum : hoc autem eſt concurrere cæco, & ignorantem modo, & agere conſuſe, & in incertum; eo ſecundo modo quo quæſagittæ ejaculari, & ejicere vellet in tenebris, dubius quò tendat quòve attingat, niſi per ſubſequentem lucem : ſicut enim viſio ſequens, non impedit quominus illa ſagittæ ejaculatio facta fuerit modo quodam cæco, & ignorantem; ita cognitio, & exploratio ſcientiæ mediæ non impedit, quin modus agendi, & concurrendi cum cauſis liberis cæcus, & ignarus, vagus, & indeterminatus Deo attribuat.

Proponuntur objectiones ex Scriptura ſacra, & ſolvuntur.

Objiciunt 1. Scientiæ mediæ Aſſertores, varios Scripturæ ſacre textus quibus

bus nituntur suam sententiam firmare. In primis vero proferunt illam Christi objugationem, Mattheæ 11. *Ve tibi Beethsaida, & tibi Corozain, &c.* ex qua sic argumentantur. Deus cognoscit certò, & infallibiliter Tyriorum, & Sidoniorum conversionem futuram, ea conditione quòd Christus Dominus apud eos prædicasset, sed illam non cognovit in decreto aliquo: Ergo illam cognovit antecesser ad tale decretum, & consequenter per scientiam mediam. Major patet ex prima quæstione præsentis Sectionis, in qua determinavimus Deum habere certam, & infallibilem cognitionem de futuris conditionatis. *Minor* probant: Christus non solum prædixit, sed etiam objugat incredulitatem Judæorum comparative ad Gentiles, qui si vidissent miracula, quæ viderant Judæi, pœnitentiam egissent: sed illa objugatio, saltem ut comparativa, non foret iusta, si pœnitentia Gentilium cognita fuisset futura conditionatè in decreto divino: Ergo ita non fuit cognita. *Minor probatur*: Ut comparativa increpato iusta videatur, debet esse æqualitas inter extrema illius comparationis; non enim iuste increpatus fuisset servus, cui pater-familias duotalentia tradiderat, quòd decem non fuisset lucratus, sicut ille qui quinque acceperat: sed supposito decreto conditionato circa pœnitentiam Gentilium, & eodem decreto negato erga Judæos, non salvaretur æqualitas inter illos, possentque iuste respondere Judæi, *Ideo vixi miraculis Christi, pœnitentiam non egimus, sicut egissent Tyrii, & Sidonii, quia non habuisti illud decretum erga nos de pœnitentia futura, sicut habuisti illud erga Gentiles*: Ergo si talis prævisio futuræ pœnitentia fiat in decreto, sequitur non esse iustam Christi objugationem; quod consequens cum sit falsum, etiam falsum est illud unde sequitur.

Respondeo 1. sanctum Augustinum hoc Tyriorum, & Sidoniorum principio scientiam mediam convellere: cum enim *Capitul. 9. libri de Bono perseverantiæ* retulisset responsum quam fecerat uni ex sex quæstionibus Paganorum, Christum scilicet, venisse tali tempore, quia præciebat, quòd in eum non essent credituri homines, si antevenisset: quæ essententia Affectorum scientia mediz, subdit; *Hec certè de Tyro, & Sidone non possumus dicere; & in eis cognoscimus ad eas causas prædestinatio-*

nis, hæc divina iudicia pertinere, sine quarum causarum latentium præiudicio tunc ista responderet me dixi. Facile est quippe ut infidelitatem accusemus Judæorum de libera voluntate venientem, qui factis apud se tam magnis virtutibus credere noluerunt, quòd & Dominus increpans arguit, & dixit, V. & tibi Corozain: Cuius verbis S. Augustinus duo dicit: primum quidem, illam Tyriorum conditionatè futuram pœnitentiam non in congruitatem eorum vocationis esse refundendam, ac proinde illam ex decreto solum conditionato prævideri. Secundum, quòd meritò accusentur Judæi quòd sufficiens habuerint auxilium ad agendam pœnitentiam, quam tamen ex voluntate agere noluerunt: Ergo longè distat S. Augustini sententia à scientia mediz Affectoribus.

Respondeo 2. Idem argumentum retorqueri posse in ipsos scientia mediz Defensores: licet enim nobiscum fateantur Judæos, & Tyrios fuisse pares, & æquales in gratia considerata secundum entitatem physicam; non tamen negant illos fuisse inæquales in gratia spectata secundum illius esse morale, & quatenus est alliciativa voluntatis hoc aut illo modo. *Vel* enim censent illam allectionem moralem fieri conformiter ad complexionem, & genium, ut docet Vasques; *Vel* in ea congruitate temporis, & in illis occasionibus, in quibus prævidebantur Gentiles per scientiam mediam consensuri: Judæis verò eadem quidem gratia exhibita fuit, sed non secundum eandem efficaciam moralem, seu non attenta inclinatione illa illisque circumstantiis. Cum ergo Judæi non habuerint illam æqualem gratiam secundum esse morale, æquè iuste conqueri possent, ac conquererentur de non posito erga ipsos decreto conditionato futuræ pœnitentia.

Respondeo 3. Negando minorem, & ad omnes illius probationes dico, ad illam iustam increpationem Judæorum sufficere, quòd tenebantur converti, ad idque sufficiens habebant auxilium. Ut quis enim iuste arguatur præ alio, sufficit quòd eadem sit utriusque obligatio, quam tamen unus transgreditur, & alter adimplet: obligatio autem hæc fundatur super posse aliquid efficere, non autem super ipsum actum, & applicationem potentia. Unde cum decretum conditionatum non conferat posse, sed illud supponat, & potentiam conditionatè applicet ad actum, hinc est quòd non

non tollat æqualitatem obligationis, nec obstat iustæ increpationi etiam comparative. Unde licet positum fuerit decretum conditionatum de futura conditionatè poenitentia Tyriorum viſis Christi miraculis, quod non positum erga Judæos: nihilominus Judæi iustè increpantur, quia habebant sufficiens auxilium ad suam conversionem.

Urgent Adversarii: S. August. *Lib. de Bono Pers.* cap. 10. tractans quæſtionem cur Deus noluerit apud Tyrios, & Sidonios fieri illa signa, quibus viſis, essent in Deum credituri, ait: *Quidam Disputator Catholicus non ignobilis, hunc Evangelii locum sic exposuit, ut diceret præsciſſe Dominum Tyrios, & Sydonios à fide fuisse postea recessuros, cum factis apud se miraculis credidissent, & misericordia potius non eum illis ista feciſſe; quoniam graviore panæ obnoxii fierent, si fidem quam tenebant reliquiſſent; quam si eam nullo tempore tenuiſſent. Quam utique sententiam cum de facto S. August. approbaverit, sequitur ipsum approbaſſe scientiam mediam futurorum conditionatorum ante quodlibet decretum. Non enim verisimile est Deum decreviſſe illos prædeterminaſſe ad actum fidei, & Apostasie, quam prævidebat fecuturam, ex hypothesi quod viſis illis signis essent in eum credituri.*

Confirmatur 1. Hæc duo apertè repugnant, Deum absolute decreviſſe, ut non fierent coram illis ea signa, ne credentes, & postea à fide recedentes gravius forent puniendi: & Deum decreviſſe illos determinare ad actum fidei.

Confirmatur 2. Cùm illa suppositio, nempe faciendi coram eis illa signa ex sola Dei voluntate penderet, insulset diceretur Deum decreviſſe determinare Tyrios, & Sidonios ad actum fidei, si fierent coram eis illa signa: hoc enim nihil aliud esset dicere, quàm quod Deus decreviſſet eis dare fidem, si decreviſſet coram eis facere miracula.

Respondeo 1. Sanctum Augustinum non approbaſſe simpliciter sententiam illius Doctoris, subdit enim, *Sed si sententia illa vera est:* Ex qua deducit argumentum ad confirmandum id quod adversus Semipelagianos docuerat, videlicet non salvari hominem, nec damnari propter bona, vel mala opera quæ prævidebat Deus ipsum facturum, si diutius vixiſſet; sed tantum propter ea opera quæ revera facturum est in vita sua.

Respondeo 2. Deum in decreto conditionato quo statuerat movere Tyrios, & Sidonios ad fidem, & poenitentiam agendam, ex hypothesi quod apud eos facta fuissent illa signa, certò cognoviſſe futurorum conversionem: Sicut enim scientia futurorum absolute præſupponit in Deo decretum absolutum, quo decernit se concursum cum voluntate creata ad actus suos; ita pariter scientia futurorum conditionatè præſupponit in eo decretum conditionatum, quo statuit ut essent futura si impleteretur conditio, nihil enim potest esse futurum nisi Deo volente, & determinante.

Ad primam confirmationem, Respondeo non esse repugnantiam inter hæc duo, quod scilicet Deus absolute decreto statuerit ut non fierent coram illis illa signa, ne credentes, & postmodum à fide recedentes gravius punirentur: & quod decreto conditionato statuerit eos movere, & determinare ad actum fidei si apud eos facta fuissent illa signa: Duo namque illa decreta non opponuntur invicem, quia unum est absolutum, aliud verò conditionatum.

Ad secundam confirmationem, Dico exinde nihil adversum nos colligi, sicut enim rectè inferitur quod Deus decreviſſet regere, & administrare alterum mundum si revera statuiſſet illum creare; ita pariter rectè dicitur quod Deus decrevit dare Tyriis, & Sidoniis fidem, si decreviſſet ut coram eis illa signa fierent.

Urgens iterum ex eodem sancto Augustino ibidem cap. 14. ubi eundem scripturæ textum expendens, affirmat quod Tyrii, & Sydonii acturi essent magne humilitatis poenitentiam, si in eos facta essent divinarum illa signa virtutum. Hanc autem certitudinem agendæ poenitentis non refundit in decretum divinum, sed in propensionem, & dispositionem voluntatis Tyriorum, & Sidoniorum, de quibus locutus fuerat c. 9. sic enim ait, *Ex quo apparet habere quoddam in ingenio ipsi divinum munus intelligentie naturaliter, quo moveantur ad fidem, si congrua suis mentionibus vel audiant verba, vel signa conspiciant.* Loquebatur autem de Tyriis, & Sidoniis de quibus inferit; *Non erant ergo sic excecati oculi, nec sic induratum cor Tyriorum, quoniam credidissent si qualia viderunt ipsi (Judæi) signa, (Tyrii) vidiſſent.*

Nego Sanctum Augustinum hanc de agenda poenitentia certam cognitionem in aliud refun-

refundere quàm in decretum divinum; nam statim sensum suum aperiens, indicat illam præscientiam præsupponere divinum aliquod decretum divinæ voluntatis; subiungit namque, *Audiunt enim, & faciunt, quibus datum est: non autem faciunt, sive audiant, sive non audiant; quibus datum non est.* Et iterum, *sed quia ut crederent non erat eis datum, etiam unde crederent est negatum.* Quibus verbis sanctus Augustinus poenitentiam Tyrriorum in decretum voluntatis Dei, quo gratiam suam distribuit, quibus vult, & quando vult, refundit. Nec enim eam agendæ poenitentiae certitudinem reducere poterat in ipsam dispositionem naturalem, & rationis intelligentiæ, quo moverentur ad fidem, si facta fuissent coram eis signa. Loquitur enim S. Augustinus solum de signis externis, quæ ad fidem non sufficiunt, sed præterea requiritur gratia interioris movens: alioquin sanctus Augustinus confensisset Pelagianis, qui ad fidem non aliam necessariam esse gratiam quàm Evangelii prædicationem asserabant.

Objic. iterum plures alios Scripturæ textus, quibus probare nuntur Deum nosse plura conditionatè futura per scientiam mediam, & antecedenter ad quodlibet decretum. Primum testimonium proferunt ex illo Genesis 11. de illis primis hominibus qui dixerunt, *Venite, faciamus nobis civitatem, & turrim cuius culmen pertingat ad cælum, & celebremus nomen nostrum:* de quibus ibidem Deus ait, *Cœperunt hoc facere, nec desissent à cogitationibus suis, donec opere eas compleant.* Quibus prædicit Deus ædificationem illam complendam, nisi ab ea illi homines fuissent advocati per confusionem linguarum.

Secundum proferunt ex cap. 34. Exodi, & 3. Regum cap. 11. ubi prohibetur Judæis, accipere uxores filias Gentilium, *Certissime enim, inquit, avertenti corda vestra ut sequamini Deos earum; ubi vox illa, certissime, prædictionem eventus ex certa atque infallibilis scientia profectam significat.*

Tertium proferunt ex 4. Regum cap. 2. ubi cum Elias dixisset ad Elisæum, ut quodcumque vellet postulare, antequam tolleretur ab eo: dixissetque Elisæus, *Obsecro ut fiat in me duplex spiritus tuus,* Respondit Elias, *rem difficilem postulasti: attamen si videris me quando tollar à te, erit tibi quod petisti: si autem non videris, non eris.* Quo loco duplex revelatur eventus conditiona-

tus, scilicet infusio duplicis spiritus appositæ conditione si videret Eliam, & negatio infusionis si non videret.

Quartum proferunt ex Joannis 5. ubi Christus ait, *Ego veni in nomine Patris mei, & non accepistis me: Si alius venerit in nomine suo, illum accipietis, & ibi est qui accusat vos Moysen, in quo vos speratis; si enim crederetis Moysi, crederetis forsitan & mihi; de me enim ille scripsit.* Quibus verbis duplex futurum conditionatum prædicitur.

Quintum sumitur ex prima Epistola ad Corinth. cap. 2. *Si enim cognovissent (inquit sanctus Paulus de Crucifixoribus Christi) numquam Dominum gloriæ crucifixissent;* ubi manifestè enuntiatur conditionatum futurum, ex hypothesi quòd Pilatus, & principes Judæorum cognovissent Christum esse Dominum gloriæ. Missos facio alios similes Scripturæ textus, quos acervatim congerit scientiæ mediæ Assertores: illi enim ex prædictorum explicatione facillè solvantur. Itaque

Respondeo ad primum, reverà Deum prævidisse, quòd illorum hominum voluntates erant defacto determinatæ ad perficiendam civitatem, & turrim, nisi ab ipsa per divisionem linguarum fuissent præditi: At id noverat in decreto conditionato, quo statuerat permittere consummationem illius civitatis juxta dispositionem voluntatis illorum hominum, nisi rationabili de causa eos ab illo opere advocasset. Pluries enim in Scriptura sacra revelantur effectus futuri secundum dispositionem, & determinationem causarum, qui tamen ipsa non fuerunt impleti, quoniam Deus ne sequerentur impedivit: Sic sequenda erat Ninivæ subversio intra quadraginta dies, sicut prædixerat Jonas cap. 3. nempe secundum poenitentiam, sententiam in eos animadvertendi revocasset.

Ad secundum, Dico Vocem illam *certissime* significare quidem, non infallibilem certitudinem, sed tantum moralem quæ interdum deficit: Unde secluso Idolatræ periculo Deus permisit Judæis accipere uxores Alienigenas, sicut patet de Ruth, quam Booz duxit in uxorem.

Ad tertium, Respondeo quòd in decreto, quo Deus statuit ut fieret in Elisæo duplex spiritus, ex hypothesi quòd Eliam videret quando subtrahendus erat ab eo, certò cognovit Deus illum duplicem even-

tum

tum conditionatum : Unde non per scientiam meliam antecesserit ad decretum, sed in ipso decreto utrumque illud conditionatum cognovit.

Ad quartum, Dico quòd illa propositio. *Si alius venerit in nomine suo, illum accipietis*, non est de futuro purè conditionato quod nusquam habiturum erat esse : sed de futuro absolute, illa enim prædictio concernit Antichristi adventum qui venit in nomine suo, & plures seducet. Ad alteram conditionalem propositionem ejusdem textus, nempe *Si crederetis Moysi, &c.* Dico illud futurum conditionatum fuisse Christo cognitum, non per scientiam mediam, sed per scientiam simplicis intelligentiæ propter necessariam connexionem quam habent illæ duæ propositiones, si non crediderunt Christo, etiam non crediderunt Moysi. Moyses enim de Christo testimonium protulit. Sicut à simili, hoc conditionatum, *Si Petrus curret, movebitur*, cognoscitur per scientiam simplicis intelligentiæ propter necessariam connexionem cum conditione, etiam si nusquam de facto ponenda sit illa conditio.

Ad ultimum, Dico quòd Deus voluit iustus de causis occultare mysterium Incarnationis Diabolo, & ministris ejus, ne scilicet impeditur hominum redemptio per Christi mortem. Unde illi per ignorantiam crucifixerunt Christum sicut testatur sanctus Petrus Actuum 3. *Et nunc fratres scio quòd per ignorantiam fecistis*. Hæc autem omnia non contigerunt nisi ex decreto divinæ voluntatis licet permittente, adeoque illud conditionatum cognitum fuit in illo decreto.

Preferuntur, & solvuntur objectiones ex sanctis Patribus.

Objiciunt primò varios sancti Augustini contextus, quibus contendunt ipsum agnovisse, & approbasse scientiam mediam futurorum conditionatorum existentem in Deo ante omne liberum decretum illius voluntatis. Sed quoniam plura jam à nobis soluta fuerunt illius sancti Doctoris testimonia, solum profero illud quod habetur de bono perseverantiæ c.9. ubi sanctus Augustinus, ait, *Certe poterat illos Deus præsciens esse lapsuros, antequam id fieret ex hoc vita auferre*. Et lib. de corrept. & grat. cap.8. Respondent, inquit, si possunt, cur illos Deus, cum sciret, & prævideret,

non tunc de vitæ hujus periculis rapuit, ne malitia mutaret intellectum eorum, aut ne filio deciperet animam eorum? Utrum hoc in potestate non habuit, an eorum futura mala nescivit? Nempe nihil eorum, nisi perverberisime, & inanis dicitur.

Respondeo ad primum: Ibi S. Augustinum non agere de conditionatis, quæ non sunt futura; sed de præscientia peccatorum, quæ reipsa erant futura, & quæ Deus iusto iudicio noluit impedire, rapiendo scilicet hominem in ætate immatura, antequam fierent.

Ad alterum contextum respondeo, quòd veritas illorum futurorum contingentium conditionatorum fundatur in decreto Deiconditionato, quo statuit Deus illa permittere ex hypothesi, quòd illa conditio adesset; Unde per scientiam liberam, quæ sequitur decretum divinæ voluntatis, cognoscit Deus ejusmodi futura conditionata, non autem per scientiam mediam, quæ decretum antecedit.

Obijciunt 2. Alios sanctos Patres, primò quidem sanctum Gregorium Nyssenum orati. de iis qui præmatutè arripiuntur, ubi sic ait, *Verisimile est Deum, qui id quod futurum est æquè ut præteritum cognovit, progressum vitæ infantis ad perfectionem prohibere; ne quod vi præscia malum animam advertendum est in eo qui ita victurus fuisset, perficeret*. Item sanctum Cyrillum supra laudatum quæst. 1. num. 5. ubi probans quoddam dictum Porphyrii ait, quòd Deus sciens futurum sæpe numero prævenit, hos quidem adolescentes prius è vita eripiens, illos verò relinquens. Insuper sanctum Chrysostomum Homil. 65. in Matthæum, ubi agens de vocatione sanctorum Pauli, & Matthæi docet, tunc Deum ipsos vocasse quando noverat consensuros. Et S. Bernardum sermone 54. in Cantica, ubi ait: *Deus interdum subtrahit gratiam, non prosuperbia, quæ jam sit; sed quæ futura esset, nisi gratia subtraheretur*. Ergo videt Deus futuram superbiæ nisi subtraheretur gratia: sed illud non videt in decreto, quia Deus superbiæ futurationem non decernit: Ergo eam videt ante decretum quodcumque, adeoque videt per scientiam mediam.

Respondeo ad SS. Gregorium, & Cyrillum; eos illo modo explicandos esse, quo sanctus Augustinus lib. de Prædestinatione Sanctorum cap. 14. explicat illud Sapientię 4. *Raptus est ne malitia, &c.* ubi ait,

Dictum est illud secundum pericula hujus vite, non secundum præscientiam Dei, quibus præcivit quod futurum erat, non quod futurum non erat: Id est, quod ei mortem immaturam fuerat largiturus, ut tentationi substraheretur: non quod peccaturus esset, qui mansurus in tentatione non esset.

Vel dicendum, quod Deus peccata illorum Juvenum futura ex hypothesi præcivit in decreto conditionato, quo statuit ea permittere si diutius viverent, & concurrere ad entitatem peccati; sed quoniam voluntate absoluta decrevit ejusmodi peccata impedire, rapuit eos in ætate immatura. Decretum enim Dei actuale impediendi peccatum, quod præscitur futurum ex hypothesi, non repugnat, sed potius valde consonat cum decreto conditionato, quo statuit permittere illa peccata, nisi per immaturam mortem fuissent impedita.

Ad sanctum Chrysostomum, Dico eum ita esse intelligendum, quod Deus illos Apostolos vocaverit, quando præcivit se per gratiam in illis operaturum, & effecturum, ut liberent, & ex animo obtemperarent: quæ responsio conformis est Doctrinæ S. Augustini Cap. 18. de Bono Perseverantiæ, ubi hæc tradit regulam; quando apud aliquos verbi Dei Tractatores, reperitur nomen præscientiæ, & agitur de vocatione Electorum; nomine Præscientiæ intelligi debet prædestinatio, id est præscientia in decreto, & prædestinatione fundata.

Ad sanctum Bernardum, Dico Deum subtrahendo gratiam præscire superbiam per scientiam simplicis intelligentiæ, quæ videt omnia possibilia; & etiam per scientiam visionis, quatenus præcessit decretum de præbendo concursu ad æsthum physicum, & materialem illius superbiz.

Proponuntur, ac solvuntur objectiones petite à ratione.

Objiciunt 1. Deus cognoscit veritatem hujus futuri conditionati, *si dederim Petro gratiam efficacem, convertetur*: Sed non potest illam veritatem cognoscere nisi per scientiam mediam: Ergo illa in Deo est admittenda. Major patet ex dictis. *Minorem* sic probant: Hæc veritas cum sit libera, & contingens, non potest à Deo cognosci per scientiam simplicis intelligentiæ, quæ versatur solum circa res naturales, & necessarias: & cum sit de fu-

turo conditionato, non attingitur per scientiam visionis, quæ solum fertur circa res absolute futuras: Ergo illa veritas solum cognoscitur per scientiam mediam.

Nego minorem: Illa namque veritas agnoscitur per scientiam simplicis intelligentiæ, quia licet extrema sint libera, & contingencia, tamen significatio, quæ in ea exprimitur, infallibilis est, & necessaria, ac proinde ad scientiam Dei naturalem pertinet. Fieri enim potest, quod conditionalis propositio necessaria sit ex viconsequentia, & illationis, licet inferatur ex libero, & contingenti, imò ex falso, & impossibili. Hæc enim est necessaria, *Si Petrus loquitur, movet linguam*; & tamen utrumque extremum secundum se sumptum, id est locutio Petri, & motus lingvæ, liberum est, & contingens: Similiter hæc est necessaria, *Si homo est equus, est hinnibilis*, & tamen utrumque est falsum, & impossibile, nempe quod homo sit equus, & hinnibilis. Unde cum in hac conditionali, *Si dederim Petro gratiam efficacem, convertetur*, exprimitur bonitas illationis, & consequentiæ, quæ est necessaria, utpote deducta ex hoc principio omnino necessario, *quidquid Deus efficaciter vult, infallibiliter eveniet*, ideo veritas illius consequentiæ cognoscitur per scientiam simplicis intelligentiæ.

Objiciunt 2. Futura conditionata secluso divino decreto habent veritatem, aut falsitatem: Ergo ante decretum cognoscuntur à Deo: sed non cognoscuntur per scientiam simplicis intelligentiæ, quia contingencia, & conditionata sunt, ac proinde attingi non possunt ab illa scientia, quæ versatur solum circa necessaria: Neque per scientiam Visionis, quia hæc sequitur tantum ad decretum: Ergo cognoscuntur per scientiam mediam. *Probat*ur antecedens per congruitas vocationis non dependet à decreto Dei; ideo namque vocatio est congrua, non quia eligitur à Deo, sed e contra idcirco eligitur à Deo quia est congrua: Ergo ante liberam electionem cognoscit Deus congruitatem vocationis, & consequenter cognoscit etiam futuram conversionem, quæ ex tali vocatione oritur.

Respondent Aliqui cum Didaco Alvarez negando maiorem: Tum quia, ut docet Aristoteles Lib. 1. de Interpret. c. 8. propositiones de futuro contingenti, secundum

se non habent determinatam veritatem, aut falsitatem, quia contingens in quantum contingens, se habet omnino indifferenter ad utrumlibet: Ergo ante decretum divinæ voluntatis determinantis ad alterutram partem contradictionis, nihil est determinatè futurum in rebus creatis; adeoque dici potest, quòd ante illud decretum res non habent determinatam veritatem, aut falsitatem. *Tum quia* dici potest, quòd quando propositiones sunt in materia contingenti, non semper opus est, quòd una sit determinatè vera, & altera determinatè falsa: sed sufficit, quòd si una est vera, altera sit falsa; ita ut repugnet ambas simul esse falsas, aut simul veras. *Tum denique*, quia licet pro quolibet instantis temporis necesse sit, quòd ex duabus propositionibus de futuro contingenti, altera sit determinatè vera, & altera falsa: Non tamen oportet, quòd pro quolibet signo rationis, altera concipiatur determinatè vera, & altera falsa. Unde ante decretum neutra illarum propositionum dicenda est determinatè vera, aut falsa, sed indifferens ad utrumque. Si enim Deus in secundo signo rationis decernat, ut posito in esse antecedenti, ponatur similiter & consequens; propositio conditionalis affirmativa de futuro contingenti erit vera, & opposita erit falsa: Si autem decernat, ut posito in esse antecedenti, non sequatur consequens; propositio conditionalis negativa de futuro contingenti erit vera, & affirmativa erit falsa. *Verum* quoniam hæc solutiones difficultatem patiuntur, idcirco

Nego minorem: Illam enim congruitatem vocationis cognoscit Deus per scientiam simplicis intelligentiæ, & videt illam per scientiam visionis, ubi formavit decretum efficax convertendi hominem per illam congruam vocationem, quam ad eum finem, ad quem illam Deus eligit, usurpat.

Obijciunt 3. Hæreticum est asserere Deum cognoscere futura conditionata in decreto suo: Ergo illa cognoscit antecedenter ad suum decretum, adeoque per scientiam mediam. Probatur antecedens ex Doctrina Calvini lib. 3. institutionum cap. 23. §. 7. *Decretum quidem horribile fatetur: Inficari tamen nemo potest quin præciverit Deus quem exitum esset habiturus homo, antequam ipsum conderet: Et ideo præciverit, quia decreto suo id ordinaverit.* Censet ergo Cal-

vinus Deum futura præscire in suo decreto, adeoque divinum decretum suam præscientiam antecedere.

Respondeo negando antecedens: Et ad ejus probationem, dico Calvinum non idcirco damnatum, quòd assereret decretum divinum antecedere divinam scientiam de rebus absolutè, vel conditionatè futuris: sed tantum quòd ex antecedente decreto inferret omnia fieri necessariò, & nihil contingentè evenire: Proindeque nullam esse hominum libertatem, ait enim Calvinus l. 2. instit. c. 3. §. 5. *Voluntatem necessitate in malum trahi, quamvis libertas abdicata offendi eos, qui inter necessitatem, & coactionem distinguere nesciunt, &c.* Quibus patet Calvinum sensitse decretum divinum nostram evertere libertatem, nec relinquere in voluntate nostra ullam indifferenciam ad actus oppositos, sed solam spontaneitatem, & immunitatem à coactione.

Obijciunt 4. Deus certò novit peccata futura sub conditione: sed illa non novit in decreto; Ergo antecedenter ad illud ea cognoscit, ac proinde per scientiam mediam. *Probatur minor*: Si Deus haberet decretum circa peccata futura absolutè, vel conditionatè, esset illorum causa, & ipsi peccati malitia tribueretur; non enim alia ratione homini peccanti malitia tribuitur, nisi quia voluntariè sese determinat, & ex se decernit actum peccaminosum.

Deinde, si peccatum esset à Deo decretum, jam peccatum non esset; in tantum enim peccatum est, in quantum est contrarium divinæ voluntati; sed si ab illo decerneretur, non esset contrarium, imò conforme divinæ voluntati: Ergo non esset peccatum.

Nego minorem: Et ad primam probationem dico; Deus esset causa peccati quantum ad entitatem physicam actus, concedo: quantum ad deformitatem, & carentiam rectitudinis moralis, nego: Non enim idcirco malitia peccati homini peccanti propriè tribuitur, quia decernit, & concurrit ad actum peccaminosum entitativè consideratum, sed eo quòd operetur ut agens morale, ac disformiter ad regulas morum, & sese subtrahat à rectitudinedivini concursus, & divinæ motionis. Deus autem ita non concurrat, nec decernit, quia non operatur ut agens morale, & cum dependentia ad regulas morum: sed ut Prima causa, & ut Provisor universalis, præ-

præbens omnibus causis secundis media necessaria ad agendum.

Ad secundam probationem Dico: Peccatum si esset conforme divinæ voluntati jam non esset peccatum, sub ea ratione sub qua esset illi conforme, concedo: sub alia, nego: esset autem conforme divinæ voluntati secundum entitatem physicam actus, quæ à Deo decernitur, & ut sic non esset peccatum: Non esset autem conforme secundum moralitatem, & deformitatem ipsius actus, quæ nec à Deo decernitur, nec producit, imò prohibetur: sed tantum à voluntate creata liberè descedente à rectitudine, quæ debebat inesse tali actui. Quomodo autem moralitas, seu carentia rectitudinis actus peccaminosi, ab entitate ejusdem actus distinguitur, resolvetur in disputatione sequenti.

ARTICULUS TERTIUS.

De Divino Intellectu pratico.

Divinus intellectus non idcirco practicus appellatur, quod ordinetur ad dirigendam voluntatem, quæ est veræ praxis fons, & origo: Sed quia circa rerum producibilium Ideas versatur. Ut itaque illius exacta habeatur ratio, necessarium est, & sufficit, divinarum Idearum naturam investigare, & explanare. Quod ut exactè fiat, sit

QUÆSTIO UNICA.

An, quid, & quot sint Ideæ Divine.

Idez nomen Græcum vocabulum est à verbo *ἰδεω*, id est, *Video*, seu *Aspicio* desumptum. Uturpatur autem à Latinis ad significandam formam exemplarem, quam intuetur artifex in operando, ut ad illius similitudinem aliquid molitur. Cum autem Deus supremus ille rerum Opifex perfectè librata ratione omnia sua producat opera: hinc fit, ut nihil effugere dicatur, nisi juxta divinas Ideas, quas ab æterno in se reconditas habet.

Notandum autem primò falsum esse id quod solito nonnulli affirmant, Platonem primum fuisse divinarum Idearum Authorem Eusebium namque Lib. 11. de *Præparatione Evangelica* c. 1. scribit Socratem primum de Ideis didicisse, & dudum antequam Moysen divinas Ideas agnovisse, &

ex illo Platonem, quidquid de Ideis novit, hausisse suspicatur Justinus Martyr oratione parantica ad Gentes. Quibus concinit S. Augustinus lib. 83. quæstionum quæst. 46. dicens: *Ideas Plato primus appellasse perhibetur, non tamen si hoc nomen antequam ipse inquireret non erat, ideo vel res ipsæ non erant; quas Ideas vocavit, vel à nullo erant intellectæ: sed alio fortasse, atque alio nomine ab aliis nuncupata sunt. Licet enim cuique rei incognita, quæ nullum habeat usitatum nomen, quodlibet nomen imponere. Nam non est verisimile sapientes nullos fuisse ante Platonem, istas quas Plato, ut dictum est, Ideas vocat quæcumque res sunt non intellectæ: siquidem tanta in eis vis constituitur, ut, nisi his intellectis, sapiens esse nemo possit.*

Falsum pariter est id quod de Platone finxit Aristoteles, illum Ideas asseruisse non quidem in Deo existentes, sed quasi illi extraneas, eique assistentes, per se subsistentes, & à singularibus abstractas, & separatas; ita quod à mente divina in mentem Angelorum illæ Idæ effluant; ex Angelica mente, in universalem mundi animam; ex mundi anima, in cælorum formas; ex formis cælestibus in materiam omnium formarum recepticem. Unde Aristoteles has Ideas ut mera signenta deridens, ait, *Valent Platonis Idæ, quia nihil sunt, aut monstrantur. Falsò, inquam, hoc fictitium commentum Platoni attribuitur: verè namque divinas Ideas in Deo existentes admisit Plato, ut affirmat Seneca Epist. 65. His verbis, Hæc exempla rerum omnium Deus in se habet, & numeros universorum, quæ agenda sunt, nulloque mente complexus est. Plenus est Deus his figuris quas Plato Ideas appellat immortales, immutabiles, infaigabiles. Unde homines quidem pereunt, ipsa autem humanitas, id est Idea hominum, quæ in Deo est ad cuius similitudinem homo effigitur, permanet, & hominibus laborantibus nihil patitur. Idem affirmat sanctus Augustinus lib. 83. quæstionum quæstione 46. ubi cum asseruisset divinas Ideas esse admittendas quasi rationes, & imagines rerum creandarum, ait, *Has autem rationes ubi arbitrandum est esse nisi in ipsa mente Creatoris? Non enim extra se quidquam possum inveniri, ut secundum id constitueret quod constitueret; nam hoc opinari sacrilegium est. Quod sibi rerum omnium creandarum creaturæ rationes in divina mente continentur, neque in divina mente quicquam nisi æternum,*
atque*

atque immutabile potest esse; Aique has rerum rationes principales appellat Ideas: Plato: Non solum sunt Ideæ, sed ipso versantur quia æternæ sunt. Unde merito Marfilius Ficinus Platonis fidelis Interpres in commentario de divinis nominibus, ait: *Platonici numquam voluerunt Ideas ab intellectu divino separatas esse, ut falsè calumniatur Peripatetici: sed eas aliqua ratione inter se distinctas, in mente divina reposerunt; quatenus Deus sue virtutis conscius, comprehendit quot quantisque modis sit participabilis à creaturis.*

Notandum 2. Quod etiam omnes Catholici Doctores divinarum Idearum Assertores affirmant divinas Ideas non extra Deum, sed in Deo esse repositas; nihilominus non conveniunt invicem in assignanda Idearum ratione: Siquidem nonnulli Recentiores affirmant Ideam divinam esse ipsummet actum intelligendi, quo Deus concipit creaturam factibilem; ita quod Idearum ratio non sit conceptus aliquis objectivus, qui ab ipso divino intellectu per modum objecti attingatur, sed tantum sit conceptus formalis, & actualis intellectio, qua Deus res ab Omnipotentia factibiles deprehendit. S. Thomas autem prima parte quæst. 10. art. 1. ad secundum, & tertium, affirmat divinam Ideam esse conceptum aliquem objectivum, quem dicit esse divinam Essentiam, *Essentia divina, inquit, secundum quod ad alia comparatur, est Idea: Quam comparisonem art. 2. explicat in eo consistere, quod essentiam suam Deus cognoscat secundum quod est participabilis secundum aliquem modum similitudinis à creaturis; & ibidem ait, Ideam operativam esse in mente operantis, sicut quod intelligitur, non autem sicut speciem qua intelligitur quæ est forma faciens intellectum in actu. Forma enim in mente edificatoris est aliquid ab eo intellectum, ad cuius similitudinem domum in materia format, &c.* Quibus aperte constat S. Thomam rationem Idearum divinarum non in conceptu formali, sed in conceptu objectivo constituere; & hunc conceptum objectivum idealem non alium esse, quam divinam Essentiam ut cognitam, quatenus est participabilis, & imitabilis à Creaturis.

Doctores verò Subtilis Discipuli duas sciuntur in sententias; Nonnulli enim affirmant illum statuisse rationem Idearum in illo esse cognito, quod habent Creaturæ ab intellectu divino: Alii verò contendunt illum non aliam assignasse Idearum rationem.

Fraßen Thol. Tom. II.

nam, quam ipsammet divinam Essentiam, non quatenus est participabilis, & imitabilis à Creaturis, sed quatenus est representativa omnium propter rerum producibilium. Quid autem verius hac in controversia nobis pareat, infra resolvetur.

Notandum 3. Ideas definiri à sancto Augustino lib. 83. quæstionum quæst. 46. *Ideæ sunt, inquit, principales forme quedam, vel rationes rerum stabiles, atque immutabiles, quæ ipsa formæ non sunt; ac per hoc æternæ, ac semper eodem modo sese habentes, quæ in divina intelligentia continentur: Et cum ipse, nec oriuntur, nec intereant, secundum tamen eas formari dicitur quod oriri, & interire potest, & omne quod oritur, & interit, seu ut brevius loquitur Doctor in 1. dist. 35. quæst. 21. num. 12. Idea est ratio æterna in mente divina, secundum quam aliquid est formabile extra, tanquam secundum propriam rationem ejus.* Quam definitionem optimam esse sic illam expendendo demonstrat: Deus, inquit, omnia causat, vel causare potest: Non irrationabiliter: ergo rationabiliter: Ergo habet rationem, secundum quam format. Non autem eandem omnium: Ergo singula propriis rationibus format. Non autem rationibus extra se, quia non eget in efficiendo aliquo alio à se: Igitur rationibus in mente sua existentibus, quia nec in intelligendo: nec in efficiendo eget aliquo alio à se: Ergo rationibus in mente sua existentibus. Nihil autem in mente sua est nisi incommutabile, & æternum: Ergo omne formabile potest formare secundum rationem propriam sibi, æternam & incommutabilem, in mente sua existentem. Hæc autem ratio æterna, & incommutabilis, secundum quam tanquam per propriam rationem potest Deus aliquid formare, non est nisi Idea: Ergo præfata definitio optimè Idearum quadrat.

CONCLUSIO PRIMA.

Revera Deus habet Ideas rerum omnium producibilium. Hæc conclusio videtur esse de fide, siquidem colligitur ex Scriptura sacra, maxime ex illo sancti Pauli ad Hebræos 11. *Fide intelligimus operta esse sæcula Verbo Dei, ut ex invisibilibus visibilia fierent:* Id est, ut exponit S. Thomas, ut ex rationibus idealibus in Verbo Dei omnis Creatura fieret. Quam expositionem indicat sanctus Anselmus in eundem textum dicens,

Ex

Ex invisibilibus facta sunt visibilia, id est ex intellectuali mundo visibilis: invisibilis enim mundus in sapientia divina per suam ideam relucebat, & ad illius imitationem factus est mundus visibilis: eo nimirum loquendi modo quo Aristoteles 1. *Metaphy.* textu 22. dixit sonitatem quæ est in materia, esse à sanitate quæ est in anima Medici, id est à conceptu, seu arte medendi.

Colligitur pariter ex illo Joannis 1. *Quod factum est in ipso vita erat*; ex his enim verbis sanctus Augustinus eundem textum exponens colligit ideas esse in Deo, *Quid est hoc*, inquit, *vita erat*? *Facta est terra*, sed ipsa terra quæ facta est, non est vita, est autem in ipsa sapientia spiritalis: ratio quædam qua terra facta est, & hæc vita est. Deinde subdit, *faber facit arcam*, primo in arte habet arcam, si enim in arte arcam non haberet, non esset unde fabricando illam proficeret... Attendit ergo arcam in arte, & arcam in opere: arca in opere non est vita, arca in arte vita est, quia vivit anima artificis, ubi sunt ista omnia atquequam proficiuntur. Sic ergo quia sapientia Dei per quam facta sunt omnia, secundum artem continet omnia, atquequam fabricet omnia; hinc quæsumus ipsam artem, non continuo vita sunt, sed quidquid factum est vita in illo est. *Terram vides*: est in arte terra. *Cælum vides*: est in arte cælum. *Solem*, & *Lunam vides*: sunt, & ista in arte. *Sed foris corpora sunt*, in arte vita sunt.

Probatu idem ex SS. Patribus, qui rerum producibilium imagines in mente divina existentes ab æterno fuisse affirmant: in primis verò S. Dionysius libro de divinis Nominibus cap. 5. cum dixisset solem eorum omnium quæ sub sensum cadunt essentias, & qualitates, quamquam multæ sine ac diffimiles, anticipatas habere, concludit: *Certe maiore ratione in eis atque omnium causa prius constituisse omnium rerum exemplaria concedendum est...* Exemplaria autem dicimus esse essentia rerum effrictes rationes, quæ in Deo conjunctæ ante fuerant, &c. Cui concinit Origenes tomo 1. in Joannem, qui cum dixisset divinas ideas esse figuras collectionis intelligentiarum, subdit: *Opinor enim, sicut domus, & navis fabricatur, vel edificatur juxta figuras, & formas mentibus eorum qui structura præfuerint conceptas, domo navique principium jumentibus ab his figuris, & rationibus quæ sunt in artifice*. Sic universa facta fuisse juxta rerum futurarum rationes jam antea a Deo manifestatas in sapientia.

Hoc idem argumentum pluribi tractat S. Augustinus, maxime vero lib. 83. quæstionum q. 46. ubi cum dixisset ideatum visionem solis de facatis animabus, & sapientioribus esse concessam, ait. *Quis autem religiosus, ac vera religione imbutus, quamvis nondum possit hæc intueri, negare tamen audeat, imò: non etiam proficiatur, omnia quæ sunt, id est, quæcumque in suo genere propria quadam natura continentur, ut fini, Deo autem esse procreata, eorum auctore omnia, quæ vivunt vivere, atque universalem rerum incolitatem, ordinemque ipsum, quo ea, quæ mutantur, suos temporales cursus certo moderamine celebrant, summi Dei legibus contineri, & gubernari? quo constituto atque concessio quis audeat dicere Deum irrationaliter omnia condidisse? Quod si rectè aici, & credi non potest, restat ut omnia ratione sint condita: Nec eadem ratione bono qua equus, hoc enim absurdum est exstimator; singula igitur propriis sunt creata rationibus: ex quibus verbis tres sequentes formari possunt rationes eandem veritatem comprobantes.*

Quarum prima sic formari potest: Omne agens per intellectum seu ratione præditum prius habet in se imaginem illius rei quam est facturum: sed Deus est agens per intellectum: Ergo prius habet apud se rerum faciendarum imaginem, quam ideam appellamus. Minor per se constat. Major vero probatur, omnis enim causa præcontinet in se effectum secundum formam, & rationem ipsius; etenim si causa sit naturalis, in se præcontinet naturali modo formam illius effectus quem est productura, sicut ignis producens continet formam ignis producti: & consequenter si causa sit intellectualis, & agens per intellectum, etiam præcontinere debet formam rei producendæ: Non secundum entitatem, alias non cognosceret res materiales, quia rerum materialium formas agens spiritale non potest excipere: Ergo illam præcontinet secundum imaginem; at hæc imago est idea, & exemplar ipsius: Ergo Deus habet rerum ideas.

Secundæ Deus non temerè, & fortuito, sed summa ratione, & sapientia operatur, & cuncta producit: Ergo operatur juxta exemplar rei faciendæ: quam præcogitavit, & prædefinivit: at illud exemplar est idea: Ergo idæ sunt in Deo admittendæ. Consequentia patet, nisi enim Deus præcognosceret effectum, & nisi haberet for-

formam, ad cuius instar illum produceret, temerè, & cæco modo ageret, seu ut loquitur S. Augustinus, irrationabiliter omnia condidisset.

Tertia denique ratio, quam ibidem indicat S. Augustinus, formati potest in hunc modum. Singula propriis, & distinctis sunt creata rationibus, nec secundum eandem rationem formati est homo, qua formati est equus: Ergo proprias rei cuiusque faciendæ Deus in se præcontinet rationes; at illa ratio est idea: Ergo Deus habet ideas. Idem probat S. Damascenus lib. 1. de fide cap. 13. *Deus omnium auctor est: Ergo omnium quæ sunt ratione in se, & causas, hoc est ideas jam ante in ipso præbabit.*

Dices 1. S. Anselmus in Monologio cap. 29. *Satis manifestum est, inquit, in verbo per quod facta sunt omnia, non esse similitudines rerum; sed Idea est similitudo rei faciendæ: Ergo ex S. Anselmo Verbum divinum non habet rerum ideas. Insuper S. Dionysius cap. 7. de divinis Nominibus: Deus, inquit, non cognoscit res secundum ideas: Ergo falsum est ideas esse in mente divina reponentas.*

Respondet S. Anselmus velle solum quod in Verbo divino non sint rerum similitudines ab ipsis rebus desumptæ, sicut v.g. in speculo sunt imagines objectorum ab ipsis objectis emissæ, sed potius quod omnes rerum formæ, & similitudines ab ipso, & divino Verbo desumantur, & effluant. Unde subdit S. Anselmus: Verbum non est similitudo rerum: sed res sunt imitationes verbi. *Ad 5. Dionysium dico:* Illum quidem negare Deum res cognoscere in Ideis, aut extra se positis, aut à rebus ipsis mutatis; sed tantum illas cognoscit per suam essentiam habentem rationem ideæ, & exemplaris, quatenus infinitam vim habet res omnes representandi.

Dices 2. Idea est similitudo rei ideatæ, similitudo autem dicit convenientiam: sed Dei ad Creaturam, cum sit summa distantia, nulla est ibi convenientia; aut si sit aliqua, certè est minima: Ergo aut nulla est similitudo inter Ideam divinam, & creaturam ideatam, aut est minima: vel ergo non est idea in Deo, vel est secundum rationem imperfectam: sed nihil imperfectum ponendum est in Deo: Ergo nec ulla Idea.

Respondet Seraphicus Doctor in 1. dist. 35. art. 1. quæst. 1. quod triplex est simili-

tudo, Alia *Univocationis*, seu participationis, qua dicuntur similia ea, inter quæ est quoddam commune in quo conveniunt univocè, ut Petrus, & Paulus dicuntur similes in humanitate, & in albedine; quia in humanitate, & in albedine univocè conveniunt quatenus sunt homines, & quatenus sunt albi; & hæc similitudo non reperitur inter Deum, & Creaturas, quia in nullo univocè conveniunt. Alia est similitudo *imitationis*, & hæc est minima inter Deum, & Creaturas, quia in modico potest finitum imitari infinitum. Denique est similitudo *Representationis*, & expressionis, & hæc est summa inter divinas Ideas, & Creaturas ideatas, quia Ideæ divinæ Creaturas summè expriment, & representant: Unde in forma, Dei ad creaturas non est perfecta convenientia nec similitudo univocationis, & imitationis, concedo: representationis, & expressionis, nego.

Dices 3. Nobilissimus modus cognoscendi est Deo tribuendus: sed cognitio per rei essentiam est nobilior quàm per similitudinem rei; Ergo Deus cognoscit per essentiam rei, non per similitudinem: sed idea est similitudo rei, & non essentia: Ergo Deus non cognoscit per ideam: ergo in Deo non sunt ponendæ ideæ.

Respondet Idem Seraphicus Doctor, quod alia est similitudo rei causata, & accepta ab ipsa re; & hæc est species rei intelligibilis, quæ cum non ita perfecte exprimat rem, sicut res ipsa si præsens esset, ideo cognitio rei per talem similitudinem, non est ita perfecta, sicut si res ipsa præsentia videretur, & hæc similitudine non cognoscit Deus. Est & alia similitudo quæ est ipsa rei veritas ipsiusmet rei expressiva, & ejus similitudo, quæ veritas est; & cujus veritatis res ipsa potius dicenda est similitudo quàm ipse similitudo rei: & hæc melius exprimit rem quàm ipsa res seipsam exprimat, quia res ipsa accipit rationem expressionis ab illa sicut & suum esse: Unde fit quod per hanc nobilior est cognitio quàm per ipsius rei essentiam, & sic Deus cognoscit.

Dices 4. Idea non est necessaria nisi ad dirigendum in cognoscendo, & regulandum in operando: sed nihil indiget dirigente, vel regulante, nisi quod potest errare, & deviare, Deus autem nullum horum habet: Ergo frustra ponuntur ideæ in Deo.

Respondet idem: Quod regulari, & diri-

potest fieri dupliciter, ſcilicet aut per regulam differentem a directo, & regulato, & hæc admittit imperfectionem & poſſibilitatem erroris. Aut per regulam, quæ eſt idem quod regulatum, & hæc ponit impoſſibilitatem erroris: Quia enim regula errare non poteſt, & Deus eſt ipſa regula, & idea, idcirco impoſſibile eſt eum errare, & ſic patet quod idea in Deo non ponit defectum, & imperfectionem, ſed complementum.

CONCLUSIO SECUNDA.

Idea divina non eſt conceptus formalis, quem Deus habet de Creaturis: nec eſſentia divina, quatenus eſt imitabilis à Creaturis: ſed tantum quatenus eſt repræſentativa illius eſſe, quod Creatura habet ab Intellectu divino.

Hæc Concluſio tres complectitur partes, quarum probatur prima. Idea eſt forma cognita quam intuetur artifex in operando, ut ad illius ſimilitudinem opus externum molitur: ſed conceptus formalis ſeu cognitio quam habet Deus de Creaturis, non eſt idem quod ejus divinus intellectus reſpicit: ſed tantum id quo aſpicit: Ergo illa cognitio non eſt idea. Deinde, Idea habet rationem cauſæ formalis reſpectu rei ideatæ, ſeu formandæ juxta ipſam ideam: ſed intellectus habet rationem cauſæ formalis non reſpectu rei ideatæ, & extrinſecæ, ſed tantum reſpectu intellectus à quo elicitur, & quem informat ac intelligentem denominat: Ergo nec illa intellectio ſeu conceptus formalis intellectus habet rationem ideæ. Denique Idea divina variatur juxta rerum ideatarum diverſitatem: ſed divina intellectio non variatur ſecundum diverſitatem rerum à Deo cognitarum: Ergo ratio formalis Ideæ divinæ non conſiſtit in ipſa intellectione divina.

Probatur ſecunda pars: Nempe quod ratio formalis ideæ non conſiſtat in eſſentia divina quatenus eſt imitabilis à Creaturis. Si idea divina conſiſteret in hac imitabilitate, ſequeretur Creaturas non cognosci à Deo ſecundum illarum eſſe proprium, neque etiam ſecundum illarum contingentiam: at falſum conſequens: Ergo, & antecedens. *Pateſt major quoad primam ſequelam;* nam creaturæ ſolum imitantur divinam eſſentiam quoad gradus quosdam communes, & tranſcendentales putæ entis, ſubſtantię, viventis, intellectualis, aut ſimiles; quoad proprios autem modos, ac

differentias quibus illæ conſtituuntur ultimæ, & à Deo, & inter ſe differunt, atque in quibus limitationem imperfectionemque involvunt, divinam eſſentiam non imitantur, ſed ab ea recedunt eique diſſimiles ſunt: Ergo ſi in eſſentia divina repræſentantur, & cognoscuntur Creatura ſolum quatenus eam imitantur, non repræſentantur, & cognoscuntur in ea ſecundum proprium eſſe. *Pateſt etiam quoad ſecundam partem,* idea namque repræſentat ideatum ſecundum illius entitatem, non autem ſecundum illius contingentem eſſentiam; ſive enim res exiſtat ſive non, ſemper ſimilis eſt ſuæ ideæ, tam enim domus ædificanda quàm ædificata ſimilis eſt ideæ artificis: Ergo ſi ratio ideæ conſiſtat in imitabilitate divinæ eſſentię à Creaturis, non repræſentabit Creaturas ſecundum omnes illarum ſpeciales differentias, neque ſecundum earum contingentiam: quod eſt contra rationem ideæ. Deinde: Si imitabilitas cauſæ ſecundum ejus naturam conſtitueret rationem formalem ideæ, ſequeretur ſubſtantiam ignis generantis dici poſſe ideam ignis geniti; quia ignis genitus naturam ignis generantis imitatur, non ſolum æquivocè, & extrinſecè, ſed univocè, & perfectè.

Nec reſert quod illa imitatio ignis fiat abſque cognitione; idea autem debeat concurrere ad formandum imitatum prævia cognitione, eo quod imitabilitas rei ſit artificialis. *Reſpondeo* namque cognitionem extrinſecam eſſe ad imitabilitatem idealem; quantumvis enim cognoscatur idea, non propterea aliquid dicitur ideatum niſi aſſimiletur ideæ artificialiter: Hinc licet homo generans hominem ſibi ſimilem cognoscat, & velit illam ſimilitudinem, non ideo natura generantis dicitur concurrere ad generationem per modum formæ artificialis, & idealis, quia non concurrat quatenus repræſentat hominem generandum, ſed tantum quatenus eſt naturalis ejus ſimilitudo. Similiter quantumvis divina eſſentia ſit principium divinæ generationis Filii, & divinus Pater ſciens & volens aſſimilet ſibi Filium divinum, non tamen hæc aſſimilatio eſt idealis, & artificialis, ſed merè naturalis, quia non ſit ab eſſentia præciſe quatenus eſt principium repræſentativum, ſed tantum quatenus eſt principium ſecundum: Ergo à ſimilitudine quantumvis Creaturæ aſſimilatio cum eſſentia divina ſit à Deo cognita, & volita, non
pro-

propterea hæc assimilatio erit idealis, & artificialis.

Denique: Si Essentia divina esset idea quatenus est imitabilis à Creaturis, & ut habet respectus sive reales, sive intentionales ad Creaturas imitaturas; vel haberet rationem ideæ quatenus præcisè essentia est simul cum his respectibus; vel quatenus illos tantum respectus connotat; vel denique illi soli respectus haberent rationem formalem ideæ: sed neutrum dici potest. *Non primum*, alioquin idea non esset unum per se, sed tantum unum per accedens, sicque non posset representare ens per se faciendum: *Non etiam secundum*, quia prius intelligitur idea quam intelligantur illi respectus connotati; priusnamque concipi debent extrema relationis quam concipiat relatio: adeoque prius concipi debet Essentia Dei ut imitabilis, & creatura ut imitativa, quam concipiat relatio imitabilitatis. *Non etiam tertium*, quia ideatum debet esse simile ideæ; Creaturæ autem producendæ ad extra non sunt formandæ juxta similitudinem eorum respectuum: adeoque Essentia divina non habet rationem ideæ quatenus est imitabilis.

Probatur tertia pars: Nempe quod ratio divinæ Ideæ sit ipsemet divina Essentia, quatenus est representativè esse cogniti Creaturarum: Probatur, inquam, primò auctoritate Doctoris Subeilis in 1. *dist.* 35. *quest.* unica, n. 13. ubi cum exposuisset definitionem ideæ, & rejecisset sententiam Aristotelis imponentis Platoni, quod assereret esse rerum quidditates existentes per se, concludit, Ideam esse ipsammet Essentiam divinam, quatenus representativa est esse cogniti, quod habent Creaturæ ab intellectu divino.

Licet enim Doctor ibidem asserere videatur illud esse cognitum, quod habent Creaturæ ab intellectu divino, esse ipsarum Creaturarum ideam; non tamen vult illud esse cognitum formaliter consideratum, & quatenus solum est denominatio extrinseca resultans in Creatura ex cognitione divini intellectus esse formaliter ideam ipsius Creaturæ; hoc enim esse cognitum est purum ens rationis; Ideæ autem divina, est quid reale in Deo existens. Adeoque non censet Doctor rationem ideæ formaliter consistere in illo esse cognito, sed in Essentia divina quatenus est representativa illius esse possibilis Creaturarum. Quod ipsemet ex-

plicit in 4. d. 50. qu. 3. num. 4. ubi cum dixisset ideam non esse respectum essentiae divinæ ad extra, concludit: *Operis ergo quod per illam essentiam, quæ perfectissime omnia representat, quæ ut sic representans illa ut objecta cognita, habet rationem ideæ.*

Deinde sibi objiciens ibidem, quod non possit representari illud esse cognitum nisi prius habeat esse: Ergo nisi prius supponat exemplar, à quo, & unde productum sit sub ratione propria, & determinata, & consequenter non potest prius representari, quam habeat ideam: Respondet. *Dico quod falsum est, imò ipsa Essentia est exemplar illimitatum.* Et ista est prima ratio in esse cognitio, non autem alia ratio, quæ prius debet esse cognitum, ut dictum est in primo libro: *Et hæc magis determinatè representat, quam aliquid limitatum nedum extra existens, imò quam aliquid intra.* Quibus Doctor tria significat: Primum, quod illud esse cognitum per se non habeat rationem ideæ. Secundum, quod habeat tantum rationem ideæ, quatenus representatur in essentia divina: Tertium, quod ipsa divina essentia vim infinitam habeat res omnes representandi secundum earum esse proprium, in qua virtute formaliter consistit ratio ideæ.

Probatur 2. In illo formaliter statuenda est ratio Ideæ divinæ, quod Deus intuetur in rebus creandis, & producendis ad extra; sed solam suam divinam Essentiam quatenus est rerum creabilium representativa intuetur: Ergo divina essentia, quatenus est rerum representativa, habet rationem formalem ideæ. Major constat, Minor verò probatur: Si Deus conspiceret aliud præter suam essentiam, ut rerum creabilium representativam, maximè vel res ipsas, vel ipsam divinam essentiam ut imitabilem, vel suam divinam cognitionem, ut rerum producendarum apprehensivam; sed neutrum dici potest. *Non primum*, quia res ipsæ non possunt immediatè, & per se movere, ac determinare divinum intellectum, ut sæpius probatum est. *Non etiam secundum*, quia essentia divina ut imitabilis non potest representare proprias, ac singulares creaturarum rationes, quas illa formaliter non continet, & secundum quas consequenter non est per se imitabilis à creaturis: *Non etiam tertium*, quia divina intellectio non habet rationem objecti quod, sed tantum objecti quo Deus ideam inspicit, ut ad ejus similitudinem

dinem res extra se producat: Ergo restat ut sola divina essentia, quatenus est rerum omnium repræsentativa, habeat verè, & realiter rationem Idææ divinæ.

Dices 1. In eo statuenda est ratio formalis Idææ, ad cuius imitationem immediate fit opus; sed opus divinum fit immediate ad imitationem cognitionis divinæ, non autem ad imitationem essentia divinæ quatenus repræsentativæ rerum: Ergo in ipsa cognitione, seu conceptu formali statuenda est ratio formalis idææ. *Major* patet ex supra dictis. *Minor probatur:* quia non minor est virtus agentis divini, quam creati; sed aliquando artifices operantur ex solo mero conceptu formali sui operis, non autem ex apprehensione alicujus conceptus objectivi; ut manifestum videtur non solum in his artificibus qui suum opus tanta celeritate expediunt, ut non videantur de externo exemplari, & de ipso opere simul posse cogitare. Quis enim dixerit agilem scriptorem ad alios characteres, quam quos ipse scribit, & pingit, suam in scribendo cogitationem convertere? Sed etiam idem constat in iis, qui artificialis alicujus novi operis nunquam antea viderunt inventores; adeoque nullum aliud simile quod imitentur, propositum habent. Unde fit ut illi artifices, qui externo, & objectivo exemplari opus habent, illo egant ex imperfectione operantis, non verò ex ratione agentis per ideam. Ergo cum in Deo nulla sit imperfectio, sed tum in essendo, tum in operando quodlibet agens creatum excedat, hinc fit quod nulla alia opus habeat idea præter suum conceptum formalem.

Nego minorem: & ad ejus probationem, nego pariter conceptum objectivum solum desiderari in artificibus propter illius imperfectionem; quamquam enim id forte verum esset in creatis, eo quod nobis naturaliter non insit aliquod objectum primum, in quo cætera liceat inspicere; unde fit ut ab ipso opere futuro in se non moveatur noster intellectus: Insuper, licet etiam ille defectus exinde contingat, quod noster intellectus nondum sibi comparaverit speciem illius rei, quæ faciendâ est; unde fit, ut opus sit externum aliquod exemplar aspicere, ad cuius imitationem fiat opus. Hæc tamen à divino intellectu longè absunt, siquidem nec moveri potest a rebus ipsis, nec ab aliquo exemplari ex-

tra Deum, sed tantum in sua essentia, ut in objecto primo, atque immediato omnia contemplatur: Atque ita ex summa ipsius perfectione evenit, ut suam essentiam tanquam omnium factibilium exemplar objectivum, ac ideam intueatur, & imitetur in operando: & consequenter licet aliquando artifices creati non habeant rei faciendæ aliud exemplar objectivum in intellectu, sed solum suum conceptum formalem; nihilominus Deus supremus rerum artifex suam semper essentiam tanquam objectum ideale inspicit, ut secundum illius repræsentationem res quaslibet producat.

Dices 2. Creaturæ divinam imitantur essentiam quatenus eminenter illas continet: sed tantum illas eminenter continet ut est participabilis ab illis: Ergo divina essentia tantum habet rationem idææ creaturarum quatenus est ab illis participabilis.

Distinguo minorem: Creaturæ divinam essentiam imitantur prout eminenter illas continet, si illa eminentialis continentia usurpetur pro illius infinita vi repræsentativa ejus quod continet, concedo: Si sumatur tantum pro supereminenti gradu entitatis, in qua Deus encibus omnibus aliis præcellit, nego: & sic concessa minore neganda est consequentia. Fateor itaque divinam essentiam idcirco creaturarum esse repræsentativam, & habere rationem idææ objectivæ respectu earum, quia cum sit infinita in sua entitate, omnesque proinde aliarum entitatum perfectiones sine imperfectione complectatur, vel formaliter, vel eminenter, aut virtualiter, etiam & earum est repræsentativa. Ratio tamen formalis idææ præcisè non consistit in illa continentia formali, aut eminentiali, aut naturali; sed tantum in infinita vi repræsentativa.

Instabis: Non potest essentia divina habere rationem repræsentandi Creaturas, nisi Creaturæ illæ prius supponantur habere esse, quod in essentia repræsentetur, & consequenter nisi prius habeant ideam: Ergo non potest habere rationem idææ, quatenus est repræsentativa: Consequentia patet: Probatur *antecegens:* Nihil repræsentatur nisi quod est; quidquid autem est, supponit ideam sui, maxime si fiat per ideam. Si autem jam sit, ultra non indiget idea ut fiat: Ergo Creaturæ priusquam habeant esse repræsentatum in essentia divina, jam sup-

supponuntur in se habere aliquod esse; ac proinde habere aliquam sui ideam: & consequenter ipsa divina essentia, quatenus representativa non potest habere rationem ideæ.

Distingo antecedens: Nisi Creaturæ supponant habere esse verum reale, & ideatum, nego: Esse cognitum, nimirum per solam denominationem extrinsecam intellectus divini Creaturas producendi in esse primo possibili, concedo. Itaque Creaturæ concipi possunt hoc in quadruplici statu, in quorum primo ab intellectu divino accipiunt esse primo cognitum: In secundo habent ex se ipsis, quod non repugnet ut existant: In tertio concipiuntur habere respectum rationis ad omnipotentiam divinam à qua possunt accipere existentiam: In quarto autem habent esse representatum in essentia divina, quæ cum habeat vim infinitam representandi, representat illas Creaturas possibiles; non solum secundum illarum esse cognitum; nec tantum secundum illarum non repugnantiam ad existendum; nec denique tantum ut dicunt respectum ad omnipotentiam divinam à qua produci possunt: sed maxime secundum illud esse ideale, quod revera habent in Deo antequam producantur, & juxtaquod aliquando producentur.

Dices 3. Illud habet rationem ideæ in divina mente, quod proportionem servata, idea est in mente artificis creati; sed in mente artificis creati res ipsa concepta ab artifice habet rationem ideæ: Ergo etiam Creaturæ ut ab intellectu divino apprehensæ, habebunt rationem ideæ exemplaris. *Major* patet, tum ex S. Augustino, tum ex aliis Patribus dicentibus Creaturas esse in mente divina, sicut domus est in mente artificis. *Minor* verò probatur, etenim domus concepta ab artifice est idea domus construendæ, ut jam dictum est ex Aristotele.

Nego Minorem: Idea enim in mente artificis non est revera ipsum opus externum ut ejus menti objectum: sed est aliquod verbum, seu dictamen practicum, quod in suo intellectu format de opere artificiali faciendo. *Ad probationem* autem dico, quod quando Aristoteles, vel alii Philosophi affirmant ideam artificis esse rem ipsum cognitam, quatenus ad extra formandam: intelligendi sunt de re non in suo proprio, & naturali essendi modo,

sed in alio, nempe intelligibili, quem habet in intellectu.

CONCLUSIO TERTIA.

IN Deo non sunt plures Ideæ realiter, aut formaliter distinctæ: sed tantum denominative. Hæc Conclusio duas habet partes, quarum probatur prima. Divina essentia, ut probatum est, habet rationem ideæ, quatenus est representativa Creaturarum: sed ut sic non est, nec formaliter, nec realiter à se distincta. Ergo nec ideæ sunt realiter, aut formaliter distinctæ. *Major* patet. *Minor* probatur: Primo quidem quod illæ diversæ rationes ideales non distinguuntur realiter, in Deo enim nulla est distinctio realis, & entitativa, nisi ubi intervenit relationis oppositio, qua fit ut tres divinæ Personæ realiter invicem distinguantur: sed Ideæ divinæ non pertinent ad relationes Personales, neque ad notionalia; Ergo inter illas nequit esse distinctio realis. Patet etiam eadem minor quantum ad distinctionem formalem: Siquidem distinctio formalis intercedit inter diversas formalitates invicem formaliter distinctas, & quarum una non est formaliter alia etiam secluso quolibet intellectu conceptu; sed ipsa divina essentia quatenus est representativa hominis, non est à parte rei formaliter à seipsa distincta, quatenus est representativa Angelis; alioquin in eadem essentia sub ratione essentiali, infinite essent formalitates, sicut infinite sunt Creaturæ possibiles; quod cum sit absurdum, etiam & absurdum est illud unde sequitur.

Probatur secunda pars: Primo quidem ex Scriptura, & ex sanctis Patribus, qui de divinis Ideis quasi de pluribus loquuntur: in primis enim S. Paulus ad Hebræos 11. *Fide*, inquit, *intelligimus operta esse: seculum verbo Dei, ut ex invisibilibus visibilia fierent.* Ubi per invisibilia, rerum ideas significari supra diximus. Item S. Dionysius à nobis prima conclusione laudatus, affirmat in Deo dari exemplaria rerum, quæ nominat rationes substantificas existentium prædeterminativas. Et S. Augustinus ibidem laudatus disertè ait: *Omnia ratione sunt condita, nec eadem ratione homo qua equus, hoc enim absurdum est existimare: Singula igitur propriis creata sunt rationibus.* Quibus verbis idearum diversitatem, & multipliciter significat. Id pariter suadet ratio: Si-

cut enim res faciendæ seipſis diverſæ ſunt, propriisq; ac ſpecialibus habent charactereſ, quibus invicem diſtinguantur; ita pariter diverſas habere debent ideas, ad quarum ſimilitudinem ſe ſolentur: Non quidem diverſas intrinſecè, & ſecundum diverſam entitatem aut formalitatem: Ergo ſaltem debent eſſe diverſæ extrinſecè, denominativè, ac ſecundum diverſum reſpectum rationis, quem divina Eſſentia, ut infinite repræſentativa, dicit ad res omnes repræſentatas.

Ex his collige 1. Dari omnium rerum Ideas tam poſſibilem quàm futurarum, eodem modo enim, inquit Doctör in 2. diſt. 39. q. 5. nu. 7. ſunt *idea poſſibilem non futurarum, ſicut futurarum quia differentia eſt poſſibilem non futurarum à futuris, non eſt niſi per actum voluntatis divine: Ergo idea futuri poſſibilis non magis repræſentat illud futurum eſſe quàm idea poſſibilis non futuri. Præterea, non magis repræſentabat idea futuri ipſum ponendum eſſe in hoc nunc, quàm in illo.* Quibus Doctör indicat ideam propriè, & maximè repræſentare res poſſibiles ſub determinato ſtatu poſſibilitatis; quia, ut ſupra dixerat, ideæ merè naturaliter repræſentant illud quod repræſentant, & ſub naturali ratione ſub qua aliquid repræſentant: quia ideæ ſunt in intellectu divino ante omnem actum voluntatis divine, ita quod nullo modo ſunt ibi per actum voluntatis divine: ſed quicquid naturaliter præcedit actum voluntatis, eſt merè naturale: & conſequenter ratio ideæ maximè verſatur in repræſentatione rerum ſecundum illarum eſſe poſſibile.

Collige 2. In Deo eſſe Ideas rerum omnium producibilem, ſive materialium, ſive ſpiritualium, ſive univerſalium, ſive ſingularium: Cum enim idea ſit forma ad quam reſpiciens agens operatur, neceſſum eſt ut omnium rerum quæ formari poſſunt, etiam ſingulæ habeantur ideæ: alioquin Deus aliquid fortuito, & ſine præviſione ac præcognitione produceret, quod aſſerere impium eſt, & ſacrilegum, inquit S. Auguſtinus.

Collige 3. Quod etſi Filius, & Spiritus ſanctus verè Producantur, nihilominus non habent ſuæ productionis ideam: Tum quia idea habet rationem cauſæ exemplaris reſpectu ideati: ſed divina Eſſentia, non eſt cauſa Filii aut Spiritus ſancti: Ergo habere nequit rationem ideæ in

generatione Filii, nec in proceſſione Spiritus ſancti. Tum quia idea eſt forma quam inſpiciens artifex operatur: ſed Pater divinus non eſt artifex in generatione Filii, nec operatur per modum artificis, quia non eſt ejus cauſa, ſed principium: Ergo Pater non habet ideam in generatione Filii: idem dicendum de productione Spiritus ſancti. Tum denique quia Idea eſt repræſentatio formalis rei quæ nondum eſt: ſed Filius, & Spiritus ſanctus non poſſunt repræſentari antequam ſint, cum nullatenus habere poſſint rationem entis poſſibilis: Ergo pariter illorum productio non ſupponit ideam.

Quæſt. 1. An Deus habeat Ideam peccati.

Reſpondeo cum S. Bonaventura in 1. diſt. 36. quæſt. 1. Peccatum conſiderari poſſe dupliciter; nimirum *formaliter* ſub ratione peccati, & quatenus eſt earentia rectitudinis debite actui, vel *materialiter* quatenus nimirum eſt actus poſitivus, & phyſicè elicitus: Certum eſt autem illum peccaminofum, & materialiter ac phyſicè conſideratum habere ſui ideam in Deo: quia reverà Deus ad productionem phyſicam illius actus concurrit, cumque in ſe realem habeat entitatem, etiam in Deo veram ſui debet habere ideam, & ſimilitudinem.

Reſpondeo 2. Peccatum formaliter conſideratum, & quatenus eſt malum morale, nullam ſui ideam habere, nec ullatenus eſſe in Deo, *Quia*, inquit S. Bonaventura laudatus, *omne quod eſt in Deo, eſt in illo vel ſicut in principio producente, vel ſicut in exemplari exprimente, vel ſicut in conſervante*; ſed nullo modo ex iſtis mala formaliter ſumpta ſunt in Deo: Ergo, &c. Probatur *minor*, quia Deus non eſt principium producens mala formaliter ſumpta, ſeu peccata, ut conſtat ex Fide: Producere enim peccata eſt peccare, peccare autem eſt deſicere à rectitudine, & deviare à bonitate divina: atqui Deus non poteſt recedere à ſua bonitate, cum ſit bonitas per eſſentiam: Ergo non poteſt peccare: Ergo nullo modo poteſt eſſe principium producens peccata, ſeu mala formaliter ſumpta. Deus etiam non eſt exemplar exprimens mala, quia ratio exemplaris attenditur ſecundum aſſimilationem; Dei autem à mala nulla eſt aſſimilatio. Non eſt etiam

excm.

exemplar Deus nisi illorum quæ ipse potest producere: at Deus peccata non producit: Ergo mala formaliter sumpta nullo modo sunt in Deo.

Dices 1. Deus cognoscit intra se mala, quia Deus nihil cognoscit extra se: Ergo mala sunt in Deo. Consequentia patet, quia omne quod cognoscitur in aliquo, est in illo in quo cognoscitur.

Negat consequentiam S. Bonaventura: Plus enim, inquit, esse in Deo significat, quam cognosci à Deo, vel in Deo; nam ad hoc quod aliquid cognoscatur à Deo, vel in Deo, satis est quod in Deo sit ratio cognoscendi illud: sed ad hoc ut aliquid sit in Deo, requiritur quod Deus sit exemplar illius: quare licet Deus cognoscat mala in seipso, ex hoc non sequitur quod mala sint in Deo, quia illa cognoscit per bona opposita, ut ab ipsis bonis deficientia. Ex quo patet quod in illa consequentia committitur fallacia consequentis, quia arguitur à positione consequentis ad positionem antecedentis.

Dices 2. Omne quod cognoscitur in aliquo, & non per accidens, est aliquo modo in illo sicut in exemplari: sed mala cognoscuntur in Deo, & non per accidens, quia Deus nihil cognoscit per accidens, sed omnia cognoscit per se: Ergo mala sunt in Deo.

Respondet quod cognosci per accidens potest esse dupliciter, aut à parte cognoscentis, aut à parte cogniti. In Deum nulla cadit cognitio per accidens à parte ipsius Dei cognoscentis, quia Deus omnia cognoscit seipso: tamen cadit à parte cogniti utpote mali, quia Deus cognoscit malum non per similitudinem sui, sed per similitudinem boni oppositi: similitudo enim est principium cognoscendi simile, & dissimile.

Dices 3. Quod cognoscit aliquid, & illud non cognoscit per privationem, cognoscit illud per similitudinem, & ideam: sed Deus cognoscit mala, & illa non cognoscit per privationem; quia in Deum nulla cadit privatio, cum sit purus actus: Ergo Deus cognoscit mala per similitudinem, & ideam in Deo: Ergo mala sunt in Deo sicut in exemplari.

Respondet quod cognoscere per privationem sit dupliciter. Aut ita quod privatio sit in ipso cognoscente, sicut oculus cognoscit tenebras quando est privatus luce, & nihil videt, Auris cognoscit silentium

quando nihil audit: & hoc modo cognoscere per privationem, dicit imperfectionem, & non convenit Deo, quia Deus nunquam est privatus luce, nec cognitione. At ita quod privatio sit in cognito, & non in cognoscente; sicut si lux haberet cognitionem, per seipsam cognosceret tenebras, quia cognosceret rem privatam luce, non quod illa privatio sit in ipsa luce, sed in re cognita: & hoc modo cognoscere per privationem non dicit imperfectionem ex parte cognoscentis: & hoc modo Deus dicitur cognoscere mala per privationem, quia cum ipse sit actus purus, & lux, & veritas, per seipsum cognoscit positivè bonum, & negativè malum, quia cognoscit in quo deficit malum à bono.

Quæres 2. An Deus habeat Ideas rerum imperfectarum.

R. Respondet 1. S. Bonaventura ibidem quod 2. Res imperfectas formaliter consideratas nullam sui præsupponere ideam; cum enim imperfectio formalis sit carentia, & privatio alicujus perfectionis debite, nulla haberi potest in Deo: *Privatio, inquit, non est ens, nec per consequens est aliquid à Deo factibile, nec assimilabile ipsi:* Ergo non habet ideam in Deo, quia idea dicit rationem similitudinis.

Respondet 2. Imperfecta entitative considerata aliquam sui ideam habere, *Quia, inquit, omnis effectus assimilatur suæ causæ aliqua assimilatione.* Ergo illud omne quod est à Deo, assimilatur Deo: sed imperfecta materialiter sumpta sunt à Deo, quia ut sic sunt entitates positivæ: Ergo ut sic assimilantur Deo: Ergo ut sic habent ideam, non quidem imperfectam, sed perfectissimam. Quia sicut non viventium est in Deo idea vivens, & corporaliū spiritualis, & temporalium æterna; sic, & omnium imperfectorum entitative consideratorum est idea perfecta, quia idea sequitur naturam subiecti in quo est, non autem rei ideatæ à qua sumit tantum distinctionem repræsentandi, quia distinctè illam repræsentat.

Dices: Illa solum habent ideam quæ posunt esse à Deo: sed imperfecta, quocumque modo fiantur, non possunt esse, nec fieri à Deo; quia *Dei perfecta sunt opera*, ut dicitur Deuter. 32. Ergo imperfecta nullo modo habere possunt ideam.

Respondet.

Respondet Seraphicus Doctor quòd omnia imperfecta quæ habent rationem entis qualia sunt materia, partes compositi sub ratione partium, & alia hujusmodi, sunt à Deo ipsique assimilantur secundum illam rationem entis, quæ consequenter dicit aliquam perfectionem, & ideo hujusmodi imperfecta secundum id quod sunt, putà quatenus entia, habent esse in Deo. *Deinde*, Deus perficit imperfecta v.g. materiam per formam, & partes per totum, quia igitur dat Deus imperfectis esse perfectum, ideo omnia Dei opera sunt perfecta.

Quæres 3. An esse Idem quod Creaturæ habent in Deo, sit præstantius quàm esse Entitativum quod habent in seipsis.

R *Espondet* idem Seraphicus Doctor *ibidem art. 2. quæst. 2.* hanc quætionem intelligi posse dupliciter, ita quòd sit sensus. An res verius esse habeant, vel quando sunt in cognoscente, & producente, vel quando sunt in seipsis. Aut ita quòd quælibet res conferatur cum sua similitudine, quæ est in Deo, ut sit sensus, quid habeat esse verius, & nobilius, quàm ipsa res, vel ejus similitudo. His prænotatis,

Dicit 1. Quòd si res comparentur ad seipsas secundum diversum modum existendi, tunc verius esse habent in proprio genere, quàm in Deo. Ratio est, quia res verius esse habent, ubi sunt simpliciter, quàm ubi sunt tantum secundum quid; sed in proprio genere sunt simpliciter, quia sunt secundum propriam entitatem, in Deo verò sunt tantum secundum quid, quia sunt secundum esse cognitum: Ergo, &c. *Insuper*, res verius esse habent, ubi sunt secundum principia intrinseca, & proxima, quàm ubi sunt in principio extrinseco, & remoto: sed in proprio genere sunt secundum principia intrinseca, in Deo autem ut in principio extrinseco: Ergo, &c.

Dicit 2. Quòd si quælibet res conferatur cum sua similitudine, quæ in Deo est, tunc similitudo rei verius, & nobilius esse habet in Deo, quàm ipsa res habeat in proprio genere. Ratio est, quia in Deo similitudo cujuslibet rei idem est, quod ipsa essentia divina.

DISPUTATIO SECUNDA.

De Voluntate Divina.

Divinum Intellectum lumine sapientiz, ac scientiz radiantem ordine naturæ sequitur divina Voluntas, secunditatis oceanus, libertatis origo, sanctimoniz sacrarium, virtutum augustale, totius denique boni fons uberrim in omnes effluens. Cujus ut plana pleneque, quantum humanitus fieri potest, habeatur ratio, Disputatio præsens distribuenda est tres in articulos. In quorum *Primo* ipsa divina Voluntas generatim delineabitur. In *Secundo* explicabitur ipsius libertas. In *Tertio* denique omnes illius dotes, ac præcellentiz referabuntur.

ARTICULUS PRIMUS.

De Divina Voluntate generatim.

Neminem Sapientum latet, nomine Voluntatis, significari vim illam ingenitam substantiz intellectivæ, quæ prævia cognitione bonum profequitur, averfatur malum, finem intendit, & media ad ipsius affectionem convenientia eligit, ordinat, & amplectitur. Ut ergo divinæ Voluntatis perfecta habeatur notitia, tria maxime hoc in articulo proponenda simul, & resolvenda sunt. Primum quidem, an, quid, & quoruplex sit divina Voluntas. Secundum quodnam sit illius objectum, tam primum, quàm secundarium. Tertium denique, quot & quanam sint illius actus.

QUÆSTIO PRIMA.

An, quid, & quoruplex sit Divina Voluntas.

Notandum 1. Fide supernaturali constare Deum esse voluntate præditum, ipsamet enim scriptura sacra pluribus encomiis, divinam Voluntatem celebrat, ipseque adorandus Salvator suos Discipulos edocet, ut inter orandum Patrem divinum his verbis interpellent, *Fiat voluntas tua sicut in Cælo, & in Terra*, & imprimis fideles Romanos hortatur. Apostolus cap. 12. ut *Probent quæ sit*

voluntas Dei bona, beneplacens, & perfecta. Id ipsum confirmant illa omnia Concilia, quæ adversus Monothelitas duplicem in Christo Domino voluntatem, divinam videlicet, & humanam esse decreverunt. Unde fit, ut nullus absque hæresis labe voluntatem Deo denegare possit. Solum itaque superest hic resolvendum, an ipsa divina voluntas etiam ratione naturali innotescere possit, & demonstrari.

Notandum 2. Ex S. Bonaventura in 1. dist. 45. art. 1. *quest. 1.* divinam Voluntatem in Scripturis sacris usurpari dupliciter, *Proprie* videlicet, & *Metaphorice*. Priori modo significatur ipsa Dei complacentia, & virtus, qua bonum prosequitur, malum averfatur, & finem intendit. Posteriori modo designatur aliquod æternum ipsius divini beneplaciti signum, quo fit ut Dei præcepta, prohibitiones, & consilia, &c. Dei voluntates appellentur, eo scilicet modo, quo testamentum alicujus vocari solet ultima ipsius voluntas. *Rursus* priori modo usurpata voluntas duplex iterum distingui potest, nimirum voluntas, quæ est facultas, & *potentia volens*, & voluntas quæ est *volitio*, & operatio facultatis volitivæ. Prior dicitur actus primus. Posterior verò actus secundus volitionis appellatur. An autem hæc utraque voluntas in Deo sit admittenda, controversia non levis est inter Auctores, quæ ut facilius solvatur,

Notandum 3. Divinam Voluntatem considerari posse dupliciter. Primò quidem *Essentialiter*, & quatenus dicit ordinem ad objectum volitum intra Deum ipsum. Secundo *Notionaliter*, prout dicit ordinem producentis ad productum nimirum ad Spiritum sanctum. Priori modo communis est tribus adorandis Personis. Posteriori verò tantum Patri, & Filio divino convenit. Priori modo, dicitur tantum operativa. Posteriori verò productiva appellatur, quia reverà est principium, quo Pater, & Filii spirant, & producant Spiritum sanctum. Nullus Theologorum denegat voluntatem divinam Notionaliter usurpata, habere veram rationem potentie, an autem etiam vera potentia sit appellanda, quatenus usurpatur essentialiter, & distinguitur saltem formaliter à volitione actuali, sicut actus primus ab actu secundo, hic est resolvendum, sed prius fit

CONCLUSIO PRIMA.

Ratione naturali constat Deum habere Voluntatem.

Probatur primò à Doctore Subtili in 1. distinctione 2. *questione 2. num. 20.* Primum agens necessario debet esse intelligens: Ergo debet intellectu, & voluntate esse præditum. *Minor* constat. Probatur *Major*. Primum agens necessario debet intendere finem, & eligere, ac ordinare media ad illius consecutionem: sed hæc exequi non potest nisi finem cognoscat, & velit, nec hæc exequi nisi habeat intellectum, & voluntatem: Ergo utrumque necessario debet habere. *Major* patet. Tum quia omnis natura tendit in finem, non quidem per se, sed per directionem Superioris, ac primi Agentis, & consequenter primum Agens debet intendere finem ad quem ipsam naturam dirigit, & ordinat. Tum quia primum Agens ordinate agit, & consequenter suas omnes actiones in finem dirigit. Probatur *Minor*, Primum agens tendit in finem, vel ex naturæ impetu, vel per illius cognitionem, & amorem: sed non tendit in finem ex naturæ impetu, hoc enim imperfectionem sonat: Ergo per amorem, & cognitionem, adeoque per intellectum, & voluntatem.

Secundò, Aliquid causatur contingenter: Ergo prima causa contingenter causat: Ergo volens causat. Probatur prima consequentia, Causa secunda non agit nisi in quantum movetur à prima: Ergo dum agit contingenter, necessum est quod contingenter moveatur. Probatur secunda consequentia, nullum est principium operandi contingenter nisi voluntas, vel aliquid concomitans voluntatem, quod enim aliter operatur, agit tantum ex necessitate naturæ, & ideo non agit contingenter: Ergo causa, quæ contingenter operatur, necessario debet esse volens, adeoque habere voluntatem.

Tertiò, Perfectissimo agenti tribui debet perfectissimus operandi, & causandi modus; sed modus causandi per voluntatem longè perfectior est quam modus agendi per naturam; Agens enim naturale non agit cum dominio suorum actuum, nec scilicet dirigit ad finem, sed ab alio dirigitur, sicut sagitta à sagittario. Agens verò liberum & voluntarium seipsum in finem diri-

dirigit, & habet dominium suorum actuum: Ergo hic modus agendi per voluntatem est Deo tribuendus.

Dices 1. Ix S. Augustino lib. de libero arbitrio. *Voluntas est rationalis motus sensui præfatus, & appetitus.* Et in lib. de duabus Animabus, *Voluntas est animi motus ad aliquid profectendum, vel fugiendum;* sed in Deo non est motus, nec sensus, nec appetitus, nec profectio, nec fuga: Ergo nec voluntas.

Resp. S. Augustinum intelligendum esse de voluntate creata, non autem de increata, quæ his imperfectionibus non subiacet.

Dices 2 Ibi non est voluntas, ubi non est objectum voluntatis; sed in Deo non est objectum voluntatis: Ergo nec voluntas. Probat *minor*. Bonum est objectum voluntatis, sicut enim verum est objectum cognitum, ita bonum est objectum volitum; sed in Deo non est bonum ut objectum volitum; Bonum enim, & finisidem sunt, nihil autem in Deo potest habere rationem finis. Tum quia Deus non potest habere finem, Tum quia finis est causa realis, in Deo autem nihil habet rationem causæ realis. Tumdenique quia, inquit Doctor in 1. dist. 1. q. 5. n. 6. *Respectu nullius est causa finalis aliqua, nisi respectu cuius est causa efficiens, quia causalitas causæ finalis est movere efficiens ad agendum, Dei igitur ineffabilis nihil est causa finalis, quia in ipso nihil dependet ab alio tanquam à causa:* Ergo in Deo non est finis, adeoque nec bonum ut volitum, nec consequenter objectum voluntatis, nec proinde in eo est voluntas.

Nego maiorem, & ad illius probationem dico, duplicem distingui posse finem, nimirum finem volitum, & finem volitorum. Prior est in quem tendit agens, posterior est ad quem agens ordinat ea quæ vult. Prior quidem non est in Deo, quia Deus non tendit in aliquem finem extraneum, cum sit ipse omnium finis non habens finem, sicut est principium omnium absque principio. Posterior autem verè intenditur à Deo, quia omnes Creaturas, quæ sunt objecta volita, dirigit, & ordinat ad seipsum, tanquam ad ultimum omnium finem, seu ut loquitur Doctor laudatus: *Deus agit propter finem effectus, non propter finem sui, quia non est egeus sui*, quod sufficit, ut verè dicatur in Deo esse verum finem tanquam objectum volitum.

Dices 3. Voluntas est ad opposita: sed in Deo non potest esse voluntas ad opposita: Ergo nec voluntas. *Major* patet ex Philosophia. Probat *Minor*, Voluntas ad opposita est contingens, & variabilis; sed in Deo nulla est contingencia, nec varietas: Ergo, &c.

Respondet Seraphicus Doctor supra laudatus, negando minorem, & illius probationem distinguit, in Deo nulla est varietas, nec contingencia in actu, concedit, in effectu, negat. Certum est quidem nullam esse contingenciam in actu divinæ voluntatis, hic enim cum sit idem realiter cum ipsa voluntate, & substantia Dei, non potest ullatenus variari, sicut nec ipsa divina voluntas, & substantia, sed ab æterno voluntas divina est in uno, & eodem actu uniformi volenti, quod vult. Sed est varietas, & contingencia in effectu, multa enim facit Deus, quæ posset non facere, & non velle, adeoque illa facit, & vult contingenter.

Dices 4. Voluntas est appetitus naturæ intellectivæ, quo fertur in bonum sibi consentaneum; sed in Deo non est appetitus, quia appetitus est inclinatio ad bonum non habitum, ac proinde supponit carentiam boni appetitum terminantis, in Deo autem nulla est boni carentia, cum sit ipse summum bonum, & totius bonifons, & origo: Ergo nec in Deo est voluntas.

Distinguo maiorem, Voluntas est appetitus, hoc est desiderium, & profectio boni absentis, nego; Est appetitus, hoc est pondus, & tendentia in objectum conveniens, concedo. *Minorem* similiter distinguo, In Deo nequit esse appetitus, quatenus est desiderium boni absentis, concedo; quatenus est pondus, inclinatio, & complacentia in objecto sibi convenienti, nego. Itaque in Deo duplex affirmari potest appetitus, nimirum naturalis, & elicitus. *Naturalis* quidem, quatenus ex propria naturæ propensione velut inclinatur in aliquod bonum conveniens, sic Essentia divina quatenus est principium, & radix attributorum, dici potest habere naturalem appetitum, & inclinationem ad illa, quia ab eis perhicitur, & illustratur. Item in Patre divino est appetitus, & inclinatio ad communicandum se Filio, & in Patre, & Filio est appetitus innatus ad communicandum se Spiritui sancto: Omnis enim potentia productiva, naturaliter inclinat

tur

tur ad productionem sui termini adequati, maxime quando totam illius fecunditatem exhaurit. Est etiam in Deo appetitus *Elicitus*, qui præsupponit cognitionem termini talis appetitus. Deus enim respectu propriæ perfectionis, non solum habet appetitum innatum; sed etiam elicitum, quia illam cognoscit, & diligit: sed hæc inclinatio divina rectius appellatur *Complacentia* in bono posito, quam *Appetitus*, qui ordinariè fertur in bonum abiens.

CONCLUSIO SECUNDA.

Divina Voluntas est potentia formaliter distincta tum ab Essentia divina, tum à volitione actuali. Hæc est Doctoris, ut constat ex iis quæ diximus à simili de Intellectu divino, & suadetur insuper ex eodem in 4. dist. 13. questione 1. num. 31. ubi ait, *Deus est simpliciter beatus in operationibus intellectus & voluntatis sue, non est autem simpliciter beatus in essentia ut est infinita, nisi eam comprehendat. Efficit intellectus comprehendit videndo, ita voluntas suo modo oportet quod comprehendat amando, ad hoc quod sit perfectè beata, & per consequens utraque potentia & uterque actus utriusque potentie circa Essentiam divinam ut perfectè se beatificat, erit infinitus.* Quibus Doctor tria edocet. Primum quod intellectus & voluntas formaliter ab essentia distinguantur. Secundum quod habeant rationem facultatis & potentiz operativæ in actu primo. Tertium quod utraque potentia à suo actu formaliter distinguatur, nimirum intellectus ab intellectione, & voluntas à volitione actuali.

Probatum conclusio, illa distinguuntur formaliter quibus competunt prædicata contradictoria: sed prædicata contradictoria enuntiantur de essentia, voluntate & volitione divina: Ergo invicem formaliter discrepant. Major sufficienter probata manet ex iis quæ diximus de distinctione formali attributorum tum inter se, tum ab Essentia divina. Minor verò probatur. Plura namque enuntiantur de voluntate, quæ de volitione & Essentia divina enuntiarî nequeunt, puta quod divina voluntas sit principium immediatum quo processio Spiritus sancti nec-non & divini amoris, quod immediatè sit operativa, quæ nec Essentia, nec volitioni divinæ per se competunt. Essentia enim divina non est per se immediatum prin-

cipium processiois Spiritus sancti, nec etiam amoris divini essentialis, similiter volitio divina, seu divinus amor non est formaliter principium amoris & volitionis, sed est ipsemet amor actualis & ipsa actualis volitio.

Dices primò, Ut aliquid habeat rationem potentiz & actus primi, necessarium est ut realiter sit principium productivum actus secundi, & receptivum ejusdem, si talis actus secundus sit immanens: sed divina Voluntas, neque productiva est divinæ volitionis, nec receptiva ejusdem, ut observatum est in prænotatis: Ergo non est etiam potentia & actus primus respectu divinæ volitionis.

Distinguo majorem, Si talis potentia nendum sit operativa & principium metaphysicum, sed etiam productiva & principium physicum seu productiva actus, concedo. Si tantum sit operativa, non autem productiva, nego. *Ad minorem* dico, divinam voluntatem non esse potentiam productivam, nec principium physicè influens in ipsam divinam volitionem, eo scilicet modo quo cause physicae suos actus producunt per veram & realem actionem: sed tantum est potentia operativa & principium metaphysicum, à quo divina volitio emanat immediatè, eo scilicet modo, quo ipsa voluntas & omnia divina attributa emanant ab essentia. Unde non debet esse receptiva ejusdem volitionis, utpote quæ ab ipsa voluntate non realiter, sed formaliter solum distinguatur. Cætera quæ hanc adversus conclusionem possunt obijci, jam soluta sunt in conclusione prima Disputationis de divino Intellectu, in qua probatum est ipsum divinum intellectum formaliter, tum ab Essentia, tum ab actuali intellectione esse distinctum.

CONCLUSIO TERTIA.

Varia est & multiplex divina Voluntatis divisio. Primò namque dividitur in Voluntatem *Beneplaciti* & voluntatem *Sigmi*. Prior est voluntas realiter existens in Deo, qua prosequitur aliquid bonum, vel malum averfatur. Posterior verò non est in Deo realiter, sed est effectus aliquis creatus significans & connotans voluntatem Dei, eo modo, quo testamentum dicitur ultima voluntas hominis testatoris, Utraque hæc divina voluntas

celebratur in Scriptura sacra. Prior quidem significatur his contextibus. Psalmo 113. *Omnia quaecumque voluit, fecit*. Et Rom. 12. *Ut probetis quæ sit voluntas Dei bona, beneplacens, & perfecta*, &c. Posterior vero significatur his verbis Psalmo 110. *Magna opera Domini exquisita in omnes voluntates ejus*.

Hujus autem divisionis hanc rationem profert sanctus Bonaventura in 1. dist. 45. art. 3. quæst. 1. Sicut non absurdè intellectus dicitur vis intellectiva, & ipsius objectum dicitur intellectum, ita voluntas dicitur non solum ipsa potentia volendi, sed etiam ipsum objectum volitum: sed volitum est signum voluntatis: Ergo præter voluntatem beneplaciti est etiam assignanda voluntas signi.

Deinde divina voluntas, vel accipitur propriè pro facultate volitiva, vel impropiè & metaphorice pro re volita. Priori modo designatur voluntas beneplaciti. Posteriori vero voluntas signi.

Denique divina voluntas est, vel quæ Deus vult, vel quod Deus vult. Voluntas quæ Deus vult, est voluntas beneplaciti, voluntas seu volitum quod vult, est voluntas signi. Cum enim divinam voluntatem per se non cognoscimus, sed tantum per objecta volita, hæc objecta volita rectè dicuntur signa internam voluntatem manifestantia, adeoque rectè appellantur voluntates signi, vel potius signa manifestativa divinæ voluntatis.

Hæc autem divisio non fit secundum rem, sed secundum vocem, ita quod nomen divinæ voluntatis, tam potentæ volitivæ, quam objecto volito tribuatur, illi quidem propriè, huic vero solum metaphorice, & propter similitudinem quæ est inter signum voluntatis nostræ & divinæ. Sicut enim præceptum est signum naturæ nostræ voluntatis, ita & divinum præceptum v. g. dicitur esse signum naturæ voluntatis divinæ.

Hæc utraq; voluntas varias rursus patitur subdivisiones. Voluntas enim beneplaciti subdividitur in *Antecedentem* & *Consequentem*. Voluntas Antecedens illa communiter dicitur, quam Deus habet ex se solo & ex nativæ suæ inclinatione circa objectum quatenus non est vestitum omnibus circumstantiis, quibus est executioni demandandum. Consequens vero illa est, quam Deus ex se solo non habet, sed ex

præsuppositis aliquibus circumstantiis, quibus sublati, objectum non veller. Sic v. gr. per voluntatem antecedentem Deus vult omnes homines salvos fieri, non attendendo ad eorum merita, sed quia omnes homines condidit & ordinavit ad gloriam, tanquam eorum ultimum finem. Per voluntatem vero consequentem vult solum efficaciter salvare justos, impios vero vult damnare eo quod illi usurpant media congrua ad beatitudinem consequentiam, hi vero non.

Hanc utramque voluntatem sic explicat S. Thomas 1. part. quæstione 19. art. 6. ubi cum dixisset Voluntatis divisionem in antecedentem & consequentem, non accipit ex parte ipsius divinæ Voluntatis, in qua nihil est prius, vel posterius; sed ex parte volitorum, subdit, *Considerandum est unumquodque secundum quod bonum est, sic est volitum à Deo. Aliquid autem potest esse in prima sui consideratione (secundum quod absolute consideratur) bonum vel malum, quod tamen, prout cum aliquo adiuncto consideratur (quæ est consequens consideratio ejus) è contrario se habet. Sicut hominem vivere est bonum, & hominem occidi est malum, secundum absolutam considerationem; sed si addatur circa aliquem hominem quod sit homicida, vel vivens in periculo, sic bonum est eum occidi, & malum est eum vivere. Unde potest dici quod iudeus iustus antecedenter vult hominem vivere, sed consequenter vult homicidam suspendi. Similiter Deus antecedenter vult omnem hominem salvari, sed consequenter vult quodam damnari secundum exigentiam suæ iustitiæ.*

Hæc autem divisio in voluntatem Antecedentem, & Consequentem, non accipitur ex parte voluntatis divinæ, in qua reverà nihil est prius, nec posterius: sed ex parte rei volitæ, quæ potest considerari, vel secundum se, & quatenus præscindit ab omnibus circumstantiis, vel secundum quod habet adiunctas circumstantias. Cum autem consideratio rei secundum se, dicatur prior consideratione rei secundum suas circumstantias, ideoque divina Voluntas quatenus terminatur ad res consideratas secundum se, dicitur *Antecedens*, quatenus vero terminatur ad res quatenus habent adiunctas suas circumstantias, dicitur voluntas *Consequens*.

Rursus voluntas beneplaciti subdividitur in *Efficacem* & in *Inefficacem*. Voluntas efficax illa nominatur, quæ semper efficitur.

ctum exequitur, & finem intentum obtinet: Inefficax verò quæ nec effectum volitum habet, nec intentum finem assequitur. Sic voluntas salvandi omnes homines, est efficax ex parte Prædestinatorum, & inefficax ex parte Reprobatorum.

Insuper voluntas beneplaciti alia est Absoluta, alia Conditionata. Prior versatur circa obiectum sine suppositione illius conditionis, sic Deus absolute vult perseverantes in gratia finali donari gloria æterna. Conditionata verò voluntas fertur in existentiam, aut non existentiam objecti ex suppositione alicujus conditionis, sic Deus vult omnes homines salvos fieri, ex hypothesi quod ipsi velint, & ad salutem assequendam ordinata media congrua usurpent.

Voluntas Signi etiam dicitur multiplex, sed maxime quintuplex secundum diversa quinque signa, internam Dei voluntatem manifestantia, quæ sunt, præceptio, prohibitio, consilium, permissio, & impletio, seu operatio, quæ omnia hoc versiculo explicantur.

Præcipis, ut prohibes, permittis, consulis, implet.

Hujus divisionis congruitatem assignat S. Bonaventura in Compendio Theologico lib. 2. cap. 32. His verbis. *Voluntas divina proprie loquendo, aut præsentium, aut futurorum est. Si respectu præsentium, aut id est bonum, & sic est Impletio, aut malum, & sic est Permissio. Si respectu futurorum, sic est iri-plex. Aut malum, & sic est Prohibitio. Aut bonum necessarium, & sic est Præceptio. Aut bonum supererogationis, & sic est Consilium.*

Sanctus Thomas autem prima part. qu. 19. art. 12. hujus divisionis congruitatem colligit hoc modo. *Signa voluntatis dicuntur ea quibus consuevimus demonstrare nos aliquid velle. Potest autem aliquis declarare se aliquid velle, vel per seipsum, vel per alium. Per seipsum quidem in quantum facit aliquid, vel directè, vel indirectè & per accidens. Directè quidem cum per se aliquid operatur, & quantum ad hoc dicitur esse signum, Operatio. Indirectè autem in quantum non impedit operationem, & quantum ad hoc dicitur signum, Permissio. Per alium autem declarat se aliquid velle, in quantum ordinat alium ad aliquid faciendum, vel necessaria inductione, quod fit Præcipiendo, quod quis vult, & Prohibendo contrarium, vel aliqua persuasoria inductione, quod pertinet ad Consilium.*

Alensis verò *quæst. 36. membro. 1.* ita hæc signa colligit, *Voluntas divina, aut respicit actum dum fit, aut dum est faciendus, Si dum fit, aut iste actus est bonus, aut malus, Si bonus, ejus Operatio est signum voluntatis divine. Si verò dum est faciendus, similiter iste actus faciendus aut bonus aut malus, Si malus, sic Prohibitio illius est signum divine Voluntatis. Si bonus, aut est necessarius ad salutem & sic Præceptio illius est signum divine Voluntatis, aut non est necessarius, sed tamen conferens salutem, & sic Consilium illius est signum Voluntatis divine.*

Denique Doctor Subtilis in 1. d. 47. nu. 2. ut hæc quinque signa colligat, quædam censet esse præsupponenda. *Primum* quidem, in nobis duplicem esse actum voluntatis, & utrumque positivum, nimirum volitionem, & nolitionem, qui dum versantur circa idem obiectum, dicuntur contrarii, & significantur per *Amare & Odisse.* *Secundum* est hunc utrumque actum esse, vel efficacem, vel inefficacem. *Volitio efficax* ea dicitur, qua media ordinamus, & contendimus quantum in nobis est, ut fiat volitum. Inefficax autem seu remissa est, qua vellemus quidem obiectum volitum fieri & existere: sed tamen nolumus applicare media necessaria ad illius effectum & existentiam. Similiter *Nolitio efficax* ea dicitur, qua applicamus media requisita ad impediendam rei effectum & existentiam, aut ea reverà applicarem si essent in nostra potestate. *Inefficax* autem nolitio ea est, qua quis reverà nolit rem aliquam esse, nihilominus non applicat media congrua ad impediendam illius existentiam. His præsuppositis,

Respondet Doctor, Signum efficax volitionis, si fiat immediate à voluntate, est Impletio. Si per alterum, est Præceptum. Volitionis autem remissa signum est *Consilium* sive monitio, & persuasio. Similiter signum nolitionis efficax est prohibitio, inefficax autem, & remissa est permissio.

Dicitur 1. Signum & signatum sunt correlativa: Ergo ubi unum non est multiplex, nec multiplex potest esse aliud, ut ait Aristoteles: At voluntas Dei non est multiplex, sed una: Ergo unum tantum debet habere signum, & consequenter non sunt quinque signa divine voluntatis.

Distingo minorem, Divina voluntas non est multiplex secundum entitatem internam, concedo; secundum connotationem

externam, nego, multat enim connotat in Creatura, nam per præceptum connotat necessaria ad salutem, per consilium connotat tendentiam ad bonum magis conveniens, & sic de cæteris.

Dices 2. Sicut præcepto opponitur prohibitio, ita consilio opponitur dissuasio: Ergo sicut prohibitio est signum Voluntatis divinæ, ita & dissuasio, & consequenter sunt plura signa quam quinque.

Nego consequentiam, Consilium enim comprehendit suasionem & dissuasionem, dissuadere enim matrimonium verbi gratia, est consulere ac suadere Virginitatem, & sic dissuasio non est signum distinctum à consilio.

Dices 3. Dispositio, qua Deus sese præparat ad aliquid faciendum quasi vellet illud ad perfectum perducere, quod tamen non vult, est signum divinæ Voluntatis: sed ista voluntas præparationis non comprehenditur sub ullo ex assignatis quinque signis divinæ Voluntatis. Non quidem sub præcepto, prohibitione, consilio, & permissione, quæ enim quis præcipit, prohibet, consulit, permittit, non dicitur velle facere, sed velle ab alio fieri, aut non fieri, vel nolle impedire quin ab alio fiant, neque etiam est voluntas, quæ dicitur opus vel impletio, quia operans jam non præparat opus, sed facit illud: Ergo sunt plura signa quam quinque.

Nego majorem, Illa enim voluntas præparationis, quam Estius in 1. dist. 45. admittit pro sexto signo, nihil aliud est quam voluntas antecedens qua Deus vult aliquid in sua causa cum ita disponit & præparat, ut ex illa effectus sequi possit. Voluntas autem antecedens non est voluntas signi, sed voluntas beneplaciti, ut probabimus infra agendo de voluntate Dei, qua vult omnes homines salvos fieri, quam voluntatem præparationis idem Estius appellat.

Quæres 1. An Voluntas Signi semper correspondeat voluntati Beneplaciti, seu an præfata quinque signa semper designent aliquem actum possumum divinæ Voluntatis.

Affirmo cum subtilioribus Doctoris Subtilis Discipulis, idque constat aperte de operatione, siquidem Deus Omnia operatur secundum consilium voluntatis suæ, ut loquitur Apostolus ad Ephesios 1. illud autem voluntatis consilium haud dubie

per operationem tanquam causa per effectum significatur. Similiter præceptum & prohibitio important actum, non solum quo Deus vult aliquid præcipere & prohibere, sed etiam quo vult efficaciter quantum ex se, illud fieri, aut non fieri quod præcipit, aut prohibet. Idem patet de consilio, licet enim Deus nolit hominem obligare ad id exequendum quod fieri consulit, tamen efficaciter quantum ex se est vult fieri quod consulit, ad id namque implendum consilium media necessaria subministrat.

Quantum autem ad *Permissionem*, major revera videtur difficultas, in qua solvenda Doctor supra laudatus in 1. dist. 47. hæret omnino dubius. Cum enim dixisset permissionem nihil aliud esse quam volutionem inefficacem Dei, nihilominus quia hæc volitio videtur asserre aliquam tristitiam nolenti, ut accidit in nobis dum illud evenit quod nollemus fieri & existere, vel saltem aliquid imperfectum & superfluum hæc volitio adstrueret. Idcirco divinam permissionem alio modo explicat, dicendo illam consistere in negatione volutionis ponendi obicem & impedimentum rei, quæ dicitur permitti quam Deus cognoscit fieri, & absolute posset impedire, si vellet, nec tamen vult impedire.

Deinde sibi obijciens Doctor, quod hac ratione Deus diceretur volens sinere & permittere quod permittit, ac proinde hæc permissio videretur semper importare actum divinæ voluntatis.

Respondet Doctor negando consequentiam, *Quia*, inquit, quod dicitur volens sinere, hoc potest intelligi, non quod habet vellet rectum circa illud quod permittit, sed actum reflexum. Offeritur enim voluntati suæ hunc peccatum, vult peccare, primo voluntas ejus circa hunc non habet velle, velle enim ipsam habere peccatum non potest. Secundo potest intelligere voluntatem suam non volentem hoc, & tunc potest velle voluntatem suam vellet hoc, & ita dicitur volens sinere, & voluntarie permittere. Sicut ex alia parte, & præsentato sibi Juda, primo Deus habet non velle sibi gloriam, & non primo nolle, secundum illam ultimam positionem dist. 41. & potest tunc secundo se reflectere super istam negationem actus, & velle eam, & ita volens suos voluntarie non eligit Judam finaliter peccatum, & non nolit gloriam, sed non voluntatem gloriam.

Dico itaque ad evidentiorē rei explanationem, duplicem distingui posse divinam permissionem, *Physicam* nimirum & *Moralem*. Moraliseſt, qua non ponitur impedimentum morale actui faciēdo, ſcilicet præceptum, conſilium, prohibitio & cætera ſimilia; Hæc autem moralis permiſſio non videtur eſſe actus poſitivus divinæ Voluntatis, ſed tantum ad illam ſufficit non poſitio præcepti, aut conſili, aut ſigni; hoc enim ipſo, quo Deus aliquid non præcipit, nec conſulit, nec prohibet faciendum, moraliter videtur illud permittere. Permiſſio verò *Phyſica* ea eſt, qua Deus non ponit impedimentum phyſicum actui faciēdo; quæ permiſſio eſt vel reſpectu ſimplicis omiſſionis actus, & ad hanc permiſſionem ſufficit negatio concurrentis ad actum oppoſitum illi omiſſioni; vel eſt reſpectu actus poſitivi, & hæc neceſſario requirit voluntatem poſitivam Dei, quia nullus actus poſitivus poteſt eſſe abſque concurrenti Dei poſitivo; hic autem concurrentis nequit eſſe abſque poſitiva Dei volitione. Unde permiſſio reſpectu actus poſitivi ſemper connotat, & præſupponit actum poſitivum Dei voluntatis.

Quæres 2. an Creatæ voluntas ſemper ſit recta moraliter, quoties voluntati divinæ conformatur.

Reſpondet Doct̃or in 1. diſt. 48. quæſt. unica, cum bonum ſit ex integra cauſa, & malum ex quovis defectu, non ſufficere ad bonitatem, & rectitudinem voluntatis creatæ, quod ſi divinæ Voluntati conformis, quantum ad objectum quod vult Deus, & quantum ad finem quem intendit; quia poteſt deficere aliqua circumſtantia quæ rectitudinem auferret. Hinc quamvis Deus voluerit quod Chriſtus Deus moreretur propter ſalutem hominum; tamen peccarunt Judæi ipſum interficiendo, imò etiam graviter peccaviſſent quamvis ipſum in eum finem crucifixiſſent ut illius mors hominibus ſalvandis prodeſſet, quia Deus nolebat eos Chriſtum interficere.

Unde ſanctus Auguſtinus in Enchiridio cap. 101. *Aliquando bona voluntate*, inquit, *homo vult aliquid, quod Deus non vult, bona multò amplius multoque certius voluntate. Nam illius mala voluntas eſt nunquam poſſe; tanquam ſibiſus Filius Patrem vellet vivere quem Deus bona voluntate vult mori.*

Fraſen Theol. Tom. 11.

Et rursus fieri poteſt ut hoc velit homo voluntate mala. quod Deus vult bona; velut ſi malus Filius velit mori Patrem, velit etiam hoc Deus. Nempe ille vult quod non vult Deus; iſte verò id vult quod Deus etiam vult. Et tamen bonæ Dei voluntati pietas illius poſitis conſonæ, quamvis aliud volentis, enim huius idem volentis impietas; multum enim intereſt, quid velle homini, quid Deo congruat, & ad quem finem ſuam quiſque reſervat voluntatem, ut approbetur, vel improbetur.

Unde ſanctus Bonaventura Lib. 1. *Compendii Theologici cap. 23.* ait quòd plena conformitas ad Deum comprehenditur quatuor: Primo quòd velimus quod Deus vult: Secundo ut velimus quod vult nos velle: Tercio ut velimus propter quod vult: Quarto ut velimus eo modo quo vult. Addit ulterius quòd conformitas non plena eſt triplex: Primo ſi conformatur quis Deo in voluto tantum, ſicut & Judæi conformes erant Deo in morte Chriſti: Secundo ſi conformatur quis in voluto, & in fine, ſed non in modo ut quando quid non ſit ex Charitate: Tercio quando quis conformatur in voluto, & in modo, ſed non in fine, ut cum ad alium finem, tamen bonum, retorquetur intentio.

QUÆSTIO SECUNDA.

Quodnam ſit objectum Primarium divinæ Voluntatis.

NE tria ſtadia iterato pede remetiāmur, revocanda ſunt ea quæ diximus de objecto, tam primario, quam ſecundario: tam materiali quam formali divini Intellectus; ea namque ratione ſimili de divina Voluntate affirmari poſſunt; & inſuper ad evidentiorē huius quæſtionis reſolutionem,

Notandum 1. Certum eſſe divinam eſſentiam ſecundum ſe præciſe conſideratam, eſſe primum objectum divini Intellectus divinæque Voluntatis, primatē quidem dignitatis, & cujuſdam naturalis præſuppoſitionis; cum enim hæc prius ſit cogitabilis quam omnia ſua attributa omneſque divinæ ſuz perfectiones quarum eſt ſons, & origo, adeoque prima ſit in ratione entis divini; etiam prima cenſenda eſt in ratione veri intelligibilis, & in ratione boni appetibilis, & amabilis.

G Ye.

Verum difficultas est, sub qua ratione ipsa divina Essentia habeat rationem objecti primò moventis, & terminantis divinam Voluntatem; quidam enim Theologi affirmant objectum motivum divinæ Voluntatis esse quidem ipsam divinam bonitatem non essentialem, sed attributalem: Ceteri verò cum Doctoris Subtilis Discipulis asserunt objectum formale adæquatum motivum divinæ Voluntatis, tum ad sui, tum ad suorum attributorum amorem, esse ipsammet bonitatem essentialem: adeoque Deum seipsum amare propter suam essentialem bonitatem.

Notandum 2. Certum esse Deum seipsum amare: Tum quia voluntas fertur in bonum: Ergo voluntas infinite perfecta, qualis est divina, natio suo pondere, & amore fertur in bonum infinitum, qualis est Deus. Tum quia quælibet voluntas naturaliter tendit in objectum suum adæquatum; Deus autem solus suæ voluntatis objectum est adæquatum, utpote cum sit infinite amabilis, & facultatis infinite amativæ satisfactus, ac terminatus: Tum denique quia voluntas omnis amore fertur in objectum sui beatificativum; Deus autem sibi ipsi est objectiva beatitudo, & in sola sui possessione, ac fruitione deliciarum. Verum difficultas superest qualiter Deus seipsum amet, nimirum an necessariò vel libere, an comprehensive, vel finite: an primariò seipsum suæque diligit propter suam bonitatem essentialem. Cum autem major sit difficultas de amore libero Dei circa seipsum, idcirco

Notandum 3. Cum Doctore Subtili qu. 16. quodlibetica triplicem distingui libertatem: Prima dicitur libertas *Comparativæ*, seu *Specificationis*, qua voluntas pro nutu potest tendere in aliquod objectum, vel in aliud oppositum, quaque potest elicere actum amoris vel odii: Secunda dicitur libertas *Contradictionis*, seu *quoad exercitium* qua nimirum voluntas potest actum elicere, vel non elicere, in objectum tendere, vel non tendere: Tertia denique est libertas *Essentialis*, qua voluntas cum ex intrinseca sua ratione sit indifferens, & indeterminata, censetur semper ex se libere actum suum elicere, & in objectum tendere, quamquam ab intrinseco moveatur, & necessitetur.

Hæc autem essentialis libertas colligitur à Doctore ex S. Augustino in Enchirid. c.

105. ubi ait: *Oportebat prius hominem sic à Deo fieri, ut bene velle posset, & male; postea vero, id est in beatitudine, sic erit, ut male velle non possit: neque enim libero carebit arbitrio: multo quippe liberius erit arbitrium, quod omnino servare non poterit peccato; neque enim culpanda est voluntas, aut voluntas non est, qua beati esse sic volumus, ut esse miseri non solum nolumus, sed nequaquam prorsus velle possumus.* Cuius verbis S. Aug. affirmat necessitatem non peccandi in Beatis stare cum eorum libertate: Non quidem cum libertate contrarietatis aut contradictionis, qua voluntas potest aliquid appetere, vel non appetere contra voluntatem Dei: & consequenter qua potest peccare, sed cum libertate essentiali, seu radicali, & entitativa ipsius voluntatis, quæ est facultas semper ex se entitativa, & intrinsece, ac radicaliter remanens libera; etiam si interdum ab alio extrinseco ita necessitetur, & efficaciter allicitur ad ejus amorem, ut nec ab eo amando possit cessare, nec oppositum amoris actum, nempe odium, circa illud objectum elicere.

CONCLUSIO PRIMA.

Deus seipsum diligit primariò, & comprehensivè propter suam bonitatem essentialem. Hæc conclusio tres habet partes, quarum

*Probat*ur prima: Ille seipsum diligit primariò, qui sibi ipsi est objectum adæquatum volitionis, & amoris: Atqui Deus sibi ipsi solum est objectum adæquatum amoris, & volitionis: Ergo, &c. Major constat, quælibet enim facultas per se primò tendit in suum objectum adæquatum, Minor pariter est evidens: objectum enim adæquatum infinite voluntatis necessariò debet esse omnimodè infinitum, adeoque cum divina voluntas sit infinita, debet habere objectum adæquatum omnimodè infinitum: nihil autem omnimodè est infinitum præter Deum: Ergo sicut est objectum adæquatum sui intellectus sub ratione veri infinite intelligibilis; ita pariter est objectum adæquatum suæ voluntatis sub ratione boni infinite amabilis.

Deinde: Illud est objectum primarium divinæ Voluntatis, propter quod, & in quo Deus omnia alia diligit: sed Deus, ut probabitur in questione sequenti, omnes

Circa

Creaturas, in se, & propter se diligit : Ergo seipsum primario diligit.

Denique ; Deus est Sanctus, Beatus, & Infinitus : sed non esset talis, nisi seipsum primario diligeret : Sanctitas enim est immediata conjunctio cum Deo per amorem appetitivum, quo omnia propter Deum, & Deus super omnia diligitur : Beatitudo verò est summa, & absoluta possessio ac fructio summi boni per cognitionem, & amorem intimum ac immediatum : Si enim non esset amor intimus, illa possessio non esset fructio boni, nemo enim fruitur bono absente : Similiter si non esset immediatus, objectum non esset beatificativum per se, sed per aliud, & consequenter Deus in seipso, & per seipsum non esset beatus. Insuper infinitas requirit intimitatem, & immediatam omnem perfectionem simplicem : amor autem immediatus Dei est perfectio simplex ; præstantius enim est Deum diligere immediate, & in se, quam mediate, & in alio : Ergo Deus seipsum primario diligit.

Secunda pars per se patet : Nempe quod, *Amor, quo Deus seipsum diligit, sit comprehensivus*, ille enim amor est comprehensivus, qui ita perfectus est in ratione amoris, ac objectum perfectum in ratione amabilis, quique sese extendit ad ea omnia quæ in objecto sunt amabilia : Sed hujusmodi est amor Dei erga seipsum, ita namque perfectus est in ratione amoris, ac objectum est perfectum in ratione amabilis, cum utrumque sit infinite perfectum ; sese pariter extendit ad omnia quæ in Deo sunt amabilia, nimirum ad essentiam, attributa, & Personas divinas : & consequenter ille amor verè est comprehensivus.

Probatur tertia pars, Nempe quod bonitas essentialis Dei sit ratio primò motiva ad sui amorem. Tum quia eo modo divina Voluntas se habet ad suum objectum amabile, sicut intellectus ad cognoscibile : Sed veritas essentialis est objectum primò motivum divini intellectus : Ergo etiam essentialis bonitas est objectum primum motivum divinæ Voluntatis.

Deinde ; Illud primò movet divinam voluntatem ad amorem, quod per se primò apprehenditur ad divino intellectu ut amabile, objectum enim voluntatis est bonum apprehensum : Sed bonitas essentialis per se primò apprehenditur ab intellectu divino ; essentia namque divina, & prædicata essentialia prius concipiuntur quam attributa,

ta, & cætera alia quæ divinam Essentiam circumstant : Ergo &c.

Denique : Si quid aliud assignari posset pro objecto primò motivo divinæ voluntatis, maxime vel aliquid intra, vel aliquid extra Deum : sed neutrum dici potest. *Non quidem aliquid extra Deum* : Tum quia divina Voluntas visceret, si ab aliquo alio extra se posset primò moveri, ut jam à simili dictum est de divino intellectu : Tum quia sequeretur divinam Voluntatem pendere ab aliquo extrinseco, quod divinæ independentiæ omnino repugnat : Tum denique quia creaturæ non habent rationem objecti primò motivo divinæ Voluntatis, ut suis sequenti questione probabitur. *Non etiam secundum* : Cum enim divina Essentia sit natura prioris omnibus, quæ illam circumstant per modum proprietatis perfectivæ, aut relationis personalis, ab illis suam essentialem perfectionem non accipit, imò potius est earum radix, & origo : & consequenter ab illis non potest accipere vim terminandi divinam Voluntatem : nec illæ proprietates perfectivæ aut relativæ possunt esse rationes propter quas divina Voluntas Essentiam divinam amore prosequatur.

Quibus patet *Bonitatem Attributam* non posse, habere rationem objecti primò moventis : Tum quia illa præsupponit bonitatem essentialem à qua emanat : Tum quia cum sit speciale attributum, omnia quæ in Deo sunt non continent virtualiter, ac eminenter, sed solum realiter, & identicè ; scilicet propter suam identitatem realem cum ipsis. Essentia autem divina ratione suæ bonitatis, & perfectionis essentialis, nedum identicè, sed etiam virtualiter, eminenter, & radicaliter, in suo formali conceptu continet omnem omnino perfectionem, sive essentialem, sive attributam, sive relativam. Adeoque sola bonitas essentialis habere potest rationem objecti adæquati, & primò moventis divinam Voluntatem ad sui amorem.

Dices 1. Si Deus seipsum amaret, vel ille amor esset amor amicitiae, vel amor concupiscentiæ, sed neutrum dici potest. Non quidem primum, quia amor amicitiae est ad alterum, adeoque non potest Deus hunc amorem habere erga seipsum : Non etiam secundum, quia amor concupiscentiæ versatur circa bonum utile, aut jucundum, non autem circa bonum honestum ; Deus autem non potest aliquid amare solum

him propter utilitatem, & jucunditatem, sed solum propter illius honestatem, dignitatem, & excellentiam: Ergo Deus non potest seipsum diligere.

Nego minorem: Deus enim reverà seipsum diligit amore amicitiae saltem improprio, & quatenus est voluntatis complacentia in bono sibi proprio, quo reverà dignus est. Nec refert, quòd hic amor non habeat redamationem qua sit ut persona amata amantem diligit; quia hæc redamatio perfectæ tantum amicitiae est complementum, quam equidem Deus non habet erga seipsum, licet divinæ Personæ eam habeant ad invicem, quippe cum mutuo amore, licet indistincto, sese prosequantur.

Dices 2. Si Deus seipsum amaret comprehensivè, etiam suum ipsum amorem diligere deberet; sed hoc fieri non potest: Ergo nec seipsum comprehensivè amare. *Major patet*: Amor enim comprehensivus terminari deberet ad id omne quod est in Deo, & consequenter ad seipsum etiam terminaretur. *Probat minor*: Si divinus amor ad seipsum tanquam ad objectum amabile terminaretur, Deus suum diligere amorem; idque vel per eundem amorem, vel per alium: Si per eundem, ergo idem amor erit directus, & reflexus: *Directus* quidem, in quantum tendit in essentiam divinam; *Reflexus* verò quatenus ad seipsum terminatur: & sic hæc propositio esset vera; *Deus amat amorem amoris sui*, quod videtur ridiculum. Si per alium, ergo admittentur infinitæ reflexiones amoris: Si enim diligit amorem suum per alium amorem, hic secundus amor diligitur per tertium, & sic in infinitum: Ergo Deus non potest suum amorem diligere, nec consequenter illius amor est comprehensivus.

Nego minorem: Verè enim Deus seipsum amando comprehensivè, etiam ipsum suum amorem idem ipsi identificatum diligit; idque per eundem amorem directum formaliter, quatenus tendit in essentiam divinam, divinæque perfectiones; sed virtualiter reflexum, quatenus videlicet idem actus infinitus amoris æquivalet duobus actibus amoris finiti, directo nimirum, & reflexo. Unde sit ut in Deo sit mirabilis ille divini amoris circulus, quo Deus ex bono in bono ad bonum conversione perpetua seipsum agit, & redit in seipsum divinus amor. Quam divini amoris miram circulationem, ita explicat S. Dionysius libro

de divinis Nominibus cap. 4. *Fine, & principio se carere divinus amor excellenter ostendit, tanquam sempiternus circulus: propter bonum ex bono, in bono, & ad bonum indeclinabili conversione circumiens; & in eodem, & secundum idem, & procedens semper, & manens, & remans.*

Dices 3. Si divina bonitas essentialis esset ratio primò motiva divini amoris, etiam deberet esse ratio divinæ voluntati volendi alia, quæ sunt in Deo sub ratione finis illorum; sed bonitas essentialis nequit esse ratio motiva voluntatis divinæ sub ratione finis aliorum quæ sunt in Deo; Divinæ enim proprietates, & perfectiones non ordinantur ad essentiam divinam, ut ad suum finem; *Quia*, inquit Doctor in 1. dist. 1. qu. 5. *nullus est causa finalis aliqua, nisi respectu cuius est causa efficiens; quia causalitas cause finalis est movere efficiens ad agendum*: Ergo cum divinæ perfectiones non habeant causam efficientem, nec etiam habere possunt causam finalem, & consequenter non possunt ordinari ad essentiam divinam tanquam ad finem.

Nego minorem: Ut enim aliquid ordineatur ad aliud tanquam ad finem, oportet primò, ut sit à fine distinctum realiter, secundò ut habeat rationem mediæ ordinabilis ad finem, tertio, ut intendatur à voluntate, & referatur ad finem: Divinæ autem proprietates, & perfectiones cum à bonitate essentiali non distinguantur realiter, sed solum formaliter; idcirco nec habere possunt rationem mediæ ordinabilis ad hanc bonitatem, nec à Deo possunt intendi, & ordinari ad hanc ipsam bonitatem essentialem tanquam ad finem. Unde non est necesse quòd bonitas essentialis habeat rationem finis respectu divinarum proprietatum: sed sufficit quòd ab ea effluant metaphysicè, & ad ipsam referantur tanquam ad fontalem rationem suæ emanationis; cum enim ipsa essentialis bonitas sit earum fons, & origo, etiam rectè statuitur primum movitum, cur illæ divinæ perfectiones à Deo diligantur.

CONCLUSIO SECUNDA.

Deus seipsum amat necessariò, & liberè libertate essentiali. Hæc est Doctoris plurimi; sed maxime quæst. 16. quodlib. art. 1. & 2. Primam partem sic probat Doctor: Deus est necessariò beatus, igitur necessariò videt,

videt, & diligit objectum beatificum; sed ipse est objectum beatificum: Ergo seipsum necessariò videt, & diligit. *Major* patet: Cum enim Deus sit summum bonum, & infinitè perfectum, etiam debet esse beatissimus. Beatitudo enim est status omnium bonorum adunatione perfectus.

Deinde; Si Deus seipsum non diligeret necessariò, esset mutabilis; sed falsum consequens: Ergo & antecedens. Probatur sequela *majoris*. Si non diligit se necessariò, potest se diligere, vel non diligere; Illius enim amor sui, si non sit necessarius, est contingens; sicque potest esse vel non esse: Sed qui potest se diligere, vel non diligere, est intrinsicè mutabilis; vel enim nusquam se diligit actu, sed erit semper in potentia, & indifferentia ad diligendum se, vel non diligendum, quod actui puro, qualis est Deus, absolutè repugnat: vel aliquando se diligit, cum tamen potuerit ab æterno se non diligere, & sic mutabitur: Intelligi enim non potest, qualiter idem Deus eodem modo perseverans, possit seipsum diligere, & non diligere.

Nec dicat, quòd idem Deus manens idem omnino, Creaturas actu existentes nunc diligit, quas tamen ab æterno potuit non diligere, cum potuerit earum existentiam non decernere. Ergo seipsum similiter potest absque ulla mutatione diligere actu, licet ab æterno fuerit indifferens ad sui amorè.

Respondet enim non esse paritatem: & ratio disparitatis est, quòd ut Creaturæ de non dilectis fiant dilectæ, aliqua intervenit in eis mutatio, qua fit ut Deus dicatur eas diligere; sunt enim de possibiliibus futuræ, & de futuris existentes per hunc divinum amorem: Si enim eas Deus non diligeret, non essent nunc aliter, quàm erant ob æterno: Unde hæc amoris mutatio, non in ipsum Deum, sed in ipsas Creaturas est refundenda, ut jam sæpe dictum est. Sed si Deus seipsum actu diligeret cum potuisset ab æterno seipsum non diligere; hæc mutatio non in aliquid externum, sed in ipsum Deum caderet; ut enim Deus de non amante dicatur amans, oportet ut interveniat aliqua mutatio, vel in ipso amante, aut in re amata. Cum igitur Deus in dilectione sui simul esset amans, & amatum, si aliqua in hoc amore intercederet mutatio, tota in ipsum Deum esset refundenda: Ergo cum in Deum nulla cadat intrinseca mutatio; necessum est ut

seipsum necessariò diligit quantum ad exercitium.

Denique, amare infinitum bonum, est summa perfectio: Ergo amor infiniti boni necessariò Deo convenit. Constat antecedens; Sicut enim cognoscere intuitivè summum intelligibile, est summa perfectio intellectus, ita diligere summum diligibile, est summa perfectio voluntatis. Consequentia etiam patet, Deus enim cum sit perfectissimus, in se necessariò complectitur omnimodam perfectionem, & consequenter necessariò involvit amorem infinitum circa seipsum. *Confirmatur*: Non est contradictio, inquit Doctor, quòd voluntas infinita habeat actum infinitum circa objectum infinitum, & per consequens actum necessarium, & etiam necessariò; quia si posset non habere talem actum circa tale objectum, posset carere summa perfectione.

Secundam partem Sic probat Doctor ibidem *art. 2.* Eadem facultas, quæ liberè operatur circa media, etiam liberè tendit in finem, ad quem, & propter quem illa media ordinat; sed voluntas divina liberè vult, & amat media, quæ ad suam bonitatem essentialem ordinat: Ergo & in illam bonitatem essentialem liberè tendit. *Majorem* probat Doctor autoritate Philosophi 2. de *Anima* dicentis, quòd potentia, qua cognoscimus differentiam unius objecti ab alio objecto ordinato ad prius objectum, operativa sit eodem modo circa utrumque objectum; ut patet de sensu communi, qui versatur circa sensibile commune, & circa sensibile particulare ordinatum ad commune. *Minorem* probat nimirum, quòd Deus media ordinata ad suam bonitatem essentialem liberè velit: *Quia*, inquit, *contingenter vult illa; sed contingenter in agendo reducitur ad primum non naturaliter activum, sed liberè; igitur ipsa sub ratione potentie libera vult bonitatem suam.*

Deinde, actio circa finem ultimum, est actio perfectissima, cujus libertas in agendo est summa perfectio intrinseca; igitur quæcumque extrinsecè accidat necessitas, non auferet illam perfectionem.

Denique, conditio intrinseca potentie, vel ipsi absolutè conveniens, vel in ordine ad actum perfectum, non repugnat cum perfectione in operando; sed libertas vel est conditio intrinseca voluntatis absolutè, vel

in ordine ad actum volendi; igitur ipsa libertas potest stare cum conditione perfecta possibili in operando: Sed talis conditio perfecta possibilis in operando est ipsa necessitas, quando nimirum non intervenit contingentia in operatione; Ergo hæc necessitas non tollit libertatem; adeoque licet Deus necessario suam bonitatem diligat, nihilominus in eam liberè fertur libertate essentiali.

Adde quòd illa facultas liberè fertur in objectum, quando ei proponuntur motiva ut sese determinet circa illud objectum: sed voluntati divinæ proponuntur motiva ab intellectu divino quibus feratur circa bonitatem divinam, Ergo in illam fertur liberè. *Major* patet, in hoc enim agens liberum ab agente naturali discrepat, quòd priori proponantur motiva, quibus sese determinet ad operandum taliter, aut taliter, circa tale, aut tale objectum. Posteriori verò non ita; sed naturali suo pondere, & ingnita activitate absque ulla deliberatione operatur, & in objectum suum tendit.

Dices 1. Liberum, & necessarium opponuntur; Ergo si Deus suam bonitatem non amat necessario, non amat liberè.

Distingui autem qui antecedens, necessarium opponitur libero quoad specificationem, & exercitium, concedunt: opponitur libero essentialiter, negant. Verum Doctor absolute negat antecedens; Liberum enim opponitur naturali agendi modo, & necessarium opponitur contingenti, & *Si quæras*, inquit Doctor supra laudatus, *quomodo stare possit necessitas cum libertate?* Respondet secundum Philosophum 3. Metaph. cap. 29. *Non esse querendum rationem eorum quorum non est ratio, demonstratio enim principii non est demonstratio: Ita dicendum hic quia sicut ista propositio est immediata, & necessaria, voluntas divina vult bonitatem suam; nec est alia ratio nisi quia hæc est talis voluntas, & illa talis est bonitas: Sic voluntas divina contingenter vult bonitatem suam ordinationem alterius boni; Non alia ratio ne, nisi quia est talis voluntas, & illud est tale bonum.*

Subiicit tamen hanc rationem, quare divina libertas simul fit cum necessario amore, re divinæ bonitatis; Quia, inquit, voluntas infinita necessario habet actum circa objectum infinitum, quia hoc est summa perfectio in ipsa voluntate; ha-

bet autem actum non necessarium, sed liberum circa objectum finitum ordinatum ad ipsam divinam bonitatem; & consequenter, in eodem actu quo suam bonitatem diligit, & cætera diligit propter illam, est simul necessitas cum libertate. *Addit*, quòd sicut Agens naturale potest aliquando contingenter agere, quia nempe impediri potest ab aliqua causa extrinseca; ita pari ratione agens liberum agere potest necessario, quia determinari potest necessario ad actionem per aliquid extrinsecum.

Dices 2. Illa libertas essentialis, vel stat in indeterminatione ad agendum, vel in dominio sui actus; sed cum neutro potest stare necessitas amoris, quia Deus suam bonitatem diligit: Ergo vel illam non diligit necessario, vel non diligit liberè. *Robatur maior*; Vel enim ipsa necessitas est prævia ad actionem voluntatis, ita quod cadat in voluntatem quam impellit in actum, & determinat necessario, ac figit in actum: Vel concomitatur ipsam voluntatem operantem, & sic ita necessario illa voluntas in operando determinatur, ut non possit non agere, nec aliud agere: Sed neutro modo hæc necessitas stare potest cum libertate. Non quidem priori modo, quia sic voluntas ageretur magis quam ageret, & determinaretur, non autem se determinaret. Non etiam posteriori, quia ibi nulla est libertas, ubi nulla est differentia ad agendum, vel non agendum; vel ad hoc agendum, vel aliud: & consequenter necessitas divini amoris consistere nequit cum essentiali libertate.

Negat minorem Doctor ibidem, aitque illam necessitatem esse concomitantem actum non autem prævenientem, ita quod *Voluntas propter firmitatem libertatis suæ si ipsi necessitatem imponat in eliciendo actum, & in perseverando, sive figendo se in actum*. Unde colligit processionem Spiritus sancti esse liberam, quia spirationem concomitantur necessitas naturæ in communicando naturam per amorem, & voluntatem, quæ ex se essentialiter est facultas libera. Ad quorum planiorum evidentiam distinguit quadruplicem ordinem necessitatis in Deo. *Prima*, inquit, *qua Deus necessario vivit*. *Secunda*, *qua necessario intelligit*. *Tertia*, *qua necessario spirat*. *Quarta*, *qua necessario diligit se*. Deinde quærit, in quo cum his necessitatibus stet libertas volendi,

Respondet, *Quia volumus delectabiliter, & eligibiliter alium elicit, & permanet in actu.*

QUÆSTIO TERTIA.

An, & quomodo Deus amet Creaturas.

Certum est Deum Creaturas existentes diligere, utpote quæ bonæ sint, & amabiles, *Vidit enim cuncta quæ fecerat, & erant valde bona*, inquit sacer textus: Unde Sapiens cap. 1. Deum alloquens ait, *Diligis omnia quæ sunt, & nihil odisti eorum, quæ fecisti; nec enim odient aliquid constituisti, aut fecisti: quomodo autem posset aliquid permanere, nisi tu voluisses: aut quod à te vocatum non esset, conservaretur?* Quibus Sapiens subtiliter non minus quam eleganter colligit divinum amorem erga Creaturas ex earum creatione, & conservatione: utraque enim certissimum est divini amoris indicium. Unde non est opus in hujus veritatis confirmationem plura texere; quippe cum nec dum orbis universus, & quotquot in eo sunt Creaturæ, sed & singulæ Scripturarum pagine specialem divini amoris erga Creaturas testem exhibeant. Verum non levis est difficultas, quomodo ipsas Creaturas Deus diligit.

Unde tria maxime sunt hac in questione resolvenda. *Primum* quidem, an revera Deus Creaturas pure possibiles diligit. *Secundum*, an Creaturas tam actuales, & futuras, quam possibiles amet necessario, vel liberè quantum ad exercitium. *Tertium*, an eas diligit propter earum bonitatem formalem, an verò solum propter suam bonitatem essentialem. Quæ ut resolvantur evidentiùs, & faciliùs,

Notandum 1. Quòd cum Creaturæ considerari possint secundum triplex earum esse, nimirum, vel secundum *Esse eminentiale*, quod habent in Ìtencia divina, quæ cum sit *Infinîtum essendi Pelagus*, inquit S. Damascenus, non solum est ens per essentialitatem; nec solum omnium entium lons, & origo per participationem; nec denique solum supremum entium per majestatem, & imperium: sed etiam est omne ens per eminentiam, & superexcellentem dignitatem, quia entium omnium perfectiones omnes sublimiori gradu, & statu complectitur. Vel considerari possunt secundum *Esse virtuale*, quod habere dicuntur in Omnipotentia divina, quæ est illarum productiva:

eo scilicet modo, quo effectus quilibet virtualiter continetur in causa ejus productiva: Vel denique secundum *Esse formale*, & *Entitativum*, quod habent in seipsis. Ita pariter triplex distingui potest bonitas, nimirum eminentialis, virtualis, & formalis. Prima, & secunda non tam eis propria est, quam Deo, in quo habent esse eminentiale, & virtuale. Jam enim sæpè dictum est illud esse eminentiale, & virtuale non esse proprium Creaturis, sed soli Deo; seu potius esse ipsum esse divinum: Unde solum superest difficultas de bonitate formali, an videlicet Deus Creaturas diligit propter bonitatem earum formalem, quam habent in seipsis.

Notandum 2. Ex Doctore Subtili in 3. dist. 32. numer. 2. duplicem distingui posse amorem in Deo, nimirum *Efficacem*, ac benevolentem, & *Inefficacem*, seu complacentem. Prior est efficax Dei volitio, quò circa Creaturas aliquid operatur, vel eas deducendo à statu possibilitatis ad statum futurationis, & à futuritione ad existentiam actualem; Vel in eis existentibus aliquid operando; Aut in ordine naturæ per earum conservationem, & suam cooperationem in agendo; Aut in ordine gratiæ, per earum sanctificationem, excitationem, & motionem supernaturalem; Aut denique in ordine gloriæ eas beatificando per suæ Divinitatis manifestationem. Posterior verò est simplex affectus, quem habet erga Creaturas, nihil tamen circa ipsas operando, sed tantum in ipsis complacendo, seu ut loquitur Doctor, *Quædam Deus diligit dilectione efficaci, puta illa quæ aliquando producit in esse; quædam volitione quadam complacentiæ non efficaci, quæ tamen nunquam producit in esse: ostenduntur tamen ab intellectu suo ut possibilia habere tantam bonitatem, sicut illa quæ diligit dilectione efficaci.*

Notandum 3. Hoc esse discrimen inter indifferentiam, necessitatem, & libertatem essentialem: Primò quòd Indifferentia subsistere nequeat cum necessitate; quod enim est indifferens, est contingens, potest quæ esse, vel non esse: Necessarium autem, & contingens invicem pugnant; adeoque simul subsistere nequeunt: Necessitas verò stat cum libertate essentiali, quæ nullam dicit indifferentiam, sed solum propensionem voluntariam divinæ Voluntatis in suum objectum. Secundò Indifferentia est comes, imò ratio formalis libertatis quoad

specificationem, & quoad exercitium; Liberum enim quoad specificationem potest tendere in hoc, vel illud obiectum, idque per actum amoris, vel odii, fugæ aut prosecutionis: Similiter liberum quoad exercitium potest actum elicere, vel non elicere, seu suspendere, etiam positis omnibus circumstantiis ad agendum requisitis; quæ indifferentia nullatenus reperitur in libertate essentiali; hæc enim nec est indifferens ad amandum, vel odiendum suum obiectum primum, nec indifferens ad eliciendum suum actum, vel non eliciendum, sed necessario, voluntariè tamen, in utrumque propendit.

CONCLUSIO PRIMA.

Deus reverè diligit Creaturas possibiles amore simplicis complacentiæ. Ita Doctor pluribi, maxime verò in 1. dist. 8. quæst. 5. & in 3. dist. 32. n. 2. nec-non, & quæst. 16. quodlibetica I. tit. I. Probatur 1. Illud Deus diligit quod est bonum; sed illæ Creaturæ possibiles sunt bonæ: Ergo, & à Deo dilectæ: *Major* patet. *Minor* probatur: Illæ Creaturæ possibiles sunt entia verè possibilia: Ergo habent proprietates entis quæ sunt veritas, & bonitas, & consequenter sicut rationes suæ veritatis entitativæ sunt à Deo cognoscibiles, & cognitæ, ita pariter rationes suæ bonitatis sunt ab ipso amabiles, & amatæ. *Deinde*, divina voluntas non minus est universalis, quàm divinus intellectus: sed divinus intellectus versatur circa creaturas possibiles cognoscendas: Ergo pariter divina voluntas versari debet circa ipsas amandas. *Major* constat; quemadmodum enim divina intellectio non esset comprehensiva nisi cognosceret omne cognoscibile; ita à pari divinus amor non esset comprehensivus nisi attingeret omne amabile: Sed amor Dei quæ debet esse comprehensivus, ac divina intellectio: Ergo sicut hæc versatur circa omne intelligibile, tam actuale, quàm futurum, & possibile, ita pariter ille versari debet circa omne amabile tam actuale, quàm futurum, & possibile.

Denique, si Deus non amaret creaturas possibiles amore complacentiæ, maxime quia sunt tantum possibiles; sed hæc ratio divino amor non officit; siquidem, quando rem aliquam intendimus propter finem, & ad ejus prosecutionem movemur,

eò quòd per intellectum proposita in ipsa complacemus, tunc talis res solum proponitur ut possibilis: Ergo circa possibile dari potest simplex complacentia, & amor inefficax. *Adde* quòd Deus complacet de sua Omnipotentia, quæ connexionem habet cum rebus possibilibus: Ergo pariter complacet in illis rebus possibilibus.

Dices 1. Res possibilis est purum nihil: Ergo non est ens, nec consequenter est bona, nec proinde est obiectum voluntatis.

Distinguo: Est purum nihil actuale, & secundum existentiam actualem, concedo; Est purum nihil possibile, & secundum veritatem essentialem, nego; Ergo licet res possibiles formaliter considerate, & actu sint purum nihil, aut saltem ens rationis; tamen sunt aliquid reale possibile, & divinus intellectus in ipsis considerat bonitatem possibilem, eamque voluntati divinæ exhibet, quod sufficit ut à Deo amentur. Deus enim reverè amat creaturas futuras, quia aliquando realem sunt habituræ bonitatem, licet de facto, & actu nihil sint.

Dices 2. Amare est alicui velle bonum aliquod: sed creaturis possibilibus Deus nullum vult bonum; imò vult ipsis maximum malum, nempe carentiam existentie, & realitatis actualis: Ergo illas non diligit.

Distinguo majorem: Amare aliquid amore amicitie, est velle ipsi bonum, concedo: Amare aliquid amore simplicis complacentiæ, est velle ipsi bonum, nego: Ad hoc enim sufficit, quòd amans complacet in obiecto amato nullam formando volitionem circa bonum, aut malum ipsius; etenim præter benevolentiam est simplex complacentia, sicut præter malevolentiam est simplex displicentia. Deus autem complacet in creaturis possibilibus, eò quòd sint participiones quædam ipsius esse; nec eis non vult existentiam: sed solum in eis merè complacet, & se habet merè negativè quantum ad volitionem, aut nolitionem existentie. Nec enim ad dilectionem opus est aliquid dilecto conferre; Deus enim seipsum diligit, & tamen sibi ipsi nihil confert: Similiter Deus gaudet, & sibi placet in beatitudine, & donis, quæ confert Beatissime nova collatione interiori, ne abeat in infinitum: Amor enim complacentiæ non requirit collationem boni, sed illam præsupponit.

Dices 3. Si Deus amet possibilia, etiam

amabit peccatum possibile; sed absurdum consequens: Ergo & antecedens. Probatur sequela, peccatum possibile verè est possibile: Ergo veram habet rationem entis possibili, adeoque habet bonitatem possibilem, & consequenter amabilitatem.

Distinguo antecedens: Amabit peccatum possibile quantum ad entitatem physicam actus, quæ est producibilis à Deo, & quædam participatio ipsius esse, concedo: quantum ad deordinationem moralem, & carentiam resistentiæ, quæ non est producibilis, nec habet aliquam causam effectivam, sed solum deficientem, & exorbitantem voluntatem creatam, nego.

CONCLUSIO SECUNDA.

Deus amat liberè Creaturas tam actuales, quam futuras; possibiles verò necessario diligit. Hæc Conclusio duas habet partes: quarum probatur prima, nempe quod amet liberè creaturas actuales, & futuras. Deus liberè operatur ad extra: Ergo liberè vult, & diligit creaturas, quas vel futuras decernit, vel producit existentes. Antecedens est de fide determinatum in Concilio Constantiensi sess. 8. art. 7. contra Vvicleffum, & constat pluribus Scripturæ textibus, nam Ps. 93. *Deus ultionum liberè egit:* Et ad Rom. 9. *Cujus vult, miseretur, & quem vult, indurat.* Deinde voluntas non est principium necessarium producenti aliquem amorem alicujus objecti, inquit Doctor in 1. dist. 10. n. 9. nisi sit necessarium principium amandi illud objectum; voluntas autem infinita non est necessarium principium amandi objectum finitum, quia tunc Deus necessario amaret quamlibet creaturam, imò & omne amabile: Ergo nec est necessarium principium producenti amorem suum comparando illud ad quodcumque objectum. Denique qui vult necessario finem, non propterea debet necessario velle media ordinata ad finem, maxime dum talis finis sine mediis obtineri potest: Ergo licet creaturæ sint media ordinata ad Deum, ut ad suum finem, cum Deus seipsum possideat, & amet independenter à creaturis, etiamsi necessario seipsum diligit, non tamen debet Creaturas necessario diligere.

Dicitur 1. Deus necessario cognoscit Creaturas existentes, & futuras: Ergo illas necessario vult, & amat. Probatur con-

sequentia; Non enim est major ratio cur divina scientia extendatur ad omnia cognoscibilia, quam divina voluntas ad omnia amabilia.

Distinguo antecedens: Deus necessario cognoscit Creaturas existentes, & futuras, præsupposita earum libera futuritione, & existentia, concedo; Absolutè, & simpliciter, nego: Unde scientia visionis, qua Deus Creaturas futuras & existentes cognoscit, est simpliciter libera, quia supponit liberam Dei determinationem, & voluntarium ejus decretum de illarum creaturarum futuritione, & existentia; Unde tantum est necessaria consequenter ex præsupposito scilicet invariabili ejus decreto; hanc autem necessitatem etiam habet divina voluntas.

Dicitur 2. Deum se communicare creaturis per earum futuritionem, & existentiam, est effectus suæ bonitatis, & liberalitatis; sed Deus necessario diligit suam liberalitatem, & bonitatem: Ergo etiam necessario diligit sui communicationem Creaturis in decernenda earum futuritione, & existentia.

Distinguo minorem; Deus necessario diligit suam bonitatem, & liberalitatem secundum entitatem, & quatenus est virtus, & perfectio suæ Divinitatis, concedo; Secundum exercitium liberalitatis, & actualiæ suæ communicationem, nego; Hæc enim cum sit potius perfectio Creaturæ quam Dei, solum à Deo liberè diligitur, & intenditur.

Secunda pars Conclusionis, Nempe quod Creaturas possibiles Deus necessario diligit quantum ad exercitium, est expressa Doctoris sententia, ut constat ex pluribus illius textibus, maxime ex qu. 16. quod. art. 1. circa finem, ubi cum distinxisset duplicem necessitatem, nimirum necessitatem *Immutabilitatis*, quæ excludit successionem, & necessitatem *Inevitabilitatis*, sive determinationis, quæ non solum excludit successionem, sed etiam potentiam non faciendi aliquid; subdit, *De secunda necessitate potest dici, quod licet necessario voluntas divina habeat actum complacentiæ respectu cujuscumque intelligibilis, in quantum in illo ostenditur quedam participatio bonitatis propriæ; tamen non necessario vult quodcumque creaturæ voluntate efficaci, sive determinatione illius ad existendum; imò sic vult contingenter Creaturam fore sicut contingenter eam causat, quia*

quia si necessarii hac secunda necessitate vellet eam fore, necessarii etiam necessitate inevitabilis eam causat: Quibus Doctor distinguit amorem quem Deus habet erga creaturas futuras, & existentes ab eo quem habet erga possibles, eo quod illas diligit liberè, has verò necessariò. Probat^{ur} insuper, Si Deus diligeret liberè Creaturas possibles ab æterno libertate quantum ad exercitium, posset eas diligere vel non diligere, sicut potest futuras vel existentes diligere, & non diligere; quia potest earum futuritatem, & existentiam decernere, vel non decernere; sed hoc dici nequit. *Probat^{ur}*; Si Creaturas possibles Deus posset diligere, vel non diligere, sequeretur quod illæ de non dilectis fieri possent dilectæ; sed falsum est consequens. *Probat^{ur}*, Aliquid non potest fieri de non dilecto dilectum nisi interveniat aliqua mutatio, vel in diligente, vel in re dilecta; Sed nulla cadere potest mutatio, nec in Deo diligente, quia est immutabilis; nec in rebus possibilibus, quia semper eodem modo necessariò sunt possibles; Ergo non possunt fieri de non dilectis dilectæ, nec consequenter possunt à Deo diligi, vel non diligi. Et sic vel oportet eas necessariò semper diligi, vel semper non diligi; sed dici non potest eas à Deo necessariò non diligi; cum ipsis aliqua bonitas conveniat qua Deo placere possunt; Ergo voluntas Dei eas necessariò diligit tam quoad specificationem quam quoad exercitium, quia non possunt displicere Deo, & quia non possunt non amari à Deo.

Confirmatur; Idcirco Deus dicitur liberè dilige Creaturas possibles, & existentes, quia illius divina voluntas aliter censetur ad eas terminari quam terminabatur ad earum possibilitatem; Siquidem de possibilibus sunt futuræ, & de futuris existentes. Ergo cum illa divina voluntas eodem modo semper terminetur ad Creaturas possibles, dici non potest quod eas liberè diligit. *Deinde*, Si Deus ab æterno liber esset ad complacendum vel non complacendum in rebus possibilibus, sequeretur quod etiam nunc posset in illis non complacere; sed falsum consequens; Ergo & antecedens. *Probat^{ur} sequela*; quia si Deus ab æterno potuit sine ulla sui mutatione non complacere in Creaturis, in quibus nunc complacet, etiam sine ulla sui mutatione posset nunc complacere in illis

Creaturis possibilibus, in quibus antea complacemat; hoc autem absurdum est, siquidem non fit transitus de uno contradictorio in aliud absque aliqua mutatione; nulla autem excogitari potest mutatio, neque in Creatura possibili dilecta, neque in Deo diligente; Ergo nulla est.

Denique, libertas vel necessitas in actu voluntatis Dei desumitur ex libero, vel necessariò statu objecti ad quod terminatur: sed Creaturæ possibles sunt necessariæ: Ergo Deus necessariò illas amat. *Major* patet, tum, quia eodem modo ratiocinandum est de cognitione, ac de dilectione Dei circa objecta externa: sed scientia Dei quæ versatur circa objecta necessaria, qualia sunt possibilia, dicitur necessaria; illa verò quæ versatur circa objecta libera, quales sunt res futuræ & existentes, dicitur libera: Ergo à pari dilectio Dei circa objecta necessaria, puta circa res possibles, etiam dicenda est necessaria.

Dices 1. Deus nihil amat necessariò nisi id à quo necessariò movetur: sed non potest necessariò moveri ab aliquo objecto finito, quales sunt Creaturæ possibles: Ergo illas non diligit necessariò. *Major* patet: Talis enim censetur amor, qualem censetur objectum formale motivum. *Minor* probatur à Doctore q. 16. quodlib. lit. M. ubi disertè affirmat divinam voluntatem non moveri necessariò ab aliquo finito: *Voluntas infinita*, inquit, *necessariò habet actum circa objectum infinitum, quia hoc est perfectionis*: Et pari ratione, *non necessariò habet actum circa objectum finitum, quia hoc esset imperfectionis*; nam imperfectionis est necessariò determinari ad posterius, & perfectionis requiritur *esse* sic determinari ad prius.

Disting. major. Non potest Deus amare aliquid necessariò primariò, & principaliter nisi id à quo movetur, concedo; Secundariò, & minus principaliter, nego: Objectum enim primarium debet quidem esse motivum, & motivum quidem necessariò, si amor est necessarius; Objectum autem secundarium, non ita debet esse motivum; sed sufficit quod sit terminativum: Unde cum Deus tantum moveatur ad amorem creaturarum per suam bonitatem essentialem, ut statim probabitur: Hinc est quod illæ Creaturæ non debeant habere rationem objecti moventis, sed solum terminantis. *Ad Doctorem* dico cum esse intelligendum de objecto primario divinæ voluntatis, quod

quod equidem non potest esse aliquid finitum, ut jam sæpe dictum est.

Dices 2. Si Deus necessariò amaret Creaturas possibiles, maximè vel propter earum bonitatem, vel propter necessariam connexionem quam habet cum ipsis: sed neutrum dici potest: *Non quidem primum*; quia Creaturæ futuræ, & existentes, majorem habent bonitatem, quia perfectiorem habent dignitatem quam possibiles, & nihilominus liberè à Deo amantur. *Non etiam secundum*; Deus enim nullam habet necessariam connexionem cum rebus possibilibus, et si enim nulla esset Creatura possibilibus, nihilominus Deus reverà perfectissimus existeret.

Respondet: illam necessitatem divini amoris non equidem oriri ex Creaturarum possibilitate bonitate, neque ex necessaria connexionem Dei cum illis; sed solum ex immutabilitate ipsius divinæ voluntatis quæ nequit diverso modo comparari ad objectum, nec dici illud amare, vel non amare nisi aliqua intercedat varietas, & mutatio physica aut moralis in illo objecto, aut in Deo diligente: Unde cum in Creatura possibili nulla intercedat varietas ex dilectione Dei, sequitur quod si aliqua esset varietas, & mutatio in hoc amore, esset reverà esse deberet si talis amor liber esset, illa mutatio in Deum deberet refundi: quod cum repugnet, etiam repugnat illum amorem esse liberum.

Dices 3. Si amor quo Deus Creaturas possibiles diligit, esset necessarius, sequeretur Deum eodem modo Creaturas possibiles ac seipsum diligere: Siquidem seipsum necessariò diligit quoad specificationem, & exercitium: sed hoc est absurdum; Ergo & id unde sequitur.

Nego sequelam majorem: Necessitas enim amoris colligitur ex necessitate objecti; Unde cum Creaturæ possibiles non sint tantæ necessitatis quanta est necessitas divini esse, etiam illarum amor non potest dici equè necessarius, ac amor divinæ essentiae. *Adde quod* plures etiam aliæ sunt rationes disparitatis inter amorem utriusque objecti; Deus enim seipsum amat ut objectum primarium, & adæquatum suæ voluntatis, & propter suam bonitatem; Creaturas verò possibiles tantum ut objectum secundarium, nec propter earum bonitatem, sed tantummodo propter suam, aut aperiet

CONCLUSIO TERTIA.

Objectum formale motivum divini amoris erga Creaturas, est sola bonitas essentialis Dei: non autem Creaturarum ipsarum bonitas: Ita Doctor pluribus, sed maxime in 3. dist. 32. n. 5. *Sola essentia divina*, inquit, potest esse prima ratio agendi iam intellectui divino quam voluntati; quia si aliquis alius posset esse prima ratio agendi, vilesceret illa potentia: Ipsi concinit S. Th. 1. p. qu. 2. art. 2. ad 2. ubi ait: *In his quæ voluntas propter finem, tota ratio movendi est finis, & hoc est quod movet voluntatem ... Unde cum Deus alia à se non velit, nisi propter finem qui est sua bonitas, non sequitur quod aliquid aliud moveat voluntatem ejus, nisi bonitas sua.* Probat 1. Objectum motivum divinæ voluntatis est finis, medium enim ut medium solum est volitum, quatenus conducit ad finem: sed sola bonitas increata, & essentialis, est finis eorum quæ vult divina voluntas, juxta illud Proverbiorum 16. *Omnia propter semetipsum operatus est Dominus:* Ergo illa sola est objectum motivum divinæ voluntatis. *Deinde* voluntas specificatur ab objecto suo formali motivo: sed divina voluntas specificari non potest à bonitate creata: Ergo nec ab illa moveri. *Major* constat. *Minor* probatur: Specificari ab aliquo est ab illo dependere in ratione causæ formalis: Specificativum enim habet rationem causæ formalis saltem extrinsecæ respectu rei specificatæ: sed divina voluntas non potest pendere à bonitate creata: Ergo nec ab illa specificari.

Denique, Amor Dei erga Creaturas non est affectivus, sed effectivus: Ergo non allicitur, nec movetur à bonitate creata. *Consequentia* pater, Amor enim effectivus non movetur à bonitate objecti; quia illam in eo non supponit, sed ponit. Antecedens docetur frequenter à sanctis Patribus, præsertim à S. Bernardo cap. 4. de amore divino, ubi exponens discrimen inter amorem Dei erga nos, & nostri erga Deum, ait: *Non afficeris à nobis, vel ad nos cum nos amas: nos à te, & in te, & ad te afficimur cum amamus te.* Suadet etiam ratio; Amor enim affectivus transformat amantem in amatum, & illi quodammodo subjicit: Amor autem effectivus transformatur amatum in amantem, & illi bona sua communicat; sed repugnat Deum transformari in

in creaturam; Ergo etiam repugnat illam diligere amore affectivo.

Dices 1. Plerumque Scriptura sacra indicat creaturas à Deo diligere propter aliquam eorum bonitatem, aut moralem, aut physicam; sic Christus Joanni 10. *Propterea diligit me Pater, quia ego pono animam meam.* Quibus Christus indicat se diligere à Patre propter bonitatem suam moralem, nimirum propter charitatem, & obedientiam. Deinde S. Augustinus lib. 11. de Civitate, cap. 21. in illa verba, *Dixit Deus, fiat lux, ait, Si querimus quis fecerit, Deus est; si per quid fecerit, dixit fiat, & facta est; Si quare fecerit, quia bona est.* Quibus S. Augustinus indicat lucem, idcirco creatam propterea quod illius bonitas futura allucebat, & movebat Deum ad creandum.

Respondeo; His aut similibus, tum Scripturæ, tum sanctorum Patrum loquendi modis, solum significari unum obiectum creatum esse alteri causam, ut ordinem habeat ad Dei voluntatem, non verò quod creatura sit motivum ipsius divinæ voluntatis. *Vel dico,* per illud loquendi genus, designari creaturarum bonitatem, esse quidem obiectum terminativum secundariò ipsius divini amoris. *Denique,* ad S. Augustinum, & similes auctoritates dici potest Deum fecisse lucem quia bonam; idest, quia utilem ad bonum universi, & ad creaturam rationalem ad quam ordinat omnia, non quod bonitas universi, vel creatura rationalis sit ratio motiva divini amoris.

Dices 2. Creaturæ in se formalem habent bonitatem; Ergo sunt in se formaliter amabiles à Deo. *Nego consequentiam;* Exinde enim solum sequitur quod Creaturæ bonitas formalis sit terminativa divini amoris, non autem quod sit illius motiva.

Dices 3. Merita movent voluntatem præmiantis, tam alliciendo, & inclinando ad conferendum præmium repositum: Ergo merita nostra movent divinam voluntatem, eamque inclinant ad præmiandum; & consequenter habent rationem obiecti motivi respectu divinæ voluntatis.

Distinguo consequens; Merita nostra movent Dei voluntatem ut considerantur in seipsis, nego; Ut virtualiter, & eminenter continentur in bonitate essentiali Dei, & representantur in essentia divina, concedo.

Inflabis: Merita ut in Dei bonitate con-

tinentur, non possunt habere rationem meriti, cum divina bonitas meritum esse non possit; Ergo si solum moveant divinam voluntatem, quatenus in ejus bonitate essentiali continentur, non movent illam, quatenus sunt merita.

Distinguo antecedens; Si continerentur formaliter, concedo; Si continerentur eminenter, nego; Itaque merita in Dei bonitate formaliter non continentur, quia equidem divina bonitas non potest habere rationem meriti; sed illam servant quatenus in bonitate essentiali Dei eminenter continentur.

Dices 4. In Deo reperitur Justitia, & Misericordia; sed si sola bonitas increata sit obiectum formale motivum divinæ voluntatis, illæ virtutes in eo subsistere non possunt; Obiectum enim formale motivum illarum virtutum non est aliquid increatum, sed creatum; Obiectum enim misericordiæ est aliena miseria ut sublevanda; Obiectum verò justitiæ est alienum jus ut salvandum; Ergo, &c.

Nego minorem, & ad ejus probationem dico; Quod etsi verè sit justitia, & misericordia creata specificentur, & moveantur à bonitate, & honestate creata; secus tamen est de misericordia, & justitia divina, quæ moventur solum à bonitate increata; misericordia quidem prout est ratio miserendi, & justitia quatenus est ratio præmiandi; quod ipsa divina bonitas præstat, quatenus eminenter continet honestates obiectivas misericordiæ, & justitiæ creatæ.

Dices 5. Deus etenim vult, & diligit omnia propter seipsum, quatenus ea vult propter gloriam suam; sed illa gloria, quam Deus intendit, est aliquid creatum, nimirum cognitio, amor, & cultus ipsius; Ergo non propter suam bonitatem essentialem, sed etiam propter aliquid creatum interdu deus creaturas diligit.

Respondeo duplicem esse finem, nimirum qui intenditur ab agente, & quo, seu medio quo finis intenditur, & acquiritur; Unde in forma. *Distinguo minorem,* Gloria est finis quo Deus ordinat Creaturas ad suam ipsam bonitatem, concedo; Est finis qui ab ipso Deo intenditur, nego; Hic enim finis qui à Deo intenditur, non alius est quam ipsemet Deus glorificandus. Unde dum sacra Scriptura plerumque monet omnia opera nostra in Dei gloriam faciendâ, non est intelligenda de gloria

gloria creata, alias hæc opera essent imperfecta; Siquidem fierent propter Creaturam; sed interpretanda est de gloria divina obiectivè considerata, idest de Deo ipso glorificando.

Dices 6. Si Deus Creaturas diligeret tantum propter suam bonitatem essentialem, sequeretur illam bonitatem habere rationem finis, & Creaturas habere rationem medii ordinati ad ipsum finem: sed falsum est consequens quoad utramque partem; Ergo & illud unde sequitur. Probat *minor*; Primò, certum est Deum non habere finem, cum sit ipse omnium finis ultimus; siquæ non potest agere propter finem. Secundò, certum pariter Creaturas non habere rationem medii respectu bonitatis essentialis; etenim aliquid habet rationem medii, quatenus conducit ad finis assecutionem; sed Creaturæ non conducunt ad assecutionem bonitatis essentialis Dei, cum illa non dependeat à Creaturis; Ergo non habent rationem medii in ordine ad ipsam.

Nego majorem quoad utramque partem; & primam illius probationem distinguo cum Doctore in 1. dist. 1. q. 5. n. 6. Deus non habet finem sui ipsius, concedo; Non habet finem suorum effectuum, & creaturarum quas ordinat ad seipsum, nego; Licet igitur, inquit Doctör, Deus non sit finis sui, tamen respectu voluntatis suæ est illud obiectum cui nata est competere ratio finis; quia est summum bonum; Non tamen potest sibi competere ratio finis respectu sui, sicut nec respectu sui est finis; sed respectu omnium finibilium, qualia sunt bona ordinabilia ad aliud. Deinde sibi objiciens Doctör, Quomodo ergo Deus dicitur agere propter finem; & etiam quod superioris agentis est finis superior? Respondet ad primum, illud debere intelligi; Quod agat propter finem effectus, non propter finem sui; quia non est agens sui; nam, ut præmiserat respectu nullius est causa finalis aliqua, nisi respectu cuius est causa efficiens; quia causalitas causa finalis est movere efficiens ad agendum. Respondet ad secundum, illud debere intelligi de fine effectus; quia agens superior ordinat, non se, sed effectum ad finem universaliorem, vel superiorē: & ita iste finis superior est agentis, non ut finis ejus, sed ad quem ordinat illud quod agit.

Ad secundam probationem ejusdem minoris, dico in mediis duplicem distingui

posse respectum ad finem, nempe *dependentiæ* à fine in ordine intentionis, quatenus nimirum amantur media ratione finis; & *condecenciæ* ad finem in ordine executionis. Unde in forma: Creaturæ non habent rationem medii in ordine dependentiæ respectu bonitatis essentialis, nego: Eatenus enim eæ diliguntur, quatenus referuntur ad divinam illam bonitatem, & aliquid ejus participant. Non habent rationem medii in ordine condecenciæ ad finem; quia divina bonitas est omnino independens à Creaturis, nec illæ possunt aliquam habere causalitatem, nec aliquem influxum respectu illius, concedo: & nego consequentiam.

Dices denique: Si Deus solum amaret Creaturas propter suam bonitatem essentialē, sequeretur ipsum non habere amorem amicitie erga Creaturas rationales, Angelos nimirum, & Homines: sed falsum consequens; Ergo & antecedens. Patet sequela majoris, Amore enim amicitie obiectum amatur propter seipsum, & propter suam bonitatem formalem: Si enim quis alium diligit, non propter bonum dilecti, sed propter bonum diligentis, ille amor non erit amicitie, sed concupiscentiæ.

Nego seq. maj. Ad veram enim amicitiam sufficit ut amor terminetur ad obiectum dilectum, & quod amicus velit bonum amico propter seipsum, eo modo quo est capax illius boni, & secundum regulas honestatis; non autem necessum est quod obiectum dilectum sit movivum illius amoris: Sic autem se habent Creaturæ rationales quæ diliguntur à Deo amore amicitie. Licet enim non habeant rationem obiecti motivi respectu divini amoris, habent saltem rationem obiecti terminativi illius: & licet Deus illa diligat propter se, tanquam propter ultimum finem; nihilominus ille amor est vera amicitia; quia eum maximum nostrum bonum summaque nostra perfectio sit ordinari in Deum tanquam in ultimum finem, dum nos amat propter seipsum, etiam nos diligit propter bonum nostrum: sicut quando quis alterum ex charitate diligit, illum perfectò amore amicitie prosequitur, licet diligat illum propter Deum.

QUÆSTIO QUARTA.

*Quot & quoniam sint actus, seu effectus
divinae Voluntatis.*

Certum est unicum indivisibilem esse actum entitativum divinae voluntatis realiter ab ipsa indistinctum, cujus sequentes præcipuae sunt proprietates. *Primò*, quòd ille actus volitionis, & amoris, non sit accidentis, sed *substantia*; siquidem essentia divina identificatur, & est ipsemet Deus; adeoque pariter est æternus, necessarius, & immutabilis, cum sit ipsamet realis Divinitatis entitas. *Secundò* infinitus est, & ad omnia objecta amabilia, & volibilia terminatur, omnibusque voluntatis creatæ actibus virtualiter æquivalet, ita ut eadem una divina entitas actus sit volitio simul, & volitio, amor, & odium ejusdem objecti pro diversitate temporis, necnon & diversorum objectorum secundum varias eorum affectiones. *Tertiò* denique actus ille divinae voluntatis *unicus* est, & *simplicissimus* tam realiter, quam formaliter; Sicut enim actus ille infinitus est, ita pariter necessarius est unicuique, non enim esse possunt plura infinita ejusdem rationis: Hinc tota divina voluntatis actuum multiplicitas, si quæ sit, non est intrinseca, sed extrinseca, nec penes entitatem, sed penes tendentiam, & terminationem ad diversa objecta spectari debet. Cum itaque diversi sint actus, & effectus voluntatis creatæ, etiam hac in quæstione quaeritur an illa actuum & affectuum diversitas, saltem secundum tendentiam, & terminationem, in Deo formaliter possit admitti, quod ut fiat facilius,

Notandum 1. Actus, & affectus voluntatis creatæ distingui posse triplicis generis. Quidam enim respiciunt finem, & media ad ipsum ordinata, & illi sunt *simplex volitio, intentio, electio, consensus, imperium, executio, fructus*: Alii verò respiciunt bonum, aut malum, qui maxime dicuntur *affectus*: suntque in duplici differentia. Quidam enim proveniunt ex appetitu concupiscibili; Alii autem ex irascibili oriuntur: Priores sunt *amor, odium, desiderium, fuga, delectatio, tristitia*: Posteriores vero *timor, spes, desperatio, timor, audacia, & ira*. Hinc in præsentia quæstione resolvendum est, an hi omnes hu-

manæ voluntatis actus, & affectus etiam divinae formaliter tribui possint.

Notandum 2. Certum esse, nec *Spem*, nec *Desperationem* ullatenus Deo convenire. Tum quia spes est circa bonum arduum, desperatio verò circa malum arduum; Deo autem omnipotenti, nihil arduum esse potest. Tum quia spes non est circa id quod evidenter cognoscitur esse futurum, nam ut ait S. Paulus ad Rom. 8. *Spes quæ videtur, non est spes; nam quod videt quis, quid sperat? Si autem quod videmus speramus par patientiam speramus*: Deus autem evidenter novit omne futurum, adeoque non potest sperare. Tum denique quia spes respicit illum, à quo res aliqua speratur; tanquam superiorem, & potentiorē, qui possit tribuere id quod speratur; nullus enim aliquid à seipso propriè sperare dicitur: Deus autem nullum hujusmodi respicere potest, idcirco affectum spei, aut desperationis habere nequit.

Notandum 3. In Deo pariter non esse *Tristitiam*, nec *Timoem*, quia tristitia est de malo proprio, & præsentis: Timor verò respicit malum absens, sed imminens. Quamvis autem timor, & tristitia possint esse de malo proximi ex affectu amoris, & charitatis erga illum, nihilominus etiam sic in Deo esse nequeunt: quia quamvis timor, & tristitia sint de malo amici futuro, aut præsentis, sunt tamen de illo ita apprehenso quasi effectum malum proprium; Unde fit ut etiam in nobis passionem appetitus excitet, & moveat. Deo autem quamvis displiceat malum nostrum futurum, aut præsens, nunquam tamen ipse apprehendit illud, ac si proprium esset, quod tamen videtur necessarium ad rationem timoris, & tristitiæ de bono amici. Unde solum restat examinanda difficultas de cæteris voluntatis actibus, & affectibus, quæ ut solvatur evidentiis, hos omnes affectus, & actus sigillatim discutietur in sequentibus paragraphis.

§. I.

De Amore divino.

Certum est, & fide constat Deum amare Creaturas; Siquidem Sapientia 11. *Diligis omnia quæ sunt, & nihil odisti eorum quæ fecisti*; Jeremias 31. *In Charitate perpepetua dilexi te*; Joann. 4. *Sic Deus dilexit mundum*,

atum, &c. Verum quia amor est affectus medius inter desiderium, & gaudium sive delectationem, quatenus gaudium est de bono præfenti, & possessio: Desiderium vero de bono absenti quod possideri potest; Amor autem de bono secundum se considerato, & præscindente à præfentia, & absentia; cum divina bonitas non abstracta à præfentia, & absentia, sed sit intimè Deo præfens, & ab illo possessa; Idcirco videtur aliquibus Theologis Deum non habere amorem formaliter consideratum respectu suæ divinæ bonitatis; licet fortè illum habeat respectu bonorum ad extra. *Insuper*, cum in amore sit duplex respectus, alter ad rem cui volumus bonum, alter ad bonum ipsum quod volumus; Ratione prioris dicitur *amor amicitie*; Ratione vero posterioris, *amor concupiscentie* nominatur: non quod reverà sit duplex amoris actus; sed tantum quia in eodem actu duplex est amoris respectus. Hinc duo sunt hic resolvenda. Primum, an Deus reverà habeat amorem à desiderio, & gaudio distinctum. Secundum, an habeat amorem amicitie erga Creaturas.

Dico 1. *In Deo esse verum Amorem formaliter distinctum à gaudio, & desiderio*: Tum quia Scriptura sacra, & sancti Patres constanter tribuunt Deo amorem erga seipsum; affirmantque Spiritum sanctum procedere per amorem; quod certè explicari non debet de amore improprio, sed formali, & perfectissimo; maxime cum hic formalis amor nullatenus Deum dedecet, ut patebit in objectionum solutione. Tum quia quicumque habet voluntatem formaliter, habet etiam amorem formaliter; Nam ex Aristotele 2. *Rehoricorum cap. 4.* Amare, est velle alicui bonum, & complacentiam illius habere; adeoque *amare* non minus propriè ipsi convenit quàm *velle*: sed in Deo est voluntas formaliter: Ergo & amor. Tum denique quia, siquid obesset quominus amor strictissime sumptus, & prout à gaudio distinguitur, Deo tribui posset; maxime quia hic amor terminari deberet ad bonum absens, non autem ad bonum præfens, & possessum: sed falsum consequens. Probat, amor non minus terminatur ad id quod est conveniens, sive interim sit existens, sive præscindens ab existentia, quàm ad objectum bonum ut formaliter bonum est; sed reverà terminatur ad bonum prout bonum est: Ergo

etiam reverà terminari potest ad objectum conveniens quatenus est conveniens, sive interim consideretur ut actu existens, sive quatenus præscindit ab existentia.

Confirmatur 1. Si præfentia objecti amori repugnaret, sequeretur gaudium, & amorem nusquam simul posse subsistere, nullusque gaudere posset de bono possessio quia illud diligit, sed quia dilexit illud cum nondum illud possideret: hoc autem consequens falsum esse convincitur, ex eo quod bonum de quo gaudemus incipit displicere dum incipit non amari, gaudiumque de ipso cum illius amore minuitur.

Deinde, tantum abest quod præfentia objecti amori repugnet illumque exinguat, imò potius illum augeat, & perficit; quod maxime patet in bonis spiritualibus quorum possessio amorem non minuit, sed augeat: in quo à bonis temporaneis maxime discrepat quæ ante sui possessionem desiderium accendunt, possessa vero ob sui exiguitatem fastidium generant.

Denique, amor beatificus verè tendit in Deum possessum, non autem quatenus abstractum à possessione, vel non possessione: Ergo talis præcisio non est de conceptu, & essentia amoris. Patet antecedens: Amor enim beatificus regulatur per cognitionem intuitivam Deum ut est in se respicientem: & per consequens non attingentem Deum quatenus præscindit à possessione, vel non possessione: Ergo talis præcisio non est necessaria ad amorem.

Dices 1. Actus distinguuntur per objecta: sed objectum amoris est bonum ut sic abstractum à præfentia, & absentia, à possessione, vel non possessione illius: Ergo cum actus divinæ Voluntatis terminetur ad voluntatem divinam, ut præfentem, & possessum, non habebit rationem amoris, vel odii.

Distinguo minorem: Objectum amoris est bonum abstractum à possessione, & non possessione, ita quod ratio possessi, & consecuti se habeat tantum materialiter, & ut ratio quæ attingitur, concedo: ita quod se habeat formaliter, & reduplicativè quatenus est ratio sub qua, seu motiva, nego: Primo quidem modo terminatur actum amoris: Secundo verò terminatur, & specificat actum fruitionis, & gaudii. Ut autem distinguatur amor à gaudio, non est necessaria præcisio positiva bonitatis à possessione, sed sufficit negativa: id est, suf-

sufficit quòd objectum sit quidem possessum, non tamen diligatur præcisè, & formaliter quatenus possessum.

Dices 2. In Deo non est scientia simplicis intelligentiæ circa seipsum: Ergo nec strictus amor circa suam bonitatem. Probatur consequentia: Ideò Deus non habet scientiam simplicis intelligentiæ circa seipsum, quia objectum hujus scientiæ præcindit ab existentia, Deus autem non potest cognoscere seipsum nisi existentem; sed objectum amoris etiam præcindit ab existentia, quatenus discrepat ab objecto gaudii: Ergo, &c.

Respondeo 1. negando consequentiam: Deus enim reverà seipsum cognoscit scientia simplicis intelligentiæ, neque ad eam scientiam requiritur quòd illius objectum præcindat ab existentia, ut jam dictum est agendo de cognitione divina. *Secundo* disparitas est inter amorem, & scientiam simplicem, quatenus hæc versatur circa Creaturas; quòd equidem scientiam simplex cognoscat Creaturas tantum ut possibiles, & quatenus positivè præcindunt ab existentia; scientia autem visionis attingat illas ut existentes, vel ut exituras: Amor autem quatenus distinguitur à gaudio non debet terminari ad bonum possessum quatenus positivè præcindit ab actuali possessione, sed sufficit quòd ab ea præcindat negativè, seu quòd per amorem non attingatur præcisè, & formaliter quatenus est possessum, sed tantum quatenus est conveniens.

Dico 2. In Deo verum esse amorem amicitie. Ita Doctor in 3. dist. 27. n. 20. Et probatur 1. ex pluribus sacre Scripturæ textibus, quibus homines amici Dei prædicantur; sic Ps. 138. *Nimis honorati sunt amici tui Deus.* Sap. 7. *Sapientia transfert se in animas sanctas, & amicos Dei constituit.* Joann. 10. *Jam non dicam vos servos, sed amicos: Et vos amici mei estis.* Deinde Scriptura omnes conditiones amicitie admittit inter Deum, & nos, nempe mutuum dilectionem utrinque notam Joann. 10. *Ego cognosco vos meas, & cognoscunt me mee:* Communicationem denique Proveb. 8. *Delicia mee esse cum Filiis hominum.* Joann. 14. *Ad eum venimus, & apud eum mansionem faciemus.* Apocalyp. 4. *Intrabo ad illum, & cenabo cum illo, & ipse mecum.* Probatur secundo ratione: Amor amicitie maxime consistit in eo quòd aliquis velit alteri bonum quate-

nus ipsi conveniens: quòdque hæc benevolentia sit mutua: sed Deus absque ulla imperfectione potest velle bonum Creaturæ rationali non gratia sui, sed gratia illius, cum Deus ex bono Creaturæ communicato nullam prorsus utilitatem accipiat: Potest ergo habere amorem benevolentie circa ipsam. Similiter Creatura rationalis Deum redamare potest; ipsique velle bonum nempe gloriam, & honorem; adeoque hæc benevolentia potest esse mutua.

Dices ex Aristotele 8. Ethic. cap. 7. amicitia non est nisi inter æquales: Ergo nulla amicitia potest intercedere inter Deum, & Creaturas personales.

Respondet Doctor laudatus Aristotelem ibi loqui de perfecta, & strictè sumpta amicitia, qualis equidem non est inter Deum, & Creaturas rationales; non autem negavit amicitiam inter Deum, & homines, nec inter Principem, & subditum. Imò potius inter ipsos est quædam amicitia excellentiæ; illa enim excellentia objecti, inquit Doctor, non tollit quòd est perfectio-
nis in objecto, sed illud quòd est im-
perfectio. Honestas quippe in dili-
bili, & redamatio in dilecto sunt con-
ditiones per se in diligibili, non qui-
dem imperfectio; imò non esset per-
fectio si non redamaret: sed æqualitas
in istis est conditio concomitans. Deus
autem habet honestatem, & redamatio-
nem, sicut amationem, & excellentius
potest esse amicitia ad ipsum, ita ut di-
catur *Super amicitia.*

Et si arguatur quòd æqualitas est ratio amicitie; verum est supposita honestate quæ est prima ratio amabilis, æqualitas autem est ratio amicitie strictè sumptæ; sed excellentia est ratio habitus magis similis, vel perfectioris, quam sit amicitia; talem in proposito voco Charitatem.

Quantum autem ad Creaturas irracionales, certum est eas amari à Deo, non amore quidem amicitie; sed amore concupiscentie, quatenus illas vult propter commodum, & utilitatem rationalium Creaturarum. Cum igitur Deus omnia inanimata, & irrationalia diligat, ob nostram utilitatem, & commoditatem, sequitur: eas non esse objectum amoris amicitie, & benevolentie, nisi fortè imperfectæ. Seu ut loquitur Doctor in 3. dist. 32. ad secundum, *Libet inanimata non finis propriè diligibilia ex Charitate quæ est amicitia, & ad ipsa non est ami-*

amicitia propriè habenda, potest tamen haberi ad ipsa aliquod velle ex Charitate, quale scilicet habendum est ad ea; possum enim ex Charitate velle arborem esse, & arbori mibi servire ad talem actum, in quantum talis actus juvat me ulterius ad diligendum Deum in se. Et hoc modo potest concedi quòd Deus ex Charitate diligit omnia non voluntate amicitie, sed tali qualis est habenda respectu eorum.

Ex his patet gaudium esse formaliter in Deo, est enim affectus de bono possessio quatenus possidetur. Deus autem seipsum bonorum omnium maximum revera possidet, seipsoque fruitur, adeoque gaudium habet formaliter.

§. I I.

An odium Deo formaliter conveniat.

Duplex odium distinguitur, Aliud quidem Abominationis, Aliud verò Inimicitia. Odium abominationis, est displicentia mali quod nos patimur, aut alii. In quo duo involvuntur actus. Primus quidem amoris erga personam. Secundus verò displicentia erga malum quod ipsi accidit, idcirco enim dolemus quod alicui malum accedat, quia ipsum diligimus. Odium inimicitia, est velle alicui malum sub ea ratione qua ipsi malum est. In quo pariter odio sunt duo actus, nimirum displicentia personæ, & complacentia de malo quod ipsi accidit, sic v.g. odiendo personam Petri, Inimicus ejus complacet in jactura ipsius famæ, vel bonorum. Queritur autem an hoc utrumque odium sit formaliter in Deo.

Dico 1. In eo esse formaliter odium abominationis, nam ut loquitur sanctus Thomas 1. 2. quæst. 29. nu. 1. odium est dissonantia appetitus ab eo quod nocivum, & repugnans apparet: sed impius, & impietas est divino honori repugnans: Ergo etiam divino appetitui dissonat, adeoque in ipso est odium.

Deinde, non minus propriè displicet peccatum Deo, & nollet ab homine fieri, quam desiderat justam, & rectam hominis vitam: displicet autem Deo peccatum duplici ratione, nimirum quatenus est sibi contrarium, & quatenus homini nocivum: Ergo peccatum odit Deus ex complacentia sui, & hominis, adeoque habet odium abominationis erga peccatum simul cum amore erga se, & erga homines.

Fraßen Theol. Tom. II.

Denique, illud formaliter Deus censetur odisse quod ipsius voluntati omnimode repugnat: sed peccatum divinæ Voluntati omnimode repugnat, siquidem Deus illud prohibet committendum, & commissum severè punit, & consequenter habet odium abominationis erga ipsum.

Dicitur, Odium refertur ad subsistentia, sicut & amor qui terminatur ad rem subsistentem non est ad accedens: sed peccatum non est subsistens, est enim privatio, & carentia rectitudinis: Ergo illud Deus odisse non potest.

Nego majorem, odium enim abominationis non versatur circa personam, sed circa id quod ipsi est repugnans, & disconveniens, sive sit substantia, sive accedens. Unde hoc odio odimus mortem, aegritudinem, peccata, &c. quæ sunt accidentia, idque formaliter, & propriè, alioquin non propriè diceremus odio habere peccatum, de quo dolemus, & poenitemus.

Dico 2. Odium inimicitia esse etiam in Deo formaliter, ut constat ex illo Exodi 23. Inimicus ero inimicis tuis. Et Sapientia 14. Odio sunt Deo impius, & impietas ejus. Et Psalm. 5. Odissi omnes qui operantur iniquitatem. Qui textus disertè affirmant Deum odisse nedum peccatum, sed etiam peccatorem. Secundò, Deus non tantum vult homini peccatori poenam, sed etiam illi vult ex displicentia ipsius personæ, & quatenus illius malum est: Ergo odio inimicitia habet ipsum peccatorem. Patet antecedens, licet enim ipsa persona quatenus est Creatura Dei, ipsi non displiceat, reverà tamen ei displicet quatenus est peccatis foedata, quod sufficit ad rationem odii, & inimicitia, satis enim est quod persona aliqua ratione displiceat, ob quam moveatur affectus ad volendum ei malum quatenus malum ipsius est. Deus autem infligendo poenam propter delictum, vult peccatori malum, ut malum ipsius est, poena enim, ut poena, est malum illius qui ipsam patitur: Ergo Deus vult peccatori malum, ut malum illius est, ex displicentia illius.

Dicitur 1. Velle alicui malum quatenus est malum ipsius peccatoris qui malum istud juste meretur, est actus amoris justitiae: Ergo non est odium formaliter.

Nego consequentiam, illa enim volitio, est formaliter actus odii, quia obiectum proprium illius est malum sub ratione mali, li, li.

H

li, licet illud odium ex amore justitiæ interduci procedat.

Dices 2. Voluntas Dei non potest ferri in malum ut malum est: Ergo Deus non potest ita odisse, sicut quando Deus alicui peccatori poenam infligit, semper aliquam rationem boni intendit, nempe manifestationem suæ justitiæ erga peccatores.

Distinguo minorem, Voluntas non potest ferri in malum quatenus malum est, nisi habeat aliquam rationem boni sibi adjunctam, concedo, si habeat, nego. Dum autem vult malum peccatori, semper equidem intendit aliquid bonum exinde oriundum, nimirum manifestationem suæ justitiæ, quod tamen non obest odio inimicitie, quod habet erga peccatorem, quia revera ipsi infligit poenam ut malum ipsius est, quatenus peccatum ipsi displicet, alioquin neminem odisse possemus odio inimicitie, nemini enim volumus malum, nisi quia aliquid bonum verum, aut apparens exinde nobis accidit.

Dices 3. Odium inimicitie est directè contra Charitatem; sed in Deo non potest dari aliquis actus Charitati oppositus: Ergo nec odium inimicitie. *Respondeo* odium ortum ex displicentia personæ peccantis cui poena infligitur, non opponi Charitati, alias Judex puniendo reum, peccaret contra Charitatem, quod falsum est. Solum itaque odium Charitati opponitur, quando utilitas, quæ sequitur ex illa volitione mali, solum est ad sedandam odientis iram. Deus autem non sic vult poenam peccatori, sed ad manifestationem suæ justitiæ vindictivæ, imò ex Charitate potest aliquis velle malum poenæ alicui amico peccanti, ut inde castigetur emendetur. Unde in hoc odio tria sunt. 1. Objectum, nimirum malum poenæ. 2. Subiectum, persona peccatoris. 3. Motivum, nempe peccatum.

§. III.

De cæteris Affectibus.

Desiderium non est formaliter in Deo, neque Fuga, respectu sui ipsius, quia desiderium est inclinatio volentis in bonum absens, fuga verò est declinatio mali imminentis. Deus autem cum sit omne bonum, nullumque futurum bonum, & absens sperare possit, nullumque malum ipsi

accedere, hinc nec desiderare potest, nec fugere bonum, aut malum proprium. Cum autem desiderium, & fuga comparari possit ad bonum, & malum aliorum, non enim solum nobis desideramus bonum, & fugimus malum futurum, sed etiam aliis. Hac ratione Deus dici potest aliquid desiderare, & fugere, siquidem nobis desiderat salutem æternam, ut disertè indicat sanctus Chrysostomus Hom. 1. in 1. p. ad Ephesios, *Vebementer*, inquit, *hoc velle fieri, hoc ipsius erat desiderium*, &c. Nec refert quòd nihil Deo sit absens, sufficit enim ad rationem desiderii, & fugæ, quòd bonum, & malum sit absens illi, cui tale bonum desideramus, & malum fugimus.

Ira est in Deo formaliter, *Ira enim*, ex Doctore in 3. dist. 34. num. 16. *est appetitus vindictæ secundum rationem apparentem, propter apparentem parvipensionem*. Seu ut ait Laëtantius lib. de Ira Dei cap. 17. *Ira est motus animi ad coercendum peccata insurgentis*; sed talis affectus est formaliter in Deo, ut constat ex pluribus Scripturæ textibus: Ergo, &c. Nec refert, quòd sancti Patres, præsertim Basilus in illud Psal. 37. *Neque in ira tua corripias me*, Cyrillus lib. 5. contra Julianum, Cyprianus ad Demetrianum, &c. iram à Deo removeant, illamque solum ipsi à Scriptura tribui per metaphoram affirmant. Loquuntur enim de ira quatenus importat secum animi commotionem, & perturbationem, qualiter etiam interdum divinam iram usurpat Scriptura sacra. Sic Psal. 37. *Domine, ne in furore tuo arguas me, neque in ira tua*, &c. Item Psal. 29. *Quoniam ira in indignatione ejus*. Et Psal. 105. *Iratus est furor Dominus*. Qui & similes textus metaphoricè, & tropicè, hoc est secundum nostrum modum loquendi interpretandi sunt. Non autem loquuntur sancti Patres de ira quatenus est affectus vindictæ in eo qui possit ulcisci.

Nec dicas iram semper habere secum adjunctam tristitiam, hoc enim solum verum est, inquit Doctor laudatus, *Quando iratus desideras vindicare, sed non vindicas, quando autem alium vindicas, tunc alius ejus est perditus, assumilatus fructibus ex parte concupiscibilis*, & tunc irasci irascibilis, est sine tristitia, imò est cum magna delectatione propria secundum Arist. 2. Rethoric. *Ira viri quasi mel*.

Quantum autem ad actus divinæ voluntatis, qui respiciunt finem, aut mediam, con-

congruentiori ordine, & methodo discutiantur in Disputatione de Providentia Dei, ubi aperiemus qualiter Deus finem intendat, ad quem omnia per electa congruentiora media destinant, & ordinant.

ARTICULUS SECUNDUS.

De Libertate Dei.

Difficultatum Theologicarum omnium maximam suscipimus explanandam hoc in Articulo, quæ Theologorum ita torquet ingenia, vel absorbet, ut meritò vocari possit sacrarium omnibus mortalibus impervium, & humanis discursibus ænigma prorsus inexplicabile. Unde quod olim de peccato originali dixit Augustinus, *Nihil esse ad predicandum notius, nihil ad intelligendum secretius*, meritò jure de Libertate Dei verius affirmari potest, nihil enim naturalis ratione evidentius, nihilque divina fide constantius est, quàm Deum habere libertatem, at nihil pariter explicari difficilius, quàm quæ sit genuina ipsius divinæ libertatis natura, & ratio. Ut tamen pro modulo nostro, in tot difficultatum ambagibus aliquid resolvamus, tria proponimus in præfati Articulo discutenda. Primo quidem, an, & quotuplex admittenda sit in Deo libertas. Secundo, quanam sit ratio formalis divinæ libertatis. Tertiò, an, & qualis sit ordo inter omnes actus liberos divinæ voluntatis.

QUÆSTIO PRIMA.

An, & quotuplex sit divina Libertas.

Notandum 1. Duplicem in genere distinguì posse libertatem, scilicet in actu primo, & in actu secundo. Prior est ipsa voluntas considerata secundum se, & quatenus antecedit suum actum prioritate saltem naturæ, esseque ex se indifferens ad agendum, vel non agendum. Posterior est actus ipsius voluntatis, quatenus terminatur ad hoc, vel illud objectum. Quæ iterum duplex distinguitur, nimirum una quoad *Exercitium*, altera quoad *Specificationem*. Prior libertas est omnino ad agendum, vel non agendum, seu ad positionem, vel suspensionem actus. Posterior est ad agendum uno, aut alio modo opposito, & diverso, ideoque Prior dicitur *contradictionis*.

Posterior verò libertas *contrarietatis* appellatur. Non quòd semper contrarios actus exigit, ad ipsam enim etiam pertinent actus disparati, v.gr. *velle hoc aut aliud*; qualis est in electione unius mediæ præ alio, inter quæ non semper est contrarietas, imò nec semper diversitas specifica. An autem omnes hæc libertatis rationes in Deo reperiantur, hic est resolvendum.

Notandum 2. Ex Doctore in 1. di. 39. nu. 21. Voluntatem divinam non esse liberam, & indifferenterem ad diversos actus volendi, & nolendi. Hoc enim imperfectionem arguit in voluntate creata, quæ non tendit in objecta volendo, & nolendo unico, & simplici actu: sed diversis actibus, propter scilicet limitationem utriusque actus. Divina autem voluntas cum sit infinita, unico, ac simplici actu infinito tendit in objecta opposita. Ita quòd, inquit Doctor, *sicut voluntas nostra potest diversis voluntatibus tendere in diversa volubilia, ita illa divina voluntas potest unica voluntate simplici tendere in quæcumque volubilia, ita quid si voluntas illa, vel illa volitio esset tantum unius volubilis, & non posset esse oppositi quod tamen est de se volubile, hoc esset imperfectionis in voluntate divina, sicut est in voluntate nostra.*

Notandum 3. Ex eodem ibidem voluntatem creatam considerari posse tripliciter in ordine ad suum actum, nimirum. 1. Quatenus est productiva sui actus. 2. Ut receptiva ejusdem. 3. Ut operativa mediante illo actu. *Ipsa enim, inquit Doctor, est productiva actuum, & ipsa est, quam habens operatur formaliter volendo, & ipsa est receptiva volitionis suæ.* Infert autem illam esse maxime liberam, in quantum *Est operativa, quatenus nimirum habens eam formaliter, potest ea tendere in objectum.* Quod intelligendum est de libertate formali, licet enim voluntas nostra tantum formaliter sit libera quatenus est operativa, nihilominus etiam libera est effective, & quatenus est productiva suorum actuum, quia potest hunc, vel illum actum producere, imò & actus productionem suspendere. Divina autem voluntas neque productiva est sui actus, alioquin esset mutabilis, neque receptiva ejusdem, aliàs esset in potentia ad ipsum, quod enti actualissimo repugnat. Solum itaque divina Voluntas dicitur esse libera, quatenus est operativa.

CONCLUSIO PRIMA.

DEus est *revera liber*. Hæc est de fide, & probatur 1. ex Scriptura sacra Psal. 33. *Deus ultionum liberè egit*. Et Psal. 134. *Omnia quæcumque voluit, fecit in Cælo, & in Terra, in mari, & in omnibus abyssis*. Quid enim difficile ei, cui velle fuisse est? inquit S. Ambrosius lib. 2. Hexameron. cap. 2. Matth. 11. *An non licet mihi, quod volo facere?* Et ad Corinth. 12. de Spiritu sancto dicitur, *Hæc omnia operatur unus, atque idem Spiritus, dividens singulis prout vult*. Eandem veritatem confirmant omnes illi Scripturæ textus, in quibus Deus dicitur Judicem agere, ac Remuneratorem esse opum omnium, & pro meritis quemque tractare, & nostras exaudire preces, misericordiam exhibere, &c. Si enim ageret ex necessitate naturæ, non posset ab æterno velle bona, vel mala, atque supplicia juxta cujusque merita decernere, nec misereri posset, nec precibus moveri, quia determinaretur ad unum.

Eandem veritatem multi prædicant sancti Patres, præsertim S. Ambrosius lib. 2. de Fide cap. 3. ubi urgens Arrianos, qui negabant Spiritum sanctum sui esse juris, ac voluntatis, ne parum cum Deo majestatis esse confiterentur; *Si possibile est, inquit, voluntatis interim libera Dominum fuisse doccamus*. In tantum processisset impietatis, ut negaret, quod Filius Dei liberæ voluntatis sit. Ac ceriè soluti etiam sancto Spiritui derogare, & negare non potestis scriptum esse, *Spiritus ubi vult spirat*: Ergo si Spiritus ubi vult spirat, Filius quod vult non agit? Mox Apostolum laudat ita scribentem 1. Cor. 12. *Omnia operatur unus, atque idem Spiritus dividens singulis prout vult*. Prout vult, inquit, hoc est libero voluntatis arbitrio, non pro necessitatis obsequio. Idem suadet de Patre, & Filio, ex his Christi Verbis Joann. 5. *Pater quos vult vivificat, & Filius quos vult vivificat*. Ipsi concinit sanctus Epiphanius hæresi 23. *Deus, inquit, Pater hominem, & cætera omnia pro sua voluntate procuravit*. Et Macharius homil. 15. dicit, *Hominem eo ipso ad imaginem Dei esse factum, quod sit liber, ac sui juris, quoniam ut Deus, liberi est arbitrii, & quod vult facit*. Ipsi astipulatur sanctus Hieronymus Epistola ad c. 1. ad Philemonem explicans illa verba, *Sine consilio autem tuo nihil volui facere, ut non quasi ex necessitate bo-*

num tuum esset, sed voluntarium, ait: Hoc quod à plerique queritur, & sepius tractatur, quod Deus hominem faciens non eum bonum, rectumque considerit, de præsentis loco solvi potest. Si enim Deus voluntariè, & ex necessitate bonus est, debuit hominem faciens, ad suam imaginem, & similitudinem facere, hoc est ut ipse voluntariè, & non ex necessitate bonus esset. Qui autem asserunt ita eum debuisse fieri, ut malum recipere non posset, hoc dicunt, talis debuit fieri, qui necessitate bonus esset, & non voluntate, quod si talis fuisset, qui bonum non voluntate, sed necessitate perficeret, non esset Deo similis, qui ideo bonus est quia vult, non quia cogitur. Hoc est quæ bona sunt, spontè, ac liberè producit, ita quod hoc potius, quam illud bonum ex libertate eligat bona, etsi non nisi bonum optare potest.

Hæc eadem veritas triplici ratione firmatur. 1. Deus est perfectissimus, omnesque præcellentias nullam importantes imperfectionem, quas simpliciter simplices appellant, formaliter complectitur; sed libertas est perfectio ejusmodi: Ergo formaliter Deo competit. Major constat ex his, quæ diximus de divina infinitate. Minor etiam est evidens, libertas enim est perfectio præstantissima naturæ intellectualis, quæ pro libito potest hoc, vel illud objectum amplecti, actum elicere, vel suspendere, in quibus maximè præcellit bellus, & aliis naturis ratione parentibus, quæ ita determinantur ab objectis, & ad agendum ita necessitantur, ut positis omnibus ad operandum desiderandis, nullatenus ab actione possint ex se removeri. Inde sanctus Bernardus in Cantica apostolice dixit, *Arbitrii libertas est planè quid divinum, persurgens in anima, tamquam gemma in auro*.

2. Libertas est dominium, quod intellectualis natura habet in actus suos, quos pro nutu elicere potest, vel non elicere, & in objecta, quæ potest pro suo arbitrio proficui, vel averari: Sed Deo etiam supremo competere debet summum dominium, non quidem in suos actus, qui sunt idem realiter cum essentia, sed in objecta saltem, quæ ad ejus arbitrium fiunt, conservantur, & ordinantur: Ergo ei competit libertas.

3. Ipsa mundi molitio satis convincit Deum in eo condendo liberè egisse. Vel enim produxit mundum liberè, vel naturaliter, & necessario. Sed non produxit

ex naturæ impetu, quia est agens ratione, & voluntate præditum: Ergo ipsum produxit liberè, proinde ex se libertate præcellit.

Minorem probat Doctor in 1. dist. 8. qu. 5. num. 17. ubi adversus Philosophos demonstrat quatuor rationibus Deum non agere necessariò. *Primò*, quia sequeretur ens summè necessarium dependere ab ente minus necessariò, nec illud sine hoc posse subsistere: Agens enim necessarium habet habitudinem ad causatum necessariò, quæ habitudo stare nequit nisi stante utroque extremo, proindeque uno extremoposito aliud necessariò ponitur, & uno pereunte perit aliud, sicque Deus subsistere non posset quin Creatura pariter existeret, imò ab ejus existentia dependeret. *Secundò*, si Deus ageret necessariò, nihil esset contingens in rebus, quia si causa prima necessariò moveat secundam, etiam secunda tertiam, & sic omnes causæ subordinantes, ac superiores, causas inferiores, ac subordinatas necessariò movebunt, adeoque nulla contingenter operabitur, sicque nullus erit effectus contingens: sed id aperte falsum esse ipsamet experientia constat.

Tertiò, si Deus ageret necessariò, nullum esset peccatum, & malum vituperabile, quia Deus illud necessariò faceret. *Quartò*, sequeretur, quòd causa secunda nihil omnino causaret, quia præveniretur à prima in effectu producendo. Si enim causa prima ageret naturaliter, & necessariò, etiam ageret secundum omnem suam activitatem, & ad extremum suæ potentie, quæ cum sit infinita, adeoque ad omnem omnino effectum sese extendat, evidens est, quòd si Deus ageret naturaliter, & necessariò, nihil relinqueret producendum à causis secundis. Hoc autem est aperte falsum: Ergo certum est Deum non naturaliter, & necessariò, sed contingenter, & liberè agere, adeoque esse libertate præditum.

Dicit 1. Libertas est potentia indifferentis ad eliciendum actum, vel non eliciendum. Sed in Deo non est talis indifferentia, Deus enim cum sit actus purus, & summè simplex, pluralitatem actuum, & indifferentiam ad actus excludit.

Distinguo majorem, Libertas creata, concedo, increata, nego. Cum enim divinæ voluntatis actus ex se sit infinitus, simplex, & necessarius secundum entitatem, & so-

lùm indifferens penes terminationem ad varia objecta, idcirco divina voluntas non censetur esse libera, & indifferens ad actum, sed tantummodo secundum objectum. Secus est autem de voluntate creata, quæ non solum penes objecta profectenda, vel averfanda, sed etiam penes varios actus indifferentiam sibi vindicat.

Dicit 2. Si Deus esset liber erga Creaturas, posset se communicare, vel non se communicare Creaturæ; sed ita non est. *Probat*, Deus habet naturalem inclinationem ad se communicandum. Omne enim bonum est sui diffusivum: Ergo summum bonum, qualis est Deus, est sui maxime diffusivum, & summè communicativum, adeoque si seipsum non communicaret, contra suæ bonitatis inclinationem ageret, sed ita agere nequit: Ergo nec potest se non communicare Creaturis.

Deinde, Deus perfectiùs seipsum amat, cum non tantum sibi ipsi, sed etiam aliis sese communicet.

Denique, velle efficaciter se communicare, est actio recta, & honesta, qua Deus careret si nihil extra se efficaciter vellet, & consequenter absque præjudicio suæ perfectionis, & bonitatis non potest non velle sese Creaturis communicare.

Nego majorem, & ad primam illius probationem dico, illam inclinationem, quam habet Deus ad se communicandum, nihil aliud esse, quam naturalem aptitudinem sese communicandi, non autem importare, nec designare aliquam exigentiam, aut tendentiam, quæ inquietudinem, vel imperfectionem adjunctam habeat, quousque fiat talis communicatio: Unde talis inclinatio divinæ bonitatis ad se communicandum, subordinatur ipsius libertati, & quatenus nimirum divina bonitas est sui communicativa, ex hypothesi, quòd divina voluntas illud jubeat, & decernat.

Ad secundam probationem dico, Deo nullam accedere perfectionem, ex eo quòd velit se communicare ad extra, sibi enim ipsi sufficit, & ipsius amor, summaque beatitudo nullatenus ab existentia Creaturarum pendet, & ideo non se diligit perfectiùs, dum ipsius amor tendit etiam in Creaturas, ac si tantum seipsum diligeret.

Ad tertiam probationem, Fateor equidem talem communicationem esse actionem honestam, & rectam, non ita tamen, quòd si illam communicationem Deus face-

re noller, aliqua in ipso exurgeret indecentia. Sicut enim potuit velle se abundantius, & perfectius communicare, quam de facto se communicavit, producendo nimirum Creaturas perfectiores illis quas de facto produxit, idque non videretur summam illius bonitatem, ac liberalitatem dedecere. Nulla tamen est in ipso indecentia, quod non velit amplius, nec perfectius se communicare. Cum itaque tota rectitudo, & honestas actus oriatur ex libera determinatione, & voluntate Dei, quæ totius rectitudinis fons est, & exemplar, idcirco divina communicatio in tantum censetur esse recta, & perfecta, in quantum à Deo liberè decernitur.

Dices 3. Divinæ libertati obistere videtur S. Dionysius in lib. de Divinis nominibus, ita enim loquitur cap. 4. *Quemadmodum ille noster Sol, neque intelligentia utens, neque electione, sed eo ipso quod est, illustrat omnia, quæ ipsius lumen secundum rationem propriam participare possunt. Sic etiam summum illud bonum, ac Sole ipso tanquam obscura ejus imagine pressantius arctotipum, in ea omnia quæ sunt, proportionem radios universæ bonitatis effundit.*

Respondet S. Thomas 1. part. qu. 19. art. 4. ad primum, quod S. Dionysius, *Per verba illa non intendit excludere electionem à Deo simpliciter, sed secundum quid, in quantum scilicet non quibusdam solum bonitatem suam communicat, sed omnibus, prout scilicet electio discretionem quandam importat.* Verum rectius respondet sanctus Maximus martyr in Scholiis ad eundem locum, eatenus valere similitudinem Solis, quod ut iste adventitium lumen non habet, sed ingenitum, & naturale, ita Deus non accidentalem, & adventitiam bonitatem obtinet, sed insitam, & nativam. Imò ipsa est bonitas, sicut Sol lux est ipsa quodammodo.

CONCLUSIO SECUNDA.

Affirmari potest in Deo libertas, tam contrarietatis, quam contradictionis circa objecta. Hæc conclusio duas habet partes, quarum prima fit evidens ex dictis. Libertas enim contrarietatis est ea, qua voluntas dicitur habere actus oppositos, & tendere in objecta inter se veluti contraria; sed ex dictis constat divinam voluntatem habere actum amoris, & odii formaliter, necnon, & tendere posset in objecta op-

posita per actus diversos, non quidem secundum entitatem, sed secundum terminationem, nimirum in Petrum iustum per actum amoris, & in eundem postmodum peccatorem per actum odii: Ergo hæc libertas contrarietatis affirmari potest esse in Deo formaliter.

Probatur secunda pars. Libertas contradictionis est qua voluntas potest agere, vel non agere, actum elicere, vel suspendere: sed hæc est in Deo: Ergo, &c. Probatur minor *primò*. Si Deus non posset suspendere terminationem suæ volitionis ad Creaturas, & exercitium suæ libertatis, sequeretur admittenda esse in ipso infinita serè decreta conditionata circa infinitas serè combinationes, & suppositiones possibiles: sed illud est absurdum, imò & nugatorium, quod in Deo sit decretum positivum, & actuale, quo velit positivè, ac determinet, quod si canis latret, v.g. vinea non germinabit, si Petrus sedeat Romæ, Joannes convertetur Parisiis, idem dicendum de similibus aliis humanæ mentis deliriis: Ergo congruentius est asserere divinam voluntatem circa hujusmodi conditionata disparata manere veluti suspensam, & habere solum circa illa decretum negativum, seu negationem liberam decreti.

Deinde, Si Deus ita suspendere non posset suæ libertatis exercitium erga Creaturas, maxime quia hæc suspensio aliquid divinæ perfectioni, & actualitati detraxeret: sed ex tali suspensione non sequitur ulla carencia perfectionis, & actualitatis in Deo: Ergo, &c. Probatur minor. Exercitium liberum volitionis divinæ non connotat, nec importat aliquam perfectionem intrinsecam in Deo, sed tantum rationem terminationis, & tendentis in aliquid extrinsecum: Ergo suspensio illius exercitii nihil detrahit divinæ perfectioni, nec actualitati. Antecedens constabit ex sequenti questione. Consequentia verò probatur, ideo absque ulla imperfectione Misericordia, Justitia, & Omnipotentia divina manere possunt ob omni exercitio suspensæ, quia tantummodo liberè terminantur ad Creaturas, quas si Deus non produxisset, nullum Justitiæ, Misericordiæ, & Omnipotentis erga ipsas habuisset exercitium: Ergo pari ratione etiam divina voluntas suspendere potest suum actum circa decretum de futuratione illarum Creaturarum absque omni imperfectione.

De.

Denique, Sicut se habet divinus concursus in ordine ad existentiam rerum, ita se habet ejus decretum liberum circa illarum futuritionem; sed ad negationem existentiae alicujus rei, non opus est ut Deus habeat influxum positivum suae omnipotentiae, sed tantum sufficit sui influxus suspensio, & negatio: Ergo similiter ad negationem futuritionis, non opus est ut Deus formet aliquod positivum decretum, quo positivè decernat, se nolle decernere talis, aut talis Creaturae possibilis futuritionem; sed sufficit libera illius decreti positivi de rerum futuritione negatio, seu suspensio liberae divinae Voluntatis: Ergo divina Voluntas suum actum suspendere potest, quantum ad terminationem, & tendentiam in Creaturas, adeoque affirmari potest in ea libertas contradictionis.

Dices 1. Necessarium est rem aliquam esse futuram, vel non esse futuram: Ergo pariter necessarium est Deum velle eam esse futuram, aut nolle eam esse futuram. Consequentia videtur aperta, idcirco enim primum est necessarium, quia constat ex terminis contradictoriè oppositis; sed etiam secundum tale est: Ergo eadem ratione debet esse necessarium.

Nego consequentiam, Revera enim prima propositio est verè contradictoria, quia inter rem esse futuram, & non esse futuram non datur medium, sicut nec inter esse, & non esse. At verò secus est de secunda propositione, quia inter velle rem esse futuram, & velle non esse futuram cum non sit oppositio contradictoria, sed contraria, inter utrumque assignatur medium, scilicet *non velle*, per meram suspensionem volitionis.

Dices 2. Divina Voluntas ut libera, non minus est in ultima sua actualitate; & actus purus, quam sit divina Essentia: Ergo sicut divina Essentia est omnimodè determinata ad existentiam, & necessariò actus purus, etiam divina Voluntas debet esse omnimodè determinata ad operationem, adeoque non potest manere suspensa.

Distinguo consequens, Divina Voluntas debet esse in ultima sua actualitate, & determinatione quantum ad entitatem actus, concedo. Quantum ad exercitium, & terminationem ejusdem ad objectum extrinsecum, nego; alioquin si quid probaret hoc argumentum, etiam concluderet divinam Voluntatem debere actu habere om-

nes terminationes positivas ad Creaturas, quas potest producere.

Dices 3. Hæc suspensio decreti officit divinae scientiae certitudini, & infallibilitati respectu futurorum contingentium: Ergo non est admittenda. Probat *antecedens* ex iis, quæ diximus, Deum futura contingentia cognoscere in decreto conditionato: Ergo si sit suspensio decreti circa quasdam Creaturas futuras, non poterit illarum futuritionem, vel non futuritionem certò cognoscere.

Nego antecedens, & ad ejus probationem dico, Deum equidem cognoscere futura vel absoluta, vel conditionata in decreto positivo conditionato, vel absoluto. Quantum verò ad ea quæ cognovit non esse futura, illius cognitionis certitudo fundatur, vel in decreto positivo quo Deus absolute, vel conditionate nolit illorum futuritionem, vel in suspensione, seu libera negatione decreti, qua nolit se determinare ad illorum futuritionem, aut non futuritionem. Unde duplex affirmari potest esse medium, in quo divina scientia potest certò cognoscere aliquid non esse futurum. Primum quidem est decretum positivum, quo positivè statuit rem non esse futuram. Secundum est decretum negativum, seu suspensio, & libera omisio omnis decreti positivi circa ejusdem rei futuritionem, vel non futuritionem.

QUESTIO SECUNDA.

In quo formaliter consistat Divina Libertas.

Notandum 1. Tot, ac tantis difficultatibus implexam videri præsentis questionis resolutionem, ut plerique Theologi non dubitaverint asserere hanc veritatem esse mortalibus imperviam, & solis beatis mentibus in clara Dei visione aperte manifestandam. Nec immerito quidem, tot enim syrtibus, ac scopulis abundat, ut certum naufragium scrutatori, cuique prænuntiet, & tam ingentes difficultates amplectitur, ut sapientiores quique Theologi vix habeant quid reponant. Vel enim, illa divina libertas asseritur esse aliquid intrinsecum, vel extrinsecum. Si primum, cum omnis actus liber ex formali suo conceptu petat fieri, vel non fieri, sicque possit esse, vel non esse, si libertas ipsius actus

H 4 fit

fit aliquid intrinsecum Deo, consequens est Deum carere posse aliquo sibi intrinsecum, quod ipse divinæ immutabilitati repugnat. Si verò aliquid extrinsecum affirmetur, non minor exurgit difficultas, nam de ratione actus liberi est, quòd sit immanens, & vitalis, adeoque per formam extrinsecam, & non vitalem constitui nequit. Nihilominus ut pro modulo nostro ex tot variis Theologorum placitis quid circa hanc Quæstionem certius veriusque tenendum sit, aperiamus,

Notandum 2. Quòd etli circa præsentis Quæstionis resolutionem variz sint Theologorum sententiz, nihilominus duas esse principes, & extremas inter se omnino oppositas, ex quibus quasi rivuli è fontibus cætera emanant. *Prima*, ut Dei immutabilitatem omnimodam astruat, videtur ejus libertatem destruere, affirmat enim actum liberum in Deo non esse aliquid intrinsecum, sed omnino extrinsecum, nec aliud esse quàm effectum extrinsecus productum. Ita quòd, licet principium liberè productivum ipsius actus sit intra Deum, & reverà vitale, nihilominus denominatur liberum per denominationem extrinsecam ex actione quæ Creaturas ad extra producit, quæque juxta hanc sententiam est formaliter transiens, & in ipsis Creaturis recepta. Ita censet Aureolus in 1. dist. 47. art. 1. cui plures Moderni adstipulantur. *Secunda* sententia priori extreme opposita, ut integram servet Dei libertatem, videtur ejus immutabilitatem destruere, docet enim decretum Dei liberum esse quandam perfectionem liberam Deo intrinsecam ratione distinctam à perfectione necessarià, quæ, quia libera est, absque ulla imperfectione potest abesse à voluntate divina, ita docet Cajetanus qu. 19. art. 2. cui consentire videntur Fonseca, & Salas, pluresque alii Moderni, inter quos maxime enitet noster Poncius in commentario ad distinctionem 39. Doctoris nu. 18. & sequentibus, ubi solvit præcipua momenta, quæ adversus Cajetani sententiam possunt objici. Inter has autem oppositas sententias plures sunt intermedie, maxime verò tres, quæ utriusque extreme sententiz rigorem emollire, & temperare nituntur. *Prima* quidem asserit decretum Dei liberum non consistere adequatè in formalitate intrinseca, nec in aliquo extrinseco, sed in utroque simul, ita quòd ad di-

vinam libertatem simul conferant, & actus divinæ Voluntatis, & actio Creature productiva, aut ipsa Creatura à Deo producta. Ita sentiunt Basilii Legionensis *disp. 6. c. 5.* Grenado *Tract. de Voluntate Dei disp. 5.* Arubal *disp. 16. art. 61.* & cæteri. *Secunda* affirmat actum Dei liberum formaliter vel saltem inadæquatè constitui per respectum rationis ad Creaturas existentes, aut futuras, ita Capreolus in 1. dist. 45. *quæst. 1.* & Ferrariensis *Primo contra Genes cap. 82.* quibus consentire videtur Vasquez *Disp. 22. cap. 2.* ubi ait, *Voluntas libera Dei, est ipsa Essentia divina per modum actus eliciti, includit tamen quandam habitudinem rationis ad res futuras.* Tertia denique affirmat libertatem Dei nihil aliud esse quàm actum entitativum ipsius divinæ Voluntatis, qui prout infinitus est, libere tendit in objecta creata, & ab eis terminatur, & veluti objective completur per objectum, & effectum extrinsecum. Ita quòd divinum velle liberum sit ipsemet actus Dei necessarius quoad entitatem, & liber tantum quoad tendentiam, & terminationem: quæ sententia cum cæteris videatur certior, etiam est cæteris præferenda, ut autem evidentiùs appareat,

Notandum 3. Actum divinæ Voluntatis se habere quodammodo ad objecta libera, sicut voluntas nostra se habet ad liberos actus, in eo maxime quòd sicut voluntas nostra eadem in se manens intrinsicè sine ulla sui mutatione, vel additione reali, exercet actum, vel non exercet, & hunc actum elicit vel illius oppositum, alioquin abiretur in infinitum, si inter ipsam voluntatem, & actum producendum desideraretur aliquid medium reale, quo voluntas seipsam determinaret ad agendum, & producendum actum. Sic actus divinus idem quoad realem entitatem, potest objectum velle aut non velle, aut nolle, & velle hoc aut illius oppositum, adeo ut actualis illa, & perfectissima entitas, quæ appellatur divina volitio, non sit comparanda cum nostris actibus liberis, sed potius cum nostra libertate. Sic enim actus ille se habet quodammodo ad objecta libera, ut voluntas nostra ad suos actus liberos. Nec mirum videri debet, quòd Deus per unicum actum plurafacit, & modo quodam excellentissimo exercet, quod nos præstare tantum possumus per plures actus, idque maxima cum imperfectione pro-

pter finitatem, & limitationem nostrorum actuum.

CONCLUSIO PRIMA.

Divina libertas, nec adequatè, nec inadequatè constituitur formaliter per aliquid extrinsecum Deo, sed est perfectio Deo intrinseca. Hæc est contra Aureolum, & ejus Sequaces.

Probatur primò: Per id non constituitur formaliter divina libertas quod est ipsa natura posterius: Sed operatio extrinseca, & omnis externus effectus, est natura posteriori volitione Dei libera: Ergo hæc per neutrum constituitur. *Major* patet: quod enim supponit aliud constitutum essentialiter, non potest esse illius essentialiter constitutum: sed quod est natura posterius divina libertate, supponit illam essentialiter, & formaliter constitutam; Ergo non potest esse illius constitutum. *Probatur minor:* Illud est natura posterius libertate divina quod causatur per volitionem Dei liberam: Sed omnis effectus externus verè causatur per omnipotentem Dei volitionem liberam: Ergo est ipsa posterior. *Major* patet, omnis enim causa natura posterior est suo effectui. Minor probatur: Primò quidem ex Scriptura sacra quæ pluribi asserit Deum liberè Creaturas producere. Sic Psalmo 113. *Omnia quæcumque voluit Dominus, fecit in Cælo, & in Terra, Ephesiorum 1. Operatur, omnia secundum Consilium*, id est decretum, voluntatis sue, &c. Et Apocalypsis 4. *Tu creasti omnia, & propter voluntatem tuam erant, & creata sunt:* Ergo volitio Dei libera est causa futurationis rerum, non verò futurationis rerum extratio constitutiva ipsius liberæ volitionis.

Deinde, tam volitio libera ut libera, dicitur esse causa rerum, quam omnipotentia: sed omnipotentia formaliter considerata, est verè productiva rerum, & prior effectibus à se productis, neque per illos constituitur in ratione omnipotentiz: Ergo nec etiam libera volitio divina adequatè, vel inadequatè constituitur formaliter per effectus à se productos.

Denique, si effectus productus esset ratio formalis constitutiva divinæ libertatis, sequeretur divinam Voluntatem imperfectiorem esse voluntate creata; Voluntatem enim creata est intrinsecè, & adequatè libera antecederet ad operationem extrinsecam:

Ergo divina Voluntas cum longè sit præstantior, perfectè, & adequatè est libera antecederet ad omnem effectum productum.

Probatur secundò: Si divina libertas constitueretur per aliquid extrinsecum, sequeretur quod Deus ab æterno nullum habuisset decretum liberum actuale: sed falsum consequens: Ergo & antecedens. Paret minor pluribus Scripturæ sacre textibus, quibus divinum decretum æternum prædicatur: Sic Matth. 25. *Venite benedicti Patris mei, percipite regnum vobis paratum a constitutione mundi:* Et Ephesiorum 1. *Elegit nos in ipso ante mundi constitutionem, &c.* Probatur sequela majoris: Tunc non censetur esse actuale decretum liberum, quando non est actu id quod per illud decretum liberum formaliter constituitur: sed effectus extrinsecus per quem diceretur constitui libertas divina, non est actu ab æterno: Ergo neque decretum illud est actuale ab æterno.

Nec dicat ad id sufficere, quod effectus externus sit futurus: Eodem modo enim decretum est, quo ejus constitutum: sed constitutum decreti divini, nempe creatio mundi, non est actu ab æterno: Ergo pariter si illa mundi creatio v. gr. esset constitutiva liberi Dei decreti, consequens est quod decretum illud non sit actu ab æterno, sed tantum esset futurum.

Tertiò: Deus plures habet actus liberos, quibus nihil physicum extra se producit: Ergo actus ille liber non constituitur physice, & formaliter per effectum extrinsecus productum. Probatur antecedens variis exemplis, maxime in dispensatione voti, & in remissione peccati venialis, necnon & reatus per indulgentias, & suffragia, quibus nihil omnino extra Deum producit, per quod illa dispensatio, & remissio facta per puram condonationem, libera constituitur.

Deinde, Deus habet varia decreta conditionata, necnon & scientiam futurorum conditionalium, quæ non possunt fieri libera per effectum extrinsecum, cum per illa decreta nihil producat in re; v. g. videt, & decrevit Deus conditionatè, *Si vocarem Petrum tali tempore, & tali modo, converteretur*, quem tamen non vocat.

Denique, actus illi positivi, quibus Deus non vult facere aliquid, v. g. non producere mundum perfectiorem, non possunt constitui per aliquid extrinsecum, cum nihil

hil extrinsecus producatur: sed illi actus verè sunt liberi: Ergo libertas actus divini non repetitur ab extrinseco.

Insuper: Actus complacentiæ quo Deus sibi complacet in bonis à se jam productis juxta illud Genes. 1. *Vidit Deus cuncta quæ fecerat, & erant valde bona*, actus, inquam, ille nullam mutationem efficit in Creatura, alioquin fieret processus in infinitum; etenim circa illud causatum à Deo per hanc complacentiam, Deus haberet alium actum complacentiæ, & sic deinceps: Nihilominus ille actus est liber; est enim circa objectum creatum existens: Similiter actus quo Deus decrevit dare gloriam omnibus suis gratia decederent, nullam ponit mutationem in plurimis qui gloriam non assequuntur propter defectum illius conditionis: ille tamen actus est liber: Ergo divina libertas non constituitur formaliter per aliquid extrinsecum.

Quarto denique. Si decretum Dei liberum in denominatione extrinseca petita ab actione transeunte, qua Deus Creaturas ad extra producit, consideretur formaliter, plura sequerentur absurda. *Primo* quidem sequeretur Deum non esse formaliter, sed tantum metaphoricè liberum; externa enim Creaturarum productio non nisi metaphoricè appellari potest Dei volitio; potestque tantum esse voluntas signi, non beneplaciti: *Secundo* sequeretur Deum absque illo inconvenienti posse aliquid vel de novo quod ab æterno non volebat, non enim inconveniens est quod illa actio transiens productiva Creaturarum, de novo ponatur.

Denique, sequeretur ex illa sententia, quod hæc propositiones ex Scriptura sacra haberent sensum nugatorium; hæc enim, *Omnia quæcumque voluit fecit*, significaret; omnia quæ fecit cum posset non facere, nihilominus fecit. Item *Sic Deus dilexit mundum ut filium suum unigenitum daret*, sic esset exponenda, dedit filium mundo ut daret filium, quod est ridiculum.

Ex his collige Deum non constitui formaliter liberum, etiam partialiter, & inadæquate, per aliquid extrinsecum, nimirum per effectus quos extra se producit, vel per actionem transeuntem per quam illos produxit. *Tum* quia implicat causam etiam inadæquate constitui per effectum naturæ posteriorem: sed Creaturæ productæ, & actio productiva illarum, sunt effectus

decreti liberi divinæ Voluntatis: Ergo decretum hoc nequit constitui liberum, nec per effectus productos, nec per actionem productivam: *Tum* quia nihil potest liberè sequi ad voluntatem, nisi vel ipsa volitio, vel aliquid aliud mediante ipsa volitione libera; alioquin volitio non requireretur ad actuale libertatis exercitium, quod falsum est tam in Deo quam in nobis: Sed ipsa actio transiens aut effectus productus, aut producendus non est formaliter volitio divina, ut est evidens: Ergo illa actio transiens vel effectus per eam productus, aut producendus, supponit liberam Dei volitionem à qua sequitur, & consequenter illam non constituit: *Tum* denique quia volitio libera creandi v. gr. mundum, ab æterno Deo convenit, & consequenter ab æterno Deus habet adæquatum illius liberi decreti constitutum: Sed nec effectus producendus, aut productus, nec actio illius productiva (ex hypothesi quod sit transiens) sunt in Deo formaliter ab æterno, ut constat: Ergo illa volitio libera non constituitur etiam inadæquate per effectum productum, nec per transeuntem actionem illius productivam.

CONCLUSIO SECUNDA.

Divina libertas non constituitur per aliquam formam intrinsecam distinctam à perfectionibus necessariis, & contingenter in Deo repertis. Hæc est contra Cajetanum l. p. quæst. 9. art. 2.

*Probat*ur *primò*: Si divina libertas esset forma intrinseca qua Deus carere posset, sequeretur illum esse intrinsecè mutabilem; Sed falsum consequens: Ergo & antecedens. *Minor* patet ex dictis de Immutabilitate divina. *Probat*ur *verò sequela* majoris: Ille dicitur intrinsecè mutabilis, qui potest aliquam perfectionem intrinsecam habere vel non habere: Sed si volitio libera, seu decretum Dei liberum consistet in aliqua forma intrinseca contingenti, Deus potuisset aliquam perfectionem intrinsecam habere, vel non habere: adeoque esset mutabilis intrinsecè.

Major constat: *Minor* verò *probat*ur: Libertas est perfectio intrinseca: Ergo formale constitutum libertatis divinæ debet etiam esse intrinseca perfectio. Consequentia patet: *Probat*ur antecedens: Omnis actus vitalis est perfectio viventis, est enim vi-

ta in actu secundo; vita autem est excellentissima perfectio qua viventia excedunt perfectionem vita carentium: Sed omnis actus liber Dei, est actus vitalis; est enim intrinsicum exercitium Dei liberè se determinantis ad ea quæ vult: Ergo est etiam intrinsicæ perfectio.

Adde quòd omnis actus virtutis est perfectio, non solum Physica, sed etiam moralis, & digna laude, & speciali amore: Sed actus liberi Dei sunt actus virtutum Charitatis, Justitiæ, Misericordiæ, Liberalitatis, &c. Ergo reverà actus quatenus liberi, sunt perfecti; adeoque libertas divina est perfectio; & consequenter forma constitutiva libertatis formaliter est etiam perfectio: quæ cum sit libera, & contingens, potest esse, vel non esse. Deus enim potuit non velle creare mundum, Verbum incarnari, homines, & Angelos ad vitam æternam prædestinari, & alia hujusmodi quæ extra se efficaciter voluit: Ergo si libertas per aliquam formam intrinsicam, extensivam, & superadditam perfectionibus necessariis constituitur, sequitur Deum esse intrinsicè mutabilem.

Secundò: Illa forma Deo intrinsicæ, vel est realiter identificata cum entitate divina, vel non: Si primum, non potest entitativè deficere, nec à Deo abesse, sicque solum terminativè, & extrinsecè erit contingens, & libera, non autem intrinsicè. Si secundum, sequitur quòd Essentia divina est in potentia ad illam formam, quod actui puro, & infinite perfectio repugnat.

Deinde, omnis perfectio entitativè defectibilis imperfectionem importat; si quidem possit esse, & non esse est maxima imperfectio, adeoque si forma illa per quam Deus constituitur liber, possit entitativè deficere, Deus habebit aliquid intrinsicè quod erit imperfectum.

Tertio: Illa forma qua Deus vellet liberè, quæque ipsi necessariò non esset identificata, aut esset Deus, aut Creatura, esset enim ens reale, adeoque vel creatum, vel increatum: Si Deus: Ergo darentur duo Dii realiter distincti; & præterea daretur aliquid habens rationem Deitatis quod non esset necessariò existens, siquidem hæc forma posset existere, vel non existere. Si Creatura, cum Deus per illam formam determinari deberet intrinsicè ad agendum, sequeretur ipsum à Creatura dependere, nec independentem ab ipsa posse agere:

Hæ autem omnes consequentiæ absurdissimæ sunt, & Dei unitati, ac independentiæ repugnantes: & consequenter non immerito Cajetani sententia à melioris notæ Theologis acriter impugnatur, nec non tanquam suspecta, & in fide minus tuta respuitur.

Ex his collige actum Dei liberum non etiam constitui per modum aliquem realem à Deo distinctum, qui potuerit Deo deficere quantum ad suam realitatem modalem, ut volunt Fonseca, & Salas. *Tum quia* omnis entitas sive realis, sive modalis, imperfectioni admixta à Deo entium perfectissimo est removenda: Sed illa modalis entitas cum possit deficere, habet imperfectionem admixtam, aliquid enim posse non esse, est maxima imperfectio, cum possit abire in nihilum, quod est infimus imperfectionis gradus: Ergo est à Deo removenda.

Adde quòd in ipsummet modum realem, eadem omnes militent rationes, quæ pugnant adversus formam intrinsicè constitutivam divinæ libertatis.

CONCLUSIO TERTIA.

Divina libertas non etiam formaliter constituitur per aliquem respectum rationis ad Creaturas.

*Probat*ur primò: Ille respectus rationis si quis esset, fingeretur, vel ab intellectu creato, vel ab increato. Sed neutrum dici potest: Non primum, alias non esset antequam existeret intellectus creatus, adeoque non esset ab æterno, nec consequenter Deus esset ab æterno liber. Non etiam secundum: *Tum quia* intellectus divinus non facit entia rationis fictitia, ut omnes communiter fatentur: *Tum quia* fingeretur ille respectus, vel necessariò, vel liberè: Si necessariò: Ergo Deus necessariò haberet volitionem liberam, quia necessariò haberet illam relationem rationis fictam, per quam volitio libera constitueretur. Si liberè: Ergo divinus Intellectus esset potentia libera ex se, quia ex se posset fingere, vel non fingere illam relationem, sicque divina Voluntas non esset radix divinæ libertatis, quod nullus Theologorum admiserit.

Si dixeris illum respectum non fingi, sed resultare ad positionem volitionis necessariæ Dei,

Con-

Contra primò: Quod sequitur, & resultat directè ad existentiam, & positionem cause realis formaliter non cognoscentis, nec fingentis, est omnino reale: Sed volitio necessaria ad quam sequeretur ille respectus rationis, esset causa realis non cognoscentis, nec fingentis: Adeoque etiam ille respectus esset realis.

Deinde, ille respectus qui resultaret ad positionem volitionis necessariae Dei, resultaret necessariò, vel liberè. Si necessariò: Ergo Deus necessariò vellet liberè producere mundum v.g. sic enim vellet quomodo haberet hunc respectum; illum autem necessariò haberet. Si liberè: Ergo quemadmodum ille respectus posset resultare, vel non resultare liberè, ad positionem illius necessariae volitionis; ita etiam ipsa met mundi productio sequi posset per se immediatè ad positionem ipsius volitionis absque illo respectu; non enim maior est difficultas unius quàm alterius, sicque respectus ille gratis asseritur, & absque ullo fundamento.

His adde quòd Deus sit formaliter, & intrinsecè liber: talis autem constitui nequit per ullum respectum rationis, ut patet, nulla enim forma fìctitia intrinsecè afficit, & denominat entitatem realem: Ergo multò minus afficit, & denominabit Deum omnium entium realissimùm.

Dicit ex Doctore in 4. dist. 13. qu. 1. n. 18. productio divina ad intra relatio realis est, ad extra autem est relatio rationis. Similiter *nu. 20.* productio divina qua Deus producit aliquid ad extra, non est absolutum in eo, secundum omnes, quia secundum nihil absolutum in se respicit creaturam: Ergo necessè est omnes dicere illam productionem qua dicitur Deus produciens, esse respectum non utique realem, sed rationis, ut ipsemet explicat *nu. 23.* Ergo à pari volitio libera circa Creaturas est etiam relatio rationis.

Nego consequentiam: Hoc est enim discrimen inter creationem, & decretum Dei liberum, seu volitionem liberam, quòd, ut inquit Doctor laudatus *num. 23.* Creare significat relationem passionis, & connotat actum essentialem divinum intrinsecum, non tantum absolutè, sed ut transiit super objectum extra: Deum autem velle creaturam esse principaliter, dicit actum divinum, licet connotes transitum ejus super objectum, &c. Unde in forma arguendi, est figura dictionis, quia muta-

tur ad aliquid: Id est relatio in ad se id est in absolutum, sicut si argueretur sic; similem esse est referre: sed alium esse est similem esse: Ergo alium esse est referre.

Adde quòd volitio libera est ab æterno, creatio autem seu relatio rationis creantis ad creaturam, est tantum in tempore: Unde licet Deus constitueretur, & diceretur formaliter creans per relationem rationis, non propterea diceretur formaliter liberè volens per eandem relationem.

Urgebis: Decretum liberum ex Doctore dicitur connotare transitum super objectum creatum; Sed hæc connotatio est relatio rationis: Ergo reverà decretum constituitur in ratione liberi per relationem rationis.

Respondeo ad majorem, idcirco Doctorem asserere velle Dei liberum connotare transitum super objectum, ut significaret discrimen inter objectum creatum, & increatum, quatenus ab eadem volitione attingitur; ita quòd illa volitio dicatur *Necessaria*, quatenus respicit, & terminatur ad id quod divinum est: dicitur autem *Libera*, quando transit super creaturam, quæ contingens est, & potest esse, vel non esse. Non autem vult Doctor, quòd talis transitus, seu tendentia, constitutur in liberum formaliter; nam quælibet volitio sive libera, sive necessaria dicit tendentiam, seu transitum super objectum; Ergo cum volitio non constituitur, nec dicitur necessaria propter tendentiam, nec etiam propter eandem dicitur libera.

CONCLUSIO QUARTA.

Divina Libertas est ipsemet actus entitativus, & infinitus divinus Voluntatis, quatenus tendit in objecta contingenter futura vel existentia, eaque connotat in obliquo. Hæc est expressa Doctoris sententia ut colligitur ex variis ejus textibus, maxime ex 1. dist. 39. num. 21. ubi ait, *Voluntas divina non est indifferens ad diversos actus volendi, & volendi, quia hoc in voluntate mea non erat sine imperfectione voluntatis, voluntas enim nostra erat libera ad oppositos actus, ad hoc ut esset libera ad opposita objecta, & hoc propter limitationem utriusque actus respectu sui objecti:* Ergo posita illimitatione ejusdem voluntatis ad diversa objecta, non oportet propter libertatem ad opposita objecta, ponere libertatem ad oppositos actus. Ipsa etiam Voluntas divina libe-

libera est ad oppositos effectus; sed hæc non est prima libertas in Deo sicut nec in nobis.

Ex quibus tria concludit. Primum quidem quod divina libertas non consistat in indifferentia ad actus, quia id arguit imperfectionem, nempe finitatem, & limitationem voluntatis creatæ, quæ unico actu finito tendere nequit in diversa objecta: *Remanet ergo, inquit, in Deo libertas illa, quæ est per se perfectionis, & sine imperfectione, scilicet ad objecta opposita; ita quod sicut voluntas nostra potest diversis volitionibus tendere in diversa volubilia; ita illa Voluntas divina potest unica volitione simpliciter, & illimitata tendere in quæcumque volubilia; ita quod si voluntas illa, vel volitio illa esset tantum unus volubilis, & non posset esse oppositum; quod tamen de se volubile est, hoc esset imperfectionis in Voluntate divina, sicut prius deducum est de voluntate nostra.*

Secundum quod inferit, est quod sicut voluntas creata dicitur formaliter libera, non quatenus est productiva effectus, nec quatenus est receptiva actus volitionis, sed præcisè quatenus est operativa; Ita, inquit, ponitur libertas in Voluntate divina per se, & primò, in quantum est potentia operativa, licet ipsa non sit productiva, nec receptiva volitionis suæ.

Tertia denique ipsius illatio est, quod licet divina Voluntas possit dici etiam libera quatenus est productiva effectus creati, tamen illa libertas quæ connotat effectum, præcisè non illum connotat secundum illius esse volitum, quia esse existentie est tantum in tempore, esse autem volitum est ab æterno; seu ut ipse loquitur, *Productio in esse existentie non connotat necessarii operationem ejus Voluntatis divine, quia operatio est in æternitate, & productio esse existentie est in tempore: Tamen operationem ejus necessariò connotatur productio in esse volitum; & tunc non potentia potest illa Voluntatis divina primò quidem esse libera ut productiva, sed secundum quid, & in esse volitum, & ipsa productio connotatur eam ut operativa.* Et paulo post, *Voluntas divina in quantum ipsa est sub volitione, est prior tendentia tali, nempe libera; & ita tendit in illud objectum contingente, quod in eodem instanti posset tendere in oppositum objectum.*

Quibus aperte constat Doctorem impugnare tres principes sententias in prioribus conclusionibus impugnatas: Primo quidem sententiam, quam postmodum docuit Au-

reolus, nempe libertatem divinam esse oriundam ex productione effectus contingentis secundum esse existentie, quod falsum esse demonstrat ex eo quod volitio libera sit ab æterno; productio autem secundum esse existentie est tantum in tempore. Secundò docet contra Cajetanum divinam Voluntatem non dici liberam per aliquid intrinsecum quod ab ea possit deficere, quia id imperfectionem in nobis arguit, nempe quod voluntas nostra sit intrinsecè mutabilis ab actu ad actum, nec non ad suspensionem, & privationem actus: Secus autem est de Voluntate divina, quæ omnimodè est immutabilis intrinsecè. Tertiò denique docet contra tertiam sententiam volitionem liberam constitui per respectum rationis ad volitum; quia voluntas est prius in se formaliter libera quatenus est operativa, quàm sit libera effectivè, quatenus est productiva effectus in esse volitum, ex quo resultat vel fingitur resultare talis respectus rationis volentis ad volitum, & voliti ad volentem. Hæc paulò longius edixi, ut elarius appareret genuina subtilis Doctoris sententia, & quàm perperam nonnulli eum aliud sensisse asserunt.

Probatur itaque præmissa conclusio: Per id formaliter Deus constituitur liber, per quod reverà dicitur objectum contingens futurum, aut existens velle, aut nolle, idque hoc, aut illo modo; sed id præstat per ipsummet actum entitativum, & infinitum suæ voluntatis: Ergo in eo formaliter consistit divina libertas. *Major* patet: Libertas enim formaliter sumpta nihil aliud est quàm ipsa potentia voluntatis quatenus est indifferens ad volendum, aut nolendum hoc, aut illud; idque tali, vel tali modo. *Minor* verò probatur; Deus id totum præstat per unicum, & indivisibilem actum infinitum suæ voluntatis, quod creata voluntas ratione suæ finitatis, & limitationis exequitur actu multiplici, & repetita volitione, aut volitione: Sed creata voluntas per varios, ac distinctos actus potest objecta diversa velle, aut nolle, idque hoc, aut illo modo: Ergo Deus per unicum actum infinitum suæ voluntatis, potest quodlibet objectum nolle, aut velle. *Minor* patet ipsamet experientia. *Major* etiam constat. Tum ex prima illatione Doctoris supra posita; Tum quia actus divinæ Voluntatis quatenus est infinitus, propter suam eminentiam, & sum-

& summam perfectionem est entitativè omnis actus, volitionis, ac nolitionis, & æquivalens omnibus actibus creatæ voluntatis; aliàs non esset actus purissimus nec simplex, nec infinitè perfectus. Non quidem actus purissimus, si diceret ordinem, & potentialitatem ad alterum actum, vel ad aliquid intrinsecum, aut extrinsecum per quod constitueretur formaliter liber; Nec simplex, si pluralitatem actuum, aut adjunctionem alicujus formæ intrinsecæ, aut extrinsecæ reciperet; Nec denique infinitus, si in se formaliter, aut virtualiter, & eminenter non complecteretur omnem perfectionem cujuslibet actus creatæ voluntatis: Ergo necessarium est, ut ipsemet actus entitativus sit per se, & immediatè liber.

Deinde; si divinus ille voluntatis actus non esset ex se, & absque ullo superaddito liber, talis fieret, vel per aliquid reale, vel rationis: sed talis fieri nequit per aliquem respectum rationis, ut probat tertia conclusio; neque per aliquid reale, quia illud reale superadditum esset, vel extrinsecum, quod prima conclusio respuit; vel intrinsecum, quod in secunda omnino impugnatum est. Restat ergo ut divinus ille voluntatis actus sit ex se, & absque ullo superaddito liber; adeoque divina libertas in ipso formaliter est constituenda.

Denique, illa perfectio negari non potest divinæ volitioni, quæ creatæ voluntati ultro conceditur: Sed creata voluntas eam habet perfectionem, quod ex se ipsa, & nullo sibi addito sese determinare possit ad volendum aliquid, aut nolendum, vel non volendum: Ergo multo magis divina volitio, quæ omnino infinita est, & actus purus, poterit seipsa tendere in aliquid obiectum, vel non tendere: Idque per volitionem formaliter, vel nolitionem.

Dices 1. Actus necessarius, & contingens sunt formaliter oppositi, & realiter distincti: Ergo unus, & idem actus divinæ Voluntatis non potest esse simul formaliter necessarius, & contingens, nec proinde liber.

Distinguo antecedens: Actus necessarius, & contingens finiti, sunt formaliter oppositi, & distincti realiter per diversas formas intrinsecas eorum constitutivas, & distinctivas, concedo: Actus necessarius infinitus, qualis est divina volitio, ita distinctus debet à seipso quatenus est contingens, & liber, nego: Sicut enim eadem realis

divina entitas est simul communicabilis quatenus essentia, & incommunicabilis quatenus est relatio personalis, eò quod hæc entitas cum sit infinita, potest una eademque esse principium diversorum prædicatorum, quæ in creatis diversæ entitates supponunt, & connotant; ita potiori jure una eademque infinita divina volitio potest esse necessaria simul, & contingens; necessaria quidem, quatenus est divinus actus ex se omnino indefectibilis, & ad ea quæ divina sunt tendit, ac terminatur; contingens verò ratione tendentiæ in objecta, quæ ex se contingentia sunt.

Inflabit: Unum, & idem omnino invariantum non potest habere diversas denominationes oppositas: Ergo unus, & idem actus divinæ Voluntatis invariantus, non potest simul esse, nec dici necessarius, & contingens.

Distinguo antecedens: Omnino invariantum, tam intrinsecè, quàm extrinsecè; tam quoad entitatem, quàm quoad terminationem, & tendentiam ad aliud, concedo: Invariantum solum intrinsecè, & quantum ad entitatem, sed variatum quantum ad tendentiam, & terminationem ad objecta extrinsecæ, nego: Et similiter distinguo consequens, unus, & idem actus divinæ Voluntatis non potest simul esse, nec dici necessarius, & contingens, si esset invariantus, tam secundum entitatem, quàm secundum tendentiam, & terminationem, concedo: Si sit equidem invariantus secundum entitatem, sed diversus secundum diversam tendentiam in objecta necessaria, & contingentia, à quæ tendentia habet diversas illas denominationes necessarii, & contingentis, nego: Sic enim idem omnino calor solis finitus ex se invariantus, possit ceram liquefacere, & indurare lutum, ratione scilicet diversæ, & oppositæ dispositionis, quæ est illis subjectis, & à quibus mutuatur oppositam denominationem indurantis, & liquefacientis; quanto magis unus, & idem actus divinæ voluntatis ex se infinitus, & entitativè invariantus, poterit denominari necessarius, & contingens, ratione diversæ tendentiæ in objecta necessaria, & contingentia?

Urgebis; Illa tendentia, & terminatio ad objecta contingentia, à qua divinus ille voluntatis actus denominatur contingens, & liber, vel est aliquid ipsi actui extrinsecum, vel intrinsecum; Sed neutrum dici

potest: Non primum, quia si illa tendentia sit omnino extrinseca, sequitur Deum non esse formaliter liberum, sed tantum denominativè, & effectivè: sicut Sol est calidus denominativè tantum, & virtualiter, ac effectivè, quia nimirum calorem producit in subiectis, non autem talis est formaliter: At hoc impugnatum est supra contra Aureolum. Non etiam secundum, quia cum contingens ex ratione formali habeat, quod possit deficere, si illa tendentia sit aliquid intrinsecum actui divinæ voluntatis, sequitur aliquid Dei intrinsecum posse deficere; adeoque Deum esse intrinsecè mutabilem, sicut contra Cajetanum in secunda conclusione demonstratum est.

Respondet tendentiam illam divinæ voluntatis in objecta contingentia considerari posse, vel ex parte ipsius actus tendentis, & terminati; vel ex parte objecti terminantis illam tendentiam. Priori modo est ipsemet actus entitativus, qui ratione suæ infinitatis fertur circa quodlibet objectum volubile, eo modo quo volubile est; idque nullo sibi superaddito, sed ex infinita sua virtute, & perfectione, qua fit ut feratur ex se necessario circa necessaria, & liberè circa contingentia: Posteriori modo autem sunt ipsamet objecta contingentia, vel necessaria, quæ illum divinum actum terminant ut sunt; sique necessaria necessario, & contingentia contingentiter eum terminant.

Unde in forma distinguo majorem: Illa tendentia est purè intrinseca, vel extrinseca, nego; est partim intrinseca, & partim extrinseca, concedo: est enim ipsemet intrinsecus, & entitativus divinæ Voluntatis actus, qui nullo superaddito, sed ex se immediate fertur in objecta volubilia ut volubilia sunt, eaque connotat ut sunt, ita quod dicatur ferri necessariò in necessaria, & contingentiter, ac liberè in libera; sique illa tendentia est intrinseca ex parte actus, extrinseca verò ex parte objecti connotati.

Subjunctum. Ergo divina libertas formaliter considerata partim dicenda est intrinseca, & partim extrinseca; sed hoc consequens est absurdum: Ergo & antecedens. Probatur sequela majoris: Eatenus actus divinæ voluntatis dicitur liber, quatenus ipsemet tendit in objecta contingentia, & proinde talis est divina libertas, qualis est tendentia in objecta contingentia: Sed ex concessis hæc est partim intrin-

seca, & partim extrinseca: Ergo etiam divina libertas partim erit Deo intrinseca, & partim extrinseca. *Minor* sufficienter probata manet ex dictis, quibus affuerimus divinam libertatem esse Deo omnino, & formaliter intrinsecam.

Nego sequelam majorem: Et majorem illius probationis distinguo: Talis est divina libertas divinæ voluntatis, qualis est illius tendentia ex parte actus tendentis, & connotantis objectum, concedo; qualis est ex parte objecti terminantis, & connotati, nego. Itaque tota libertas actus intrinseca est, cum sit ipsemet actus intrinsecus entitativus, & infinitus, qui tendit in quodlibet volubile eo modo quo volubile est; adeoque liberè tendit in liberum & contingentem in contingens.

Insuper iterum. Illa connotatio objecti, vel aliquid confert ad formalem rationem libertatis, vel nihil. Si primum: Ergo cum hæc connotatio sit extrinseca, etiam divina libertas erit saltem partim extrinseca. Si secundum: Ergo frustra usurpatur ad distinguendum illum divinum actum liberum à seipso quatenus necessarius est.

Respondet hanc connotationem aliquid equidem conferre, non ad constituendam formaliter, & intrinsecè ipsam divinam libertatem, sed ad eam specificandam, & explicandam. Licet enim ipsemet actus entitativus, qui est formaliter necessarius, sit etiam formaliter ex se, & in se liber, quia est infinitus; nihilominus cum non possimus concipere rationem illam intrinsecam per quam unus, & idem actus est formaliter liber, & necessarius, ideo cogimur diversitatem explicare per diversum illam tendentiam in objecta necessaria, aut libera, & eorum distinctam connotationem.

Dicitur 2. Quod adæquatè est intrinsecum Deo, ipsique adæquatè identificatum, est etiam simpliciter necessarium: Sed actus liber non potest esse simpliciter necessarius, ex ratione enim sua formali debet esse contingens, potestque deficere: Ergo actus liber non est adæquatè Deo intrinsecus, ipsique omnino identificatus; & consequenter divina libertas non consistit formaliter in solo intrinseco Dei actu entitativo.

Distinguo majorem: Est simpliciter necessarium secundum entitatem, ita ut penes illum sit omnino indefectibilis, & immutabilis,

bilis, concedo: secundum tendentiam, & terminationem ad objecta extrinseca, nego: hæc enim tendentia, & terminatio omnino libera est, & contingens.

Inflabis: Illa terminatio, & tendentia, vel est aliquid intrinsecum, vel extrinsecum formaliter; Si quid intrinsecum: Ergo est simpliciter necessaria, neque indifferens est ut sit, vel non sit; adeoque nec contingens est, nec libera. Si quid extrinsecum; Ergo divina libertas in suo formalis conceptu includit aliquid extrinsecum, saltem in obliquo.

Respondeo hanc terminationem esse simul intrinsecam, & extrinsecam; intrinsecam quidem formaliter ex parte actus terminati, & connotati; extrinsecam autem specificativè, & explicativè, ex parte objecti terminantis, & connotantis; Exinde tamen non sequitur libertatem divinam esse simul intrinsecam, & extrinsecam in suo conceptu formali, hæc enim formaliter tota intrinseca est cum sit ipsemet actus entitativus Dei quatenus est infinitus, & æquivalens omnibus omnino actibus creatæ voluntatis, ferturque circa quodlibet objectum volibile eo modo quo volibile est, ut jam supradictum est.

Urges: Actus entitativus est ab æterno, terminatio autem, & connotatio objecti extrinseci est tantum in tempore; Ergo vel divina libertas non consistit in actu entitativo, vel non importat hanc connotationem, & terminationem.

Distinguo antecedens; Terminatio, & connotatio objecti in esse existentie est tantum in tempore, concedo; in esse voliti, nego. Res enim futuræ habent esse volitum ab æterno per actum divinæ voluntatis liberè tendentis in decrendam earum productionem; Unde terminatio, & tendentia divinæ voluntatis ad objecta futura potest à nobis concipi per modum æternæ productionis rerum in esse volito, & quatenus est emanatio quadam illius esse voliti ab ipsa divina voluntate, donec vi talis volitionis, & juxta tempus per eam præfinitum res tandem emergant ad esse existentie.

Dices 3. Si divina libertas consisteret formaliter, & adæquatè in actu divinæ voluntatis intrinseco, & infinito; sequeretur quòd tota forma posset esse adæquatè in subiecto, cui tamen non communicaret suum effectum formalem: Sed hoc est

absurdum; Effectus enim formalis nihil aliud est quàm ipsa forma subiecto unita, v. gr. parietem esse album, nihil aliud est, quàm albedinem esse unitam parieti; Ergo & illud unde sequitur, Probatur sequela maioris, Deus liberè potest velle creare alterum mundum: Sed si divina ejus libertas consistat formaliter, & adæquatè in actu intrinseco entitativo, cum hic actus sit æternus, & immutabilis, sequitur cum habere nunc id quo dicitur velle creare alterum mundum, nec tamen reverà dicitur volens nunc creare alterum mundum: Ergo volitio divina de creando altero mundo potest esse in Deo absque eo quòd illum denominet actu volentem creare alterum mundum: Sicque forma posset esse in subiecto capaci denominationis absque eo quòd illud denominet; quod implicat.

Distinguo minorem: Absurdum est formam esse in subiecto capaci denominationis, & illud non denominare, si forma sit finita, & naturalis, concedo: Si infinita, & virtualiter libera, hoc est, æquivalens formæ liberæ quantum ad tribuendam denominationem liberam, nego; volitio autem divina est infinita, & nedum formaliter in se libera, sed etiam virtualiter, quantum ad tribuendam denominationem liberè volentis, quia quatenus est infinita, æquivalens omnibus volitionibus creatis. Ideoque potest hanc denominationem pro libito tribuere, vel non tribuere.

Inflabis. Deus de non volente alterum mundum creare, non potest fieri, & denominari volens alterius mundi creationem, nisi quidpiam ei accadat, quo de non volente dicatur volens: Ergo præter actum entitativum aliquid aliud in eo desideratur, quo dicatur liberè volens alterius mundi creationem, quam prius nolbat. Probatur antecedens: Ium quia nova denominatio petitur à nova forma: Ium quia fieri nequit transitus de contradictorio in contradictorium absque subiecti mutatione reali, vel formali: Ium denique quia Arist. 2. de Generat. textu scilicet *Idem manens idem semper natum est facere idem*.

Nego antecedens, & ad illius probationes dico, eas quidem esse veras de voluntate creatæ, quæ cum dicatur volens, aut nolens per varios, & diversos actus, idcirco de non volente diei nequit volens liberè.

liberè, nisi per novam ei advenientem volitionem. Secus autem est de volitione in creata, & infinita, quæ cum æquivalet omnibus actibus creatæ voluntatis, etiam ei potest tribuere rationem volentis, aut nolentis absque ullo superaddito intrinseco; sed solum per novam connotationem objecti extrinseci voliti, aut noliti; quod egregiè Doctor explicat, & illustrat exemplo Solis. *Si ponatur Sol*, inquit in 2. d. 1. q. 2. n. 7. *Semper esse in se æquè luminosus, & creetur aliquod medium perspicuum approximatum, de novo illuminabit illud; ita quod nihil novum erit in Sole, ad hoc quod ab ipso sit nova illuminatio; Et si possit ex se ponere medium perspicuum, & sub lamina, sicut causat in ipso lumen; ita poterit in esse hoc totum, scilicet medium illuminatum, sine aliqua novitate in seipso.* Ergo multò magis divina voluntas cum sit infinita dici potest velle, aut nolle objecta absque aliqua sui mutatione reali, vel formali, sed solum per novam objecti extrinseci connotationem.

Urgebis. Deus reverà dici potest nunc velle creare alterum mundum, si nihil ei desit quo dicatur volens alterius mundi creationem: Sed reverà nunc ei nihil deesse ad hanc volitionem, si divina ejus libera volitio consistat formaliter in solo actu entitativo: Ergo reverà nunc dici debet volens creare alterum mundum. Probatur *minor*; Si Deus nunc totum habeat ad creandum alterum mundum, quod ego habeo dum volo scribere, nihil ipsi nunc desit ad volendum creationem alterius mundi: sed ita est. Probatur; Nam sicut mihi volenti scribere sola deesse potest actualis scriptio, ut reverà dicar scribere; ita si quid deesset Deo volenti creare mundum, maximè alter mundus: At absurdum est asserere, quod ut dicar volens scribere, mihi desit actualis scriptio: Ergo pariter absurdum esset affirmare, quod ut Deus dicatur volens creare alterum mundum, solum ei desit alter mundus; adeoque nihil Deo deesset nunc ad volendum alterius mundi creationem, si divina ejus libertas formaliter consistat in ejus entitativo, & intrinseco actu.

Nego minorem: Ideo namque Deus reverà non habet actuè decretum de altero mundo creando, quia ipsius divina voluntas ex dominio, quod habet in objecta externa, non tendit in alterius mundi creationem, cum posset tamen per eandem

volitionem entitativam, qua hunc mundum creavit, etiam & alterius creationem velle. *Ad probationem* dico, non solum deesse alterum mundum, ad hanc divinam volitionem de creatione alterius mundi, sed etiam deesse tendentiam ipsius infinitæ voluntatis in alterius mundi creationem. Quæ tendentia licet necessaria sit ex parte actus, tamen est contingens, & omnimodè libera ex parte objecti nempe alterius mundi, qui ex se potest esse, vel non esse.

QUÆSTIO TERTIA.

An, & qualis sit distinctio, & ordo inter libera decreta divina voluntatis.

Certum est nullam esse distinctionem realem, nullumque realem ordinem inter divina decreta; cum enim unicus, ac simplicissimus in Deo sit actus, nulla in eo potest esse distinctio, nec consequenter ulla ipsius ordinatio; nihil siquidem ad seipsum ordinari verè dicitur. Tota igitur in ipso divino actu distinctio totiusque ordo, si quis sit, considerari potest tantummodo penes nostrum modum intelligendi, & juxta variam illius divini actus ad objecta externa tendentiam, & terminationem; ita quod tunc censetur esse distinctio, cum intelligitur actus ille divinus tendere in decernendum aliquod objectum, absque eo, quod intelligatur ipsius tendentia in aliud: Tunc verò in eo concipitur ordo, quando intelligitur terminari ad unum objectum decretum, priusquam terminetur ad aliud; ita tamen ut tendentia ad unum sit quasi ratio cur tendat in aliud. Circa quam difficultatem duplex maximè est opposita Theologorum sententia; etenim Ochamus in 1. diff. 9. qu. 3. inter divina decreta negare videtur aliquem esse ordinem, & in eis nullam prioritatem, & posterioritatem admittendam esse pronuntiat, cui nonnulli, tam veteres, quam moderni Theologi subscribunt. Cæteri verò Theologiz Principes pro stabiliendo hoc ordine militant, cumque astruunt S. Thomas 1. parte 9. qu. 13. art. 5. & qu. 23. art. 4. & 5. Et Subtilis Doctor in 3. diff. 7. qu. 3. n. 3. & 4. cum suis fidelioribus discipulis. Qualis autem, & à quo hic ordo stabiliendus sit, & oriundus, ut evidentiùs percipias,

Notandum 1. Maximè duplicem in divinis
1 affi-

assignari posse ordinem, nimirum, *Originalis*, & *Naturalis*. Prior est præsuppositio unius ad alium, qui ab ipso producitur, & originatur, sic Filius Patrem, & Spiritus sanctus Patrem, & Filium præsupponunt: Posterior vero est præexigentia naturalis unius ad aliud, si divinitus voluntas ordine naturæ divinum intellectum præsupponit; & attributa divina, omnesque divinæ præcellentes dici possunt divinam Essentiam præsupponere, quia ab ea veluti radii à sole effluunt. Hic autem ordo naturæ non ita intelligendus est in divinis, ac in creatis; in creatis namque ordo naturæ causalitatem veram importat, secundum quam causa dicitur natura prior effectui; causalitas autem involvit dependentiam effectus à causa: Unde cum in divinis nulla sit dependentia, nec pariter ulla potest esse naturæ prioritas secundum causalitatem, sed tantum secundum præsuppositionem: Unde potius dicitur prioritas signi rationis, quam rei, seu prioritas secundum conceptum, non vero secundum realitatem.

Notandum 2. Ordinem inter divina decreta desumi posse ab objectis dupliciter; nimirum vel permissivè, vel positivè. *Permissivè* quidem, quatenus non repugnat naturæ ipsorum objectorum, quòd talem inter se ordinem habeant, imò quædam eis insit capacitas, & proportio sive naturalis, sive obediens qua dici possunt inter se congruè sic ordinari. *Positivè* vero, quando objecta ipsa ex natura sualem ordinem videntur exigere, ut nonnisi cum quadam violentia, & incongruitate aliter possint ordinari. Ad hoc autem ut media ordinentur ad finem ordinatione permissiva, non est necesse ut Deus ipsi aliquid imprimat, quo ad finem prænaturalalem ordinentur; sed sufficit, quòd Deus talia media velit usurpari, & ordinari ad consequendum finem destinatum. Verbi gratia, ut opera Christi sint meritoria, & satisfactoria pro universo genere humano, sufficit quòd divinus Pater illa opera ad id acceptet, decretatque, quòd positis illis operibus meritoriis concedet gratiam, remissionem peccatorum, & gloriam æternam hominibus.

Notandum 3. Authores ordinem inter divina decreta propugnantes, tres maxime ire in oppositas sententias: Prima est Cajetani 3. part. qu. 1. art. 3. affirmantis divi-

norum decretorum ordinem mutuandum esse ex ordine quem inter se servant termini; ita quòd, sicut natura videtur præsupponi gratiæ, & gratia unioni hypostaticæ; ita tres ordines assignat divinæ præscientiæ, & providentiæ: In quorum *Primo* comprehenduntur ea omnia, quæ naturæ, & rationis spectant rectitudinem, aut deordinationem: In *Secundo* comprehenduntur omnia auxilia gratiæ, omniaque dona supernaturalia, quibus Angeli, & homines exornantur; In *Tertio* vero involvuntur ea omnia, quæ ad ordinem hypostaticæ unionis pertinent; atque ita concludit Cajetanus Deum prius ordinasse, quæ ad naturæ ordinem, quàm quæ ad ordinem gratiæ spectant, & prius, quæ ad ordinem gratiæ, quàm quæ ad ordinem hypostaticæ unionis pertinent; adeoque ordinatam esse unionem Verbi cum natura humana post prævisum Adami peccatum. *Nonnulli* affirmant ordinem inter divina decreta desumendum esse ex perfectione divinorum objectorum, ita ut Deus prius decreverit, quæ perfectiora sunt, postea verò, quæ minus perfecta. *Alii* vero censent hunc ordinem esse desumendum ex ipsis objectis, prout subsunt divinæ voluntati, quatenus ea ordinat prout vult, licet ex natura sua taliter ordinari non possulent.

CONCLUSIO PRIMA.

INTER divina decreta reverà est actus, & intrinsecus, ordo prioris, & posterioris, quatenus nimirum unicus, & simplicissimus actus entitativus divinæ voluntatis, ratione suæ infinitatis, æquivalens intrinsecus, & per se actibus Creaturarum distinctis realiter, quorum unus præsupponit alium. Hæc est Doctoris pluriubi, sed maxime in 3. dist. 7. qu. 3. num. 3. & 4. ubi docet Verbum divinum incarnandum fuisse, etsi Adamus non peccasset, quia prædestinatio animæ Christi ad gloriam nullum præsupponit peccatum præscitum, imò præcedit præscientiam saltem absolutam omnium peccatorum, ac etiam bonorum operum, quia ordinatè volens prius vult finem quàm media, id est prius gloriam quàm bona opera. Unde concludit, *Potest igitur dici, quòd prius natura quàm aliquid prævidebatur circa peccatorem, sive de peccato, sive de pena, Deus prælegit ad eam curiam omnes quos voluit habere Angelos, & homines in certis, & determinatis gra-*

gradibus: Ubi observandum, Doctorem per *Ordinem naturæ* non intelligere ordinem causalitatis, nec durationis, ut falsò Nominales, & nonnulli Thomistæ interpretantur; sed solum naturæ ordinem appellat illam præexigentiam, seu suppositionem unius divinæ rationis ad alteram; qualiter etiam ipsemet sanctus Thomas 1. *part. quest. 42. art. 3.* in divinis ordinem Naturæ admittit.

Probatur itaque Conclusio: Ut sit verus ordo intrinsecus inter actus divinos, duo desiderantur, & sufficient: *Primo* ut inter illos sit quædam distinctio saltem virtualis, quatenus nimirum unus, & idem entitativus, & infinitus divinæ voluntatis virtualiter æquivalet pluribus actibus creatæ voluntatis: *Secundo*, ut inter illos actus distinctos per hanc æquivalentiam, sit virtualis præsuppositio unius ad alterum, oportet sit veluti dependentia unius ab alio; ita quod si illi actus essent realiter distincti, unus reverà alium præsupponeret, & ab eo aliquatenus penderet; sicut fit in actibus creatæ voluntatis: Sed inter actus divinos est huiusmodi virtualis distinctio, & præsuppositio: Ergo inter illos est ordo prioris, & posterioris. *Major* patet ex prænotatis: Nihil enim per ordinem prioritatis, & posterioritatis in actibus divinis intelligitur, quàm distinctio, ac præsuppositio, quæ in eodem actu entitativo infinito concipitur ab humano intellectu per æquivalentiam ad actus voluntatis creatæ, quorum unus ordinatur ad alterum. *Probatur minor:* Si quid officeret quominus in eodem actu entitativo nulla esset distinctio, & præsuppositio, maximè quia distinctio repugnat divinæ Simplicitati, & prioritas, ac posterioritas ordinis per summam Dei actualitatem excludi debet; sed hoc utrumque falsum est.

Probatur 1. ex collatione actus intellectus cum actu voluntatis, siquidem reverà inter actus intellectus, & voluntatis divinæ vera est distinctio, & prioritas ordinis; utæque enim actus ab alio distinguitur formaliter, ut jam pluries probatum est: Similiter actus voluntatis præsupponit actum divini intellectus; nam actus voluntatis quo Deus libere vult objectum aliquod, præsupponit ipsius cognitionem, & actus quo vult efficaciter aliquid facere, præsupponit illud esse factum possibile; & voluntas enim divina non potest magis ferri in inco-

gnitum quàm creatæ, nec alliciter, & movetur ad amandum à bono nisi præcognito: Itaque cognitio est conditio necessaria, & prærequisita, ut divina voluntas feratur in suum objectum sub ea ratione sub qua præcognoscitur, idque significant sequentes Scripturæ Sacre contextus Exodi 2. *Vidit Deus afflictionem populi sui, & misertus est;* id est cognitio afflictionis ipsum movit, & excitavit ut miseretur: item Psal. 102. *Miseratus est Dominus timentibus se, quoniam ipse cognovit signum mentium nostrum.* Hoc est, præcognitio fragilitatis humanæ incitamentum fuit divinæ misericordiæ, &c.

Probatur 2. comparando actus voluntatis ad invicem: Inter actus divinæ voluntatis, propter æquivalentiam ad multos actus voluntatis creatæ, est aliqualis distinctio saltem virtualis, hoc est æquivalet pluribus actibus distinctis; similiter inter aliquos eorum est virtualis præsuppositio, quatenus unus concipitur ut est virtualiter causa alterius, & unius objecti volitio movet ad volitionem alterius, sic v. g. voluit Christum esse passibilem, quia voluit homines redimere: Igitur voluntas quam habuit de hominum salute, fuit veluti causa, & ratio cur voluerit Christum esse passibilem; adeoque inter actus divinæ voluntatis est aliqua præsuppositio, & ordinatio.

Deinde, sine tali ordine inter actus divinæ voluntatis non possunt intelligi, quæ de mysterio Incarnationis, & Prædestinationis Scriptura sacra, & sancti Patres edocent; passim enim affirmant Deum voluisse Incarnationem propter salutem hominum, idque universa Ecclesia profiteretur in Symbolo Nicæno, ubi legitur quod Verbum divinum, *Propter nos homines, & propter nostram salutem descendit de Cælis:* Similiter Scripturæ, & sancti Patres plerumque affirmant Deum voluisse Eleclis gloriam partim voluntate antecedenti, & à seipso, ex suo beneplacito, & pura misericordia; partim voluntate consequenti, & efficaci, ex prævisione operum, & per modum mercedis: Damnationem verò nullo modo voluisse à seipso, sed solum data occasione à reprobis ob ipsorum peccata: Sed hæc intelligi, & conciliari nequeunt sine ordine inter actus divinæ voluntatis; ita ut prævisio bonorum operum fuerit ratio cur nos potius quàm illos efficaciter prædestinaverit ad gloriam, prævisio verò peccatorum fuerit ratio cur ab æterno alios

reprobaverit: Ergo debet hic ordo asseri. *Majus patet ex sequentibus Scripturæ, & Patrum textibus, Perditio tua Israel (supple ex te) tantummodo in me auxilium tuum: Similiter 2. ad Timoth. 3. Vult omnes homines salvos fieri, & ad agnitionem veritatis venire, Voluntate scilicet antecedente qua neminem vult perire, sed omnes ad penitentiam converti, ut explicat S. Petrus Epist. 2. cap. 3. Quoniam tamen non omnes salvantur, nec efficaciter electi sunt ad gloriam, sed aliqui reprobati, & destinati ad pœnam æternam; Christus Dominus edocet hoc esse repetendum ex prævisione operum bonorum, vel malorum: Unde Matth. 25. ait, Venite Benedicti Patris mei, possidete paratum vobis regnum à constitutione mundi: Esurivi enim, & dedistis mihi manducare, &c. Hoc est, ut exponit S. Chrysostomus hom. 80. in Matth. Quia sciebam vos antequam nati essetis hujusmodi futuros; hæc à me vobis præparata sunt: Quasi diceret, præscientia bonorum operum causa fuit, cur Deus aliquibus gloriam præparaverit, seu dare decreverit potiusquam aliis. Id ipsum eleganter exprimit S. Ambrosius lib. de Fide cap. 3. Quos præscivit, inquit, & prædestinavit, quia non ante prædestinavit quam præscivit, sed quorum merita præscivit, eorum premia prædestinavit.*

Denique, ordo prioritatis, & posterioritatis, quem Scriptura, & Patres affirmant esse inter actus divinæ voluntatis, non solum repetitur ab extrinseca denominatione petenda ab objectis, vel à nostro modo intelligendi, & volendi, quatenus scilicet unum prius, aliud verò posterius concipimus: Ergo reverà ille ordo intrinsecus est. Sequela patet. Si enim talis ordo sit extrinsecus, necessum est ut intrinsecus affirmetur. *Probatur antecedens:* Ordo prioritatis, & posterioritatis conveniens divinis actibus sæpe contrarius est ordini objectorum, & stante eodem objectorum ordine talis ordo potest esse diversus: Ergo non convenit divinis actibus, solum per denominationem extrinsecam. Consequentia patet: Si enim conveniret illi solum ratione ordinis objectorum, sequeretur quòd quoties idem esset ordo inter objecta, etiam talis esset inter actus divinæ voluntatis. Antecedens verò probatur quoad primam partem: Ordo objectorum est vel ordo temporis, quatenus unum est prius alio dicatione, vel causalitatis, quatenus unum

est causa alterius; vel dignitatis, quatenus unum est altero perfectius; vel uno ex aliis modis quos refert Aristoteles, & ex ipso colligitur philosophi in prædicamentis: Sed Deus plerumque vult prius id quod est posterius quocumque ex illis modis; prius enim voluit Verbum incarnari v. g. quam voluerit permittere lapsum Adami ex statu gratiæ per Christum collatæ, ille tamen Adami lapsus Verbi incarnatione tempore prior exiit: Similiter voluit beatam Virginem, & ejus progenitores propter Christum; nihilominus beata Virgo ejusque progenitores fuerunt Christo priores non solum tempore, sed etiam causalitate.

Denique, Deus voluit Christum, saltem ut passibilem, propter salutem hominum; nihilominus Christus longè nobilior est hominum salute: Ergo ordo divinorum decretorum non petitur ex ordine objectorum.

Probatur idem antecedens quoad secundam partem: Nempe quòd eodem existente objectorum ordine potuerit esse diversus in divinis actibus ordo: Sive enim Deus decreverit Verbi incarnationem antecedenter ad lapsum Adami prævisum, ut Scotistæ contendunt, sive consequenter tantum ut volunt Thomistæ, idem est ordo objectorum: Prius enim Adamus creatus fuit, & gratia illi collata, & è statu gratiæ cecidit, quam Christus advenerit ut lapsum repararet: Et tamen in utraque hypothese, ordo divinorum actuum circa incarnationem, est omnino diversus. Nam in priori hypothese, volitio incarnationis præcedit voluntatem creandi Adamum, in posteriori verò ipsam præsupponit: Ergo potest esse diversus ordo in diversis actibus, stante eodem ordine in objectis; adeoque ille ordo divinorum actuum ab ipsis objectis non eruitur.

Dices 1. Licet intellectus noster varias format enuntiationes varioque discursus de Deo ejusque voluntate, aliisque perfectionibus, inde non sequitur aliquam in Deo reperiri cognitionem enuntiativam, aut discursivam, etiam extrinsecè ei tribuendam: Ergo à pari licet certo quodam ordine prius, vel posterius, divini intellectus divinæque voluntatis actus concipiamus, non propterea sequitur quòd reverà sit aliquis ordo in illis divinis actibus.

Nego consequentiam: Et ratio disparitatis est, quòd cognitio enuntiativa, aut discursiva

siva plures involvat imperfectiones Deum omnino dedecentes; cum enim discursus sit illatio minus notæ ex notiori, aliquam in discurrente supponit ignorantiam, quæ Deo scientiarum thesauro, & abyssio omnino repugnat. Ordo verò prioris, & posterioris in divinis actibus nullam imperfectionem, imò summam perfectionem arguit; quia supponit unicum, & eundem actum entitativum divinæ voluntatis, qui ratione suæ infinitatis omnibus creatis actibus æqualeat; quæ æquivalentia nullam includit imperfectionem, imò infinitatem illius actus significat: Sicut enim summæ, & infinitæ perfectionis est, quod una simplicissima divina realis entitas æqualeat omnibus entibus creatis, eisque infinitè superemineat; ita pariter summa est infinitaque perfectio in illo simplici actu reali divinæ voluntatis quod ex se æqualeat omnibus actibus creatæ voluntatis, & in se complectatur, quidquid creatæ voluntatis diversis actibus gerere potest.

Dices 2. Ubi est unica, & simplex entitas omnino indistincta, nulla reperiri potest ordinatio: sed actus divinæ voluntatis est unicus, & omnino simplex: Ergo nullum ordinem intrinsecum agnoscit, sed si quis in eo sit ordo, solum extrinsecus esse debet, & petendus à nostrarum intellectionum diversitate, vel objectorum ordine, circa quæ versatur.

Distinguo antecedens: Ubi est unica, & simplex entitas finita, & limitata, concedo: Infinita, & unica quidem, ac simplex formaliter, sed virtualiter multiplex, nego. Certum est autem quod et si actus ille divinæ voluntatis secundum entitatem sit omnino simplex, nihilominus ratione suæ infinitatis est virtualiter, & æquivalenter multiplex, ut jam supra dictum est: adeoque licet eadem nulla sit in eo realis, aut formalis distinctio actualis, nihilominus in eo admitenda est distinctio virtualis, & æquivalens distinctioni quæ reperiri possit in actibus creatæ voluntatis: & consequenter in ipso etiam intrinsecus ordo æquivalenter, & virtualiter affirmari potest.

CONCLUSIO SECUNDA.

Ordo inter divina decreta non est mutandus ex ordine quæ inter se servant illorum objecta: Neque ex ipsorum objectorum dignitate. Tom. II.

Illorum dignitate: Nec ex naturali dispositione: Sed tantum quatenus ipsa objecta divinæ voluntati subjungunt. Hæc Conclusio quatuor habet partes, quarum

Probatur prima contra Cajetanum. Statere potest diversus ordo in divinis actibus stante eodem ordine in eorum objectis: Ergo divinorum actuum ordo non est repetendus ex eorum objectis. Consequentia patet. Antecedens verò probatum est in priori conclusione.

Deinde, Cajetanus insufficiens, & falso explicat ordinem quem illa objecta divini actus inter se servant; adeoque ex illo objectorum ordine non est mutuandus ordo divinorum actuum. Probatur antecedens: Primò namque plura sunt objecta in ordine naturæ quæ nullum habent ordinem nullamque connexionem cum ordine gratiæ, putà quod Petrus prædestinandus sit cæcus vel videns, albus vel niger. Secundò mors prædestinati est ordinis naturæ, & tamen est posterior electione ad gloriam quæ ad ordinem gratiæ spectat; etenim illa mors est effectus prædestinationis juxta illud Sapientiæ 4. *Raptus est ne malitia mutaret intellectum ejus.* Tertiò ex meritis Christi prævisis decrevit Deus omnibus conferre gratiam, illam inaximè quæ post Adami lapsum hominibus concessa est: Ergo decretum Incarnationis præcedit decretum de gratia conferenda; adeoque Cajetanus falso suum ordinem texit, & consequenter ab eo divinorum actuum ordo non est mutuandus.

Secunda pars etiam probata manet ex iis quæ in præcedenti conclusione diximus, nimirum illum ordinem in divinis actibus non oriri ex objectorum dignitate, & præstantia: Etenim Christus Dominus, et si hominum salute longè nobilior, nihilominus à Deo ordinatur ad ipsorum hominum salutem, ita quod prius Deus voluerit hominum salutem, quam Verbi Incarnationem, quia prius intendit finem quam media. Nec refert quod Doctor Subtilis in 3. d. 7. quæst. 3. n. 3. asserat quod *Univ. saliter ordinatè volens prius videtur velle hoc quod est fini propinquius; Un. ita sicut prius vult gloriam alicui, quam gratiam, ut etiam inter prædestinatos quibus vult gloriam, ordinatè prius videtur velle gloriam illi, quem vult esse proximum fini, &c.* Doctor enim per id quod est fini propinquius, non intellexit illud quod est propinquius digni-

tate præcisè, & absolute, sed quod est propinquius quidam dignitate quatenus hæc dignitas magis conducit ad finis consecutionem. Quo pacto cum Verbi incarnatio, & glorificatio magis conferat ad divinum honorem, quam cæterorum prædestinatorum glorificatio, idcirco merito ibidem concludit Doctor, quod Deus *Anime Christi vult gloriam prius quam alicui alteri velis gloriam; & prius: cuilibet alteri vult gratiam, & gloriam, quam prævidet opposita ipsorum habituum, scilicet gratia, & gloria, scilicet peccatum, & damnationem: Ergo prius vult anime Christi gloriam, quam prævidet Adam casurum.*

Hæc autem ut facilius perecipiantur, observandum est inter divina decreta duos esse ordines oppositos, intentionis videlicet, & executionis, juxta scilicet diversam considerationem finis, & mediorum. *Ordo intentionis* est qui primo finem respicit ut assequendum per media; *Ordo vero executionis* primo respicit ipsa media quibus facto finis intentus acquiritur. Cum autem in intentione, finis sit causa mediorum, quæ non exquiruntur, nec assumuntur ab operante nisi propter finem consequendum, idcirco in ordine intentionis prior est finis quam media: Cum vero in actuali finis affectione media assumantur tanquam causæ efficientes, ut intentum finem operans obtineat, idcirco in ordine executionis media priora sunt quam finis. Hinc ordine intentionis Deus prius decernit finem quam media, & inter media prius illud feligit quod est fini proximum, quodque ultimo ad finis affectionem confert.

Deinde, ordinat medium minus remotum, & sic de cæteris usque ad ultimum: quod Doctor Subtilis laudatus intellexit, dicens quod *Ordinatus volens prius vult finem: & postmodum ea quæ sunt media ad finem consequendum, & inter media illud quod est fini proximum secundum causam, aliam, & efficaciatem*, sive interim dignius sit, sive hanc efficaciatem habeat ex natura sua, sive ex ordinatione divina. Ordvero executionis est ipsi omnino oppositus, nam prius Deus vult, & decernit ultimum medium, & cætera quæque suo ordine; ultimo autem finem assequendum intendit, & decernit, quod disertè aperit S. I. aulus ad Rom. 8. dicens, *Quos præcavit, & prædestinavit quos autem prædestinavit, hos & vocavit: & quos vocavit,*

hos & justificavit; quos autem justificavit, illos & glorificavit. Quibus Verbis significat præscientiam divinam esse primum medium prædestinationis iustorum, iustitiam verò finalem esse ultimum, gloriam verò finem esse qui ultimo conferatur.

Probatur ultima pars: Nempe quod ordo divinarum decretorum non sit rependus ex ordine naturali quem objecta ipsa servant inter se; Tum quia actus divinæ voluntatis est causa ordinis quem creaturæ inter se invicem, & ipsum Deum servant: Ergo Creaturarum ordo non potest esse causa ordinis qui in divinis actibus rependus est: Tum quia plura sunt objecta quæ ex natura sua nullum inter se, aut ad Deum habent ordinem, quem à voluntate divina accipiunt: Ergo talis ordo in divinis actibus non est repetendus ex naturali ordine quem objecta inter se servant. Probatur antecedens variis exemplis, Deus enim Sacramenta, ut sunt signa sensibilia, instituit tanquam media ad justificationem peccatoris, & ad gratiæ augmentum, ad quem finem ex natura sua nullum ordinem habent. *Similiter* permittit Electos labi in peccata subinde gravia ut inde humilientur, & cautiore, ac ferventiores fiant, inter quod bonum, & peccati permissionem nullus est ordo ex natura rei, sed potius permissio peccati ad solum culpæ malum respicit natura sua. *Item* voluit divini Verbi Incarnationem propter redemptionem generis humani, ad quam illa ex natura sua non ordinatur.

Denique, ut alia innumera prætermittam, voluit tam in veteri, quam in nova lege variis sibi cæremoniis serviri, quæ à natura ad Dei cultum non sunt determinatæ: nam ex natura rei perinde est, an tale animal, verbi gratia, vel aliud sacrificium offeratur, an nudus panis, & nudum vinum, an accidentia panis, & vini quatenus continent corpus, & sanguinem Christi sint novæ legis holocaustum.

Restat ergo actuum divinæ voluntatis ordinem esse omnino mutandum ex ordine, quem objecta inter se servant, prout subsunt ipsi divinæ voluntati, & quatenus ipsa divina voluntas ea disponit, & ordinat; ita quod intrinseca Dei ordinatio ab extrinseca objectorum ordinatione rite colligatur.

ARTICULUS TERTIUS.

De Divina Voluntatis virtutibus, ac præcellentiis.

QUAMQUAM divina Voluntas innumeris propemodum gloriæ titulis à Scriptura sacra, sanctique Patris celebratur; præ cæteris tamen, velut Sol inter sydera, in ea splendet infinita Sanctitas, unâ cum eximii illis virtutibus quæ sanctitatis sunt appendices, scetus, & corona. Idcirco prætermisissimè silentioque deditis aliis divinæ Voluntatis perfectionibus, quæ congruentiori methodo impostum aperientur juxta materię diversitatem, & opportunitatem; solum hoc in Articulo divinam Sanctitatem, divinæque Virtutes quas Morales appellant, suscipimus explicandas.

QUÆSTIO PRIMA.

Quid, & qualis sit divina Sanctitas.

NOTANDUM 1. Quòd etsi divinæ perfectiones infinitæ sint, aequalisque proinde gradus, & meriti; nihilominus si divinis Scripturis, quæ divina sunt, humano more exprimentibus, morem geramus, fabremur certè divinam Sanctitatem inter cæteras præcellentiis primas tenere: nam ut Deum alloquens canit Regius vates Ps. 137. *Magnificasti super omne nomen sanctum tuum*, quasi Deus sanctitatis nomine præ cæteris divinis titulis magis gloriatur. Cui non incongruè quadrat illud Exodi 28. ubi Moyses Deo ordinante sacerdotalia ornamenta describens jussit confici laminam auream; in qua opere celatoris inculpum erat *Sanctum Domino*, quam laminam summus Sacerdos in fronte cunctis monstrandam populis proferebat, ut eis notificaret sanctitatis nomen verè Divinitatis esse nedum caracterem, sed & specialem magisque radiantem perfectionem.

Inde factum est, quòd etsi Deus infinita sua patientia tandiu sustinuerit Idololatrias suæ Divinitatis Interpolatores, passusque fuerit ut quilibet à suis perfectionibus falsis numinibus consecrarent, tribuentes videlicet Marti fortitudinem, Veneri fecunditatem, Palladi scientiam, Jovi imperium, &c. Nusquam tamen pas-

sus est hanc injuriam suæ sanctitati irrogari. Nullum enim unquam fuit apud Gentiles Idololatrias numen aliquod, cui Sanctitas pro caractere specialitribueretur. Unde quoties vera Divinitas in Scripturis designatur, sanctitatis nomine significatur. Hinc etiam Seraphini *Ardentes igne Deo*, qui toti sunt in divinis perfectionibus celebrandis, Deum laudibus, & encomiis non extollunt ob suam Fortitudinem, Sapientiam, Majestatem, &c. sed incessabili voce proclamant, *Sanctus, Sanctus, Sanctus*. Nec immerito, inquit sanctus Ambrosius lib. 3. de Spiritu sancto cap. 18. *Nihil enim pretiosius invenimus, quo Deum nominare possimus, nisi ut Sanctum appellemus, quolibet aliud inferius est Deo, inferius est Domino*. Cui concinit sanctus Bernardus homil. 4. super Missus est dicens, merito jure Archangelum Gabrielem Virgini Mariæ dixisse, *Quòd ex te nascetur sanctum*, quia, inquit, *non habuit quo nomine Divinitatem Christi melius exprimeret*. Id ipsum prius edocuisse videtur sanctus Dionysius, lib. de Divinis nominibus cap. 12. dicens, *Quoniam omnium Auctor, rerum omnium plenissimus est, ex una excipiantia quæ omnibus antecellit, Sanctus Sanctorum dicitur*. Imò Deus ipse suam Sanctitatem præ cæteris suis divinis præcellentiis magni faciendam esse satis indicat, dum eam unicam ab hominibus imitandam proponit Leviticus 9. *Sancti estote quoniam ego Sanctus sum*. Constat ergo Deum nedum esse sanctum, sed & divinam Sanctitatem inter alias ejus perfectiones eminere.

Notandum 2. Ex nostro Harphio lib. 1. *Theologia mystica parte 2. cap. 103.* Sanctitatis nomen quatuor modis usurpari juxta quaternam ejus Ethymologiam. Nam, inquit, *Sanctus*, primò idem est, quod *sine iniquitate*, id est peccato; quia sicut tinctura panno colorem aufert naturalem totum penetrans pannum, sic peccatum animæ baptismalem aufert innocentiam, & penetrat totum hominem; de qua sanctificatione dicit Apostolus: *Mundemus nos ab omni inquinamento carnis, & spiritus, perfecti in sanctificationem in timore Dei*. Secundò *Sanctus* idem est quod *sine terra*, *ayos* enim Græcè sanctum est Latine, vel *ayos* idem est quod *sine terra*; Et sic nos sanctificare debemus cuncta contemnendo, cum Apostolo dicentes: *Omnia arbitramur sum stercora ut Christum lucrificerem*, ut sic

in Deum amore puro vivaciter erecti sumus. Tertiò *Sanctus* est idem quod *sanguine tinctus*. Olim enim hostiæ sanguine tingebantur, & purificabantur, & omnia penè in sanguine mundabantur. Sic etiam nos sanctificare debemus reperiendo utrumque postem, scilicet concupiscibilis, & irascibilis, & superliminare rationalis. Unde beata Agnes, ait, *Sanguis ejus ornavit genas meas*. Quarto *Sanctus* idem est quod *firmus*, & *sancius*: Et ideo leges dicuntur sanctæ quia firmæ, sicut etiam nos sanctificare debemus per patientiam, sicut Apostolus, ait: *Pacem sequimini cum omnibus*: Glossa etiam cum persecutoribus, & *sanctimoniam*, id est perfectionem, *perseverantiam in bonis operibus, sine qua nemo videbit Deum*. Hanc firmitatem, & sanctitatem assecutus fuit Apostolus quando dicebat, *certus sum quod neque mors neque vita*, &c.

Notandum 3. Ex Hugone à S. Victore lib. 1. eruditionis Theologicæ titulo 30. *Sanctitatem tribui Deo, hominibus, & locis*, cum hoc discrimine, quod Deus sit sanctus non sanctificatus, sed sanctificans; homo sit sanctus sanctificatus, & sanctificans; locus verò sit sanctus, & sanctificatus, non verò sanctificans: Deus quippe sanctus est de se, non de nobis, dicente Propheta Ps. 15. *Bonorum meorum non indiges*: homo autem sanctus est non de se, sed de Deo; *De ejus enim plenitudine omnes nos accipimus*, ut fertur Joannis primo. Locus verò sanctificatus, vel abique homine, vel per hominem, non sanctificat, quia sicut Locus non sanctus sanctum non coinquinat, ut Loth Sodoma; ita non sanctum sanctus locus non sanctificat, ut Paradisus cælestis Diabolum, & terrestris primum hominem; homo autem plerumque locum sanctificat duobus modis, merito, & officio. Triplex quippe sanctificatio agit, est enim sanctificatio Sacramenti, sanctificatio justitiæ, vel meriti, & sanctificatio gloriæ vel præmii. Nam sanctificantur Ecclesiæ cum dedicantur, sanctificantur homines cum iustificantur, sanctificantur electi quando præmiis æternæ gloriæ donantur. Duobus autem posterioribus omnissis sanctitatis modis, de priori solum hic duo inquirimus; primò in quo consistat divina Sanctitas, secundò quot modis ab hominum sanctitate discrepet.

CONCLUSIO PRIMA.

DEi Sanctitas est omnimoda ejus divinae Voluntatis cum æterna invariabilique lege conformitas, qua ab omni labe, & contagione peccati secretus. *Ex lib. 1. sibi ipsi affectu perpetuo immutabiliter adheret, omniaque propter seipsum unice operatur.*

Hæc conclusio quatuor particulas continet, quibus divina sanctitas explicatur, & innoscitur. Primò namque est *omnimoda conformitas cum æterna lege*, quæ non est aliud quàm recta ratio divina, prout dicitur omnia, quæ naturæ rationali sunt convenientia: Illa ergo rectitudo, & voluntatis divinæ cum ea conformitas rectè Sanctitas ejus appellatur. Sicut enim retum creaturarum naturalis perfectio maximè consistit in eo quod earum quolibet commensurata sit regulæ, & index juxta quam est condita; ita earum perfectio moris sita est in commensuratione cum lege æternæ, secundum quam oportet operari: quia sicut conceptus, & idea divinæ mentis est mensura, & regula perfectionis naturalis rerum; ita lex æternæ est mensura perfectionis moralis ipsius naturæ rationalis: adeoque cum Sanctitas sit omnis moralis perfectionis apex, & corona, ideo rectè statuitur in conformitate cum æterna Dei lege. Inde Christus Dominus, qui *Sanctus sanctorum* subnominatur, totus erat in adimplenda divina lege, & exequendo æterni sui Patris mandato, & præscripto, idque modo perfectissimo. 1. Namque omnia divina jussa implevit, ipso plerumque testante Joann. 6. *Veni, non ut faciam voluntatem meam, sed voluntatem ejus qui misit me, Patris*. 2. Eo modo quo fuerat ordinata executus est, Joann. 14. *Sicut mandatum dedit mihi Pater, sic facio*. 3. Omnia exactissime servavit, *Joca unum aut unius apex non præteribit à lege donec omnia fiant*. 4. Cuncta operabatur ob gloriam Paternam, & divinum ob finem unice cuncta exequabatur, *Non quero gloriam meam, sed gloriam ejus qui misit me Patris*. Quibus exemplo suo docuit omnimodam sanctitatem in divinæ æternæque legis congruentia esse stabiendam.

Secundò cum lex æternæ, inquit Lessius Libro 8. *Opuscul. num. 3. oriatur ex ipsa divina Essentia* (quæ sicut est origo fontique primordialis omnis perfectionis entitativæ, & na-

& naturalis; ita pariter radix est omnis perfectionis moralis, omnique rectitudinis regula affectus, & amoris: Unde fit, quod etiam ipsa divina Sanctitas consistat in illa summa Dei conjunctione cum seipso, non solum per naturam, sed etiam per affectum, & amorem; quod fit ut Deus idcirco dicatur sanctus, 1. Quia seipsum plusquam alia, 2. Quia aliam seipso, 3. Propter seipsum, 4. Per seipsum diligit.

Tertio, quia recta ratio dicitur, ut rationalis natura cuncta molitur ob certum aliquem finem, ne incertum in scopum collincedo, imprudentiæ, & cæcitatibus arguatur; quod fit ut ad rectam operationem finis congruus semper desideretur; inde voluntas aliqua dici non potest recta, nec proinde sancta, nisi omnes suos affectus, & motus in Deum ipsum rerum omnium finem per se, sincerè, & unice dirigat. Unde merito Corinthios monebat sanctus Paulus 1. 10. *Sive manducatis, sive bibitis, sive aliud quidquam facitis, omnia in gloriam Dei facite*. Rationem huius precepti ad Romanos 14. *Nemo enim nostrum sibi vivit, & nemo sibi moritur; sive enim vivimus, Domino vivimus; sive morimur, Domini sumus*. Itaque divina Sanctitas in eo maxime elucet, quod Deus omnia propter semetipsum unice operetur. *Propter me*, inquit Isaiæ 48. *propter me faciam, & gloriam meam alteri non dabo: Ego ipse, ego primus, & novissimus*. Et Apoca. 1. *Ego sum a. & u. principium, & finis, dicit Dominus Deus*. Inde Proverbiorum 16. merito dicitur, *Univerſa propter semetipsum operatus est Dominus*.

Quarto denique divina Sanctitas omnimode elucet ex Dei secretionem ab omni labe, & contagione peccati, Deus enim idcirco sanctus prædicatur, quia omnino impeccabilis est, sanctitas enim, ut ait S. Dionysius cap. 12. de Divinis nominibus, est ab omni scelere libera, & omnino perfecta, omni-que ex parte immaculata puritas. Talis autem puritas maxime Deo congruit, qui natura sua bonus est, imò ipsa summa Bonitas; quare sicut, si daretur infinitus calor, nullam frigiditatis particulam admitteret; ita bonitas infinita malitiam omnem excludit, tam secundum effectum, quam secundum affectum. Hinc sanctus Gregorius Nissenus in Catechismo cap. 1. omnem a Verbo divino peccati affectum removens, ait; *Cum autem omnia possit Verbi libera voluntas, ea nullam ad malum propensionem*

habet; aliena quippe est à divina Natura in malitiam propensio, sed omne quod bonum sit, hoc etiam velle necesse est, volentem autem omnino etiam posse. Porro cum possit, non otiosam esse, sed omnem boni electionem ad effectum perducere. Mali autem efficientiam à Deo removel sanctus Basilus homil. 2. in Hexameron, *Ac neque à Deo malum esse productum, inquit, religiosum est dicere, eo quod nullum contrarium a contrario gignitur; non enim vita mortem generare potest, neque tenebra lucis esse principium, neque morbus esse sanitatis efficiens: Sed in mutationibus quidem affectionum à contrariis ad contraria transitur*. Qualiter autem Deus non fit author omnium peccatorum, quæ à creata voluntate deficiente oriuntur, quamquam ad eius operationem concurrat, infra resolvetur.

Ex his collige, Deum esse sanctum omni modo excogitabili, maxime verò quintuplici. *Primo* quidem *Radicaliter*, quia divina ipsius essentia est prima radix fontique primordialis omnis sanctitatis, & puritatis; ab ea namque aeterna lex, & amor omnis, & divinus amor, divinaque puritas in intellectu, & voluntate oritur. *Secundo* *Objectivè*, est enim objectum omnis planè sanctitatis; sanctitas enim est commentatio cum aeterna lege, ut illius amor: Unde adherere Deo per amorem est esse purum, & sanctum, sicut affectu rebus inferioribus adherere est esse impium. *Tertio* sanctus est *exemplariter*, quia ipse est recta ratio, & aeterna lex ipsius Deitatis radiis exarata in mente Dei, ad quam conformari debet omnis omnino sanctitas. *Quarto* sanctus est *formaliter*, quia est formaliter sui ipsius amor, adeoque formaliter est sua sanctitas: Unde cum se infinite diligit, ideo quoque infinite sanctus est, tam intensive, quam extensive, quia nimirum seipsum, & rectitudinem suam, & legem aeternam amat infinite, quantum scilicet amabilis est. Similiter illa divina sanctitas infinita est extensive, quia Deus nihil omnino amat nisi propter semetipsum, ideo etiam in amore omnium Creaturarum sanctus est: Unde Psalmista 144. ait, *Iustus Dominus in omnibus viis suis, & sanctus in omnibus operibus suis*.

Inde fit ut peccatum in infinito odio prosequatur; cum enim necessario amet rectitudinem legis aeternæ, necessario odit quicquid huic rectitudini id verſatur: ad verſatur autem illi omne peccatum, quia ratio peccati, in

in eo fita est, quod sit contra legem Dei æternam. *Quinto* denique sanctus est *eminent*, & causaliter tanquam fons, & principium omnis sanctitatis, & puritatis; omnes enim Creaturas sanctificat, vel præsentia suæ Divinitatis, ut mundum universum quem veluti templum consecrat: vel amore, & cognitione sui, ut Creaturas rationales: vel substantiali, & personali unione, ut Christum ipsum in quo inhabitat omnis plenitudo divinitatis, & sanctitatis corporaliter, & de cujus plenitudine omnes nos accipimus.

CONCLUSIO SECUNDA.

Divina Sanctitas in multis à Sanctitate creata diffat, maximè verò in quintuplici circumstantia.

Primo namque divina sanctitas *Essentialis* est, quia divinam Essentiam penetrat, ab eaque veluti rivulus à fonte, & radius à Sole effluit, nulla autem Creatura potest esse sancta essentialiter, sed solum per adventitiam qualitatem, & accessorios actus, & affectus, ipsiusque sanctitas omnis à superadditis naturæ suæ donis supernaturalibus emanat.

Secundo sanctitas Dei *Substantialis* est, sicut sapientia, & amor, & omnes alie divinæ præcellentiæ; creata autem sanctitas est accidentaliter, quia, inquit Iesuss laudatus, illa complectitur varios actus, & habitus, tum intellectus, tum voluntatis; intellectus enim illustrari debet, fide, vel lumine gloriæ: Voluntas autem Charitate, Religione, & cæteris virtutibus supernaturalibus Charitati subservientibus ordinari debet.

Tertio divina sanctitas est omnino *Infinita*, tam intensivè, quam extensivè, quia, ut diximus, Deus tantum se amat, quantum amabilis est, tantaque puritas est in ejus amore, quanta est in perfectione essentiae; extendit etiam se ad infinita, nimirum ad ea omnia, quæ vel in sua essentia, vel extra suam essentiam conspiciunt, in illis enim summè complacet propter semetipsum, & gloriam suam: Creaturæ autem sanctitas utroque modo est limitata, & finita, non enim in tantum Deum amamus in quantum amabilis est: Unde S. Bernardus, *Modus diligendi Deum est sine modo diligere.*

Quarto divina Sanctitas *creescere* non potest, quia est universitas, & plenitudo

sanctitatis omnino infinita, Nec minui quia omnino immutabilis, & indefectibilis est. Secus autem est de creata sanctitate, quæ creescere potest, & minui: Unde sanctus Gregorius Papa in Pastoralis parte 3. cap. 35. *In hoc mundo humana anima quasi mare navis est contra idum fluminis condescendens, uno in loco nequaquam stare permittitur quia ad ima relabitur nisi ad summa conetur.* Cui eleganter concinit Alcinus in carmine ad Fuscina forem.

Contra si sanctos piget exercere labores, Pigraque consuetas dissolvunt otia curas, Labitur in præcepti damnosa gloria vite, Si vires nullas virtus acquirit cundo, Amittit rediens paulatim exinstructa priores.

Quinto denique divina Sanctitas omnino *indefectibilis*, & immutabilis est; creata verò multis defectibus subjacet: Unde sanctus Cyrillus lib. 5. in Joannem, *In rebus creatis, inquit, utpote, quæ in deteriora mutari possunt, & conversionibus à melioribus ad turpiora cedere, fructus erit religio mentis, & in virtutem propense bonum; At in divina, & omnia excedente substantia, non ita res habet; sublata enim mutatione omni, & conversione, neque loco huic ullo relicto, deinceps fructus erit immutabilis substantie bonum, quemadmodum & in igne calor, & in nece frigus.* Cui concinit S. Hieronymus Dialogo 1. contra Pelagianos, *Duas, inquit, in Scripturis sanctis esse perfectiones, dualque iustitias, & duos timores; primam perfectionem, & incomparabilem veritatem, perfectamque iustitiam Dei virtutibus computandam: Secundam autem quæ competit nostræ fragilitati, juxta illud quod in Psalmis dicitur, non iustificabitur in conspectu tuo omnis vivens, Ad eam iustitiam, quæ non comparatione, sed Dei iustitia dicitur esse perfecta. Job quoque, & Zacharias, & Elisabeth iusti dicti sunt secundum eam iustitiam, quæ possit in iustitiam aliquando nutari, & non secundum illam, quæ nunquam mutari potest.* Inde Deus non solum Sanctus sanctorum dicitur, sed etiam ab Ecclesia in Hymno Angelico prædicatur: *Tu solus sanctus, Tu solus Dominus*, quia nimirum ipsius divina sanctitas, sola navis omnibus caret, omninoque indefectibilis, & immutabilis est.

Quoniam autem divina Sanctitas, sicut & creata, virtutum omnium coronide illustrari debet; quippe quæ sit summa voluntatis rectitudo, quæ non nisi per virtutes impletur, & firmatur; idcirco, ut illius divi-

vinez

vinæ Sanctitatis splendor micantis efflu-
geat, nonnulla sunt de divinis virtutibus
attendenda. Quod ut fiat planius, & ordi-
ne congruentiori expendatur,

In primis *Advertendum* est omnes illas
virtutes, quæ in suo conceptu formali
quendam defectum connotant, & impor-
tant, à Deo totius excogitabilis perfectio-
nis centro, & scaturigine, longe esse re-
movendas. Ex quo inferre licet omnes il-
las virtutes, quæ in alterum vel Superio-
rem, vel Æqualem tendunt, qualis est reli-
gio, obedientia, pietas, observantia, &c.
nullam in Deo entium omnium supremo
sedem habere. Ab eo pariter exulant om-
nes illæ virtutes, & quæ totæ sunt in pas-
sionum, & appetitus sensitivi motibus edo-
mandis, & regulandis; Deus enim cum om-
nino sit incorporeus, nullisque passionibus
subjaceat, idcirco nec in eo asserendæ sunt
virtutes, quæ cum corpore, passionibusque
commercium habent.

Hinc conveniunt omnes penè Theolo-
gi, nec fortitudinem, nec patientiam,
nec mansuetudinem, nec temperantiam in
Deo formaliter, sed solum metaphoricè
reperiri, quia fortitudo timorem, & au-
daciam, patientia tristitiam, & despera-
tionem, mansuetudo iram, & sævitiàm,
temperantia corporales delectationes, & vo-
luptates moderari debet. Nihilominus Do-
ctor in 3. dist. 33. probat illas virtutes ma-
gis in voluntate, quàm in appetitu sensi-
tivo locum, & sedem habere: Tum quia
voluntas cum sit libera, & imperium ha-
beat in appetitu sensitivum, necnon in
sensu externos ipsius appetitus veluti mini-
stros, idcirco efficacius potest motus passio-
num cohibere, quàm appetitus, qui nec li-
ber est, sed ab objecto determinatur ad
actum, nec imperium despoticum habet in
sensu externos. Tum quia voluntas magis
potest referre actum imperatum, aut elici-
tum ad finem consonum rationi rectæ,
quàm appetitus sensitivus, quia voluntas
est propriè appetitus rationalis, & ita pro-
priè dirigere debet actum ad eum finem
quem recta ratio demonstrat, quod ap-
petitui sensitivo non congruit: Tum deni-
que quia illæ virtutes fuissent in statu in-
nocentiæ, quia maxime conferunt ad ani-
mæ splendorem, in quo tamen nullus fuisset
inordinatus passionum motus.

Tandem concludit Doctor affirmari pos-
se illas virtutes passionum sensitivarum a.o.

deratrices esse reverà in Angelis, imo
& in Deo quatenus versantur circa passio-
nes appetitus sensitivi, non in ipso Deo,
nec in Angelis existentes; sed solum circa
tales passiones, prout in genere, & in uni-
versum illæ passiones demonstrantur per
intellectum esse moderandas, v. g. in no-
bis ipsis. Hæc enim volitio divina, vel An-
gelica, honesta est, & virtuosa ut constat.
Nec potest esse alterius virtutis, quàm
fortitudinis, & temperantiæ, quia ut probat
Doctor ibidem, num. 16. si ab alia vir-
tute illa volitio procederet, maxime à
charitate; sed ita non est, quia charitatis
motivum est bonum divinum volitum propter
ipsum Deum: quando autem Deus, aut
Angelus voluit me fortiter, aut tem-
peratè vivere, illa volitio tendit in ipsum
bonum propter formalem ipsius honesta-
tem, & consequenter à virtute temperan-
tiæ, & fortitudinis, non autem charitatis
oriri debet.

Nec dicat virtutem temperantiæ, & for-
titudinis non quomocumque inclinare
ad moderandas passiones circa delectabi-
lia, & terribilia; sed etiam ad eas regulan-
das, & moderandas in proprio subiecto
cui insunt: Hoc enim falsum est; *Quia*, in-
quit Doctor, *per mibi, & tibi non variatur
ratio formalis habitus*: Hoc enim materiale
est, quia ex eo quòd mihi, vel tibi insit ho-
nestum, non variatur formalis, & essen-
tialis ratio honestatis; nam bonum tem-
perantiæ in me, & in te, est ejusdem speciei:
Ergo ex eo quòd virtus inclinatur ad volen-
dum proprio subiecto, vel alteri honestum,
non variatur formalis ratio virtutis, unde
concludit Doctor: *Hoc modo consequenter
posset poni in Deo esse rationem virtutum mo-
ralium, sicut in eo conceditur Chvrius sine
accidentalitate eius: Et ita ex ista ratione de
Angelo Nam voluntas Angeli potest velle
mibi bonum temperantiæ, in quantum est tale
bonum, quod velle est proprius actus tem-
perantiæ: igitur ex habitu temperantiæ potest
illud velle.*

Nihilominus quoniam illæ virtutes non
possunt in Deo habere omnes omnino
suas rationes formales, scilicet moderatio-
nem propriarum passionum. Idcirco proba-
bilis censet Doctor, eas Deo non con-
venire formaliter, & propriè sed tantum
metaphoricè, & secundum quandam pro-
portionem ipsius infiniti actus divinæ vo-
luntatis cum actibus voluntatis creatæ,
quæ

quæ his virtutibus illustratur, & informatur. Solum itaque superest examinandum, an Justitia, & Misericordia cum suis virtutibus asseclis sint in Deo formaliter, aut solum virtualiter, & eminenter, quod expendetur in duabus sequentibus Quæstionibus.

QUÆSTIO SECUNDA.

An, & qualis Justitia sit in Deo.

Notandum 1. Justitiâ à Theologis, & Jurisperitis sic definiti: *Justitia est constans, & perpetua voluntas juri suum cuique tribuendi*, vel à sancto Augustino lib. 9. de Civit. cap. 21. *Justitia est virtus, quæ suæ cuique distribuit*: Unde *Justitia* nomen à jure deducitur; jus autem alterius idem est ac debitum alteri; inde fit quod totuplex justitia censetur, quod duplex debitum.

Potest autem aliquid dici debitum quatuor modis. *Primo* quidem ratione naturalis congruentiæ, & connexionis cum altero, sic rei cuiuslibet ad naturalem eius perfectionem debetur certa quantitas, figura, temperamentum, vis, & perfectio prout cujusque natura postulat; cui debito respondet justitiâ quædam generalis, quæ nihil est aliud quàm effectus tribuendi cuique rei, quod ei ad perfectionem naturæ est debitum, seu necessarium.

Secundo, dicitur aliquid debitum ratione obligationis legis, qualiter in natura rationali debita est conformitas tum affectus, tum operis cum lege æterna. Cui debito respondet justitiâ, quæ constat ex actibus cujusque virtutis, quatenus est conformis legi divinæ, & ab ea passim in sacra Scriptura homines dicuntur justi, quia conformes sunt affectu, & opere legi æternæ.

Tertio dicitur aliquid debitum ratione promissionis factæ alicui, cui debito respondet Fidelitas, & Veritas, quarum munus est ea præstare, quæ alteri promissa sunt, etiam si ad id nullum jus perfectum habeat.

Quarto denique dicitur aliquid debitum alteri ratione jurisperfecti, cui nisi fiat satis, censetur fieri injuria: quod debitum nascitur ex duplici capite: *Primo* ex rei alienæ acceptione, ut sit in contractibus, & patetis pro damnis, & injuriis illatis; unde qui rem alienam destruit, vel famam bo-

noremve lædit, non minus est debitor, quam qui rem aliquam auferit, & sibi retinet. *Secundo* ex officio distribuendi certam quadam proportionem bonæ communia: Huic autem utrique debito respondet utriusque justitiæ forma, quarum altera dicitur *commutativa*, quæ redditur cuique quantum illi debetur, vel ratione rei acceptæ, vel damni, & læsionis irrogatæ: Alia vero *distributiva* appellatur, quæ cuique membro communitatis res distribuitur juxta cujusque statum, conditionem, & proportionem: Prior constituit æqualitatem rei ad rem: posterior vero constituit æqualitatem proportionis ad proportionem.

Notandum 2. Inter hanc utramque justitiæ speciem, hoc intercedere discrimen, quod justitiâ commutativa in solutione debiti servare debet æqualitatem Arithmeticam, & absolutam, quæ fit secundum computationem numeri ad numerum: Si enim debitor creditori debeat viginti nummos, totidem ei ex justitiâ commutativa restituere tenetur: Distributiva autem servare tantum debet proportionem geometricam, seu respectivam, quæ fit secundum proportionem diversorum respectuum, quos Geometra considerat in diversis figuris, & quantitatibus.

Unde in distribuendis reipublicæ bonis per justitiâ distributivam, hæc distributio non attenditur secundum numerum, & æqualitatem rei, ita quod qui habet centum gradus meriti, etiam centum debeat habere partes boni distributi: sed secundum proportionem, ita quod si habenti centum gradus meriti tribuantur quadraginta partes bonorum reipublicæ; ex justitiâ distributiva tribui debent viginti partes, ei qui habet quinquaginta gradus meriti.

Notandum 3. Quod præter duas illas assignatas justitiæ species, aliæ sunt virtutes quæ ad justitiâ reducuntur, quæque ipsius partes potentiales solent appellari, quia imitantur quidem, & emulantur rationem justitiæ: ab ea tamen deficiunt, vel quia non possunt reddere æquale, ut Religio, quæ versatur circa jus reddendum Deo, & Pietas, quæ circa jus reddendum parentibus, ac patriæ, & Observantia, quæ jus superioribus tribuendum respicit; Nam ut ait Aristoteles 4. Ethicorum cap. 4. *Deo, Parentibus, Patriæ, & Superioribus retribuere non potest jus*, & *debetum ad æqualitatem*: Vel quia licet possint reddere æqua-

æquale, non habent tamen rigorosum debitum, & legale, ad quod retribuendum quisque lege astringitur: sed solum debitum morale, ad quod reddendum quis obligatur solum ex honestate, & decencia virtutis: ita quod absque ejus solutione, morum honestas ferveri nequeat.

Cum autem duplex possit assignari: Primum quidem, quod ita morum honestatem spectat, ut hæc absque illo subsistere non possit; secundum verò, quod solum pertinet ad majorem morum honestatem: Hinc juxta duplex istud morale debitum, etiam duplicis generis sunt justitiæ species; nam primum debitum, vel attenditur ex parte ipsius debentis, ut talem se alteri exhibeat in verbis, & factis, qualis est, & hoc debitum respicit *Veritas*; sive in simplici assertionem, sive in promissione, quæ vocatur fidelitas; Vel attenditur ex parte ejus, cui debetur in compensationem alicujus facti boni, aut mali, & circa hoc versatur *Gratitudo*, aut *Vindictio*.

Postremum debitum scilicet cujus solutio solum pertinet ad morum honestatem, respicit liberalitatem, Magnificentiam, Amicitiam, Charitatem, Affabilitatem, Eutrapeliam, Misericordiam. His præmissis, tria in præsentis questione resolvenda sunt. *Primum*, an in Deo sit ratio formalis virtutis justitiæ, quatenus à cæteris virtutibus distinguitur. *Secundum*, an justitia legalis commutativa, & distributiva, quæ sunt subjektivæ species justitiæ, in Deo sedem habeant. *Tertium*, an præfate potentiales justitiæ species nimirum Veritas, Fidelitas, Gratitudo, Liberalitas, &c. etiam in ipso secundum proprias, & formales earum rationes reperiantur.

CONCLUSIO PRIMA.

Justitia verè, & propriè in Deo est affirmativa.

Probatur. 1. Pluribus Scripturæ sacræ textibus, quibus Deus reverà justus prædicatur, idque maxime ex ipso Scripturæ exordio, nam ubi vulgata versio habet *In principio Deus creavit Cælum, & Terram*; Hebraica legit in principio creavit *Elohim*, idest *judices*, quia, inquit Tertullianus lib. 2. contra Marcionem cap. 12. *A primordio Creator tam bonus, quam justus pariter utrumque protulit. Bonitas ejus operata est*

*mundum, justitia modulata est justitiæ opus est, quod inter lucem, & tenebras separatio pronuntiata est, inter diem, & noctem, inter Cælum, & Terram, inter aquam superiorem, & inferiorem, inter maris æquum, & aride molem, inter luminaria majora, & minora, diurna, atque nocturna, &c. ex quibus concludit: Omnia ut Bonitas concepit, ita justitia distinguit. Idem pluribus probat Regius Vates, maxime ex Psal. 84. *Misericordia, & veritas obviaverunt sibi, justitia, & pax osculata sunt; Veritas de terra orietur, & justitia de Cælo prospectu; etenim Dominus debet benignitatem ... justitia ante eum ambulabit.* Quibus Prophetæ Regius Deo justitiam tribuit ut distinctam à misericordia, benignitate, & pace, seu concordia, & à veritate, seu veracitate divina. Item Psalm. 118. Deum alloquens ait. *Justus es Domine, & rectum judicium tuum: Quibus verbis justitiam Deo tribuit specialiter, quatenus nimirum respicit judicium rectum, idest prout fert sententiam æquam, & justam, ut faciant æqui Judices ex speciali virtute justitiæ.**

Ipsi concinit S. Paulus 2. ad Timotheum 4. dicens *Borum certamen certavi in reliquo reposui est mihi corona justitiæ, quam reddet mihi Dominus in illa die justus judex.* Ubi adverte vocabula *reddet justus judex, & corona justitiæ*, quæ omnia debitum justitiæ significant; retributio enim justitiam, supponit jus in eo cui fit retributio, & debitum in illo cuius est reddere, seu retribuere. Id ipsum confirmat idem Apostolus ad Hebræos 6. *Non enim injustus est Deus, ut obliviscatur operis vestri boni, &c.* Quibus verbis Paulus significat Deum fore injustum, si mercedem promissam bonis operibus negaret; quia nimirum illa merces debetur ex justitia, juxta illud ejusdem Apostoli ad Rom. 4. *Ei autem qui operatur, merces non imputatur secundum gratiam, sed secundum debitum.* Nec non & juxta parabolam Matthæi 20. quæ Deus comparatur Patri-familias conducenti operarios his verbis: *Ue & vos in vineam meam, & quod justum fuerit dabo vobis.* Unde ibidem suo Oeconomo ait, *Voca operarios, & redde illis mercedem suam, debitam scilicet, & justam, ex conventionem facta cum illis de denario diurno.*

Probatur 2. ex sanctis Patribus, maxime ex sancto Augustino lib. de Natura, & Gratia c. 2. *Non enim est injustus Deus, qui*

jussu fraudet mercede justitiæ : Et serm. 16. de verbis Apost. cap. 2. *In his, quæ jam habemus, laudemus Deum largitorem: in his, quæ nondum habemus, tenemus debitorem.* Debitur enim factus est, non aliquid à nobis accipiendo, sed quod ei placuit promittendo, nempe vitam æternam, &c. Et Ambrosius in Psalm. 118. serm. 7. circa initium: *Vult Deus, inquit, conveniri, ut si quis propostus secutus virtutibus præmia, bene certaverit, fructum remunerationis expectet, quin etiam exigat sicut habet scriptum:* Certamen bonum certavi, & reposita est mihi corona justitiæ. Nota verbum *conveniri*, scilicet in judicio, quod est proprium debiti justitiæ.

Probatur 3. Ratione: Illa virius, quæ in suo formali conceptu nullam dicit imperfectionem, est Deo tribuenda formaliter: Sed justitia strictè sumpta est hujusmodi. Ergo est Deo tribuenda. Major conceditur ab omnibus Theologis; Deo enim entium perfectissimo, ea omnis perfectio tribuenda est, quæ nullam imperfectionem redden. Minor verò probatur. Justitia considerari potest, vel quatenus versatur circa debita, aut indebita inter alios per simplicem affectum, ea scilicet amando, quatenus justa sunt, & odiendo quatenus injusta: vel prout versatur circa justa, seu debita inter nos, & alios: Sed ex neutro capite justitiæ virtus imperfectionem habet annexam in suo formali conceptu. Ergo, &c. Probatur *minor*, quoad primam partem: justa enim quatenus talia, quorumcumque sint, sive nostra, sive aliena, sunt amore digna; injusta verò ut talia, sunt digna odio, & consequenter affectus, qui versantur circa ipsa, nihil habent imperfectionis, & disconvenientiæ. Probatur eadem *minor* quoad secundam partem, nam multa debentur à Creaturis debito stricto, & rigoroso, quæ Deus potest velle, & exigere ab illis, quia debita sunt, hoc est, ex affectu justitiæ; debetur enim Deo ut ei honor rependatur, ut ejus mandata serventur, &c. quæ si non fiant, fieri debet eis satisfactio, & restitutio honoris læsi, potestque Deus omnia illa pro jure suo exigere à Creaturis, neque in eo quod illa Deus exigit, vel quod Creaturæ illa debeant, est ulla imperfectio: Ergo justitia secundum se sumpta, & quatenus abstrahit à suis speciebus, Deus non dedecet.

Dices 1. Justitia supponit debitum, & consequenter debitorem: sed Deus non

potest fieri, nec dici debitor respectu Creaturæ: Ergo nec ad eas potest habere justitiam. Probatur *minor* autoritate sanctorum Patrum; & quidem sanctus Basilius in Psalmum 114. *Manet, inquit, sempiterna requies illis, qui in hac viâ legitime certaverint; non secundum debitum operum, sed secundum debitum Dei manifestissimum.* S. Augustinus sermone 16. de verbis Apostoli. *Debitur nobis factus est Deus, non aliquid accipiendo, sed quod ei placuit promittendo; Aliter enim dicimus homini, debes mihi quia dedi tibi, &c. aliter dicimus, debes mihi quia promissi mihi. Deo igitur quid dicimus, redde mihi quia dedi tibi? quando quod sumus, &c. quod habemus, ab illo habemus? Nihil ergo ei dedimus, non est quemadmodum ista voce exigamus debitorem Deum: Illa ergo possumus exigere Dominum nostrum, reddere, quod promissi, quia fecimus quod jussi, &c. hoc tu fecisti, quia laborantes jussi.* Et Bernardus sermone primo de Annuntiatione, *Neque talia, inquit, sunt hominum merita, ut propterea vita æterna debeatur ex jure, aut Deus injuriam aliquam faceret, nisi eam donaret:* Ergo Deus non potest habere rationem debitoris; sed tantum promissoris respectu Creaturæ etiam ratione bonorum operum.

Distinguo minorem: Deus non potest esse, nec dici debitor Creaturæ præter suam voluntatem, & per quandam exigentiam, quæ voluntariæ ipsius benignitati officeret, concedo: Non potest dici debitor ex libera sua voluntate, & benignitate qua mercedem reponit sub conditione onerosâ, & laboriosa alicujus operis à Creatura exhibendi, nego: Id enim nedum supra insinuerunt S. Ambrosius & Augustinus, sed etiam affirmant Chrysost. homil. 8. in Epist. ad Rom. dicens, *Deum esse debitorem justis, non vilium rerum; sed magnarum sublimiumque*: Et Cyprianus lib. de Opere, & Eleemosyna, de vero misericordie ait, *Promeretur Christum iudicem, Deum sibi computat debitorem.* Id ipsum asserunt Concilia Arausicanum can. 18. & Trident. sess. 6. c. 16. ubi Concilium referens varios Scripturæ textus, quibus merces reponitur bonis operibus in gratia factis, concludit, *Atque ideo bene operantibus usque in finem, &c. in Deo sperantibus proponenda est vita æterna, &c. tanquam gratia Filiis Dei per Christum Jesum misericorditer promissa, &c. tanquam merces, ex ipsius Dei promissione bonis ipsorum operibus, &c. meritis fideliter red-*
den-

denda: Hec est enim illa corona justitiæ quam post suum certamen, & cursum reposuam sibi esse aiebat Apostolus, a justo iudice sibi reddendam, &c.

Unde licet habere jus ad aliquid, & respectu alicujus, quando contrahitur jus præter voluntatem ipsius debitoris, dicat imperfectionem quamdam, & veluti inferioritatem in debitore respectu creditoris, nihilominus habere justantim dependenter ex voluntate, benignitate, & promissione ipsius debitoris nullam imperfectionem sonat.

Inhabis: Creditor habet dominium in id, quod sibi debetur ex jure, non autem Debitor: Sed Creatura non potest efficere ut id, quod ei debetur in mercedem, subtrahatur a supremo Dei dominio, & transferatur in dominium ipsius Creaturæ: Ergo Deus non potest habere rationem debitoris respectu Creaturæ, nec Creatura rationem Creditoris respectu Dei, & consequenter inter eos non potest vera intercedere justitia.

Distinguo majorem: Creditor habet supremum, & unicum dominium in id, quod sibi debetur ex jure, nego: Habet aliqua dominium ratione cuius illud iuste potest exigere, licet etiam supponat dominium alterius superioris in rem ipsam debitam, concedo: *Ad Minorem* dico: Quod dominio Dei perseverante in res alias, nihilominus Creatura potest in eadem res jus aliquod habere; nam subsistente supremo Dei in Creaturas dominio, nihilominus Creaturæ habent jus in alias: Sicut à pari civibus competit jus in bona propria, perseverante alto Reipublicæ dominio, & jure, cui eadem bona subsunt; similiter quando Princeps per donationem, venditionem, aut alium contractum dat jus subdito in aliquid, in illumque transfert dominium proprietatis; non propterea se exuit jure alto, & supremo dominio, per quod tam de rebus ipsis, quam de subdito ipso disponente potest prout bono communi expedit. Itaque nulla est imperfectio in Deo, nec quidpiam supremo ipsius dominio detrahitur, licet se Creaturarum debitorem ex voluntate, & benignitate constituat, & illæ quoddam habeant jus in rem sibi debitam.

Urgebis: Si Deus esset Creaturæ debitor, & obligatus ex justitia suæ Creaturæ, reultaret in ipsa Creatura jus adversus Deum,

ita quod ipsa Creatura jus haberet in aliquid, quod Deus ex justitia ipsi denegare non posset; adeoque Deus in illud supremum non haberet dominium: sed hoc est absurdum. Ergo & illud unde sequitur: Patet sequela majoris: Supremum enim dominium non habet ille in rem aliquam, de qua non potest disporre juxta suum beneplacitum, & sine injustitia. Patet etiam *minor*, Deus enim supremum habet dominium in omnia, & si posset à se abdicare dominium alicujus operationis nostræ, posset etiam abdicare dominium omnium nostrarum actionum, nec-non & dominium Cæli, & Terræ, illudque in Creaturam transferre, quæ omnia absurdissima sunt.

Diff. seq. maj. Deus non haberet supremum dominium in illud ipsum, in quod Creatura jus haberet, sitale jus contraheretur præter voluntatem, & liberum pactum ipsius Dei, concedo: Si contrahatur tale jus ex ipsius Dei beneplacito, & voluntaria ipsius promissione, ac benignitate, nego: Jus enim illud, quod habere potest Creatura in rem aliquam, non solvit supremum in eam dominium; imò supponit Deum rem ipsam taliter ordinare, ut cadat in propriam ipsius Creaturæ utilitatem, & proprietatem. *Adde* quod cum Deus habeat semper dominium supremum in ipsam Creaturam, quæ jus aliquando habere dicitur, etiam & dominium habet in illud ipsum jus ejusdem Creaturæ.

Dices 2. Non potest esse vera, & strictè sumpta Justitia in Deo erga Creaturas, nisi panter perfecta, strictaque sit Justitia Creaturarum, v. g. hominum erga Deum: sed non potest esse stricta justitia hominis erga Deum: Ergo nec Dei erga Creaturas. *Maj.* constat; Justitia enim est habitudo reciproca debitoris ad creditorem. *Minor* probatur: Hominis erga Deum non potest esse stricta justitia, si non possit in homine esse injustitia contra justitiam strictè sumptam: Atqui hæc esse non potest: ergo nec illa: Probatur *minor*: Si posset homo aliquam in Deum efficere injustitiam, maxime per peccatum: sed ita fieri non potest. Probatur, si posset injustè Deus lædi ab homine per peccatum; sequeretur nullum esse peccatum, quod non esset injustitia, quia nullum est per quod Deus non inhonoretur sive graviter, sive leviter. *Insuper*, sequeretur omne peccatum duplicem ha-

habere malitiam, unam quidem injustitiam contra virtutem justitiæ, alteram autem repugnantem illi virtuti, in quam directè actio peccaminosa militat, v. g. ebrietas in temperantiam; sed falsum consequens: Ergo & antecedens.

Nego minorem, & ad ejus probationem dico, Peccatum omne esse veram injustitiam, seu injuriam Dei materialiter, quia nullum est quo non lædatur divinus honor: Formaliter verò peccatum est injustitia tantum, quando peccator directè, & ex intentione agit contra jus divinum, seu contra Deum projure suo præcipientem oppositum actionis peccaminosæ; cujus equidem juris violatio injuriam Deo irrogat, & contrahit in peccatore obligationem ad poenam. *Ad secundam rationem* dico, nullum esse peccatum, quod non habeat malitiam injustitiæ cujusdam sibi annexam; nullum enim est peccatum quod divino honori non opponatur, sicut etiam nullum est, quod non habeat saltem materialem malitiam ingratiitudinis, inobedientiæ, injustitiæ, &c. Hæ tamen diversæ generales malitiæ rationes cum alicui peccato speciali, v. gr. furto adiunguntur, non efficiunt diversam speciem vel numero malitiam à malitiâ peccati illius specialis; sed in eo involvuntur, & comprehenduntur.

Dices 3. Si hominis erga Deum esset stricta justitia, & injustitia, sequeretur hominem obligari per se, & ex natura rei post quodcumque admissum peccatum ad agendam statim penitentiam ut Deo satisfaciatur: sed consequens videtur absurdum: Ergo & antecedens. Patet sequela majoris, quia ex omni justitia stricta, per se & ex natura rei oritur obligatio statim satisfaciendi.

Respondet duplicem distingui posse satisfactionem debitam pro injustitia. Prima est restitutio boni ablatis, aut remotio mali illati: Alia est poena luenda pro peccato, & transgressione legis. De prima verum est, quod statim post læsionem urgeat obligatio satisfaciendi; sic qui bonam famam detraxit, & bona abstulit, tenetur statim restituere: Unde qui per blasphemias, hæreses, & alia id genus divinum honorem abstulit apud alios, inferendo scilicet in eis perversam de Deo existimationem, tenetur statim honorem Dei læsum reparare. Secunda verò obligatio solum

urget, quando poena ab offenso exigitur; & à iudice infligitur, talis autem est satisfactio, quæ communiter oritur ex peccatis in Deum commissis.

Inflabit: Omnis peccans divinum honorem lædit, quia Deum minus æstimat, quam par sit: Ergo si in peccato aliqua sit injustitia, statim peccator tenetur restituere Deo ablatum honorem. *Nego antecedens*: Plurimi namque peccant defectu prave voluntatis; non autem ratione intellectus malè erga Deum affecti, & eum minus æstimantis. Si quis autem malam de Deo æstimationem haberet, teneretur statim illam deponere: Si quis pariter hanc malam de Deo existimationem apud alios verbis, aut factis induxisset, statim ex Justitia teneretur curare, ut deponeretur.

CONCLUSIO SECUNDA.

Justitia legalis, & commutativa non sunt in Deo secundum proprias earum rationes formales. Hæc Conclusio quoad utramque partem est Doctotisin 4. d. 46. q. 1.

Probatur prima pars, Illa justitiæ species nequit esse in Deo formaliter, quæ in suo formali conceptu includit debitum inferioris ad superiorem, & partis ad totum: sed talis est Justitia legalis: Ergo &c. *Major* constat, Deus enim habere nequit rationem inferioris, & partis respectu alterius entis. *Minor* verò probatur: Cum omnis Justitia propriè dicta sit ad alterum, triplex fieri potest comparatio ad alterum: Nimirum, vel comparando partem ad totum, vel totum ad partem, vel partem ad partem. Si pars ad totum comparatur, inde exurgit Justitia legalis, qua quodcumque Reipublicæ membrum tenetur etiam cum sui dispendio procurare bonum totius corporis politici, & ea debite exequi quæ à Reipublicæ, & politici corporis Capite imperantur ad communem membrorum utilitatem. Si fiat comparatio partis ad partem, est Justitia commutativa, qua unum membrum politici corporis æqualitatem servat ad alterum in contractibus, commerciis, & permutationibus. *Denique*, si fiat comparatio totius ad partem, est Justitia distributiva per quam Reipublicæ Caput ejus nomine distribuit bona, vel poenas juxta mensuram, & proportionem meritum, & demeritum.

Ergo sicut Justitia distributiva in suo conceptu includit rationem proportionis, & mensuræ servandæ in distributione bonorum, & pœnarum, & commutativa æqualitatem servare debet inter partes invicem contrahentes: Ita pariter legalis Justitia in suo formali conceptu includit debitum partis ad totum, adeoque debitum inferioris, & dependentis ad superiorem, quod maxime per legum observantiam impletur, & solvitur: Hæc autem summè Deum dedecet. Ergo in eo non est asserenda Justitia legalis secundum formalem, ac propriam ipsius rationem.

Dices 1. Doctor Subtilis in 4. d. 46. q. 1. num. 2. disertè affirmat Justitiam legalem posse poni in Deo: Ergo nobis adversatur, & nos illi.

Respondeo Doctorem non loqui de illa legali Justitia, qua inferior ad superiorem ordinatur, qualis est vera, & stricta Justitia legalis: sed de illa, qua quis subditus, aut quasi subditus tenetur concordare legi, & legislatori, si verum sit, quod ante determinationem divinæ voluntatis sit aliqua lex, cui illa divina voluntas debeat sese conformare quasi alteri, v. g. huic distamini, vel primo huic principio practico, *Deus est diligendus*, seu ut ipsemet loquitur ibidem dicens: Prima istarum, scilicet legalis, postea poni in Deo, si esset alia lex prior determinatione voluntatis suæ, cui legi, & in hoc legislatori, quasi alteri voluntas sua rectè concordaret, & est quidem ista lex *Deus est diligendus*; sed si non debet dici lex sive principium practicum legis, saltem est veritas practica præcedens omnem determinationem voluntatis divinæ.

Dices 2. Sicut Justitia distributiva non solum est in Principe, sed etiam in eo, qui nomine Communitatis bona, vel onera Communitatis distribuit, sed etiam in particularibus, non quasi per ipsos distributio fit faciendæ, ut sint contenti iusta distributione sibi facta, & circa illam rectè afficiantur: Ita justitia legalis non modò est in subiectis, & inferioribus, sed etiam in Principe, & Communitate ipsa; non quidem respectu ipsius Principis, & Communitatis, sed etiam respectu inferiorum sibi subditorum, de quorum bonis, & juribus Principes, aut Communitas potest disponere propter bonum commune, eaque exigere à subditis, quæ ratione illius boni

Fraffen Theol. 1. om. 1b

communis præstare debent, & exequi: Ergo hanc ratione justitia legalis est in Deo.

Distinguo antecedens: Justitia legalis strictè sumpta, & quatenus dicit ordinationem hominis ad legem servandam cui subditur, non solum est in subditis, sed etiam in Principe, & Communitate, nego: Quatenus dicit affectum, & voluntatem de servanda lege ab eo, qui legi subditur, concedo: Fateorque hæc posteriori consideratione justitiam legalem in Deo posse affirmari, sed ea non est justitiæ legalis strictè sumptæ usurpatio, de qua solum hic loquimur.

Dices 3. Justitia legalis nedum respicit dicta Principum circa regendam Communitatem, sed etiam eorum debita, & munera ad ipsam rectè gubernandam, & regendam: sed hæc munia Deum non dedecet: Ergo nec justitia legalis.

Nego minorem: Deus enim nullatenus ex debito tenetur ad regimen universi; si quæ enim in ipso ad id foret obligatio quædam, maxime esset ratione capitis, & partis principalis universi: Sed hoc dici nequit, nam capitis est, & nobilioris partis corporis commune bonum magis fatigare quàm proprium, imò & proprium negligere, & expendere in utilitatem boni communis, sicut etiam ad id tenentur omnes subditi: Sed Deus bonum Creaturarum non potest proprio suo bono antecedere: Ergo nec obligari in ratione capitis ad regimen universi.

CONCLUSIO TERTIA.

Justitia commutativa propriè non est in Deo, distributiva verò in ipso verè potest affirmari. Hæc conclusio quoad utramque partem est Doctoris supra laudati num. 4. ubi cum distinguit justitiam in commutativam, & distributivam, dixissetque: *Commutativa propriè respicit punitionem, & præmiationem, ut scilicet pro meritis quasi commutando reddantur præmia, & pro peccatis supplicia:* Distributiva respicit quasi naturas, & perfectiones superadditas, ut scilicet natura distribuatur perfectio sibi proportionata. Sicut nostra in republica, distributiva personis secundum gradus suos, proportionaliter distribuuntur bona pertinentia ad gradus eorum: Sicut in hierarchia universi natura nobiliori ab hierarchia, id est principe Deo distribuuntur perfectiones, nobiliores seu convenientes tali

K

naturæ.

naturæ, & naturæ inferiori distribuuntur perfectiones sibi convenientes. Subdit. *Prima illarum non potest simpliciter esse in Deo respectu Creaturæ, quia non potest esse simpliciter æqualitas, sed potest esse aliqualem secundum proportionem, sicut inter Dominum, & servum. Dominum enim liberalem decet retribuere majus bonum, quam servus possit mereri, dum tamen sit talis proportio quod sicut servus facit quod suum est, ita Dominus retribuat quod suum est, & eodem modo puniendo citra condignum. Sed secunda justitia potest hic esse simpliciter, quia simpliciter potest dare naturis perfectiones debitas vel convenientes eis secundum gradus perficientes.*

Probatur conclusio: Justitia commutativa strictè sumpta consistit in æqualitate dati, & accepti: Sed hæc æqualitas inter Deum, & Creaturas reperiri nequit, *Quis*, enim ait Apostolus ad Rom. 11. *Prior dedit illi, & retribuetur ei? Quoniam ex ipso, & per ipsum, & in ipso sunt omnia:* Et Job. 35. *Si iustus egeris, quid donabis ei? Aut quid de manu tua accipiet?* Nimirum quia cum sit omnium Dominus, nihil ei potest offerri quod jam suum non sit: Ergo nec in eo justitia commutativa reperiri potest.

Deinde, per justitiam commutativam strictè sumptam, res aliqua constituitur sub potestate, & dominio alterius, ad quem antea nullatenus pertinebat: Sed repugnat, quod aliqua actio Creaturæ sub potestate, & dominio Dei constituatur; quæcumque enim actio Creaturæ sicut & ipsam Creaturam magis est sub dominio Dei quam sub dominio proprio: Ergo repugnat Creaturam aliquid Deo dare, & retribuere simpliciter.

Denique, ille qui ex justitia commutativa aliquid retribuit, habere debet strictum debitum illud tribuendi: Sed in Deo non est, necesse potest strictum debitum, & obligatio respectu Creaturæ; nam strictum debitum importat inferioritatem aliquam, & dependentiam debentis ab eo, cui debetur, & videtur esse impossibile cum supremo dominio; qui enim supremum dominum habet in aliquem, est pariter supremus Dominus illorum omnium, quæ sunt; Unde Dominus potest absque ulla injustitia rem servo suo promissam negare, imò & datam auferre; quia quicquid servus possidet, Domini est.

Dices 1. Emptio, & venditio sunt actus justitiæ commutativæ; Sed Deus iustus Re-

gnum Cælorum pro laboribus, & operibus meritorius vendit, ut inquit Augustinus in quodam sermone *Venale habeo, quid Domine? Regnum Cælorum. Quo emitur? paupertate Regnum, dolore gaudium, labore requies, visitate gloria, morte vita:* Ergo Regnum Cælorum distribuit ex justitia commutativa.

Distinguo minorem: Deus vendit iustus Regnum Cælorum per strictum pactum strictamque conventionem, qua Deus teneatur ex vera, & stricta justitia Regnum Cælorum tribuere, nego: Ex voluntaria acceptance eorum bonorum operum ad præmium longè excellens, & antecedens ipsa bona opera, concedo: Nam ut loquitur Apostolus Romanorum 8. *Non sunt condigna passionibus hujus temporis ad futuram gloriam, qua revelabitur in nobis.*

Dices 2. Ut Deus teneatur aliquid homini tribuere ex justitia commutativa, non opus est, quod homo Deo aliquid donet, & quod Deus ab eo novum dominium accipiat in rem aliquam, sed sufficit, quod ei debitum honorem, & cultum exhibeat: Sed hæc homo præstare potest; potest enim debitum honorem, cultum, & obsequium Deo exhibere, quod quandam habeat commendationem cum præmio vitæ æternæ: Ergo Deus ad id obligari potest ex stricta justitia.

Nego majorem: Ille honor enim, & cultus, quem Deo exhibemus, mille modis, & infinitis pene titulis jam Deo debetur, nec ei rependi potest absque ejus influxu, causalitate, & concursu. Unde hæc actio, qua Deo cultus, & honor à Creatura rependitur, à Deo tanquam à primo principio oritur, & procedit: Unde quicquid ipsi offerre possumus, jam ipsius est juxta illud 1. Paralip. *Tua sunt omnia, & quæ de manu tua accepimus dedimus tibi:* Unde sanctus Bernardus: *Deus nos onerat cum exonerat; onerat enim beneficiis cum exonerat peccatis.*

Probatur secunda pars: Primò quidem ratione Doctoris. Justitia distributiva est qua cuique pro dignitate perfectio, & beneficium tribuitur: Sed Deus rebus creatis secundum earum dignitatem perfectiones distribuit: Ergo in eo est perfecta strictaque justitia distributiva. Probatur minor auctoritate sancti Dionysii cap. 8. de Divinis nominibus, *Justitia divina*, inquit, *omnia disponit, & determinat, unniatque non*

confusa inter se nec permixta cislodians, iis quæ sunt, omnibus quod cuique accommodatum est, tribuit pro ea, quæ unumquodque eorum, quæ sunt attingit dignitate. Et eodem cap. Oportet videre in hoc vram esse Dei justitiam quod omnibus tribuit propria secundum uniuscuiusque naturam in proprio salvat ordine & virtute. Et Tertullianus lib. 2. contra Marcion. cap. 12. Bonitas Dei operata est mundum, justitia modulata est.

Deinde, justitia distributiva non habet adjunctos defectus, quos commutativa importat, non enim inducit debitum aliquod simpliciter in distribuentem oriundum ex receptione rei quam alius tribuat; potest enim Princeps iuste bona omnia distribuire absque eo quod ab iis, quibus illa distribuit, aliquid accipiat, aut speret: Nec pariter ad justitiam distributivam requiritur, ut qui bona distribuit eorum ius supremum ab se abdicet: Princeps enim potest bona largiri sibi semper servando ius ultimum, & supremum in eadem bona.

Insuper justitia distributiva summam importat perfectionem, significat enim ius superioris erga inferiores: Siquidem ad superiorem pertinet distribuire de communibus bonis unicuique iuxta proportionem suam: Ergo Deum non dedecet.

Denique, retributio vite æternæ pro bonis operibus in gratia, & charitate factis, non solum à divina fidelitate, & gratitudine, sed etiam à stricta justitia provenit, ut probatum est in prima conclusione: Sed hæc retributionem procedit ex justitia commutativa, ut dictum est in præcedenti conclusione: Ergo necessum est, ut ex distributiva oriatur.

Dices: Justitia distributiva cum sit species justitiæ strictæ, tam supponit strictum debitum, & obligationem, quam commutativa; omnis enim stricta justitia strictum debitum supponit: Ergo si Deo repugnet justitia commutativa ex eo quod sit incapax stricti debiti, eadem ratione non debet in illo admitti justitia distributiva.

Nego antecedens: Debitum enim contractum ex justitia commutativa provenit ex actione, & iure unius personæ, quo aliam onerat; Deus autem onerari non potest, & obligari strictè ex aliqua actione Creaturæ quia omnis actio Creaturæ sub Dei dominio, & dispositione est, ut dictum est: At debitum justitiæ distributivæ non provenit ex actione, neque ex iure unius

personæ aliam onerantis, aut obligantis strictè ad aliquid faciendum, sed nascitur solum ex naturali rectitudine, & ipsalegis æquitate, qua distribuitur tenetur commensurare præmium perfectioni meritorum. Quod quidem debitum in humano principe obligat ex ordinatione naturalis legis; in Deo autem nascitur, ex eo quod ipse sit prima lex, primaque totius rectitudinis regula.

Ex his collige justitiam vindicativam in Deo etiam posse affirmari; non quatenus est commutativa, & ut importat æqualitatem inter delictum, & poenam: sed prout significat debitam proportionem, & commensurationem compatiativam, & geometricam inter peccatum, & ultionem, iuxta illud Apocalypsis 18. *Quantum glorificavit se, & in deliciis fuit, tantum date illi tormentum, & luctum;* in quibus proprie consistit officium justitiæ vindicativæ; etenim inquit S. Aug. comm. 1. in 1. salm. 58. *Iniquitas omnis parva magnave sit puniatur necesse est, aut ab homine patiente, aut à Deo vindicante, merito* Tertullianus lib. de Penitentia cap. 3. ait: *Bonum factum Deum habet debitorem, sicut & malum; quia iudex omnis remunerator est cause; iudex Deus justitiæ charissime sibi exigenda veniendæ præstet, & in eam, omnem summam disciplinæ suæ sancit: nihil à conspectu ejus remotum, unde omnino delinquitur; quia non ignorat; nec committit quominus in iudicium decernat: dissimulatur, & prævaricator perspicacia sua non est. Omnibus ergo delictis, seu carne, seu spiritu, seu facto, seu voluntate commissis poenam per iudicium destinavit.*

Dices: Justitia vindicativa duo includit, nempe punitionem iniuriæ; & remotionem damni illati per eam: Sed Creatura nulum Deo potest inferre damnum: Ergo Deus non potest verè justitiam vindicativam in eam exercere.

Respondet 1. Non esse necesse ad vindictam, & poenam inferendam quod fuerit damnum alicui illatum; sed sufficit quod contra illius ius actum fuerit, & damnum quis inferre voluerit: 2. Potest Deo inferri damnum in bonis externis, ut si eius gloria, & bona existimatio apud alios minuatur per blasphemias, & hæreses: 3. Justitia vindicativa exigens vindictam quatenus debitum iuri læso ad illud reparandum, est vera justitia, licet quatenus tendit ad repulsionem proprii nocum-

tumentis ut talis, sit tantum pars potestativa iustitiz.

Collige 2. Religionem, Pietatem, Observantiam, Gracitundinem secundum propria earum virtutum officia, & objecta non reperiri in Deo formaliter. Nam Religio inclinat ad reponendum honorem, & cultum alteri exhibendum tanquam primo principio, & supremo Domino rerum omnium: *Pietas* verò ad exhibendum honorem, & obsequium alteri tanquam secundario principio quales sunt parentes: *Observantia* cuius partes sunt *Dulia*, & *Obdientia*; inclinat ad exhibendum honorem, & obsequium alteri ratione dignitatis, & eminentiæ supra eum, qui honorum, & obsequium exhibet: *Gratitudo* denique ad referendam gratiam pro beneficiis acceptis ab alio. Sed Deus inclinari non potest ad alterum tanquam ad primum, aut secundarium principium, neque tanquam ad superiorem benefactorem; illud enim directè militat in rationem supremi entis, & omnino independentis: Ergo hæ virtutes iustitiz appendices, & potentiales species in Deo formaliter reperiri nequeunt.

QUÆSTIO TERTIA.

An, & quæplex Misericordia sit in Deo.

Notandum 1. Misericordiam juxta nominis ethymologiam idem significare, quod *miserum cor*: ita quod *misericors* dicatur aliquis quasi *habens miserum cor*; quia videlicet afficitur ex miseria alterius per tristitiam, ac si esset ejus propria miseria, ut observat Doctor in 4. dist. 46. q. 2. d. 2. Cui concinunt sancti Patres, & Philosophi. In primis verò S. Augustinus lib. 9. de Civit. cap. 5. *Misericordia*, inquit, est *aliene miseria in nostro corde compassio*, quæ utique si possumus subvenire compellimur: Unde S. Damascenus lib. 2. de Fide cap. 4. ait, *Misericordia est tristitia in alienis malis*. Quibus consentiunt Philosophi: Aristoteles quidem 2. Rhetoric. cap. 2. ait. *Misericordiam esse dolorem quemdam ex apparente malo corruptivo, ac dolorem inferentem in non dignum pati, quod ipse putavit se patiendum posse, vel suorum aliquem, idque sic ut propinquum videatur*: Et Cicero in 4. Tusculanarum quæstionum, *Misericordia est ægritudo ex tristitia alterius injuria laborantis*: De-

nique Seneca lib. 1. de Clementia, ait: *Misericordia est ægritudo ob alienarum miserationem speciem*. Verum hæ omnes misericordiarum descriptiones sunt solum per effectum, quem in nobis affectus ille circa proximum generat ex propriæ nostræ infirmitatis consideratione, qualiter nemini potest esse dubium misericordiam formaliter in Deo non reperiri, à quo longè omnis miseria, & infirmitas exulat. Idcirco

Notandum 2. Ex eodem Doctore ibidem, Misericordiam, quatenus in nobis reperitur, duo velut importare, unum quidem de formali, alterum verò de materiali. De formali namque dicit actum seu affectum voluntatis, quo quis exoptat, & intendit sublevare miseriam alienam; qui affectus, si sit efficax, & potens, de facto remonet, & expellit miseriam à subiecto in quo est, vel inesse potest. De materiali verò significat quemdam motum appetitus sensitivi, quo aliquis de malo alterius tristatur, & illi per affectum condolet, & compatitur: Seu ut loquitur Doctor: *Misericordia in nobis est habitus, vel qualitercumque dicatur forma, qua nolumus miseriam alterius; ita quod primò inclinat ad actum volendi miseriam in alio, & hoc vel futuram, & tunc præservat ab illa si potest; vel præsentem, & tunc relevat à miseria si potest; & ex consequenti post operationem disponit ad passionem, scilicet ad dispendiam de miseria imminente vel præsentem.*

Notandum 3. Ex ibidem n. 3. quod quemadmodum in Deo duplex distinguitur voluntas, nimirum Antecedens, & Consequens; ita potest in eo duplex distingui nolitio respectu miseriæ alterius, Et sicut semper habet velle antecedens respectu mali creaturæ prohibendi, vel tollendi juxta illud Apost. 1. ad Tim. 2. Vult omnes homines salvos fieri; Sed sicut non habet semper velle consequens respectu boni, ita nec nolle consequens respectu mali imminenti totaliter, vel partialiter. Si primo modo, dicitur misericordia liberans, quæ scilicet excludit omne malum, vel imminens, vel jam præsens; secundo modo dicitur misericordia parcens, vel mitigans quæ scilicet non totum malum excludit, sed aliquam partem mali debiti illi secundum merita sua. Utroque autem modo misericordia est in Deo, quia vel subvenit quibusdam omnem miseriam imminenti prohibendo, vel præsentem relevando; alius autem partem miseriæ debitam dimittendo. His prælibatis sit

CONCLUSIO PRIMA.

Misericordia est in Deo formaliter, non solum quantum ad effectum; sed etiam quantum ad affectum sublevandi alienam miseriam: Hæc est communis inter Theologos, eamque Doctor tuetur, & explicat loco laudato, ubi cum dixisset misericordiam quatenus ad passionem, seu compassionem alienæ miseriæ inclinât, & miserum cor efficit ex affectu erga alium, non esse in Deo, subiungit: Sed quantum ad istam operationem nolendi miseriam, sive imminentem, sive præsentem, misericordia proprie in Deo est. Quod probatur de imminente, quia sicut nullum bonum evenit nisi volente Deo, ita nihil prohibetur ne eveniat nisi Deo nolente. Multa autem miseriae possibiles evenire alius prohibentur ne eveniant: Ergo Deus habet nolle respectu illarum: Consimiliter de miseria præsentem, quia nulla miseria tollitur nisi Deo nolente illam inesse, multa autem frequenter tolluntur: Ergo, &c.

Hanc ipsam veritatem tot Oraculis Scriptura sacra indicat, & confirmat, ut nulla penè sit pagina, in qua divina illa misericordia luculentissime non commendetur. Et quoniam satis exprimi nequit, utpote quæ omnem cognitionem, & sermonem superat, & omnem affectum miserendi includit: Idcirco eam per quamdam exuberantiam exprimit, maxime Exod. 30. Dominator Domine, Deus misericors, & clemens, pater, & multa miserationis, & verax, qui custodis misericordiam in millia, qui auferis iniquitatem, & scelera atque peccata: Et Psalmo 82. Tu Domine Deus miserator, & misericors, pater, & multa misericordiae. Et Psalmo 82. Misericordia Domini plena est terra. Emeritò quidem, inquit Augustinus, Nam in terra abundat hominis miseria, superabundat Domini misericordia; miseria hominis plena est terra, & misericordia Domini plena est terra. At si terra plena est misericordia divina; numquid ea Cælum vacabit ubi nulla est miseria? Absit, ut eleganter subdit, omnia indigent Domino, & miseria, & fatia, sine illo miseri non sublevantur, sine illo salus non regitur: Ergo ne forte de Cælis quereretur cum audires misericordia Domini plena est terra; audi quia Domino, & Cæli indigent: verbo Domini Cæli solidati sunt; Nam non à se sibi solidamentum fuerunt, nec ipsi Cæli firmitatem sibi propriam Frassit Theol. tom. II.

præstiterunt: Verbo Domini Cæli firmati sunt, & spiritu oris ejus omnis virtus eorum. Non habuerunt aliquid ex se, sed tantamquam supplementum à Domino perceptum.

Hanc veritatem luculenter declarat S. Thomas prima parte art. 3. ubi cum observasset communicationem perfectionum rebus creatis oriri à divina bonitate, Justitia, Liberalitate, & Misericordia secundum diversam rationem, subdit, communicatio perfectionum absolute Communicata pertinet ad bonitatem, sed inquantum perfectiones rebus à Deo dantur, secundum earum proportionem, pertinet ad justitiam: In quantum vero non tribuit rebus perfectiones propter utilitatem suam, sed solum propter suam bonitatem pertinet ad liberalitatem: In quantum vero perfectiones datæ rebus, à Deo omnem defectum expellunt, pertinent ad misericordiam.

Quæ omnia nedum intelligenda sunt de misericordia quantum ad Effectum, & sublevationem miseriæ æternæ; sed etiam quantum ad Affectum, quo divina voluntas movetur ad alienam miseriæ sublevandam; cum enim illa sublevari miseriæ sit effectus divinæ voluntatis, necessariò illius affectum sequitur; Proindeque si misericordia Deo tribuatur secundum effectum, etiam & tribui debet secundum affectum, non quidem passionis vel appetitus sensitivi; sed voluntatis & Charitatis: Unde S. Aug. lib. 2. ad Simplicianum de Misericordia. Si auferas compassionem, ita ut remaneat tranquilla bonitas subveniendi, & à miseria liberandi, insinuat divine Misericordiae qualicumque cognitio, & lib. 1. contra Adversarium legis, Deus, inquit, zelat sine amore, transcurrit sine perturbatione, & miseretur sine ullo dolore: Ergo sufficienter probata manet utraque pars conclusionis videlicet misericordiam in Deo reperiri secundum effectum, & secundum affectum.

CONCLUSIO SECUNDA.

Duplex distingui potest divina Misericordia, altera Generalis, altera Specialis, non quidem secundum se, sed ratione operis externi, & effectus creati. Prior est, quæ ab initio utraque naturæ rationalis, Angelica videlicet, & humana ad bona supernaturalia, & statum beatum destinata fuit per

designata, & subministrata media congrua. Cum enim inquit Lessius lib. 12. de Perfectionibus divinis cap. 2. natura rationalis per se sibi que relicta, sit multis subjecta defectibus, imperfectionibus, & veluti miseriis: Immenſa Dei bonitas cum statuisſet illam ex nihilo condere, & donis omnibus naturæ debitis exornare; videretque eam adhuc tot defectibus obnoxiam, & tanto a viſione ipsius intervallo diſiunctam: miſericordia motus, ſtatuit illam ad ordinem ſupernaturalem, & æternorum bonorum ſuorum communionem, qua omnes illi defectus tollerentur, ſublimare, & attollere. De qua miſericordia ait Regius Vates Pſalmo 144. *Suavis Dominus univerſis, & miſerationes eius ſuper omnia opera eius*, maxime verò ſuper Creaturas rationales.

Particularis eſt qua Deus ſpeciali beneficio alicujus Creaturæ miſeriam ſublevat, aliis in eadem miſeria relictis: Sic humanum genus potiusquam cœtum Angelicum, qui pariter ceciderat, reparare voluit triplici maxime de cauſa, quas cap. 3. refert, & ex ſanctis Patribus expendit Leſſius. *Prima*; quia homo fraude naturæ ſuperioris in culpam prolapsus eſt; Angelus ſponte ſua. Et quamvis ſuperiores forte induxerint inferiores, videbant tamen iſti alios ſuos ſocios peſſiſſerz ſuaſioni reſiſtentes eorumque exemplo debebant confirmari. *Secunda*: quia genus humanum, exceptis duobus primis hominibus, voluntate aliena abſque proprio conſenſu lapſum eſt: Angeli verò ſuo iudicio, ſuo arbitrio, & propriæ voluntatis electione peccaverunt. *Tertia*: quia ob perfectiſſimam cognitionem, & abſolutum animi imperium peccatum illorum erat incomparabiliter gravius: Sicut ob eandem cauſam illorum bona opera ſunt maxime meritoria. Hominis notitia eſt multò obſcurior, & affectus paſſionibus obſitus longè imbecillior. Unde hominis longa via, & longum tempus merendi conſtitutum, Angelo verò breviffimum.

In ſuper triplex miſericordia, vel miſericordiz opus ſtatui poteſt. *Prima*, quares omnes, præſertim ratione præditas ex nihilo, in quo ab æterno veluti ſepultæ delituerant, Deus in lucem produxit: Unde ſanctus Bernardus ſermone 1. ſuper *Salve Regina*, ait: *Miſericordia Dei primordialis ipſa cauſa omnium, & cauſaliſſima cauſarum. Se-*

cunda eſt, qua naturam rationalem ordinavit ad ſtatum ſupernaturalem per media ſupernaturalia: *Tertia* denique eſt, qua naturam à ſtatu ſupernaturali prolapsam, tum in peccatum, tum in ſuas naturales miſerias, tum in mortem æternam, conſtituit reparare, & efficaciſſimis præſidiis ſupernaturalibus, quàm antea ſulcire: Ubi enim abundavit delictum, ibi ſuperabundavit gratia.

Prima quidem magna eſt, & admirabilis; infinite enim melior eſt eſſentia, qua creaturæ donatæ ſunt, quàm nihilum unde emerſerunt. Verum longè præſtantior eſt ſecunda, excellētiſſima enim eſt gratia quàm natura, & ſtatus ille divinus, quàm conditio naturalis. Sed tertia omnibus ſupereminet, Deique infinite potentiam, & virtutem magis designat: Unde illud Sapientis oraculum, *Miſereri omnium quia omnia poteſ*, & illud Pauli ad Romanos 9. *Deus volens oſtendere potentiam ſuam ſuſtinuit in multa potentia vaſa ira apta in interitum*. Quibus conſonant verba Eccleſiæ, *Deus qui omnipotentiam parcendo maxime, & miſerando manifeſtas*. Quæ luculenter ſic expendit ſanctus Thomas 1. parte quæſt. 25. art. 3. Dei omnipotentia oſtenditur maxime in parcendo, & miſerando; quia „ per hoc oſtenditur Deum habere ſummam poteſtatem, quòd liberè peccata „ dimittit, ejus enim qui ſuperioris lege „ aſtringitur non eſt liberè peccata condonare, vel quia parcendo hominibus, „ & miſerendo perducit eos ad participationem infiniti boni, qui eſt ultimus „ effectus divinæ virtutis: Vel quia effectus „ divinz miſericordiz eſt fundamentum omnium divinarum operum; nihil enim debetur alicui, niſi propter „ quod eſt datum ei à Deo, & non debitum, &c.

Ex quibus patet attributum miſericordiz ad voluntatem quidem divinam ſpectare, præſupponere tamen omnipotentiam, in qua fundatur, & veluti radicatur; quia divina illa miſericordia eſt attributum non ſolum affectivum quo Deus vult alienæ miſeriæ ſubvenire, ſed etiam effectivum quo de facto Creaturam rationalium miſerias, & defectus omnes ſublevat.

Mitto cæteras divinæ Miſericordiz, necnon, & aliarum divinæ voluntatis præcellentiſſimas conſiderationes, utpote quæ
mo-

morales potius, quam Scholastica videntur.

DISPUTATIO TERTIA.

De Providentia Divina, ejusque mirandis Effectibus.

Augustum divinæ Providentiæ sacram jamjam lustrandum auspicamur, cō fidentius, & jucundius, quod ea sagacissima rerum omnium molitrix, & moderatrix suos nedum liberos nobis permittat aditus, sed etiam scelerem, suavemque cæpi laboris exitum spondeat, & omittitur; *Atingitenim a fine usque ad finem fortiter, & disponis omnia suaviter.*

Ingentem fateor difficultatum Oceanum, & innumeris propetmodum syrtibus, & scopulis refertum, geniorumque subtiliorum naufragiis famosum, suscipimus enavigandum; maxime ubi aditos prædestinationis, & Reprobationis recessus investigandos & referendos aggrediemur. Nam si reverā magnum sit reconditis naturæ sinus, & latebris nosse, ventorum thesauros, nubium semitas, cælorum concentum, & modulostenere; magnum scire ubi lux habitet, & tenebarum quis sit locus, qua via spargatur diluculum, quibus ostiis, & vestibulo mare claudatur: Certè longè major est, sublimiorque divina illa cognitio, de qua Regius Vates, *Mirabilis facta est scientia tua ex me, siquidem, Tu cognovisti sessionem meam, & resurrectionem meam, tu semiam, & funiculum meum investigasti.*

Quibus quadruplicem divinæ Providentiæ noticiam, & administrationem denotat, juxta quadruplicem statum, & ordinem naturæ, morum, gratiæ, & gloriæ. *Sessionem* quidem, ad deliberandum, *Resurrectionem* ad perficiendum; illam fomitem otii; hanc comitem negotii; illam in studio; hanc in stadio. *Semiam* verò omnes nimirum flexus, rationes, & periodos, universumque statum, cursum, & terminum hujus vitæ fluxæ, caducæ, & mortalis. *Funiculum* denique æternæ videlicet prædestinationis, quas felices illæ beatæque mentes ex omnibus hujusce vitæ fluctibus, & procellis emergentes, æternæ beatitatis terminum appellant, evchunturque *In funiculis Adam, in vinculis Charitatis.*

Prædestinatio enim, præclara illa, & primogenita divinæ Providentiæ soboles, verus est *Funiculus ille triplex*, quem Scripturæ sacræ, sanctique Patres mirum in modum efferrunt. Triplex, inquam, ratione Fidei, Spei, & Charitatis; sine quibus impossibile est placere Deo. Triplex, ratione gratiæ prævenientis, concomitantis, & consequentis; quarum si quæ desuerit, pessundatur omnino divinum Prædestinationis negotium.

Denique, funiculus triplex principii, modii, & finis, hoc est, vocationis, justificationis, & glorificationis; quibus tota prædestinatio stabilitur, & firmatur. Nam ut ait Apostolus, *Quos prædestinavit, hos & vocavit; quos autem vocavit, hos & justificavit; quos autem justificavit, hos & glorificavit.* Quasi diceret mirandam prædestinationis fabricam triplici actu fulciri; nimirum, vocationis initio, justificationis incremento, & glorificationis premio.

Hujus autem sacratissimæ, secretissimæque Scientiæ quantum humanitis dabitur, ut exacta habeatur ratio, præsentem Disputationem, tres in Articulos distribuimus; quorum *Primus* de Providentia generatim disseret; *Secundus* verò de Providentia Supernaturali circa creaturam rationalem, suum in finem naturæ captum & limites excedentem, destinandam, vel prædestinandam; *Tertius* denique, de Providentia Puniente, seu Reprobante ipsam creaturam rationalem à præscripto sibi fine deviantem, & exorbitantem.

ARTICULUS PRIMUS.

De divinæ Providentiæ existentia, natura effectibus, & effectibus.

Sacrum divinæ Providentiæ nomen inscruent aliqui ex præpositione *Pro*, quæ interdum idem significat, quod *Ame*. Quæ ratione *Providere* idem sonat, ac *Ante videre*. Unde Cicero lib. de Juventute, *Providentia est*, inquit, *per quam futurum aliquid videtur antequam factum sit*. Nonnulli verò deductum volunt à præpositione *Procul*, ita quod *Providere*, idem sit, ac *Procul videre*, nimirum ea, quæ loco, vel tempore distant. Hinc Boetius lib. 5. de Consolatione Prosa 6. cū dixisset scientiam divinam, quæ Deus *Cuncta dignoscit, non esse præscientiam quasi futuri, sed scientiam*

K 4 num.

numquam deficientis instantiæ: Subdit, Unde non providentia, sed providentia dicitur, quod porro, id est procul, à rebus infimis constituta, quasi ab excelso rerum cacumine cuncta prospiciat.

Rectius tamen sapiunt, qui providentiæ vocabulum ad antecessorem temporis referunt. Providentia namque divina significare nequit distantiam loci, cum Deus ubique substantialiter sit præsens: sed importat solum distantiam rationis, quoniam ab æterno Deus videt omnia, quæ futura sunt in tempore. Cum autem ea, quæ prius ventura sunt cognoscimus, adhibitis mediis congruis, contendimus, ut prospera fiant. Hanc ob causam Theologi providentiæ nomen usurparunt ad designandam curam illam paternam, & maximam, quam Deus rebus singulis impendit, ut eas debitos in fines dirigat, & deducat. Juxta quam providentiæ usurpationem, quinque maxime veniunt hoc in Articulo discutienda, & resolvenda. *Primò* quidem, an reverà sit in Deo rerum omnium creaturarum cura, & providentia. *Secundò*, quid & quæ sit illa divina Providentia, an videlicet intellectus, aut voluntatis divinæ actus, & soboles. *Tertiò*, an Deus rebus singulis immediatè provideat. *Quartò*, an mala, tamen naturæ, quam culpæ divinæ Providentiæ subsint, & ab ea ordinentur. *Quintò* denique, qualis, & quæ sit divinæ Providentiæ efficacia, & præstantia; quæ omnia cum suis appendicibus, sequentibus in quæstionibus resolvuntur.

QUÆSTIO PRIMA.

An reverà sit in Deo rerum omnium creaturarum Providentia, & cura.

Notandum 1. Ex Lactantio, l. de Ira Dei, cap. 9. Quod cum sententiæ Philoſophorum prioris temporis de Providentia consensissent, nec ulla esset dubitatio, quin mundus à Deo, & ratione esset institutus, & ratione regeretur: Primus omnium Protagoras existit temporibus Socratis, qui diceret, sibi non liquere utrùm esset aliqua Divinitas, nec ne. Quæ Disputatio ejus adeo impia, & contra veritatem, & religionem judicata est, ut & ipsum Athenienses expulerint suis finibus, & libros ejus in concione, quibus hæc continebantur, exussent. Paucis interpositis; Verùm iis postea temporibus quibus jam Philosophia destituerat;

existit Athenis quidam Diagoras, qui nullum esse omnino Deum diceret, ob eamque sententiam nominatus est ab eis: Uem Cyrenæus Theodorus, ambo, quia nihil novi poterant reperire omnibus jam dictis, & inventis, maluerunt contra veritatem id negare, in quo priores universi sine ambiguitate consenserant. Hi sunt qui tot sæculis, tot ingenijs assertam, atque defensam providentiam calumniantur sunt. Quibus divinæ Providentiæ impugnatoribus adspulsi sunt, referente Nemesio, lib. de Iaculatibus animæ, cap. 44. Democritus, Heraclitus, Epicurus; qui neque universis, neque singulis à Deo provideri volunt: Epicurus enim dicebat quod beatum sit, & immortale, nec ipsum habere negitia, nec alteri exhibere: Quare nec iracundia, nec gratia teneri, seu ut ex eodem Epicuro refert Lactantius c. 8. libri laudati.

Omnis enim per se Divinum naturæ necesse est

Immortalis ævo summa cum pace fruatur, Semota à nostris rebus, seculisq; longè. Jam privata dolore omni, privata periculis, Ipsa suis pollens opibus, nil indaga nostri, Nec bene pro meritis capitur; nec tangitur ira.

Notandum 2. Varias insuper, easque erroneas nedum Ethnicorum Philosophorum, sed etiam quorundam Christianorum de divina Providentia fuisse sententias: In primis enim Aristoteles, A natura sola vult administrari singula, ut 6. Ethicorum ad Nicomachum non obcurè significat; inquit Nemesius supra laudatus; & licet 8. capite Ethicorum aliquam divinæ Providentiæ curam de rebus creatis idem Aristoteles affirmare videatur, nihilominus illam ad subalternaria coarctat; ut affirmat nedum S. Ambrosius lib. 1. officiorum cap. 12. sed etiam Clemens Alexandrinus lib. 5. Stromatum, referens qualiter ex sacris litteris malè intellectis quidam Philosophi varios errores deprompserint, Epicuri mentem subit casui, inquit, cum hoc dictum non intellexisset, Vanitas vanitatum, & omnia vanitas: Aristoteli venit in mentem ut quæ ad lunam deducere Providentiam ex hoc Psalmo 35. Domine in celo misericordia tua, & veritas tua usque ad nubes. Eundem in errorem impegerunt celebres Aristotelis interpretes Averroes, Avicenna, & Algazel, negantes Deo distinctam, & peculiarem cognitionem, & curam Creaturarum in singulari: impeget etiam & ipse Rabbi Moyses, qui corrupti-

bila

bilis quæque individua divinæ Providentiæ subdidit, solos excipiens homines, quos propter intellectus splendorem, Deo conubernaless ejusque Providentiæ dignos existimavit. Hanc pariter in insulsum sententiam ivisse videntur, Origenes, Hieronymus, & nonnulli è sanctis Patribus infra referendi, & explicandi.

Notandum 2. Ex Aristotele 6. Ethicorum cap. 8. triplicem distingui posse Providentiam, videlicet *Monasticam*, qua quis res factibiles sibi ipsi convenientes, ritè sapienterque disponit; aliam *Oeconomicam*, qua quis res domesticas, & familiæ congruas prudenter administrat. Tertiam denique *Politiciam*, qua Reipublicæ providetur. Certum est autem in Deo nullam esse Providentiam Monasticam, hæc enim solum est de rebus contingentibus, quæ autem Dei sunt, necessaria sunt, & omnino immutabilia, adeoque nullatenus Providentiæ subesse possunt. Solum itaque præfens movetur difficultas de Providentiâ Oeconomicâ, & Politicâ, qua Deus rebus creatis, tam in communi, quàm in particulari impendit. Duo sunt igitur maxime hæc in quæstione resolvenda. Primum quidem, an Deus aliquam habeat Providentiam erga res creatas. Secundum, an suam hanc divinam Providentiam rebus singulis etiam vilioribus impendat.

CONCLUSIO PRIMA.

REVERA admittenda est in Deo Providentia erga res creatas. Hæc est de fide, & probatur innumeris propemodum Scripturæ textibus, quibus divina Providentia celebratur, sic maxime Sapientiæ 14. Tu autem Pater Providentia ab initio cuncta gubernas. Et cap. 17. de Agyptiis ait, Ego ipso perpetuæ Providentiæ jacuerunt. Et Ecclesiastes 5. Ne derisus es tuum, ut peccare facias carnem tuam, neque dicas coram Angelo. Non est Providentia, ne forte iratus Deus contra sermones tuos, dissipet cuncta opera manuum tuarum. Eandem veritatem Christus Dominus pluribus oraculis affirmat Matth. 6. & 10. Respice, inquit, volatilia Cæli, quoniam non serunt neque metunt, neque congregant in horrea, & Pater vester cælestis pascit illa. Nonne vos magis pluris estis illis? Et post pauca, Considerate lilia agri quomodo crescunt, nec laborant neque nent. Dico autem vobis quoniam nec Sa-

lomon in omni gloria sua coopertus est sicut unum ex istis. Si autem fanum agri quod hodie est, & cras in cibarium mittitur, Deus sic vestit: Quam magis vos modice dedit? Et Matth. 10. Nonne duo passeris asse venerunt, & unus ex illis non cades super terram sine Patre vestro? Hæc eadem veritas pluribus rationibus, & gravioribus momentis firmatur à sanctis Patribus.

Primo quidem iidem omnino argumentis divina Providentia suadetur, quibus Dei existentia demonstratur. Quid enim tam dignum, tam proprium Deo, quàm Providentiâ? (inquit I. actantius lib. de Ira Dei cap. 4.) Sed si nihil curas, nihil providet, amisit omnem divinitatem. Qui ergo totam vim, totam Deo substantiam tollit, quid aliud dicit nisi Deum omnino non esse? Unde merito idem c. 9. Epicurum ridet, quodd Deum esse dixerit, illius tamen Providentiam negaverit, Quo quod repugnantius dici possit (inquit) non video. Etenim si est Deus, utique providens est Deus, nec aliter ei potest divinitas attribui, nisi & præterita teneas, & præsentia scias, & futura prospicias. Cum igitur Providentiam sustulit, etiam Deum negavit esse, cum autem Deum esse professus est, & Providentiam simul esse concessit, alterum enim sine altero, nec esse prorsus, nec intelligi potest. Unde subtiliter sanctus Damascenus advertit lib. de fide cap. 1. n. Nomen hoc deduci à verbo *hutoquo* quod idem sonat, ac confidere, seu providere. Cui consentiunt illi veteres Philosophi, qui Deum non aliud, quàm Providentiam appellabant: consentit & ipse sanctus Dionysius lib. de Divinis Nominibus cap. 12. ubi Divinitatem per Providentiam dñificat, Divinitas, inquit, est omnia contemplans Providentia, atque id perfecta bonitas.

Secundo, Ipsa divina Providentia evincitur ex naturalium omnium inclinatione, In repentinis enim perturbationibus, inquit Nemesius supra laudatus, sine electione, & deliberatione Dei nomen invocamus, velut natura nos sine doctrina ad Dei opem perducens, frustra tamen autem foret hæc invocatio, & divini auxilii inelamatio, si nulla apud Deum rerum humanarum esset cura, & Providentia. Quam rationem eleganter ponderat, & expendit Tertullianus in Apologetico Christianæ Religionis adversus Gentes cap. 17. Vultis, inquit, ex animæ ipsius testimonio comprobemus? Quæ licet carere corporis pressa, licet institutionibus

pra-

prævis circumscripta, licet libidinibus, & concupiscentiis evigorata, licet falsis Diis exancillata, cum tamen respicitur, ut ex crapula, ut ex somno, ut ex aliqua valetudine, & sanitatem suam patitur, Deum nominat, hoc solo quia propriè verus hic unus Deus, Bonus, & Magnus. Et quod Deus dederit omnium vox est. Judicem etiam confestatur, illum Deus videt, & Deo commendo, & Deus mihi reddet. O testimonium anime naturaliter Christianæ!

Tertiò, Eandem veritatem probat Lactantius cap.8. libri laudati, ex religione, cultuque Deorum à natura Gentibus quibuscunque etiam Barbaris inditis. Si enim Deus, inquit, nihil unquam boni tribuit, si colentis obsequio nullam gratiam refert, quid tam vanum, tam stultum, quam templa edificare, sacrificia facere, dona conferre, rem familiarem minicare, ut nihil assequamur? At dices, naturam excellentem honorari oportet. Sed quis bono: deberi potest nihil curanti, & ingrato? An aliqua ratione obstringi possumus ei qui nihil habeat commune nobiscum? Idem argumentum urget Cicero libr. 1. de Natura Deorum, Si autem Di, inquit, neque possunt nos iurare, nec volunt, nec curant bonos, nec quid agamus animadvertunt, nec est quod ab iis ad hominum vitam permanere possit, quid est quod ullos Diis immortalibus cultus, honores, preces adhibeamus? Unde concludit Lactantius, Quod si Religio tolli non potest, ut & Sapieniam, qua distamus a bellis, & iustitiam retineamus, qua communis vita sit tutor, quomodo Religio ipsa sine metu tenere, aut custodiri potest, &c.

Quarta probatio deducitur ex ipsomet Creatoris titulo, nam ut sapienter, & eleganter animadvertit S. Ambros. libr. 1. officiorum cap. 13. Quis operator, inquit, negligat operis suam? Quis deserat, & destituat, quod ipse condendum putavit? Si injuria est regere, nonne est magis injuria fecisse, cum aliquid non fecisse nulla injuria sit, non curare quod feceris, summa inclementia. Idem argumentum urget Theodoretus ser. 1. de Provid. ubi cum dixisset rebus singulis innatum esse amorem, ingenitamque curam suorum effectuum, concludit. Totus autem mundus, & totum humanum genus pignus est Creatoris sui, & ideo ex hoc quoque affectu, quo amare nos fecit pignora nostra, intelligere nos voluit quantum ipse amaret pignora sua. Urget idem S. Damasc. libr. 2. de Fide cap. 29. Necessè est, inquit, eundem esse eorum, quæ sunt, & factorem, & prævisorem, nam

neque decet, neque consequens est alium factorem esse eorum, quæ sunt, & alium prævisorem: Sic enim imbecillitati, debilitatque uterque subjaceret.

Quinta denique divinæ Providentiæ demonstratio deducitur, tum ex rerum omnium creaturarum perfectione, & præstantia, tum ex earum stabili ordine, & concordie discordia. Primum egregie expendit S. August. lib. 5. de Trinit. cap. 11. Deus, inquit, unus omnipotens Creator, & factus omnis anima, atque omnis corporis. . . . A quo est omnis modus, omnis species, omnis ordo. A quo est mensura, numerus, pondus. A quo est quidquid naturaliter est, cuiuscumque generis est, cuiuscumque estimationis est. A quo sunt semina formarum, formæ seminum, motus seminum, atque formarum. Qui dedit, & carni originem, pulchritudinem, valetudinem, propagationis fecunditatem, membrorum dispositionem, salutem, concordiam. Qui, & animæ irrationali dedit memoriam, sensum, appetitum, rationali autem insuper mentem, intelligentiam, voluntatem: qui non solum Cælum, & Terram, nec solum Angelum, & hominem, sed nec exigui, & contemptibilis animantis viscera, nec avium pennulam, nec herbe foliolum, nec arboris folium, sine suarum partium convenientia, & quadam veluti pacte dereliquit, nullo modo est credendum regna hominum, eorumque dominationes, & servitutes à suæ Providentiæ legibus alienas esse voluisse.

Secundum autem proponit Boetius lib. 3. de Consolatione Prosa 12. Mundus, inquit, ex tam diversis, contrariisque partibus in unam formam minime convenisset, nisi unus esset, qui tam diversa conjungeret. Conjuncta verò naturarum ipsa diversas invicem discors dissociaret, atque divideret, nisi esset unus, qui quod nexuit contineret. Non tam verò certius natura ordo procederet, nec tam dispositus motus locus, temporibus, efficientia, spatis, qualitatibus explicaret, nisi unus esset, qui has mutationum varietates manens ipse disponeret. Idem elegantissimè urget S. Chrysost. homil. 10. ad populum. Si breve hoc, & modicum corpus, inquit, medicaminibus tot utens. . . peris tamen, & corrumpitur, sapientis turbatione in eo facta, quomodo tantus mundus ex iisdem compositus elementis, nisi providentiæ multum capisset, tanto tempore imperturbatus manere potuisset? Si nos non natura, sed voluntate male affecti erga invicem, sponte non convenimus, donec manemus inimici, sed altero qui nos jungat indigemus, & in pace contineat? Quomodo

ad elementa, neque rationem, neque sensum habentia, & sibi per naturam inimica convellent, & simul manere possissent, nisi potentia quadam esset ineffabilis, quæ congregaret, & congregata semper hoc vinculo cohiberet? Non cernis quomodo corpus hoc, anima avolante, defluit, & tabescit, & perditur, & in suum quodque elementorum revertitur terminum? Hoc ipsum profecto & in ipso mundo fieret, si ipsum reliquisset propria destitutum providentia. Si navigium sine gubernatore facile mergeretur, quomodo subsisteret mundus tantum temporis gubernante nemine.... & quid dico navigium? Casulam quis parvum in vicinis compegis, & fructu ablato desertam reliquit, & neque duos septē dies permanet, sed solvitur, & brevicaedit. Igitur tugurium quidem absque providentia non flaret, Creatura verò tanta, tam pulchra, tam mirabilis, & leges noctis, & dies alternarumque horarum chorea, & natura cursus, variisque, & omnimodus in terra, & mari, & aere, & cælo, & plantis, & animalibus volantibus, natantibus, gradientibus, serpentibus, & in hominum genere omnibus illis validiore, quomodo in tantum temporis absque aliqua providentia stabilis permanisset?

Dices 1. Si aliqua in Deo esset rerum humanarum cura, & providentia, nulla foret hominum libertas, nullaque rerum creaturarum contingentia: sed consequens absurdum esse suadet ratio, & experientia demonstrat: Ergo & antecedens. Probatur sequela majoris. Si omnes hominis actiones essent à Deo præfixæ, vel evitabiliter evenient, vel inevitabiliter. Si primum: Ergo divina Providentia non erit infallibilis. Si secundum: Ergo hominis operationes non erunt contingentes, nec poterunt fieri, aut non fieri, adeoque nec erunt libere, sed necessariz, & naturales.

Nego sequelam majoris, Et ad ejus probationem dico hominis operationes necessarii fieri, non quidem necessitate antecedente, quæ libertatem auferat, & necessitatem inevitabilem imponat; sed consequente, quæ liberam voluntatis determinationem præfixam supponat. Divina namque voluntas, æterno suo decreto creatam voluntatem non prædeterminat, sed determinat, nec illius determinatio est prior, vel posterior natura, vel ratione determinatione voluntatis creatæ in ordine causalitatis, sed simul cum illa (ut jam diximus agendo de conciliatione liberta-

tis humanæ cum invariabili divinæ voluntatis decreto.)

Addo quod ipsa divina Providentia rebus creatis sese accommodet, & ita suam curam impendat, ut necessariis necessario, & liberis libere media convenientia ad debitum sibi finem assequendum subministrat, ut disertè edocet sanctus Dionysius lib. de Divinis Nominibus cap. 4. dicens. Sicut providentia uniuscujusque naturæ est salvatrix, per se mobilia providet ut per se mobilia, & tota particularia juxta proprietatem totius, & uniuscujusque in quantum provisorum natura suscipit, totius providentiæ proportionaliter attribuit unicuique provisas bonitates.

Inhabis, Tam certa tamque invariabilis est divina rerum ordinatio, ut ea stante, nulla possit esse hominis libera determinatio, & electio; sed omnes inevitabili quadam necessitate, & immutabili fato rapiuntur, & agitantur: Ergo, vel nulla est hominis libertas, nullæque illius preces ad Deum, & vota, vel nulla in Deo providentia. Probat antecedens Seneca libro 2. q. natural. cap. 35. & 36. ubi divinæ providentiæ, & ordinationis, (quam alio nomine fatum appellat more veterum Philosophorum) immobilitatem, & invariabilitatem aperiens, ait, *Fata aliter jus suum peragunt, nec ulla commoveantur prece, non misericordia flectuntur, non gratia, servans cursum irrevocabilem, ex destinato fluunt. Quemadmodum rapidorum aqua torrentium in se non recurrit, nec moratur quidem, quia priorem superveniens præcipitat. Sic ordinem rerum fati æterna series rotat, cujus hæc prima lex est stare decreto. Quid enim intelligis Fatum? Existimo necessitatem rerum omnium, actionumque, quam nulla vis rumpat. Hanc si sacrificiis, & capite nixæ agnæ exorare judicas, Divina non nosci. Sapientis quoque viri sententiam negatis posse mutari, quanto magis Dei, cum sapiens quid sit optimum in præsentia sciat, illius Divinitati omne præsens sit? Quibus verbis egregie demonstrat divinæ Providentiæ immutabilitatem, adeoque omnem fortuitum, & liberum eventum ea posita excludit.*

Respondet idem Philosophus cap. 37. certo hoc, & immutabili divinæ Providentiæ decreto, nullatenus lædi humanæ libertatis arbitrium, nec cassas, & irritas fore hominum preces. *Quadam enim, inquit, à Diis immortalibus, ita suspensa relicta sunt,*

ut in bonum vertant, si admota Dñs prece-
fuerint, si vota suscepta.

Deinde sibi obiciens, Aut futurum, in-
quit, est, aut non, si futurum est, etiamsi non
susceperis vota, fiet, si non est futurum, etiam
si susceperis vota, non fiet. Respondet, *Falsum*
est ista interrogatio. Quia illam mediam inter
ista exceptionem preteritis, futurum, inquam,
boc est, sed si vota suscepta fuerint. Rursus
obiciens. Hoc quoque necesse est fato compre-
hensum sit, aut suscipias vota, aut non. Re-
spondet, *Putame tibi manus dare, & sateri*
boc quoque fato esse comprehensum, ut utique
fiant vota, fatum est ut hic disjunctum sit, sed si
litteras didicerit, ab eodem fato continetur ut
litteras discat.... sic cum sanitas videatur esse
de fato, de fato debetur tamen medico, quia ad
nos beneficium fuit per bujus manus venit.
Quibus egregie docet fati, seu divinæ Pro-
videntiæ immutabilitatem hominis liberta-
tem non ledere, sed liberam ejus volunta-
tis determinationem supponere, non enim
eam prædeterminat; sed condeterminat.

Dices 2. Si aliqua penes Deum esset mor-
taliū cura, esset pariter piorum securā
felicitas in suā virtutis piamque, penes
impios verō calamitas, & miseria in suā
improbis ultionem, & vindictam: sed
longe secus accidit, perversi namque duc-
unt in bonis dies suos, & honoribus, vo-
luptatibus, ac divitiis affluunt. Unde semi-
atheī colligunt, a Deo omnia prætermitti,
inquit Salvianus lib. 1. de Providentiā, quia
nec coerceat malos, nec sueatur bonos, & ideo
in hoc sæculo deteriorem admodum statum esse
meliorum, bonos quippe esse in paupertate, ma-
los in abundantia, bonos in infirmitate, malos
in fortitudine, bonos semper in luctu, malos
semper in gaudio, bonos in miseria, & abie-
ctione, malos in prosperitate, & dignitate.
Nec impiorum sola hæc est quæritimonia;
sed etiam Sanctorum, nam Jeremias 12.
Deum velut objurgans ait. *Quare via im-*
piorum prosperat? bene est omnibus qui pro-
varicantur, & iniquè agunt. Et Abacuc. 1.
Quare respicis super iniqua agentes, & taces
devorante impio justiorē se? Quam itidem
quæritimonia mirum in modum ponderat,
& exaggerat David Psal. 72. Zelavi, inquit,
super iniquos, pacem peccatorum vident,
quia non est respectus mortis eorum, &c.

Respondet 1. Sanctus Augustinus, Hoc
equidem argumentum ita validum videri
ipsi Regio vati, ut illius solutionem, &
elucidationem non in hac mortali, sed in

beata, æternaque vita speraverit. Unde
subdit ibidem. *Exstimabam ut cognoscerem*
boc, labor est ante me, donec intrem in san-
ctuarium Dei. Quæ verba sic expendit S. Au-
gustinus. *Ante faciem meam laborem quem-*
dā quasi inextricabilem video, ut cognoscam
quomodo & justus sit Deus, & res humanas
cureti, & non sit iniquus, quod peccantes, &
scelera facientes felicitatem habent in bacte-
ra, Pii verò, & Deo servientes, in tentationi-
bis plerumque, & in laboribus fatigantur. Ma-
gna difficultas est hoc scire: sed donec introeam
in sanctuarium Dei. Tunc enim apparebit
qualiter legitimam justī mercedem bono-
rum suorum opertum, necnon & tribu-
lationum vitam æternam accipient. Impii
verò in ignem æternum detrudentur.

Respondet Salvianus laudatus, hæc immen-
sitā a Providentiæ calumniatoribus obji-
cit. Primum enim, inquit, ab iis qui hoc ita esse
vel dolent, vel accusant, illud requiro, de
Sanctis hoc, idest, de veris, ac fidelibus Chri-
stianis, an de falsis, & impostoribus dolant.
Si de falsis, superfluous dolor, qui malos doleat
non beatos esse. Cum utique quicumque mali
sunt successu rerum deteriorēs fiant, gaudentes
sibi nequitie studium bene cedere. Et ideo ob
hoc ipsum miserrimi esse debent, ut mali esse
desistant, vindicantes improbiis iniquis quæstio-
nis nomen religionis, & præferentes ad sor-
didissimas negotiationes vitium sanctitatis,
quorum scilicet nequitiis si miserie comparentur,
minus sunt miseri, quam merentur,
quia in quibuslibet miseriis constituti, non
sunt tamen tam miseri, quam mali. Nequa-
quam ergo pro his dolendum, quod non sunt
divites, ac beati.

Multo autem pro Sanctis minus, quia quan-
tumlibet videantur ignorantibus esse miseri, non
possunt tamen esse aliud, quam Beati.... Nemo enim
aliorum sensu miser est, sed suo. Et ideo non
possunt cujusquam falso iudicio esse mi-
seri, qui sunt vera sua conscientia beati, nulli
enim, ut opinor, beatiore sunt, quam qui
ex sententia sua, atque voto agunt. Humiles
sunt Religiosi, hoc volunt, pauperes sunt, pau-
perie delectantur, sine ambitione sunt, ambitionem
respuunt, in honori sunt, honorem spernunt, lu-
gent, lugere gestiunt, infirmi sunt, infirmitate
letantur. Nequaquam ergo nobis dolenda est hæc
afflictio infirmitatum, quam intelligimus ma-
trem esse virtutum. Itaque quidquid illud fue-
rit, quicumque veri Religiosi sunt, beati esse di-
cendi sunt, quia inter quoslibet dura, nulli bea-
tiores sunt, quam qui hoc sunt quod volunt.
Re.

Respondeo 3. Multis de causis, iisque iustissimis divinam Providentiam iustos quoslibet tribulationibus exercere. *Primo* quidem, quia inquit Seneca libro de Providentia. *Marcei sine adversario virtus, tunc apparet quanta sit, quantum valeat polleatque, cum quis possit, patientia offendit. . . . Non fert ullum idum illa se felicitas, at ubi assidua fuit cum incommotis suis rixa, callum per injurias ducit, nec ulli malo cedit; sed etiam si ceciderit, de genu pugnabit.* Deinde cum dixisset viros fortes probari in colluctationibus, & homines delectari spectaculo constantis adolescentis irruentem in se feram excipientis, & laniantis, subdit. *Ecce spectaculum dignum ad quod respiciat intentus operi suo Deus.* Ecce par Deo dignum vir fortis cum mala fortuna compositus, utique si *et provocavit.* Non video, inquam, quid habeat in terris Jupiter pulchrius si convertere animam vellet, quam ut spectet Catonem jam partibus non semel fractis stantem, nihilominus inter ruinas publicas rectum. Cui concinit Iertullianus lib. de Patientia, ubi stupendam Jobi Patriarchæ patientiam celebrans, ait, *Quale in illo viro feretrum Deus de Diabolo extruxit? Quale vexillum de inimico gloriæ suæ extulit? Quid videbat? Deus: Quid? Disscubatur malus, cum Job immundam ulceris sui redundantiam magnæ equanimitate distringeret, quum erumpentes bestiolæ inde in eodem specus, et passus foraminosa carni ludendo revocaret?*

Secundo, Virtus in infirmitate perficitur, inquit Christus ipse Paulum alloquens 2. Corinth. 12. *Tribulatio, inquit Augustinus, compellit nolentem, erudit ignorantem, protegit infirmantem, excitat torpentem, humiliat superbientem, purgat penitentem, coronat innocentem.* Unde S. Hilarius lib. 4. de Trinitate. *Sicut olim crescentibus diluvii fluctibus arca sublimius ferebatur, et tandem proceliarum visrix requievit super montes Armenie, non dispari modo Ecclesiæ, dum exercetur, floret, dum opprimitur, crescit, dum contemnitur, proficit, dum caditur, vincit.*

Tertio, Nullus est impiccati ita deditus, ut aliquod interdum morale bonum opus non exerceat, quod cum non habeat annexam charitatem, & gratiam, æternæ retributionis femina, idcirco solum temporaneum præmium exigit. Cum autem è contra nullus iustitiae sectator, ita sit fidelis, & tenax, ut interdum à recto virtutis tramite paululum non deviet, Deumque levioribus culpis non offendant, ideo etiam

Iustorum nullusest, qui poenam ultricem, saltem temporaneam, non mereatur. Idcirco tantum abest ut prospera Impiorum, & adversa Piorum fortuna defectus sit divinæ gubernationis, imò evidens est divinæ providentiæ argumentum. Siquidem nihil inultum, nihilque irremuneratum divina iustitia patitur, malos quidem in hac vita præmiando temporaneis bonis pro temporali opere, juxta illud Lucæ 16. *Recordare fili, quia receperis bona in vita tua, inquit Abraham diviti Epuloni.* Iustos verò hac in mortali vita puniendo, ne quid ex districta sententia post mortem in eis ulciscendum inveniat, ut enim deprecabatur David, *Domine; ne in furore tuo arguas me* (hoc est in Inferno) *neque in ira tua, id est in ultricibus Purgatorii flammis; sed miserere mei, id est in misericordia tua, bibe ure, hic seca, modò in æternum parcas, inquit S. Augustinus.* Adde quod tribulatio, & afflictio via sit regia ad æternam felicitatem, sicut enim oportuit pati Christum; *et ita intrare in gloriam suam.* Sic oportet nos per multas tribulationes introire in regnum Dei, nam inquit Gregorius, *qui à Paradisi gaudiis per delicta lamenta excessimus, ad hæc per lamenta revocamur.*

Dices 3. Providentia sollicitudinem erga res provisas importat: sed in Deo nulla potest esse sollicitudo, quippe qui summa pace, & æterna quiete potitur. *Immutus enim movet omnia, stabilisque manens, dat cuncta moveri, inquit Boetius: Ergo, &c.*

Distinguo majorem, Providentia importat sollicitudinem, quæ annexam habeat animi commotionem, & inquietudinem oriundam ex consultatione, inquisitione, & incertitudine eventus, nego. Quæ solum curam exactam de rebus provisis inferat, eis subministrando media congrua quibus debitum finem assequantur, concedo, & similiter distincta minore, neganda est consequentia. Deus enim absque ulla turbatione, & inquietudine totus semper rerum omnium gubernationi invigilat.

Dices 4. Quod non est præcognitum, non est provium: sed casualia, cum sint præter intentionem agentis, non sunt præcognita: Ergo nec de eis est providentia, ideoque cum omnia pene casu eveniant, aut nulla, aut rara est Providentia.

Distinguo minorem, Casualia non sunt præcognita à Deo, nego, à Creaturis, quærum

rum respectu casualia dicuntur, concedo. Nihil itaque casuale est respectu Dei, qui omnes omnino causas secundas connectit, & ordinat in finem. Unde inquit Boetius lib. 5. de consol. Licet casus sit inopinatus eventus ex confluentibus causis in his, quæ propter aliud geruntur, tamen concurrere atque confluere facit causas ordo ille ex inevitabili connectione procedens, qui de Providentia fonte descendens cunctis suis locis, temporibusque disponit.

CONCLUSIO SECUNDA.

DEus nedum rebus præstantissimis, sed etiam vilissimis, non solum in communi, sed & in particulari providet. Probatur primò ex illis omnibus Scripturæ textibus quibus Deus res creatas, & vilissimas etiam inspicere, & curare celebratur. Sic Psalmo 137. *Excelsus Dominus, & humilia respicit*. Ecclesiasticus primo capite cum dixisset. *Omnis sapientia à Domino Deo est*, & cum illo fuit semper, & ei ante eum, inquit, *Arenam maris, & pluvie guttas, & dies sæculi quis dinumeravit?* Post similes interrogationes respondet, *Unus est altissimus Creator*. Unde Sapiens 8. capite, cum preclaras divinz Sapientię laudes celebrasset, concludit, *Attingit ergo à fine usque ad finem fortiter, & disponit omnia suaviter*, hoc est, inquit S. Bernardus libro de libero arbitrio, *A summo Cælo usque ad inferiores partes terræ, & à maximo Angelo usque ad vilissimum vermiculum*. Ipse namque ait David Psal. 146. *Dat jumentis escam, & pullis corvorum, producit in montibus fenum, &c.* Ipse, ut asserit Christ. Matth. 6. *Pascit volatilia Cæli, & vestit lilia agri*.

Hæc eadem veritas Ethnicos Philosophos non latuit, nam ut S. Augustinus lib. 10. de Civit. cap. 14. refert. Plotinus Platonius Dei Providentiam usque ad hæc terrena, & ima pertingere, scolorum, atque soliorum pulchritudine comprobabat, quæ omnia quasi abjecta, & peregrina decentissimos formarum suarum numeros habere non posse confirmat, nisi inde formetur, ubi forma intelligibilis, & incommutabilis simul, habens omnia perseverat. Quod D. Jesus ibi ostendit, ubi ait. *Considerate lilia agri quomodo crescunt, non laborant, neque nent. Dico autem vobis, quia nec Salomon in omni gloria sua cooperitus est sicut unum ex istis.*

Eandem pluribus confirmant Patres. In

primis verò S. August. pluribus locis, maxime verò lib. 5. de Genesi ad litteram cap. 21. *Non sunt audiendi, inquit, qui putant sublimitatem mundi partes fortuito agitari, sublimes verò divina Providentia gubernari. Etenim contra hos loquitur Psalmus, qui cum explicasset laudes celsissimum, se etiam ad inferiora converterit, Laudate Dominum de terra Dracones, & omnes abyssi, ignis, grandis, nix, glacies, quæ faciunt verbum eius. Et cum Christus ait, Unum passerem non cadere in terra sine Dei voluntate. Et Deum vestire fenum quod in clibanum mittitur. Nonne confirmat vilissimas, & abjectissimas mundi particulas divina ejus Providentia regit*

Probatur eadem veritas ratione. Si Deus de rebus minimis, & vilissimis curam non haberet, maxime vel quia non posset, vel quia nollet, vel quod supremam ejus maiestatem non deceret. Primum derogat infinitæ ejus potentiz, quæ cum omnia produxerit ex nihilo, etiam omnia servare potest, & administrare. Secundum ejus divinz bonitatis officit. *Quis enim operator negligat operis sui curam?* inquit S. Ambrosius. Tertium denique tantum abest ut supremam ejus maiestatem deceat rerum minimarum productio, & cura, imò illam celebrat, & mirum in modum commendat. *Deus enim, inquit S. August. lib. 11. de Civit. c. 22. iudex artifex est magnus in magnis, ut minor non sit in parvis, quæ parva, non sua granditate, quæ nulla est, sed artificis Sapientia metienda sunt.* Unde eleganter Plinius lib. 11. cap. 2. *Rerum natura, inquit, nusquam magis quam in minimis tota est.*

Hinc S. August. lib. 3. de Genesi ad litteram cap. 6. *Creat minima corpore, acuta sensu animantia, ut majore attentione stupemus agilitatem muscæ volantis, quam magnitudinem jumenti gradientis, ampliusque miramur opera formicæ quam onera Camelorum.* Et merito quidem. Quis enim Dei supremam, infinitamve Sapientiam, Potentiam, & Majestatem non miratur in vilissimis, & abjectissimis illis bestiolis, quæ tam exigua habent capita, tot sensuum officinas nulla confusione permixtas, quot requiruntur ad videndum, audiendum, & percipiendum odorem, & saporem, &c. Attendat Charitas vestra, inquit S. August. in Psalm. 138. *Quis disposuit membra pulvis, & culicis, ut habeant ordinem suum, habeant vitam suam, habeant motum suum? Unus bestiolam brevem minutissimam considera quare*

volueris, si consideres ordinem membrorum ipsius, & animationem vite, qua movetur, ut pro se fugiat mortem, amat vitam, appetit voluptates, devitat molestias, exerit sensus diversos, viget in motu congruo sibi. Quis dedit aculeum culici quo sanguinem sugat, quam tenuis fibrula est qua sorbet? Quis disposuit ista? Quis fecit ista? Expavescis in minimis, lauda Magnum, qui fecit in Cælo Angelum, ipse fecit in terra vermiculum.

Dices 1. Deus rerum cælestium contemplatione detinetur, & delectatur: Ergo hæc sublunaria non curat, nec rebus minimis providet. Probatur antecedens ex Jobi 22. Nubes, inquit, latibulum ejus, nec nostra considerat, & circa cardines cæli perambulat.

Respondet. Hæc non quidem à Jobo Patriarcha ex propria mente, sed ex sententia impiorum proferri. Cum enim dixisset, An non cogitas, quod Deus excelsus cælo sit, & super stellarum verticem sublevis? Subdit, Et dicis quid enim novit Deus, & quasi per caliginem judicat? Nubes latibulum ejus, &c. Quibus aperte constat hæc verba, ex impiorum absurda sententia à Jobo proferri simul, & damnari.

Dices 2. Deus curam non gerit de brutis animantibus: Ergo divina ipsius Providentia rebus omnibus non invigilat. Probatur antecedens ex primæ Corinth. 9. Numquid de bobus cura est Deo? inquit Apostolus, quasi diceret Deum curam non agere de rebus irrationalibus.

Respondet noster Alensis prima parte qu. 26. membro 4. art. 4. duplicem esse curam Providentiæ divinæ, Una est, inquit, cura divina Providentiæ, quæ generalis est, quæ res per tempora sibi debuit, & determinata conservantur in suo esse à divina Providentiæ, & hoc modo verum est, quod est ei cura de omnibus. Alia est cura specialis Providentiæ, quam specialiter habet de rationali Creatura, secundum quam erudit ipsam dando ei præcepta, & legem, & secundum hanc non est ei cura de omnibus. De posteriori hac cura loquitur Apostolus, non verò de priori. Vel dicendum Deum non habere ita peculiarem curam de brutis animantibus, sicut de Creaturis ratione præditis, illa enim ad nos veluti media ad finem ordinantur, & subserviunt. Unde subdit Apostolus, An propter nos unique hoc dixit? Nam propter nos scripta sunt.

Obje. 3. Difficilem sancti Hieronymi sententiam, qui expendens illud Abacuc 1.

Mundi sunt oculi tui ne videant malum, ait. Absurdum est ad hoc Dei deducere majestatem, ut sciat per momenta singula quot nascantur culices, quotve moriantur, quæ cimum, & pulicem, & muscaram sit in terra multitudo, quanti pisces in aqua nati, & qui de minoribus majorum præda cedere debeant. Non sumus tam fatui adulatores Dei, ut dum potentiam ejus etiam ad ima detrahimus, in nosmetipsos injuriosi sumus, eandem rationabilem providentiam esse dicentes. Ex quo liber ille apocryphus stultitiæ condemnandus est, in quo scriptum est, quemdam Angelum nomine Tyri præfisse reptilibus. Quibus aperte significare videtur Dei scientiam non descendere ad res vilissimas sigillatim contemplandas, nec cum ullam de rebus vilioribus curam agere.

Respondent varia varii, ut sanctum Doctorem ab omni erga generalem Dei providentiam errore liberent.

Primò quidem dicunt aliqui cum comparatè solum loqui, quasi velit non eandem esse providentiæ irrationalium creaturarum, ac ratione præditarum, ita quod non eandem curam impendat Deus rebus ratione destitutis, ac impendit rationalibus.

Secundò nonnulli censent cum intendere Dei cognitionem non augeri, vel minui, nec eam mutari rerum vicissitudine, quasi per singula momenta novam rerum nascentium noticiam sigillatim acquirat, sed ab æterno simul, & unico simplicissimo intuitu cuncta videat.

Tertiò sunt qui putant cum populariter, & ad vulgi captum hæc scripsisse, unumque contextum esse ex illis quos ipsemet Hieronymus Lib. contra Rufinum, dicit se in commentariis supra Prophetas, non ex sua, sed ex aliorum sententia scripsisse.

Quartò denique affirmant aliqui S. Hieronymum duplicem distinguere scientiam, & curam divinam: Unam quidem Particularem, quæ restringitur ad eas solummodò res, quæ propter seipsas diliguntur, & intenduntur à Provifore, & hanc negat sanctus Hieronymus Deum rebus irrationalibus impendere, quæ propter se non diliguntur, nec intenduntur à Provifore; sed quatenus homini deservire possunt. Aliam verò Generalem, quæ Deus rebus singulis necessaria ministrat. Quam duplicem di-

divinæ Scientiæ, & Providentiæ acceptionem indicat ipsemet Hieronymus in cap. 38. Jeremiæ, *Sunt, inquit, qui Providentiam Creatoris usque ad rationalia conspiciantur, bruta autem fortuitis casibus asserunt vel perire, vel vivere. Propheticusque sermo declarat nihil esse, quod fugiat divinam Providentiam, & Scientiam Dei, quia alia propter se, alia in usu hominum sunt creata. Paucis interpositis, quia cura mea est omnia regere, universa disponere, & reddere singulis juxta vias suas.*

Quod autem sanctus Hieronymus divinam Providentiam etiam ad vilissimas quasque Creaturas extendi censuerit, patet in commentariis ad c. 10. Matth. expendens hæc verba, *Nonne duo passeret esse veniunt, hæc si parva animalia absque Deo auctore non decidunt, & in omnibus semper est providentia, & que in his peritura sunt, sine Dei voluntate non pereunt, vos qui æterni estis, non timere debetis, quod absque Deivivæ providentia.* Idem habet in cap. 5. Epistolæ ad Ephesios, & in capite 4. Zachariæ.

Quæres an equalis Deo sit cura, & providentia de omnibus.

Respondeo, quod non, idque constat triplici ratione. *Primò* quia res omnes æqualem in finem non ordinantur; sed quædam in finem purè naturalem, ut omnes Creaturæ rationis expertes, quædam verò in finem supernaturalem, ut Creaturæ rationis compotes, quales sunt Angeli, & homines, ideoque præstantiora habent media, & nobiliori modo Deus ipsis invigilat, & providet. *Secundò* quia Deus immediate, & per se quibuscumque providet, putà superioribus Angelis, cæteris autem providet solum causarum secundarum, & aliarum creaturarum, superiorum, & inferiorum adminiculo. *Tertiò* denique, quia præ cæteris Creaturis Deus homini providere videtur, tum ob ejus dignitatem, ipsius namque gratia cuncta sunt condita, *Omnia enim quibus constat, quæque generat ex se mundus, ad utilitatem hominis accomodata sunt,* inquit Lactantius, lib. de Ira Dei c. 13. ubi hoc argumentum fuit, & eleganter pertrahit. Unde licet cæteris etiam Deus provideat, id tamen videtur præstare solum ex accidente, & ratione hominis, ut eleganti hac similitudine declarat Origenes lib. 4. contra Celsum, *Quemad-*

*modum, inquit, in Civitatibus qui avaros, & macelli curam habet, nullius alterius causa laborare, quam hominum, ejus tamen Providentiæ fructum ad canes, & alia bruta pervenire videtur. Ita divinam Providentiam ratione præditis præcipue prospicere, ex consequenti autem, etiam bruta animantia iis perfrui, quæ hominum gratia procurata sunt. Tum etiam propter hominis infirmitatem, & imbecillitatem, quæ longè major est, quam cæterorum animantium, unde innumeris adminiculis ad sui conservationem opus habet. Nullum enim animal morosius est, nullum majori arte tractandum, quam homo, nulli magis parcendum, ait Seneca lib. 1. de Clementia cap. 17. Unde velut ex officio justitiæ præcipuum illi curam Deum impendere censet S. Ambrosius in Psalmum 118. *Quia justus est, inquit, ut opus manuum suarum tueatur, ac servet, ut quos nudes indotata quadam natura sorte in hanc præcæcit corporis infirmitatem, vigore animæ, & misericordiæ suæ dote pauperes vestire dignetur.* Cum denique quia Creaturæ rationis expertes, & libertatis, necessariis, & eodem modo semper agentibus causis suos in fines aguntur, & diriguntur, nec magna varietate, & inconstantia laborant. Ideoque ductu, & tractatu faciliores sunt. Ad humanæ res, quæ à voluntatis arbitrio liberè tanquam à causa versatili, & inconstanti proficiuntur, idcirco incertæ sunt, & mutabiles, adeoque ampliori cura, & majori sollicitudine opus habent, ut ad ordinem, finemque congruum tanta tamque inextricabilis varietas dirigatur. Unde Hierocles in lib. de Providentia, tradidit. *Brutis sufficere generalem Providentiam, ac toti impensam speciei, nos verò nisi singulatim, ac per omnia Providentia regimus, ad id ut nihil quod ad nos pertinet extra rationem Providentiæ sit, nequaquam consentaneam nobis curam assequimur.**

Nec refert quod Sapientiæ 6. legamus, *Æqualiter est illi cura de omnibus.* His enim verbis non affirmat Sapiens Deum rebus omnibus creatis eandem curam impendere; sed quod reverà nulla sit ejus conservationi, & protectioni non invigilet. Agit enim ibidem Sapiens de ultione, & animadversione Dei in Potentes, & Magnates, qui pusillos, & subditos opprimunt, unde cum dixisset, *Exiguo conceditur misericordia, Potentes autem potenter tormenta patientur,* subdit, *Non enim substrabat per-*
sonarum

sonam cuiusque Deus, nec verebitur magnitudo cuiusque; quoniam pusillum, & magnum ipse fecit, & equaliter cura est illi de omnibus: Quibus patet hanc ipsam curæ æqualitatem solummodo omnium, & maxime pusillorum hominum protectionem designare, ac commendare.

QUESTIO SECUNDA.

Quid, & quæ sit divina Providentia.

Infructa simul, & probata divinæ Providentiæ existentia, jam investiganda est, & referenda ipsius natura, quæ cum sit interna Dei operatio, qua res sibi subiectas congruus in fines deducit; inde circa præsentis quæstionis resolutionem, duplex oritur, & proponitur solvenda difficultas. *Prima* quidem, an illa divina Providentia sit formaliter actus intellectus, aut voluntatis Dei: nulla namque præter intellectionem, & volitionem, nec esse, nec cogitari potest interna Dei operatio. *Secunda*, an hæc divina rerum ordinatio, & administratio nedum circa media congrua, sed etiam circa debitos fines infallibiliter assequendos versetur, & occupetur: quæ solutio ut facilior, & evidentialior appareat,

Notandum 1. Divinam Providentiam ad sui constitutionem, & integritatem triplicem requirere actum intellectus, & totidem voluntatis; Ex parte siquidem intellectus, opus est primo ut cognoscatur possibilitas tum finis, tum mediorum; alioquin vaga erit, & erronea Providentia: *Secundo*, necessum est ut deprehendatur mediorum virtus, & efficacia, ad propositum finem assequendum: Hæc enim si quis non noverit, manifeste iacebit in periculo propositum finem nusquam assequendi. *Denique* requiritur certa notitia futuræ assecutionis finis per proposita media; non enim sapienter quis decerneret finem assequendum per media proposita, nisi illum finem per talia media posse comparari prævideret. *Primum* detegitur per scientiam simpliciter intelligentiæ, quæ circa rerum possibilitatem occupatur: *Secundum* per scientiam conditionatam, qua rerum eventus, hac aut illa posita conditione prænotificatur: *Tertium* denique per scientiam visionis, qua certa rerum existentia futura, præsens, aut præterita detegi-

Fraſien Theol. Tom. II.

tur. Tres pariter actus voluntatis Providentia desiderat, nimirum *intentionem* finis obtinendi: Mediorum *preparationem*, & electionem, seu decretum efficacis assequendi finem per talia congrua media: Denique *assualem usum*, seu voluntatem applicantem divinam omnipotentiam ad mediorum exhibitionem.

Notandum 2. Hunc ordinem inter præfatos actus ad Providentiæ divinæ integritatem desiderandos servari: *Primum* namque Deus per scientiam simpliciter intelligentiæ cognoscit finis, & mediorum possibilitatem, & honestatem: *secundo* per scientiam conditionatam deprehendit mediorum efficaciam, ac congruitatem: *Inde* sequitur intentio finis assequendi, mediorum electio, & applicatio: Demum scientia visionis Deus videt illius finis assecutionem per talia media. Certum est autem divinam Providentiam formaliter non consistere in hac scientia visionis, hæc namque providentiam supponit, eaque posterior est: Unde solum remanet difficultas de cæteris actibus intellectus, & voluntatis in quonam eorum reponenda sit formalis divinæ providentiæ ratio. Circa quam resolutionem varia varii sentiunt: Nonnulli cum S. Thoma volunt providentiam formaliter consistere in actu intellectus quo Deus prævidet, & iudicat certam finis assecutionem per congrua media: Nonnulli cum nostro Alensi contendunt eam duplicem actum intellectus, & voluntatis formaliter importare; Cæteri denique rectius cum nostro Subtili Doctore sentiunt eam formaliter constituendam esse in actu divinæ voluntatis, actum quidem divinæ scientiæ præsupponente, & connotante.

Notandum 3. Media cum fine duplici modo comparari posse, & conferri. *Primum* quidem quatenus sunt illius causa, & ut hic per illa consequendus est: *Secundo* vero prout sunt illius effectus, & quatenus finis est ratio simul, & causa cuius gratia media seliguntur, & usurpantur. *Indecit*, quod Electio, & Intentio diversimodè tendunt in finem, & media; *primum* quidem simpliciter, & absolute; *secundo* comparative, & respectivè. *Priori* modo, Intentio directè, & unice fertur in finem: Electio verò circa media tantum occupatur. *Posteriori* vero, intentio tendit in finem primario quidem, & principaliter, in media verò quatenus sunt finis causa,

L vel

vel effectus tantum secundario. Electio vero prorsus est contra, primario fertur in media quatenus efficacia sunt ad finem assequendum, secundario vero finem ipsum intendit assequendum, & ipsius ratione media seligit, quæ congruentiora videntur ad illius assecutionem.

CONCLUSIO PRIMA.

Providentia consistit formaliter in actu voluntatis. Hæc est Doctoris in 1. dist. 40. quæst. unica n. 2. ubi Prædestinationis (quæ est nobilissima, & princeps Providentiæ species) definitionem aperiens, ait; *Prædestinatio proprie sumpta dicitur actum voluntatis divinæ, videlicet ordinem electionis per voluntatem divinam alicujus Creature intellectus, vel rationalis ad gratiam, & gloriam.*

Probatur Conclusio: Primò quidem ex Scriptura sacra, quæ prædestinationem, & providentiam nominibus, & verbis divinæ voluntatis operationem significantibus exprimit; utramque enim appellat electionem, propositum, decretum, directionem, odium, miserationem, iram, complacentiam; quæ vocabula actum voluntatis, non autem intellectus designant. Electionem quidem, Ephesiorum 1. *Elegit nos in ipso*, &c. Propositum verò ibidem, *Prædestinavit nos secundum propositum voluntatis sue.* Dilectionem, & Odium Romanorum 9. *Jacob dilexi, Esau autem odio habui.* Miserationem verò, & iram ibidem, *cujus vult miseretur, & quem vult indurat*, &c. Complacentiam denique Lucæ 12. *Complacuit Patri vestro dare vobis regnum;* Et Sapientiæ 4. *Placita erat Deo animæ illius; propter hoc properavit educere illum de medio iniquitatum.* Qui omnes, & plures alii similes sacre Scripturæ textus aperte significant Providentiam, & Prædestinationem esse genuinum actum divinæ voluntatis.

Probatur 2. Autoritate sanctorum Patrum, maxime verò S. Damasceni lib. 2. de fide cap. 29. Providentia, inquit, est voluntas Dei, per quam omnia, quæ sunt, convenientem gubernationem suscipiunt. Paulo inferius, & sacra ejus virtus, & contemplativa, & provisoria, bona ipsius voluntas est; Unde subdit, *Igitur quia est bonus providet;* Quasi diceret Bonitatem esse veluti causam qua divina voluntas cunctis rebus provideat. Ipsi consentit Nemesius lib. de

facultatibus animæ c. 43. ubi divinam Providentiam definiens, ait; *Providentia est Dei voluntas, per quam omnia, quæ sunt, apud gubernantur.*

Probatur 3. Ratione Theologica. Dilectio est actus voluntatis: sed Providentia, & Prædestinatio sunt actus summæ dilectionis divinæ: Ergo pariter sunt actus voluntatis. *Secundò,* Providentia est efficax ordinatio rerum in suos fines: sed sola voluntatis ordinatio in Deo efficax esse potest; operatur enim omnia secundum consilium voluntatis suæ: Ergo sola voluntatis ordinatio est formaliter Providentia. *Tertiò,* Providentia est actus potentie executivæ, Deus enim per potentiam executivam omnes prævisos effectus ordinat, & implet: sed potentia executiva in Deo est sola voluntas, non autem intellectus: Potentia enim executiva illa est in qua continetur effectus producendus, sicut illuminatio in virtute illuminativa, & calor in potentia calefactiva: Ergo Providentia maxime spectat ad divinam voluntatem.

Denique, Providentia necessario est actus, aut intellectus, aut voluntatis; sed non est actus intellectus: Ergo necessario est actus voluntatis. *Major* patet; nam præter intellectum, & voluntatem nulla est in Deo potentia operativa, & productiva. *Minor* probatur: Si Providentia esset actus divini intellectus, esset maxime, vel speculativa cognitio rerum factibilium, & ordinabilium à Deo, antecedens omnem determinationem actualem divinæ voluntatis; vel practica cognitio, similiter omnem voluntatis actum præveniens, & dictans, ac regulans ea quæ agenda sunt, & ordinanda; vel denique quoddam imperium intellectus, voluntatis electionem consequens, eique dictans hoc efficiendum, adeoque applicans potentiam executivam ad operandum: sed neutrum horum est.

Non quidem primum, Providentia enim tantum est de iis, quæ sunt, & actu existunt; non autem de his quæ possibilis sunt; nemo namque iis rebus providere dicitur, quæ nondum existunt, sed tantum dicitur eas prævidere, ut dum existant, congruum in finem cedant. Adeoque Providentia non est illa speculativa divini intellectus cognitio, quæ tantum circa res possibles, & nondum existentes occupatur.

Non etiam secundum; Intellectus enim di-

divinus nullam cognitionem formaliter practicam admittit: Omnis namque cognitio practica ea dicitur, quæ est regulativa praxis, qualis solus est actus voluntatis: sed actus divinæ voluntatis non indiget regulatione, & directione, adeoque actus divini intellectus cum non possit esse divinæ voluntatis regulativus, non potest etiam esse verè practicus.

Non denique tertium; Siquidem superfluous est in nobis ille actus imperii, ac proinde in Deo. Consequentia patet: Sic divinis enim loquendum est cum proportionem ad res humanas, maximè in iis quæ superfluum, quia cum Deus sit perfectioris, & infinitæ virtutis, pauciora requirit ad suos actus eliciendos, & effectus producendos. Probatur *antecedens*: Si requiretur imperium, maximè ad determinandam nostram voluntatem; sed ad id superfluit; *Tum quia* imperium supponit volitionem in cuius vi tute moveat: unde si qualibet volitio præsupponeret aliquid imperium, etiam præsupponeret aliam volitionem, & determinationem voluntatis; adeoque daretur processus in infinitum; vel admitenda esset aliqua volitio efficax, quam imperium non præcesserit: Sed qua ratione illa volitio efficax non indigebit imperio præcedente, eadem ratione non indigebunt sequentes volitiones. *Tum quia si* volitio determinanda foret ab imperio, nulla form. liter esset libera, & ratione sui, sed tantum ratione alterius, videlicet ratione imperii liberè voluntatem determinantis: Consequens est absurdum: Ergo & antecedens. *Tum denique quia,* etsi imperium consideraretur ad determinandam creaturam voluntatem, nihilominus in Deo superflueret ad exequendam transeuntem operationem, quoniam ad actionem immanentem divinæ voluntatis non minus requiretur rationis directio, quam ad actionem transeuntem: Sed ad actionem immanentem voluntatis divinæ non requiritur Imperium intellectus, & rationis: Ergo nec ad actionem transeuntem.

Confirmatur. Si in intellectu divino daretur talis actus imperii, vel ille pertineret ad scientiam simplicis Intelligentiæ; vel ad scientiam Visionis; sed ad neutram pertinet: *Non quidem ad primam,* cum scientia simplicis Intelligentiæ antecedit decretum, & sit naturalis, & necessaria: Imperium verò sit actus liber, &

supponat voluntatis electionem, & motionem. *Nec ad secundam,* quia actus imperii est efficax, & producit Creaturas ad extra: Scientia autem Visionis est purè speculativa, nec causat res, sed potius illas præsupponit, & contempletur, ut præcætes, & existentes, vel in mensura propria, vel in mensura superiori æternitatis: Ergo in intellectu divino non datur talis actus Imperii.

Dices 1. Ex S. Dionysio cap. 2. de divinis Nominibus, *Deus prospicit cuncta Providentia mirabili;* sed prospicere est actus intellectus: Ergo & Providentia. Idem firmatur ex Boetio lib. 4. de Consolatione; *Providentia,* inquit, *est ipsa divina ratio in summo Principe constituta, quæ omnia disponit:* Ergo reverà Providentia est actus divini intellectus.

Respondeo; His, & similibus sententiis solum probari Providentiam requirere actum intellectus prævidentis, & præcognoscentis, qualiter res in finem congruum cedere, & ordinari queant; non autem quod ipsa formaliter, & specificè divinæ voluntatis actum non importet. Unde Doctor cum dixisset Prædeterminationem esse actum voluntatis divinæ; subdit, illam nihilominus posse accipi pro actu intellectus concomitante electionem voluntatis; non quod reverà formaliter in ipso actu intellectus consistat, sed quod illum connotet, & præsupponat.

Dices 2. Quoties Scriptura sacra de divina Providentia sermonem facit, toties illam designat, & exprimit nominibus significantibus cognitionem, & actum intellectus. Primo namque pluries utitur verbo *videndi*, quod intuitivam cognitionem designat: Sic Genesis 22. cum Abraham dixisset, *Deus providebit sibi victimam holocausti.* Subditur, *Appellavit nomen loci illius, Dominus videt;* unde usque hodie dicitur, *In monte Dominus videbit.* Secundo, oculorum nomine Providentiam plerumque Scriptura sacra exprimit, sic Psalmo 10. *Oculus ejus in pauperem respiciunt, & palpebra ejus interrogant filios hominum.* Tertio denique, sæpe utitur verbo *respiciendi*, quod specialem videnter flexionem, & animadversionem denotat; sic Exodi 2. *Respexit Dominus filios Israel:* Et cap. 4. *Quod respexisses afflictionem,* &c. Et Psalmo 21. *Deus Deus meus respice in me, quare me dereliquisti?* Et Psalmo 76.

Respect de Carlo, & vide, & visita vitam istam.

Respondeo; Hos, & similes contextus solum transeuntes divinæ Providentiæ operationes, & effectus designare non autem significare ipsam internam divinam Providentiā, quæ supponit quidem intellectus visionem, & considerationem, sed formaliter actum voluntatis denotat, & importat.

Dices 3. Prudentia maximè est in actu intellectus: sed Providentiā est pars prudentiæ: Ergo Providentiā consistit formaliter in actu intellectus. Probat *minor*, primò quidem ex Scripturis sacris, Sapientiā pro Prudentiā, & Providentiā Dei scribitur; sic *Isa* 40. *Nec est investigatio Sapientiæ ejus*; Quod Septuaginta legunt, *Nec est inventio Prudentiæ ejus*: Secundò, sancti Patres prudentiam in actu intellectus constituent, sic S. Ambrosius lib. 3. de Virginitatibus: *Prudentia, inquit, humane rationis est*: Et S. Augustinus lib. de libero arbitrio cap. 13. *Prudentia est appetendarum, & vitandarum rerum scientia*. Tertiò denique Aristoteles lib. 6. Ethicorum cap. 9. sub initio, & cap. 5. parum à principio. *Eos, inquit, prudentes dici, cum bene ad finem studiorum aliquem excoxiaverint ea quorum nulla est ars; & quare & omnino prudens is est, qui ad consulendum est aptus*. Minor verò per se patet: Providentiā enim, & Prudentiā propter summam affinitatem eadem nominis definitione gaudent; nam providens, & prudens dicitur quasi *però videns*: Unde Beda lib. 2. ad caput 10. Proverborum ait; *Prudentia à providendo nomen accepit*: Ergo Providentiā sicut & Prudentiā est actus intellectus.

Distinguo minorem, Providentiā est pars Prudentiæ quatenus importat provisionem rei futuræ, & ordinandæ, concedo: quatenus denotat studium, & curam rerum faciendarum, nego; nam ut sit, formaliter ad voluntatem spectat: Eodem modo solvenda est minoris probatio, catenus enim Providentiā cum Prudentiā nominis affinitatem habet, quatenus utraque res faciendas, & ordinandas prævidet ut bonum in finem cedat.

Dices denique: Prædestinatio ex dictis, est nobilissima Providentiæ species; sed hæc formaliter est actus intellectus. Ergo & illa. Probat *minor* ex Scriptura sacra, quæ Prædestinationem multoties nomi-

ne scientiæ, & præscientiæ explicat; sic Rom. 8. Apostolus Prædestinationem, & Præscientiam tanquam Synonyma scribit, dicens, *Quos præsciit, & prædestinavit*. Quæ verba S. August. lib. de bono Perseverantiæ cap. 18. sic expendit: *Hoc quod, ait, præsciit, non rectè intelligitur, nisi prædestinavit, quod circumstantia ipsius locutionis ostendit: Loquebatur enim de reliquiis Judæorum, quæ salva factæ sunt pereuntibus cæteris*: Idem Apostolus ibidem cap. 11. *Non repulit, inquit, Deus plebem quam præsciit*: Unde S. August. ibidem in cap. 17. *Hæc Dei dona, si nulla est Prædestinatio, quam defendimus, non præsciuntur à Deo; præsciuntur autem: Hæc igitur prædestinatio, quam defendimus*. Quibus tam Apostolus, quam Aug. Prædestinationem per præscientiam definiunt: sed præscientiā est actus intellectus: Ergo Prædestinatio, adeoque Providentiā, cujus prædestinatio est nobilissima species.

Nego minorem, & ad ejus probationem dico, S. Apostolum non scribere præscientiam, & prædestinationem tanquam Synonyma, sed tanquam duos actus divinos distinctos, & invicem subordinatos: Unde cum dixisset *quos præsciit, & prædestinavit*: Subdit, *Quos prædestinavit hos, & vocavit*; & *quos vocavit, hos & justificavit*; quos autem justificavit, illos & glorificavit. Quibus totum ordinem Prædestinationis explicat; ita quòd præcedat præscientia, inde sequatur prædestinatio: Deum tres prædestinationis effectus qui sunt vocatio, electio, & glorificatio. Similiter ad S. Aug. dico, Ipsum non usurpare præscientiam, & prædestinationem pro uno; & eodem actu, imò & utrumque actum distinguo. Subdit enim post laudata verba cap. 18. *In hac ergo electione, & in his reliquiis, quæ teste Paulo per electionem gratiæ salvæ factæ sunt, voluit intelligi plebem; propterea Deus non repulit, quia præsciit: Hæc est illa electio qua illos quos voluit, elegit in Christo ante constitutionem mundi ut essent sancti, & immaculati in conspectu ejus in cbaritate, prædestinans eos in adoptionem filiorum*. Quibus aperte fateretur Aug. Prædestinationem esse electionem, adeoque actum voluntatis à præscientia distinctum. Quod evidentiùs declarat lib. de Prædestinatione sanctorum. *Prædestinatio, inquit, est gratiæ preparatio, qua sine præscientia esse non potest. Potest autem sine prædestinatione esse præscientia; prædestinatione quip-*

pe Deus præcivit, quæ fuerat ipse facturus.
Unde præscientia latius patet, quàm prædestinatio, adeoque non sunt unicus actus, sed duplex, ille quidem intellectus, hic voluntatis.

CONCLUSIO SECUNDA.

Divina Providentia ex ratione sua formali non inferit necessariò, & infallibiliter consecutionem cujuslibet finis particularis, & à Creatura intenti. Sed sufficit, quòd inferat consecutionem finis generalis congruentis suæ glorie, & bono universi. Hæc est contra Cajetanum 1. p. qu. 22. art. 1. ubi vult ad perfectionem divinæ Providentiæ pertinere, ut infallibiliter consequatur finem particularem ad quem ordinat quamcumque creaturam.

Probatur 1. Providentia, ut superiori Conclusionem diximus, ex S. Damasceno est voluntas Dei per quam omnia quæ sunt, convenientem gubernationem suscipiunt. Sed conveniens rerum gubernatio exigit ut causis liberis subministrantur media proportionata earum libertati quibus possint cooperari, vel non cooperari prout libuerit. Unde Sapiens 12. Deum alloquens, ait. *Cum magna reverentia disponis nos*, nulli videlicet vim inferens, sed Creaturas liberas etiam liberè ad finem per media earum libertati congrua deducens: Ergo cum Creatura libera ab intento fine possit deviare, & ipsum nolle assequi, etiam jam usurpatis, & applicatis ad ejus consecutionem aliquibus mediis, consequens est Deum hujus finis consecutionem talia media subministrando efficaciter non intendere.

Probatur 2. Providentia majorem non habet efficacitatem circa finis affectionem, quàm divina voluntas. Tota namque Providentiæ efficacitas, & virtus ab ipsa divina voluntate desumitur: sed divina voluntas non semper impletur circa finis particularis affectionem, Deus enim revera vult omnes salvos fieri, idque non sola simplici complacentia; sed per sinceram voluntatem antecedentem, ut latè patebit infra agendo de Providentia supernaturali, etiam circa reprobos: Ergo divina Providentia ex sua ratione formali non inferit infallibiliter cujuslibet finis particularis consecutionem.

Probatur 3. denique, Duo sunt ex quibus oriri posset illa divinæ Providentiæ

infallibilitas in consequendo fine particulari. Primum quidem est intentio talis finis consequendi, quæ existit in voluntate Dei. Secundum autem est voluntas conferendi illa media, quæ Deus prænovit fore efficacissima ad talem consecutionem: sed ex neutro capite oriri potest talis Providentiæ infallibilitas.

Non quidem ex primo, quia Deus non semper intendit finem absoluta voluntate; sed vel simplici affectu, vel voluntate includente aliquam conditionem, quam vel Deus absolute non vult, vel ita à Creatura pendet ut ab ea possit impediri. Quod constat exemplo Reprobatorum, quos etsi reverà Deus velit salvos fieri, nihilominus quia salus pendet ex eorum libertate, & cooperatione quam non adhibent, idcirco illa divina voluntas non impletur. Adde quòd cum Deus sit summè liber potest intendere fines particulares prout voluerit, maxime respectu finis supernaturalis, cujus ordinatio, & tendentia ex sola Dei libertate adjuncta est naturæ rationali, & consequenter potuit Deus pro nutu, & arbitrio suo non omnibus conferre talem tendentiam in finem supernaturalem, nec omnes ad eum finem ordinare ex decreto absoluto, sed ex simplici tantum affectu, & voluntate antecedente, non verò consequente.

Non etiam ex secundo, Quia Deus non tenetur dare Creaturis illa media quæ prænovit efficaciora ad finem consequendum, imò quodlibet medium à Deo subministratum Creatura rationalis pro sua libertate reddere potest inefficax, medium enim redditur inefficax duobus modis. Primo quidem ex intrinseca conditione ipsius Creaturæ rationalis, quæ cum libera sit, resistere potest, nec Deus tenetur ultatenus illam semper ita prævenire ut in alte am partem infallibiliter inclinet. Secundo medium fit inefficax propter causam efficientem impediendam, ut contingit in naturalibus agentibus, quæ cum ratione careant, à sola causa Prima diriguntur, & ordinantur ad suos fines consequendos, nihilominus ab eis plerumque deviant, & impediuntur aliarum causarum concursu. Unde proveniunt monitruosi partus, & casuales effectus in illis. Igitur divina Providentia non consequitur eum finem particularem quem antecedenter, & inefficaciter intendit per unam causam, li-

et consequatur fines in communi propo-
sitos, puta suorum attributorum manifesta-
tionem, qui est finis universalissimus ip-
sius Providentiæ, vel bonum, vel commo-
dum ipsius universi.

Hæc omnia S. Thomas luculenter ex-
primit Tra&. de Veritate quæst. 6. art. 3.
Ordo Providentiæ, inquit, dupliciter certus
invenitur: Uno modo in particulari, quando
scilicet res, quæ à divina Providentia in finem
aliquem ordinantur, absque defectu ad finem
illum particularem deveniunt; sicut patet in
motibus celestibus, & in omnibus quæ neces-
sario aguntur in natura: Alio modo in univer-
sali, & non in particulari. sicut videmus in
generabilibus, & corruptibilibus, quorum vir-
tutes quandoque deficiunt à propriis effectibus
ad quos sunt ordinatæ sicut ad proprios fines,
sicut virtus formativa deficit quandoque à per-
fecta consummatione membrorum; sed tamen
ipse defectus divinitus ordinatur ad aliquem
finem, & sic nihil potest deficere à generali
fine Providentiæ, quamvis quandoque deficiat
ab aliquo particulari fine.

Dices. 1. Res omnes quantum ad pro-
videntiæ ordinem fixæ sunt, stabiles, immo-
biles, & certæ: Ergo pariter stabilis est,
& certa consecutio finis ab ipsis Creaturis
intenti. Probatur antecedens ex S. Gre-
gorio Naz. oratione ad Julianum, ubi ait:
*Res omnes nostras fluctuantes simul, minimè-
que fluctuantes, ut quæ per mutationes quidem
moveantur, ac sursum deorsumque agitentur
aliisque aliter se habeant at quantum ad di-
vinæ Providentiæ ordinem, & constitutionem,
fixæ, & stabiles sunt, etiam si per contraria
gradiantur.* Idipsum suadet Boetius lib. 4.
de consolatione proæ 6. ubi cum dixisset,
*Deus providentia quidem singulariter, stabili-
terque facienda diu ponit, subdit; Hæc nempe
Providentia actus etiam fortunæque homi-
num indissolubili causarum connexionem con-
stringit, quæ cum ab immobilibus Providen-
tia proficiantur exordis, ipsos quoque im-
mutabiles necesse est esse.* Ita etiam res optime
reguntur, si manent in divina mente simplici-
ter indeclinabilem causarum ordinem premat.
Hic vero ordo res mutabiles, & alioquin te-
merè fluxuras propria immutabilitate coer-
cet. Quibus verbis nedum providentiæ
generalem, sed etiam specialem efficaciter
finem intendere, & assequi confirmat:
Ergo, &c.

Distinguo antecedens: Res omnes stabiles
sunt, & fixæ in sua ordinatione quantum

ad finem ultimum, adæquatum, & prin-
cipalem ab ipsa divina Providentia inten-
tum, concedo: quantum ad fines particu-
lares, nego: Nec aliud etiam voluit Boe-
tius, nam ibidem circa finem capitis, ait:
*Ordo quidam cuncta completitur, ut quod ab
assignata ordinis ratione decesserit, hoc licet
in alium tamen ordinem relabatur, ne quid in
regno Providentiæ liceat temerari.* Sic igitur
intelligendæ sunt stabiles, immobilitas,
incommutabilitas, & indissolubilis nexus
Providentiæ non alligans unum particu-
larem finem, sed constringens ut in alium
finem relabatur quæ ab uno devierit. Si-
mili ratione explicanda est illa Ecclesiæ
precatoriuncula, *Deus cuius providentiæ in sui
dispositione non fallitur:* Licet enim finem spe-
cialem à Creatura intentum non assequa-
tur, id fit ipsamet Providentia ita volente
hanc finis non affectionem permittere,
& ad meliorem finem ordinare.

Dices. 2. Providentia etiam particularis
supponit hanc volitionem, & intentionem
finis; imprudens enim esset agricola,
qui semina in agrum spargeret, nisi
absolutè vellet fructus colligere, quamvis
hæc collectio interdum præpediatur per con-
cursum aliarum causarum: Ergo etiam pro-
videntia particularis, & circa finem inten-
tum à Creatura, debet esse efficax, & in-
fallibilis. Confirmatur: Nam efficax volun-
tas mediorum solum oritur ex efficaci, &
absoluta volitione finis; medium enim ut
medium, non est appetibile, nec volitum
nisi propter finem: Ergo voluntas absoluta,
seu providentia particularis, quæ me-
dia Creaturis subministrat ad finem particu-
larem intentum assequendum, etiam effi-
caciter, & absolutè debet illius finis affec-
tionem inferre, & intendere.

Nego antecedens: Cujus falsitas eo ipso
agricolæ exemplo monstratur; non enim
foret imprudens agricola si semina in agrum
spargeret; quamquam non haberet certam,
& efficacem voluntatem colligendi fructum
ex singulis granis seminatis, imò quamvis
certò sciret, quæ grana comedenda forent
ab avibus, quæ à viatoribus conculcan-
da, aut supra petram exciccanda, &
conculcanda; Copiosior enim semper erit
fructus ex reconditis in terra granis, mul-
toque plura colligentur grana, quam
seminata fuerint, licet ex seminatis plu-
ra defecerint, & perierint. Adde quòd
ex rebus materialibus non possit con-
gruum,

gruum, & aptum argumentum deduci ad exprimendam illam divinam Providentiam quæ maximè Creaturis ratione præditis regenda incumbit.

Distinguo antecedens: Providentia supponit absolutam finis volitionem, vel particularem, vel universalem, concedo: semper particularem; nego: & similiter distincta confirmatione, neganda est consequentia.

Dices 3. Divina Providentia foret conditionalis tantum, non verò absoluta si provideret aliquem finem non obtinendum: sed implicat Dei Providentiam esse conditionalem, id enim argueret impotentiam in provisorum qui non posset finem intentum assequi nisi posita conditione; qualis, v.g. esset providentia mercatoris, qui vellet suas merces servare: quem tamen finem non posset assequi nisi vitato naufragio, vel jactura partis mercium facta: Ergo, &c.

Nego minorem. Providentia enim conditionalis non est solius provisoris, quin non potest consequi finem intentum nisi conditione posita; sed magis propria est provisoris qui potest, sed non vult; tum propter suam Providentiam ordinationem, tum propter præstantius aliquid bonum, nempe bonum universi quod proprio cuiusque specialis Creaturæ bono anteponendum esse iudicat.

Dices 4. Summa in provisorio esset imperfectio si media usurparet, & ordinaret ad finem cuius consecutionem non intendere: Hæc enim cassa, & irrita mediorum usurpatio proveniret vel ex ignorantia efficacitatis talium mediorum, vel ex impotentia ad illa applicanda; nam si quis sciat, quæ media conducant ad finem, & ea possit usurpare, & applicare, ipsi certe deesse non potest voluntas ad finem consequendum, si reverà finis intenditur: Ergo si Deus intendit finem particularem suæ Providentiæ, vel illum infallibiliter assequitur, vel ignorat media quibus certissime est comparandus.

Nego antecedens: Defectus enim consecutionis finis non provenit ex impotentia, vel ignorantia; sed ex libertate divinæ voluntatis, & quia hoc est magis consentaneum rebus ipsis, magisque congruit, & expedit muneris Gubernatoris, & Provisoris generalis. Nec tamen inde sequitur Deum nullatenus finem intendere; sed

solum quod non intendat efficaciter, & absoluta voluntate: Nec sequitur pariter divinam Providentiam frustrari; quod enim deficit ab uno ordine divinæ Providentiæ, in alium necessario incidit, ut docet sanctus Anselmus lib. 1. c. Deum homo c. 14. *Quantvis*, inquit, *homo, vel malus Angelus divinæ ordinationi subjacere nollet, non tamen eam effugere valet: quia si vult fugere de sub voluntate jubente, currit sub voluntatem punientem, & transi sub voluntate permissentis.* Et hoc ipsum quod perversè vult, aut agit, in universitatibus præstat ordinem, & pulchritudinem summa Sapiencia convertit. Cui concinit sanctus Thomas quæst. 8. art. 6. dicens; *Cum igitur voluntas Dei sit universalis causa omnium rerum, impossibile est, quod divina voluntas suum effectum non consequatur; unde quod recedere videtur à divina voluntate secundum unum ordinem, relabitur in ipsam secundum alium: Sicut peccator qui quantum est in se recedit à divina voluntate peccando, incidit in ordinem divinæ voluntatis dum per ejus justitiam punitur.*

Dices denique: Providentia etiam particularis pertinet ad voluntatem consequentem: sed voluntas consequens semper impletur: Ergo infert consecutionem finis. *Confirmatur:* Providentia tanquam causa per se extenditur ad omnia quomodolibet entia: sed omnis per se causa semper suum assequitur finem: Ergo etiam Providentia finem consequitur.

Nego antecedens: Providentia namque complectitur voluntatem antecedentem, & consequentem simul. Illam quidem quatenus Deus vult singulis rebus congrua ministrare media quibus suum finem assequantur: Hanc verò quatenus ea media de facto subministrat creaturis, & eas interdum in optatum finem deducit. Ita docet sanctus Joannes Damascenus lib. 2. de Fide cap. 29. ubi voluntatem qua Deus vult omnes homines salvos fieri, non solum metaphoricè, sed propriè, & realiter, idque voluntate antecedente, enumerat inter præcipuos modos providendi. Cum enim dixisset, *Sciendum est, quod multi sunt modi providentiæ Dei, quæ nec sermone explicari, nec mente comprehendi possunt:* addidit demum, *Et præteritis, præcedentibusque velle omnes salvari; non enim ad puniendum nos plasmavimus sed ut efficiamus nos bonitatis sui participes.* Hic tamen effectus, nempe

salus omnium, à divina Providentia non obtinetur.

Quæres quid sit Fatum, & qualiter à divina Providentia distinguatur.

Respondeo Fatum dictum à verbo *Fandi*, eo quod divinum de rebus creatis dictum, vel decretum significet. Secundum autem rei veritatem, *Fatum*, inquit Boetius lib. 4. de Consolatione Prosa sexta, est *inhærens rebus mobilibus dispositio, per quam Providentia suis quæque necesse ordinibus*. Providentia verò ex eodem est ipsa ratio in summo omnium principe constituta, quæ cuncta disponit. Unde Fatum à Providentia distinguitur tanquam effectus à causa, & dispositio à disponente. Providentia enim est æterna Deide rebus dispositio, Fatum verò ipsius dispositionis applicatio, & executio, seu ut loquitur Boetius ibidem, *Fatum singula digerit in motu, locis, formis, ac temporibus distributa; ita ut hæc temporalis ordinis explicatio in divinæ mentis adunata prospectu, Providentia sit; eadem verò adunatio digesta, atque explicata temporibus, Fatum vocetur*. Et adducto exemplo artificis qui rei faciendæ formam mente perspicies movet operis affectum, concludit: *Illud cerè manifestum est, immobilem, simplicemque gerendarum formarum rerum esse Providentiam; Fatum verò eorum, quæ divina simplicitas gerenda esse disposuit, modicum nexum, atque ordinem temporalem*.

Hinc apparet quàm turpiter à vero exorbitaverint veteres Philosophi, qui Fatum censuerunt esse quoddam æternum, & immutabile, tantam necessitatem singulis rebus inferens, ut ne Dii quidem ab ea sese expedire possint. Quem errorem sequitur Seneca lib. de Providentia cap. 5. ubi de facto ita loquitur, *Quidquid est quod nos sic vivere jussit, sic mori, eadem necessitas, & Deus obligat; irrevocabili, humana periter, ac divina cursu rebus: ille ipse omnium conditor, ac rector scripti quidem fata, sed sequitur; semper parat, semel jussit*. Unde idem in Oedipo monet.

Fatis agimur, ceditæ satis:

Non sollicitæ possunt curæ

Mutare rati flamina fusi.

Quidquid patimur mortale genus,

Quidquid facimus venit in alto

Vix illa Deo verisise licet,

Quæ nexa suis currunt causis.

*It cuique ratas præce non ulla
Mobili ordo.*

Hanc autem fatalem necessitatem doctè, & eleganter à Deo rejicit Nemæius cap. 38. ubi probat Deum sub necessitate non cadere, neque illius voluntatem ulli necessitati parere; *Cum enim potestas sit, & natura potestate prædita, nihil neque natura agit necessitate; neque legis obligatione confusus: eique contingentia sunt omnia etiam, quæ necessitaria sunt. Quod ut monstraret aliquando cursum repressit Soli, & L'ina, tametsi necessario, & eodem semper modo ferantur, ut ostenderet nihil sibi necessario fieri, sed omnia pro potestate esse contingentia.*

QUÆSTIO TERTIA.

An, & quomodo defectus tam naturæ, quam morum divinæ Providentiæ subsint.

Sensus Quæstionis est, an peccata, monstra, & quilibet creatæ voluntatis, aut naturæ aberrantis defectus à divina Providentiæ congruum aliquem in finem justè, sapienterque ordinentur; quod ut pateat evidentiis,

Notandum 1. ex *Seraphico Bonaventura in 1. diff. 46. q. 5.* Quod quemadmodum „ aliquid dicitur esse sanum tripliciter; „ aut *subjectivè*, ut animal dicitur sanum; „ aut *di positivè*, ut potio dicitur sana; aut „ *offensivè*, ut urina sana: Sic aliquid ordi- „ dinabile dicitur tripliciter; aut sicut „ ordinis susceptivum, aut sicut dispositi- „ vum, aut sicut offensivum: *Sicut suscep- „ tivum*, non est aliquid ordinabile nisi „ quod estens, & natura aliqua; & ita „ malum non est ordinabile nisi per acci- „ dens, scilicet ratione boni. *Sicut dispo- „ sitivum*, Malum est ordinabile, sed non „ sicut dispositio ponens, sed privans. „ Duplex enim est ordo, scilicet natu- „ ræ, & justitiæ. Ordo naturæ est insti- „ tutus, ordo justitiæ est acquisitus; ma- „ lum autem privatur ordinem specialis natu- „ ræ, & illum privando incurrit in ordi- „ nem justitiæ, quia offendit: Unde „ ratio ordinandi sicut dispositio in ordine „ justitiæ est meritum, vel demeritum. *Sicut „ offensivum*: Malum est ordinabile, & ordi- „ natum, quia manifestat ordinem bono- „ rum per oppositum: opposita autem jux- „ ta se posita magis elucescunt.

No-

Notandum 2. *Ex eodem qu. 6.* Malum ex accidente conferre aliquid ad decorem universi, non quidem per se, sed per accidens. Decor enim universi, inquit, quidam est substantialis, sive quantum ad esse: quidam accidentalis, sive quantum ad bene esse: Quantum ad primum mala non faciunt ad decorem, nec per se, nec per accidens: Sed quantum ad aliquem decorem accidentalem, mala bene ordinata faciunt; non quia mala, sed quia bene ordinata: & ita per accidens, sicut per accidens ordinantur; & illo decore circumscripto adhuc esset universum decorum, & perfectum, quamvis hunc decorem non haberet. Ad hunc decorem faciunt mala non ratione sui sed ratione subiecti quod ordinatur in penam ad divinæ justitiæ manifestationem; vel ratione oppositi, quia decor magis clarescit ex præsentia mali, sicut opposita iuxta se posita magis elucescunt, sicut communiter dicitur; vel ratione boni eliciti, multa enim bona Deus fecit, & facta sunt, quæ non essent facta nisi peccatum præstiuisset occasionem, sicut illa quæ gesta sunt in nostra reparatione: tamen sine his omnibus esset universum completum.

Notandum 3. *Ex nostro Alesii 1. p. q. 38. art.* Aliquid cooperari in bonum tripliciter. Primo modo ut per se ordinatum in bonum, ut virtus, & gratia: Alio modo quod velociter facit moveri in bonum, ut paupertas, & firmitas: Tertio modo sicut oppositum recedens confert ad intentionem sui oppositi, sicut vehementia frigoris, ac calor, ut frigus nivescedens ad calorem: hoc modo peccatum recedens inducit vehementiam doloris, & ardorem majorem bene operandi, sed hoc est ex consequenti, *His præsuppositis sit*

CONCLUSIO PRIMA.

Quodlibet peccatum, etiam sub ratione formali peccati subest divinæ Providentiæ, & ab ea congruum in finem ordinatur. Hæc est communis apud emeritos Theologorum Principes, nam Alexander laudatus, & sanctus Bonaventura dissentit affirmant, Malum esse sub divina Providentiâ, non tanquam ab ea factum, sed quatenus ab ea or-

dinatur: Et sanctus Thomas in 1. distinct. 37. quæst. 2. artic. 2. Dicit, mala subjacere divinæ Providentiæ tanquam præsciis, & ordinatis.

Probatur primò: His omnibus Scripturæ textibus, quibus hominum peccata referuntur ad divinum consilium, decretum, imperium, impulsus, & præceptum, sic lib. 2. Regum cap. 16. *Dominus præcepit Semei ut malediceret David:* Et cap. 24. *Addidit furor Domini irasci contra Israel, commovitque David in eis dicentem vade, numra Israel.* Quod fuit maximum superbiz crimen. Id ipsum innumeris patet Scripturæ textibus, sed maximè Actorum secundo, ubi peccatorum omnium maximum, Deicidium nempe, & Christi Domini occisio, in Dei ordinationem refunditur his verbis: *Hunc definito consilio, & præscientia Dei traditum per manus iniquorum affligentes intermisistis.* Et clarius cap. 4. *Conveniunt viri in civitate ista adversum sanctum puerum tuum Jesum quem unxisti, Herodes, & Pilatus cum Gentibus, & populis Israel facere, quæ manus tua, & consilium tuum decreverunt fieri.* Sed certissimum est Deum non esse auctorem peccati: Ergo necessum est ut eatenus illa peccata in ipsum refundantur, quatenus ab eo permittuntur, & ordinantur bonum aliquem in finem, & ita ipsius divinæ Providentiæ subfint, ut solum fiant quando permittit ea fieri, & non aliter, nec alibi, nec diutius quàm quòd ipsius divina Providentiâ judicaverit peccati permissionem expedire.

Probatur secundo: Autoritate sanctorum Patrum, qui unanimi calculo affirmant Deum mala quolibet congruum in finem destinare; sic sanctus Clemens Alexandrinus, lib. 1. Stromatum ait, *Maximum esse divinæ Providentiæ argumentum non finire ut vitium maneat inconducibile, & inutile:* Sic Cyrillus Hierosol. Catech. 8. exclamat, *O sapientissimam providentiam, quæ malum etiam propositum in salutis occasionem convertit! Quemadmodum enim illorum fratrum Joseph eundem odio prosequentium, malam voluntatem accipit occasionem propriæ administrationis, & permittens ipsis ex odio vendere fratrem, occasionem accepit efficiendi ut regnaret: Quod etiam confirmat his verbis Psalm. 118. Quoniam omnia serviunt tibi. Sic Basiliius homil. 9. Providentiissimus, inquit, rerum humanarum dispensator Deus utilis ad nostram exercitationem malignitate dimittit.*

damonis, quemadmodum medicus vipera veneno.

Sed præ cæteris hoc argumentum elegantius non minus quam subtiliter expendit S. August. pluribus, varias profert rationes, variasque refert utilitates, quas ex mali permissione deducit Deus; sic in hæc verba Ps. 7. *Arcum suum tetendit, & paravit illum, & in ipso paravit vas mortis, ait: Quæri potest quæ sint vas mortis, an foris heretici; nam & ipsi ex eodem arcu id est ex eisdem scripturis in animas non charitate inflammandas, sed venenis perimendas insiliunt, quod non contingit nisi pro meritis.* Propterea divina Providentiæ etiam ista de passio tribuenda est; non quia ipsa peccatores facit, sed quia ipsa ordinat cum peccaverint; malo enim voto per peccatum degentes, male cognunt intelligere, ut ipsa sit pena peccati; quorum tamen morte Fideles Catholica Ecclesia tanquam quibusdam spinis a somno excitantur, ut ad intelligentiam divinarum proficiant Scripturarum; Et serm. 90. cap. 5. de Diversis, *Nisi Deus antiquioribus sæculis servaret sua patientia peccatores, unde nascerentur homines tot fideles? Alii mali eruantur ut boni inde nascantur.... quid Diabolo nequius, & de illius nequitia quanta bona fecit Deus? Non funderetur pro salute nostra sanguis Redemptoris nisi per nequitiam desertoris.* Et c. 4. præcedente dixerat, *Sicut mali homines male utuntur Creaturis bonis, sic Creator bonus bene utitur hominibus malis.*

Probatur ratio: Fatenus Deus permittit peccatum quatenus inde prævidet aliquid bonum oriundum, & talis peccati permissio ad illius boni consecutionem ordinatur; sed ita permittit peccatum, est illud congruum in finem ex Providentiâ ordinare: Ergo revera peccatum à divina Providentiâ ordinatur. Probatur major pluribus Scripturæ textibus, maxime vero Genes. 45. ubi dicitur Deum idcirco permisisse venditionem Josephi à fratribus, ut præpositus Aegypti factus eorum salutis interfireret; ait enim Josephus fratres alloquens, *Neque vobis durum videatur, quod vendidistis me in his regionibus; pro salute enim vestra misi me Deus ante vos in Aegyptum:* Et post pauca, *Non vestro consilio, sed Dei voluntate huc missus sum, &c.* Quibus aperte fatetur suam venditionem à fratribus (quæ revera græde fuit peccatum) à divina voluntate idcirco ordinatam, ut tum patris, tum fratrum salutis provideret. Deinde

nisi alicujus boni consequendi intentione, & voluntate Deus peccatum permitteret, illa permissio non posset esse fructus, nec effectus prædestinationis: Sed id est contra sententiam sanctorum Patrum, præsertim sancti Augustini, qui pluribus affirmat peccati permissionem interdum conducere ad prædestinationem Elected; sic expendens illa verba Pauli Rom. 8. *Omnia cooperantur in bonum iis, qui secundum propostum vocati sunt Sancti;* Subdit etiam peccatum; nam prædestinati ex casu humiliores, cautiore, & ferventiores resurgunt. Denique, ille Deo tribuendus est volendi modus, qui convenientior est ejus Sapientiæ, Pœnitentiæ, & Omnipotentia; sed magis Deo congruit velle permissioem peccati propter oriundum aliquid ex eo bonum, quàm solum illud permittere eo quod non teneatur impedire, & causis liberis nullam vim debeat inferre: Ergo Deo magis congruit permissio peccati propter aliquid bonum ex ea emergens.

Dices 1. Ex S. Augustini libro de natura boni cap. 4. *Malum est privatio modi, speciei, & ordinis:* sed nulla privatio participat rationem illius cujus est privatio: Ergo si malum ex ratione sua formali sit privatio ordinis non potest à divina Providentiâ ordinari.

Distinguo majorem: S. Bonaventura in 1. dist. 46. qu. 5. *Malum est privatio ordinis concernentis particularem naturam, concedit: Concernentis dispositionem universalem Providentiæ, negat:* Nam, ut inquit Boetius, *Ordo cuncta complectitur, quo fit ut si aliquis ab assignata sui ordinis ratione discesserit, necesse sit ut in alteram differentiam relabatur.* Vel ut inquit noster Alensis qu. 38. n. 2. art. 1. *Dicendum est quod est ordo naturæ particularis, & universalis: sive ordo naturæ, aut providentiæ:* Malum autem, est privatio ordinis particularis, sive ordinis naturæ: non ordinis universalis, sive ordinis Providentiæ.

Dices 2. Quod nihil est, non est ordinabile, ordinari enim supponit esse: sed peccatum ex ratione sua formali est non ens, & nihil, Ergo non est ordinabile.

Distinguo majorem: Quod nihil est, non est ordinabile per se, & in se, concedo: per accidentis, & ad aliud, nego: Et similiter distincta minore neganda est consequentia.

Dices 3. Quod est ordinabile cadit sub po-

potentia ordinantis; sed peccatum non subest potentie Dei, quia Deus non potest producere peccatum: Ergo nec illud ordinare.

Distinguit majorem Seraphicus Bonaventura ibidem: ordinabile subest ordinantis potentie producenti, aut providenti; concedit: Producenti tantum, negat. Minorem similiter distinguit, peccatum non subest Dei potentie producenti, concedit, ordinanti, negat.

Dices 4. Ex S. Augustino laudato, *Omne ordinatum in quantum hujusmodi, est bonum*; sed nullatenus peccatum potest esse bonum: Ergo nec habere rationem ordinabilis.

Respondet Magister sententiarum dist. 46. Quadruplicem esse boni acceptionem: Est enim, inquit, aliquid quod in se bonum est, & cui fit, sed non est bonum facienti, ut cum fit elemosyna propter vanam gloriam; Secundo est aliquid bonum in se, & facienti; sed non ei cui fit, ut cum prædicatur Evangelium ex motivo charitatis, homini obdurato, & repugnanti: Tercio est aliquid bonum in se, & facienti, & ei cui fit, ut cum ex motivo charitatis prædicatur Evangelium homini credenti. Quarto denique, est aliquid quod in se, nec bonum est, & facienti nocet, & damnat nisi poeniteat, ut peccatum, alteri tamen proficit, & inservit ad aliquod bonum. Unde in forma distinguo minorem. Peccatum nullatenus potest esse bonum nec facienti, nec in quem fit, ex se, & per se concedo: occasionaliter, per accidens, & ratione ordinationis in bonum, nego.

CONCLUSIO SECUNDA.

Quilibet morum, & naturæ defectus à divina Providentia ordinantur ad universi pulchritudinem, & decorem, saltem per accidens: Hæc est communior inter Theologos, eamque teneant Alenius quæst. 40. membro 3. S. Bonaventura dist. 46. q. 6. Et S. Thomas contra gentes cap. 61. ubi ait. *Multa bona sunt in rebus, quæ nisi mala essent locum non haberent; sicut non esset patientia iustorum si non esset malignitas persequentium, nec esset locus iustitie vindicativæ, si delicta non essent. In rebus etiam naturalibus, non esset unius generatio nisi esset alterius corruptio; si ergo malum totaliter ab u-*

niversitate rerum per divinam Providentiam excluderetur, oporteret etiam bonorum multitudinem diminui.

Probat 1. Primò quidem autoritate S. Ambrosii lib. 3. Exameron. c. 9. qui cum sibi objecisset, *Quid cum utilibus, etiam lethalia, & perniciofa generantur? cum viticorum? quid inter alimenta vite noxium reperitur? & nisi prævium fuerit, consuerit saluti nocere, inter alia quoque nutrimenta vite bellorum deprehenditur; Aconita quoque fallunt frequenter, & decipiunt colligentem.* Respondet: *Singula eorum quæ generantur in terris, specialem quandam rationem habent, quæ pro virili portiones complent universi pulchritudinem Creaturæ; alia ergo esui, alia potui, alia alii nascuntur usui: nihil vacat: nihil inane germinat terra. Quod tibi putas inutile, aliis utile est, imò ipsum tibi frequenter alio est usu utile: quod escam non adjuvat, medicinam suggerit; & sæpe eadem quæ tibi nocia sunt, avibus aut feris innoxium ministrant pabulum. Denique sturri vescuntur conio, nec fraudi est eis, quoniam equalitate sui corporis venenum succi lethalis evadunt...* Hæborum autem periri loquuntur etiam esse & alimenta coturnicis, eò quòd naturalis quodam temperamento sui corporis vim pabuli evitent.

Hanc veritatem luculenter expendit S. Augustinus lib. 11. de Civit. c. 18. ubi demonstrat pulchritudinem universi per Dei ordinationem ex contrariorum oppositione luculentiorē apparere: Neque enim, ait, Deus ullum non dico Angelorum, sed vel hominum crearet, vel malum esse futurum præscisset, nisi pariter nosset quibus eos bonorum usus commodaret; atque ita ordinem seculorum tanquam pulcherrimum carmen etiam ex quibusdam quasi antisibetis nosselet. Adductis autem nonnullis exemplis oppositorum ex S. Paulo, subdit: *Sicut ergo ista contraria, contrariis opposita sermonis pulchritudinem reddunt: ita quodam non verborum, sed rerum eloquentia contrariorum oppositione seculi pulchritudo componitur. Aperitissimè hoc positum est in libro Ecclesiastici, hoc modo: contra malum bonum est, & contra mortem vita; sic & contra virum iustum peccator, & sic inueniuntur omnia opera altissimi, duo & duo, & unum contra unum: Quasi diceret Ecclesiasticus divinam Providentiam, & mundi pulchritudinem maximè elucere ex contrariorum combinatione, & adversantium concordia discordia: Sicut Pictura venustas,*

nustas, ex umbræ, & lucis, diverforumque colorum grata commixtione, & temperamento confurgit: & sicut Musica ex dissimilium vocum consonantia suavius aures demulcet.

Obijciunt Stoici apud Lactantium lib. 1. de Ira Dei cap. 13. *Quæ tandem utilitas potest in muribus, in blastis, in serpentibus reperiri, quæ homini molsta, & perniciofa sunt? An medicina in his aliqua lateat? Quæ si est, invenietur aliquando: Neque adveniens mala... Viperas ferunt existam in cineremque dilapsam, mederi ejusdem bestie morsui. Quantum mihi fuerat eam prorsus non esse, quam remedium contra se ab ipsa desiderari?*

Respondet Lactantius ibidem Deum idcirco plura homini nociva creasse ut homo sapientiæ à Deo indita exerceendæ locum haberet: *Proposuit ei, inquit, bona, & mala, quia sapientiam dedit, cujus omnis ratio in discernendis malis, ac bonis posita est; non potest enim quisquam eligere meliora, & scire quid bonum sit, nisi sciat simul rejicere, ac vitare quæ mala sunt... Ergo scitis bona innumerabilia data sunt homini quibus frui posset; sic etiam mala quæ caveret. Nam si malum nullum sit periculumque; nihil denique quod ledere hominem possit, tollitur omnis materia sapientiæ, nec erit homini necessaria: positis enim tantummodo in conspectu bonis quid opus est cogitatione, intellectu, scientia, ratio ne... Videt ergo magis propter mala opus bonis esse sapientiæ, quæ nisi fuissent posita, rationale animal non esset.*

Obijciunt 2. Epicurus ibidem: *Deus, inquit, aut vult tollere mala, & non potest: aut potest, & non vult; aut neque vult, neque potest: aut & vult, & potest. Si vult, & non potest, imbecillus est, quod in Deum non cadit: Si potest, & non vult, est invidus, quod æquè alienum à Deo: Si neque vult, neque potest; & invidus, & imbecillus est, ideoque, neque Deus. Si vult, & potest, quod solum Deo convenit: unde ergo sunt mala, aut cur ea non tollit?*

Respondet ibidem Lactantius: hoc equidem argumentum ita plerofque philosophorum urgere, ut eorum nonnulli Deum nihil curare fateantur, verum facile dissolvitur, *Deus enim, inquit, potest quicquid vult, & tamen imbecillus, vel invidus in eo nulla est, potest igitur mala tollere, sed non vult, nec ideo tamen invidus; idcirco enim non tollit, quia & sapientiam (sicut docui) simul tribuit, & plus boni, ac jucunditatis in sapientia, quam in malis movet. Sapientia*

enim facit, ut etiam Deum cognoscamus, & per eam cognitionem immortalitatem assequamur, quod est summum bonum. Itaque nisi prius malum agnoscerimus, nec bonum poterimus agnoscere: Sed hoc non vidit Epicurus, nec alius quisquam: Si tollantur mala, tolli pariter sapientiam, nec ulla in bonis virtutis remanere vestigia, cujus ratio in sustinenda, & superanda malorum acerbitate consistit.

Quæres an mundus esset perfectior, si nulli in ipso essent naturæ, & morum defectus.

Negat S. Bonaventura in 1. dist. 46. qu. 6. art. 1. & cum eo plures alii Theologi Principes. Rationem profert: *Quia multa bona Deus fecit, & facta sunt, quæ non essent facta, nisi peccatum præstisset occasionem, sicut illa quæ gesta sunt in nostra reparatione: tamen sine his omnibus esset universum completum. Et cum quævisset an pulchritudo præsens Universi præster pulchritudini ejusdem sub statu innocentie si perseverasset: Concludit præsentem decorem præcellere, Et ratio hujus est, inquit, quia vis divina eliciens bonum ex malo, præpotens est malo: & ideo bonum quod inde elicit prævalet bono quod malum corrumpit; & ideo plus valet Unversum nunc, quam valuisse tunc... Exemplum est de scybo sano, qui frangitur, & religat: r. filo argenteo, vel auro, quia melior est post, quam ante; non ratione fractionis, sed ratione religionis.*

Confirmatur ex sancto Augustino in Enchiridio cap. 10. & 11. Ex omnibus, inquit, consistit Universalis admirabilis pulchritudo, in qua etiam illud quod malum dicitur bene ordinatum, & suo loco positum eminentius commendat bona, ut magis placeant, & laudabiliora sint dum comparantur malis. Nec enim Deus omnipotens (quod etiam infideles fateantur rerum cui summa potestas) cum summe bonus sit, ulla modo sincerè mali esse aliqua in operibus suis, nisi usque adeo esset omnipotens, & bonus, ut beneficeret etiam de malo: quibus verbis sanctus Augustinus nedum naturæ, sed & morum defectus atque conferre ad Universalis decorem, ut inde magis illius pulchritudo appareat. Idipsum luculenter expendit S. Anselmus in elucidario, ubi de malis Angelis ita loquitur; *Cum Deus præficeret eos tales futuros, quare creavit eos? Respondet propter ornatum*

ſui operis, ut enim poſſet nigrum colorem ſubſternit, ut albus, vel ruber pretioſior ſit: ſic collatione malorum juſti clariores ſunt.

Dices: Exinde tantum ſequi univerſum eſſe præſtantius ſecundum apparentiam, non autem ſecundum existentiam, videlicet quatenus clariuſ clucent bona comparatione malorum: Ergo ſimpliciter, & ſecundum rei veritatem Univerſum non debet cenſeri præſtantius ex morum, & naturæ defectibus.

Nego antecedens. Mala namque juxta bona poſita illa commendabiliora exhibent, non tantum ſecundum apparentiam, ſed etiam ſecundum existentiam duplici ratione. Primo quia plura bona ex illis defectibus colliguntur; cujuſmodi ſunt manifeſtatio divinæ Miſericordiæ, Juſtitiz, Sapientiz, &c. nec-non & præcellentes Chriſtianæ Religionis virtutes, poenitentia, martyrium, & eximie Charitatis exercitia. Secundo quoniam ipſamet apparentia conducit ad existentiam, & rei veritatem, quatenus ex illis defectibus homines nituntur perfectionem Evangelicam aſſequi quæ in humilitate, & animi demiffione maxime elucet.

Dices 2. Bonum quo illi defectus priant, eſt majoris perfectionis, quàm ſit bonum, quod eorum defectuum occasione comparatur: Ergo præſtantius eſſet univerſum ſine illis defectibus. Antecedens probatur, quoniam innocentia eſt majus bonum quàm poenitentia.

Nego antecedens, & ad ejus probationem dico, quòd eſſi innocentia ſecundum ſe conſiderata majus ſit bonum; nihilominus in ordine ad Univerſum, & ad ejus integritatem, ſuavitatem, ordinem, æ proportionem, majus bonum eſt collectio multarum virtutum, & donorum, quæ non exiſterent, ſi tales defectus non adſuiſſent.

QUÆSTIO QUARTA.

An, & quomodo Deus rebus creatis immediate provideat.

Cum divinæ Providentiæ quadruplex munus, & opus diſtingui poſſit, nimirum Creaturarum conſervatio, cum eiſdem agentibus cooperatio, earumdem debitum in ſinem ordinatio, hujus ordinationis executio; quaeritur in præſentia-

rum an hæc quatuor munia Deus per ſe, & immediate obeat: An verò aliquam creaturam in ſortem, & partem aliquis ex his muneribus obeundis aſſumat.

Notandum 1. Certum eſſe Deum res omnes immediata ſua virtute condere; quamquam enim quibuſdam Creaturis ad aliarum formationem, & generationem utatur; nihilominus immediatum in eas habet ſuæ virtutis influxum, ut indicant omnes illi Scripturæ textus, qui Deum rerum omnium Authorem, & Artiſtæ diſerte pronuntiant. Sic Job. 10. *Manus tuæ Domine fecerunt me, & plasmaverunt me totum, &c. Pf. 138. Tu formaviſti me, & poſuiſti ſuper me manum tuam. Jeremiz 1. Priuſquam te formarem in utero:* Unde merito inviſiſſima illa ſeptem Machabæorum mater, filios ad generoſe martyrium obeundum adhortans ita ſatur: *Nefcio qualiter in utero meo apparuiſſis: neque enim ego ſpiritus, & animam donavi vobis, & vitam, & ſingularum membra non ego ipſa compegi: ſed enim mundi Creator, qui formavit hominis nativitatē, quippe omnium invenis originem.*

Notandum 2. Certum eſſeretur omnium ordinationem in ſinem ipſis congruum eſſe immediate à Deo; Providentiæ enim, ut diximus cum Poetico, eſt ipſa illa divina ratio in ſummo omnium Principe conſtituta qua cuncta diſponit; adeoque ordinatio illa eſt actus internus divinæ voluntatis, & conſequenter immediate ab ipſo Deo proficiſcitur; Deus namque immediate, & per ſe ſolum propoſuit ſibi fines quos voluit; & ad eos conſtituit, atque decrevit media, vel quaſi media, quæ elegit, aut permittit. Certum pariter illum non omnia per ſe ſolum exequi, ſed ad quædam adjungit ſecum concurſum aliarum cauſarum, ſive quòd ita neceſſarius ad opus videatur illarum cauſarum concurſus, ut reſpiratione, & nutritio ad conſervationem vitæ: Sive quia ex liberalitate dignatur rationem cauſæ rebus communicare, eaſque in partem gubernationis, & executionis aſſumere. Qualiter autem id fiat, & quibus rebus utatur ad aliarum conſervationem hic erit reſolvendum.

Notandum 3. Quòd eſſi certum ſit Deum rebus omnibus providere, nihilominus non eadem de rebus ſingulis eſt ipſi cura, nec eadem eſt ordinatio; Duplex enim ipſius diſtingui poſſeſt Providentiæ, nimirum *ſufficientis, & Favorabilis;* Prior dicitur qua

qua Deus res omnes ordinat in finem congruum à sua Sapientia designatum, sive interim finis ille cedat in bonum privatum ipsius rei quæ ordinatur, sive in bonum Universi, aut alterius specialis Creaturæ, ad cuius utilitatem, aut decorem talis fit ordinatio. Posterior verò dicitur qua Deus res aliquas ordinat ad bonum suum privatum, & ad finem ipsis convenientem, & favorabilem. Certum est autem Deum ita favorabiliter rebus quibuscumque non providere; quædam enim sunt quæ cum proprio dispendio ordinantur ad alias, ut cibum, & potus ad nutritionem animalium, & ipsa bruta animantia ad hominum utilitatem; & commodum: Unde solis Creaturis intellectuales favorabiliter providere dicitur, eas namque solas ordinat in finem ipsis convenientem, & favorabilem, nempe ad vitam æternam.

His prænotatis tria sunt resolvenda. Primum: An Deus verè immediatè, & per se conservet Creaturas. Secundum: An per se, & immediato concursu cum eis agentibus operetur. Tertium: Quibus Creaturis utatur ad aliarum conservationem, & directionem in finem. Nimirum an inferiores superioribus, an verò superiores inferioribus interdum subserviant.

CONCLUSIO PRIMA.

Divina Providentia per se, & ex sua ratione formali res omnes conservat tanto tempore, quanto iudicat esse congruum. Probatur hæc conclusio primò quidem ex illo Sapientiz 11. *Quomodo autem pisset aliquid permanere nisi tu voluisses? aut quod à te vocatum non esset conservaretur?* Vocatio autem hæc est illa ipsa divina jussio, qua rebus imperat ut conserventur, sicut, & imperavit ut fierent, juxta illud *Vocat ea quæ non sunt tanquam ea quæ sunt.*

Illud ipsum disertè explicat S. Paulus Hebræorum 1. ubi de divino Verbo ita loquitur, *Qui cum sit splendor gloriæ, & figura substantiæ ejus, portansque omnia verbo virtutis sue; hoc est, ut interpretatur Magister sententiarum in commentario ad eundem locum, Portans, id est, continens, & gubernans omnia: Verbo, id est, solo imperio: Virtutis sue, id est, potentia, & charitatis sue, quæ non minor apparet gubernando quam creando.* Cui concinit Primasius: *Verbum Dei Patris, inquit,*

omnia quæ fecit verbo virtutis sue portat; hoc est potentia virtutis sue, & verbo jussio: sui omnia gubernat, & regit: non enim minus est gubernare mundum, quam creasse; nam in creando ex nihilo substantiæ rerum productæ sunt; in gubernando verò ea quæ factæ sunt, ne ad nihilum redeant continentur. Vel ut melius ibidem interpretatur sanctus Thomas, *Verbo virtutis sue, id est, sapientia, quod est Verbum omnipotens.*

Denique idem Apostolus ad Colossenses 1. ait: *Omnia per ipsum, & in ipso creata sunt; & ipse est ante omnes, & omnia in ipso constant, hoc est ut interpretatur sanctus Anselmus ibidem, Omnia in ipso constant, quia sicut omnia creavit, sic omnia continet, & regit. Omnia in ipso constant, quia secundum immensitatem incircumscriptam, & incomprehensibilem Divinitatis ejus omnia sunt intra ipsum, & ne in nihilum redeant per illum consistunt:* Scilicet ut expendit sanctus Chrysostomus homilia 3. *Non solum ipse ea, ex nihilo ad hoc ut essent, produxit; sed & ipse idem ipse nunc quoque ea conservat, & tutatur; ita ut si ipsius cura desisterentur, non petirent, & corrumperebantur.*

Eadem veritas ratione probatur: Eo modo ratiocinando est de rerum conservatione quomodo de ipsarum creatione: Sed creationis solus Deus est author, & Opifex: Ergo pariter & conservationis. Major est Doctoris subtilis, qui in secundum dist. 2. qu. num. 9. dicit cum S. Bonaventura conservationem esse continuam creationem; ita quòd eadem divina actio dicatur *Creatio* quatenus coexistit primo instanti existentie rei; dicitur verò *Conservatio*, in quantum coexistit aliis partibus temporis in quo res illa durat.

Deinde, Creaturæ essentialiter dependent à Deo; Sed ita non dependerent si solum ipsius influxu indigerent ad sui creationem, non verò ad sui conservationem: Ergo ad utramque divino influxu egent. Major patet. Minor probatur: Si tantum in primo suæ productionis instanti Creaturæ dependerent ab influxu Dei, sequeretur quòd per æternitatem illorum esse subsisteret independentem ab ipso divino influxu; & sic non essent ab eo essentialiter dependentes, sed tantum per accidens; nam dependentia secundum primum instans suæ existentie se habet per accidens ad existentiam, & durationem in sequentibus instantibus, vel in ipsa æternitate.

Denique, si res, maximè incorruptibiles, putà Angeli, & animæ rationales, non penderent à continuo Dei influxu in conservari, sequeretur Deum non posse illa destruere, & in nihilum deducere: Sed consequens est absurdum; Ergo & id unde sequitur. Sequela patet, illa namque Creaturæ spirituales destrui non possunt per aliquod positivum repugnans earum vitæ, & subsistentiæ; quia sicut non pendent ab aliquo influxu creato, sic nec aliquid creatum potest earum esse destructivum: Restat ergo, quòd solum destrui possint per subtractionem concursus. Unde meritis Doctor in 4. dist. 1. qu. 1. n. 33. *Dico quid solius Dei est annihilare, quia annihilare non est agere positivum, sed non agere, id est non conservare; solius autem Dei est conservare totam creaturam, & totaliter.*

Dices: Effectus, & opera divine Providentiæ vegetioris sunt virtutis, & perfectioris entitatis, quàm opera, & effectus Creaturarum: Sed hæc non indigent continuo influxu sui opificis, domus namque subsistit etiam mortuo fabricatore; leo genitus non opus habet leone genitore ut subsistat, & filius vitam servat integram, etiam suo Patre extincto; Ergo nec illa conservatore egent.

Respondet 1. Non eandem esse rationem de efficacia, & operibus divine Providentiæ, & Creaturarum, illa namque est causa princeps fontalis, & prima, à qua creaturæ, quidquid activitatis, & virtutis habent, mutuantur; hæc verò sunt tantum causa subservientes, secundariæ, & minüs principales: Unde non mirum, si effectus qui earum quidem causarum influxum exigunt unà cum influxu causæ primæ ad sui productionem, illo ipso non egeant ad sui conservationem, quia subsistere possunt per solum influxum causæ primæ. Hinc non eadem est dependentia effectuum à causa prima, & secunda; ab hac enim solum dependent accidentariò, filius namque ab uno patre genitus potuit ab alio generari, & domus ab uno artifice extructa, etiam & ab alio constructi potuit: ab illa verò ita essentialiter dependent, ut nullatenus existent si Deus ad illarum productionem non concurreret. *Unde in forma*: Effectus divine Providentiæ sunt præstantiores effectibus Creaturarum, secundum præstantiores gradus perfectionis, concedo; totius namque mundi fabrica

longè excedit structuram cujuslibet famosissimi Palatii: Secundum minorem dependentiam, nego; quia effectus à divina Providentia essentialiter; à Creaturis verò solum accidentariò pendent.

Ex his collige Deum etiam per extraordinariam suam potentiam non posse aliquam Creaturam tantæ virtutis, & perfectionis producere ut independentem ab eius influxu subsistere queat, quia essentialiter est cuique Creaturæ ut à Deo pendeat, tam ad sui productionem, quàm ad sui conservationem.

Nec refert quòd Deus sit omnipotens; nam ut observat noster Alensis quæst. 26. membr. 5. art. 1. quædam sunt, quæ Deus efficere nequit, quæ magis divinam potentiam firmant, & commendant. *Unde*, inquit, quòd non potest peccare, quòd non potest facere aliquam Creaturam æqualem sibi, quòd non potest conferre Creaturæ, quòd sit sufficiens ad regendum se; non dat impotentiam Deo, sed magis potentiam. *Unde* sicut derogaret Potentia, quòd pauperet Creaturam aliquam à seip[s]a; ita derogat Sapientia, vel Bonitati, quòd ponat Creaturam esse sufficientem ad regendum sui. *Unde* quòd non potest Creatura se regere, non est de impotentia Dei, sed de impotentia naturæ; quæ tantam virtutem non potest capere.

CONCLUSIO SECUNDA.

Divina Providentia immediatè concurrat ad omnes Creaturarum operationes. Hæc conclusio jam satis superque probata manet rationibus Philosophicis in nostra Physica, agendo de concursu divino: & solum opus est Theologicis momentis illam firmare.

Eam itaque 1. probat sanctus Augustinus ex illo Christi Domini oraculo, *Pater meus usque modò operatur, & ego operor*. Quem textum sic expendit lib. 5. de Genesi ad litteram cap. 20. *Sunt*, inquit, qui arbitrantur tantummodò mundum ipsum factum à Deo, cætera jam fieri ab ipso mundo, sicut ille ordinavit, & iussit; Deum autem ipsum nihil operari: Contra quos profertur illa sententia Domini, *Pater meus usque modo operatur: Et nò quisquam putaret apud se illum aliquid operari, non in hoc mundo: Pater in me manens, inquit, facit opera sua: & sicut Pater suscitavit mortuos, & vivificavit, sic Filius quos vult vivificat, &c.*

dentis cogitatio maximam in periculis ingruentibus affert animi constantiam, & fiduciam. Cum enim Deus omnium, maxime Piorum curam habeat, & nihil sine ipsius nutu, & consilio fieri possit, non est quod timeamus, vel severitium hominum terribilimenta, vel Dæmonum insidias, vel quidvis aliud molestum à qualibet Creatura inferendum. Ipsa consideratione velut impenetrabili Clypeo armatus, & animatus Regius Vates aubat Psal. 28. *Dominus illuminatio mea, & salus mea, quem timebo? Dominus Protector vite mee, &c.* Et merito quidem ut expendit sanctus Augustinus, *Protegitur enim Imperator scutatus, & non timet, protegitur à mortalius mortalis, & securus est, protegitur mortalis ab immortalis, & timebit, ac trepidabit?*

ARTICULUS SECUNDUS.

De Prædestinatione Sanctorum.

Iam apertè satis ex præsentis Disputationis præludio liquet, quàm arduum quàmque cœcutientibus mortalium oculis impervium sit divinæ prædestinationis arcum. Enim verò *Quis novit sensum Domini?* Cur nullis existentibus meritis, nullis præviis adhuc operibus bonis, Jacob eligitur, reprobatur Esau? Cur Tyriis, & Sidoniis denegata miracula, quibus convertendi erant, & poenitentiam in cinere, & cilicio acturi, è diametro verò concessa Judæis pertinacibus, nullam exinde utilitatem percipientibus? Vel ut loquitur sanctus Gregorius lib. 29. moralium cap. 32. *Cur alius male vivens quid reseruetur ut se corrigat, alius bene quidem videtur vivere, sed in vita eò usque durat quoad in perversa præsumpat.* Alius catholica matris ventre eduit, juxta vite terminum erroris voragine devoretur, alius autem vitam suam in catholica pietate consumat, qui ortus in perfidia cum lacte matris hausserat virus erroris..... *Quis ergo ista judiciorum secreta cœlestium discutiat? Quis intelligat discretam æquitatis oculis lancem?*

Imo inquit sanctus Augustinus libr. 21. contra Faustum cap. 3. *Quandò convenientius, quandò accommodatius est modulo nostro expavescere illic ubi Paulus expavit, & exclamare: O altitudo divitiarum Sapientie, & Scientie Dei, quàm incomprehensibilia sunt judicia ejus, &c.* *Quandò melius est*

admirari, quod investigare non sufficit. Unde concludit Tractatu 52. in Joannem, *Non ergo me ad hanc penetrandam altitudinem, ad hanc abyssum descendiendum, ad inscrutabilia pertrahenda expellat: vosse Cbaritatis impingat, agnosco modulum meum, sentire mihi videor, etiam modulum vestrum, altius est hoc incrementis meis, & fortius viribus meis. Audivi Scripturam ammonentem, atque dicentem; Altiora te ne quaesieris, & fortiora te ne scrutatus fueris.*

Convenientius itaque nobis foret in hujus abstrusi, reconditque mysterii admiratione, quàm investigatione detineri. Verum quoniam liberè non patitur auspici laboris exitus, & summè necessaria his maxime temporibus dicendi materies, idcirco prævio Scripturarum lumine, affulgenteque sanctorum Patrum doctrina, ingentes, & innumeras propè de divina Prædestinatione Quæstiones suscipimus explicandas duabus in sequentibus Sectionibus, Quarum Prima aperiet existentiam, naturam, objectum, certitudinem, & concordiam divinæ Prædestinationis cum libertate creata. *Secunda* explicabit illos causas, effectus, & appendices.

SECTIO PRIMA.

De Prædestinatione generatim.

Prædestinationis vocabulum formatur à particula *præ*, & verbo *destino*. Particula autem *præ* significat, *Vel* antecessiorem actus intellectus prævidentis ad actum voluntatis ordinantis: *Vel* antecessiorem ordinationis decreti divinæ voluntatis destinantis homines ad gloriam æternam antecedenter ad prævisionem meritorum: *Vel* denique rectius, & verius, antecessiorem æternitatis ad tempus, seu æternæ Dei destinationis ad rem in tempore destinam.

Verbum autem *destino* triplicem pariter obtinet significationem, *Vel* enim idem significat, quod *designe*, sic de primis parentibus dicitur, Ecclesiastici 17. *Destinavit illis sortem veniatis.* Hoc est, veritatis prædicandæ munus imposuit: *Vel* idem quod *statuo*, ac *decremo*, sic 2. ad Cor. 9. *Unusquisque prout destinavit in corde suo.* *Vel* denique idem ac *mitto*, seu *dirigo*. Sic 1. Machab. cap. 1. *Destinaverunt aliqui de populo, & miserunt ad Regem.* S. Thom. 1. par. qu. 23.

De

Destinationem duobus prioribus modis usurpat, contenditque prædestinare idem esse, ac designare, aut transnittere aliquem in vitam æternam.

Noster verò Alenis, quem penè sequuntur omnes Theologi, destinationem usurpat tertio modo, i. quod *Prædestinatio* idem significet, ac statutum, decretum, seu propositum divinæ voluntatis, quo Deus ab æterno apud se statuit, & decrevit dare quibusdam Creaturis ratione predictis gratiam in præsentī, & gloriam in futuro. Et revera si res attentè ponderetur, perspicuum erit in præsentī negotio destinationem ita accipendam. Transmissio enim in vitam æternam, vel tantum est effectus temporalis, & executio Prædestinationis, vel saltem supponit propositum voluntatis divinæ, quo Deus apud se statuit aliquos esse transmittendos ad vitam æternam antequam de facto transmittantur. Hinc Ecclesia Lugdunensis in libro de tenenda Scripturæ sacre traditione, circa medium explicans illa verba Ezechiel. 24. *Dominus Deus exercituum decrevit, & quis poterit infirmare?* ait, *Quid est aliud decrevit, nisi prædestinavit, præfinit, statuit, præfixit, præordinavit? Ex quo manifestè intelligitur quid sit Prædestinatum videlicet, & præfinitum, statutum, præsum, præordinatum.* Constat itaque quæ sit vera, ac genuina Prædestinationis vocabuli significatio. Jam rem ipsam expendamus.

QUESTIO PRIMA.

An reverà aliqui homines à Deo necessario Prædestinentur.

Duplex in præsentī Quæstione proponitur difficultas. Prima quidem, an Deus reverà determinet, ac ordinet aliquam Creaturam ad finem aliquem supernaturalē beatum, & perpetuum. Secunda, an illa ipsa divina ordinatio ita sit necessaria, ut sine ea non possit Creatura rationalis præfarum finem assequi, quod ut percipiatur evidentius,

Notandum 1. Prædestinationem trifariam accipi. *Primo* quidem, quatenus significat quamlibet prædestinationem, seu præordinationem æternam rei cuiuscumque à Deo efficiendæ in certa temporis differentia, qua ratione S. Augustinus lib. de Prædest.

ea præcivit, quæ fuerat ipse facturus. Secundò, interdum usurpatur pro destinatione Creaturarum rationalium ad statum æternum, & immobilem, sive bonum, sive malum, sic S. August. in Enchiridio cap. 100. usurpat Prædestinationis vocabulum ad significandam sortem æternam Sanctorum, ac reproborum, *Deus*, inquit, *boni utens, & malis tanquam summè bonus ad eorum damnationem quos iuste prædestinavit ad penam, & ad eorum salutem, quos benignè prædestinavit ad gratiam.* Cui concinit Honorius Augustodunensis, dicens, *Nihil aliud est Prædestinatio, quam pro meritis cuiusque, vel ad gloriam, vel ad penam æternam Dei preparatio.* Necnon & Concilium Valentinum cap. 3. *Fidenter fateatur Prædestinationem Electorum ad vitam, & Prædestinationem Impiorum ad mortem.* Hæ autem duæ priores significationes, minus propriæ sunt, & à præsentī mysterio alienæ. Itaque strictius, & congruentius Prædestinatio significat æternam destinationem, vel transmissionem Creaturæ rationalis ad felicitatem perpetuam, quam sic definit S. August. lib. de Dono perseverantiæ c. 14. *Prædestinatio Sanctorum*, ait, *nihil est aliud quam præscientia, & preparatio beneficiorum Dei quibus certissime liberantur quicumque liberantur.* Inde

Notandum 2. Duplicem distingui posse Prædestinationem, Incompletam videlicet, & Completam. *Prima* est ad gratiam, & media supernaturalia ad æternæ felicitatis affectionem conducentia, quæ totum iterum distingui potest, quod duplex est ipsa gratia præordinata, & destinata. *Secunda* verò ad gloriam cuius possessio completa est hominis salus. Hanc utramque indigitat S. Paulus, primam quidem ad Ephesos cap. 1. ubi omnes Ephesos fideles ad quos scribebat, vocat à Deo Electos, & Prædestinatos, *Elegit nos*, inquit, *in ipso*, id est Christo, *ante mundi constitutionem, ut essemus Sancti, & immaculati in conspectu ejus, in caritate, qui prædestinavit nos in adoptionem per Jesum Christum.* Non quod reverà conferret Apostolus omnes Ephesos esse gloriam æternam infallibiliter adepturos; sed quod ad gratiam sanctificantem omnes essent ordinati, & prædestinati. *Secundam* verò tradit ad Rom. 8. dicens; *Quos præcivit, & prædestinavit, quos autem prædestinavit, hos & vocavit, &c.* quam pariter utramque prædesti-

nationem edocet S. Anselmus in præfata verba ad Ephesios: *Deus*, inquit, *præordinavit quod in tempore gratia aliquis a peccandis separaretur, & Justos, immaculatosque faceret. Præordinavit etiam quod & illos ad æternitatem perduceret. Harum prædestinationum alteram hic implet, quando Sanctos facit. Alteram in futuro complebit dando immortalitatem, & beatitudinem.* De utraque hæc prædestinatione querimus an sit admittenda.

Notandum 3. Prædestinationem varios habuisse existentie suæ Impugnatores, omissis enim omnibus illis divinæ Providentiæ infectoribus, necnon & Atheis, seu Politicis, qui negantes immortalitatem animæ, negant pariter prædestinationem ad gloriam, de quibus Sapientie 2. dicitur quod *Nescierunt Sacramenta Dei, nec superaverunt mercedem justitiæ, nec judicaverunt bonorem animarum Sanctorum.* Non defuerunt etiam ex Fidelibus, & Catholicis, qui Prædestinationem in Deo etiam negaverunt eo, quod arbitrarentur illam esse fatalem quandam necessitatem, quæ creaturam libertatem extingueret, & ad omne meritum viam præcluderet, ut colligere licet ex S. Aug. 2. de bono perseverantiæ cap. 14. Nec non ex sancto Prospero in responsione ad objectiones Gallorum cap. 1. ubi ait, *Qui Prædestinationis nomine fatum prædicat, tam non est probandus, quam qui fati nomine veritatem prædestinationis infamat.* Fati enim opinio vana est, & de falsitate concepta: Prædestinationis autem fides multa sanctorum auctoritate Scripturarum munita est, ut probabit

CONCLUSIO PRIMA.

Reverè admittenda est divina Prædestination, quæ nonnullæ Creaturæ rationales ad beatitudinem à Deo destinantur, & ordinantur ab æterno. Hæc debet de fide, & probatur variis Scripturæ textibus, Matth. 25. *Venite Benedicti Patri mei, possidete paratum vobis regnum,* &c. ad Rom. 8. *Quos præcavit, & prædestinavit, &c.* Ad Ephesios 1. *Prædestinavit nos in adoptionem filiorum Dei.* Actorum 13. *Crediderunt quotquot erant præordinati ad vitam æternam,* & alibi passim. Hanc eandem veritatem suis testimoniis, omnes sacri Doctores ubertim affirmant, ut patet in hujus disputationis decursu. Itaque

Probatur 2. Ratione Theologica: Præ-

destinatio ex S. Augustino lib. de prædest. Sanctorum cap. 17. est divina voluntas dandi gratiam, & gloriam, quas reverà Deus prædestinavit conferre in tempore: sed nihil Deus operatur in tempore, quod ab æterno facere non decreverit: Ergo Deus ab æterno decrevit dare aliquibus gratiam, & gloriam, adeoque aliquos prædestinavit.

Deinde, quoties aliquis non potest naturæ suæ viribus attingere finem suum, quem tamen assequitur, necesse est, ut ad eum finem ab alio transmittatur. Sed Beatitudo æterna est finis quem ex naturæ suæ viribus attingere nequeunt illi, qui ipsum assequuntur: Ergo necesse est, ut ad eum Deus illos transmittat, sicut sagitta, quæ seipsa dirigere non potest, sagittante indiget, ut in scopum mittatur, & dirigatur. Quæ similitudo non obscurè præsens mysterium indigat. Vates enim Regius loquendo de Ilectis, ait, *Sicut sagitta in manu potentis, ita filii excussorum.* Hoc est Filii Apostolorum, qui excussi, & percussi sunt ubique terrarum. Hinc Gennadius Episc. de Prædest. dicit illam esse quidem ab æterno. *Quamvis*, inquit, *in tempore fiat, eo quod Deus ad destinatum terminum mittat hominem, quemadmodum sagittarius sagittam in scopum emittit.* Cui concinit S. Ioh. 1. p. q. 3. art. 1. ubi prædestinationis necessitatem concludens, ait, *Ad illud ad quod non potest aliquid virtus suæ nature pervenire, oportet, ut ab alio transmittatur, sicut sagitta à sagittante mittitur ad signum.* Hæc autem actualis transmissio, Prædestinationem, seu decretum transmittendi Creaturam rationalem in vitam æternam supponit: Ergo, &c.

Denique ad Provisorum Universi pertinet, inquit Durandus in 1. dist. 40. qu. 1. conferre aliquibus de Universo remedia, vel auxilia quibus assequantur optimum finem, qui est intra ipsam Universalitatem entium, alioquin finis ille frustra possibilis esset Creaturis: sed optimus finis, qui est intra universalitatem entium, est vita æterna: Ergo ad Deum pertinet conferre aliquibus de Universo auxilia, quibus assequantur vitam æternam. Unde cum ratio donationis mediorum in Deo præexistens vocetur Prædestinatio, consequens est illam esse admittendam.

Dices 1. Creaturas rationis expertes Deus non prædestinat, nec ordinat per se ad finem

finem suum naturalem: Ergo nec ratione prædicas prædestinare, & ordinare debet ad finem supernaturalem.

Nego consequentiam, & ratio disparitatis est manifesta, siquidem Creaturæ in ordine naturæ consideratæ habent ex sua constitutione quicquid necessum est, ut natis suis viribus valeant assequi finem naturæ suæ limites, perfectiones, & caput non excedentem. Secus autem de Creaturis ratione præditis in ordine ad gloriam & beatitudinem æternam, quæ cum longè naturalem earum operandi virtutem excedat, ad eam nec dirigi, nec illam absque supernaturali auxilio assequi possunt, & idcirco necessum est, ut à Deo dirigantur, & juventur.

Instabis; Creaturæ rationales non sunt deterioris conditionis, quàm bruta animalia, & cætera quæque rationis expertia: sed hæc adæquatum, & quietativum, ac satiativum suum finem, nullo divinitus indito auxilio, sed ex se, & per se consequuntur: Ergo multò magis Creaturæ rationales ad gloriam æternam, quæ est earum finis adæquatus, & quietativus per se, & ex se ordinabuntur, nec consequenter egeant Dei ordinatione, & prædestinatione.

Nego consequentiam, Duplex enim Creaturarum rationalium finis distinguitur. Naturalis unus, isque vel corporeus, qui per rectam, & perfectam sensuum operationem comparatur, vel spiritualis, qui per veritatis contemplationem, & optimi delectationem obtinetur. Supernaturalis, qui est ipsa æterna, & jucunda Dei possessio. Ad prioris afflictionem sufficiunt equidem naturales hominis vires: sed ad posterioris possessionem omnino deficiunt cum sit ordinis naturæ vires excedentes. Cæteras objectiones solvet

CONCLUSIO SECUNDA.

Prædestinatio ita necessaria est ad salutem, ut nullus absque ea possit salvari. Hæc est contra Catharinum, qui lib. 2. de Prædestinatione cap. ultimo distinguit duo genera salvandorum, quorum eximit, putà beata Virgo, Apostoli, &c. à Deo quidem prædestinantur. Alii verò salvi sunt absque ulla speciali Dei prædestinatione, sed ad eorum salutem affirmat sufficere generalem Dei Providentiam super-
Frassen Teol. Tom. II.

naturalem, & voluntatem antecedentem salvandi omnes homines. Contra quem sentiunt nedum cæteri Doctores Scholastici, sed & reclamant sancti Patres, præsertim Augustinus, qui libr. 2. de bono Perseverantiæ cap. 9. disertè affirmat, *Neminem salvandum nisi qui fuerit prædestinatus*, Illud ipsum egregie probat lib. de Prædestinatione Sanctorum cap. 17. ex verbis Apostoli ad Rom. 8. ubi cum dixisset, *Electos esse de mundo, sed ante mundi constitutionem, ea vocatione, qua Deus id quod prædestinavit, implevit*: Subdit, *quos enim prædestinavit, ipsos vocavit, ipsa scilicet vocationem secundum propositum, non ergo alios, sed quos prædestinavit ipsos* &c. *vocavit, nec alios; sed quos ita vocavit ipsos* &c. *iustificavit, nec alios, sed quos prædestinavit, iustificavit ipsos*, &c. *glorificavit, illo utique fine, qui non habet finem*.

Quibus verbis S. Augustinus. apertè edocet eum solum fore glorificandum qui fuerit prædestinatus. Ipsi concinit sanctus Fulgentius de Fide ad Petrum cap. 35. dicens, *Firmissime tene, &c. nullatenus dubites omnes, quos vasa misericordiae gratuita bonitate Deus fecit ante constitutionem mundi, in adoptionem filiorum Dei prædestinatos à Deo, nec perire posse aliquem eorum, quos Deus prædestinavit ad Regna Cælorum, nec quempiam eorum, quos non prædestinavit ad vitam, ulla posse ratione salvari*. Ergo ex ejus mente constat ita necessariam esse prædestinationem, ut absque illa nemo possit salvari.

Probari potest hæc ipsa conclusio iisdem omnino argumentis, quibus firmata fuit præcedens; sed ultra his rationibus confirmatur. *Primo*, si ad salutem peccatorum sola sufficeret generalis Dei providentia supernaturalis, qua decrevit Deus singulis hominibus concedere media sufficientia, sequeretur ex parte Dei nullum fieri discrimen inter prædestinatum, & reprobum; sed tota inter utrumque discretio proveniret ex parte liberi arbitrii, & propria voluntate illius qui salvatur: at consequens est falsum: Ergo & antecedens. Major patet. Si enim Deus speciali aliquo suæ divinæ voluntatis actu non discernat prædestinatos à reprobis, evidens est, quòd illorum discretio aliunde sit repetenda, & consequenter ex parte solius voluntatis ejus, qui salvatur. Minor patet constare ex Apostolo 1. ad Corinth. 4. dicente, *Quis te discernit, &c.*

Deinde, si prædestinati solum habèrent

auxilia generalia, & sufficientia, nec Deus circa ipsos per actum consequentem sue voluntatis specialiter afficeretur, evidens est quod illi non eligerentur à Deo præceteris, imò ipsi potius Deum eligerent: sed id repugnat Christo dicenti Prædestinationis Joannis 15. *Non vos me elegistis, sed ego elegi vos.*

Denique, ex eadem sententia sequeretur, Deum specialem dilectionem non habere erga electos, nec particularem curam de illis gerere: at hoc repugnat Christi Domini Verbis Joannis 10. *Oves meæ vocem meam audiunt, & ego cognosco eas, & sequuntur me, & ego vitam æternam do eis, & non peribunt in æternum, & non rapiet eas quisquam de manu mea.*

Dices 1. Prædestinationis necessitas omnem solvit de procuranda, & firmanda salute vigilantiam, & curam, hominibusque imperitis, & pravis pessimam hanc ingerit sententiam, vel sum prædestinatus, aut non. Si sim, haud dubiè salvabor, nec proinde ulla mihi ultra debet esse de procuranda salute sollicitudo. Si non sim, irrita proflus erunt omnes curæ, & vacui labores de salute consequenda, quippe cum solus prædestinatus salvari possit: Ergo non videtur asserenda, nec prædicanda prædestinationis necessitas. Confirmat antecedens sanctus Augustinus libr. de prædestinatione cap. 15. exemplo Monachi, *Fuit, inquit, quidam in nostro Monasterio, qui corripientibus fratribus cum quædam non facienda faceret, & facienda non faceret. Respondebat, Qualiscumque nunc sim, talis ero, qualem Deus me futurum esse præcivit. Qui professus verum dicebat, & hic verò non proficiebat in bonum; sed usque adeò proficui in malum, ut de certa Monasterii societate, feret canis reversus ad vomitum suum, &c.*

Nego antecedens, Tamen enim abest, ut prædestinationis necessitas præfatam ingerat, & sumet sententiam, imò omnino solvit, & evacuat, siquidem Deus non prædestinat electos ad gloriam absque operibus, sed per opera bona comparandam. Quomodo enim non statuit finem concedere, nisi per idonea media, putà sanitatem per medicinam, victoriam per pugnam generosam, & stitutum, scientiam per assiduitatem in studiis, uberes messis fructus per agriculturam, sic & pravit, & constituit salutem æternam

consequendam per opera bona. Quapropter monuerat sanctus Petrus 2. c. 1. *Fratres magis satagite, ut per bona opera certam vestram vocationem, & electionem faciatis.... sic enim abundanter ministrabunt vobis introitus in æternum Regnum Domini nostri, & Salvatoris Jesu Christi.*

Addo quod ita prædestinetur à Deo falsus alicuius, ut etiam sub ordine prædestinationis cadat quicquid illum promovet ad salutem, Nam, inquit S. Gregorius lib. 3. Dialogorum cap. 13. *ipsa quoque præmi prædestinatio ita est ab omnipotente disposita, ut ad hoc Electi ex labore perveniant, quatenus postulando mereantur accipere, quod eis omnipotens Deus disponit donare.*

Hinc apparet, non idcirco tacendam esse Prædestinationis necessitatem, eoquod ex illa pravi, & indocti ansam vitæ solutioris arripiant, imò inquit S. Augustinus libr. laudato cap. 20. *Sicut prædicanda est Pietas, ut ab eo, qui habet aures audiendi Deus recte colatur, prædicanda est Pudicitia, ut ab eo, qui habet aures audiendi nihil genitalibus membris illicitum perpetretur, prædicanda est Charitas, ut ab eo, qui habet aures audiendi Deus, & proximus diligatur. Ita prædicanda est Prædestinatio beneficiorum Dei, ut qui habet aures audiendi, non in seipso, sed in Domino gloriatur.*

Dices 2. Si Prædestinatio esset ad salutem necessaria, sequeretur quod reprobis nullatenus posset salvari, & consequenter, quod ipsi non imputanda esset propria damnatio: at consequens videtur absurdum: Ergo & antecedens. Patet sequela majoris, cum enim decretum prædestinationis omnino sit invariabile, aperte constat reprobis non posse prædestinari, nec consequenter salvari.

Distingui majorem Doctor in 1. dist. 39. reprobis non posset salvari potentia consequenti, & in sensu composito, ac formali, hoc est, quatenus est formaliter reprobis, concedit. Potentia antecedenti, & in sensu diviso, quatenus nimirum in primo signo æternitatis ille, qui est reprobis propter prava opera mala, potuit fieri prædestinatus, quia pravius est ex libertate sua posse exequi opera bona ratione quorum posset prædestinari, negat. Hæc suis explicabuntur infra.

QUÆSTIO SECUNDA.

Quid sit Prædestinatio.

Notandum 1. Ex Doctore in 1. dist. 40. num. 1. Quod prædestinatio proprie sumpta, dicit actum voluntatis divinæ, vide licet ordinem electionis per voluntatem divinam alicujus Creaturæ intellectuæ, vel rationalis ad gratiam, & gloriam; licet posset accipi pro actu intellectus concomitante istam electionem. Nam ut observat S. Bonaventura ibidem qu. 2. Quoniam casualitas gratiæ, & gloria attribuitur proprie voluntati, ut efficiencie, scientiæ, ut disponenti, & potentie, ut exequenti. Ideo, etsi prædestinatio importet illa tria, tamen principaliter est in genere voluntatis, & ideo ab Aug. definitur prædestinatio per illa tria: Primo per illud, quod respicit potentiam; libro de Fide cap. 35. Prædestinatio est gratuita donationis præparatio: Secundò per illud, quod respicit scientiam, in libro de bono Perseverantiæ cap. 14. Prædestinatio est præscientia Beneficiorum Dei, quibus certissime liberantur, quicumque liberantur; Tertiò per illud, quod respicit voluntatem, & propriè in lib. de Prædestinatione Sanctorum; Prædestinatio, inquit, est propositum miserendi, &c. Unde Apostolus ad Ephesios 1. Prædestinatio secundum propositum ejus, qui operatur omnia secundum consilium voluntatis suæ.

Notandum 2. Ex nostro Alensi q. 28. art. 1. in voluntate prædestinantis tres reperiri actus, nimirum *Dilectionem*, *Electiõnem*, & *Prædestinationem*, qui actus nectum circa gloriam, sed etiam circa gratiam occupantur: Gratiæ enim, inquit, primò datur, postea habetur, & inde aliquis ipsa utitur: *Prædestinatio* autem spectat gratiæ collationem, unde dicitur præparatio gratiæ: *Dilectio* respicit gratiam habitam, bonum enim est ratio dilectionis: Cum itaque Deus diligit aliquem, videtur aliquod bonum esse in eo, ratione cujus Deus ipsum diligit, inde dicitur gratia gratum faciens: *Electio* verò connotat usum gratiæ; Electio enim est de duobus bonis propositis unus præ alio acceptio; Unde concludit aliud discrimen inter Prædestinationem, Dilectionem, Electionem, Vocationem, & justificationem; quod Prædestinatio simpliciter sit æterna, quia æternam Dei significat approbationem respectu boni: *Dilectio* autem, &

Electio tum temporales; tum æternæ sunt, quia eandem approbationem dicunt; sed non determinant eam; an videlicet sit respectu boni ab æterno, vel solum ex tempore: *Vocatio* autem, & *justificatio* determinant divinam approbationem respectu boni, quod confertur in tempore.

Notandum 3. Duplicem distingui posse Prædestinationem, unam quidem in *intentione*, aliam verò in *executione*: Prior efficaciter, & immediate respicit gloriam dandam hominibus, & ut finem consequendum per media. Posterior verò immediate spectat gratiam, & auxilia supernaturalia veluti media necessaria ad gloriam consequendam. Dixi *immediate*; ceterum enim est Prædestinationem utroque modo consideratam, tendere reipsa in gloriam, & gratiam; sed juxta nostrum modum intelligendi intentio gloriam, & executio gratiam immediate spectat. Inde invicem disceptant Auctores quænam earum rationem formalem prædestinationis complectatur. Quidam cum Ochamo in 1. dist. 40. q. 1. contendunt eam esse reponendam in sola voluntate conferendi gloriam; Aliquicum Durando ibidem dist. 41. quæst. 2. volunt eam statuendam esse in sola voluntate conferendi gratiam: Cæteri verò rectius cum Doctore censent Prædestinationem in suo conceptu formali utramque voluntatem conferendi gratiam simul, & gloriam involvere, quod ut pateat apertius, sit

CONCLUSIO PRIMA.

Prædestinatio formaliter sumpta, gratiam simul, & gloriam spectat. Hæc est Doctoris, ut patet in Conclusionem sequenti. Quod gratiam spectet; Probatur ex Apostolo ad Rom. 8. ubi disertè indicat Prædestinationem versari nectum circa gloriam, sed etiam circa media, quæ sunt vocatio, & justificatio; Quos, inquit, Prædestinavit, bonis & vocavit, &c. Et ad Ephesios 1. Prædestinavit nos in adoptionem filiorum Dei: sed adoptio fit per gratiam sanctificantem: Ergo, &c. Apertè id docuit Sanctus Augustinus locis jam supra laudatis, maxime in Enchiridio cap. 100. & de prædestinatione Sanctorum cap. 10. Nec non lib. de bono perseverantiæ cap. 14. ubi ait; Prædestinationem esse præparationem gratiæ, & beneficiorum Dei.

Quod etiam Prædestinatio formaliter gloriam

riam spectet, Scriptura sacra disertè testatur. Sic actorum 13. dicitur, *Crediderunt quotquot præordinati erant in vitam æternam*, Et Rom. 9. *Ut ostenderet divitias gloriæ suæ in vasa misericordiæ, quæ prædestinavit in gloriam*. Testatur & S. Augustinus nedum 15. de Civitate Dei cap. 1. ubi ait, *Civitatem Dei esse prædestinationem ad regnum Cælorum*. Sed etiam libro de bono Perseverantiæ cap. 14. affirmans Prædestinationem esse *Præparationem beneficiorum Dei, quibus certissimè liberantur quicumque liberantur*. Nemo autem perfectè liberatur ab omni miseria, donec gloriam fuerit affectus. Unde Concilium Trident. Sessio 6. cap. 12. & Canone 17. vocat *Prædestinationem ad vitam*, hoc est æternam & beatam. Hinc meritò concludit Fulgentius lib. 1. ad Monimum cap. 8. *Propterea, inquit, omnia, & vocationis initia, & iustificationis augmenta, & glorificationis præmia in prædestinatione semper Deus habuit*.

Probatur simul utraque pars, Prædestinatio est illa divina præordinatio, qua prædestinatus in vitam æternam dirigitur, & mittitur: at perfectæ missio, & directio, non solum finem, sed etiam media respicit: Ergo Deus prædestinando non solum gloriam, sed etiam gratiam spectat.

Dices, Quoties S. Augustinus Prædestinationem describit, toties meminit solius electionis, non quidem ad gloriam, sed ad gratiam. Unde moderni Doctores tria in Prædestinatione distinguunt, videlicet collationem donorum, & gratiæ, Præscientiam conditionalem, qua Deus prævidet hæc & illos perducendos ad vitam æternam, si talia illis conferantur. Et voluntatem, seu propositum ipsa dona conferendi, in quo maxime reponunt prædestinationis essentiam: Ergo Prædestinatio formaliter solam gratiam spectat.

Respondeo Sanctum Augustinum asserere quidem Prædestinationem esse gratiæ, & divinorum beneficiorum præparationem, non quod reverà conferet rationem formalem adæquatam Prædestinationis in sola gratiæ præparatione esse reponendam. Nullus enim media assumit, & præparat, nisi cum intentione assequendi finis; sed idcirco potius gratiæ, quàm gloriæ meminit, quia agebat contra Pelagianos, qui admitterebant quidem Prædestinationem ad gloriam, non verò ad gratiam. Censebant enim gloriam esse consequendam per ope-

ra moralia, & viribus naturæ. Unde ipsemet Augustinus lib. de vocatione Sanctorum, ait, *Prædestinatio est præparatio gratiæ in præsentia, & gloriæ in futuro*.

CONCLUSIO SECUNDA.

Prædestinatio rectè describitur à Doctore: in 1. dist. 40. nu. 2. *Electio Creaturæ intellectualis, aut rationalis ad gratiam, & gloriam*. Vel ut ipsemet ait in 3. dist. 7. qu. 3. *Prædestinatio est præordinatio alicujus ad gloriam principaliter, & ad alia in ordine ad gloriam*. Harum descriptionum veritas constat ex præcedenti Conclusione, idcirco sola explicatione indiget. Primò itaque Prædestinatio dicitur *Præordinatio, & Electio*. Prædestinati namque eliguntur, & præordinantur à Deo ab æterno, & sceruntur à Reprobis. Secundò additur *Creaturæ rationalis, & intellectualis*. Sola namque Creatura ratione prædita est objectum, & subiectum divini Prædestinationis, ut infra constabit. Subditur tandem *ad gratiam, & gloriam*. Prædestinatio enim formaliter utramque spectat, ut supra dictum est.

Dices, Prædestinatio solum beatificandos, & Justos spectat. Sed electio, & præordinatio, etiam spectat Impios, & Reprobos: Ergo incongruè Prædestinatio dicitur electio, & præordinatio. Minor patet, Joannis 6. *Nonne duodecim vos eligi, inquit Christus, & unus ex vobis Diabolus est?* Nec valet dicere illud esse intelligendum de electione temporali, Electio enim temporalis est signum electionis æternæ: Ergo vel utraque concordat, vel signum est falsum.

Responder Sanctus Bonaventura in 1. dist. 40. art. 3. qu. 2. Triplicem distingui posse electionem, *Est enim, inquit, electio secundum affectionem dilectionis, & secundum effectum finalis gratificationis, & secundum statum prælationis*. Prima est æterna, & est idem, quod prædestinatio. Secunda est temporalis, & signum primæ infallibile. Tertia simul et temporalis, nec est effectus, nec signum æternæ electionis, multi enim præsciuntur mali, & reprobi, & utinam non sint plures mali, quàm boni. Ad minorem dicit Christum loqui de electione Prælationis, quæ non solum Probos, sed etiam Improbos spectat, ideoque non est signum certum electionis æternæ.

Dices 2. Si nullus esset reprobis, esset Prædestinatio, non autem electio: Electio namque significat acceptionem unius præ alio: Ergo electio, & prædestinatio idem sonant.

Respondet ibidem Seraphicus Doctor Propositum, Prædestinationem, & Electionem non differre secundum rem, sed solum secundum rationem intelligendi: *Nam propositum*, inquit, *simpliciter dicit voluntatem faciendi aliquid; ille enim dicitur proponere, qui firmiter vult facere aliquid: Electio vero, & Prædestinatio addunt supra voluntati conceptionem: sed differenter, quia Prædestinatio addit ordinem, & directionem in finem: sed electio discretionem, sive separationem à suo supposito. Unde propositum dicit firmam voluntatis conceptionem, Prædestinatio cum conceptione dicit præordinationem, & Electio quandam discretionem, qua Prædestinati discernuntur à Reprobis. Hinc secundum conceptum nostrum, præcedit propositum, sequitur electio, deum prædestinatio. Unde in forma, si nullus esset malus non foret Electio, secundum rationem intelligendi, concedo: Secundum rei veritatem, nego: Unus enim, & idem actus entitativus divinæ voluntatis simul est propositum, electio, & prædestinatio; & tantum diversus concipitur secundum diversitatem nostri conceptus, & terminorum connotatorum.*

QUÆSTIO TERTIA.

Qualis sit actus divinæ Prædestinationis.

Sensus Quæstionis est, an divina Prædestinatio sit actus immanens, vel transiens; æternus, vel temporalis; liber, vel necessarius, ad quorum intelligentiam,

Notandum 1. Divinorum actuum aliose esse purè immanentes, alios purè transeuntes, alios verò immanentes secundum entitatem, sed connotantes objecta secundaria, & ad ea terminatos; Actus purè immanentes, sunt divina intellectio & volitio, qua Deus seipsum cognoscit, & diligit. Actus purè transeuntes ii sunt, qui in Creaturas refunduntur, quales sunt creatio, justificatio, & similes: Actus verò immanentes cum terminatione ad objecta secundaria, sunt actus quidem ab intellectu, & voluntate divina procedentes, qui

tamen à nobis intelligi nequeunt absque respectu ad objecta secundaria, quales sunt præscientia, prædestinatio, &c.

Notandum 2. prædestinationis æternitatem dupliciter spectari posse; *Primo* quidem inquirendo, an sit actus æternus à voluntate, vel intellectu divino elicitus; *Secundo* verò, an ita facta fuerit Prædestinatio in ipso primo instanti, & signo æternitatis, ut nihilominus coexistat singulis partibus temporis, ut nec sit præterita, nec futura; sed tantum præsens. Quod ut percipiat evidentius, *Rursus* observandum est, triplex distingui posse instans, nimirum æternitatis purum, instans temporis purum, & instans quoddam mixtum ex utroque, in quo scilicet explicantur actiones quædam præteritæ, præsentis, vel futuræ connotantes quidem instans æternitatis; sed quatenus illud instans coexistit variis temporis partibus.

Notandum 3. Quantum ad præsens institutum attinet, Duplicem distingui posse necessitatem, nimirum absolutam, & respectivam; *Prima* est, qua aliquid secundum se, & ex suis principiis constitutivis necessarium tale, vel tale esse dicitur, sic necessaria est Deo existentia, necessarium, ut homini sit animal rationale, &c. Si enim talis non esset, non foret homo. *Secunda* est, qua aliquid necessarium dicitur in ordine ad aliud; idque, vel simpliciter, ita quòd unum obtineri non possit sine alio; vel secundum quid, quando aliquid obtineri quidem potest sine alio, sed non cum tanta facilitate.

CONCLUSIO PRIMA.

Prædestinatio est actus immanens in Deo cum terminatione ad objecta secundaria.

*Probat*ur: Omnis actus divini intellectus, & divinæ voluntatis connotans respectum rationis ad extra, est actus immanens hoc exposito modo; sed prædestinatio est huiusmodi; Tum quia, ut probatum est, illa est reverà actus divinæ voluntatis; Tum quia prædestinatio non significat in Deo aliquid ipsi conveniens per modum actus primi, & essentialis, sed per modum actus ultimi, & vitalis, sicut tum intellectio, & scientia, volitio, & electio, ut ex ipsa vocis significatione, & omnium sententia constat. Tum denique, quia prædestinatio dicit in Deo quid liberum; Quid

quid autem denominatur liberum in Deo, convenit ipsi per modum actus immanentis; Ergo reverà Prædestinatio est actus immanens.

Dices: Prædestinatio formaliter est in prædestinato; Ergo non est actus immanens in Deo. Consequentia patet, quod enim est creatum formaliter, non est in Deo immanenter, & intrinsecè, sed solum denominativè & extrinsecè. *Antecedens* probatur; in eo formaliter est Prædestinatio, qui denominatur prædestinatus; Sed sola Creatura denominatur prædestinata; Ergo in ea sola est formaliter Prædestinatio.

Nego antecedens; Nec non & maiorem illius probationis; Creatura namque denominatur quidem prædestinata non formaliter, quasi prædestinatio esset forma ipsi inhærens; sed effectivè propter scilicet varios effectus, quos Prædestinatio in ipsa operatur; Unde Prædestinatio solum formaliter est in Deo, eumque prædestinantem formaliter denominat. Hinc prædestinationis vocabulum sumitur potius activè, quam passivè: hoc est, magis prædestinantem, quàm prædestinatum significat.

CONCLUSIO SECUNDA.

Prædestinatio est actus æternus, qui mensuratur instanti mixto, quatenus nimirum instans æternitatis coexistit variis partibus temporis. Hæc Conclusio duas habet partes, nimirum quòd Prædestinatio sit actus æternus, & quòd mensuretur instanti mixto.

Probat per primam partem. Primò quidem ex Scriptura ad Ephesios 1. *Elegit nos in ipso ante mundi constitutionem, ut effusum Sancti, &c.* Ubi particula ante denotat antecessionem temporis, & consequenter æternitatem; *Electio* pariter prædestinationem significat; nam subdit Apostolus, *qui prædestinavit nos*, utique tunc quando nos elegit; & infra, *Prædestinati secundum proposuitum eius, qui operatur omnia secundum consilium voluntatis suæ*; Sic pariter primæ ad Corint. 2. Sapiencia incarnata dicitur *Prædestinata ante secula in gloriam nostram*: Quos omnes Scripturæ textus sancti Patres quotquot de Prædestinatione disputant, de ejus æternitate interpretantur.

Probat per rationem: Nulla denominatio formalis Deo convenit in tempore, cujus res ipsa formaliter ei ab æterno non

competat: Sed Deus in tempore formaliter, & realiter denominatur prædestinans: Ergo reverà Prædestinatio ipsi ab æterno competit. *Major* patet; Deus enim omnino immutabilis est, non solum quantum ad entitatem; sed etiam quantum ad operationem intrinsecam. *Minor* etiam est evidens: Deus enim reverà in tempore denominatur prædestinans.

Dices: Prædestinatio est pars Providentiæ: At Providentia non est æterna, sed temporalis: Providentia enim est posterior creatione, quia rebus jam creatis consulit; Creatio autem temporalis est: Ergo & Prædestinatio.

Distinguo minorem: Providentia est temporalis secundum executionem, & actualement ordinationem rerum in suos fines, concedo: Secundum destinationem, & actum divinæ voluntatis, quo Deus rebus creatis ab æterno providet, seu apud se statuit se provisorum pro tempore, nego: Supra namque diximus Providentiam esse divinum propositum, & æternum, quo Deus apud se decrevit res creatas per media congrua in suos fines ordinaturum pro varia temporis differentia. *Adde* quod licet Providentia temporalis esset, nihilominus prædestinatio foret æterna; etenim particula *præ* significat antecessionem temporis, adeoque æternitatem, & abstrahit ab actuali existentia rerum quæ prædestinantur, & consequenter à temporali rerum duratione: Adeoque non est temporalis, sed æterna.

Dices 2. Quod importat, & significat ordinem ad aliquid temporale, etiam temporale est: sed prædestinatio est huiusmodi, significat enim transmissionem, & ordinationem prædestinati ad gratiam, & gloriam in tempore conferendam: Ergo est temporalis.

Distinguo maiorem. Quod importat ordinem tantum actualement ad rem solum actu existentem temporale est, concedo: Ad rem in tempore futuram, & exituram, nego. Prædestinatio autem dicit equidem ab æterno ordinem ad rem in tempore futuram, non autem actu existentem; adeoque non minus est æterna, quàm sunt ceteri divini intellectus; divinæque voluntatis actus, nimirum præsciencia, decretum, electio, quæ Creaturas in tempore exituras spectant.

Dices 3. Prædestinatio est præparatio mediorum

diorum ad salutem: Sed illa præparatio est temporalis: Ergo & prædestinatio.

Respondeo: Duplicem esse præparationem, *internam* unam in mente Cubernatoris, seu Provisoris, qui opus aliquod molendum mente concipit, & præparat media necessaria ad perficiendum; *Externam* alteram, qua de facto seligit media ad opus absolvendum, sicut artifex eligit lapides, ligna, &c. ad domum construendam. Prior potest esse æterna in mente æterni artificis: Posterior verò solum temporalis est: Prædestinatio autem secundum suum formalem conceptum est interna solum præparatio: Secundum verò executionem, etiam præparationem externam importat. Unde dici potest æterna simul, & temporalis: Æterna quidem formaliter, & secundum se considerata; temporalis autem solum denominativè, & juxta executionem, seu actualem applicationem gratiæ, & gloriæ.

Probatur secunda pars. Deus non prædestinat in instanti temporis tantum, quia prædestinatio est æterna, nec in instanti æternitatis puro, quia soli actus ad intra mensurantur illo instanti: Ergo necessum est ut prædestinatio fiat in instanti mixto, quod scilicet æternum sit, sed correspondens variis temporis differentiis præteriti, præsentis, & futuri: Deus enim unico, ac simplici, & indivisibili actu voluntatis suæ dicitur simul prædestinasse, prædestinare, & prædestinaturus, eo quod ille ipse actus æternus Prædestinationis unicus, & simplicissimus, cum æternus sit, varias temporis differentias involvat, & completatur. Quæ rursus evidentius patebunt in sequentibus.

CONCLUSIO TERTIA.

Actus divina Prædestinationis nedum est liber, verum etiam contingens, licet etiam sit necessarius, non quidem necessitate absoluta, sed respectiva. Hæc Conclusio quatuor involvit partes, quarum duæ priores probantur simul à Doctore Subtili qu. ultima Prologi, & in primum dist. 8. qu. ultima, ubi docet omnem actum divinæ voluntatis respicientem Creaturas, esse contingentem, & indifferentem indifferentia contradictionis. Cujus veritatis rationem subdit, quia Deus liberrimè prædestinat, & tanta cum indifferentia ut potuisset non

prædestinare, si ita voluisset: Quod aperte indicat S. Paulus ad Epheios 1. dicens, *Prædestinati secundum propositiu ejus, qui operatur omnia secundum consiliu voluntatis suæ.* Quibus verbis liberam Dei voluntatem maximè prædestinando significat; & quidem reverè, maximè namque cernitur libertas divinæ voluntatis in Prædestinatione; quia non solum liberum ei fuit prædestinare, aut non prædestinare; sed etiam prolibera voluntate sua hunc potius quam illum, prædestinavit. Hinc actus prædestinationis ab Apostolo vocatur interdum bona voluntas, propositum, electio, consiliu, voluntatis, & alia similia, quæ indicant illum actum esse omnino indifferentem, liberum simul, ac contingentem.

Dico liberum simul, & contingentem, ut actus divinæ prædestinationis distinguatur ab illis actibus divinæ voluntatis purè immanentibus qui liberi quidem sunt, non tamen contingentes, sed absolute necessarii, quales sunt, v. g. Actus amoris quo Deus seipsum diligit, & actus spiritalis quo Pater, & Filius producant Spiritum sanctum: Prædestinatio autem non est hujusmodi, licet enim sit libera, nihilominus est contingens.

Patet etiam tertia, & quarta Pars: Tertia quidem, quia non fuit absolute necessarium Deum aliquem prædestinare, sed ut modo diximus Creaturas ad gloriam æternam ordinat pro libito, & beneplacito suæ divinæ voluntatis. Quarta similiter, Necessarium enim erat, ex hypothesi, quod Deus conferre voluerat dona gratiæ, & gloriæ quibusdam Creatoris intellectualibus, hanc collationem, & ordinationem decerni ab æterno: Hoc autem decretum dicitur prædestinatio, adeoque est necessaria necessitate respectiva; videlicet in ordine ad gratiam, & gloriam quæ sunt ejus effectus. Hinc S. Augustinus lib. de bono Perseverantiæ cap. 13. affirmat Prædestinationem ita esse necessariam, ac est ipsa Dei præsentia.

QUESTIO QUARTA.

Quodnam sit objectum divina Prædestinationis.

Sensus Questionis est an sola Creatura rationalis tam Angelica, quam humana propriè prædestinati possit.

No.

Notandum 1. Aliquid dici posse prædestinatum duobus modis, scilicet vel ad entitatem, & existentiam, vel ad perfectionem consequentem suum esse. Priori modo, quæcumque decernuntur à Deo, ut aliquando existant, & producantur, dici possunt prædestinata, quia prius decernuntur, & destinantur à Deo, quam fiant, qua ratione S. Augustinus lib. de Prædestinatione sanctorum cap. 10. ait: *Prædestinatione novus Deus quæ fuerat ipse factus.* Quò fit ut Creaturæ omnes dici possint prædestinatæ, sed in latiori, & impropria usurpatione hominis prædestinationis; verius enim, & rectius dici possent prædestinatæ, & decretae quàm prædestinatæ. Posteriori modo illa dicuntur prædestinata, quæ sunt præordinata ad aliud tanquam ad aliquem terminum sui perfectivum; sic homines, & Angeli dicuntur prædestinati, quia ordinantur ad gratiam, & gloriam, quibus maximè perficitur Angelica simul, & humana natura.

Notandum 2. Certum esse Prædestinationem non spectare Personas, aut Proprietates divinas: Hæc enim Deo non competunt liberè, sed omnino necessariò; nec per liberam voluntatem, sed per essentiam, & naturam: Quæ autem prædestinantur, pendent ex libera voluntate Dei: Unde egregiè S. Augustinus tractatu 185. in Joannem, declarat qualiter Filius Dei prædestinatus simul, & non prædestinatus dicitur: *Rectè, inquit, dicitur non Prædestinatus secundum id quòd est Verbum Dei Deus apud Deum; ut quid enim prædestinaretur cum jam esset quòd erat, sine initio, sine termino sempiternus?* Hoc est, cum ab æterno, & ex propria natura sit beatus, ad ipsam beatitudinem libera electione non potuit destinari: Dicitur tamen prædestinatus quatenus est Verbum incarnatum, & ratione unionis hypostaticæ cum natura humana, ad quam fuit ab æterno destinatus: Unde subdit ibidem, *Quisquis Dei Filium prædestinatum negat, hunc eundem Filium hominis negat:* Sola itaque superest difficultas de natura intellectuali creata Angelica, & humana.

Notandum 3. Nostrium Alensem 1. p. q. 28. membr. 1. art. 4. sentire Angelos beatos, propriè dicta Prædestinatione non fuisse ad gloriam æternam destinatos: Ibidem enim distinguit duplicem Prædestinationem, *Communem* unam, quæ dicitur præscien-

tia beneficiorum Dei, & præordinatio licitur ad gloriam: *Specialem* alteram, quæ dicitur propositum miserendi, & præparatio gratiæ in præsentì, & gloriæ in futuro: Cum autem, inquit, in Angelis beatis non fuerit miseria, ideo nec propositum miserendi dicitur respectu illorum: nec etiam in ipsis antecessu gratiæ ad gloriam: sed status humanus fuit duplex, scilicet ante peccatum, & post peccatum: Secundum quòd ante peccatum dicitur prædestinatio, preparatio gratiæ in præsentì, &c. sed post peccatum dicitur propositum miserendi: An autem hæc veritati consonent, resolvit

CONCLUSIO UNICA.

Sola, & omnis natura intellectualis tam Angelica, quàm humana est obiectum propriè dictæ Prædestinationis. Hæc Conclusio duas habet partes; quarum

Probatur 1. Divina prædestinatio est actus liber, & contingens quo aliquid ordinatur ad gratiam in præsentì, & gloriam in futuro possidendam: sed hic actus nihil aliud habere potest pro obiecto suo, quàm naturam creatam intellectualem: Ergo hæc reverà est obiectum divini prædestinationis. *Major patet* ex dictis. *Minor etiam constat* quoad primam partem ex secundo Notabili, in quo evidens est nihil divinum habere rationem prædestinati, adeoque quidquid prædestinatum dicitur, necessariò debet esse creatum. Constat etiam quantum ad secundam partem; Illamque natura sola ordinari potest ad gratiam, & gloriam, quæ uti potest ipsa gratia, & frui gloria; sed sola natura intellectualis hæc præstare potest, usus namque gratiæ maximè sit per operationes intellectus, & voluntatis, sicut & ipsa gloriæ fruitio, quæ necessariò supponit visionem beatificam, & in amore formaliter consistit: Ergo, &c.

Dices: Illa Creatura prædestinari potest, quæ potest elevari ad finem aliquem supernaturalem; Sed quælibet creatura etiam rationis experts, elevari potest ad finem, & effectum aliquem supernaturalem; sic aqua baptismalis ordinatur ad eluendum peccatum originale, & gratiam sanctificationem conferendam, idque ab æterno: Deus enim ab æterno decrevit, & ordinavit Sacramenta omnia, eorumque efficacitatem, & effectus destinavit: Ergo non
sola

sola Creatura intellectualis est objectum prædestinationis.

Nego majorem: Non enim omnis æterna ordinatio Creaturæ ad effectum supernaturalem censeretur debet ipsius prædestinatio, quia talis ordinatio ad supernaturalem effectum non fit tanquam ad ultimum finem illius rei; imò res ipsa ad illum finem supernaturalem ordinatur tanquam medium deserviens homini ad consequendum suum finem ultimum ad quem ab æterno destinatur, in quo maxime posita est ratio formalis prædestinationis: Hæc enim dicit ordinationem efficacem rei, quæ prædestinari dicitur ad suum finem ultimum consequendum, & idcirco soli Creaturæ intellectuali propria est.

Probat etiam secunda pars: Omnis illa natura est objectum prædestinationis, quæ capax est usus gratiæ, & fruitionis gloriæ: Sed talis est omnis natura intellectualis, tam Angelica, quam humana, ut constat: Ergo reverà omnis natura intellectualis potest esse objectum divinæ prædestinationis.

Dices: Prædestinatio est propositum miserendi ex S. Augusti. ab Alensi laudato: Ergo supponit miseriam: Sed Angeli Beati nullam unquam experti sunt miseriam, quia nullum admisserunt peccatum: Ergo Deus non habuit propositum miserendi, nec consequenter prædestinationem erga illos; adeoque dici nequeunt objectum divinæ prædestinationis.

Respondeo 1. Præfatam prædestinationis definitionem apud S. Augustinum non repetiri, idcirco non est magnificienda. *Secundo,* Respondeo duplicem distingui posse prædestinationem, unam quidem ordinativam ad bonum; & aliam verò erectivam à malo, & liberativam à miseria. *Prima* cadit in Angelos, nec non & in Christum, & Beatissimam Virginem, in quibus nulla unquam fuit peccati miseria. *Secunda* verò respicit omnes, qui prius liberantur à peccato, quam destinentur ad beatitudinem.

Quæritur: An natura intellectualis seclusa sua personalitate possit esse objectum proximum Prædestinationis.

Affirmat Doctor in 3. dist. 7. n. 2. idque probat exemplo naturæ humanæ à Verbo divino assumptæ, quæ seclusa sua

personalitate ordinata fuit, nedum ad unionem hypostaticam, sed etiam ad gratiarum omnium plenitudinem, & super-excellentem gloriam: *Sicut enim,* inquit, *Deus potest omne bonum aliud à se diligere, non tantum suppositum, sed naturam; ita etiam potest alii à se præordinare, & præcipere bonum illi conveniens; & ita potest nature huic præcipere bonum illi conveniens, & ita potest illi præcipere unionem istam in ordine ad gloriam, & non personæ.* Confirmari potest, nam anima rationalis in Christo, seclusa propria personalitate fruitur Deo: Ergo ad talem fruitionem est prædestinata, adeoque natura separata à personalitate potest esse objectum prædestinationis. *Deinde,* gratia, & gloria sunt habitus, & effectus voluntatis dependentes à suis potentiis: Ergo cum tales potentiz, & natura à qua effluunt existere possint sine personalitate propria, poterit Deus ipsam naturam, ipsamque voluntatem ad habitus supernaturales, nec non & ad gratiam, & gloriam prædestinare.

Dices: Usus gratiæ, & fruitio gloriæ, ut mox diximus, fiunt per actus intellectus, & voluntatis; sed actiones sunt suppositorum: Ergo cum natura seclusa personalitate non possit operari, nec consequenter uti gratia, & frui gloria, ita nec poterit prædestinari.

Distinguo minorem: Actiones sunt suppositorum denominativè, concedo, hoc est denominant supposita in quibus recipiuntur eo modo quo accidentia denominantur solent non solum principium à quo fiunt, sed etiam subiectum in quo recipiuntur, quia ratione totus homo dicitur videns licet visio tantum ab oculo formetur: Actiones sunt suppositorum elicitive; hoc est, eliciuntur, & procedunt à suppositis tanquam à suis principiis operativis, & productivis, nego.

Adverius tamen, & admonet Doctor hæc de aliis à Christo esse dicta tantum de possibili, non verò de facto: *Verum enim est,* inquit, *quod in omnibus aliis ab ipso, prædestinatio respicit personam, quia in nulla alio præordinavit Deus bonum naturæ nisi præordinando bonum personæ; & ratio huius est, quia nulla natura prædestinabilis est non personata personalitate creata nisi illa; & ideo nec sic potest præordinari sibi bonum nisi ipsi.*

QUÆSTIO QUINTA.

An, & quæ sit Prædestinationis certitudo.

Notandum 1. Circa Prædestinationis certitudinem varios fuisse hæreticorum errores. Ex ea namque Prædestinationi fatalem quamdam necessitatem inducebant, qua omnino pessundaretur humana libertas, & bonis operibus via præcluderetur, utpote cum cujusque fors bona, vel mala irrevocabili decreto ab æterno firmata fuisset. Quam sententiam ut Presbyteri Massilienses declinarent, in aliam non minus erroneam lapsi sunt, affirmantes incertam adhuc fluctuare hominum sortem, neque quidquam circa eorum prædestinationem, aut reprobationem fuisse ab æterno definitum: *Nam si sic prædestinati sunt, inquit, (referente sancto Hilario Epistola ad S. Augustinum) ad miramque partem, ut de aliis ad alios nullus possit accedere; quod pertinet tanta extrinsecus corruptionis instantia? Id est quod pariter illud non accipiunt, ut eligendorum, rejiciendorumque esse definitum numerum velint.* Calvinus autem deteriori adhuc viam aggressus contendit libro 2. instit. cap. 24. §. 8. unumquemque fidelem posse, ac debere certa fide credere se esse prædestinatum. Quas omnes erroris caligines ut veritatis face depulsemus, tria maxime sunt in præsentī Quæstione resolvenda. 1. An ita certa, & invariabilis sit divina Prædestinatio, ut prædestinatorum nullus pereat. 2. An Deus certum prædestinatorum numerum sigillatim noverit, & ita definierit, ut nulli ei adici queat. 3. An iste numerus ita Deo soli sit compertus ut nulli mortalium nec in communi, nec in speciali pateat. Quæ ut fiant evidentiara,

Notandum 2. Certitudinem cognitionis, de qua maxime hic fit sermo, esse firmam adhesionem intellectus alicui propositioni, vel objecto propter motivum infallibile. Istud autem motivum in Deo nil aliud est quam ipsius divina Essentia, quæ cum sit omnis entitatis, & perfectionis Pelagus, etiam quodlibet ens complectitur, & repræsentat divino Intellectui; idque vel antecederet ad omne divinæ Voluntatis decretum, qualiter res purè possibiles exhibet: vel prævio, ac præsupposito decreto absoluto, aut conditionato; sicut Creatu-

ras absolutè, vel conditionatè futuras repræsentat, ut docuimus cum Doctore disput. de Scientia Dei.

Notandum 3. Res futuras posse nobis innotescere triplici via, nimirum vel per demonstrationem, qualiter Astrologi futuram eclipsum deprehendunt ex certa orbium cœlestium periodo, & invariato motu; vel per revelationem, sicut omnes Prophetæ res procul venturas Deo referante deprehenderunt, & annuntiaverunt: vel denique per quædam signa quibus rerum eventus conjicere, & veluti per emissos tenues quosdam radiolos inspicere licet. An autem aliquo ex his modis nostrum quilibet præsentire possit se in faciem prædestinatorum sortem annumerandum, hic resolvemus, sed prius sit

CONCLUSIO PRIMA.

Electorum Prædestinatio ita certa, & infallibilis est, ut eorum nullus perire possit. Hæc est de fide, eamque firmant varii Scripturæ textus; Sic Joannis 6. *Omne quod dat mihi Pater ad me venit.* Et tursus ibidem, *Hæc est voluntas Patris: ut omne quod dedit mihi Pater, non perdam ex eo;* Et cap. 10. *Oves mea vocem meam audiunt, & sequuntur me, & non peribunt in æternum, & non rapiet quisquam de manu mea;* Unde sanctus Paulus ad Rom. 8. *Quos prædestinavit, inquit, hos & glorificavit, nullam omnino exceptionem faciens inter prædestinatos, & glorificatos.*

Idipsum firmant sancti Patres, maxime Augustinus pluribi, sed præsertim lib. de correctione, & gratia c. 7. ubi de electis ait, *Horum si quis perit, fallitur Deus, sed nemo eorum perit, quia non fallitur Deus: horum si quisquam perit, vitio humano vincitur Deus: sed nemo eorum perit, quia nulla re vincitur Deus.* Similia habet pluribi. Cui concinit sanctus Fulgentius lib. de fide ad Petrum cap. 35. *Firmiter crede, inquit, & nullatenus dubites omnes, quos vasa misericordie Deus fecit gratuita bonitate ante mundi constitutionem in adoptionem filiorum Dei prædestinatos esse à Deo, neque perire posse aliquem eorum, quos Deus prædestinavit ad Regnum, neque quemquam eorum, quos non prædestinavit ad vitam ulla ratione posse salvari.*

Ratio hujus veritatis etiam est manifesta ex ipsa definitione prædestinationis, quæ inquit S. Augustinus lib. de bono per-

leve-

severantiæ cap. 14. *Est præparatio, & præscientia beneficiorum Dei, quibus certissimè liberantur quicumque liberantur; At non certissimè liberantur, si eorum quis perire possit. Ergo necessum est, ut quotquot prædestinantur, infallibiter vitam æternam obtineant.*

Deinde, perspicacissimè, & certò Deus novit, quæ futura sunt, omniaque in prospectu habet: Ergo pariter novit, qui sint in gratia sanctificante discessuri; quique in peccato mortali; adeoque certò novit, qui perpetuò beandi quive damnandi sint.

Denique, si prædestinatus fieri posset reprobis, maxime vel simul, & eodem tempore, vel diverso. Non primum, aliàs esset simul prædestinatus, & non prædestinatus, quod implicat; Non etiam secundum, aliquin Deus mutaretur, inciperet enim fieri reprobans, cum antea prædestinans extitisset.

Dices; Prædestinatus potest peccare mortaliter, moxque repentino casu ex improviso interire: Ergo etiam potest damnari.

Nego consequentiam; Nam ut sanctus Augustinus loquitur lib. 5. contra Julianum cap. 3. licet Prædestinati peccent mortaliter, nihilominus eorum nullus vitam finire potest absque penitentia, *Ex istonum electro,* inquit, *& prædestinatorum etiam, qui pessimam duxerunt vitam, per Dei benignitatem adducuntur ad penitentiam, per cuius potentiam non sunt huic vitæ in ipsa scelere perpetratione substracti; ut ostendatur & ipsi, & aliis coheredibus eorum, de quam profundo malo possit Dei gratia liberare. Ex his nemo perit quacumque ætate moriatur. Absit enim, ut prædestinatus ad vitam sine Sacramento Mediatoris finire permittatur hanc vitam.*

Dices 2. S. Petrus secunda Epist. c. 1. monet, *Salutate fratres, ut per bona opera certam vestram vocationem, & electionem faciat;* Ergo supponit non esse certam, & infallibilem Prædestinationem.

Nego consequentiam; Non enim ibidem loquitur de vocatione prædestinationis ad gloriam, sed de vocatione ad fidem, & iustitiam, cuius receptio, & conservatio penes arbitrium hominis est; Potest enim quisque pro libertate consentire gratiæ vocanti ad fidem, vel dissensire; Potest similiter fidem, & justificationem acceptam cum ipso gratiæ auxilio servare, & utram-

que per peccatum abicere; adeoque rectè monetur, ut per bona opera certam, ac stabilem hanc utramque vocationem faciat.

Vel distinguo; Monetur fideles, ut certam faciant suam electionem respectu Dei, quasi illa respectu divinæ cognitionis esset incerta, & indeterminata, nego: Respectu sui, ut nimirum ipsi aliquam habeant certitudinem, seu fiduciam per sua bona opera se esse de numero prædestinatorum, concedo: Cum enim certum sit neminem iustè operantem perire; tamdiu quisque confidere potest se esse inter prædestinatos computandum, quamdiu piè, iustèque vivit.

Urgetis; Qui non est prædestinatus revera potest prædestinari; Ergo non solum respectu nostri, sed etiam respectu Dei prædestinatio est incerta: Probat *antecedens* ex illo trito, & vulgari effato, *Si non es prædestinatus, fac ut prædestineris.* Quod videtur desumptum ex S. Aug. tract. 26. in Joann. ubi explicans illa verba, *Nemo potest venire ad me, nisi Pater, qui misit me, traxerit eum, ait, Quare illum trahat, & non illum trahat, noli velle judicare, si non vis errare: semel accipe, & intellige, nondum traheris; ora ut traharis.*

Distinguo antecedens; Qui non est prædestinatus incompletè, & secundum æternam designationem, qua perseverantes in gratia destinantur ad gloriam infallibiliter obtinendam, potest de novo ita destinari, nego: Qui nondum est prædestinatus completè, & secundum temporalem executionem prædestinationis, potest prædestinari, concedo.

Ad illud vulgare effatum dico, Non ita esse intelligendum, quasi quis possit sibi esse causa, ut prædestinetur, non enim potest sibi ipsi præparare media, & beneficia, quibus certissimè liberetur; sed quod possit esse causa cooperationis, & usus mediorum, sine qua cooperatio prædestinatio non esset completa. Quamquam enim Electio, & Prædestinatio ad gloriam sit æterna ex parte Dei, tamen non est completa ab æterno, sed ut compleatur requirit conditionem ex parte nostri, quam implere, vel non implere est in nostra potestate; ac proinde etiam est in potestate nostra efficere, ut prædestinatio nostra compleatur, ut suis infra probabimus. Quem loquendi modum approbat ipsemet sanctus August. lib. de Articulis

riculis sibi falsò impositis art. 12. *Quia præsciti, inquit, sunt casuri, non sunt præstina- ti: essent autem prædestinati, si essent reversuri, & in sanctitate, ac veritate mansuri.* Quibus defectum prædestinationis videtur refundere in defectum cooperationis; eo scilicet modo mox expresso.

Ad verba Augustini Respondeo, Illum non esse intelligendum de prædestinatione, qua Electi transmittuntur, & veluti trahuntur ad vitam æternam; sed de gratia illa efficaci, & eximia, qua inveterati quique peccatores interdum excitantur, & è peccatorum cœno ad innocentie splendorem evectuntur.

Dices Denique; Omnes Scolastici Doctores, maxime Subtilis in 1. dist. 40. *q. unica;* affirmant prædestinatum posse damnari; Ergo revera prædestinatio non est certa, & infallibilis.

Distinguit antecedens Doctor; Prædestinatus potest damnari in sensu diviso; ita quod, quem Deus prædestinavit potuit non prædestinare, quia liberè, & contingenter eum prædestinavit, concedit; In sensu composito, idest, qui prædestinatus est de factò, potest fieri reprobus, & damnari, negat. *Non enim, inquit, voluntas creata potest impedire ordinationem voluntatis divinæ; impediret autem si fieret propositum voluntatis divinæ, & oppositum eveniret per voluntatem creatam: Hoc autem est impossibile.*

Inflabis. Quidquid Deus unquam potuit, etiam nunc potest; sed ex concessis Deus potuit ab æterno non prædestinare Petrum, v. gr. Ergo potest etiam nunc non prædestinare, sicque illius prædestinatio non est certa.

Distinguo majorem: Quidquid Deus unquam potuit in sensu diviso, etiam nunc potest in sensu diviso, hoc est, si nondum sit determinatus, concedo: Quidquid in primo signo æternitatis potuit, & ante omne decretum, etiam nunc potest in sensu composito, & consequenter ad positum, & formatum decretum de refacienda, vel non facienda, nego; Sic antecedenter ad positionem decreti de mundo, concedo poterat non decernere mundi fabricam, ubi autem semel positum fuit tale decretum, jam amplius non potuit decernere mundum non esse condendum; alioquin esset mutabilis. Idem à simili dicendum de prædestinatione.

CONCLUSIO SECUNDA.

Numerus Prædestinatorum ita fixus est, & determinatè à Deo cognitus ut ipsi nihil adjici, vel ab eo detrahi possit. Hæc sequitur ex præcedenti, & colligitur ex Scriptura sacra Lucæ 10. *Gaudete, quod nomina vestra scripta sunt in libro vitæ.* Quod autem in eo libro scriptum est, determinatum est, & deleri nequit, ut constabit agendo de libro vitæ. Item Joan. 10. Christus confert se bono Pastori, qui cognoscit oves suas, & vocat eas nominatim; Unde Apostolus ad Timotheum 2. *Novit Dominus, qui sunt ejus:* Hinc Apocal. 7. Prædestinati dicuntur signati, *Audivi numerum signatorum; &c.* Quibus significatur prædestinatos à Deo distinctè, & definitè cognosci. Hoc ipsum disertè probat S. Aug. lib. de Correctione, & Gratia cap. 13. *De his loquor, inquit, qui prædestinati sunt in regnum Dei, quorum ita certus est numerus, ut nec addatur eis quisquam, nec minuat ex eis, Sic & S. Prosper secundo de vocatione Gentium cap. 33. Præscientia Dei falli non potest, inquit, nihil perdit de plenitudine membrorum Corporis Christi, & nullo detrimento minui potest summa præcognita.* Idipsum ratio suadet, si quis Prædestinatorum posset reprobari, & Reproborum prædestinari, sequeretur divinam præscientiam esse fallibilem, divinumque decretum esse mutabile. At utrumque falsum est. Ergo & illud unde sequitur. *Minor* constat, Si enim Prædestinatorum quis excideret, illius casus vel fuisset à Deo prævisus, vel non: Si non, Ergo manca, & imperfecta foret præscientia, quæ futurum non perciperet: Si sic, Ergo ille falsò fuisset prævisus, & prædestinatus; quippe cum salvus fieri non deberet.

Dices: Prædestinatus aliquis potest excidere, & alius in ejus locum suffici: Ergo non est determinatus, nec distinctè à Deo cognitus eorum numerus. Consequentia patet. Probatur antecedens ex illo Apocalyp. 3. *Tene, quod habes, ut nemo accipias coronam tuam.* Ex quo S. Augustinus lib. de Corrupt. & Gratia cap. 13. includit; *Quod alius non est accepturus, nisi perdidideris.* Cui concinit Glossa, & Alensis in hunc locum. *Si quis labitur, inquit, alius ex misericordia subintrabit, sicut per superbiam Judæorum subintravit Gentilitas:* Unde legitur de

Eccl.

Peato Francisco: quod quidam frater vidit in Cælo sedem vacuum, & ei responsum est, sedes ista de ruentibus fuit, & nunc humili Francisco setvatur. Confirmatur pariter ex illo Jobi 34. *Conteret multos, & innumerabiles, & stare faciet alios pro eis.*

Respondeo 1. Cum S. Thoma 1. p. qu. 23. art. 6. ad 1. *Coronam* usurpari posse dupliciter. *Primò*, pro gloria æterna, quam iustitiz coronam appellat Apostolus legitime ad finem usque certantibus repromissam: *Secundò* pro merito gratiz, quo quisque novum augmentum promeretur. Prior corona nec deperdi potest à prædestinato, nec ab alio accipi: *Qui enim perseveraverit usque in finem, hic salvus erit.* Posterior verò & deperdi, & ab alio accipi potest; Qui enim gratia concessa abutitur, aliis sibi paratis, & concedendis spoliatur, ut eis alius donetur, sicut apertissimè testatur Christus, tum Oraculis, tum Parabolis. Oraculis quidem, sic Matth. 21. Judæos alloquens ait; *Auferetur à vobis regnum Dei, & dabitur genti facienti fructus ejus;* Gentiles significans in sortem infidelium, & perduellum Judæorum substitutos. Parabolis verò, quarum famosissima est illa de servo inutili abscondenti, ac fodienti talentum in terram: *Præcipit enim Dominus ibidem cap. 13. Tollite ab eo talentum, & date ei, qui habet decem talenta; omni enim habenti dabitur, & abundabit: ei autem, qui non habet, & quod videtur habere, auferetur ab eo. Inutilem autem servum ejecite in tenebras exteriores.* Quibus apertè patet gratias paratas ab ingrato auferri, & fideli, ac vigilantissimo subministrari.

CONCLUSIO TERTIA.

Nemo cerè scire potest absque revelatione se inter prædestinatos esse computandum; sed tantum conjecturaliter, & per quamdam signa. Utraque Pars est de Fide definita in Concil. Trid. sess. 6. Can. 16. *Si quis magnum illud perseverantie donum se cerè habiturum absoluta, & infallibili certitudine dixerit, nisi hoc speciali revelatione audierit, anathema sit.* Idipsum probant Scripturæ sacræ Ecclesiastici 9. *Nescit homo utrum sit odio, an amore dignus, sed omnia in futurum servantur incerta:* Unde monet Apostolus ad Corinthios 10. *Qui se existimas stare, videat ne cadat:* Et ad Rom. 11. *Noli altum sapere, sed time;* Et ad Philippenses 2. *Operari Theol. Tom. 11.*

ramini salutem vestram cum metu, & tremore. Hinc Apocalypsis s. Prædestinationis liber dicitur signatus sigillis septem, & nemo aperit, nisi solus Agnus.

Hoc ipsum Ecclesia disertè probat in prædicatione: *Deus cui soli cognitus est numerus B. electorum, in superna felicitate locandus:* Probant & sancti Patres: August. lib. de Correctione, & Gratia cap. 13. *Quis, inquit, ex multitudine Fidelium quamvis in hac mortalitate vivitur in numero Prædestinatorum se esse præsumat? quia id occultari opus est in hoc loco, ubi sic canenda est clatio, ut etiam per Satana Angelum ne extolleretur, tantus colophizaretur Apostolus:* Et in Ps. 68. *Multi credunt se scriptos in Libro vite, qui tamen saluntur:* Sanctus Hieronymus in caput 9. Ecclesiastici, *Iusti nequeunt scire utrum amentur à Deo, sed in ambiguo fluctuant; scient autem in futuro cum ex hac vita discesserint.* Denique S. Bernardus Sermone 1. in Septuagesima *Generationem istam qui enarrabit? quis potest dicere: Ego de Electis sum? Ego de numero filiorum; reclamant Scriptura, nescit homo, an sit amore, an odio dignus?*

Idipsum etiam suadet ratio, Nullus scire potest ea, quæ pendunt ex meta Dei voluntate, nisi Deus ipse revelaverit, nam ut inquit Apostolus, *Nemo novit, quæ sunt Dei, nisi Spiritus Dei:* Sed nostra Prædestinationatio pendet ex gratuita Dei voluntate nos ad æternam gloriam destinante, & media necessaria subministrante, ut jam probatum est: Ergo seclusa Dei revelatione nemo scire potest, an sit inter Prædestinatos adscribendus. Deinde nemo certus esse potest de sua prædestinatione, nisi pariter certus sit se ad ultimam vitæ periodum in gratia sanctificante perseveraturum. *Qui enim perseveraverit usque ad finem hic salvus erit:* Sed ex laudato Concilii Tridentini Oraculo constat seclusa speciali Dei revelatione, n. minem habere posse infallibilem de sua Perseverantia certitudinem: Ergo &c.

Denique si quis absque revelatione posset esse certus de futura sua salute, maxime per demonstrationem à priori, vel à posteriori, seu vel per causam, vel per effectum; Sed neutro modo prædestinatio potest cerè, & infallibiliter innoscere. Non quidem per causam, quia divina voluntas nobis non patet; Nec etiam per effectum; nulla namque ita summa sanctitas est, quæ deficere non possit; Unde scire mo-

net sanctus Bernardus Sermone 30. de div-
vertis; *Nusquam est securitas fratres, neque
in Cælo, neque in Paradiso, multo minus in
mundo; In Cælo enim cecidit Angelus sub præ-
sentia Divinitatis; Adam in Paradiso de loco
voluptatis; Judas in mundo de scabala Salva-
toris. Ergo, &c.*

Dices S. Paulus ad Rom. 8. ait; *Certus
sum, quia neque mors, neque vita, nec prin-
cipatus, &c. poterunt nos separe a charita-
te Dei*: Ergo sanctus Apostolus tam de
sua, quam de fidelium Prædestinatione
certus erat, &c. securus.

Respondeo 1. Quod etsi hæc vera essent,
illam tamen certitudinem non aliunde,
quam à revelatione Dei accepisset Apo-
stolus, quippe cum hæc infallibilis certi-
tudo ipsi aliunde constare non posset, ut
probatum est. Secundo dico Latinum In-
terpretem scripsisse certus pro confido, ut
etiam vertit S. Hieronymus quasi diceret,
spero, & persuasum habeo; alioquin enim
sibi manifeste contradiceret, cum aperte
doceat aliis locis semper esse timendum,
& se nolle quemquam judicare: Sic 1.
ad Corinth. 4. *Nolite ante tempus judicare;*
& rursus *neque meipsum judico*; Et cap. 9.
*Cæstigo Corpus meum, & in servitutem redi-
go, ne forte cum aliis prædicaverim ipse re-
probus efficiar.*

Quæres primò, an, quot, & quæ sint signa
Prædestinationis.

Respondeo primò, cum sancto Bernardo
sermone 2. de octava Paschæ reverà
Deum Electis quædam subministrare signa
quibus se inter prædestinatos adscribi con-
jungere liceat. *Quando enim, inquit, sine testi-
monio Electos suos deserat Deus? Aut certe
quemam eis esse poterat consolatio inter spem,
& metum sollicitudine anxia fluctuantibus, si
nullum omnino electionis suæ testimonium move-
rentur? Quòd si, ut certum est, certitu-
do nobis omnino negatur, nunquid non tanto
delectabiliora erunt si qua forte electionis bu-
jus signa possumus invenire? quam enim re-
quiem habere potest spiritus noster dum præde-
stinationis suæ nullum adhuc testimonium te-
net? ... Hoc sanè verbo, & Electis consolatio
ministratur, & subtrahitur Reprobis excusa-
tio: cognitis siquidem signis vite qui, quæ hæc
negligit, manifestè convincitur in vano acci-
pere animam suam, & pro nibilo habere ter-
ram desiderabilem.*

Respondeo secundò: Varia, sed maxime sex
prædestinationis signa à sanctis Patribus as-
signari, quæ ex eodem sancto Bernardo
colligere licet: tria quidem priora ipse
met indicat laudato loco, ubi cum dixisset
quòd tres sunt, qui testimonium dant in
Cælo sanctis Angelis de eorum prædestina-
tione, nimirum Pater formando, Verbum
servando, & Spiritus sanctus eos sanctifi-
cando: Subdit tres pariter esse in terra, ni-
mirum spiritum, aquam, & sanguinem,
quæ nobis prædestinationis signa submini-
strant, ita ut per spiritum intelligat exerci-
tium omnium operum spiritualium; per
aquam, lacrymarum imbrem peccata ablu-
centem, per sanguinem verò assiduæ mor-
tificationis martyrium; seu ut ipse loqui-
tur, *A sanguine, & aqua, & spiritu habere
est testimonium, si contines à peccatis, si dignus
agis penitentia fructus, si facis opera vite.*
Hæc autem tria esse genuina prædestina-
tionis signa aperte liquet: Primò quidem
de Pœnitentia prompta, & assidua, nam
ut loquitur Regius Vates, *In hoc cognovi
quoniam voluisti me, quoniam non gaudebit
inimicus meus super me.* Quasi diceret, cer-
tum mihi videtur esse meæ prædestinatio-
nis indicium quòd statim ac peccavi, mi-
hi pœnitentiam indidisti qua super me exul-
tantes inimicos salutis exturbarem.

Mortificatio pariter, ut loquitur Paulus
ad Galatas 5. *Qui sunt Christi, carnem suam
crucifixerunt cum vitiis, & concupiscentiis*:
Unde bene notat Bernardus super cantica,
*Nemo potest transire à deliciis in delicias,
ex quo inferit, Quòd si qui in hac vita in
labore hominum non sunt, in altera profectò
in labore Dæmonum erunt.* Assidua denique
virtutis exercitatio; siquidem, *Ibunt iusti
de virtute in virtutem donec videatur Deus
Deorum in suum.*

His addo, quòd cum Deus Prædestina-
verit nos conformes fieri imagini filii sui, nempe
sacro-sanctæ ejus humanitati, quæ per
mortem, & passionem suam, Nobis reli-
quit exemplum ut sequamur vestigia ejus; omi-
nari licet nos cum eo in vitam æternam
surrecturos, si mortem ejus in nobis adum-
bremus, *Si enim complacuit fastidium simi-
litudinis mortis ejus;* Inquit Apostolus ad Ro-
manos 6. *Simul, & re, surrectionis erimus:* Ergo
cum Christus ipse tria habuerit testimo-
nia quibus constat eum verè mortem pro
nobis obiisse; nimirum 1. Spiritum, quia in-
clinato capite misit spiritum. 2. Aquam qua
de

de latere ejus lancea perforante effluxit; & *Sanguinem*, qui ad ultimam usque guttulam ex sacro ejus corpore promanavit: Ita & nos futuræ nobis æternæ vitæ quædam habebimus auguria, si emiserimus peccati spiritum; peccatum enim etsi physicè consideratum sit nihil, & nuda privatio; nihilominus moraliter acceptum, dici posset constare corpore, & spiritu; dicente Apostolo laudato loco, *Vetus homo noster simul crucifixus est*, ut destrueretur corpus peccati. Corpus, inquam, peccati est ipsamet actio exterior peccaminosa quæ cohærens est: Cor peccati est ipsemet affectus quo scelera perpetrantur; Spiritus verò est ille ipse peccandi habitus quo fit ut peccatum diu vivat, & regnet in corpore nostro mortali. Itaque ut quis suæ prædestinationis certa habere possit indicia, destrucendum est corpus peccati, per sanguinem mortificationis, *Mortificationem Jesu semper in corpore nostro circumferentes*, inquit Apostolus, ut vita Jesu manifestetur in carne nostra mortali: Eviscerandum est cor peccati p. r. lachrymas satisfactionis, *Depuentes omnem malitiam*, & omnes dolores, & simulationes, &c. ait sanctus Irenæus prima Epist. cap. 2. ut sit in nobis, *Charitas de corde puro*, & conscientia bona, & *fide non ficta*, inquit Paul. ad Ephes. 1. Emittendus denique peccati spiritus, *Non enim spiritum hujus mundi accipimus*, sed spiritum qui ex Deo est. 1. ad Corinth. 2. Ipse autem spiritus est testimonium reddit spiritui nostro quòd sumus Filii Dei, si autem Filii, & heredes &c. ad Rom. 8.

Quartum signum prædestinationis colligit ipsemet S. Bernardus serm. 1. in Septuagesima ex illis Christi homini verbis, *Qui ex Deo est verba Dei audit*, quæ sic expendit: *Certitudinem ut que nos habemus an de numero sumus Electorum, sed ipsi fiducia consolatur nos ne dubitationis hujus anxietate penitus cruciemur: Propter hoc data sunt signa quædam, & indicia manifesta salutis, ut indubitable sciamus de numero esse Electorum, in quo ea signa permanerint.* Porro inter ea quæ fiduciam præstant, & materiam spei, unum illud maximum est de quo nunc cepimus loqui, quicquid Deo est verba Dei audit.

Quintum signum est assiduus timor, & frequens cogitatio de tremendis Dei judiciis; nam ut rectè monet Ecclesiast. 7. *In omnibus operibus tuis memorare novissimam tuam, & in æternum non peccabis*: Unde Tertullianus lib. de cultu foeminarum cap. 2. dicit Ti-

morem *Fundamentum esse salutis; timendocium cavebimus, cavendo salvi erimus; vestificante divino spiritu salus navigat tua, si cauta; securi, si attenta*: Cui concinit Petrus Cellensis lib. de Panibus cap. 14. *Quasi cussor*, inquit, *super innumerabiles gazas hic timor in ultimo Charitatum ponitur ad conservandas incomparabiles gratias. Gemma pretiosa pietas, je facile ab impietate subripitur, nisi timore custodiat. Habemus bonas, & pulchras gratiarum puellas, sed sub custodia diligentissimi Pedagogi, scilicet Timoris. Unde sanctus Bernardus sermone 54. in Cantica expendens illa verba Proverbiorum 28. *Beatus homo, qui semper est pavidus*, ait, *In veritate didici nihil equè efficax esse ad gratiam promerendam, retinendam, recuperandam, quam si omni tempore coram Deo inveniaris non alium sapere, sed timere*: Time ergo cum arripieris gratia, time cum abieris, time cum denuo revertetur, & hoc est semper pavidum esse. Succedant vicissim sibi in animo tres isti timores, secundum quod gratia, vel adesse dignatur, vel offensam recedere, seu iterum placata redire sentietur. Cum adest, time ne non dignè opereris ex ea, nam hoc monet Apostolus, videte, inquit, ne in vanum gratiam Dei recipiatis Time substra gratia tanquam mox casurus: Time, & contemnice Deo, tibi ut sentis iratum, time quia reliquit te custodia tua Jam si gratia repropitiata redierit, multo amplius tunc timendum, ne forte contingat reciditum pati, juxta illud in Evangelio: Ecce sanctus factus es; vade, & amplius jam noli peccare, ne aliquid deterius tibi contingat. Audis recidere quàm incidere esse deterius; proinde invalescente periculo invalescat & metus. Beatus es si cor tuum triplici isto timore repleveris, & timeas quidem pro accepta gratia, amplius pro amissa, longè plus pro recuperata.*

Sextum, & potissimum prædestinationis indicium est summus affectus, & singularis devotio erga sacratissimam Virginem; hæc enim inquit Bernardus, *Est peccatorum scbola, hæc mea maxima fiducia, hæc tota ratio spei mee*. Et merito quidem; nam ut addit sanctus Anselmus, *Sicut impossibile est ut illi à quibus oculus sue misericordiae avertit, salventur; ita necessarium est, ut hi ad quos convertit oculos suos pro eis advocans, justificentur*, & glorificentur: Unde Ecclesiast. ipsi tribuit illud Proverbiorum 12. *Qui me invenerit, inveniet vitam, & habuerit salutem à Domino*.

Quæres 2. An numerus Prædestinatorum sit major, aut minor numero Reproborum.

Respondeo primò, quòd si instituatür comparatio inter homines generatim sumptos qui à mundi primordio vixerunt, & ad finem victuri sunt, longè numerum reproborum excedere prædestinatorum sortem: Etenim ante Christi Domini adventum rarus erat Dei cultus, raraque erat eius cognitio, siquidem *Notus tantùm in Judæa Deus; omnes autem Dii Gentium Dæmonia*. Imò etiam post prædicatum Evangelium, longè plures sunt Gentiles, Turcæ, Judæi, & cæteri quique infideles, quàm Christiani; & inter Christianos plures sunt hæretici, & schismatici, quàm fideles Catholici: Ergo eùm qui non credit jam judicatus est, apertè constat longè minorem esse Prædestinatorum numerum, quàm Reproborum: Hinc meritò Angelus ad Eddam lib. 4. cap. 8. ait, *Hoc sæculum fecit Deus propter multos, futurum autem propter paucos*: Qui liber licet non sit canonicus, nihilominus magnam habet auctoritatem; subdit autem, *Multis quidem creati sunt, pauci autem salvabuntur*, quod apertè confirmat Christus Matthæi 7. *Arda est via quæ ducit ad vitam, & pauci sunt qui intrant per eam*.

Respondeo 2. Quòd si fiat comparatio tantum inter Fideles tam parvulos ante rationis usum, quàm adultos ex hac vita migrantes; verisimilius est plures fore Prædestinatos, quàm Reprobos; constat enim innumeros parvulos unda baptismali renatos ex hac vita migrare: constat pariter ex adultis plures vitam extremam agere cum salutaris poenitentia signis, nec-non & debite receptis Sacramentis, quorum virtute, & efficacia non dubium est eos justificari; adeoque nec dubium esse debet fidei comparatos homines, Prædestinatos plures esse quàm Reprobos.

Respondeo 3. Quòd si fiat comparatio inter solos fideles adultos ex hac vita migrantes, probabilis videri plures fore Reprobos, quàm Prædestinatos; ut apertè docent Sanctus Augustinus lib. 3. contra Cresconium cap. 66. & lib. 4. cap. 53. ita exponens parabolam de tritico, & palea, *Boni, verique Christiani*, inquit, *qui per se ipsos multi sunt comparatione malorum pauci sunt; sicut multa grana quibus borrea magna*

complentur in comparatione palearum. Gregorius hom. 19. in Evangelia, & Alii ita exponentes illud Matthæi 12. *Mali sunt vocati, pauci verò electi*. Sed omnium apertissime Chrysostomus homil. 4. ad populum, *Quot putatis*, inquit, *esse in hac civitate qui salvati sunt? Non possunt numerari in tot millibus centum qui salvantur; quin & debis dubito: quanta enim in juvenibus malitia! quantus in senibus torpor!* &c.

Idipsum probatur: Primò ex figuris quibus Deus illam veritatem in Scriptura sacra delineare voluit: Nam sicut aquis diluvii omnes, excepto Noe, & familia eius perierunt, seu ut dicitur primæ Petri 3. *Pauci, idest, octo anime salva factæ sunt per aquas*: Sic post universalis orbis conflagrationem, & ignis diluvium pauci invenientur Prædestinati qui salvantur; sicut ex sexcentis millibus Pugnatorum qui egressi sunt de Ægypto, nulli præter Josue, & Caleb in terram promissionis intrarunt; ita ex tot fidelibus ex hoc mundo velut Ægypto migrantibus, rari cælestem promissionis terram, & patriam ingredientur.

Secundò ex comparationibus, nam Genes. 22. Deus Abrahamum alloquens ait, *Sicut stella cæli, & sicut arena maris sic erit semen tuum*; ubi per stellas cæli S. August. lib. 13. contra Faustum Electos intelligit, & per arenam maris Reprobos: Ex quo inferit, quòd quemadmodum numerus arenarum longè excedit numerum stellarum, ita numerus Reproborum longè major erit numero Electorum.

Deinde Isaïa 17. & 24. numerus Electorum comparatur paucissimis spicis, quæ à messoribus exeidunt, & rarissimis olivis, quæ remanent in arbore excussa olea, & paucissimis uvarum granis, quæ restant in vinea finita vindemia: Quæ verba ibi expendens Hieronymus ait, *Tanta erit Sanctorum paucitas de quibus Dominus loquitur in Evangelio, multi vocati, & pauci electi*, *Ut eorum paucitas baccis olivarum rarissimis comparetur, quæ cum excusse fuerint, atque deinceps, vix pauca remanserunt in ramorum cacumine*: *Quomodo cum erit finita vindemia solent pauperes egessere cogens vacuas circumire viles, & pauca uvarum grana colligere*.

Tertiò denique idipsum patet oraculis, idque maxime Lucæ 13. ubi cuidam interroganti, *Dominè si pauci sunt qui salvantur*,

Ap-

Apostolos alloquens tria respondet notatu digna: Primum, *contendite*, inquit, *intrare*: quasi diceret, si Apostoli quomodo reliquerant, & secuti fuerant Christum Dominum, adhuc contendere, & summum eniti viribus ut per angustam portam cœlum intrent: Quid ergo fiet de his Christianis, qui suis motibus, & affectibus vim nullam inferunt, sed omnino genio indulgent? Secundo addit, *Per angustam portam*, quam scilicet subire nequeunt inflati superbia, luxuria dissenti, avaritia, opibusque onusti. Quibus affectibus maxime detinentur homines mundani; Etenim *Quidquid est in mundo, aut concupiscentia carni, aut concupiscentia oculorum, aut superbia vitæ*. Tertiò, denique subdit, *quia dico vobis multi querent intrare, & non intrabunt*: Heu quid ergo fiet de his qui vix, aut qui saltem rarò de sua salute serio cogitant?

QUESTIO SEXTA.

An, & quomodo conciliari queat humana libertas cum invariabili Prædestinationis certitudine.

PRÆSENS Quæstio tot, ac tantis implicatæ difficultatum salebris, ut meritò S. Augustinus Epist. 1. eam *Difficillimam*, & *paucis intelligibilem* dixerit; cujus difficultatis rationem profert lib. de gratia Christi cap. 4. *Ista quæstio ubi de libero arbitrio, voluntate, & de Dei gratia disputatur, ita est ad discernendum difficilis, ut quando defenditur liberum arbitrium negari Dei gratia videatur; quando autem asseritur Dei gratia, liberum arbitrium putetur auferri*. Hinc lib. 2. de peccatorum meritis, & remissione cap. 18. affirmat se has medias in ambages ita angustari ut vix inveniat unde se extricet: *Ipsa ratio*, inquit, *quemlibet nostrum querentem vehementer angustat, ne sic defendamus gratiam, ut liberum arbitrium auferre videamur*: Rursus, *Ne liberum sic auferamus arbitrium, ut superba impietate ingrati Dei gratia videamur*. Nihilominus quoniam præsentis Quæstionis resolutio maxime confert ad expugnandam hæreticorum falsam de divinæ Prædestinationis facilitate, & absoluta necessitate sententiam, nec-non & ad sedandas etiam Piorum quorundam mentis agitationes quas præsentis resolutionis ignoratio

Fraffen Theol. Tom. II.

suscitat: Idcirco pro viribus entendum est hanc divinæ Prædestinationis concordiam cum humana libertate stabilire, quod ut fiat clarius,

Notandum 1. Ad integrandam, & perfectè, completèque formandam prædestinationem, quatuor maxime concurrere. *Primum* est divina præsciencia qua Deus ab æterno quidquid futurum est, nedum in qualibet temporis circumstantia, sed etiam per ipsam æternitatem evidenter, & apertè intuetur, idque unico indivisibili, simplici, & invariato sui divini intellectus intuitu; adeoque novit quot, & qui creari possint homines, quibus auxiliis ad æternam beatitudinem promovendi, quique sint divinis auxiliis benè, vel malè ad mortem usque usuri. *Secundum* est ipse divinæ voluntatis actus, quo Deus ab æterno statuit hos, & non illos homines possibiles se creaturum in tali, & tali temporis circumstantia, eisque talia media congrua subministraturum quibus vitam æternam consequi possint, si voluerint; eis tandem qui benè his utentur mediis, gloriam æternam se collaturum. *Tertium* est gratiæ præparatio, & donatio quæ fit nobis sine nobis: *Ex iniustis enim Deus facit iustos sine ullo merito præcedentis voluntatis ipsorum*, inquit S. Augustinus libro de Bono perseverantiz capite 24. *Quartum* denique est ipsum liberum hominis arbitrium concurrentem cum ipsa gratia excitante, vel sanctificante ad firmandam hominis salutem, & gloriam æternam promerendam; nam ut ait sanctus Augustinus serm. 15. de verbis Apostoli, *Sine voluntate tua non eris in te iustus Dei; qui fecit te sine te, non te iustificat sine te*.

Notandum 2. Circa præsentis Quæstionis resolutionem tres maxime oppositas esse sententias. Quarum *Prima*, nimium derogat libero arbitrio: *Secunda*, nimium ipsi erogat: *Tertia*, æqua lance utrumque librat, & conciliat. *Prima* quidem fuit *Prædestinationum* affirmantium per infallibilem prædestinationis certitudinem, & invariabilem firmitatem, omnem hominibus libertatem adimi, & ita humanum præcludi arbitrium, ut jam non sit in hominis prædestinati potestate a sua salute exorbitare. Quam impiam sententiam pridem extinctam, iterum ab inferis suscitavit Calvinus, *Lib. 3. Institutionum* affirmans Prædestinatos, & Reprobos, ita ad bo-

num,

num, aut malum ab æterno destinari, & illigari, ut nullatenus ab eo resilire possint; sed ei teneantur necessario assentiri, aut reluctari; quam inevitabilem necessitatem partim refundit in infallibilitatem præscientiæ, & divini decreti, partim in efficacitatem gratiæ, ut patebit articulo sequenti. Aliam sententiam omnino oppositam amplexati sunt Pelagiani, & *Semipelagiani*; illi quidem affirmantes prædestinationem nihil aliud esse quàm generalem illam Dei voluntatem, qua Deus homines libero arbitrio donatos, & propriis naturæ viribus capaces amplectendi boni, vel respuendi mali, ab æterno decrevit eos illustrare lumine fidei, & Evangelii prædicatione, eisque proponere legem; quam qui prævisi sunt servaturi certo consequentur vitam æternam, secus verò damnationem æternam incurrunt. Semipelagiani verò contendebant divinam Prædestinationem in Deo supponere voluntatem generalem conferendi gratiam regenerationis, nec non gloriam æternam his omnibus, qui propriis naturæ viribus hæc bona consequi vellent orando, pulsando, & querendo; ita quòd Deus specialiter eos quælegerit ad gloriam, quos præcivit propria sua libertate bene usuros bonis, & donis naturæ, quibus bona, & dona gratiæ consequi possint.

Tertia verò sententia medium tenens inter hanc Scyllam, & Charybdim, contendit prædestinationis infallibilitatem nullatenus extinguere liberum hominis arbitrium, quamquam gratiæ concursus requiratur in omnibus, & decreti, ac præscientiæ infallibilitatem affirmet; quam sententiam ut tueamur,

Notandum 3. Libertatem solitò definiti, *Potentiam quæ possit omnibus ad agendum requisitis agere potest, aut non agere*. Inde duplex in ea requiritur indifferentia: Una quidem ex parte objecti quod ab intellectu sub diversa ratione amabili, aut odibili proponi potest; & hæc vocatur indifferentia *objectiva*, seu radicalis, quia radicalis libertatis est ipse intellectus proponens objectum cum indifferentia: Altera ex parte voluntatis, quæ ex se non solum est indifferens ad utrumlibet actum amoris, vel odii, sed etiam ad electionem, vel suspensionem utriusque actus; & hæc dicitur, *Indifferentia quoad specificationem, & quoad exercitium*.

Rursus Thomistæ duplicem aliam distinguunt indifferentiam: *Unam* quam versatilem, vagam, indeterminatam, potentialem, & in actu primo appellant, quæ consistit in potentia, seu facultate qua voluntas potest velle eligere, vel non eligere, & se determinare ad amandum, vel non amandum, hoc vel illud objectum nondum considerata divina motione, & illius voluntatis applicatione ad actum. *Alteram* actualem, exercitam, & attemperatam, quæ, inquiunt, est ipsa actualis electio, & determinatio voluntatis per divinam motionem, quàm præmotionem, seu prædeterminationem idcirco appellant; non quòd, inquiunt, particula *præ* designet prioritatem durationis, seu temporis; sed dumtaxat prioritatem naturæ, seu causalitatis, & dependentiæ, quia illud dicitur prius, à quo aliud dependet tanquam à causa quæ etiam vocatur prioritas instantis, non *in quo*, sed *à quo*. In qua quidem posteriori indifferentia voluntas essentiam libertatis formaliter esse reponendam, quam dicunt per ipsum decretum prædeterminans, ipsamque præmotionem non lædi, sed perfici: Adeoque sic utrumque rectè conciliari; quæ an vera sint, infra discutietur.

Itaque tria sunt in hac Quæstione resolvenda: *Primum*, an reverà divina Prædestinatio create libertati officiat. *Secundum*, an utriusque legitimam concordiam profert Thomistæ. *Tertium*, qualiter tandem verè utraque conciliari debeat.

CONCLUSIO PRIMA.

Divina Prædestinationis certitudo humanæ libertati non officit. Hæc est communis inter Catholicos, &

Probat: Si quidpiam hominis arbitrio detraheret divina Prædestinationis certitudo, maxime, vel ratione æternæ Dei præscientiæ, qua Deus certò, & invariabili intuitu cuncta prospicit; vel ratione immobilis, & invariabiliter stantis æterni Dei decreti, quo & determinavit prædestinatum consensus infallibiliter gratiæ vocanti, & in sanctificante vitam finitum; vel denique ratione gratiæ excitantis quam in tempore daturus est prædestinato, cui repugnare non poterit: sed neutra ex parte id colligi potest: Ergo, &c. Major constat ex primo notabili.

Minor verò jam sufficienter probata est quoad

quoad primam partem Disputatione de Scientia Dei, ubi demonstravimus divinam Præscientiam non offendere libertatem.

Et rursus confirmatur: Divina Præscientia etiam versatur circa actiones peccaminosas: sed nullam infert voluntati necessitatem ad peccandum, ut constat ex S. Augustino lib. 3. de vera Innocentia cap. 379. *Neminem, inquit, Deus ad peccandum cogit; prævidet tamen eos qui propria voluntate peccabunt. Cur ergo non vindicet iustus, quæ non cogit præscire? sicut enim nemo memoria sua cogit scire quæ præterierunt; sic Deus præscientia sua non cogit facientia quæ futura sunt: Et sicut homo quoddam quæ fecit meminit, nec omnia quæ meminit fecit: ita Deus omnium quorum ipse auctor est præscit; nec tamen omnium quæ præcogit ipse auctor est; quorum autem non est malus auctor, iustus est ultor: Ergo neque ullam voluntati necessitatem imponit ut iuste probeque operetur.*

Confirmatur 2. Ex eo quod Deus de facto sciat, & videat me loquentem, non minus liberè loquor: Ergo ex eo quod prævideat me locuturum, non minus liberè loquar: Consequentia patet; quia omnia ab æterno Deo sunt præsentissima; Non enim, inquit sanctus Augustinus libro 11. de civitate cap. 20. *more nostro ille quod futurum est præcogit, vel quod præcogit est aspicit, vel quod præteritum est respicit, nec, ut addit libro de prædestinatione, & gratia capite 3. Reminiscens voluit in præteritum, nec sperans procedit in futurum, seu ut scribit sermone 2. in 1. f. 101. Non ibi est fuit, & erit, quia & quod fuit non est, & quod erit non est: sed quidquid ibi est non nisi est, vel denique ut ait lib. 11. Confessionum capite 13. Anni tui dies unus: Et dies tuus non quotidie, sed hodie; quia hodie tuus non cedit crasino, nec succedit besterno: Ergo cum omnia Deus præsentia habeat, & omnia quæ futura sunt, Deo jam facta sint; aperte constat quod quemadmodum quis videns artificem opus aliquod molientem non dicitur liberam illius molitionem præcludere, nec eam ad necessarium operandum determinare, ita nec præscientia rebus cognitis necessitatem imponit, maxime cum ut jam satis, superque probavimus res idcirco non sint futuræ quia Deus eas præviderit, imò eas Deus certo prævidit quia futuræ sunt.*

Confirmatur 3. Tantum abest quod divina

præscientia humanam libertatem lædat, imò supponit, & perficit; nam ut loquitur ipsemet sanctus Augustinus libro 3. de libero Arbitrio cap. 3. *Cum Deus sit præscius voluntatis nostræ, cuius est præscius ipse erit: Ergo & potestatis erit præscius; non igitur per ejus præscientiam mihi potestas adimitur, quæ propterea mihi certior aderit, quia ille cuius præscientia non fallitur adfuturam mihi præscivit.*

Paret eadem minor quoad secundam partem: Nempe quod decretum æternum de movendo prædestinato ad consentiendum gratiæ excitanti, non officiat libero hominis arbitrio. Cujus rationem proferunt noster Alensis prima parie qu. 26. memb. 6. articulo 2. Et Seraphicus Bonaventura in 1. distinctione 42. artic. 2. quæst. 1. Et Doctor Subtilis distinctione 41. questione unica, quod Deus nihil ab æterno decrevit perficiendum à prædestinato in tempore abique prævisa, & præcognita determinatione voluntatis ejus: Ergo dum decrevit in ista præparatione, & donatione gratiæ futurum consensum prædestinati, illum consensum non prædefinit abique libera cooperatione voluntatis ejus: Vel ut loquitur sanctus Bonaventura, *Prædestinatio non est causa salutis nisi includendo merita, & ita salvando liberum arbitrium. Prædestinatio enim duo importat, & rationem præscientiæ, & rationem causæ. In quantum dicit rationem causæ non necessario ponit effectum, quia non est causa necessitans, sed per voluntatem: Et iterum non est tota causa, sed cum alia causa contingente; scilicet cum libero arbitrio: Et regula est quod quotiescumque effectus pendet ex causa necessaria, & variabili; necessaria à variabili tanquam à particulari denominatur, quia denominatio est à causa particulari, insuper effectus qui pendet à causa contingente, etiam contingens est. Hac patebunt evidentiis ex dicendis, in articulo sequenti agendo de causis, & modo prædestinationis.*

Denique patet eadem minor quoad tertiam partem, nempe quod gratia excitans nullam infert necessitatem libertati: illud enim aperte definitur Concil. Trid. sess. 6. canone 4. dicens, *Si quis dixerit liberum hominis arbitrium nihil cooperari assentiendo Deo excitanti, atque vocanti quoad obtinendam justificationis gratiam, se disponat, ac præparet, necque posse dissentire si velit, sed velut inanitione quoddam nihil omnino agere, merique possit*

se habere, anathema sit. Hoc suffulsi patebit in tractatu de Gratia ubi probabimus gratiam excitantem efficiere consensum, non cogendo, & necessitando voluntatem, sed eam suaviter alliciendo, & movendo; nihilominus

Confirmatur: Si gratia, & prædestinatio necessariò determinarent prædestinati voluntatem ad consensum, sequeretur eum nusquam peccare posse, & exidere à gratia: Sed falsum consequens: Ergo & antecedens: Majorem admittunt Calvinistæ: Unde probatur minor, voluntas prædestinati, quamdiu in vivis agit, semper est indifferens ad peccandum, vel non peccandum, adcoque potest à gratia exidere: Unde monet Apostolus, *Quis stat videat ne cadat*; imò horatur ipsemet Christus Apostolos, *Ambulate dum lumen Gratia habetis, ne furis vos Peccati tenebra comprehendant.*

Deinde; experientia constat, etiam eximie Prædestinatos in graviora quæque peccata lapsos fuisse; ut patet de Davide, Petro, Paulo, Magdalena, Augustino, & cæteris: Ergo consequens est nec prædestinationem, nec gratiam excitantem, aut sanctificantem inducere impossibilitatem peccandi.

Denique, perseverantia, & continuatio assidua in statu gratia sanctificantis, per se non requiritur ad æternæ gloriæ consecutionem; ad id nempe sufficit, quod prædestinatus aliquandiu perseveret in gratia, & cum ea vitam finiat: Ergo, &c.

Dicitur 1. Qui est reverà prædestinatus, non peccat, nec peccare potest: Ergo prædestinatio voluntati necessitatem infert, & peccandi impossibilitatem inducit. Probat per antecedens ex illo primæ Joannis cap. 3. *Qui natus est ex Deo non peccat, sed nec peccare potest, quia semen Dei manet in illo,* qui quidem contextus de prædestinationis intelligitur, ut affirmant omnes penè ipsius Interpretes: Ergo, &c.

Nego antecedens: Ad illius probationem dico; *Primò* sanctum Hieronymum lib. 2. contra Jovinianum asserere illam peccandi impossibilitatem intelligendam esse in sensu composito, ita quod prædestinatus quamdiu subsistit in statu gratia, & adoptionis filiorum Dei, non peccet, nec peccare possit, quia non est conventio Christi ad Belial, nec ulla peccati tenebrarum cum luce gratia concordia.

Secundo, sanctus Augustinus lib. de Pec-

catorum meritis cap. 8. hanc impeccabilitatem explicat in sensu formali, ita quod facultas peccandi non proveniat ex ipsa filiatione divina, sed ex versatili infirmitate, & libera voluntate humana, *Perficimus,* inquit, *quia nondum salvi, ideo nondum plene innovati, nondum etiam filii Dei, sed filii seculi; perficimus ergo renovationem, iustamque vitam per quod filii Dei sumus, & per hoc peccare omnino non possumus, donec totum in hoc transmutetur etiam illud per quod adhuc filii seculi sumus: per hoc enim, & peccare adhuc possumus, & ita fit ut qui natus est ex Deo non peccet, & si dixerimus, quia peccatum non habemus, nos ipsos seducimus, & veritas in nobis non est; Consummetur ergo quod filii carnis, & seculi sumus, & perficiatur quod filii Dei, & Spiritu renovati sumus.*

Tertiò, sanctus Bernardus illam impossibilitatem peccandi interpretatur de facilitate qua prædestinati resurgunt à peccatis, *Neque enim hic possumus,* inquit libro de Gratia, & libero arbitrio cap. 9. *Penitus esse sine peccato, & miseria; possumus tamen gratia iuvante nec peccato superari, nec miseria; quamquam tamen Scriptura loquatur, omne quod natum est ex Deo non peccat, sed hoc dictum est de prædestinatis ad vitam: non quod omnino non peccent, sed quod peccatum ipsi non imputetur, quod vel puniatur ex condigna poenitentia; vel in Charitate abconditur, Charitas enim cooperit multitudinem peccatorum.*

Denique dico, hanc impeccabilitatem accipiendam esse pro summa difficultate, ita quod prædestinatus consideratis, & examinatis his omnibus beneficiis quibus abundantissimè à Deo cumulatur, & dicitur, adduci non possit ut eum offendant; eo pene sensu quod sanctissimus Patriarcha Joseph attenta mente ponderatis omnibus bonis quibus à Domino suo donatus fuerat dicebat Genesis 39. *Quomodo ergo possum hoc malum facere, & peccare in Dominum meum?* Itaque quæcumque harum solutionum accipias, non inferes prædestinationem inducere necessitatem, & præcludere humanam libertatem.

Dicitur: Omnis causa quæ in se necessaria est, & necessariò ponit effectum, etiam simpliciter necessitatem inducit in effectu: Sed prædestinatio respectu salutis est huiusmodi: Ergo, &c. Minor pater: Prædestinatio enim, cum sit actus internus Dei, omni-

no necessaria est; nihil enim intrinsecum Deo, enti summe necessario, potest esse contingens. Insuper etiam necessario insert effectum; necessario enim sequitur, si Petrus est predestinatus, salvabitur: Ergo, &c.

Distingue majorem: Omnis causa, quæ necessaria est tam secundum entitatem, quam secundum operationem, quæque necessario ponit effectum suum necessitate absoluta, & antecedente, ac excludente omnem liberam voluntatis determinationem; insert necessitatem in effectu, concedo: Omnis causa, quæ necessaria quidem est secundum entitatem, non verò secundum operationem extrinsecam, quæque necessario ponit effectum suum, necessitate tantum consequente, & ex præsupposita libera voluntatis determinatione, necessario effectum suum producit necessitate excludente libertatem, nego: Ad minorem dico predestinationem esse quidem necessariam secundum entitatem, sed coniungentem, & liberam secundum terminationem; similiter est necessaria necessitate tantum consequenti, & ex præsupposito divino decreto, necnon, & libera hominis determinatione prævisa; adeoque libertati non officit.

CONCLUSIO SECUNDA.

Non rectè conciliatur à Thomistis humana libertas cum infallibili divine Predestinationis certitudine per decretum prædeterminans.

*Probat*ur 1. Per id non concordat humana libertas cum predestinatione, per quod voluntatis indifferentia destruitur, & solvitur; sed per illud decretum præmovens, ac prædeterminans solvitur, ac destruitur voluntatis indifferentia: Ergo, &c. *Maj*or constat, Certum enim est libertatem voluntatis in indifferentia esse repositam ut dictum est in 3. Notabili. *Minor* probatur. Per id solvitur voluntatis indifferentia, per quod voluntas ad unum absolute determinatur, & ligatur: at per decretum præmovens, & prædeterminans voluntas ita determinatur ad unum actum, aut ad unum objectum, ut non possit oppositum actum elicere, vel in aliud objectum tendere. Ergo, &c.

*Replic*ant Thomistæ per decretum prædeterminans solvi quidem indifferentiam va-

gam, & potentialem; non verò indifferentiam exercitam, & attemperatam per motionem, & determinationem causæ primæ, sub qua voluntas retinet quidem potentiam ad dissentiendum, quamvis non possit actualem dissentium cum illa componere, vel coniungere.

Contra. De ratione liberæ, & indifferentis voluntatis est, quod positis omnibus ad agendum prærequisitis voluntas possit agere, vel non agere, consentire, vel dissentire: Ergo quacumque posita motione; aut voluntas potest negare consensum, aut non remanet formaliter libera.

Distingunt minorem Thomistæ: De ratione liberæ voluntatis est, quod prærequisitis omnibus ex parte potentie possit agere, vel non agere, concedunt: Prærequisitis ex parte applicationis potentie, & actus secundi, negant. Itaque in Sententia Thomistarum, prærequisita ad agendum sunt in duplici differentia: Quædam enim se tenent ex parte potentie, & actus primi, ut habitus, virtutes operative, & auxilia sufficientia; & hæc cum constituent solum principium habituale operationis, possunt indifferenter cum actione, vel non actione componi. Alia se tenent ex parte applicationis potentie, & se habent per modum reductivi de actu primo ad secundum; & ista, inquit, cum constituent principium actuale operationis, non possunt ab ea separari, nec cum illius negatione componi. Unde cum dicitur liberum esse illud quod positis omnibus ad agendum prærequisitis potest agere, si per ly *prærequisitis*, intelligantur ea, quæ prærequiruntur ex parte potentie, & actus primi, concedunt: Si designentur ea, quæ solum prærequiruntur ex parte applicationis potentie, negant. His enim positis, liberum agens non potest agere, vel non agere; sed de facto agit, retinendo tamen potentiam ad non agendum, seu ad non continuandam actionem, quam elicit; Unde implicat, quod cum illis prærequisitis negationem actionis componat; aliàs simul ageret, & non ageret.

Contra primò: Hac replica Thomistæ implicantia loquuntur, & suis principiis non coherentia; docent enim prædeterminationem antecedere actum secundum prioritatem naturæ, & causalitatis: Ergo non esset ipsemet actus secundus, seu actualis applicatio, & actio voluntatis. Implicat enim

enim idem respectu ejusdem simul esse primum, & secundum, causam, & effectum.

Deinde illa prædeterminatio, ex eorum sententia, est principium libertatis, seu liberæ operationis: Sed principium habet rationem actus primi respectu illius cuius est principium: Ergo & prædeterminatio habet rationem actus primi respectu operationis liberæ, adeoque non coincidit cum actu secundo.

Denique, quod pertinet ad ordinem operativum, non tanquam actio, nec tanquam pura conditio ad agendum, debet pertinere ad illum tanquam virtus agendi, & consequenter habere rationem actus primi: sed prædeterminatio pertinet ad ordinem operativum: Non quidem tanquam actio, quippe cum sit determinativa, & applicativa potentie ad actionem, & operationem; nec tanquam pura conditio ad agendum, quia illa, inquit, revera influit cum potentia in actionem: Ergo necessarium est ut habeat rationem virtutis agendi, & consequenter, quod se teneat ex parte actus primi; adeoque incongruè hanc prædeterminationem Thomistæ refundunt in actum secundum.

Contra secundò: De ratione liberi agentis est, quod prærequisitis ad agendum ex parte actus possit agere. Ergo etiam, quod possit non agere. Antecedens concedunt Thomistæ; sed negant consequentiam, quam sic probo. *Primò* quidem ex communi sensu Authorum, qui dum affirmant illud esse liberum agens, quod potest agere, & non agere, utrumque eodem modo, & eodem respectu usurpant: Ergo si agens liberum positis prærequisitis ad agendum ex parte actus, & in sensu composito possit agere, etiam debet eodem modo posse non agere. *Deinde* dum dicitur, quod liberum agens potest agere, vel non agere, illud utrumque, scilicet *posse agere, & non agere*, intelligitur, vel in sensu composito, vel in sensu diviso: Si primum, habemus intentum, posse enim non agere in sensu composito, est facere ut pro eodem instanti temporis simul possint esse prærequisita, & tamen possit non esse actio: Si secundum, Ergo illa definitio liberi agentis hunc habebit sensum, agens liberum est illud quod habet potestatem agendi pro tempore, quo sunt prærequisita ad agendum; & simul habet etiam potestatem non agendi, sed pro tempore antecedente positionem

prærequisitorum; quod nedom apparet ridiculum, & manifestè contra definitionem liberi agentis, sed etiam per hoc solvitur omne discrimen inter liberum agens, & necessarium: Nullum enim est agens ita necessarium de quo idipsum affirmare non liceat, nimirum illius potentiam agendi eam esse quæ cum prærequisitis ponit actionem, esse pariter potentiam non agendi pro tempore, quo prærequisita non erunt; Ignis enim virtutem habet comburendi paleam pro tempore quo ipsi adiungitur, non potest autem eam comburere pro tempore immediatè antecedente appositionem stupæ ad ignem.

Contra tertio: Liberum agens tenetur aliquando non ponere actionem suam prærequisitis omnibus ad agendum: Ergo debet hoc posse. Consequentia patet, Deus enim non præcipit impossibilia, seu ut vulgò fertur, ad impossibile nemo tenetur. Probatur *antecedens*, quando aliquis peccat, tenetur componere negationem peccati cum prærequisitis ad agendum, ita quod eodem instanti quo sunt illa prærequisita ex parte actus, v. gr. obiectum movens, urgententatio, & passio excitans voluntatem ad consentiendum actui peccaminoso, teneatur denegare suum consensum; si enim ad id tunc non teneretur, non peccaret in eodem instanti; Ergo homo tenetur componere negationem peccati cum prærequisitis ex parte actus ad peccandum, & consequenter positis illis prærequisitis etiam ex parte actus, potest homo agere, vel non agere, consentire, vel dissentire in eodem ipso instanti, quo illa prærequisita supponuntur esse posita.

Distinguit Thomistæ: Potest consentire, vel dissentire in eodem instanti materiali quo illa prærequisita supponuntur esse posita, concedunt; In eodem instanti formali, negant. Instans materiale appellant ipsam rei durationem: Formale verò mensuram ipsius durationis: Ita quod, inquit, quemadmodum Justus potest peccare in eodem instanti quo est in gratia; non tamen formaliter, & reduplicativè prout est in gratia, seu quatenus gratia illud instans occupat, & mensurat; quia peccatum, & gratia simul esse nequeunt; & sicut qui elicit actum amoris, in eodem instanti materialiter potest non amare, quia libere amat: Non tamen in eodem instanti formaliter; Implicat enim quod idem instans

cocci-

coexistentiam amoris, & non amoris simul mensuret; alioquin idem posset simul esse, & non esse, & contradictoria de eodem simul verificari. Idem à pari (inquunt) dicendum est de pramotione ad actum amoris, quæ est in eodem instanti temporis, & durationis cum illo, eumque sola prioritate naturæ, & causalitatis antecedit: Licet enim voluntas in eodem instanti in quo est pramota ad actum amoris, possit ponere dissensum, seu carentiam amoris: Non tamen potest defacto dissentire, seu non amare in sensu composito, quia non potest non amore ponere, posita pramotione ad amandum.

Contra: Nedium in eodem instanti materialiter; sed etiam formaliter sumptopoteest liberum agens non ponere actionem etiam posita motione; Ergo nulla replica. Probatur *antecedens*: Reverà poterit liberum agens non componere actionem cum pramotione in eodem instanti formaliter, si reverà possit ipsi pramotioni dissentire, & resistere; atqui id potest. Probatur: primò quidem ex Concilio Tridentino Sessione 6. Canone 4. ubi anathema pronuntiatur in eum qui dixerit, *Liberum hominis arbitrium à Deo motum, & excitatum non posse dissentire si velit*. Quid enim est, quæso, aliud dissentire, nisi dissensum ponere? Est autem de ratione dissensus, ut ponatur pro eodem instanti pro quo quis movetur, & incitatur ad consensum: Nemo enim dissentite dicitur, antequam moveatur, neque postquam motus fuit, & obtemperavit motioni: Ergo posse dissentire, est posse ponere dissensum pro eodem instanti quo est ipsa motio. Ergo cum hæc ponatur in instanti formali, etiam dissensus poni poterit in eodem instanti formali quo illa ponitur.

Deinde: Idipsum confirmat, & elocet S. Aug. maxime verò lib. de Spir. & Litt. cap. 34. ubi cum dixisset Deum nostram movere, & excitare voluntatem extrinsecus per Legem, & Evangelii prædicationem, & intrinsecus per gratiam excitantem. Subdit: *His ergo modis quando Deus agit cum anima rationali ut ei credat; neque enim credere potest quolibet libero arbitrio, si nulla sit suasio, vel vocatio cui credat: Profectò, & ipsum velle credere Deus operatur in homines, & in omnibus misericordia ejus prævenit nos; Consentire enim vocationi Dei, vel ab ea dissentire, sicut dici, propriè voluntatis est*. Et ibi-

dem cap. 31. cum dixisset initio capitis, *Fides in potestate est: quoniam cum vult, credidit, & cum credit, volens credit*; Concludit, *Vide nunc utrum quisque credat si noluerit, aut non credat si voluerit*? Et lib. 3. de libero arbitrio cap. 1. *Motus quo hæc aut illuc voluntas convertitur, nisi est voluntarius, atque in nostra potestate, neque laudandus, cum ad superiora; neque culpandus homo esset, cum ad inferiora detorqueat quasi quemdam cardinem voluntatis, &c.* Censet ergo motionem divinam esse in nostra potestate, ita quòd eam acceptare, vel rejicere possimus. Plura his habet similia passim, quæ longum esset scribere.

Denique: Agens liberum habet potestatem dominativam in suos actus, nam ut inquit S. Augustin. lib. 3. de libero arbitrio cap. 3. *Voluntas nostra nec voluntas esset, nisi esset in nostra potestate*. Porro quia est in potestate, libera est nobis; non enim est liberum, quod in potestate non habemus, aut potest non esse, quod habemus, sed idem potestatem non haberet nisi quocumque posito extrinsecò, posset actum suum ponere, vel non ponere. Ergo ut hanc denominativam potestatem servet libera voluntas, necessarium est quòd posita etiam divina pramotione voluntas possit actum ponere, vel non ponere.

Confirmatur: Et simul præmissæ nostræ rationes firmitur, ac roborantur: Determinatio voluntatis debet esse voluntaria, & libera: Ergo nihil supponere debet prævium ad ejus operationem quo ad eam terminetur prioritate naturæ: Antecedens concedunt omnes. Consequentia probatur: Nihil formaliter potest esse voluntarium, & liberum, nisi quod vel supponit actum voluntatis, vel est ipsemet actus voluntatis: Ergo si determinatio voluntatis sit libera, & voluntaria, non debet præsupponere aliquid prævium ad ejus operationem, quo posito non possit actionem ponere, vel non ponere. *Confirmatur* ex S. Anselmo lib. 2. *Cur Deus homo*, c. 18. ubi duplicem necessitatem distinguit, aliam antecedentem, quæ tollit libertatem; alteram consequentem, quæ libertati non nocet: Est, inquit, *necessitas præcedens, quæ causa est ut sis res; & necessitas sequens quam res facit*. Præcedens, & efficiens necessitas est cum dicitur Cælum volvi, quia necesse est ut volvetur; Sequens vero quæ nihil efficit, sed sic est cum dico, te ex necessitate loquis, quia loqueris; non quòd aliquid te cogat ad loquendum; Nam

na-

naturalis conditionis cogit Cælum volvi, te vero nulla necessitas facit loqui, sed ubicunque est præcedens necessitas, est & sequens, &c. Quibus aperte fatetur S. Anselmus necessitatem, quæ facit rem esse, & quæ causa est ut res sit, esse necessitatem præcedentem, & inimicam libertati; sed necessitas illa quæ sequitur ex prædeterminatione, & præmotione facit actionem voluntatis esse, illius enim est causa, & prior est ipsa prioritate naturæ, ut affirmant Thomistæ: Ergo necesse est pariter concedant illam præmotionem inferre necessitatem præcedentem inimicam libertati.

Nec valet reponere prædeterminationem non officere libertati, quia voluntatem non determinat per modum naturæ, sed per modum liberi; nec impedit, sed efficit determinationem, & cooperationem liberi arbitrii; nam S. Anselmus aperte affirmat omnem necessitatem præcedentem esse inimicam libertati quoquo modo illa voluntatem determinet. Adde quod illa præmotio non possit liberè voluntatem determinare si eam ita in unum dirigat, ut in ejus libertate non sit aliud tendere, vel non tendere.

Obijciunt 1. Doctorem in 4. dist. 49. qu. 6. num. 14. dicentem, *Quod non est simpliciter contra naturam voluntatis, quod determinetur à causa superiori; hoc est quod non sit contra naturam ejus oppositum agere: Sicut esset contra naturam ejus determinari ab habitu, sive à natura inferiori.* Ergo censet Doctor voluntatem determinari posse à Deo absque præjudicio suæ libertatis: Ergo etiam salva libertate poterit prædeterminari.

Nego consequentiam: Nam ut ibidem observat Doctissimus ejus Scholiastes, non dicit Doctor voluntatem remanere simpliciter liberam, etiam quando à superiori causa determinatur; oppositum enim ibidem affirmat numero 12. dicens voluntatem Beati non remanere proximè liberam ad peccandum per causam extrinsecam, videlicet, *Per voluntatem Dei prævenientem illam voluntatem, ut semper continuet actum fruendi, & ita nunquam possit potentiam suam remota non fruendi, vel peccandi reducere ad actum: Siquidem nunquam causa secunda prævenit à causa superiori agente ad unum oppositum, potest potentia propinqua exire in aliud oppositum.* Sed tantum contendit Doctor, quod voluntas eequidem determinari possit à causa superiori, non verò ab ulla causa inferiori.

Vel dico Doctorem intelligendum esse de determinatione objectiva, non verò formali, aut efficiente. Triplex enim in præsentiarum distingui potest determinatio: Una quidem *objectiva*, quæ fit per objectum præstantissimum, & summa, ac mira suavitatem voluntatem ad se alliciens, & moraliter pertrahens; qualiter Beati determinantur ab objecto beatifico: Alia *formalis*, quæ fit per aliquod intrinsicum inclinans voluntatem ad actum; qualis est determinatio quæ fit per habitus virtutum, aut vitiolorum. Altera denique *efficientis*, quæ fit per causam efficientem, & influentem in ipsam voluntatem, ut eam ad operandum determinet, & applicet; qualiter Thomistæ censent nostram voluntatem à Deo prædeterminari: Ergo nihil ipsis suffragatur, imo directè in eos militat Subtilis Doctor.

Obijciunt 2. Deus cum sit primum liberum, & tale per essentiam, ac supremum habeat in nostras voluntates Dominium, omnem liberam illarum determinationem, quæ est libertas per participationem, eminentissimam, & perfectissimam modo in se continet: Ergo potest illam causare, & efficere sine libertatis dispendio, ut voluntas humana quatenus est secundum liberum & secundum determinans, ad suos actus liberos se determinet. Consequentia patet: Causa enim efficiens potest producere effectus, quos virtualiter, aut eminenter præcontinet.

Confirmatur. Dominium divinum ita est summum, ac perfectum, quod quidquid potest creata virtus, & dominium, potest & Deus, & multo amplius, ac perfectiori modo: Sed voluntas creata ratione dominii, quod habet in suos actus liberos potest salva libertate seipsam determinare, & applicare ad suos actus liberos eliciendos: Ergo à fortiori Deus id præstare poterit.

Distinguo antecedens: Deus ut supremum liberum virtualiter, & eminenter continet liberas nostræ voluntatis operationes ab ipso causandas per concursum simultaneum, & per modum causæ generalis, & independentis, concedo: Per præmotionem, & prædeterminationem physicam, nego: Similiter *distinguo consequens:* Potest determinationem nostræ voluntatis causare per aliquod prævium, & antecedens prioritate naturæ, & causalitatis illam determinati-

minationem activam nostræ voluntatis, nego: Per aliquod concomitans, & concurrens cum ipsa voluntate se determinante, concedo: Nec enim ita Deus habet Dominium absolutum, & despoticum in nostras voluntates ut eas etiam repugnantes huc, aut illuc vertat; sic enim eas etiam necessitaret, quod repugnat naturæ ipsius voluntatis intrinsicæ libertæ, nec-non, & divinæ ordinationi: Siquidem Ecclesiast. 15. *Deus ab initio constituit hominem, & reliquit eum in manu consilii sui. E: ap- posui tibi ignem, & aquam ad quodcumque vo- lueris porrigere manum.*

Ad confirmationem negari posset major: si enim Deus posset quicquid posset creata virtus, & dominium liberum, sequeretur ipsum peccare posse, & à bono, veroque exorbitare, id enim posset ex propria vir- tute, & libertate creata voluntas. Verum eam *distinguo*: Deus posset quicquid creata virtus in ratione causæ moventis, & co- operantis, concedo: In ratione præcurrentis, & prædeterminantis, nego: Et concessa minore, similiter est distinguendum con- sequens.

Insuper: Atqui Deus reverà absolute po- test nostras voluntates prædeterminare, & prævenire earum determinationem: Ergo nulla solutio. Probat antecedens ex S. August. lib. de correptione, & gratia c. 14. ubi cum variis probasset Deum per om- nipotentissimam voluntatem suam quocum- que libuerit hominum voluntates flectere, uti variis exemplis demonstrat, maxime ve- rò exemplo populi Judaici Saullem, & Davidem in Reges ex Dei ordinatione eli- gentis, & instituentis; tandem concludit, *Si ergo cum voluerit Reges in terra Deus con- stituere, magis habet in potestate voluntates hominum quam ipsi suas, quis alius facit ut salubris sit correptio, & fiat in correpti corde correctio ut celestis constituatur in regno?* Ergo, &c.

Nego antecedens: Et ad ejus probationem dico non eam ibi fuisse sancti Augustini sententiam; solum enim ibidem contendit August. Deum pro libito, & ex infinita sua auctoritate, & sapientia etiam sibi repu- gnantes hominum voluntates congruum in finem ordinare, ut ipsemet ibidem in- dicat; cum enim dixisset, *Sic velle aut vol- le in volentis, aut volentis est potestate, ut di- vinam voluntatem non impediatur, nec superet potestatem*: Subiit, *de his enim qui faciunt*

quod non vult, facit ipse que vult. Ut inde demonstret S. Aug. homines etiam à pra- vis, & perditissimis hominibus exagitatos patienter, & fortiter agere debere, utpo- te cum ipsis nihil præter divinam volunta- tem eveniat, quæ cum summo in homi- nes gaudeat imperio, etiam id assequitur ut prava eorum voluntatis molimina etiam in propriam suam gloriam, hominumque salutem eisdant.

Vel dico Augustinum esse ita intelligen- dum cum ait de his qui faciunt, quæ non vult, & facit quæ vult: Id est quantum ad illos qui resistunt ejus voluntati invi- tanti eos ad morum suorum correctionem de qua ibi loquitur, illos subicit suæ volun- tati punienti, & damnanti eos in ignem æternum; unde sic facit de iis quod vult. Quod aliis verbis explicat D. Thomas 1. p. q. 19. art. 9. *Impossibile est*, inquit, *quid divina voluntas suum effectum non consequatur, unde quod recedere videtur à divina volunta- te secundum unum ordinem, velabitur in ipsam secundum alium: sicut peccator qui quantum est in se recedit à divina voluntate peccando, se- cundum unum ordinem, incidit in ordinem di- vine voluntatis dum per ejus justitiam punitur*. Sic ergo S. Augustinus intelligi potest quod Deo volenti salum facere nullum ei resistit arbitrium: quia nempe, si non exequitur suam voluntatem salvando eum quem invitat ad salutem, exequitur eam puniendo eum, qui non vult salvis fieri: Quod confirmatur ex eodem Augu- stino; dixerat enim prius: *Patiantur ergo homi- nes se corripere quando peccant, nec de ipsa cor- reptione contra gratiam argumententur, nec de gra- tia contra correctionem: quia, & peccatis iusta pena debetur, & ad ipsam (scilicet justam pen- nam) pertinet iusta correctio quæ medicinaliter adhibetur, etiam si salus egrotantis incerta est; ut si is qui corripitur ad prædestinatorum numerum pertinet sit ei correctio salubre medicamentum, si autem non pertinet sit correctio panale tormentum.*

Dices 3. Inferiora perficiuntur per sub- ordinationem, & conjunctionem ad su- periora; ut patet in Luna, quæ illumina- tur, & perficitur per conjunctionem ad So- lem; in Fluviiis, qui crescunt, & augentur dum refluunt in Oceanum; & in Creaturis intellectualibus quæ sanctificantur, & bea- tificantur per amorem, & conjunctionem ad Deum: sed per decretum prædetermi- nans, & motionem efficacem voluntas nostra Deo ut primo libero actu subordinatur, & con-

& conjungitur fonti, ac principio totius libertatis creatæ; Efficaciæ scilicet infinitæ divinæ voluntatis. Ergo tantum abest ut per præmotionem, & prædeterminationem lædatur humana libertas, imò servatur, & perficitur.

Distinguo majorem: Inferiora perficiuntur per conjunctionem realem, & physicam ad superiora, nego: Per quandam eorum imitationem, & adumbrationem, concedo. *Ad minorem* dico, Voluntatem creatam conjungi Deo ut primo libero non per præviam Dei motionem, & determinationem physicam; sed per imitationem divinæ libertatis cujus creata libertas est quædam participatio; ita quod quædammodum divina libertas in eo consistit, quod Deus ita se ipsum determinet ut à quocumque agente extrinseco determinari non possit: Unde S. Thomas in 2. dist. 25. qu. 1. art. 1. ad 1. probat in Deo esse liberum arbitrium, *Quia determinatio sui actus non est sibi ab alio, sed à seipso*: Sic de ratione libertatis creatæ erit, quod voluntas ipsa seipsam determinet, ut à quocumque alio non possit prædeterminari, nec efficacie præmovere. Plura alia obijciunt Thomistæ, sed eis jam fecimus satis in Physicis.

CONCLUSIO TERTIA.

REcè conciliari possit liberum hominis arbitrium cum infallibili divine prædeterminationis certitudine, affirmando eam fieri per decretum præsupponens divinam Præscientiam de futura hominis cooperatione, & perseverantia finali in gratia. Hac per se patet, & probatur: Per id facile concordat humana libertas cum Prædeterminationis certitudine, per quod salvum, & integrum stat hominis arbitrium: Sed ita fit per præstatum decretum; Ergo, &c. Probatur minor; Per illud namque decretum præsupponens Præscientiam Deus ab æterno nihil statuit infallibiliter ex voluntate humana futurum, nisi præcognita, & prævisa libertate ejus determinatione, & cooperatione: sed per hoc liberum stat hominis arbitrium, non autem prævenitur, nec ullatenus coarctatur. Ergo, &c.

Hanc ipsam veritatem disserere tuetur, & affirmat S. Anselmus lib. de concordia præscientiæ, & prædeterminationis Dei cum libero arbitrio cap. 2. ubi cum dixisset, *Aliqua præciviri oportet futura per liberum ar-*

bitrium sine omni repugnantia; unde veritas quoque evidens, & ratio docet prædestinari similiter per liberum arbitrium quædam futura absque inconvenientia: Subdit, *Quamvis necesse sit fieri, quæ præcivuntur, & quæ prædestinantur, quædam tamen præcivuntur, & prædestinata non eveniunt ex necessitate, quæ præcedit rem, & facit, sed ea, quæ rem sequitur*; Et infra; *Sicut Præscientia, quæ non fallitur, non præcivit, nisi verum; sed erit aut necessarium, aut spontaneum; Ita Prædeterminatio, quæ non mutatur, non prædestinat, nisi sicut est in Præscientia*. Et quemadmodum quod præcivitur licet in æternitate sit immutabile, tamen in tempore aliquando antequam sit mutari potest: Ita est per omnia de Prædeterminatione. Patet igitur ex his, quæ dicta sunt sibi bene considerentur, quia nec Prædeterminatio excludit liberum arbitrium nec liberum arbitrium adversatur Prædeterminationi. Hac patebunt evidentiis, & firmabuntur in Sectione sequenti, ubi demonstrabimus Prædeterminationem fieri intuitu, & ex prævisione bonorum operum.

SECTIO SECUNDA.

De Causis Prædeterminationis.

DEo quondam sciscitanti, & sanctissimum Jobum interpellanti, ut ediceret, *In qua via lux habitat, & tenebrarum quis sit locus*, cap. 38. Tam arduæ quæstionis discussione ita perfractus est ille virorum Sapientissimus, & Patientissimus, ut quidquid reponeret non inveniret: Respondere quid possum? inquit cap. 39. *manum meam ponam super os meum*. At longè majorem nobis respondendi difficultatem ingeminat presentis Quæstionis titulus. *Si enim difficile estimamus, quæ in terris sunt, ait Sapiens 9. capite, & quæ in præsepis sunt invenimus cum labore: quæ in Cælis sunt, quis investigabit? Sensum autem tuum quis sciet, nisi tu dederis sapientiam, & miseris Spiritum sanctum de altissimis?* Cui ergo tantæ perspicacitatis inveniri poterit, qui aperiat, in qua via illa divina lux Prædeterminationis habitat, quisque sit locus tenebrarum Reprobationis, seu quibus de causis alios ab æterno Deus destinet in Cælum evahendos, ut ibi fulgeant sicut stellæ in perpetuas æternitates; alios verò detrudendos in terram miseræ, & tenebrarum, ubi semperternus horror inhabitat? Non me latet varios Hæreticos nedum, sed etiam Catho-

licos, in his detegendis causis diu, multumque laborasse: at frustrato semper, & casto labore, ut infra meridiana luce clariùs evincemus.

Verum, ne in ipso limine turpis, & crassa quædam fiat allucinatio, præmonendum duxi hic non moveri disceptionem *de causis physicis* divinæ Prædestinationis, utpoteque nullæ sunt, aut solum metaphoricæ: *Efficientem* enim causam non agnoscit ipse divinus voluntatis actus, quo Deus homines ad beatitudinem destinat: Effectus enim à causa realiter distinguitur; hic autem à divina voluntate est realiter indistinctus, multò minus *Materialem*, & *Formalem*, cum hæc corporeitatem, & compositionem sonent, divinæ puritati, & simplicitati omnino repugnantem: Fortè *Finalem* non refugit; at non aliam ab ipso Deo, qui omnia propter semetipsum operatur.

Itaque de sola causa *Morali*, aut *Meritoria*, aut *Motiva*, idque per modum conditionis propter quam, vel sine qua divina voluntas non allicetur ad formandum Prædestinationis decretum; præsens statuitur solvenda controversia. Cui ut pro viribus faciamus satis, tria maxime hoc in Articulo proponimus discutienda. *Primo*, An ita gratuitus sit in nobis primarius divinæ Prædestinationis effectus, nempe gratia vocans, & excitans, ut eam nullus naturæ beneficio possit promereri. *Secundo*, An omnino gratuita sit, aut ex prævisis meritis, nostra ad gloriam electio, & prædestinatio. *Tertio* denique, An alterius meritum possit esse causa motiva nostræ Prædestinationis.

Sed ut feliciori successu Catholicam veritatem ab Hæreticorum strophis, & neniis liberam, præstatis in questionibus exhibeamus; prius lustranda sunt Hæreticorum castra, eorumque circa præsentem materiam detegendi errores, & in apertum proferendi, quò facilius fidei gladio, ac veritatis jaculo concidant, & evanescant.

QUESTIO PRIMA.

Quot, & qui fuerint Hæreticorum errores de causis divinæ Prædestinationis.

Neminem Theologorum latere arbitror prælagium una cum suis assectis circa præsentis Questionis veritatem gravius exor-

bitasse, utpote qui divinæ Prædestinationis coronidem, nempe gloriam æternam, solius liberi arbitrii sortum, & fructum esse dixerit: Vnde quotquot Hæretici hunc in lapidem impegnerunt, illius fuerunt aut Antecessores, aut Sequaces. Quod ut re comprobemus, sequentes subijcimus quæstiuiculas, in quibus apparebit 1. qui fuerint Pelagiani erroris Antesignani 2. qui Diffeminatores, 3. qui Sequaces.

De Pelagianismi Præcursoribus, & Antesignanis.

Primarius Hæresis Pelagianæ antesignanus fuit ipse perduellis Angelus Lucifer, qui beatitudinem divinam appetit, eamque obtinere præsumpsit propriis naturæ suæ viribus, ut ipsemet indicat his verbis Isa: 14. *In Cælum conscendam, super astra Dei exaltabo solium meum ... & ero similis Altissimo*. Hoc videlicet cupiens, ut sicut Deus per suam naturam Beatus est, ita ipse naturæ suæ beatus foret: quod equidem eleganter explicat S. Hieronymus, Epist. ad Ctesiphontem, *Non audeat, inquit, (ut solio putas) sed amaret, Audisse que fecisti, ut novam mihi ex vetere misteres questionem, quæ ante literas tuas, plerique in Oriente decepit, ut per simulatam humilitatem superbiam discerent, & dicerent cum Diabolo in Cælum ascendam, &c.*

Inde sicut Diabolus hujus erroris Pater extitit, illius etiam Propagator, & Diffeminator fuit; ipsum enim sparsit inter superbos illos homines, qui *Dei*, 32. præsumentes se ingenio, viribus, & labore suo, ea quæ habebant consecutos fuisse, ore superbiēte proferebant, *Manus nostra excelsa, & non Dominus, fecit hæc omnia*. Tales erant & illi de quibus ait I David I. c. 11. *Labia nostra à nobis sunt, qui nos Dominus est?* Tales denique extiterunt veteres Gentiles Philosophi, qui libero arbitrio nimium indulgentes hominibus sibi ad felicitatem assequendam sufficere docebant: Unde S. Hieronymus I elagianam Hæresim affirmat ex Philosophis antiquis, & maxime Pythagoræ, & Zenonis I principis Stoicorum fonte manasse; dubdit enim laudato loco, *Quæ potest alia major esse temeritas, quam Dei sibi non dicam similitudinem, sed aequalitatem vindicare, & brevi sententia omnium Hæreticorum venena complecti, quæ de Philosophorum, & maxime Pythagoræ,*

goræ, & Zenonis Principis Stoicorum fonte manavit.

Postmodum verò anno circiter quinquagesimo ante Christum natum, Sadducæi docuerunt, in nostra esse potestate, ut tam felicitatis nobis Authores simus, quam infortunii, ut refert Joseph lib. 13. antiquitatum Judaicarum cap. 9.

At post Christum natum, quatuor potissimum Pelagianii erroris prodromos, & antesignanos Historia Ecclesiastica prodit, quorum primi extiterunt quidam Christiani à Gentilismo, & Judaismo ad Christi fidem in ipsis Ecclesiæ ulnis assumpti: Judæi quidem, qui ut præ cæteris fidelibus à Gentilismo traductis sibi primas arrogarent, gloriabantur suam electionem se fuisse promeritos, tum per nativam à Patriarcha Abrahamo Patre fidelium propagationem, tum per Mosaicæ legis observantiam, quam utique non gratiæ adiutorio, sed liberi arbitrii viribus deferebant, ut colligere licet ex Apostolo in Epistola ad Fideles Romæ consistentes; in qua potissimum adlaborat, ut Fidelium tum à Judæis, tum à Gentilibus assumptorum, supercilium comprimat: Illis quidem demonstrans suam sortem nec generi, nec legi, sed soli gratiæ, & divinæ misericordiæ esse tribuendam; His verò apeiens, quod si in vices, & locum reprobatorum quorundam Judæorum assumpti fuerint, nullam tamen inde gloriæ, aut iactantiae ansam eos habere, utpote cum hæc suffectio, & substitutio non eorum meritis, sed soli gratiæ sit deputanda.

Primum urget, maximè cap. 3. ubi cum dixisset Judæis propter factas subire promissiones, & præscriptam à Deo Legem non esse superbiendum, cum omnes obnoxii fuissent peccato, à quo non per Legem, sed per gratiam mundari licuit; *Quia ex operibus Legis*, inquit vers. 20. *non justificabitur omnis caro coram illo.* Seu ut addit vers. 24. *Justificari gratis per gratiam ipsius, per redemptionem, quæ est in Christo Jesu.* Judæum interpellans versu 27. concludit, *Ubi ergo gloriatio tua? exclusa est. Per quam Legem? faciorum? non: sed per Legem fidei.* Idem acriter urget cap. 4. apeiens qualiter Abrahami justificatus non fuerit per Legem, nec per circumcisionem, sed per iustitiam fidei; nec eum tantum Judæorum Parentem censeri, sed & omnium qui sectantur fidem. *Ut secundum gratiam*, inquit vers. 16.

firma sit promissio omni semini; non ei qui ex Lege est solum, sed ei qui ex fide est Abrahamæ, qui Pater est omnium nostrum, &c. Cùm autem sequentibus in capitulis aperuisset qualiter Judæi ob assidua, & perpetua peccata suam potius reprobationem quam electionem fuerint promeriti; concludit c. 11. *Sic ergo, & in hoc tempore reliqua secundum electionem gratia salvæ sunt. Si autem gratia, jam non ex operibus, alioquin gratia jam non est gratia.*

Secundum pariter ibidem evincit, nempe Gentilibus in Judæorum reprobatorum sortem suffectis, & electis non esse gloriantum. *Si enim*, inquit vers. 15. *amissionem reconciliatio est mundi, quæ assumptio, nisi vita ex mortuis?* Et vers. 17. *Quid si aliqui ex ramis facti sunt, tu autem cum oleaster esses, insertus es in illis, & fecisti radicem, & pinguedinis olivæ factus es; noli gloriari adversus ramos, &c.* Quibus aperte constat nonnullos fideles, tum ex Judaismo cum ex Gentilismo assumptos, hac erronea sententia laborasse, ut arbitrarentur se à Deo fuisse selectos intuitu naturalium, ac moralium bonorum; non à gratia, sed ab arbitrio libero manantium, in quibus appetitam Pelagianis viam paraverunt.

Manichæi inter varios errores circa Prædestinationis Causam secundas obtinent: Manes enim, à quo Manichæi; *Duo principia*, inquit S. Augustinus lib. de Hæresibus cap. 46. *inter se divisa, atque adverja, eademque æterna, & coæterna, hoc est semper fuisse, composuit: duxque naturæ, atque substantiæ boni, scilicet, & mali, sequens alios antiquos Hæreticos opinatus est, quarum inter se pugnam, & commixtionem, & boni à malo purgationem, & boni quod purgari non poterit, cum malo in æternum damnationem secundum sua dogmata esse veras; multa fabulatur.* Maxime verò censibat aliquas esse animas ita mali permixtione deturpatas, ut ab eo nulla vi expurgari possent, & ideo eas fore in æternum damnandas: Alias verò, quæ non ita tenaci tæbe inficerentur, sed facile ab omni mali concretionem purgari, & liberari possent per ipsam Dei virtutem, & Deitatis substantiam, quam per alimenta sumebant; *Eis quippe alimentis, sicut universo mundo Dei substantiam perhibet esse commixtam, quam purgari putant in Electis suis eo genere viæ quo vivunt electi Manichæorum... qua occasione, vel potius execrabilis superstitionis quadam necessitate coguntur*

ter Electi eorum velut Eucharistiam con-
feram cum semine humano sumere, ut etiam in-
de, sicut & de aliis cibis quos accipiunt,
substantia illa divina purgetur Inde non
veniunt carnibus, tanquam de mortuis, vel
occisi fuerit divina substantia, tantumque, ac
tale inde remanserit, quod jam dignum non sit
in Electorum ventre purgari. Nec ova saltem
sumunt, quasi & ipsa cum franguntur spirent,
nec oporteat ullis corporibus mortuis vici, &
hoc solum vivas ex carne quod in farina, ne
moriatur, excipiatur; Sed nec alimonia lactis
utuntur quamvis de corpore animantis vivo-
cent mangleatur sine sugari. Non quia putant
divina substantia nihil ibi esse permixtum,
sed quia ipse error sibi non constat: Nam, &
vinum non bibunt, dicentes se esse Principum
tenebrarum, cum vescantur vitis; nec musti
aliquid, vel recentissimi, sorbent. Animas au-
ditorum suorum in Electis revolvunt arbitrantes,
aut feliciori compendio in eas Electorum
suorum, ut jam inde purgata in nulla corpo-
ra revertantur.

Cæteras autem animas, & in pecora redi-
re putant, & omnia quæ radicibus fixa sunt,
atque aluntur in terra: Herbas etiam, atque
arbores putant vivere, ut vitam quæ illis in
est, & sentire credant, & dolere cum ledun-
tur: Nec aliquid inde sine cruciatu eorum quin-
quam posse vellere, aut carpere, propter quod
agrum etiam spinis purgare nefas habent. Unde
agriculturas (quæ omnium artium æst inno-
centissima) tanquam plurium homicidiorum
reæ dementes accusant: Suisque Auditoribus
ideò hæc arbitrantur ignosci, quia præbent in-
de alimenta Electis suis, ut divina illa sub-
stantia in eorum ventre purgata, impetret eis
veniam, quorum traditur oblatione purganda,
&c. Hæc paulò longius scripsi, ut appa-
reat quas in neniis habet delirantium Hæ-
reticorum genium, ubi semel à veritate
Catholica exorbitavit.

Tertium locum inter hos deviantes usur-
pant Priscillianista. Quos in Hispania Pri-
scillianus instituit, maxime Gnosticum, &
Manichæorum dogmata permixta sectantur, in-
quit S. Aug. ibidem cap. 70. quamvis &
ex aliis Hæreticis in easordes, tanquam in
sentinam quandam horribili confusione conflu-
xerint. Propter occultandas autem contami-
nationes, & turpitudines suas, habent in suis
dogmatibus hæc verba: Jura, perjury, secretum
prodere noli. Hi animas dicunt ejus-
dem naturæ, atque substantiæ cujus est Deus
ad æponem quandam spontaneum interioris
Frassen Theol. Tom. II.

exercendum per septem Cælos, & per quosdam
gradatim descendere principatus, & in ma-
lignum Principem incurrere à quo mundum
factum volumus, atque ab hoc principe per di-
versa carnis corpora seminari. Asfruant etiam
fatalibus Stellis homines colligatos. Itaque quem-
admodum secundum varias ortus nostri
constellationes, alii vegetiores, & sani,
alii verò infirmi, & languentes existunt;
Sic juxta easdem varias constellationes,
alios dicunt nasci destinatos, & aptos
ad gloriam; alios verò æternis suppliciis
manicipandos.

Denique inter Pelagiani erroris Antefi-
gnanos quartum locum obtinet Origenes:
Nam, inquit S. Augustinus lib. II. de Ci-
vit. cap. 23. quidam dicunt animas à Deo
quidem factas; sed à Conditorē recedendo pec-
casse, & diversis progressibus pro diversitate
peccatorum à Cæli usque ad terras diversa
corpora quasi vincula meruisse. Et hunc esse
mundum, eamque causam mundi fuisse faci-
endi, non ut conderentur bona; sed ut mala
cogiberentur. Hinc Origenes jure culpatur: In
his enim libris quos appellavit Periarchon,
idest de principiis, hoc sensu, hoc scripsit, &c.
Hunc eundem errorem Origeni tribuit Epi-
phanius in Panario, & Nazianzenus orat.
31. & Theophylus Alexandrinus Epist. I.
Paschali contra Origenistas.

Hæc omnia confirmat S. Hieronymus
Epist. ad Ctesiphontem non longè ab
initio, ubi tacito nomine, Pelagium sic
carpit, Vis adhuc alium nosse tui erroris
Principem? Doctrina tua Origenis ramuscu-
lus est: in eo enim Psalmo 154. ubi scriptum
est (ut de cæteris taceamus) insuper, & us-
que ad noctem increpauerunt me renes
mei: asserit virum sanctum, de quorum vi-
delicet & tu numero es, cum ad virtutum
venerit summmitatem, nec in nocte quidem ea
pati, quæ hominum sunt, nec cogitatione vi-
riorum aliqua tuitari. Nec erubescas de so-
cietate talium, veniens eorum nomina, quo-
rum blasphemias jungeris, &c.

Et certè hic error apud Origenem in
ipso libro Periarchon, legitur pluribus in
locis; maxime lib. 3. cap. 1. ubi ait circa fi-
nem; Cum ergo una omnium sit natura rationa-
bilium Creaturarum, ex ipsa Deus secundum
precedentes meritum causas sicut ex una mas-
sa figulus creavit, & playmavit, alio quidem
ad bonorem, alios autem ad consumeliam:
Et cap. 10. dicit, Providentiam Dei pro sin-
gularum meritis, & causis regere immortales
O Ani.

animas : Et explicans ubi illa animarum merita inceperint , addit , *Dum non intra hujus sæculi vitam dispensatio humana concluditur* . Et infra , *Ex precedentibus causis unumquodque vas , vel ad bonorem , vel ad contumeliam præparatur* : Et eandem causas præcedentes infra appellat *antiquiores* secundum quas hi ad gloriam præparantur .

Nec refert , quod lib. 2. Periarchon c. 2. aperte doceat , *Spiritus creatum non fuisse , imò nec creati potuisse sine corpore* ; Quod quidem , licet sit erroneum , tamen indicat illum non asseruisse animas longè ante corpora creatas , nec proinde antecorporum animationem potuisse mereri , vel demereri : Nam , ut rectè colligit Suarez lib. 1. de Prædestinatione cap. 4. n. 6. ea fuit Origenis sententia , quod animæ prius creatæ fuerint in quibudam corpusculis , & inde migraverint in hæc corpora humana , quasi in carceres ; ut ibi vel admissi delicti poenitentiam agerent , vel sua peccata prorogantes , ob demerita poenis æternis addicerentur .

Quòd autem reverà Origenis scripta summum Pelagianum patrocinium præbuerint , satis aperte colligitur ex strophâ Rufini , quem *Pelagii præcursores* pluribi appellat S. Hieronymus ; quia Rufinus ex Oriente cum Melania Romam repetens , ut faciliorem Pelagianismo viam sterneret , secum detulit Origenis librum *Periarchon* , quem Latinum fecerat , rescissis variis ex eo erroribus , maxime qui mysterium Trinitatis impugnabant ; *Ut qui in Trinitate Catholicum legeret , in aliis Hæreticum non caveret* , inquit S. Hieronymus Apologia 1. adversus Rufinum . Ne autem sibi esset impedimento quòd apud nonnullos Origenis nomen malè audiret , idem Rufinus Apologiam pro Origene ab Eusebio Cæsariensi scriptam , à se verò latinitate donatam nomine Martyris Pamphili evulgavit .

Plures alias strophas ipse Rufinus commentatus est , ut idem asstrueret ; *Illam autem temeritatem* , inquit S. Hieronymus , Epist. ad Celsiphontem , *imò insaniam ejus quis digressusset explicare sermone , quòd librum Sixti Psibagorici , hominis abique Christo , atque Ebrnici , immutato nomine Sixti martyris , & Romane Ecclesie Episcopi prænotavit ? In qua iuxta dogmata Psibagoricorum qui hominem exæquant Deo , & de ejus dicunt esse substantiam ; multa de perfectione dicuntur : ut qui*

volumen Philosophi nesciunt , sub Martyris nomine bibant de auro calice Babylonis . Denique in ipso volumine nulla Prophetarum , nulla Patriarcharum , nulla Apostolorum , nulla Christi sit mentio , ut Episcopum , & Mariæ sine Christi fide contendat . Unde & vos plurima contra Ecclesiam usurpatis testimonia , fecerat hoc , & in sancti Pamphylî Martyris nomine , ut liberum defensionis Origenis , Eusebii Cæsariensis (quem fuisse Arianum nemo est , qui nesciat) nomine Pamphylî Martyris prænotaret , quò scilicet illa egregia quatuor Origenis Periarchon volumina latinis infunderet auribus .

Et quod mirandum magis , ne quidem ipse Rufinus erubuit jactare Romæ , tum S. Hieronymum , tum etiam Theophylum Alexandrinum Episcopum eisdem Origenis erroribus assentiri , ut ipse testatur S. Hieronym. ad Pammachium , Epist. 78. ubi ait , *Me , & Papam Theophylum jactabat erroris , latratuque impudentissimorum canum ad inducendos simplices , nostrum mentiebatur assensum* . Inde contigit , referente Baronio ad annum Christi 397. ut immenso tunc periculo Romana fluctuaverit Ecclesia , cum liber Periarchon (hæc ille Theodorus) manibus Clericorum circumferretur , ab imprudentibusque laudaretur , & scriberetur , vipereoque sætu multiplicaretur ubique : adeo ut nisi Christi promissionibus firmissimo fundamento Ecclesia Romana Petro consolidata fuisset , ejus casus jure timeri potuisset .

Verùm cum jam latè , longèque serperet virtus ob Siricii Papæ simplicitatem , quam suggillat S. Hieron. quòd adduci non potuisset ut crederet in Christianis adeò fama conspicuis hæresis occultari venenum , ex probitate animi fidei nesciens mala existimare de aliis ; & ideo non confestim , ut par erat , damnavit igne versionem illam *Periarchon* Origenis veneno reftam . Eo brevi vita functo , ejus successor Anastasius , cum jam Origenis hæreses in Synodo Alexandrina damnatæ fuissent , idque pluribus , & manifestis probationibus , arque potissimum sancti Hieronymi scriptis Roman missis , unà cum genuina Origenis *Periarchon* translatione ab ipso facta , in qua ejusdem errores singuli aperta luce cunctis inspicendi exponbantur : Ille , inquam , Anastasius Papa Apostolica autoritate , eandem Origenis hæreses damnavit Anno Christi 400. Inde scribuntur per orbem

Catholicum ab ipso litteræ, ut quæ cavenda forent circa Origenis errores, omnes scient. Inde Episcopi invicem suis in provinciis collecti, eosdem errores damnarunt: Quin etiam sanctionem Imperatorum secutam esse exinde Episcoporum Judicium sanctus Hieronymus significat Apologia prima, ubi ait Rufini querelis respondens, *si quid contra Origenem, & sectatores eius dicitur, in te dictum putas: Ergo, & Epistola Papa Theophyli, & Epiphani, & aliorum Episcoporum, quas nuper ipsi jubentibus transfudi, te petunt, te lacerant. Imperatorum quoque scripta, quæ de Alexandria, & de Ægypto Origenistas pellibent me suggerente distabant: & ut Romanae urbi Pontifex miro eos odio detestetur, meum consilium fuit, ut totus orbi post translationem tuam in Origenis alium exaceris, quem antea simpliciter lectabat meus operatus est stylus. Si tantum possum, miror cur non me metuas, &c.* His præmissis de Pelagianis erroris præcursoribus, jam agendum est.

DE PELAGIO.

§. I.

Quis, & qualis fuerit.

Pelagius fuit natione Brito, patria Scotus, habet enim progeniem Scotice gentis de Britannorum vicinia, inquit Hieron. præfat. lib. 2. in Hierem. Fuit etiam professione Monachus, simulata pietate Paulino, & Augustino charus quondam, ac venerandus. Quod ut servum Dei dilexeris, novimus: Nunc autem quemadmodum diligas ignoramus. Nam, & non solum dileximus, verum etiam diligemus eum, sed aliter diligemus, aliter aliquando dileximus: Tunc enim quia rectæ fidei viabatur; Nunc autem ut ab eis, quæ inimica, & adversa gratiæ sentire dicitur, inquit August. I. pist. 105. Moribus denique fuit vitiatus, ac voluptati, & ventri omnino deditus, si fidem facimus Ildoro elulsiotæ, qui cum Epist. 314. ita carpit: Tibi ingens annorum turba caniciem invenit; & tamen rigidum, atque inflexum animum habes, ex alio Monasterio ad aliud subinde migrans, atque omnium mensas percurans, & explorans. Quamobrem si tibi carni non idcirco, atque opsoniarum condimentum cura est; iis qui magistratus gerunt potius blandire, atque urbium caminos vestiga; neque enim homines Eremitici facultates eas habent, ut te quemad-

modum tibi gratum est, *excipere valeant.* Ac vagationis Pelagii non eam puto tantum causam fuisse popinas absumendi, sed potius pateram venenatæ hæresis propinandi ipsis Fremiincolis, ut à viris pietate clarissimis haustus, & potatus error, facilius ab aliis ebiberetur.

§. I I.

Qualiter, & quando Hæreticus innotuerit.

Hic autem astutus, & verisipellus homo ne qualis esset, Impius deprehendi posset, cum se diu verè Catholicum simulasset; tandem innotuit, imprimis nonnullis Ægypti Monachis, penes quos diutius versatus fuerat. Inde hæc erroris scintilla brevi grande in incendium exarsit, nimirum circa annum, non quidem 415. ut ait Bellarminus in suo Chronico, nec circa annum quidem 413. ut suspicatur Prosper in Chronico: sed verius circa annum 405. ut colligere licet ex Epistola quam S. Chrysostomus adhuc exul scripsit ad Olimpiadem, ubi ad finem hæc de Pelagio recens emergente Hæresarcha, *De Pelagio Monacho* inquit, *magno dolore affectus sum: Cogna igitur quot, quantique coronis digni fini, qui fortis animo in acie steterunt; cum viros tum piæ, ac sanctæ, tantæque cum tolerantia viuentes, abripi, atque in fraudem impelli videamus.* Constat autem Chrysostomum obiisse anno 407. ut refert Socrates libro 6. cap. 19. Adeoque ante annum 413. Pelagius ut Hæresarcha innotuit.

Censent nihilominus aliqui Pelagium illum, de quo loquitur Chrysostomus, non fuisse hunc Hæresarcham cuius errores describimus; quia, inquit, hæc Epistola Chrysostomi scripta fuit anno Christi 401. quando in exilio versabatur, ut patet ex ejus lectione: Pelagius verò adhuc fama sanctitatis florebat anno 413. quo anno libros de peccatorum meritis scripsit S. Augustinus, postquam anno superiori 412. Cælestius apud Carthaginem in Episcopali iudicio excommunicationem meruisset, ut ipse ait lib. 2. Retractionum cap. 33. ut sic

Credibile est Pelagium (postquam in Oriente tanquam lupus sub ovina pelle delitescens detectus fuisset) Romam profectum esse; atque ibi Rufini sermonibus,

nec-non, & eorum omnium qui Rufino favēbant tanquam cætro aliquo percitum de fonte Origenis depromptos errores propalare cœpisse: Idque primum tacito, & suppreslo suo nomine, ne scilicet hæresis prius argueretur quàm illa vires cœpisset eundo, & longè, lætèque disseminata fuisset, ut colligitur ex S. Hieronymo præfatione lib. 4. in Jeremiam: *Commentarios, inquit, per intervalla distabam, ut quod de erat otio supressisset industria, cum subito Hæresis Pythagoræ, & Zenonis, scilicet impassibilitatis, & impeccantia, quæ olim in Origene, & dudum in discipulis ejus Grunio (Rufinum intelligit) Evagrius Pontico, & Joviniano jugulata est, cœpit reviviscere; & non solum in Occidentis, sed & in Orientis partibus sibilare, & in quibusdam insulis, præcipuè Sicilia, & Rhodi maculare plerisque, & crescere per dies singulos, dum secretò docent, & publicè negant.*

Quibus verbis S. Hieronymus Pelagianismi ortum, & successum pandit. *Primo*, docens qualiter Pelagius ex Origene asseruerit posse hominem cō perfectionis pervenire in hac vita, ut accessibus vacuus omni carcat peccato. *Secundo*, Ipsum in hoc errore docendo præcursorem, & præceptorem habuisse Rufinum Evagrii, & Joviniani sequacem: quod iterum confirmat idem Hieronymus in principio libri secundi contra Pelagium: *Non erubescis, inquit, explosam, atque damnatam Joviniani sententiam sequi? Ille enim bis testimonio, tuasque nititur argumentis: Imò tu illius invidia seclariis, in Oriente disseminans, quæ olim Romæ dudum in Africa condemnata sunt.*

Cœpit itaque suum errorem disseminare Pelagius circiter anno 405. scriptis aliquot Epistolis, & Opusculis fermento suo conspersis: adeo tamen callidè, & tot, tantisque verborum ambagibus, argutisque, ut vel oculatissimos falleret. Enim verēbatur apertè dicere publicè, quod secretò Discipulis tradebat, ut ait Hieronymus in Epistola ad Cresiphontem: *Et perverſis instruſus verborum argutis, sub imagine fidei catholice disputans, veluti pestiferum exhalans virus, totam veri dogmatis querebat evertere disciplinam, inquit S. Aug. lib. de Natura, & Gratia cap. 10.*

Dum hæc Romæ à Pelagio gererentur, contigit eam ab Alarico Gothorum Rege capi, atque vastari, anno circiter 410. Tumque diffugientibus huc, & illuc plurimis

ejus incolis, Pelagius quoque cum Cælestio fugit in Africam, & Hippone appulit absente S. Augustino hujus urbis Episcopo: Previq; inde Carthaginem se recepit, ubi semel, iterumque visus est obiter ab Augustino, cura collationis mox habendæ cum Donatistis tunc temporis occupatissimo, & non diu post in Palestinam properavit, ut omnia hæc testatur sanctus ille Doctor lib. de gestis Pelagii cap. 22.

Cum autem Cælestius Princeps ejus discipulorum in Africa substitisset, ibique, & præcipuè Carthagine doceret apertius, quæ Pelagius occultè tantum, & ambigè spargebat apud Palestinos: atque ut majori auctoritate in suis erroribus propagandis in-cumberet, ad Presbyterii gradum clandestina calliditate promoveri niteretur; pravis ejus conatibus obſistentes Paulinus Diaconus Carthaginensis, & nonnulli alii viri Ecclesiastici, ad Episcopale judicium eum Carthagine detulerunt; ubi accusatus, atque damnatus excommunicationis sententia, ab Ecclesia Carthaginensi expulsus est, *Ut reparetur dignam suam perverſitate sententiam, inquit S. Auguſt. lib. de gestis Pelagii capite 22.* Hæc autem contigerunt circa annum 412.

Cælestius verò Carthagine pulsus, magis convulsus, quàm correptus recessit, ut ait sanctus Augustinus Epist. 89. ad Hilarium; indeque migravit in Siciliam, Rhodiæ substitit, ubi plurimos suis erroribus cœpit inficere, ut hic Occidentales macularet, dum Pelagius Orientales perverſis suis dogmatibus clanculum labeſtatabat.

§. III.

A quibus primum impugnata, & in apertum latens Pelagii hæresis deducta fuerit.

Primus omnium Pelagianam hæresim palam impugnasse videtur sanctus Augustinus: Nam anno 413. paulò post condemnationem Cælestii, scripsit primum suum opus contra Pelagianos, tres libros scilicet de peccatorum meritis, & remissione ad Marcellinum, ut ipsemet affirmat lib. 2. Retractionum cap. 33. Subindeque alium ad eundem de Spiritu, & littera, ut ibidem ait cap. 37. Jam enim Pelagius circa idem tempus suam scriptis vulgaverat hæresim, præsertim in illa Epistola, quam scripsit ad Demetriadem, ut eam ad vitæ Christianæ

næ perfectionem institueret; aliquotve aliis libris, quorum unus traditus fuit sancto Augustino à *Timasto*, & *Jacobo* nobilibus Adolescentibus, primum quidem à Pelagio errore infectis, posteaque sancti Augustini opera ad rectam fidem reductis, ut ipse testatur lib. de gestis Pelagii cap. 6.

Eodem ipso tempore styllum contra eodem stringebat S. Hieron. in Oriente rogatu Ctesiphontis, ad quem longam Epistolam, & tres libros Dialogi adversus Pelagianos misit; quos ante Synodum Diospolitam scriptos fuisse colligit ex eo quod nullam illius mentionem faciat: Imò etiam nondum rescivisse videatur quænam Doctrinæ Pelagianæ capita fuissent in Celestio damnata Carthagine; aliqui non adeo laborasset in exquirendis, & detegendis dogmatibus de quibus Pelagius jam erat aperte in suo Discipulo damnatus.

Alii tamen cum Baronio ad annum 415. censent scriptos fuisse, postquam Hieronymus vidit Pelagium malis artibus, fraudulentisque responsis, & abjurationibus Synodum illam decessisse. Tunc enim ad detegendas illius versutias prudenter excogitavit dialogum illum describere, in quo Catholicus sub nomine *Atrici* cogeret acutis interrogationibus *Crisobulum* id est Pelagium exprobrare quidquid occultasset, suppresso nempe Pelagii, & suo nomine, ut ipsemet indicat in præfatione libri 4. in Jeremiam, ubi de Pelagio ait. *Cui respondere dñi tacens, & dolore silentio devorans, crebra fratrum expositulatione compulsus sum nec tamen buc usque prorupi, ut authorum nomina ponerem, malens eos corrigi, quam infamari: non enim hominum, sed erroris inimicus sum*: Et paulò post: *Quibus loquar compendo; Aut bona sunt quæ docetis, aut mala. Si bona, defenditis libere: si mala, quid occulte miseris jugulatis errore, restaque fide ad decipiendo simplices: quosque jactatis expositionem? Quæ si vera est, cur absconditur? Si falsa, cur scribitur?* &c. Et ad Ctesiphontem: *Sola hæc hæresis est, quæ publice erubescit loqui, quod secretò docere non metuit*.

Hujusmodi stimulatione, hoc tandem consecutus Hieronymus fuit, ut in lucem, oculosque omnium protraheret & vepretis suis nitedulam, quæ occultè antea Ecclesiam ardebat. Nam ex eo tempore Pelagius suam hæresim diffominare coepit aperte. Et consultò quidem, prudenterque sanctus Hieronymus studuit, inquit Baro-

Erassen Theol. Tom. II.

nus ad Annum 411. ut viscera Ecclesiæ depascens moribus, foris quò curari posset, apparet in cure: sed & consultius scripta hæc ad Ctesiphontem præmitens, sic paravit antidotum. Pestem enim monstrare, hoc ipsum est curare, ne alii eadem lue, & morbi contagione ledantur. Unde subdit Hieronymus: *Ecclesiæ victoria est vos aperte dicere, quod sentitis. Aut enim idem responsuri estis, quod & nos loquimur, & nequaquam eritis adversarii, sed amici: Aut si contraria nostro dogmati doceritis; in eo vinceamus, quòd omnes cognoscunt Ecclesiæ quid sentiat. Sententias vestras prodidisse, suspasse est. Patet prima fronte blasphemia: non necesse habet convinci, quod sua statim professione blasphemum est. Hæc & alia sanctus Hieronymus in publicum deducens, latentem, & sibilantem in angulo bicipitem anguem, Pelagii scilicet, & Cælestii faucibus in Ecclesiam hæresum inhiantem, ut de eodem sancto Hieronymo illud Job merito dici possit: *Obstreccante manu ejus eductus est de caverna coluber tortuosus*. Quem semel progressum in medium horrendum visu sui deformitate serpentem, mox quique Apostolici viri Apostolicæ Doctrinæ jaculis penitus confecere.*

§. IV.

Quæ scripserit Pelagius.

Varia quidem, ut colligere licet, tam ex Scriptoribus Ecclesiasticis, quàm ex sanctis Augustino, Hieronymo, &c. Primò namque scripsit librum *de fide Trinitatis*, ut affirmat Gennadius Massiliensis in Catalogo Scriptorum Ecclesiasticorum: Pelagius, inquit, *hæresiarca, antiquam præderet hereticus, scriptis studiosis tres necessarios de fide Trinitatis libros*. Secundò ab eodem scriptus est liber de *actuali Conversatione* Capitulum indicis in modum sancti Cypriani Martyris præsignatus, inquit idem Gennadius; hoc est, in quo ad S. Cypriani exemplum è Scriptoris sententiarum capitula complectebatur. Tertiò edidit 14. *Expositionum libros in Epistolas S. Pauli*, de quibus S. Augustinus lib. 3. de Peccatorum meritis, & remissione cap. 1. scribit in hunc modum, *Post paucissimos dies legi Pelagii quadam scripta, quæ in Pauli Apostoli Epistolas expositiones brevissimas continerent*: Hos libros non immerito

quidam suspicantur eos esse, qui *Commentarius Hieronymi in Epistolas aliquot sancti Pauli*, subungi vulgo solent. Cui suspitioni non minimum locum præbet, quod hic Author passim scribat neminem per Adamum peccati reum esse nisi quatenus ejus imitetur exemplum; affirmetque liberum arbitrium circa ullam Spiritus sancti gratiam posse quodlibet operari, prout libuerit, quæ certè Pelagianos errores haud obscure sapiunt.

Quartò etiam ab eodem Pelagio scripta est *Epistola de Virginitate ad Demetriadem*, de qua Epistola hæc habet sanctus Augustinus *Epist.* 142. ad Julianam, *In quadam verò*, inquit, *Epistola sua idem Pelagius, ubi, & nomen suum apertissime ponit, nec nomen sacre Virginis tacet, dicit ad eam se scripsisse, & ejusdem sui operis testimonio probare nititur, se gratiam Dei, quam vel tacere, vel negare asseritur, apertissime confiteri.*

Hujus autem ad Julianam ipsius Demetriadis Matrem scribendæ Epistolæ Augustino causa fuit, nescilicet tam filia, quam mater, quæ ab ipsius Augustini ore pendebant, sparsis in Pelagii Epistola erroribus inficerentur. Quod autem reverà ipsa Juliana procul abfuerit ab omni hæresis suspitione, qua videri poterat ex Pelagii litteris acceptis aspersa fuisse, ipsa testatur *Epist.* ad Augustinum apud eundem num. 143. his verbis, *Noverit*, inquit, *Sacerdotium vestrum longè me, ac domunculam meam, ab hujusmodi personis esse discretam, omnique familia nostra adeo Catholicam sequitur fidem, ut in nullam heresim aliquando deviasse, nec unquam lapsa sit: Non dico eas sectas, quæ vix expiantur: sed nec in eas, quæ parvos videntur habere errores. Quibus significat caruisse penitus domum suam hæresibus illis, quibus Dei labefactaretur natura, atque potentia, ut Arriano rùm, Macedonianorum, Manichæorum, & horum similium, quorum comparatione Pelagii errores Parvos appellat quos tamen maximos esse ipsam postmodum docuit sanctus Augustinus; ad quam etiam direxit varios tractatus, maximè de orando Deo, & de bono viduitatis.*

Scriptis ad eandem Innocentius Pontifex, qui ipsius mulieris sanctitatem ita commendat. *Singulare membrum Ecclesie tue Religionis amplitudinem existere, & à nobis reverentissime coli, satis est omnibus manifestum. In ipso enim apice nobilitatis multò nobiliorem*

Ecclesie devotionem impendis. Et magis lata Christi agnitione, præceptis ejus obtemperas, & de fide potius exultas, quam tanti generis flore jactaris. Summa virtutis est vicisse gloriam carnis, & magna est Christi gratie nobilitatem moribus superasse, domina filia merito illisris. Quibus innocentius tanquam in pharetra sagittam abscondit ad feriendum Pelagium, & avocandam ab eo Julianæ mentem, quam Pelagius ipso præfata Epistola ad Demetriadem inficere tentaverat, eam laudibus extollens, & adulatione demulcens, ut illam in suas partes traheret. Nam ex illa Pelagii Epistola, hæc S. Hieronymus lib. 3. contra Pelagium recitat, atque subannar, ubi de Juliana loquens ait, *Eidem adulans Viduæ, non erubescis dicere Pietatem, quæ nusquam reperitur in terra, & veritatem, quæ ubique peregrina sit, in illa potissimum commorari: Et paulò post, Decere est hoc an occidere? Levare de terra, an precipitare de Cælo? id mulierculæ tribuere, quod Angeli non audeant usurpare? si autem pietas, veritas, atque justitia non invenimur in terris, nisi in una muliere, ubi erunt institui, quos absque peccato in terris esse jactabas?*

Ad hanc itaque refellendam Pelagii Epistolam variz, tum ad Julianam, tum ad Demetriadem scriptæ sunt Epistolæ, non solum à sancto Augustino, Innocentio Pontifice, & Hieronymo, sed etiam à S. Prospero, quæ sic oritur, *Cum splendissime sanctimonie, &c.*

Denique scripsit librum de *Natura Pelagius*, de quo S. August. lib. 2. *Retractat.* cap. 24. scribit, *Veni tunc in manus meas quidam Pelagii liber, ubi hominis naturam contra Dei gratiam, qua justificatur impius & qua Christiani sumus, quanto potuit argumentatione defendit. Librum ergo, quo huic respondi defendens gratiam, non contra naturam, sed per quam natura liberatur, & regitur, de Natura, & gratia nuncupavi. Editus pariter à Pelagio liber de libero arbitrio, de quo sanctus Augustinus lib. de Gratia Christi pluribi, maximè verò cap. 14. 18. &c.*

Quibus omnibus patet Pelagium eruditum prorsus fuisse, quamquam Orosius Presbyter in Apologia de arbitrii libertate, quam adversus Pelagium scripsit, *Hominem inflatum, sed vacuum* appellaverit, quemadmodum nec exprobrare omittit, quod esset *Musilus*; *ævis in fronte*; Item quod

quod balneis, epulisque nutritus latus humeros gestaret, robustam cervicem præferens in fronte pinguedinem.

Constat etiam eum ante evulgatam suam hæreticam simulatam pietate apud omnes fuisse celebrem; quamquam enim Isidorus Pelusiota mores ejus perstrinxerit, ut supra diximus; tamen præclarum de Pelagio aliorum judicium erat, ipsi namque S. Augustinus lib. 2. de Peccatorum meritis & remissione cap. 16. tribuit, *Vitam castam, moresque laudabiles*: Additque, *Eum non dubitasse facere, quod illi divini pro consequenda vita æterna consilia quærenti, cum se respondisset jam omnia implevisse mandata, præcepit Dominus, si vellet ejus perfectus, venderet omnia, quæ haberet, thesaurumque transferret in Cælum*. Item lib. 3. cap. 1. Pelagii, inquit, *vir, ut audio, sancti, & non parvo profectu Christiani*; Et cap. 9. *Eum qui novorum loquuntur bonum, ac prædicandum virum*: Et ibidem, *Vir ille tam egregie Christianus*: Quod confirmatur ex Beato Chrysostomo, qui ut supra diximus ejus casum luget, tanquam pii viri, sancti, & gravioræ quæque pro Christo perpassi; si tamen is fuerit Pelagius de quo loquimur: nam de altero sanctum Chrysostomum sermonem fecisse, non abs re censent aliqui, ut §. 2. notavimus.

§. V.

Quot, & qui fuerint Pelagii, ac Cælestii errores.

Varij quidem: nam S. Augustinus lib. 1. de Peccato originali refert, quod in Synodo Carthaginensi, duodecim errores à Patribus Cælestio objecti fuerint.

Primò quod dixerat Adam mortalem factum, quilibet peccasset, sive non, mortuus esset. *Secundò* quod peccatum ipsius ipsum solum læserit, & non genus humanum. *Tertiò* quod infantes nuper nati in illo statu sint, in quo fuit Adam ante prævaricationem. *Quarò* quod per mortem, vel prævaricationem Adæ, non omne genus humanum moriatur, & quod non per Resurrectionem Christi omne genus humanum resurgat. *Quintò* infantes, etiam si non baptizentur, vitam æternam habere possunt. *Sextò*, divites baptizatos, nisi omnibus abrenuntient, si quid boni visi fuerint facere, non reputari illis, nec eos habere

posse Regnum Dei. *Septimò* gratiam Dei, atque adjutorium, non ad singulos actus donari, sed de libero arbitrio esse, vel in lege, atque doctrina. *Octavò*; Gratiam Dei secundum merita nostra dari. *Nonò* Filios Dei non posse vocari, nisi omnimodo absque omni peccato fuerint effecti. *Decimò* non esse liberum arbitrium, si Dei indigeat auxilio: quoniam in propria voluntate habet univulque facere aliquid, vel non facere. *Undecimò*, Victoriæ nostram non esse ex Dei adjutorio, sed ex libero arbitrio. *Duodecimò* quod peccentibus veniam non detur secundum gratiam, & misericordiam Dei, sed secundum merita, & laborem eorum, qui per poenitentiam digni fuerint misericordia.

Porro sicut Cælestius in Africa postquam cepit aperit suos errores spargere, ad Episcopale judicium Carthagine delatus fuit: ita Pelagius in Palæstina, accusantibus Herote Arelatensi, & Lazaro Aquis Episcopis, hæretic postulatus est in Concilio Diospolitano: ubi, ut scribit S. Augustinus, lib. de Gestis Pelagii, hæc capita fuerunt illi objecta; *Primò*, non posse esse sine peccato, nisi qui legis scientiam habuerit. *Secundò*, omnes voluntate propria regi, tanquam si Deus neminem regat, & frustra scriptum sit: *Salvum fac populum tuum Domine, & benedic hereditati tue, & rege illos, & extolle illos usque in sæculum*, inquit S. Augustinus cap. 3. libri citati. *Tertiò*, in iudiciis impiis, & peccatoribus non esse parcendum, sed æternis eos ignibus exurendos, quasi non essent excipiendi, qui fundamentum habent Christum, quamvis superædificent ligna, fœnum, & stipulam, inquit S. Augustinus cap. 3. ejusdem libri. *Quarò* malum nec in cogitationem Justorum venire, quasi non veniat in cogitationem Justorum quod malum est, neque propterea desinant esse iusti; dummodo absit consensus, ut ait idem Doctor cap. 4. libri citati. *Quintò*, Regnum Cælorum etiam in veteri Testamento promissum fuisse, nimirum ut obtinendum vis solius Legis veteris, sine gratia, quæ ad novum Testamentum pertinet, & intuitu Christi ejus Authoris fuit antea communicata. *Sextò*, posse hominem si velit esse sine peccato, omniaque Dei mandata custodire, & nimirum ad hoc non indigere gratia, sed vires naturales sufficere. *Septimò*, Adam mortalem factum, qui

sive peccaret, sive non peccaret, mortuus esset. *Oñarò*, peccatum Adæ ipsum solum læsisse, & non genus humanum. *Nonò*, Legem sic mittere ad Regnum, quemadmodum Evangelium: *Decimò*, ante adventum Christi non fuisse homines sine peccato; *Undecimò*, infantes recenter natos in illo stare esse, in quo Adam fuit ante prævaricationem: *Duodecimò*, Quod per mortem, vel prævaricationem Adæ omne genus hominum non moriatur, neque per resurrectionem Christi omne genus humanum resurgat. *Decimo tertio*, Quod infantes etiam si non baptizentur habeant vitam æternam. *Decimo quarto*, quod divites baptizati, nisi omnibus abrenuntiaverint, si quid boni visi fuerint facere, nec illis reputetur, neque regnum Dei possint habere. Quæ octo postrema dogmata dicit S. Augustinus cap. 8. libri citati fuisse à Synodo damnata, & ab ipso Pelagionegata, & anathematizata, cum omnia præcedentia verbis ambiguis in sensum Catholicum interpretatus esset. *Decimo quinto*, Ecclesiam hic esse sine macula, & ruga, quasi vellet cum Donatistis in folis Bonis intelligi, quos nullum asserbat habere peccatum. *Decimo sexto*, Plus facere nos, quam in lege, & in Evangelio iustum est, id est, ut exponit S. Augustinus cap. 10. tantam nos habere per naturam liberi arbitrii non peccandi possibilitatem, ut plus etiam, quam præceptum est, faciamus. *Decimo septimo*, Gratiam Dei, & adiutorium non ad singulos actus dari, sed in libero arbitrio esse, vel in lege, atque Doctrina. *Decimo octavo*, Dei gratiam secundum merita nostra dari, qui si peccatoribus illam det, videtur esse iniquus; proptereaque ipsam gratiam in nostra voluntate positam esse, & si per gratiam omnia facimus, quando vincimur à peccato, non nos vinci, sed Dei gratiam, qua voluit nos adjuvare omni modo, & non potuit; & si gratia Dei est, quando vincimus peccata: Ergo ipse est in culpa, quando à peccato vincimur, quia omnino custodire nos, aut non potuit, aut non voluit. Ad quæ respondit Pelagius negando hæc sua esse Dogmata, & anathematizando, qui sic tenet. *Decimo nono*, Illius Dei non posse vocari, nisi omni modo absque peccato fuerint effecti. *Vigesimo*, Oblivionem, & ignorantiam non subjacere peccato, quoniam non secundum voluntatem eveniunt, sed secundum

necessitatem. *Vigesimo primo*; Non esse liberum arbitrium, si Dei indigeat auxilio: quoniam in sua voluntate habet unusquisque, aut facere aliquid, aut non facere. *Vigesimo secundo*, Victoriam nostram non ex Dei esse adiutorio, sed ex libero arbitrio. *Vigesimo tertio*, Penitentibus veniam non dari secundum gratiam, & misericordiam Dei; sed secundum merita, & laborem eorum, qui per penitentiam digni fuerint misericordia.

Quæ omnia Pelagius sua esse negavit, & secundum Judicium sanctæ Ecclesiæ reprobare se dixit: Addito anathemate in omnes contravenientes, & contradicentes sanctæ Catholice Ecclesiæ doctrinis. Quibus omnibus auditis, Synodus eum absolvit, & Catholice Communionis esse professus est, favente Joanne Hierosolymitano Episcopo, & aliis tredecim, qui cum illo convenierant ad Synodum, attendentibus solum ad id, quod Pelagii verba sonabant, neque subtilius, & curiosius inquirentibus ab illo, quid mali sensus occurreret, ambiguisque suis responsionibus involveret.

Hæc inquam omnia cum Pelagio à quatuordecim Episcopis in Synodo congregatis proposita fuissent ex libello contra eum dato ab Erote, & Lazaro Gallis Episcopis, illis quidem absentibus, utpote qui propter unius aegritudinem ad Synodum pervenire non potuerant, ut refert S. Augustinus de Gestis Pelagii cap. 35. Ipse Pelagius anathematizavit his verbis, *Secundum ipsorum testimonium à me dicta non sunt, pro quibus ego satisfacere non debeo, sed tamen ad satisfactionem sanctæ Synodi anathematizo eos, qui sic tenent, aut aliquando tenuerunt.* Subdit pariter; *Iterum dico quoniam ista, & secundum eorum testimonium non sunt mea: pro quibus, ut dixi, satisfactionem non debeo.* Quæ autem mea esse confessus sum. Hæc vera me dicere affirmo, quæ autem dixi mea non esse, secundum Judicium sanctæ Ecclesiæ reprobo, anathema dicens omni contravenienti sanctæ, & Catholice Ecclesiæ doctrinis: Hæc refert ibidem cap. 34. S. Augustinus ex actis ipsius Synodi.

Sic vertipellis homo fefellit Synodum, quam idcirco miserabilem appellat S. Hieronymus Epistola 79. non quod in Doctrina erraverit; nam revera omnes illas præfatas hæreses damnaverunt Diospolitani Patres; lectis enim illis articulis, dixerunt,

runt, *Quid ad hæc, quæ læta sunt, capitula, dicit præfens Pelagius Monachus? Hæc enim reprobat S. Synodus, & S. Dei Catholica Ecclesia, ut refert ibidem S. Augustinus: sed quod non advertetint Pelagium subdole tantum suam Doctrinam ejurasse, ne ipse damnaretur; Unde S. Augustinus de peccatorum meritis, & remissione lib. 11. cap. 9. Egressus, inquit, Judicium Palestina ipse Pelagius: Propierea videtur ibi esse purgatus. Romanam vero Ecclesiam, ubi eum missimum esse scitis, fallere usquequaque non potuit, quamquam & hoc fuerit utrumque comatus.*

S. VI.

Quanam arte Pelagius Concilii Diospolitani Patres luserit.

Varia quidem ac multiplex, sicut ipsemet sanctus August. pluribus commemorat in ipso libro de Gestis Pelagii. Ubi inter cætera advertit, quod ipse Pelagius tribus maximè strophis Patres Concilii Diospolitani luserit. *Primò*, dicendo plura ex sibi objectis articulis non à se, sed ab aliis dicta, maximè à Cælestio suo Discipulo, quamquam reverà idem ipse Pelagius scripsisset, & edocuisse. *Secundò* in iis, quæ ipse scripsisset convictus erat, aliqua astute verba addidit, ut Catholicam doctrinam simulando suam hæreticam servaret: Sic increpatus à Patribus Concilii, quod nihil tribueret gratiæ Dei ad ejus mandata servanda (inquit August. de Hæresibus cap. 88. *Corrèctioni eorum eatenus cessit, ut non eam libero arbitrio præponeret, sed infideli calliditate supponeret dicens, ad hoc eam dari hominibus; ut quæ facere per liberum jubentur arbitrium, facilius possint implere per gratiam: dicendo utique ut facilius possint; valuit crediti etiam si difficilius, tamen posse homines sine divina gratia facere jussa divina, &c.* Tertiò callida interpretatione sua scripta explicavit, ut diceret indicat sanctus Augustinus cap. 1. de Gestis Pelagii, ubi alias etiam deceptionis causas aperit, nempe quod Episcopi Græci, Pelagii verba per interpretem audientes, ea discutere non curarunt, *In his, inquit, quæ libello quem dederunt sancti fratres, & Episcopi nostri Galli, Hieros. & Lazarus, qui propter gravem (sicut postea probabilius conperimus) unius eorum agrammum, præcises esse minimè potuerunt; recitata sunt*

objecta Pelagio; illud est primum, quod in libro suo quodam scribit, Non posse esse sine peccato, nisi qui legis scientiam habuerit, *quo recitato Synodus dixit; tu hoc edidisti, Pelagi? At ille respondit, Ego quidem dixi, sed non sicut illi intelligunt, non dixi non posse peccare qui scientiam legis habuerit, sed adjuvari per legis scientiam ad non peccandum, sicut scriptum est, legem in adiutorium dedit illis. Hoc audito Synodus dixit, Non sunt aliena ab Ecclesia quæ dicta sunt à Pelagio: Subdit sanctus August. Planè aliena non sunt, quæ respondit, illud verò quod de libro ejus Probatum est, aliud sonat. Sed hoc Episcopi Græci homines, & ea verba per interpretem audientes, discutere non curarunt: hoc tantum inventes quid ille, qui interrogabatur, sensisset se diceret, non quibus verbis eadem sententia in ejus libro scripta diceretur.*

S. VII.

Quibus in Conciliis damnatus fuit Pelagius.

SANCTUS Prosper affirmat primum Pelagianam hæresim Romæ fuisse damnatam; ita enim cecinit carminibus de ingratia.

Pessem subeuntem prima recidi

Sedes Roma Petri, quæ pastoralis honoris

Facta caput mundo, quidquid non possidet armis,

Religione tenet.

More igitur majorum factum est, ut nova emergens hæresis, primum omnium à prima sede examinaretur, atque pariter damnaretur; non quidem in Pelagio, qui adhuc sub pallio latebat Catholico, sub quo diu Romæ delituerat; detectus verò, & Roma capta abierat in Palestinam; Sed damnata in Joviniano Pelagii antesignano & præcuratore, ut testatur sanctus Hieronymus contra Pelagium lib. 2. in principio: Ubi alloquens Pelagium sub simulato nomine Critobuli, ait: *erubescit explosam, atque damnatam Joviniani sententiam sequi? Etenim illi: his testimonio, tuisque natiur argumentis, imò tu illius documenta scilicet; in Orientem docere desiderans, quæ cum Romæ audum in Africa condemnata sunt.* Quod autem reverà Pelagius Joviniani dogmata secta-

Arctur, idem aperit Hieronymus Epistola ad Celsiphontem, ubi cum præmisisset secundam propositionem Joviniani damnatam, illam esse, *Eos qui fuerint baptizati à Diabolo, non posse tentari*. Subdit, *Joviniani secunda questio tui ingenii disciplina est. Quidquid illi responsum est, tibi responsum credito; nec fieri potest ut diversus sit eorum exitus, quorum una est sententia*.

Testatur nihilominus Facundus Hermianensis, ab Innocentio primò omnium damnatam esse Pelagianam hæresim. Cujus verba quæ nonnulla scitu digna continent, hic adscribam. *Invenient etiam, inquit, Pelagium hereticum, à quo Pelagiani dicuntur, in judicio Palestinarum Episcoporum, quæ contra Christi gratiam sentebat operientem, pravaque sententias suas veritas interpresantem per eandem ignorantiam absolutum. Invenient postremo B. quoque Zosimum, Apostolica sedis Anistitem, contra sancti Innocentii decessoris sui sententiam (Qui primus Pelagianam hæresim condemnavit) fidem ipsius Pelagii, ejusque complices Cælestii, quæ in Ecclesia Carthaginensi convitium, atque appellentem Apostolicam sedem, ex ipsi gestu ulciserat, tanquam veram, & Catholicam laudantem: Insuper etiam Africanos culpantes Episcopos, quod ab illis heretici crederentur, cum nec dum ipsi, (Africanis Episcopis dolos eorum multo manifestius detegentibus) memoratos Pelagium, & Cælestium putarent orthodoxos. Et tamen nec Athanasium, nec Damasum, nec illos Episcopos, & Zosimum, hereticos credit Ecclesia, quia de hereticis bene senserunt: sed potius pro merito sue fidei Catholicos indicat, & honorat: quoniam non debet criminari deputari simplicium, non intellecta veritate malignorum*.

Rursus Prosper in libro contra Collatorem de condemnatione Pelagianæ hæresis scribens, prius ab Innocentio quam à Palestinis Episcopis de Pelagio judicatum esse significat: *Quando, inquit, beate memorie Innocentius nefandi erroris capita Apostolice mucrone percussit: Quando Pelagium ad proferendam in se, jusque sententiam, Palestinarum Episcoporum synodus coarctavit, &c. Ubi etiam refert Cælestium (quasi non discussio negotio) audientiam postulantem, totius Italice finibus extrudi jussisse*.

Non est tamen dubitandum quin Diospolitanum judicium, Innocentii decretum, ac Pelagii, & Cælestii damnationem antecesserit: Quod si quidpiam adversari

potest ei quod dictum est, primam hæresis illius damnationem à Romana sede profectam esse; quod quinto ante anno Cælestiana dogmata (quæ eadem erant, ac Pelagiana) Carthagine ab Africanis Episcopis damnata sunt; Et Cælestius ipse excommunicatus; ut cum S. Aug. supra ineminimus: Primum illud occurrat, Prosperum, aliosque qui ab Innocentio primò omnium damnatam esse Pelagianam hæresim scribunt, de propria loqui, & primaria hæresi Pelagii: quæ in eo versabatur, quod affirmabat, *Gratiam ex merito dari arbitrii*: Nam de hac Prosper discretè loquitur: de Pelagio, inquam, ipso, & illo hujus dogmate quo asserbat,

Quemque mereri

Libertate sua, ut capiat promissa vocantis.

At Cælestius non ob hanc hæresim excommunicatus est, sed ob alia quædam quæ ab eo vulgata fuerant, à Paulino accusatus, & damnatus est, quæ ex Augustino colliguntur: maxime quod diceret parvulis non obfuisse peccatum Adam, nec eos ideo baptizari, ut à peccato liberentur. Deinde, quod (ut Facundus refert) cum Cælestius post damnationem appellasset sedem Apostolicam: ita nondum pro damnato se gerebat, sed adhuc tanquam suspensum tenebatur de illo judicium.

Secundò damnati sunt in Concilio Carthaginensi, celebrato anno Domini 412. sub Innocentio secundo, cujus quidem Concilii acta perierunt, & eisque tantum superest fragmentum recitatum à S. Augustino contra Pelagium, & Cælestium lib. 2. de Peccato originali cap. 2. ubi ait, *Cælestius quidem in hoc extitit errore liberior usque adeo, ut neque in Episcopali judicio, apud Carthaginem damnare voluerit eos qui dicunt, quod peccatum Adæ ipsum solum leserit, & non genus humanum: & quod infantes qui nascuntur, in eo statu sint in quo Adam fuit ante prævaricationem*. Deinde refert, & describit acta judicii Carthagine habiti, in quo damnatus fuit ipse Cælestius, & una cum eo Pelagiana subnascens hæresis.

Damnatus autem eo judicio Cælestius, subterfugia captans appellandum putavit Innocentium Romanum Pontificem: sed hæc specie tenuis, ne scilicet illo judicio stringeretur; quippe cum sciret Innocentium æquè sibi adversantem fore expertum.

rum. Unde appellationem minimè profectus est, sed defuncto Innocentio ad ejus successorem Zosimum Romam se contulit, suam causam coram eo acturus, suosque accusatores ad sedis Apostolicæ judicium, quasi calumniis exagitatus, provocaturus, quo declararet se non aliter credere quàm quod Catholica teneret Ecclesia. Idcirco ut facilius Pontificem luderet, tanta arte concinnavit scriptum à se libellum, ut non posset, etiam si Zosimus vellet, ab ipso reiici, sed suscipi cogere; utpote qui post enarrata, quæ de fide sentiret, ejusmodi ad finem appositum verba. *Si forte ut hominibus quispian ignorantia error obreperit, vestra sententia corrigatur; ut resectus sanctus Augustinus lib. de peccato originali cap. 67.*

Constitutum autem Zosimus ad explorandam hominis fidem interrogare eum cepit quàm exactissimè, si assentiretur Epistolæ Innocentii adversus errores Pelagii ad universam Ecclesiam datæ: Cui se idem consentire Cælestius professus est, ut restatur sanctus Augustinus lib. 2. contra Epistolam Pelagii cap. 3. Hinc Zosimus sperem concipiens Cælestium Ecclesiæ, & fidei Catholicæ restituendi, lenius cum ipso agere cepit, scripsitque ad Episcopos Africanos, Cælestii libellum esse Catholicum, ipsumque cum universa Ecclesia sentire. In quibus tamen Zosimum non errasse demonstrat sanctus Augustinus adversus Julianum Pelagianum lib. 2. cap. 3. probans Zosimi factum, quippe Cælestium lucrari cupiens cum eo benignè se gessit, eumque ad audientiam admisit.

Ne tamen ab eo deciperetur, ex abundanti cautela scripsit ad Africanos Episcopos, ut si quid contra Cælestium haberent ad ipsum Romam transmitterent. Qui Patres Carthagine convenientes in consilio tulere animo quòd Zosimus Cælestium ab ipsis excommunicatum, & tanquam hæreticum damnatum, ad audientiam admisisset: quibus inter alia respondit Zosimus, *Cum tantum nobis esset auctoritas ut nullus de nostra possit retractari sententia; Nihil egimus quod non ad vestram notitiam nostris ultro litteris referremus.* Et post plura concludit, *Idcirco novit vestra Fraternitas: nihil nos post illas, quas superius litteras vestras accepimus, immutasse, sed in eodem cuncta reliquisse statu in quo dudum fuerant, &c.* Quibus significat se Cælestium non absol-

vissè: sed omni cum deliberatione, non autem præcipiti gressu in tanto negotio agere voluisse, ut nempe exactius rem discerneret, ne Cælestius versipellis hæresiaracha eum ludere posset: Unde evidentiorum de illius sententia damnata ab illis Patribus notitiam expectabat.

Illi autem Africani Patres non solum litteras ad Zosimum Papam dedere adversus Cælestium, verum & libellum inter alia miserunt Paulini Diaconi Carthaginensis adversus Cælestium scriptum, in quo capita omnia continebantur de quibus foret interrogandus ille Cælestius; quò apparere liquidius posset, hæreticus ne an Catholicus (quod profitebatur) omnino esset.

Cum autem Cælestius, quæ à Paulino Diacono fuerant objecta damnare recusasset, à Zosimo Pontifice, & sacro Collegio Clericorum Romæ damnatus est una cum Pelagio, & ab eodem Zosimo ad universos Catholicæ Ecclesiæ Episcopos de ipsorum condemnatione litteræ conscriptæ sunt, mox eas consecutum est Honorii Imperatoris rescriptum adversus eosdem hæreticos, ut refert sanctus Augustinus lib. 3. contra Julianum cap. 1. nec non & Prosper contra Collatorem cap. 10. ubi inter alia hæc scribit per ironiam, *Erravit sacro-sancta Benti Petri sedes, quæ ad universum Orbem Pape Zosini sic vocis loquitur, Nos tamen instinctu Dei (omnia bona enim ad autorem suum referenda sunt unde nascuntur) ad fratrum, & Coepiscoporum nostrorum conscientiam universa retulimus: Erraverunt Africani Episcopi ad eundem Papam Zosimum describentes, eumque in sententiæ bujus salubritate laudantes cum ajunt: illud verò quod in litteris tuis quas ad universos curasti esse mittendas posuisti dicens, Nos tamen, &c.*

Quòd autem reverà in ipso Carthaginensi Concilio damnati fuerint Pelagius, & Cælestius, nedum ex dictis apparet: sed rursus confirmatur ex alia sequenti Carthaginensi Synodo ex septuaginta septem Præsulibus adunata, & quatuor post annos à prima celebrata nempe anno 416. in qua rursus damnati fuerunt Pelagius, & Cælestius, ut constat ex Epistola à Patribus ad Innocentium scripta, in qua de Pelagii articulis hæc habentur, *Hæc ergo lectis, inquit, Pelagium, & Cælestium auctores nefarii prorsus, & ab omnibus nobis anathematizan-*

izandi erroris advertimus, unde factum est ut recensendum peteremus quid ante ferret: quinquennium super Cælestii nomine hic apud Ecclesiam Cathaginensem fuerit agitatum. Et paulo post subdunt quid statutum sit, Nisi hæc, inquit, apertissime anathemati zaverint ipsos anathematizare oportere: ut si ipsorum non posuerit, saltem eorum qui decepti sunt ab eis, vel decipi possunt cognita sententia, quæ in eos lata est, sanitas procuraretur.

Insuper eodem anno 416. convenerunt Milevi in Numidia sexaginta, & unus Episcopi, tot enim numerati habentur in ipsorum Epistola ad Innocentium Papam, ut ibidem damnarent Pelagianam hæresim, quamjam in Concilio Carthaginensi damnatam sciebant; sic enim Innocentium compellunt, Hec ad sanctitatem tuam de Concilio Numidicæ scripta direximus imitantes Carthaginensis Provinciae Coepiscopos nostros quos ad sedem Apostolicam, quam Beatus illustras, de hac causa scripsisse comperimus.

Præterea sub Zolimi Pontificatu celebrata sunt duo præcipue Concilia Africana quorum meminit S. Augustinus Epistola ad Valentinum, & fratres his verbis, Quod scriptum est ad Papam Innocentium Romanæ urbis Episcopum de Concilio Provinciae Carthaginensis, & de Concilio Numidia; & quanto diligentius à quinque Episcopis, & quæ iste ad tria ista descripsit: Item quod Pape Zosimo de Africano Concilio scriptum est, eiusque rescriptum ad universos totius orbis Episcopos, & quod posteriori Concilio plenario totius Africa contra ipsum errorem breviter conscriptum. Quibus verbis S. August. memoratis prioribus à nobis relatis Conciliis, insuper asserit duo Concilia in Africa adversus Pelagium celebrata; unum quidem particulare, aliud verò universale, quod nunc fallor fuit Carthaginense. Tertium in causa Pelagii ab Episcopis 214. adunatum, ut asserit S. Prosper adversus Collatorem c. 10. ubi ait, Errarunt igitur ducenti quatuordecim Sacerdotes, qui in Epistola quam suis constitutionibus protulerunt in Apostolicæ Sedis Antistitem beatum Zosimum sunt allocuti?

Septimum Concilium in quo damnata fuit Pelagianorum hæresis, fuit Gallicanum, in quo agentibus sanctis Germano Antiodorensi, & Lupo Trecenti Episcopis, à numero Patrum cætu proscripti sunt Pelagiani tunc temporis per universam Angliam

grassantes; ut narrat Bedæ lib. 1. Historiæ Anglicæ cap. 17. ubi loquens de SS. Germano, & Lupo à Cælestino Pontifice in Britanniam missis, ut inde hæreticos exturbarent, ait, Antea paucos tantè aduentus eorum annos hæresis Pelagiana per Agricolam illata Severiani Episcopi Pelogiani filium, fidem Britannorum fida peste commaculaverat: Verum Britannii cum neque suscipere dogma perversum gratiam Christi blasphemando ullatenus vellent, neque versutiam nefarie persuasionis refutare verbi certitudine sufficerent; interveniunt salubre Concilium ut à Gallicanis Antistitibus auxilium belli spiritualis inquirant. Quam ob causam collecta magna Synodo quærebatur in commune, qui illuc ad succurrendum fidei mitti deberent, atque omnium iudicio eligebant dictum Antistitem Sacerdotes Germano Antiodorensi, Lupo Tricassina civitatis Episcopus.

Plura alia Concilia Pelagii errorem damnarunt, maxime verò Ephesinum generale, in quo cum Pelagiani Nestorium damnare refugerent, cum ipso Nestorio damnandos esse censuit; ut constat ex Canone 1. & 4. Item in Synodo Arelateni anathema dictum est illi, Qui inter reliquas Pelagii impietates hominem sine peccato nasci, & per solum laborem posse salvari damnata presumptione contendit, & qui eum sine gratia Dei liberari posse crediderit. Similiter in Concilio Lugdunensi in quo Arelatenis Synodi decreta comprobantur: Insuper in Concilio Sardinienfi, Arausico 2. nec-non Valentino, & cæteris quæ vel Pelagianam doctrinam expresse condemnarunt, vel sanctorum Patrum contra Pelagianos dicta, & scripta probaverunt.

§. VIII.

Quos habuerit Affectas, & Patronos.

Duos maxime; in primis verò Cælestium, quem S. Augustinus lib. 2. contra duas Epistolas Pelagii cap. 3. Virum acerrimi ingenii appellat. De quo patet Gennadius in Catalogo virorum illustrium ait, Cælestius antequam ad Pelagium concurreret; uno adhuc adulescentis scripsit ad parentes suos de monasterio Epistolas in modum libellorum tres omni Deum desideranti necessarias: Moralis siquidem in eis dictio nihil tibi vitii postmodum prodixit; sed tantum

tum ad virtutis incitamentum tenuit. Plura scripsit quibus Pelagii errores tueretur, & diffeminaret. Inter cetera verò ejus scripta Sanctus Augustinus lib. de perfectione justitiæ contra Cælestium, reponit definitiones, seu potius ratiocinationes, & questiones quasi ab aliis formatas, ut comodo per cuniculos in Ecclesiam hæresim intromitteret. In lib. verò de peccato originali cap. 11. meminit etiam Augustinus Epistolæ, seu libelli quem ipse Cælestius Papæ Zosimo obtulit, in quo expressè asseverat, *Quid parvulorum neminem obstringat originale peccatum*. Plures pariter scripsit Epistolæ, & libellos quibus Pelagium magistrum extolleret, & defenderet; ejus autem adversarios infectaretur.

Unde S. Hieronymus Epist. ad Ctesiphontem de Pelagio sermonem faciens ait, *Unus discipulorum ejus (nempe Cælestius) imò jam Magister, & totius auctor exercitur, & contra Apostolum vas perditionis per sollicitudinem, & non ut sui jactant syllogismorum spinea decurrit, sic Philosophatur, & disputat: Si nihil ago absque Dei auxilio, & per singula opera ejus est quod gesserio: Ergo non ego qui laboro, sed Dei in me coronabitur auxilium: frustra quæ dedit arbitrio potestatem quam implere non possum, nisi semper adjuverit: destruitur enim voluntas quæ alterius ope indiget: sed liberum dedit Deus arbitrium; quod aliter liber non ero, nisi fecero quod voluero, ac per hoc ait; aut utior semel potestate quæ mihi data est, ut liberum servetur arbitrium, aut si alterius ope indigeo, libertas arbitrii in me destruitur. Qui hæc dicit, quam non excedis blasphemiam? Quæ hereticorum venena non superas, &c.* Aperit autem infra qualiter Cælestius ipsum fuerit infectatus, Necdum scripsit, & comminari mihi scriptorum tuorum fulmina, ut scilicet hoc timore perterritus, non audeam ora referare: & non animadvertis idcirco nos scribere, ut vos respondere cogamini, &c.

Secundò habuit Julianum, Episcopum Campanum quidem, sed cujus civitatis in Campania, an Cætanensis, vel Celenensis, vel Eracenensis, adhuc sub judice lis est, de quo Gennadius supra laudatus ait, *Julianus Episcopus Capuanus, vir acer ingenio, in scripturis Doctus, Græcæ, & Latina lingua Scholasticus*. Prius ergo quam impietatem Pelagii in se aperiret, clarus in Doctoribus Ecclesiæ fuit: Postea verò hæresim Pelagii defendere

visus, scripsit adversus Augustinum impugnato-rem illius libros quatuor, & iterum libros octo. Est & liber altercationis amorum partes suas defendentium: Subdit, *Elemosynis tempore famis, & angustia indigentibus omnibus suis prorogatis, multos miserationis specie nobilium, præcipuè Religiosorum illiciens, hæresim suam sociavit*. De eo pariter Beda in Cantica sic scribit, *Julianus ut Retor peritissimus, ita gratia Dei post Pelagium impugnator acerrimus: ut aperiens ejus scripta, quibus contra strenuissimum etiam gratia propugnato-rem Augustinum insansit, ostendunt, cujus causa duelli primùm de amore libellum composuit sub obtentu quasi hunc à sedissima foret voluptate secreturus; & autem vera suam confirmaturus hæresim*. Subdit, *Dicit sanctum nobis, ac generosum amorem ab ipso lucis exordio natura conciliante insimul, & ad ultimam usque senectutem solis viribus animi innixum sine ullo damno suo persistere vigoris*. Hinc ibidem monet Lectorem, *Ut opuscula Cellanensis Episcopi à Campania quæ in eundem librum, Canticorum, confectis, cautissimè legat, ne per copiam eloquentiæ blandientis in cænum incidat doctrina nocentis*.

§. IX.

Quinam præcipui fuerint illius Impugnatores, & Expugnatores.

Duo maximè, inprimis sanctus Hieronymus, qui Pelagii errores primus omnium in apertum deduxit, & mirum in modum exagitavit, ut testatur sanctus Prosper carmine de ingratis.

Tunc etiam Berlebi præclari nominis
bojes
Hebræo simul, & Græco, latioque vo-
nustus
Eloquio, morum exemplum, mundique
magister
Hieronymus libris valde excellentibus bo-
stem
Dissecuit, noscique dedit, quo turbine
veram
Vellent exorta lucem obscurare tene-
bre.

Quibus aperit mirum ipsius S. Hieronymi in scribendo consilium. Etenim cum vidisset S. Hieron. versutum Pelagium Synodum Palestinum decessisse, & Catholicam veritatem offusis suorum errorum tenebris obscurasse; prudens illud, ut jam diximus,

mus, excogitavit inventum, ut tres dialogos scribere adversus Pelagium fusi larvatis nominibus, se quidem *Atticum*, Pelagium verò *Critobolum* appellans; ne scilicet si propria exprefisset nomina, invidiam sibi concitaret, insurgendo in hominem eumque hæresis insinulando, quem Diospolitana Synodus absolverat; nullam pariter in eis dialogis Synodi Diospolitane mentionem fecit; ne si ea quæ ab eâ gesta sunt approbasset, videretur etiam Pelagii absolutionem probare: si verò damnaisset, ipse potius esset damnandus qui Synodum argueret.

In his autem dialogis, exquisitissimis interrogationibus cogit latens intus venenum in medium proferri, omnibusque demonstrari qualis esset, qui errores damnans, videti voluisset in Synodo probatus omnino Catholicus: Unde inter alia præfatur, *Adversus eos autem qui me dicunt hoc opus inflammatum invidia facibus scribere, breviter respondebo, nunquam me hæresis pepercisse, & omni egisse studio ut hostes Ecclesie, mei quoque hostes farent.*

Hunc omni quo potest studio, & labore fovit, & juvat sanctus Augustinus, qui ut ait Possidius Decem annos adversus Pelagianam hæresim insatigabili studio laboravit: Unâ cum Aurelio qui præfuit Concilio Carthaginensi; de quibus S. Prosper,

An alium in finem posset procedere san-
ctum

Concilium, cui dux Aurelius; inge-
minumque

Augustinus erat: quem Christi gratia
cornu

Ubiore rigans, nostro lumen dedit
ævo,

Accensum vero de lumine: Nam cibus
illi,

Et vita, & requies Deus est: omnisque
voluptas

Unus amor Christi est: unus Christi est
honor illi.

Et dum nulla sibi tribuit bona, sit Deus
illis

Omnia, & in sanctis regnat sapientia
templo.

Non opus est enumerare, nec hujus loci referre ea omnia, quæ vir sanctissimus, & omnium hæresum impugnator invictissimus scripserit adversus Pelagium, Cœlestium, & Julianum; hæc enim satis in 7. tomo illius operum aperte patent. Plures alii e-

sanctis Patribus, putâ Orosius, Hilarius Arelatenus, Fulgentius, Prosper, & cæteri Pelagianos dictis, & scriptis exagitarunt: Verum quoniam potissimum ipsis res fuit cum Sempelagianis, idcirco de eis infra.

§. X.

Utrum Pelagius aliquando suum errorem temperaverit, & tandem aliquod inter-
num, ac necessarium gratiæ au-
xilium admisit.

SUAM equidem sententiam Pelagium verbis saltem exterius sonantibus mutasse; ac temperasse pluribus constat. *Primo* namque asseruit naturam hominis sufficere ad quæcumque opera virtutis exercenda, ad servanda omnia Dei mandata, & vivendum sine ullo peccato; ac denique ad veram, & æternam felicitatem consequendam: Unde Pelagius Epist. ad Demetriadem nobilissimam virginem cap. 2. sic ait, *Quoties mihi de institutione morum, & sancta vitæ conversatione dicendum est, solo primo humane naturæ vim qualitatque monstrare, & quid effici possit ostendere; ac jam inde audientis animum ad species incitare virtutum, &c. Optima enim animi incitamenta sunt cum docetur aliquid posse.* Hunc Pelagii errorem variis in locis reprehendit, ac insectatur S. Augustinus; nam lib. 3. contra Julianum c. 3. hæc scribit, *Natura ista in tantas, & tam manifestas collapsa miseras, liberatorem, mundatorem, redemptorem Christum habet necessarium; non Julianum, non Cælestium laudatorem:* Et lib. 3. contra duas Epistolas Pelagianas cap. 14. *Non sic, inquit, debemus laudare Creatorem, ut cogamur dicere, imo verò convincamur dicere superfluum Salvatorem. Naturam hominis dignis laudibus honoramus, easque laudes ad Creatoris gloriam referamus; sed quis nos creavit ut sine grati, ut non sinus, quia sanas, ingrati.*

Verum cum Pelagius male audiret apud Catholicos quod Gratiam divinam negaret, ad declinandam invidiam, & fucum Catholicis faciendum, cepit nomine *Gratiæ* liberum arbitrium intelligere, ita enim de eo refert S. Augustinus de verbis Apostoli cap. 7. *Non, inquit Pelagius, contra gratiam Dei disputo. Unde probat? Eo ipso, inquit, non contra gratiam Dei disputo, quod liberum arbitrium defendo, Unde exclamat*
San-

sanctus Augustinus, *Videte acumen, sed vitreum! quasi lucet vanitate, sed frangitur veritate.* Hanc autem stropham maxime commentus in Synodo Diospolitana, in qua ne damnaretur à Patribus, gratiæ auxiliantis necessitatem admittit; verum subdole per gratiam intelligendo *Liberum arbitrium, & Naturam*, in qua conditi sumus, ut cum aliis Patribus Africanis conqueritur S. Augustinus Epist. ad Innocentium Papam, & Epist. 105. ad Sixtum, in qua sic ait: *Cum huic gratiæ inimici, infestique sint isti: Pelagius tamen in Ecclesiastico iudicio Palestino, non enim aliter inde impunitus exisset, anathematizavit eos qui dicunt gratiam Dei secundum meritum dari. Sed cum ab istis queritur quam gratiam Pelagius cogitaret sine ullis precedentibus meritis dari quando anathematizabat eos qui dicunt gratiam Dei secundum merita dari? Respondens, sine ullis precedentibus meritis gratiam ipsam humanam esse naturam, in qua conditi sumus: neque enim antequam essemus, mereri aliquid poteramus ut essemus.* Subdit sanctus Augustinus, Abiciatur à Christianorum cordibus ista fallacia: Nam omnino non istam gratiam commendat Apostolus qua creati sumus ut homines essemus, sed qua iustificati sumus ut homines iusti essemus: *Ista est enim gratia per Jesum Christum Dominum nostrum; etenim Christus non pro nullis ut homines conderentur, sed pro impiis mortuus est ut iustificarentur.*

Hoc autem suum commentum sic adstruebant, ut refert idem sanctus Augustinus serm. 11. de verbis Apostoli, ubi personam interrogantis, & respondentis agens, *Expone ergo nobis, inquit, O Doctor, quam dicas gratiam? Cum dico, inquit liberum hominis arbitrium, vide quia hominis dico. Quid deinde? homo est, quis creavit. Deus. Quis ei liberum arbitrium dedit? Deus. Si ergo hominem Deus creavit, & homini Deus liberum donavit arbitrium, quidquid potest de libero arbitrio, cuius gratia...*

Et hoc quasi acutè ab ipsis men fratres quomodo illos prædicant quia creati sumus, & utique, & mus: sed...

& à Christo emanare, & conferri dicitur; libero arbitrio adjunxit *Gratiam Doctrinæ, & Legis*, ut indicat sanctus Augustinus lib. de Gratia Christi cap. 3. *Gratiam Dei, inquit, & adiutorium quo adjuvamus ad non peccandum, aut in natura, & libero ponit arbitrio; aut in lege, atque doctrina: ut videlicet cum adjuvas Deus hominem ut declinet à malo, & faciat bonum; revelando, & ostendendo quid fieri debeat, adjuvare credatur: Hinc Prosper de ingratia cap. 2.*

Aliud non est vobis cum gratia, quam Lex,

Quamque Prophetæ monens, & quàm doctrina ministrat:

Omnem itaque, & solam institutionem externam ab Evangelica lege, & doctrina promanantem, Christi gratiam asserbant, ut ibidem affirmat sanctus Augustinus cap. 10. *Ad doctrinam, inquit, pertinet, etiam quod sapientia revelatur: ad doctrinam pertinet cum suadetur omne quod bonum est. Et si inter docere, & suadere, vel potius exhortari, distare aliquid videtur, etiam hoc iamen doctrinæ generalitate concluditur, quæ quibuscumque sermonibus, vel litteris continetur. Nam & sacra Scriptura docet, & exhortantur; & potest esse in docendo, & exhortando etiam hominis operatio. Quibus duplicem doctrinæ modum adstruebant; unum è libris, per electionem; alterum è sermone, per hominis alterius operationem. Verum cum urgeretur à Catholicis hanc legis, & doctrinæ gratiam non sufficere ad hominum salutem, ut multis probat S. August. laudato loco,*

Tertium gratiæ genus excogitaverunt, nempe Christi Dominum exemplum, & imitationem, dicentes quod quemadmodum Adamus primus obtulit nobis exemplo malo; ita Christus Adamus secundus profuit nobis exemplo bono, ut refert ibidem sanctus Augustinus c. 2. Solent, inquit, dicere...

ad non peccandum...

ipse, iustique...

cap. 14. Gra...

in virtutis...

caplo. Quod...

ultrat S. Au...

posteriorem...

5. concludit:

nam virus b...

in Christi in a...

10 ejus; dicentes...

in iusti...

subministrationem Spiritus sancti. Cum autem hanc etiam suam sententiam sicut & præcedentes, damnatam viderent, maxime in Concilio Carthaginensi Canone 5. his verbis, *Quicquid dixerit eandem gratiam Deiper Jesum Christum Dominum nostrum propter hoc tantum nos adjuvare ad non peccandum, quia per ipsam nobis revelatur, & aperitur intelligentia mandatorum, ut sciamus quid appetere, quid vitare debemus: Non autem per illam nobis præstari, ut quod faciendum cognoverimus, etiam facere diligamus, atque valeamus, anathema sit: cum inquam ita se stringit animadvertent,*

Quarto, Commenti sunt aliud gratiæ genus, nempe *gratiam Remissionis peccatorum*, qua Deus peccata ignosceret, & condonaret, ut idem refert S. Augustinus lib. de Gestis in Synodo Palestina c. 33. Dicunt, inquit, *ut non peccemus, impleamusque iustitiam, posse sufficere naturam humanam, quæ condita est cum libero arbitrio, eamque esse Dei gratiam; quia sic conditi sumus ut hoc voluntate possimus, & quod adiutorium legis, mandatorumque iurum dedit, & quod ad se convertere peccata præterita iungit, in his solis esse Dei gratiam deputandum, non in adiutorio nostrorum actuum singulorum.* Unde lib. 2. contra posteriorem Juliani responsum, ita eum carpit; *Tu vestro more, qui de vestro descendit errore, non agnoscis gratiam nisi in dimissione peccatorum, ut jam de castro per liberum arbitrium ipse homo seipsum fabricet iustum: Sed non hoc dicit Ecclesia, quæ clamat tota quod didicit à Magistro bono, ne nos inferas in tentationem, &c.*

Hanc autem remissionem peccatorum solam Dei condonationem externam intelligebant: Unde nullam tunc internam gratiam admittebant, quod utique cum pariter damnatum fuisset in Concilio Carthaginensi Canone 3. his verbis: *Item placuit ut quicumque dixerit gratiam Dei in qua iustificamur per Jesum Christum Dominum nostrum, ad solam remissionem peccatorum valere, quæ iam commissa sunt, non etiam ad adiutorium ut non committantur, anathema sit.* Histan- dem perspectis, & auditis,

Quinto; Pelagius fateri utcumque cepit virtutis divinæ auxilium internum Spiritus sancti in homine operantis; sed illud tantum in sola illuminatione intellectus collocabat: Nolebat autem gratiam voluntati præberi, vel excitantem quæ evigilaret,

vel actualem quæ adjuvaret, vel habitua- lem quæ sanctificaret.

Ut refert S. Augustinus lib. 1. de Gratia Christi cap. 7. ex Pelagio dicente, *Adjuvat nos Deus per doctrinam, & revelationem suam dum cordis nostri oculos aperit, dum nobis ne presentibus occipemur futura demonstrat; dum Diaboli pandit insidias, dum nos multiformi, & ineffabili dono gratiæ cælestis illuminat.* Quibus verbis Pelagius non solum exteriori verbi Predicationem aut Lectionem necessariam ferebatur: sed ultro requirebat interiorem Spiritus sancti per verbi illuminationem, & suasionem; ita quod homo quidem, vel Angelus, exterius operando, hominem docet, & voluntatem ejus illuminat: At Spiritus sanctus hoc peculiare habet, quod interius animum instruat.

Non tamen idcirco volebat Pelagius per illud internum auxilium voluntatem juvari, viresque accipere quibus vellet, & posset bonum sectari, ut affirmat S. August. hæres. 78. Dicunt, inquit, *ad hoc tantum adjuvare per suam legem, atque doctrinam, ut discamus, quæ facere, & quæ sperare debeamus; nos autem ad hoc per donum Spiritus sancti, ut quæ didicerimus esse facienda, faciamus: Ac per hoc divinitus nobis dari scientiam consuetur, quæ ignorantia pellitur; charitatem autem dari negant, quæ pietas videtur: scilicet cum sit donum Dei scientia, quæ sine Charitate inflat; non sit Dei donum ipsa Charitas, quæ ut scientia non inflat adificat.* Item Epist. 95. quam unâ cum Alipio, Evodio, & Possidio Episcopis scripsit ad Innocentium, ne Pelagium in Synodo Palestina per fraudem absolutum etiam absolveret, & ne ab eo deciperetur sicut Diospolitani Patres, monet; *Sive gratiam dixerit esse liberum arbitrium, sive gratiam esse remissionem peccatorum, sive gratiam esse legis præceptum: Nihil eorum dicit, quæ per subministrationem Spiritus sancti pertinent ad concupiscentias, tentationesque vincendas.* Itaque affirmabat quidem Pelagius Spiritum sanctum, nostrum illustrare intellectum, quæ posita illustratione voluntas propriis viribus, & virtute liberi arbitrii poterat bonum sectari. Quod longè alienum erat a veritate Catholica, ut aperit S. Augustinus lib. de Gratia Christi, quem librum post damnatam hæresim Pelagii primum ab Innocentio I. deinde à Zosimo, S. Doctor scripsit, ut ipse t. stat. lib. 2. Retract. cap. 50. illo inquam libro de Gra-

ria Christi cap. 28. ubi hæc Pelagii verba citat ex ejus libro pro libero arbitrio; *Cum autem tam forte*, inquit Pelagius, *tam firmum ad non peccandum librum in nobis habeamus arbitrium, quod generaliter nature humanæ Creator inseruit: Rursus pro ejus inestimabili benignitate quotidiano ipsius munimur auxilio: Nempe externa, vel interna illuminatione, qua posita, voluntas ex arbitrii liberi viribus poterat bonum exequi.*

Secundo, Non desunt viri Theologi, qui fateantur Pelagium, ubi suam hæresim damnatam ab Innocentio, & Zosimo audivit, ex tunc capisse agnoscere, & fateri gratiam internam, & auxilium supernaturale, per quod voluntas sufficienter accipiat vires ad actus quoslibet salutares eliciendos. Idque firmant ex eo, quod Pelagius tria hæc distinguat, posse, velle, agere; affirmetque posse voluntatis divinitus adjuvari: Ejus verba refert S. August. lib. de Gratia Christi cap. 4. Nos sic tria ista distinguimus, inquit Pelagius lib. 3. pro libero arbitrio, & certum velut in ordinem digesta partiumur. Primo loco posse statuimus: Secundo velle: Tercio esse. Posse in natura, velle in arbitrio, esse in affectu locamus. Primum illud, idest posse ad Deum propriè pertinet; qui illud Creaturæ suæ contulit: Duo verò reliqua velle, & esse ad hominem referenda sunt, quia de arbitrii fonte descendunt: Ergo in voluntate, & opere bono laus hominis est; imò, & hominis, & Dei, qui ipsius voluntatis, & operis possibilitatem dedit, ipsam possibilitatem gratiæ suæ adjuvat semper auxilio.

Quibus verbis quamquam Pelagius videatur admittere gratiam interiori excitantem, & adjuvantem voluntatem ad opus bonum: nihilominus reverà ipsam non admisit, ut affirmat S. August. ibidem cap. 5. *Scire quippe debemus*, inquit, *quòd, nec voluntatem nostram, nec actionem divino adjuvari credit auxilio, sed solam possibilitatem voluntatis, atque operis, quam solam in his tribus (nempe possibilitate, voluntate, & actione) nos habere affirmat ex Deo: Tanquam hoc sit infirmum, quod ipse Deus potuit in natura; cætera vero duo, quæ nostra esse voluit, ita sunt: firma, & fortia, & sibi sufficientia, ut nullo inigeant ejus auxilio. & ideo non adjuvet, ut velimus, non adjuvet, ut agamus, sed tantummodo adjuvet, ut velle, & agere valeamus.* Unde colligit cap. 8. Hinc itaque apparet hanc eum gratiam consistere, quæ demon-

strat, & revelat Deus quid agere debeamus; non qua donat, atque adjuvat, ut agamus.

Confirmatur ex cap. 25. ejusdem libri, ubi sic ait, *Desinat Pelagius, & seipsum, & alios fallere contra Dei gratiam disputando: Desinat dicere, quòd possumus omne bonum facere, dicere, cogitare, illius est, qui hoc posse donavit, qui hoc posse adjuvat, quod verò bene vel agimus, vel loquimur, vel cogitamus nostrum est; desinat, inquam ista dicere; Non solum enim Deus posse nostrum donavit, atque adjuvat, sed etiam velle, & operari operatur in nobis.* Et infra, *Quomodo dicit Pelagius quòd bene loqui possumus Dei est, quòd bene loquimur nostrum est; cum dicat Dominus, Spiritus Patris vestri est, qui loquitur in vobis? Neque enim ait, non vos estis, qui dedistis vobis bene posse loqui, sed ait, qui loquitur in vobis; non significans possibilitatis profectum, sed exprimens cooperationis effectum; Quomodo dicit liberi arbitrii elatus Assessor quòd possumus bene cogitare Dei est, quòd autem bene cogitamus nostrum est? Cui responderet humilis gratiæ Predicator, non quia idonei sumus cogitare aliquid à nobis quasi ex nobismet ipsis, sed sufficientia nostra ex Deo est; non enim ait posse cogitare, sed cogitare.*

Septimo tandem: Consent nonnulli, quòd Pelagius coactus aliquam admittere gratiam supernaturalem, qua voluntas bonum sectaretur, eam tantum admisit, non utique necessariam, sed solum utilem, qua nimirum facilius bonum opus voluntas exerceret, ut indicat S. August. libro de Gratia Christi cap. 22. & 23. ubi cum retulisset verba Pelagii scribentis in Epistola ad Demetriadem; *Auxilium supernaturale nobis concedi, ut divinam mereamur gratiam, & facilius nequam spiritui, auxilio sancti Spiritus resistamus* (subjungit S. Augustinus) *Significat profecto quid sapiat: Ut quid enim hoc verbum interpositum facilius? An non erat integer sensus, ut nequam spiritui, sancti Spiritus auxilio resistamus? Sed quantum detrimentum hoc addimento fecerit, quis non intelligat? Volens utique credi tantias esse naturæ vires, quas extollendo præcipit, ut etiam sine auxilio Spiritus sancti, esset minus facile, tamen aliquo modo nequam spiritui resistatur.* Et lib. 2. contra duas Epistolas Pelagianorum cap. 2. ait Pelagius; *Facilius dicit impleri quod bonum est, si adjuvet gratia: Quo addimento, idest addendo facilius, utique significat hoc se sapere, quòd etiam si gratiæ defuerit adiutorium, potest*

quantvis difficilior, impleri bonum per librum arbitrium: Itaque non immerito Alvarus lib. 1. de auxiliis Disp. 1. num. 4. colligit *Cælestium* quidem admisisse necessitatem auxilii sufficientis; non autem auxilii efficacis ad operandum: *Julianum* verò agnovisse necessitatem auxilii adjuvantis, non tamen auxilii prævenientis, & excitantis: *Pelagium* verò solum admisisse gratiæ utilitatem, non verò necessitatem.

§. X I.

Quibus de Causis ita erraverit Pelagius.

PRæcipuæ causæ, quæ Pelagium, virum aliunde doctum, & alias pietatis nomine celebrem, hunc in scdum errorem impulerunt, videntur *primò* quòd magnam videret Christianorum in bonis operibus faciendis socordiam, quam utique corrigi posse sperabat, si grande quid de propriis suis viribus cogitarent, nec omnem suam in bono virtutem in solam Dei gratiam refunderent. *Secundò*, quòd Manichæorum vitare vellet errorem, qui naturam omnimodè vitiatam, & ad bonum quodlibet inutilem affirmabant, *Tertiò*, quòd moveretur dictis quorundam sanctorum Patrum, qui cum Manichæos insectarentur, plura in favorem liberi arbitrii protulerunt; non distinguentes quid homo per naturam, quid per gratiam posset; quia necdum hac de re controversiam moverat nemo; quòd dum ipsemet non attendit Pelagius, sic Manichæis cepit adversari, ut ipse in diversum declinans, oppositam in hæresim inciderit. *Quartò* denique ad id sentientium fortè ipsi stomachum moverunt quædam S. Augustini verba, ut ipse refert lib. 2. de bono perseverantiz cap. 20. dicens, *In meis libris Confessionum, cerè dixi Deo nostro, & sæpè dixi, da quod jubes & jube quod vis, quæ max verba Pelagius Roma cum à quodam fratre Coepiscopo meo fuissent eo præsentè commemorata, ferre non potui, & contradicens aliquanto commotus, penè cum eo, qui illa commemoraverat, litiga. vis: Siquidem ferre non potuit, quòd arbitrii libertati detraberetur quidpiam ut gratiæ Dei tribueretur.*

DE SEQUACIBUS PELAGII.

DEbellato, & maxime per sanctum Augustinum expugnato Pelagii errore, occasione eorum, quæ idem S. Augustinus de Gratiæ divinæ necessitate, & efficacia, deque gratuita electione scripserat, duo alii non minus infensiores suborti sunt. Quidam enim viri graves, & de scientiis bene meriti, ipsius sancti Doctoris scripta sic intelligentes quasi totum salutis nostræ negotium soli gratiæ, & gratuiti electioni tribueret; totam pariter aliorum perditionis causam in reprobationem divinam, & in gratiæ subtractionem, non autem in libertatem humanam à recto tramite deviantem refunderet: persuasum habuerunt, & asseruerunt quòd non Electi salutem suam liberè operentur, nec Reprobi suam perditionem ipsemet texerent; sed quadam necessitate fatali ad suum quisque finem à Deo prædestinatum duceretur, & traheretur; quocirca *prædestinati*, seu *prædestinati* appellati sunt, ut refert Sigebertus in Chronico circa annum 415.

Inter hunc verò Prædestinatorum, & illum Pelagianorum extremè oppositos errores, media quasi securiori via nonnulli viri docti, & Catholici in Gallia, maxime verò in Civitate Massiliensi commorantes, alium texerunt errorem; nihil quidem cum prædestinatorum doctrina commune habentes à Pelagio verò diversi, non solum quòd fatebantur peccatum originale, sed etiam quòd necessitatem gratiæ interioris ad quodlibet opus bonum agnoscerent: nec non à Juliano: ille namque credebat hominem in opere bono adjuvari, item ad bene operandum divina gratiæ præveniri; affirmabatque hominem bene semper incipere absque gratiæ auxilio, & isto præclaro conatu divinam gratiam promereri; quòd utrumque ipsi respuebant. In hoc tamen cum Pelagio, & Juliano errabant, quòd dicerent salutis initium esse ex nobis, idest consistere in aliquo naturali desiderio, petitione, conatu, & labore, quò gratiæ auxilia ad salutem necessaria impetremus. Inde dicti sunt à S. Prospero Epistola ad S. August. *Pelagianæ pravæ reliquiæ*, nec non *Massilienses Presbyteri*, & demum *Semi-pelagiani*: quorum Auditores viros claros, & egregios in omni vir-
tutum

tutum studio, imo & sanctos, quibus Augustinianæ doctrinæ defensores nulli essent secundi, ipsemet S. Prosper disertè pronuntiat. Qui autem præcipui fuerint illorum errores, quique errorum Magistri, & scæta præcipui Defensores, & Impugnatores, aperendum est.

S. I.

Quot, & qui fuerint Semi-pelagianorum errores.

IN quibus Semi-pelagiani à Pelagio, & Juliano discrepant, jam dictum est: concedebant namque nos gratia præveniri ad omne opus bonum incipiendum, & perficiendum, ut affirmat S. Hilarius Epistola ad S. Augustinum, *Ad nullum opus, inquit, vel incipiendum, vel perficiendum quemquam sibi sufficere posse consentiant*: Quod id ipsum docet S. Augustinus lib. 1. de Prædestinatione cap. 1. *Preveniant etiam, inquit, ut præveniri voluntates hominum Dei gratia fateatur, atque ut ad nullum opus bonum, vel incipiendum, vel perficiendum sibi quemquam sufficere posse consentiant*: Et cap. 16. lib. de bono Perseverantiæ, *A Pelagianorum porro hæretica perverfusate tantum isti remoti sunt, propter quos hæc agimus, ut licet nondum velint fateri prædestinatos esse, qui per Dei gratiam fiant obedientes, atque permanentes, jam tamen fateantur quoddam præveniat voluntatem, quibus datur hæc gratia*.

Nihilominus cum Pelagio in quinque maximè Capitibus videntur exorbitasse. Primò namque cum ipso affirmabant in nobis esse quoddam fidei initium, seu credendiaffectum, & conversionis desiderium, quibus fidem ipsam, nec-non & inde auxilia omnia ad salutem necessariam possemus promereri. De fidei quidem initio hæc ipsum fuisse sententiam luculenter aperit S. Prosper Epist. ad S. Aug. ubi ait; *Inquit vitam æternam ut appendi, qui Deo sponte crediderint, & auxilium gratiæ merito credulitatis acceperint, De conversionis desiderio idem affirmat, Cum in his qui tempore acceperant liberam voluntatis duo sint, quæ humanam operentur salutem, Dei scilicet gratia, & hominis obedientia; priorem volunt obedientiam esse, quam gratiam, ut initium sanctorum ex quo, qui salvatur, non ex eo credendum su stare, qui salvat; & voluntas bo-*

mini divina gratia sibi parat opem, non gratia sibi humanam subiciat voluntatem.

Similiter S. Hilarius Epistola ad Augustinum, Semi-pelagianos, & fidei initium, & sanationis desiderium naturæ tribuisse docet, his verbis. *Id conveniens asserunt veritati, vel congruum predicationi, ut cum prostratis, & nunquam suis viribus surrecturi annuntiantur obtinenda salutis occasio, eo merito quo voluerint, & crediderint à suo se morbo posse sanari, & ipsius fidei augmentum, & totius sanitatis consequantur effectum.* Idem ipsemet docet S. Augustinus lib. de Prædestinatione Sanctorum; Cum enim cap. 1. dixisset Massilienses agnoscere, & fateri tum generis humani in Adamo corruptionem, tum gratiæ ad opus bonum tantum incipiendum, quam consummandum necessitatem, adeoque in his à Pelagio dissentire; statum questionis, & controversiæ cum ipsis Massiliensibus disceptandum aperit cap. sequenti dicens; *Sed nunc eis respondendum esse video; qui divina testimonia, quæ de hac re adhibuimus* (nempe de fide qua Christiani sumus, quæque domum Dei est) *ad hoc dicunt valere; ut noverimus ex nobis quidem nos habere ipsam fidem, sed incrementum ejus ex Deo, tanquam fides non ab ipso donetur nobis, augeatur in nobis eo merito, quo cepit in nobis.*

Qualiter autem hunc ipsum errorem adstruerint, aperit S. Prosper Ep. laudata, ubi juxta Semi-pelagianorum sententiam ait; *Hominem nihil prius merentem, quia nec existentem liberi arbitrii rationalis gratia Creatori instituit, ut per discretionem boni, & mali, & ad cognitionem Dei, & ad obedientiam mandatorum ejus possit suam dirigere voluntatem, atque ad hanc gratiam qua in Christo renascimur pervenire per naturalem scilicet facultatem petendo, querendo, pulsando, ideo accipiat, ideo introeat, quia bono naturæ bene usus, ut ad ipsam salvantem gratiam initialis gratiæ opem meruit pervenire*: Quibus verbis indicat Semi-pelagianos duplicem agnovisse gratiam, nempe naturalem qua Dei beneficio, & gratuita liberalitate conditi sumus, quamque appellabant rationalem gratiam Creatoris, naturalem facultatem, naturæ bonum, gratiam initialem. Alteram verò gratiam supernaturalem, seu salvantem qua in Christo renascimur, ita quod ab initiali gratia per ipsius bonum usum ad salutem perveniri assererent; juxta illam Christi Domini promissionem,

Petite & accipietis, quærit & invenietis, pulsate & aperietur vobis.

Secundus Semi-Pelagianorum error erat, quod non solum fidei, sed etiam omnium operum salutis initium adscriberent libero arbitrio, & bonæ voluntati humanæ, ita ut existerent nos omnes opus bonum prius incipere, desiderando, petendo, conando per vires liberi arbitrii, & tunc ad perficiendum bonum, quod desideramus, nos Dei gratia adjuvari: revera enim negabant omne verum prævenientis gratiæ auxilium, sive ad fidem, sive ad bona opera, non solum efficax, sed etiam sufficiens. Quod si eorum quidam interdum faterentur nos ad bona opera Dei gratia præveniri, ut infra constabit de Fausto, & Cassiano, præcipuis Semi-Pelagianorum Patriarchis, illud intelligebant de gratia legis, atque doctrinæ, & externæ Dei protectionis.

Quod autem assererent initium cuiuslibet boni operis ex libero arbitrio pendere, colligitur ex S. Augustino lib. de Prædestinatione Sanctorum cap. 2. ubi de Semi-Pelagiana opinione sermonem faciens ait, *Non ergo receditur ab ea sententia quam Pelagius ipse in Episcopali iudicio Palestino, sicut eadem gesta testantur, damnare compulsi sunt, gratiam Dei secundum merita nostra dari, si non pertinet ad Dei gratiam quod credere capimus; sed illius potius quod propter hoc nobis additur ut plenius, perfectiusque credamus: ac per hoc initium fidei nostra priores dumus Deo, ut retribuat nobis, & supplementum ejus, & si quid aliud fideliter poscimus.* Id ipsum aperte indicat S. Prosper adversus Collatorem, hoc est Cassianum collationum, seu conferentiarum scriptorem, ubi eum sic interpellat cap. 5. *Satis te Pelagianorum calumnias præcavere existimas, si quid in universitate vocatorum sentiendum est, id nobis in portione concedas? sed nec cum hereticis tibi, nec cum Catholicis plena concordia est. Illi in omnibus iussu hominum operibus libere voluntatis sventur exordia; nos bonarum cogitationum ex Deo semper credimus prædire principia. Tu informe nescio quid tertium, & utrique parti inconveniens reperisti, quo nec inimicorum consensum acquireres, nec in nostrorum intelligentia permaneres. Quomodo autem non adveris te in illud damnatum incidere, quod velis, noli, convinceris dicere gratiam Dei secundum merita nostra dari, cum aliquid præcedere boni operis ex ipsis homini-*

bus propter quod gratiam consequantur affirmas, &c. Idem docet S. Hilarius Epistola ad S. Augustinum, ubi postquam asseruit Semi-Pelagianos sentire in nobis esse initium aliquid fidei, subdit: *Unde consequens putant, exhibendam ab eo fidem, cuius naturæ id voluntas conditoris concessum est, & nullam ita depravatam, vel extinguam putant, ut non debeat, vel possit se velle sanari, propter quod vel sanetur quis à sua, vel si nolueris cum sua ægitudine puniatur. Nec negari gratiam, si præcedere docetur talis voluntas, quæ tantum medicum querat, non autem quidquam ipsa jam valeat. Nam illa testimonia, ut est illud, sicut unicuique partitus est mensuram fidei: Et similia ad id volum valere, ut adjuvetur, qui cæperis velle, non ut donec ut velis, rejectis ab hoc domo alius pariter reus, & possent similiter liberari, si ea qua pariter indignis præstatur credendi voluntas, etiam ipsis similiter præstaretur.*

Tertius Semi-Pelagianorum error erat, ad gratiam sanctificantem conservandam non alio nos indigere auxilio quamquod à natura, & libero arbitrio inditumerat, vel una cum gratia regenerante fuerat adeptum, ut aperit S. Prosper carminibus de ingratis, ubi inter cætera ait.

Esse autem edocui istam communiter equam

Libertatem animis, ut cursum explere beatum

Persistendo queant finem, effectumque petunt

Dante Deo ingenis, qui nunquam desit bonestis.

Id ipsum patet ex sententia Cassiani Collat. 13. cap. 14. ubi cum dixisset Diabolum à Jobo esse victum, *Non Dei, sed Jobi viribus*, subdit, *sicet etiam gratia Dei non in toto illi desuisse credenda sit; & explicans quod fuerit illa gratia. Hoc totum, inquit, procuravit Deus ne violentissimus inimicus animarum ejus amentem faciens, & impotentem, sensu impari eum, atque iniquo certaminis pondere prægravaret: Et collatione 7. cap. 14. explicans illud Apostoli, Fidelis autem Deus qui non permittet vos tentari supra id quod potestis, ait: Non utique obstat ne eos Dominus tentari permitteret; sed ne supra id quod sustinere poterant tentarentur. Illud enim indicat humani arbitrii facultatem, hoc verò Domini gratiam temptationum lustralina moderantis ostendit. In hoc autem Massiliensis cum Pelagio concordabant. Pelagium*

gium enim existimasse unumquemque propriis viribus peccare docet nos S. Hieronymus lib. 11. contra Pelagianos, & S. Augustinus lib. de Perfectione iustitiz,

Item hæresi 88. ubi ait, *Ut augeatur fides, & perseverent in ea homines; non ab ipso accipere, sed à se ipsi habere contendunt.* Juliani quoque verba sunt lib. de Bono constantiz: *Hæc namque est constantia, quæ maxime asserit arbitrii potestatem ac bonum, ejusque naturæ, & humani animi motum.* Quod autem idem, aut quid simile docuerint Semi-pelagiani, non obscure indicat S. Prosper Epist. ad S. August. circa medium ubi ait. *Jam hic proferunt testimonia, quibus divinarum Scripturarum corroboratio ad obediendum incipit hominum voluntates, qui ex libero arbitrio aut faciant quæ jubentur, aut negligant, & consequens putant, ut quia prævaricator ideo dicitur non obdisse quia noluit; fidelis quoque non dubitetur ob hoc devotus fuisse quia voluit, & quantum quisque ad malum, tantum habeat facultatis ad bonum, parique momento animum se vel ad vitia, vel ad virtutes movere, quem bona appetentem gratia Dei foveat, mala seclantem damnatio justa suscipiat.* Inde

Quartus eorum error erat, quod opera bona, quorum initium viribus liberi arbitrii tribuebant, Prædestinationis causam motivam assererent; alioquin inquebant, ut refert S. Prosper eadem Epistola, *Removeri omnem industriam, tollique virtutes, & sub hoc prædestinationis nomine fatalem quandam induci necessitatem, aut diverfarum naturarum dici Dominum conditorem, si nemo aliud possit esse, quam factus est.* Et paulo ante dixit eos asserere, *Universis hominibus propitiationem sine exceptione esse propositam, ut quicumque voluerint salvi esse possint.* Idem affirmat sanctus Hilarius Epistola pariter ad S. Augustinum ubi ait eos dixisse, *Talem omnibus remansisse voluntatem, qua vel contemneret quis valeat, vel obedire, & sic de compendo rationem reddi Electorum, vel Relectorum, in eo quod unicuique meritum propria voluntatis adjungitur.* Cum autem inquit S. Prosper ibidem, *Innumrabilium illis multitudo obicitur parvulorum, qui utique excepto originali peccato, sub quo omnes homines similiter in primi hominis damnatione nascuntur, nullas adhuc habentes voluntates, nullas proprias actiones non sine Dei judicio discernuntur, ut ante discretionem boni ac mali de usu vite ipsius auferendi, aliter* *Erassen Theol. Tom. II.*

regenerationem inter celestis regni assumantur heredes, alii sine baptismo inter mortis perpetuæ transeant debitores. Huic argumento ut responderent,

Quintum texerunt errorem: nempe quod quidam parvuli consequenter gratiam baptismatis, quia Deus prævideret eos per liberum arbitrium gratiam esse promerituros, si ad adultam pervenirent ætatem; alios verò idcirco baptismum non fuisse consecutos, quod Deus præviderat tale meritum eos non habituros, si vixissent. Seu ut loquitur ibidem S. Prosper, *Tales ajunt perdis, talesque salvari, quales futuros illos in annis majoribus, si ad adultam servarentur ætatem, scientia divina præviderit.* Nec considerant se gratiam Dei, quam comitem, non præviam humanorum volunt esse meritum, etiam illis voluntatibus subdere quas ab ea secundum suam phantasiam non negant esse præventas: sed in tantum, quibuscumque commentitis meritis Electionem Dei subjiciunt, ut quia præterita, quæ non extant, futura quæ non sunt futura confingant, novoque apud illos absurditatis genere, & non agenda præscita sint, & præscita non acta sint.

§. II.

Qui fuerint Semi-pelagianorum Principes & Magistri.

Inter eos primas obtinuisse videtur Cassianus prius S. Joannis Chrysostomi discipulus, demum eo vita functo, Massiliensis Ecclesie Presbyter, quem à scriptis Patrum collationibus collatoris nomine designat, & impugnatur Sanctus Prosper cap. 2. ubi ait, *Vn quidam Sacerdotalis ordinis (Cassianum intelligens) qui disputandi usu inter eos, quibuscumque degit, excelsit, Abbatem quandam introducit de gratia Dei, & libero arbitrio differentem, cujus se ostendit per omnia probasse, ac suscepisse sententiam:* Unde cap. 3. Cassianum veluti Semi-pelagiani dogmatis inventorem, & propugnatores præcipuum ita interpellat, *Sed nec cum Hæreticis tibi, nec cum Catholicis plena concordia est.* Illi in omnibus justis hominum operibus libera voluntatis tuerentur exordia, nos bonarum cogitationum ex Deo semper credimus prodire principia: Tu informe nescio quid tertium, & utrique parti inconveniens reperisti, quo

nec inimicorum consensum acquireres, nec in nostrorum intelligentia permaneres.

Cassiani autem, quæ fucit erronea sententia apertè factis indicat ipse S. Prosper toto libro adversus Collatorem, ubi inter cætera eum sic interpellat, *Do&tor Catholice cur professionem tuam deseris? Cur ad famosam falsitatis caliginem reli&ta serenissime veritatis luce devolveris? Quos in potentibus, querentibus, pulsantibusque miraris, cur non eidem gratia quæ desideratur ad&ribis? Vides bonos conatus, pia studia, & dubitas esse Dei bona? Latuerit opus gratiæ, donec fides insita cogitationibus clauderetur arcamo, ut ubi supplex oratio ubi diligens inquisitio ubi appareat crebra pulsatio? Quare non ex qualitate operis submirationem intelligentis incitantis? Quibus verbis S. Prosper apertè designat Cassianum asseruisse in nobis reperiri bonorum operum naturalia semina, nec non & fidei initium, quæ erat illa ipsa Semi-pelagianorum sententia.*

Quoniam autem ipsius scripta pluribus ad virtutem sectandam documentis egregiis referta erant, idcirco ut à fidelibus securo p&de teneretur, & legerentur, plures utique viri graves, & Catholici, ejus scripta repurgare, & ad Catholicam veritatem aptare studuerunt: imprimis fuit Eucherius Lugdunensis Presbyter, de quo Gennadius ait, *Sed, & Cassiani quædam opuscula lato ter&sa sermone idem Eucherius angusto verborum re&volvens tramite, in unum collegit volumen:* Sed Eucherium non tam repurgasse errores Cassiani, quàm ipsius librorum Epitomen scripsisse ab erroribus liberam verisexistimo; si enim Eucherius jam repurgarat Cassianum integrum, quid opus erat denuo hunc laborem suscipi à Victore, qui eum ab erroribus vindicare aggressus fuit? ut indicat his verbis Cassiodorus lib. Institutionum divinarum cap. 22. *Cassiani dicta, inquit, Victor Martinianus Episcopus Africæ ita Domino juvante purgavit, & quæ minus erant addidit, ut ei rerum glarum palma merito conferatur: Quem inter alios de Africæ partibus ci&do nobiscredimus esse dirigendum.* Conjici autem hunc repurgatum Cassianum tunc non habuisse Cassiodorum quando ipse postea hunc laborem suscepisse videtur, sic enim de eo scribit Ado annum 425. *Opera illius (inquit de Cassiano) à Catholicis cautissime legenda, maxime de libero arbitrio, & gratia; sed & Enchiridiatum heresi incautus javit:*

Errores illius Cassiodorus Ravennetum Senator purgare volens, non ad plenam omni ex parte perivit. Quod etiam facile colligitur ex illo ipso Cassiani libro, qui etiam nunc extat; quidquid enim tanquam erroneum, in Cassiano exagitat S. Prosper, hoc ipsum etiam in illo reperiri; quem doctissimus Ciacconius integritati restitutum, & notis illustratum Romæ in lucem prodire jussit, pluribus demonstrat, & colligit Vossius lib. 4. Historiæ Pelagianæ parte prima, ubi disertè demonstrat quidquid à Massiliensibus asseritum fuit, & à sanctis Patribus impugnatum, illud ipsum in Cassiani scriptis reperiri.

FAUSTUS RHEGIENSIS.

Fastus ex Abbate Lirinen&si Monasterii apud Rhegium Galliæ Episcopus factus, inquit Gennadius, vir in divinis Scripturis satis intentus, ex traditione Symboli occasione accepta composuit librum de Spiritu sancto, in quo ostendit eum juxta fidem Patrum, & consubstantialem, & coeternum esse Patri, & Filio, ac plenitudinem Trinitatis obtinentem; edidit quoque opus egregium de gratia Dei, qua salvamur, & humanæ mentis arbitrio, in quo opere docet gratiam Dei semper inviolare, & adjuvare voluntatem nostram, & quidquid ipsa libertas arbitrii pro labore piæ mercedis acquisierit, non esse proprium meritum, sed gratiæ donum.

Quibus verbis significare videtur Gennadius Faustum à Semi-pelagianorum errore fuisse liberum: nihilominus illum ejusdem erroris esse assertorem præcipuum testantur illius scripta maxime de gratia, & libero arbitrio, ubi Prædestinatos retellens videtur in contrarium lapsus errorem, & Semi-pelagianam doctrinam apertè tueri, ut testatur Ado Episcopus Ecclesiæ Vienne&nsis in Chronico anno Domini 492. cum de Fausto agit his verbis, *Faustus ex Abbate Lirinen&si Monasterii apud Rhegium Galliæ Episcopus factus Pelagianum dogma destruere conatus in errorem labitur: Unde qui ejus sensus in hac parte catholicos prædicant (scilicet Gennadius de illustribus viris scribens) omnino errant; ita enim liberum arbitrium tam Augustinus, quàm cæteri Catholici in Ecclesiâ Dei docent, ut illuminatio virtutis, & salus illi à Christo, & per Christum, & cum Christo sit: Faustus verò iste ita liberum arbitrium docere conatur, ut illuminatio ejus virtutis, &*

salus

salus non à Christo, sed à natura sit. Contrabunc scribit lucidissima fide Avitus Viennensis Episcopus ejus redarguens errorem, similiter et Joannes vir eruditus Antiochenus Presbyter.

Qua autem occasione ipsos libros ediderit, colligimus ex ejus Epistola ad Lucidum Presbyterum Lugdunensem: Cum enim Lucidus ille sequeretur, & propugnet sententiam Monachorum Adrumetinorum, ita gratiæ omnia tribuentium ut arbitrii libertatem tollerent, & docerent ratione prædestinationis homines necessario finies sibi à Deo destinatos agi, unde dicti sunt *Prædestinati*: Hunc Lucidum ut ab hac sententia abduceret Faustus, Epistolam ad eum misit, in qua Prædestinatorum dogmata funditus convellit; cui Epistola subscripta Synodus Episcoporum Arelate congregatorum, ut conjicere licet ex ipso Fausto; nec non, & alia Synodus Lugduni celebrata, cui Lucidus ipse suum anathematizans errorem subscripsit, ut ex ejus ad hanc Synodum Epistola cognoscitur.

Significat autem Faustus ejusdem Concilii postulatorem librum suum de gratia, ac libero arbitrio scripsisse; sic enim inter cætera scribit ad Leontium, *Quod pro sollicitudine pastoralis beato Papa Leonti in condemnando Prædestinationis errore, Concilium summorum Antistitum congregatis universis Galliarum Ecclesiis præstitis. Quod verò ad ordinanda ea quæ collatione publica doctissime protulisti, operam infirmis bumeris, curamque mandastis, parum ut vider, tanto negotio, parum sanctæ estimationi vestræ consulistis, et me judicio clemencie non periculo electionis onerastis. Quia ergo, et vestram laborare personam sub impossibili nobis fasce cognoscitis, &c.* Nempe quia strenue se gesserat ut elegantior, & acris ingenii vir in Prædestinatorum errores refellendo, idem maxime idoneus visus est qui Synodi sententiam scripto consignaret. Verum mandati limites excedens, ea in libello suo inseruit quibus Claudianus Mammertus, & alii præstantissimi viri qui Synodo isti interfuerunt nusquam subscripsissent, inquit Vossius lib. 1. cap. 8.

Et revera quidem; quamquam enim Faustus gratiam in omnibus necessariam esse tueri videretur; nihilominus cum Semi-pelagianis sentiebat, ut notat Joannes Maxentius in responsione ad Epistolam Hormisdæ, cum de Fausto ait, *Riprensus nam-*

que callide ejusdem Pelagii sensum, et quæ si exprahans quid nomine Christi negaverit gratiam; nec non et illos qui nullis præcedentibus meritis juxta Apostolum gratiam Dei bonis dari solentur: ipse quasi sapientissimus, et prudentissimus, novus novæ prædicationis Apostolus, gratiam Dei secundum meritum fidei, et laboris dari nititur edocere, ut jam sic Dei gratia non sit gratia.

Adverte tamen his non obstantibus ipsum in album Sanctorum esse receptum, quamquam enim Cardinalis Baronius ad annum 490. de ipso scripserit.

Porrò Faustus ipse cum ejus fallacie detectæ essent quibus conatus est revelare Pelagianas scrobes in lapsum simplicium, abalienavit à se animos Episcoporum, atque decessit inglorius: quem miramur ab aliquibus imprudenter sancti scribi sanctum: sed multo magis obstupescimus eundem ab aliis redigi in Classem Monachorum Ordinis sancti Benedicti, cum antequam idem Sanctus auspicaretur vitam monasticam, jam Faustus senex ex hac vita decessisset, jam longè antequam idem Benedictus nasceretur creatus Episcopus.

Re tamen maturius perpensa scripsit in Appendice ad Tomum 6. Ista quidem priori editione ex adductis diversorum scriptis affirmasse non indecens quidem fuit; at verò ex postea cognitis, & adductis, rursus ad iudicium ipsum revocandum, haud existimamus indignum; Cum tamen de ejus scriptis immotæ maneat sententiæ Patrum. Quod enim usque ad hæc tempora nostra eundem Faustum continuit inter sanctos Martyrologium Callicanum, à quo ipsum Molanus primum expuxit; quod etiam (ut accepimus) Ecclesia Regiensis in Gallia, ubi ipse sedit Antistes, semper eum ut Sanctum colluerit, celebrans ejusdem natalem decima septima Januarii, ibique in ejus memoriam antiquitus, erecta Basilica ejus nominis titulo insignita, hætenus ejus cultu à fidelibus frequenter quodque tot sæculis, Christiano orbe spectante, Ecclesia Romanâ tacente, nemine peritus (quod sciatur) contradicente; ista eadem Fausto exhibita intelligantur.

Opinari non prohibemur de eodem Fausto accidere potuisse, quod de multis viris sanctis asseritur, quod delinquens

erraverit: cum autem quæstio illa fuerit auctoritate Sedis Apostolicæ definita, & ejus opinio aliorum Patrum sententia condemnata, ipse suum errorem fuerit scriptis contrariis detestatus quæ potuerint, ut alia quàm plurima, perisse: Vel ipsum ante suorum scriptorum factam ab Ecclesia damnationem diem obiisse (incertum etenim ejus obitus annus) habentem in animo in his se qui quod sequendum doceret Ecclesia. Ita quidem ipsum animo fuisse, aliique innotuisse, inde facile potest intelligi, quod semper ut indicant acta Conciliorum Arelaensis, & Lugdunensis superius recitata, & communicationem habuit cum sanctissimis Orthodoxis Galliarum Episcopis. Maneant igitur fausto integra jura sua, nec ex nostris scriptis sentiat præjudicium, neque judicii novitate liceat convellere antiquitatem.

Unde *Andreas du Sauy* in Martyrologio Gallicano 28. Sept. mbris subdit, *Sancto sine hodie decessit*, Faustus Episcopus Lihengienis, multis doctrinæ, & pie conversationis titulis gloriosus, quem ipsa Rhegensis Ecclesia, ex antiquo more, cultu sanctitatis honorat. Cuique integra manere sanctitatis sue jura Cardinalis Baronius re tandem maturius perpensa confessus est.

VINCENTIUS LIRINENSIS.

Vincentius Lirinenſis videtur etiam adhaſiſſe, & faſiſſe Semi-pelagianis, cenſeturque ab aliquibus ſcriptor obſectum *Vincenſianarum*, quibus S. Proſper reſpondit. Quod etſi cætera taceant, hoc ſufficienter evincit quod eodem modo Cæleſtini Papæ Epistolam, qua ſe Catholici tenebantur adverſus Semi-pelagianos, in ſuas partes ſicut & alii Semi-pelagiani adverſus Catholicos uſurpare non dubitaverit: Quoniam enim Cæleſtinus in ſua Epistoſa, quam Gallorum ſacerdotibus miſit, arguenſeorum convinctiam, quod antiquam fidem ſilentio deſtituentes, prophanas vanitates exurgere paterentur; Merito, inquit, cauſa non reſpicit ſi ſilento ſoveamus errorem: ergo corripiantur hujusmodi; non ſi iis liberum habere pro voluntate ſermonem. Ex quibus verbis S. Proſper, & qui ejus cauſæ favēbant, colligebant S. Auguſtini adverſariis, nempe Semi-pelagianis, im-

ni ſilentium. Semi-pelagiani verò adverſus Catholicos cum Vincentio Lirinenſi inſeſcabant per hæc Cæleſtini Papæ verba proſcribi poſteriora S. Aug. Opuscula Semi-pelagianis inſenſa.

Ita namque ſcribit Vincentius in Opusculo contra prophanas vocum novitates, *Hic aliquis forte addubitabit quinam ſint illi quos habere prohibeat liberum pro voluntate ſermonem: Velutis Prædicatores, aut Novitatis adinventores; ipſe dicat, & dubitationem legentium ipſe diſſolvat: Deſinat, inquit, ſi ita res eſt, id eſt ſi ita eſt, ut apud me quidem Urbes, & Provincia veſtre criminamur, quod eas quibuſdam Novitatibus conſentire noxia diſſimulatione faciatis: Deſinat, inquit, ſi ita res eſt inſeſcere novitas veſtigalem. Urgendo tantopere illud (ſi) non obſcurè indicat ſe criminationem Proſperi, & Hilarii pro falſa habere.*

Sanctus Proſper eſt contra cap. 43. lib. contra collatorem cum ex Epistoſa Cæleſtini Papæ hoc Auguſtini elogium retuliſſet, *Auguſtinum, inquit, ſanctæ recordationis virum pro vita ſua, atque pro meritis, in noſtra ſemper communione habuimus, nec unquam hunc ſuſpicione ſaltem rumor aſperſi, quem tanta ſcientie olim fuiſſe meminimus, ut inter Magiſtros optimos etiam à meis ſemper prædeceſſoribus haberetur: Bene ergo de eo omnes in commune ſenſerant, utpote qui ubique cundiſ, & amoris fuerit, & bonorum.* Subiungit, contra illam clariffimæ laudationis tubam, contra illam ſacraſſimi teſtimonii dignitatem audeſt quiſquam malignæ interpretationis murmur emittere; & perſpicue, ſinceriffimæque ſententiæ, nubem oblique ambiguitatis obtendere; ut ſcilicet quia in Epistoſa Papæ librorum, pro quibus altum eſt, non expreſſus eſt titulus; Hinc eos appareat non probatos, & illam in S. Auguſtinum laudationem pro anterioribus ſcriptorum meritis fuiſſe collatam.

Inde commemoratis libris quos adverſus Pelagianos ſcripſit Auguſtinus, ſubiicit illa, *Agnoscam Calumniatores ſuperſtue ſe obſcure quod his libris non ſpeciali, neque decreto teſtimonium ſi prohibuiſſem quorum in cundiſ voluminibus norma laudatur. Apoſtolicæ enim Sedes, quod à præcognitis ſi non diſcrepat, cum præcognitis probat, & quod iudicio jungit laude non dividit. Qui ergo hos proxiimè libris reſutant, anterioribus acquirant, & iis que pro gratia Chriſtiana prius ſunt ſcripta, conſentiant; ſed non faciunt, &c.*

(Cui-

Quibus liquet quàm diversimodè Cœlestini Epistolam Vincentius, & Prosper in suas partes deducerent. Nam Vincentius, vel saltem Adversarii Augustini, ex ea Epistola urgebant illud, quòd antiquitati novitas cedere debeat. Unde colligebant si Augustinus in prioribus scriptis consentiat antiquitati, in posterioribus non item, Cœlestini elogia ad priora tantum Augustini scripta pertinere. Contra Prosper ex eadem Epistola urgebat laudationem Augustini, quæ cum indiscriminatum à Cœlestino proferatur, non minus de posterioribus, quàm de anterioribus scriptis intelligendam affirmabat, maxime cum eadem in utriusque libris doceantur.

Verum quamquam Vincentius Cassiano collationum Scriptori in quem S. Prosper pugnabat, adhaerit, eum tamen non male Catholicum esse judicatum indicat S. Eucherius lib. de Eremita laude, ubi de viris sanctissimis Insulæ Lirionensis agens, ita loquitur. *Hæc habuit reverendi nominis Lupum, qui illum nobis tribu Benjamin lupum retulit. Hæc habuit germanum eius Vincentium interno gemmarum splendore perspicuum. Hæc nunc possides venerabilem gravitate Caprarium veteribus Sanctis parem. Hæc nunc habet sanctos Senes illos qui divitis cellulis Ægyptii Patres Gallicis nostris intulerunt.*

GENNADIUS MASSILIENSIS.

Gennadius Massiliensis Presbyter, qui vixit tempore Gelasii Papæ, ad annum 490. Semi-pelagianis adhæsis non immerito creditur, siquidem lib. de viris illustribus, Cassianum, & Faustum laudat, eorumque de gratia sententiam Prosperi doctrinæ anteposit, & adeò frigide sanctum Augustinum celebrat, ut etiam multiloquio non evitasse peccatum dicat, & vix ab hæresi ipsum eximat. Idcirco Gelasius Papa, ejus opera inter Apocryphos libros rejicit, & Karonius ad annum 433. num. 28. affirmat Gennadium ejusdem esse farinae cum Cassiano. Et anno 140. num. 25. dicit eum fuisse unum è Presbyteris Gallicanis, de quibus S. Prosper, & S. Hilarius apud Cœlestinum Papam conquesti sunt, quòd Augustini doctrinæ adversarentur. Addit tamen ipsum Gelasii opera rescipuisse, & in Episcopum Massiliensem assumptum, revera Orthodoxum ac Catholicum è vivis abiisse.

Idque Adriani Papæ in Epistola ad Carolum Magnum de eodem Gennadio elogium persuadet, quod sic se habet. *Sanctissimorum Pontificum hæc oblata sunt testimonia, idest S. Gennadii Massiliensis Episcopi, qualiter veneranda sunt corpora, & reliquæ Sanctorum cap. 40. ubi ait Sanctorum corpora, & præcipue Beatorum reliquias, ac si Christi membra sanctissimè honoranda, & Basilicas eorum nomine appellatas, veluti loca divino cultui mancipata, affectu purissimo, & devotione fidelissima adeundas. Si quis contra hanc sententiam venit, non Christianus credatur, sed Eumonianus.*

§. III.

Qui fuerint Semi-pelagianorum Impugnatores, & Damnatore.

Varii quidem pietate, & doctrina viri percelebres, imprimis verò S. Augustinus, qui adversus eos maxime scriptis libros de Prædestinatione Sanctorum, & de Bono perseverantiæ. Cui manus dederunt S. Hilarius Arelatensis, & S. Prosper, qui omnium optimè, & acerrimè Semi-pelagianos impugnavit, & omnia illo rum argumenta subtilissime dissolvit, ut liquet ex ejus scriptis.

Pugnatum similiter in eos à Cœlestino summo Pontifice, & Gelasio, qui libros Cassiani, & Faustii inter Apocryphos retulit, quòd prævenientem gratiam negarent. Nec aliud fuit judicium Felicis quarti.

Damnati sunt pariter Semi-pelagiani errores variis in Conciliis, maxime verò in Arausicano, cujus præcipuum videtur propositum fuisse Faustii doctrinam condemnare. Nam primus Faustii error erat, quòd negaret necessitatem gratiæ prævenientis. At ea stabilitur Canone 3. 4. 6. 14. 17. & 22. Alter error fuit de efficacia hominis cum Deo, non ex potentia superaddita naturæ, sed potentia naturali, quæ sententia damnatur Can. 7. 16. & 22. Tertius error erat de justificatione veterum per legem naturæ, aut Moysis, quod improbat Can. 19. & 25. ubi præsertim negatur Abelem, Noè, & Abraham salvatos per Legem naturæ. Quartus fuit de ortu fidei ex principiis naturæ, qui error rejicitur Can. 5. & potissimum 25.

DE HÆR. PRÆDESTINATIONOR.

UT est monstrorum secunda parens Hæresis, inde non mirum si illa quæ occasione divinæ gratiæ suborta est, diu non steterit in solis Pelagianis ipsius gratiæ insensibilis hostibus. In eis namque, ubi se sensit impugnata, & profligata à Catholicæ veritatis propugnatoribus, maximè verò à S. Augustino, illico contrariam viam subiens, regerminavit in *Prædestinarianis*, qui ex ipsius sancti Augustini scriptis pravè conceptis, de divina gratia, & Prædestinatione disputantes, asseriebant nec piè viventibus prodesset bonorum operum laborem, si à Deo ad damnationem præfati essent, nec impiis obesse, etiam si improbè viverent, si nempe à Deo prædestinati fuissent ad vitam. Atque ita existimabant totum salutis nostræ negotium in divinam Electionem, & Prædestinationem solum esse refundendum. Indeque censabant liberum arbitrium deprimi, aut extingui per necessitatem gratiæ, qua præsentem non possit humana voluntas non bene agere, ea verò absente non possit non malè operari.

Quam utique hæreticam assertionem cum toto pectore ebibissent Calvinistæ, per idem sepulchræ hæresis excitatores, & recollectores viderentur, statuerunt historicorum omnium fidem accusare, qui aliquam *Prædestinationum* hæresim extitisse scripserunt, pugnaveruntque non alios fuisse Prædestinarios, quam sancti Augustini doctrinæ, atque adeo Catholicæ opinioni impensius addictos, qui à Semipelagianis vexati sunt. Quod præ cæteris audax consilium inivit *Jacobus Usserus* Hibernorum Calvinistarum antesignanus, in libro quem inscripsit *Gottschalki, & de Prædestinatione controversia ab eo mota hystoria*. Ubi acriter contendit non alios fuisse *Prædestinarios*, quam qui sancti Augustini sententiam adversus Semipelagianos propugnaverunt. Inde Catholicis scriptoribus insultat, quod Prædestinationum opinionem è graveolentibus priscorum Hæreticorum bustis ab hodiernis effossam Calvinistis scribant.

Hoc ipsum suffugium arripuit novæ opinionis Artifex, scribit enim lib. 8. de Hæresi Pelagiana cap. ultimo, nullam unquam fuisse Prædestinarianam hæresim, *Existimo*, inquit, *nunquam in terris nati-*

ra fuisse Hæresim Prædestinarianam, vel vel Hæreticos Prædestinarios; sed è contrario doctrinam Catholicam, quam S. Augustinus, & Prosper docuerunt sub nomine ipsius Hæresis, calumniis à Massilensibus traditam esse. Itaque Hæretici illi Prædestinariani non fuerunt alii, quam S. Augustinus, S. Prosper, S. Hilarius, & quæque eorum doctrinam sequebantur, quos eo nomine indigitantur Semipelagianis, atque inter Hæreticos nominibus eorum suppressis collocant, quibus credula posteritas, quosdam tanquam Hæreticos Prædestinarios averfata est. Quæ quantum à veritate aliena sint, patebit in sequentibus Paragraphis.

§. I.

An reverà aliquando extiterit Hæresis Prædestinarianæ.

Affirmo, idque imprimis suadeo ex S. Augustino, qui lib. 2. *Retract.* cap. penult. refert Monachos Adrumetinos in Africa consistentes, lecta ejus Epistola 105. ad Sixtum, duas in partes, & sententias divisos fuisse, quarum una duce Floro, credebatur gratiam ab ipso S. Augustino ita predicari, ut tolleretur liberum arbitrium. Altera verò pro liberi arbitrii defensione ita pugnabat, ut in Pelagianorum Hæresim declinaret. Quam disensionem S. ille Doctor ut è medio tolleret, duas scriptas Epistolas ad Valentinum Adrumetini Monasterii præfatum, ejusdemque Monachos, quæ inter ipsius S. Doctoris Epistolas n. 46. & 47. occupant, totidem libros ad eos direxit, unum de *Gratia*, & *libero arbitrio*, alterum de *Corruptione*, & *Gratia*. Quibus monet utrumque errorem vitandum esse, & declinatis extremitatibus, media via, quam Fides Catholica tenet, incedendum. Itaque neque liberum arbitrium per peccatum Adæ extinctum esse credatur; sed infirmatum, ac debilitatum. Neque per gratiam impediri, aut periri, sed juvari, & sanari, & sic liberum arbitrium, sive ad bonum, sive ad malum nobis inesse non negetur, nec tamen ei tantum tribuatur ut sine Dei gratia ad bonum agendum, vel malum vitandum sufficiat. Ideo, inquit Epist. 47. *vobis dixit Apostolus Romanorum 3. non declinetis in dexteram, neque in sinistram, hoc est, non sic defendatis liberum arbitrium, ut ei bona opera sine Dei gratia*

tributis, nec sic defendatis gratiam, ut quasi de illa securi, mala opera diligatis, quod ipsa gratia Dei avertat a nobis. Quibus cavet non sic esse propugnandum pro libero arbitrio ut in ipsum, salutis nostræ negotium refundatur juxta errorem Pelagianorum, nec sic defendatur divinæ gratiæ necessitas, ut neglectis bonis operibus, Deus solus nostræ salutis artifex existimetur, juxta opinionem Prædestinationum, qui nempe prædestinatis, nec prodesse bona opera, nec mala obesse prædicabant.

Confirmatur hæc eadem veritas ex S. Prospero Epist. ad S. Augustinum præfixa libro de Prædestinatione Sanctorum, ubi ipsum monet nonnullos in Africa (Aduemetinos Monachos haud dubiè intelligit) jam antea turbatos fuisse iisque scripserat de Prædestinatione. Sicut multi ceperant iisdem ipsius scriptis hæc de re turbari in Gallia. Refert pariter quæ contra illius doctrinam de Prædestinatione objiciebantur, maxime à Presbyteris Massiliensibus, observatque eos ex illa referre. Hoc propositum vocationis Dei, quo ante mundi initium, vel in ipsa conditione generis humani eligendorum, & rejiciendorum dicitur facta discretio, & secundum quod placuit Creatori alii vasa honoris, alii vasa contumeliæ sunt creati, & lapsi curam resurgendi adimere, & sanctis occasione temporis asferre. Eò quod in utramque partem superflui labor sit, si neque reiectus ulla industria possit intrare, neque electus ulla negligentia possit excidere, quoque enim modo se egerint, non posse aliud quam Deus deservit accidere, & sub incerta spe cursum non posse esse constantem. Cum si aliud habeat prædestinatis Electio, cassa sit adveniens intentio. Removeri itaque omnem industriam, tolli virtutes, & sub hoc Prædestinationis nomine fatalem quandam induci necessitatem. Quibus patet quàm verum sit, aliquos existisse fatalis Prædestinationis Assectores ex S. Augustini scriptis malè conceptis.

Unde idem S. Prosper Epistolam concludens rogat ipsum S. Augustinum ut explicet, quomodo tantis difficultatibus circa ejus doctrinam excitatis satisfieri possit, ipsumque à suspitione tam sinistra opinio- nis vindicare. Tribue, inquit, Pater optime ut quæ in istis questionibus obscuriora sunt digneris aperire. Quomodo per istam præope- rantem, & cooperantem gratiam liberum non impediatur arbitrium, quemadmodum per hanc prædicationem propositi Dei nemo eorum

qui cohortandi sunt impediatur, nec occasi- nem negligentie habeant, si se Prædestinatos esse desperent. Quibus constat quantum à mente SS. Augustini, & Prosperi, & à rei veritate aberrent, qui errore ab Au- gustino refutatum, & quem S. Prosper ipsi tribui ægrè ferebat, & quomodo il- lam calumniam refelleret, explicari pos- sulabat, utriusque tamen doctrinam esse persuadere nituntur.

Secundò, Id ipsum probatur ex Genna- dio Massiliensi in appendice ad librum sancti Augustini de hæresibus, ubi ad octo- ginta novem ab ipso sancto Doctore enu- meratas hæreses, quatuor postea exortas ad- didit, Prædestinationam videlicet, Nestoria- nam, Eutychianam, & Timotheanam, ut ha- betur in codice Bibliothecæ S. Victoris, tes- taturque Hincmarus lib. de Prædest. cap. 1. Sed de hæresibus 88. inquit, idem Doctòr mirificus Augustinus librum composuit quibus novissimè hæresim Pelagianorum subjunxit. In- de Gennadius Massiliensis Sacerdos valde Do- ctus hanc Prædestinationam nonagesimam hæ- resim sèssè Pelagianæ supponit. Deinde nona- gesimam primam Nestorianam ponit, siquæ Eutychianam, & post hanc Timotheanam.

Confirmatur ex Epistola Hincmari ad Ni- colaum summum Pontificem, qua eum informans de erroribus Gottescalchi ait, Si vestra sapientia Catholica articulos scire ve- lit quos contra fidem Ecclesiæ docere videtur, & quos ex veteri hæresi Prædestinatorum hau- sit (qua primùm fuit in Africa impugnata, & postea in Francia, eodem tempore quo hæ- resis Nestoriana sub Castelino Papa, tam bujus auctoritate quam cura, & vigilantia S. Pro- spero convicta fuit) vobis ordine exponam, non omnes articulos quos tuetur, sed tantum quosdam eorum, qui tamen maximi momenti sunt. Dicit igitur id quod antiqui Prædestina- tiani etiam dicebant, quod sicut Deus quosdam prædestinavit ad vitam æternam, sic etiam alios ad mortem æternam prædestinavit. Con- stat igitur aliquos existisse prædestinatio- nos à SS. Augustino, & Prospero con- victos, & impugnatos.

Tertiò denique idipsum evincitur ex Con- ciliis in quibus damnata fuit Prædestinatio- na hæresis. Primò namque ad eam hæresim respexit Arausiana Synodus secunda Can. 25. dum dixit, Hæc etiam secundum fidem Catho- licam credimus quod accepta per baptismum gratia omnes baptizati Christo auxiliante, & cooperante quæ ad salutem pertinent, pos- sint,

sint, & debeant, si fideliter laborare voluerint, adimplere. Aliquos vero ad malum divina potestate prædestinatos esse, non solum credimus; sed etiam si sunt qui tantum malum credere velint, cum omni detestatio ne illis anathema dicimus.

Expressè verò damnata fuit hæc hæresis in Concilio Arelatenſi anno, ut vult Baronius 490. in quo Epistola Fausti ad Lucidum approbata fuit, & Episcoporum subscriptione munita, qua Epistola exprimitur, & anathematizantur Prædestinatorum errores, quos innovaverat, & tuebatur ipse Lucidus. Nam ut refert Baronius ad annum Christi 400. & ex eo Alvarez de origine Pelagianæ hæresis c. 23. Post sancti Augustini obitum prodierunt quidam qui ex eius scriptis male perceptis complures invexerunt errores, quos sancti Augustini nomine, & auctoritate defendere conabantur. Sed eos pro defensione ipsius sancti Augustini agens S. Prosper, valide confutavit. Dicebantur isti (ut Sygebertus notavit ad annum Domini 415.) Hæresis Prædestinatorum Sectatores. Quorum errores ubi perstrinxit, ita narrationem prosequitur. *His autem detentis erroribus fuit Lucidus quidam Magni nominis Presbyter, ad quem Faustus Epistolam illam scripsit, quam us verè Catholicam ab Episcopis Concilii Arelatenſis probatam, & subscriptione munitam diximus.* In qua Epistola Faustus Lucidum admonet, *Seminas Antisites mediari eum à bonitate suspendere, nisi errores detestetur, atque ubi ipsa verba ille præscripsit quibus impia dogmata execrari debet, ita minatur, Quod si eam Epistolam subscripſeris, ut dixi, transmittere noluveris, aperte adhuc in errore persistere ipso silentio comprobabis, ac proinde jam necessitate mihi facies ad personam tuam publicis conventibus exponendam.* Hanc autem Epistolam ubi Lucidus exceperat, statim Patribus obtemperans, & ab errore respiciens, hanc fidei suæ confessionem continentem Epistolam direxit ad Concilium, in qua jurat omnes articulos erroneos juxta formam in Epistola Fausti præscriptam.

Notandum porro Lucidi Epistolæ initium, quo Episcopus sic alloquitur. *Correctio vestra salus publica, & sententia vestra medicina est.* Unde & ego summum remedium duco ut præteritos errores accusando exculem, & salutifera confusione mea diluam. Proindeque juxta predicandi recentia statuta Concilii damno vobiscum sensum illum, qui dicit, Hu-

manæ obedientiæ laborem divinæ gratiæ non esse jungendum: *Qui dicit, Post primi hominis lapsum ex toto arbitrium voluntatis extinctum: Qui dicit, Quod Christus, & Salvator noster mortem non pro omnium salute suscepit: Qui dicit, Quod præscientia Dei hominem violenter compellat ad mortem, vel quod cum Dei voluntate pereant, qui pereunt, &c.*

Ubi autem integram Lucidi Epistolam Baronius retulit, sic monet, *Hætenus professio Lucidi, secundum ea quæ à nominatis Episcopis in Synodo definita fuerunt, in hoc incumbenſibus Patribus ut errores exploderent, illorum potissimum, qui ex doctrina sancti Augustini male ab ipsis percepta, sive in pravam sensum calumniosè detorta, pravas deduxissent conclusiones.*

Damnata fuit pariter hæc hæresis in Synodo Moguntina coacta ex Episcopis Germaniæ, præside Rabano Moguntiz Archiepiscopo, in qua condemnatus fuit Gottschalkus Prædestinatorum hæresim renovans, necnon & in Synodo Carthagenſi, in qua iterum Gottschalkus damnatus fuit ab Hincmaro, & aliis Episcopis, & reclusus in Monasterium, ubi tandiu virgis cæsus est, donec librum suum in ignem prope accensum coniceret, ut plenius dicemus infra: sed prius solvenda sunt objectiones Novatorum, qui Prædestinantiæ hæresis existentiam impugnant.

§. I I.

Quid objiciant Novatores Prædestinantiæ hæresim aliquando extitisse negantes.

Objiciunt primò, Si quæ fuisset Prædestinantiæ hæresis, eam haud dubiè inter hæreses annumerasset sanctus Augustinus, illamque aperte impugnasset, aut saltem aliquam istius mentionem fecisset: sed nullum ipsius hæresis vestigium apud S. August. extat, cum tamen Sygebertus asserat, ipsam cum Pelagiana originem habuisse circa annum 415. argumentum ergo est ipsam hæresim fictitiam esse, & imaginariam.

Nego minorem, Nam ut ex paragrapho præcedenti constat, erroris præcipui scetæ Prædestinatorum mentionem fecit sanctus Augustinus in Epistolis 46. & 47. ad Valentinum, & Monachos Aduerſinos

tinis scriptis, & in libris de gratia, & libero arbitrio. Deque correctione, & gratia, quos ad eundem errorem in ipso ejus ortu extinguendum conscripsit.

Nec refert, quod opinionem illam de prædestinatione, nec *Hæresum*, nec *Prædestinationam* appeller, cum enim nondum longè serperet hujus hæreticæ opinionis virus, etiam nondum *Prædestinatarum* appellationem obtinuerat. Sicut à simili hæresis *Semipelagiana*, quæ licet à sanctis Augustino, Prospero, Hilario acerrimè fuerit impugnata, tamen *Semipelagiana* hæresis ab ipsis non appellatur: sed hoc nomen post eorum sanctorum Patrum obitum, maximè à Scholasticis, sortita est.

Obijciunt 2. Primus omnium qui dogmata Prædestinatorum texuit, & recensuit, fuit Gennadius Massiliensis Presbyter: sed illi nulla fides, siquidem Semi-pelagiana hæresi infectus, Augustino, & Prospero gratiæ propugnatoribus integerrimis summe fuit infensus. Unde Augustinum *Multiloquio peccantem, & errantem* taxat, Prosperum verò dicitur impetiri quod *Cassiani opuscula salutaria* (inquit ipse) hoc est *errores de gratia*, impugnaverit. *Insuper* in texendo hæreticorum catalogo Prædestinatos quidem inter hæreticos computat, nullam autem facit mentionem de *Pelagianis, & Semi-pelagianis*, utpote suis amicis. Qua de causâ sanctus Isidorus Hispalensis Episcopus, cum librum istum Gennadii vidisset, atque inde plures hæreses iisdem omnino verbis descripsisset, *Pelagianos* à Gennadio prætermisissos addidit, & *Prædestinatos* ab eo positos prætermittit: Ergo signum est hos hæreticos reverà non existisse.

Respondet primò negando maiorem, Falsum enim est Gennadium, primum omnium, Prædestinatos in hæreticorum album reposuisse. Eos namque antea ut hæreticos habuerunt S. Augustinus, & S. Prosper, necnon, & antiquus auctor Anonymus libri inscripti *Prædestinatus*, in ejus præfatione, ubi refert Cælestinum Pontificem librum ab ipsis Prædestinatis vulgatum ementito nomine Augustini, sibi quæ oblatum, ita execratum esse, ut cum perpetuo damnari juberet silentio. Idem Auctor primus ex professio ejusdem hæresis refutationem aggressus est, quam & in hæresum Catalogo nonagesimam collocavit, insignitâ nomine *Prædestinatorum*,

ut fecit etiam *Prosper Tyro*; non quidem ille Aquitanus Episcopus Augustini discipulus, sed alter ejusdem nominis, & ætatis, ut constat ex Chronico Pithœano, seu Pithei cura edito ex codice Bibliothecæ S. Victoris Parisiensis.

Respondet 2. Falsum esse Pelagianos à Gennadio amicitie, & fœderationis causa prætermisissos: Primò namque Gennadius nullum ex professio librum de hæresibus conscripsit, sed tantum hæresum appendicem, ad sancti Augustini librum adjecit, ut probavimus §. *superiori* testimonio Hincmari. Insuper in codice Victoriano Parisiensi post finem libri sancti Augustini de hæresibus jungitur illa appendix Gennadii, & refertur in hunc modum. *Finit relatio sancti Augustini Episcopi de hæresibus. Hec verò, quæ sequuntur a sancto Gennadio Massiliensi Presbytero sunt posita. Nonagesima Prædestinati sunt qui dicunt quod Deus, &c. Nonagesima prima Nestoriani dicunt S. Virginem, &c. Nonagesima secunda Eutychiani dicunt Dominum Jesum, &c. Nonagesima tertia Timotheani dicunt Filium Dei verum quidem hominem ex Virgine Maria natum, &c. tum deinde subditur, explicit liber de hæresibus.* Quibus constat Gennadium non ulterius progressum fuisse, sed tantum hæc quatuor hæreses S. Augustini catalogo annexisse.

Secundò, perperam affirmant, Pelagianos à Gennadio prætermisissos, cum nec illos ab Augustino, *nonagesimo nono loco* inter hæreticos enumeratos prætermiserit, nec tamquam illorum erroribus favens præmittere debuerit Gennadius, quandoquidem in Catalogo *Illustrium Ecclesie Scriptorum* Pelagium hereticum aperte nominaverat.

Tertiò denique, falsum est Prædestinatos ab Isidoro prætermisissos, quod eos apud Gennadium expressos repererat, quia nec Gennadius Hæreticorum catalogum, sed tantum appendicem texuit, quem legere posset Isidorus, ut modò diximus. Nec fortè illam appendicem Gennadii legerat, siquidem ubi sermonem habet de Nestorianis, & Eutychianis, ne unum quidem apicem à Gennadio mutuatus Isidorus videtur. Quocirca potius asserendum est prædestinatos ab Isidoro prætermisissos, quod illam Gennadii appendicem non legerat.

Obijciunt 3. Si quod argumentum evincat Prædestinatanam hæresim aliquando

extitisse, maximè quia (ut diximus supra) illa damnata videtur à Patribus Concilii Arelatenfis, & ejurata à Lucido, qui ipsam prius propugnauerat: sed hoc argumentum leve proflus, ac futile est.

Primò namque nulla esse debet hujus Concilii apud nos auctoritas, nihil enim aliud fuit, nisi conventus Semi-Pelagianorum, vel Antistitum à Semipelagiano, nempe Fausto deceptorum.

Confirmatur, quia Fausti libri de libero arbitrio, erroribus scatentes, ab illius Concilii Arelatenfis Episcopis approbati fuerunt, quod argumentum est, vel illos Antistites Semipelagiana hæresi fuisse contaminatos, vel Fausti Semipelagianorum videri artibus, ac præstigiis delusos.

Secundò, Faustus ipse (qui illius Concilii decreta, quibus proscribi dicitur Prædestinatiana hæresis in Epistola sua ad Lucidum concinnavit) non solum Semipelagianorum Antesignanus extitit, sed & acerrimus eorum propugnator: quæ ergo fides hæreticorum primario, & catholice veritatis adversario?

Tertiò, illa Fausti ad Lucidum Epistola, qua damnatur Prædestinatiana hæresis, Semipelagiana doctrina scatet. Lucidi verò Epistola qua Prædestinatianam hæresim dicitur ejurare, Pelagianismum aperte sapit, adeoque neutri danda est fides: Ergo nec ex iis asserenda videtur Prædestinatarum hæresis existentia.

Nego min. Constat enim illos Antistites qui Arelatenfi Concilio adfuerunt, suum Faustum excipias, pietate, & doctrina fuisse percelebres, quod ut evincatur, placeat audire Baronium ad annum 400. nu. 25. ubi cum recensuisset eorum nomina qui Fausti Epistolæ ad Lucidum subscripserant, subdit, *Voluimus hic Episcoporum recensuisse nomina, quod omnes ferme magnæ famæ Antistites fuerint quorum apud Sidonium mentio habetur; nam Auxianus primo loco posuit, & Præmatius item qui habetur ordinis quintus, idemque sanctus, ad quem sunt litteræ Sidonii, fuit iste Episcopus Augustodunensis, idemque notus in Concilio Epaunensi. Patiens qui sequitur ordine sextus, & ipse inter sanctos relatus, fuit Episcopus Lugdunensis. Eufronii pariter, qui numeratur septimus, memoria apud Sidonium viget quem sanctum nominat, sicut & Megetii loco octavo scripti, ad quem ejusdem Sidonii extat Epistola. Claudius qui ordine sequitur nonus, Episco-*

pui fuit Bisontinus, idemque inter sanctos memoria celebris, &c. En quos Novatores Semi-pelagianos appellant, quibus an sit danda fides potius, quam tot sanctissimis viris, judicet Lector.

Reponunt Novatores, Illas Antistitum subscriptiones esse supposititias, & falsas: Tum quia Henricus Canisius asserit se verustissimum manuscriptum codicem illius Epistolæ Fausti ad Lucidum reperiisse in Monasterio S. Galli cui subscriptiones illæ Episcoporum non erant annexæ: Tum quia, si quis ex patribus Arelatenfis huic Epistolæ subscribere debuisset, maximè *Leontius Arelatenfis Archiepiscopus*, & totius Synodi præses: sed ipsius nomen cum aliis subscriptis non legitur. Itaque non videtur illæ subscriptiones legitimæ.

Nego antecedens, & ad eius probationem dico Canisium loqui de unico manuscripto S. Galli, eoque perturbatissimo, quippe qui Fausti Epistolæ, nec ipsius quidem Fausti subscriptionem annexam habet: sed alia quædam inserit proflus ab instituto aliena, ac tandem post paginas circiter centum, & viginti refert Fausti subscriptionem his verbis conceptam. *Item alia manu, Faustus exemplar Epistolæ meæ relegi, & subscripsi.* Nulli ergo ipsi inordinatio codici habenda fides.

Dico secundò, Quod etsi Leontius, & alii quidam Præsules, non legantur subscripsisse Epistolæ Fausti, non minus propterea certum est eam fuisse scriptam ab illis undecim qui in vulgatis illius Epistolæ editionibus nominantur. Nec dubitari potest, quin Epistola Fausti, & doctrina in illa contenta, ac Lucido proposita, fuerit à Concilio approbata. Id enim manifestè constat ex verbis illius Lucidi epistolæ, quibus Patres Concilii sic alloquitur, *Correctio vestra salus publica, & sententia vestra medicina est.* Unde ego summam remedium duco, ut præteritos errores accusando excusem, & salutifera confusione mea diuam. Proinde juxta prædicandi recentia statuta Concilii, damno vobiscum sensum illum, qui dicit humanæ obedientiæ laborem divinæ gratiæ non esse iungendum, &c. Adde quod in tomo 2. Conciliorum Galliarum pag. 147. Synodus illa Arelatenfis hoc titulo munitur, *Concilium Arelatense à Leontio Arelatenfi Episcopo ad condemnandum Prædestinationis errorem congregatum, &c.* Constat ergo hoc Concilium adversus Prædesti-

nathanos fuisse convocatum, & Leontium unâ cum aliis ibidem congregatis Episcopis, Prædestinarianorum errores à Lucido renovatos, & propugnatos, damnasse.

Ad confirmationem, Fateor equidem Faustum in Epistola nuncupatoria, qua suum illud de gratia, & libero arbitrio opusculum Leontio dicavit, & obtulit, hæc verba scripsisse, *In quo quidem opusculo post Arelatenſis Concilii ſubſcriptionem novis erroribus deprehenſus, adſciſi aliqua Synodus Lugdunenſis exegit.* Verum, ut peritè obſervat Baronius ad annum Chriſti 490. nu. 10. Illa Arelatenſis Concilii ſubſcriptio, de qua loquitur Fauſtus, non ad ſuum opusculum de gratia, & libero arbitrio pertinet; ſed tantum ad Epistolam quam dedit ad Lucidum Presbyterum nomine Concilii Arelatenſis, ut hominem in errores lapsum revocaret ad Catholicam fidem. Et sanè ex illa ipsa Faustii epistola ad Leontium, unde hæc verba sumpta sunt, li- quidò constat opusculum istud de gratia, & libero arbitrio, post Arelatenſem Synodum elaboratum fuisse, adeoque non poviſſe ejus ſubſcriptione comprobari, Ecce tibi, inquit, *Epistola initium.* Quod pro ſollicitudine poſtorali Beate Papa Leonti in condemnando prædeſtinationis errore Concilium ſummorum Antiquorum congregatis univerſis Galliarum Eccleſiis præſtitiſſus. Quod verò de ordinanda ea qua collatione publica doctiſſimè protuliſti, operam infirmis humeris, curamque mandaviſti, parum ut reor tanto negotio, parum ſanctæ exiſtimationi veſtra conſuliſti. Quibus patet Fauſtum libros ſuos de gratia, & libero arbitrio, poſt Arelatenſem Synodum elucubraſſe, poſtulate Leontio, ut quæ in illa ſancita fuerant, uberius exponeret.

Ut autem operi ſuo (quod præſentabat Catholicis ingratum fore, propterea quod Pelagianiſmum redoleret & Semi-Pelagianiſmi ſemina fundetet) auctoritatem aliquam conciliaret, duorum Arelatenſis nimirum, & Lugdunenſis Conciliorum monumenta, libris ſuis affixit. Insuper etiam Epistolæ ad Leontium, ambigua illa verba atroxit, quibus incauti adduce- rentur, ut crederent ejus libros ab Arelatenſi Concilio fuiſſe comprobatos. Liceat igitur cum Severino Binio concludere Li- bellum Pelagianis erroribus pleniffimum quem de gratia, & libero arbitrio inſcripſit, & ſocii orbi vulgavit quemque Caſſarius Arelaten-

ſis, Avitus Viennenſis Episcopi, Joannes Presbyter Antiochenus contrario ſcripto reſuta- runt, quem denique Geſaſius Pontifex meriti inter apocrypha retulit, hunc, inquam, li- bellum ſacer Episcoporum conventus nequa- quam approbat.

Ad ſecundam probationem dico, reverà quidem Fauſtum tunc Semi-pelagianorum Antefignanum extitiſſe, nihilominus quoniam ſub ovina, & Catholica ſpecie, er- roneum animum celans, ſummam fidem apud Patres Concilii Arelatenſis inven- rat, inquit Batonius laudatus numer. 30. quòd Lucidum magni nominis virum ad poenitentiam perduxiſſet, meruiſſetque laudem apud ſacros Synodales conven- tus, quibus interfuert viri ſanctiſſimi, atque doctiſſimi. Videre namque erat, ad- dit Baronius num. 36. eundem Fauſtum in conventibus ſanctorum Patrum (Arelatenſi nimirum, & Lugdunenſi) ut Saul inter Prophetas, Prophetam & ipſum apparuiſſe, eadem cum illis ſentientem: ſed prioris poſtea ſcriptis doſola arte totam de juſtificatione hominis deſtruxiſſe ſententiam, dum captivoſi videri volens pugnare contra Pelagium Pela- gio ſaviſſe compertus eſt. Nihilominus dum illam ad Lucidum Epistolam ſcripſit, Catholicum animum adhuc præſerte viſus eſt, ſiquidem nil niſi Catholicam doctri- nam redolens ipſi Epistolæ inferuit.

Ad tertiam probationem dico, illas tam Fauſti ad Lucidum, quàm Lucidi ad Pa- tres Arelatenſis Concilii Epistolæ, Verò Catholicæ appellari, non ſolum à Cardi- nali Baronio, & Didaco Alvare Epi- ſcopo Tranenſi; ſed etiam à Joanne Mal- dero Doctore Lovaniſi, & Antuer- pienſi Episcopo, necnon à Joanne Bra- lichellana Magiſtro ſacri Palatii in ea ip- ſius cenſura quæ jam Fauſti opusculo præfixa eſt, ubi aſſeruit Fauſti, & Lu- cidi Epistolæ, judicio earum Synodo- rum fuiſſe confirmatas, eaſque ſanas, at- que Catholicas reverà exiſtere.

Adde quòd ea quæ Novatores in illis Epistolis criminantur, nonniſi ſpecie tenus Semi-pelagianiſmum redolent, ut latè proſe- quitur Antonius Deſchamps, Lib. 2. in Janſenium diſp. 7. cap. 1. nu. 12. & ſequenti- bus, quod enim maximè vellicant in Epi- ſtola Lucidi, dicentis. Damno ſenſum illum qui dicit ab Adam uſque ad Chriſtum nullum ex gentibus per primam Deigratiam, id eſt per legem naturæ, in adventum Chriſti fuiſſe ſalva-

tos, cò quòd liberum arbitrium in Primo Parente perdidit. Nonnisi putida nimiscalumniandi ratione id præstant, ut enim accusationi fuz faciant fidem, post has voces *Legem naturæ* = virgulam inserunt, ut significant Fausum, & Lucidum per *primam Dei gratiam* intelligere naturæ legem præcisè sumptam, & ab omni Christi Salvatoris gratia separatam, quæ certè summa cavillatio est longè enim alia mens fuit Cardinalis Baronii, Didaci Alvaris, Severini Bini, & Margarini de la Bigne, qui cum intelligerent per *primam Dei gratiam* hic designari legem naturæ cum ea gratia, quæ ex futuro Christi adventu in eam redundabat, ut id clarius pateret uno contextu, ac sine ulla distinctione, hæc verba junxerunt per *legem naturæ in advenum Christi fuisse salvatos*.

Eadem (inquit Antonius Deschamps) inconfluta calumniandi libido eos impulit, ut hæc pariter Lucidi verba in jus vocarent, *Damno sensum illum, qui dicit alios deputatos ad mortem, alios prædestinatos ad vitam*. Quibus certè subscribere debent omnes Catholici, neque enim hic alia præscientiæ, aut prædestinationis ratio proferbitur, quàm quæ à Calvinianis modò defenditur, & ab eodem Lucido, antequam errores ejuraret, propugnabatur, sic enim paulò antè illam descripserat Fausus, *Damno sensum illum qui dicit, quòd præscientia Dei hominem violentè compellat ad mortem, vel quòd cum Dei pereant voluntate qui pereunt*. Quæ damnatio verè est hominis Catholici.

Obijciunt 4. Omnia quæ Gennadius, Sigebertus, & Hincmarus Prædestinarianis adscribunt, sunt ipsissima sancti Augustini dogmata, quæ Semipelagiani tanquam ab eo S. Doctore tradita, atque in ejus libris expressa, carpebant, & criminabantur: Ergo reverà nulli unquam extiterunt Prædestinariani hæretici. *Probant antecedens primò*, quia Gennadius ait Prædestinarianos suis dogmatibus docere, quòd Deus personas hominum accipiat, quòdque Deus alios etiam invitos post multa bona opera attrahat ad salutem, alios verò post bona rejiciat. Quæ sunt ipsissimæ Semipelagianorum querelæ contra distributionem & operationem gratiæ, sanamque de prædestinatione doctrinam, quam hoc nomine Prædestinariano invidiosè tradebant, nempe quòd alii, post multa

bona opera interdum evocentur ad salutem, alii verò post multa bona opera aliquando rejiciantur.

Secundò, ex eo quòd inter dogmata adscripta Prædestinarianis, nonnulla sunt apertè Catholica, ut quòd Deus non det omnibus justis perseverantiam, illis scilicet qui non sunt prædestinati, quòdque illi qui prædestinati sunt ad vitam æternam, etiam si in perfidia, vel in omni genere peccati, longo tempore, imò ad finem vitæ usque voluntur, accepturi sint gratiam, adeoque occasionem quæ & credant in Deum & piè, sanctèque vivant, quæ doctrina omnino Catholica est: Ergo, &c.

Respondet, Reverà quidem plura dogmata à Semipelagianis fuisse sancto Augustino afficta, quæ tamen longe ab ejus mente aliena erant, ut testatur S. Prosper in præfatione responsionis ad capitula Gallorum, & libro contra Collatorem cap. 1. dicit Massiliensis. *Suis contra Divi Augustini doctrinam objectionibus trahere ad se multos inruditos, & non habentia spiritum discretionis corda turbare*. Itaque dogmata illa quæ tribuuntur Prædestinarianis, non esse doctrinam sancti Augustini, docet S. Prosper in libris Responsionum ad capitula Gallorum, & ad objectiones Vincentianas, necnon & ad excerpta Genuensium.

Ad secundum dico, Gennadium inter dogmata Prædestinarianis ascripta meritò recensere, quòd dicerent. *Non dari omnibus justis perseverantiam*, non enim loquitur nec intelligit de perseverantia in actu secundo, seu in facto esse, quo sensu id verissimum est; sed de perseverantia in actu primo, id est de potentia perseverantis, quam Prædestinariani solis prædestinatis dari volebant, contra quem errorem pronuntiavit Synodus Arausica secunda Can. 25. *Credendum esse secundum fidem Catholicam quòd accepta per baptismum gratia omnes baptizati Christo auxiliante, & cooperante quæ ad salutem pertinent, possint, & debeant, si fideliter laborare voluerint, adimplere, & consequenter quòd perseverandi potestatem habean*.

Quod autem iustus asserit prædestinarios docere, quòd qui prædestinati sunt ad vitam æternam accepturi sint gratiam, &c. id intelligit juxta sensum prædestinarianorum, qui volebant illud fieri ex antecedente necessitate, inducta per ipsam prædesti-

reprobationem, & Reprobationem: quia scilicet, inquietant, Deus pro suo mero beneplacito, selegit aliquos ex massa perditionis, quos per media necessitantia salvare decreverit: quique vi talis electionis sint necessariò salvandi, neque possint pessimè mori, quidquid antea mali perpetraverint: Alios è contra in massa perditionis relinquit, & idcirco destituit gratia necessaria, ut sanctè, pieque moriantur; licet toto antea vitæ tempore laudabiliter vixerint: quam utique sententiam, ut hæreticam omnes Catholici execrantur. Ideo nullum dogma Catholicum Gennadius Prædestinatis affigit. Eodem modo accipiendum est quod dicit Gennadius Prædestinatis suis dogmatibus, *Facere Deum acceptiorem personarum*, in hoc nempe quòd censent Deum quos salvare statuerat, invitos licet & diu resistentes tandem necessitare ad conversionem; atque post quæcumque mala opera, ad salutem pettrahere: alios verò post diuturna bona opera tandem abicere, idque vi solius Prædestinationis eorum, aut Reprobationis, quæ sententia prorsus est Hæretica: quid ergo hac de re in Gennadio culpandum?

§. III.

Quinam fuerint Prædestinatis Hæresis Restauratores.

EXtinctam pridem Prædestinatariorum hæresim, circa annum octingentesimum quingentesimum ab inferis excitavit *Gothescalcus*, genere Belga, ut Aventino lib. 4. annalium placet, aut Gallus ut Trithemio lib. 3. vitæ Rabani visum est, qui cum in Orbacensi apud Sueffiones Monasterio Religiosæ vitæ se addixisset, talem se in eo loco exhibuit ut videretur, *Habitu Monachus, mente ferinus, quietis impatiens, & vocum novitate delectans*, ac inter suos mobilitate notia singularis. Tandem, de omnibus quæ in his regionibus perversa tunc temporis sensa cognoverat, quadam sibi elegit capitula, ut novitate vocum innotesci valeret, atque à Monasterio irregulariter exiens peragratis regionibus plurimis exitiosa semina sator pessimus seminavit: Ut refert Hincmarus Episc. ad Nicolaum Papam, qui idipsum audierat ab Abbate, & Monachis quibuscum Gothescalcus ille vixerat.

Fraſen Theol. Tom. II.

Hoc ipsum testatur Rabanus Moguntiar Archiepisc. & Præses Concilii, in quo damnatus fuit Gothescalcus. *Notum fit*, inquit, *dilectioni vestræ quòd quidam Girovagus Monachus nomine Gothescalcus, qui se assertor sacerdotem in vestra Parochia ordinatum, de Italia venit ad nos Moguntiam novas superstitiones, & noxiam doctrinam de Prædestinatione Dei introducens, & populos in errorem mittens*; Dicens quòd Prædestinatio Dei sicut in bono, sit ita & in malo; Et tales sint in hoc Mundo quidam, qui propter Prædestinationem Dei, quæ eos cogat in mortem ire, non possint ab errore, & peccato corrigere: Quasi Deus eos scilicet ab initio incorrigibiles esse, & poenæ obnoxios in interitum ire. *Hanc ergo opinionem nuper in Synodo apud Moguntiam habita ab eo audientes, & eum incorrigibilem reperientes, annuente atque jubente piissimo Rege nostro Ludovico decrevimus eum cum pernicijs suis doctrina damnatum mittere ad vos; quatenus eum recludatis in vestra Parochia, unde primum inordinatè recessit, & non finatis eum amplius errorem docere, & seducere populum Christianum, quia jam multos, ut audivi, seductos habet.*

Ut autem de Gothescalco, solito mota controversia enucleatè, ac dilucidè pertractetur, placet eam tres in particulis distribuere cum Antonio Deschamps, Prima contentions illius exordia complectetur, & Gothescalcum in Moguntino Concilio damnatum exhibebit. *Secunda* grassantem latius controversiam persequetur, & eundem in Carisiaca Synodo rursus condemnatum fuisse, atque arcto carceri addictum ostendit. *Tertia* conciliabit Valentini Concilii canones, qui Gothescalco favere videntur, & Carisiensi Concilio adversari.

Gothescalcus damnatus in Concilio Moguntino.

Gothescalcum in Synodo Moguntina damnatum fuisse liquet, nedum testimonio prædicto Rabani Mauri Moguntini Archiepiscopi, sed etiam ex variis Scripturis, & Annalibus, qui ejus meminere, quique summo consensu non extremum inter Hæreticos Prædestinatos locum illi tribuunt. Ita maxime annales *Fuldenſes*, & *Bertinians*, *Floardus*, lib. 3. *Historia Remens. Aventinus*, lib. 4. annalium: *Tri-*

162.

themiur lib. 3. vite Rabani, qua de re sic à Pythæo editus Francicorum annalium scriptor, qui iisdem temporibus vixit, Circa Kalendas Octobris, inquit, Generale placitum (Rex Ludovicus) habuit apud Moguntiacum, in quo Legatos fratrum suorum, & Normanorum, Sclavorumque suscepit, audiuit, & absoluit: homines etiam Rabani Episcopi adversus Dominum suum conspirantes publice convulsos cum eo pacificavit. Gotthealcus quoque quidam Presbyter de Prædestinatione Dei prave sentiens, & tam bonos ad vitam, quam malos ad mortem perpetuam, inevitabiliter à Deo Prædestinatos esse affirmans, in conventu rationabiliter ut plurimis visum est, convulsus, & ad proprium Episcopum Hincmarum Remis transmissus est, prius tamen iuramento confirmans, ne in regnum Ludovici ultra rediret. Testatur & Hincmarus Epistola ad Nicolaum Papam, ubi de Gotthealco sic ait, Peragratis regionibus plurimis, & extensa semina sator pessimum seminans; tandem in Moguntina civitate habita Synodo, & Rabano Archiepiscopo libellum sui erroris porrigens, damnatus ab omnibus Germanie Episcopis cum literis Synodaliibus ad Metropolim Remorum, cui jam, auctore Domino, præeram, est remissus.

Quantæ autem authoritatis esse debeat hujus Synodi in Gotthealcum animadvertio, testatur in primis insignis Moguntini Archiepiscopi illius Synodi prædis pietas, & eruditio. Hic enim est magnus ille Rabanus Maurus, quem sanctus Odilo Abbas Cluniacensis vocat, Fide Catholicum, & spiritali scientia ad plenum edotum: Harmanus contractus, divinarum librorum traditorem egregium: Joannes Trithemius, Virum in divinis litteris eruditissimum cui nec Italia finilem, nec Germania peperit æqualem: dixit Senensis, virum omnium disciplinarum cognitione absolutissimum, cui nullum parem eo seculo Germania tulit: Cardinalis Baronius, Fulgens temporibus istis Germaniæ Sidus, verticem hujus temporis Theologorum, & non imparem magnis Doctorem. In tanti igitur nominis viri decreta, & sancta quid multis potuerunt Novatores? Testatur idipsum qui isti Synodo adfuerunt Antistites, idque tanto numero, ut Hincmarus ad Nicolaum Summum Pontificem scribat, Gotthealco in hac Synodo, Ab omnibus Germanie Episcopis damnatum fuisse. Quales verò, & quanta doctrina, ac pietate celebres fuerint illi Pontifices Trithemius in Chronico Hirsaugiensi ad an-

num 848. docet his verbis: Fuerunt inter alios presentes ibi celeberrimi viri Episcopi, Helli Archiepiscopus Treverensis, Hildeboldus Archiepiscopus Coloniensis, Aliefridus Episcopus Hildesheimensis, Haimo Episcopus Albstadensis, Ludericus Episcopus Brevenfis, &c. Et multi alii Episcopi, & Abbates, & Monachi, inter quos complures erant vita, & doctrina famosissimi.

Quantum autem hæc in Gotthealcum lata prima sententia, ejus animum exulceraverit, inde patet, quod deinceps adversus Rabanum Synodi Præsidentem furere, ac bacchari non cessavit. Neque eum dumtaxat atrocissimis laceravit injuriis, sed etiam quos adversantes, atque repugnantes expertus est, à Rabani nomine Rabaniticis hæreticos appellavit, ut testatur Amolo Lugdunensis Archiepiscopus in ea, quam ad ipsum Gotthealcum scripsit Epistola, Septimo loco, inquit, duo prorsus gravia mala in tuis nobis moribus plurimum displicuerunt: Unum quod Sacerdotes Dei, & Rectores Ecclesiarum tantis injuriis, & convitiis, & maledictis laceras, tanto depectu, & contumacia conculcas, utique spiritui erroris, & superbie miserabiliter deceptus; ut omnino nihil Christiane patientie, nihil Christianæ reverentie habere videaris. Nam inter cætera, omnes qui insanie sensuum tuorum zelo fidei resistunt, hæreticos appellare non metuis, eosque à bono, & erudito viro, atque Catholico Episcopo Rabaniticis, nuncupare præsumis.

Gotthealcus in Caristaco Concilio damnatus.

EA est perniciose, & hæreticæ doctrinæ lues, ut nullo etiam igne, nulloque cœlitus immisso fulmine purganda videatur. Quod utique Gotthealcus ipse demonstrat; damnatus enim à Patribus Synodi Moguntinæ, non tamen emendatus, à Germania in Galliam profectus est, ut refert Hincmarus Epistola ad Nicolaum summum Pontificem, Damnatus, inquit, Gotthealcus ab omnibus Episcopis Germaniæ, cum literis Synodaliibus ad Metropolim Remorum cui jam auctore Domino præeram, est remissus. Quid autem exinde contigerit, continuo subjicit; Postea, inquit, à Remorum, ac Gallie Belgicæ, & aliarum Provinciarum Episcopis audiis, & inventus hæreticus, quia resistere à sua pravitate non voluit, ne alius noceret, quia sibi prodesse volebat, ju-

iudicio prefatarum Provinciarum Episcoporum, in nostra Parochia, (quoniam Rothaldus Sueslionensis Episcopus de cuius Parochia erat, illi ne scitebat resistere, & novitatis amans timebatur a nobis, ne diceret prava sentire, qui noluit sentire recta, & docere:) Neve idem Gothescalcus, cum aliis communem vitam ducens, errari suo faceret esse communes, Monasteriali custodie mancipatus est, &c. Seu ut loquitur lib. de Prædest. cap. 2. Inde in Synodali conventu in Carisfaco Palatio iterum auditur Gothescalcus ab Episcopis, & ceteris quam plurimis vris Ecclesiasticis, atque Religiosis, qui idem Synodo interfuerunt; Aderant autem Archiepiscopi duo Vvenilo, & Hincmarus, ille Senonensium, hic Remorum: Episcopi vetò complures, Fulconius Morinensium; Teudericus Cameracensium, Rothaldus Sueslionum, Regenarius Ambianensium, Imo Noviomagnum, Erpomis Silvaneensium, Lupus Cathalonensium, Triminfridus Belvacensium, Pardalus Laudunensium, Teutobardus Lingonensium, & Gerobrius Lutonensi in Provincia Episcopus: Chorepiscopi quoque duo Rigboldus, & Vvitraus ille Remorum, hic Cameracensium: Alii denique doctrina, & pietate spectabiles viri aderant; quos inter eminebant Vvenilo postea Rothomagensium Archiepiscopus, Aeneas, atque Isaac; Deinde Parisiorum, & Lingonensium Episcopi, atque ipse Bædo Orbacensis Monasterii, adeoque Gothescalci Abbas.

Subdit autem Hincmarus ibidem. In quorum præsentia sicut, & in Moguntina civitate inventus hereticus, atque incorrigibilis, honore Prebbyterali quem per Rigboldum Remorum Chorepiscopum, cum esset Sueslionense Parochia Monachus, inscio Civitatis sue Episcopo usurpaverat potius quam acceperat, abiecit, & pro sua irrevocabili contumacia secundum leges, & Agathenses Canones, ac Regulam sancti Benedicti, ut improbus virgibus caesus sicut decreverant Germanie Provinciarum Episcopi; ne aliis noceret qui sibi prodesse volebat, ergastulo est reclusus.

Omnem tamen navavit operam Hincmarus ut Evangelicæ Charitatis via Gothescalcum meliorem in frugem reduceret priusquam cum ad tribunal evocaret: Refert enim Flodoardus lib. 3. cap. 28. quod scriptis Hincmarus Gothescalco Monacho, qui erat prolapsus in hæresim, de quibusdam sententiis Auditorum, quas ille non bene intelligebat, vel exponebat, maxime Prosperi, quarum

sensum Hincmarus per sententias præcipue Beati Augustini exponit, & ceteras idoneos proponit testes Apostolicæ fidei Doctores, quorum sequendam in omnibus admonet esse doctrinam, ostenditque testimoniis manifestis Deum, & bona præscire, & mala: sed mala tantum præscire, bona vero & præscire, & prædestinare: Unde præscientia esse potest sine prædestinatione: Prædestinatio autem non potest esse sine præscientia: & quia bonos præservit, & prædestinavit ad Regnum; malos autem præscivit tantum, non prædestinavit, nec ut perirent sua præscientia compulsi. Cui definitioni subscribere idem Gothescalcus pertinacissime recusavit.

Damnatus autem Synodi Carifensis decreto Gothescalcus, & in Aliivillari Monasterio inclusus, geminam fidei suæ professionem edidit, breviorē unam, alteram Prolixiorē, in quibus suum dogma de Prædestinatione flagitiose dissimulat, nam id docet unum, Reprobos ad pœnam prædestinari; non tamen negat, eos etiam prædestinari ad culpam, ut prius docuerat; & quo opinionem suam callide, ac fraudulentè texuit. Nam certum est cum asseruisset Reprobos prædestinari à Deo non tantum ad pœnam, sed etiam ad culpam; id enim affirmat Rabanus in Epistola ad Heberardum Comitem apud quem conqueritur, quod secum manere patiatur, Quendam Sciolum nomine Gothescalcum, qui ita Prædestinationem exponat, Quasi Deus prædestinatione sua cogat hominem interire, necnon & Amolo Lugdunensis Archiepiscopus in Epistola ad ipsum Gothescalcum ubi ita scribit; Quarto loco displicet nobis valde quia iam durè, & indisciplinatè, & immamiter de divina Prædestinatione sentis, & loqueris in damnatione Reproborum, ut omnes illos qui ad suam ponendi sunt in die iudicii, & cum Diabolo, atque Angelis ejus pro malis meritis suis æterno igni damnandi, ita sunt divinius ad interitum prædestinati, ut eorum prorsus nullus aliquando potuerit, nullus possit salvus esse. Quod sentire, & dicere, quid est aliud quam in Deum graviter, & horribiliter blasphemare? sic illis ejus prædestinatio hanc necessitatem irrevocabiliter imposuit, ut omnino quod ad salutem suam proficeret operari non possint. Ut autem luculentius appareat quæ fuerint pestifera ipsius Gothescalci dogmata, hæc subicere lubet sub sequenti titulo.

*Quinam fuerint præcipui errores
Gothescalci.*

Eos omnes scribit, & recenset Hincmarus Episc. ad Nicolaum Pontificem ubi de Gothescalco ait, *Verum si vestra sapientia Catholica vult scire quæ contra Catholicam fidem, ex veteri hæresi Prædestinationorum (quæ primum in Africa postea in Gallis per idem tempus quando & Nestoriana hæresis est exorta, & tempore Celestini Papæ ipsius auctoritate, & instantia sancti Prosperi est revicta) dicere videatur de multis pauca vobis numero, sed non pondere capitulatum significamus: „ Dicit quod & veteres Prædestinationarii dixerunt quoniam sicut Deus quosdam ad vitam æternam, ita quosdam prædestinavit ad mortem.*

„ Dicit quod & veteres Prædestinationarii dixerunt, quoniam non vult Deus omnes homines salvos fieri, sed tantum eos qui salvantur: omnes autem salvari quoscumque ipse salvare voluerit: ac per hoc quicumque non salvantur, penitus non esse voluntatis illius, ut salventur, quoniam si non omnes salvantur quos vult Deus salvos fieri, non omnia quæcumque voluit fecit; & si vult quod non potest, non omnipotens, sed infirmus est. Est autem omnipotens qui fecit quodcumque voluit, dicente Scriptura, omnia quæcumque voluit Dominus fecit in Cælo, & in Terra, in mari, & in omnibus abyssiis, & item; in voluntate tua Domine cuncta sunt posita, & non est qui possit resistere tuz voluntati; si decreveris salvare nos, continuo liberabimur.

„ Dicit quod & veteres Prædestinationarii dixerunt, quod non pro totius mundi redemptione, id est non pro omnium salute, & redemptione Dominus, & Salvator noster Jesus Christus sit crucifixus, & mortuus, sed tantum pro his qui salvantur.

„ Dicit dispari traditione, sed pari errore, quod & veteres Prædestinationarii dixerunt; exponens sententiam Apostoli Petri, eum qui emit eos Dominum negantes, Baptismi, inquit, Sacramento eos emit, non tamen pro eis crucem subiit, neque mortem pertulit, neque sanguinem fudit: Quod autem Baptismi perceptio redemptio nuncupetur, Do-

ctor gentium manifestè fatetur: Noli contristari, inquit, Spiritum sanctum Dei in quo signati estis in die redemptionis. At illa quæ propria, & specialis est solum omnium Electorum quam eis tantummodo Crucifixus impertivit, pius Redemptor ipsorum sicut à præteritis ita nimirum à præsentibus, natos, & nascituros, vivos, & mortuos, videlicet omnes pariter Electos redemit, eruit, abluitque peccatis. Et idem alibi idem Gothescalcus scribit: absit procul à me, ut vel illud solummodo velim somnare, nedum semel susurrare, ut illum eorum perpetualiter secum periturum antiquus rapere valeat anguis, pro quibus redimendis tam pretiosus Deo Patri Domini nostri Filii sui fusus est sanguis. Amen. Et idem loquens ad Deum, claret itaque satis aperte quod nullus tibi perit quisquis redemptus est per sanguinem crucis tuz.

Quamquam autem pessifera hæc dogmata omnibus Catholicis execranda viderentur; nonnullos tamen habuerunt Propugnatores: In primis namque, Lupus Servatus Moguntinus Presbyter, pro Gothescalco scripsisse videtur libellum de tribus questionibus: Nihilominus ipsemet Gothescalcus illum suarum partium omnino esse non putavit, sic enim de eo scribit ad Rattmannum Monachum Corbejensem.

Nempe tribus horum studui proprium indere sensum

Matcaudo, Jonz, atque Lupo, rutilantibus ore

Poscens obnixè salagant ut vera referre

Nemo sed excepto quid adhuc mihi reddidit uno,

Qui cum sit catus simul & catus, & moderatus

Sic jam terna sui librans responsa libelli,

Ut deempto neutri pleno discrimine parti congruat.

Factur itaque Gothescalcus Lupum sic scripsisse, ut in utramque partem inclinet, & neutri plene congruat. Et certe dum tertiam questionem, quæ de Christi sanguine est, pertractat (inquit Antonius Deschamps) postquam ostendit multa sacre Scripturæ testimonia quibus Christus pro omnibus mortuus dicitur, sic explicari posse ut de solis prædestinatis accipiantur: Addit

etiam

etiam illa Scripturæ testimonia de redemptione sufficienti posse accipi, & ad omnes prorsus homines extendi.

Proderunt etiam libelli aliquot, qui pro Gothefcalco scribi videntur: At ex iisdem tantum de divina homines omnes salvandi voluntate fuisse pertractant, quorum alter de tribus *Epistolis*, alter de *veritate fidei* retinenda inscribitur. Quis autem eorum librorum fuerit Author adhuc sub iudice lis est; quidam enim eos tribuunt *Remigio* Lugdunensi Archiepiscopo, alii *Floro* ejusdem Ecclesiæ Diacono: quod utique cum fuerit incertum, usus invaluit, ut nomine Ecclesiæ Lugdunensis circumferrentur: Unde *Tomo 4. Bibliothecæ Patrum* hi libelli inferuntur sub hoc titulo, *Ecclesiæ Lugdunensis contra Joannem Scotum*: At de his libellis infra pleniorē sermonem faciemus.

Prudentius pariter Trecentis Episcopus Gothefcalci defensor acerrimus exitit ut constet ex *Epistola*, quam ad *Vvenilonem* Senonensem Archiepiscopum scripsit, in qua negat se consenturum ordinationi *Anæ* Parisiensis Episcopi, nisi prius capitulis quatuor subscriberet, quæ ipse designat, quæque Carisacensis sunt opposita. Verum quæ fuerit iste *Prudentius* referunt annales Francorum, seu *Bertiniani* ad annum 461. his verbis, *Galindo cognomento Prudentius, Tricassina civitatis Episcopus, natione Hispanus, apprime literis eruditus, qui ante aliquot annos Gothefcalco Prædestinatio resistit: post felle commotus contra quosdam Episcopos secum hæretico resistentes, ipsius hæresis defensor acerrimus; indeque non modica inter se diversa, & fidei adversa scriptitans moritur*.

Hunc autem revera Carisacensis decrevit subscripsisse, testatur *Hincmarus* lib. de *Prædest.* cap. 21. *Miramur*, inquit, *cum in præfata Synodo Carisaca capitulis superius memoratis subscripsisset Dominus Prudentius, & Canonicas Sanctiones, atque decreta Apostolicæ sedis Pontificum sufficienter cognita de Synodali subscriptione, atque professione habuit, tam inconsultè, & inconjunctè suo probabili collatione contra regularum instituta, hujusmodi scriptum, pro ordinationis consensu Coepiscopi sui ad Archiepiscopum, & Coepiscopos suos transmiserit.*

Nec refert quod *Prudentius* ille inter Sanctos numeretur, ejusque festum celebratur Trevis, & in Martyrologio *Gal-*
Fraffen *Topol.* tom. 11.

licano, sexto Aprilis, (quod à doctissimo viro *Domino Andrea du Saussay* editum est) virtus ejus, ac sanctitas commendetur. Idem enim dici potest de ipso, quod de *Fausto Rhegiensi* supra diximus, nempe quod circa vitæ finem ejurata tandem hæretica doctrina, & ex charitate, ac mutua concordia compositis animis, cum cæteris Catholicis Præsulibus fœnserit, & eximias virtutes fide integra omnibus perspecta illustraverit.

Oppugnatores autem errorum Gothefcalci plures extitere; inter quos non commemorabo *Joannem Erigenam*, seu *Scotum*, qui licet omni arte, & Marte in Gothefcalcum pugnaverit: variis nihilominus erroribus inquinatus est, ut constabit infra. Præ cæteris autem Gothefcalci impugnatoribus, & damnatoribus enituit *Hincmarus*, qui præter *Epistolas*, & *Apologiam*, quam pro fide Catholica contra errorem Gothefcalci scripsit ad *Nicolaum Papam*, etiam plurima alia in lucem edidit, & inter cætera *Collectionem sententiarum Oribodoxorum Patrum*, ad confutandas blasphemias istius Gothefcalci, quam filius Ecclesiæ suæ dedicavit docens Deitatem divinæ Trinitatis non debere dici *Triplicem* cum in summa Trinitate unitas sit. Item *Potma eruditissimum* *Carolo Regi* vovit, in quo agitur de gratia, & prædestinatione Dei, de Sacramento corporis, & sanguinis Christi, de modo videndi Deum, de origine animæ, & de fide sanctæ Trinitatis. Et hoc opus inscripsit *Ferculum Salomonis*. Insuper maximum volumen de prædestinatione Dei, & libero arbitrio contra quosdam Episcopos reprehensores suos, & præsertim contra dictum Gothefcalcum, & *Ratramnum Monachum Corbejensem* collegit, & composuit.

Item alium pulcherrimum librum contra eundem Gothefcalcum, & alios Prædestinatio nomine Regis exaravit, & suæ Majestati his verbis scripsit: *Domino Carolo Regi, &c.* hæc *Baronius* ad annum 848. num. 16. & *Flodoardus*, qui hanc utriusque controversiam apprimè nosse potuit; fuit enim Canonicus Ecclesiæ *Rhemensis* tempore *Artoldi*, qui quadragesimo octavo post *Hincmari* obitum in Archiepiscopatu *Rhemensi* subrogatus est *Fulconi* successori *deulsi*, cujus prædecessor *Henricus*, qui paulo post successerat *Hincmaro*.

*Quid egerit Valentina Synodus circa
Gothescalci Doctrinam.*

DUm motæ à Gothescalco quæstiones tanta utrinque contentione agitantur (inquit Antonius Deschamps) Lotharii Imperatoris iussu trium Provinciae Lugdunensis, Viennensis, & Arelaensis Præsules Valentiam convenerunt, ut civitatis illius Episcopi, qui ob varia crimina pessimè audiebat, causam cognoscerent: ea autem disceptata, statuendum sibi aliquid putaverunt de illis controversiis, quibus tot jam annos Gallia personabat atque ut in eo conventu nonnulli erant Hincmaro subinseñsi, Gothescalci parocinium quoad licuit suscipere, & Carisiacæ Synodi decreta, quibus condendis Hincmarus præfuerat, quantum fas fuit oppugnarunt. Sex ea de re sanciti sunt Canones. *Primus* universè præscribit novitates vocum omni studio vitandas esse, & Joannem Scotum, sive Erigenam petit, qui contrageninam Gothescalci Prædestinationem librum ediderat erroribus, & profana vocum novitate scatentem. *Secundus* decernit, nec prius ulli malo præscientiam Dei imposuisse necessitatem ut aliud esse non possit: Adeoque Gothescalci opinionem in Moguntina Synodo pridem detectatam condemnat. *Tertius* geminam Prædestinationem esse asserit, alteram Electorum ad vitam, alteram Impiorum ad mortem: ac proinde Gothescalco favet in speciem, & verbo tenus discrepat à primo Carisiacensi capitulo, quod ita conceptum erat: *Unam Dei Prædestinationem tantummodo dicimus, quæ aut ad donum pertinet gratiæ, aut ad retributionem iustitiæ.* Quartus de redemptione sanguinis Christi agit, nec cum decreto Carisiaco re ipsa pugnat; statuit autem, *Quod omnes regenerati à peccatis abluti sint, non tamen omnes salvi fiant;* & illum Gothescalci errorem petimit, quo asserbat solos prædestinatos in baptismo gratiam consequi.

Huiusmodi autem decretorum præcipuus author extitit Ebbo, ut cognosci potest ex præfatione illius Concilii, in qua post Archiepiscopos solus ex Episcopis Ebbo nominatur cum hoc elogio: *Conlaborante eis quam maximè venerabili Ebbone Gratianopolitano Episcopo.* Hic porro occultas cum Hincmaro Rhemenſi Archiepiscopo simu-

tates gerebat; quòd Ebbonis illius ex furore Nepos esset, qui adversus Ludovicum Pium conjuraverat, quique eam ob rem exauctoratus, & Rhemenſi pulsus Archiepiscopatu suam in sedem suffectum Hincmarum gravissimè tulerat. Hunc avunculi sui dolore ulturus, *Ebbo Gratianopolitanus*, Hincmaro, & Carisiacensibus capitulis liberitis obreſcebat. Cùmque in Valentina Synodo plurimum posset, atque ejus decreta componeret, hæc illis verba inferuit: *Porro capitula quatuor, quæ à Concilio Fratrum nostrorum minis prospecta suscepta sunt propter inutilitatem, vel etiam noxietatem, & errorem contrarium veritati: Sed & alia novendicim syllogismis ineptissimè conclusa; & licet falsæ, nulla seculari literatura nitentia, in quibus commentum Diaboli potius quàm argumentum fidei deprehenditur, a pio auditu fidelium penitus expellimus.* Prima parte Carisiacæ capitula designantur: Secunda verò Joannis Scoti placita, qui Gothescalci hæresim impugnare aggressus, in alias impiegit nihilo tolerabiliores, & Catholicorum omnium execratione dignissimas. Iniquum verò fuit Carisiacæ decreta, quæ à Valentinis in geminæ tantum prædestinationis assertionem, idque verbo tenus discrepant, cum impudicissimis scriptoris erroribus conjungi, eademque multiplicari sententia: Quapropter ipsi etiam Præsules, qui Valentini huic Concilio interfuerant cùm postea ad Synodum Lingonensem convenissent, hæc ipsa Valentina decreta ita probaverunt, ut illam in Concilium Carisiacum notam tolli voluerint, sicut & etiam sublata est in Tullensi Synodo: quod argumento est, eam Ebbonis potius arte quàm de Concilii sententia appositam fuisse.

Hæc autem Valentini Synodi decreta cùm à Remigio Archiepiscopo Lugdunensi excepiſſet Carolus Calvus Rex, ea tradidit Hincmaro, quatenus vel ea impugnet, vel eis subscriberet. Hincmarus autem impugnationem illorum capitulorum diu distulit, sperans fortè Valentini Synodi Præsules suam sententiam mutatu-
ros, aut Synodum à Remigio Lugdunensi cogendam, qua melius omnia componi posset arbitrabatur: Tandem triennio post eadem capitula excerpta ad Carolum Regem, inquit Flodoardus lib. 3. cap. 15. composuit volumen ingens plures continens libros de Prædestinatione Dei, & libero arbitrio, con-

tra quosdam reprehenses suos Episcopus, maxime contra Gothescalcum, atque Ratramnum Monachum Corbejensem.

Multa verò in hoc Valentino Concilio reprehendit Hincmarus. *Primum*, quod se absente, & ignaro, nec admonito ptiis, præter charitatis fraternæ officium, quatuor capitula Synodica autoritate damnasent, quæ ab ipso, & Coepiscopis in Synodo Carisiacensi scirent comprobata. *Præterea*, quod dum unà cum Hincmari capitulis Joannis Erigenæ capitula conjungunt, videantur Hincmarum reum agere eorum quæ Erigena scripsisset; cum tamen ne fando quidem, de his quicquam accepisset. *Adhuc*, quod quæ scripserat, in aliam detorqueant mentem; ut videre est in ejus Epistola apud Flodoardum, laudato loco.

Quod autem reverà Valentina Synodus Carisiaca decreta non solverit, sed benignius tantum illas propositiones Gothescalci interpretata fuerit quàm hæc fecerat, constat ex illiusmet decretis. Quando enim Valentina approbat Deum sicut quosdam ad vitam æternam, sic alios ad mortem æternam prædestinasse, intellexit quod ad mortem æternam prædestinaverit consequenter, nempe propter ipsorum peccata prævisa: Non autem quod antecedenti, & efficaci voluntate ad mortem æternam, adeoque ad peccatum, quod est ipsius causa, prædestinavit. Synodus verò Carisiacensis cum Hincmaro, & antea Synodus Moguntina cum Rabano, in hunc secundum sensum propositionem illam Gothescalci damnavit, quem veterum Prædestinatiolorum sensum fuisse testatur Hincmarus cap. 15. lib. de Prædest. *Veteres*, inquit, *Prædestinati reprobos Prædestinationem ad interitum consenserunt; quos sicut dicunt à Deo prædestinatos ad interitum, ita etiam ad peccatum.* Hoc moderni Prædestiniani coloribus mutant, sed odoris, & saporis intelligentia redeunt. Dicunt enim, prædestinavit Deus reprobos ad interitum, non ad peccatum; cum nonnisi per peccatum pervenire valeant ad interitum.

Similiter quando Valentina Synodus approbavit quod æbat Gothescalcus, Deum non velle salvare omnes homines, sed eos tantum qui salvantur: Et Christum pro omnibus esse mortuum &c. Intellexit cum loqui de voluntate salvandi efficaci, & absoluta: Non autem conditionata, & per

modum beneplaciti: de qua Hincmarus, & Synodus Carisiaca non immerito eum intellexerant: deque morte Christi, & redemptione non quoad sufficientiam tantum, verum etiam quoad efficaciam applicationem, ita ut ipsa illis ad salutem consequendam profuerit. Quibus constat utramque Synodum tantum specie tenus, ac diversa intelligentia verborum Gothescalci pugnas, reverà tamen utramque ejus perversa dogmata damnasent.

QUÆSTIO SECUNDA.

An Prædestinatio ad Gratiâ fiat ex prævisis bonis operibus liberi arbitrii virtute elicitis.

Duplicem Prædestinationis principem effectum Gratiâ nempe, & Gloriam, ex dictis liquido constat; quocirca propositam difficultatem ex integro abolveremus, si quæ sint utriusque causæ demonstraremus. Quod ut fiat planius,

Notandum 1. Quamquam Pelagius, Julianus, & Massilienses hunc tetrum in errorem impegerint, quod aliquam ex parte liberi arbitrii gratiâ causam assererent; eorum tamen non eadem fuit omnino sententia. Siquidem Pelagius, referente S. Augustino, Epist. 107. cum dixisset lib. 1. de libero arbitrio: *Qui bene utitur arbitrii libertate, ita se totum tradit Deo, omnemque suam mortificat voluntatem, ut cum Apostolo possit dicere, vivo ego jam non ego, vivit verò in me Christus; ponitque cor suum in manu Dei, ut illuc quod voluerit Deus ipse declinet*, subdit. *Hoc autem iam magnum adiutorium tunc meremur cum sine illo adiutorio nonnisi de arbitrii libertate ad Dominum currimus, ab eo nos regi cupimus*, &c. Julianus verò, & ejus Aſicelæ volunt, inquit S. Aug. lib. 2. contra duas Epist. Pelagii c. 8. *In homine ab ipso homine incipere cupiditatem boni, ut hujus capiti merium, etiam perficendi gratiam consequatur Massilienses verò, inquirunt, vitam æternam his appendi, qui Deo sponte crediderint, & auxilium gratiæ initio credulitatis acceperint*, ut scribit S. Prosper Epistol. ad S. Augustinum. Ita Pelagius volebat per bona opera liberi arbitrii viribus elicita nos posse consequi gratiam, non quæ omnino necessaria esset, sed quæ conducere ad facilius virtutes sectandas: Julianus autem contendebat nos ex nobis ipsis habere rectam voluntatem, & pium conatum, quibus

bus gratiam ad opus bonum eliciendum necessariam assequeremur: Massilienses verò concedebant nostras voluntates gratia præveniri in omni conatu, & opere bono; afferebant tamen in nobis esse quædam initia fidei, quibus Deus movebatur ad conferendam primam gratiam auxiliantem, contra quos omnes sit

CONCLUSIO UNICA.

Nullis natura viribus possumus ullatenus gratiam auxiliantem promereri. Hæc est de fide determinata in Conciliis, Araulicano Can. 6. *Si quis sine gratia Dei volentibus, desiderantibus, & pulsantibus nobis misericordiam dicit conferri; non autem divinitus, ut hæc omnia sicut oportet agere valeamus per infusionem, & inspirationem sancti Spiritus in nobis fieri consistetur, &c.* anathema sit. Et Tridentino sess. 6. cap. 3. *Si quis dixerit sine præveniente Spiritu Sancti inspiratione, atque ejus adiutorio hominem credere, sperare, diligere, aut penitere posse sicut oportet ut ei justificationis gratia conferatur; & anathema sit.* Et ibidem cap. 5. prius dixerat; *Ipsius justificationis exordium in adultis à gratia Dei per Christum Jesum proveniente sumendum esse, hoc est ab ejus vocatione qua nullis eorum existentibus meritis vocatur.* Idem omnino definiisse Concilium Palatinum affirmat S. Prosper adversus Collatorem cap. 10. dicens. *In Orientalium Episcoporum judicio Pelagius, eos qui dicunt gratiam Dei secundum merita nostra dari, ut Catholicus posset videri, anathematizare compulsus est.*

Hanc ipsam veritatem pluribus probat S. Augustinus 1. Quidem exemplo Christi Domini: Christus Dominus fuit exemplar nostræ Prædestinationis, siquidem prædestinavit nos conformes fieri imaginis Filii sui, ait Apostolus: Sed non homi hypostatica, quæ est primarius Christi Domini prædestinationis effectus, fuit omnino gratuita, nam ut loquitur sanctus Augustinus libro de Prædestinatione Sanctorum cap. 15. *Respondetur quæso, ille homo, ut à Verbo Patri coeterno in unitatem personæ assumptus Filius Dei unigenitus esset, unde hoc meruerit? Quod ejus bonum qualecumque præcessu? Quid egit ante, quid credidit, quid petivit, ut ad hanc ineffabilem excellentiam perveniret? Inde concludit, Ea gratia fit ab initio fidei sue homo quicumque Christianus; qua gratia homo ille ab initio suo factus est Christus.* Et infra,

Sicut ergo prædestinatus est ille unus, ut Caput nostrum esset, ita multi prædestinati sumus, ut membra ejus essemus.... Quisquis in Capite nostro præcedentia merita singulari illius generationis invenerit; ipse in nostris membris ejus præcedentia merita multiplicata regenerationis inquirat, &c.

Secundò idipsum probat exemplo S. Pauli dicentis 1. Corinth. 15. *Non sum dignus vocari Apostolus, quia persecutus sum Ecclesiam Dei, &c.* Quæ sic urget S. August. libro de Gestis Pelagii c. 14. *Sancte Paule Apostole! Pelagius Monachus dignum te dicit fuisse, qui acciperes omnes gratias Apostolatus tui, tu ipse quid dicis? Non sum dignus vocari Apostolus.... Itane ut deferam bonorem Paulo, Pelagius magis de Paulo credere audebo, quam Paulus? non faciam. Me namque potius onerabo, quam illum honorabo si fecero.* Subdit. *Audiamus etiam cur non sit dignus vocari Apostolus? Quia persecutus sum, inquit, Ecclesiam Dei. Si senum sequeremur, qui non istum à Christo damnandum censeret potius quam vocandum. Quis ita diligit Prædicatorem ut non detestetur persecutorem.... Faciens igitur tantum mali, unde meruisti tantum boni? Audiant respondentem omnes gentes, gratia Dei sum id quod sum. Numquid aliter est gratia commendata, nisi quia est indigne data? Et gratia ejus in me vacua non fuit. Unde autem probat quod gratia in eo vacua non fuit nisi ex eo, quod sequitur: sed plus omnibus laboravi? Proinde non laboravit ut Gratiam acciperet; sed accepit ut laboraret; atque ita ad accipiendam debita præmia feret dignus, gratiam gratis accepit indignus.*

Probat 3. ibidem ex natura ipsius gratiæ, Ipsam, inquit, Gratia nomen, & ejus intellectus auferatur, si non gratis datur, sed eam, qui dignus est, accipit. Et serm. 41. de verbis Apostoli. *Ideo gratia, quia gratis datur, quia non quasi merces redditor post discussionem meritorum; sed donum datur post delictorum veniam.* Unde lib. 1. contra duas Pelagii Epistolas cap. 2. concludit; *Hæc est intentio, qua Gratiam destrueret molitur, ut eam dari secundum merita nostra contendunt. Quibus constat Gratiam ex natura sua requirere quod gratis, & nullis præcedentibus meritis doneatur. Nam, inquit Apostolus ad Rom. 11. si gratia, jam non ex operibus, adeoque gratia jam non est gratia.*

Probat 4. Ex eo quod gratia ipsa sit principium omnis meriti, *Quod est, inquit Epist. 105. ad Sixtum, meriti; meritis ante*

gra-

gratiam, quo merito percipiat gratiam? cum omne bonum meritum nostrum non in nobis faciat nisi gratia: Et cum Deus coronat merita nostra, nihil aliud coronet, quam munera sua? Et prius dixerat, Percipiente huius gratie merita nulla præcedunt: quoniam meritis impii non gratia, sed pena debetur: nec ista esset gratia, si non daretur gratuita, sed debita redderetur.

Confirmantur hæc omnes probationes ratione Theologica: Nullum opus ordinis naturalis potest aliquid supernaturale promereri; sed gratia est ordinis supernaturalis: Ergo per nullum opus naturæ viribus elicatum eam aliquis potest promereri. Minor constat. Major probatur: Aliqua debet esse æqualitas, & commensuratio inter debitum, & compensationem, laborem, & mercedem, certamen, & præmium: Sed nulla est inter opus naturale, & gratiam, quæ est ordinis supernaturalis; adeoque per opera naturalia nullus gratiam promereri potest: Unde merito sanctus Augustinus cap. 14. de gestis Pelagii. *Quantvis bene operanti gratiam fides imperet, ipsam certè fidem, ut habereamus nulla fide meruimus; sed in ea nobis danda, in qua Dominum sequeremur, misericordiatæque prævenit nos.*

Obijcies 1. Si nulla existente causa, nulloque prævio merito, aut demerito ex parte hominis suam Deus gratiam concederet, vel denegaret, esset personarum acceptor, & non æquus suorum donorum largitor, ac distributor; sed hoc directè militat in Apostolum dicentem 2. ad Rom. & 6. ad Ephes. Non est acceptio personarum apud Deum: Ergo &c.

Nego sequelam majoris: Solum enim personarum acceptio in vitium vertitur, quando quod pluribus æquè merentibus debitum est, uni soli confertur: at gratia divina, & quodlibet ordinis supernaturalis donum nulli prorsus debetur, ut patet ex dictis: Ergo Deus uni tribuens gratiam non verò alteri, non est censendus personarum acceptor: In his enim, inquit S. Thom. art. 5. ad 3. quæ ex gratia dantur, potest aliquis pro libito suo dare, cui vult plus vel minus (dummodo multis subtrahat debitum) absque præiudicio iustitiæ: Et hoc est quod dicit Pater-familias Matth. 20. Tolle quod tuum est, & vade, an non licet mihi quod volo facere? Quod egregiè confirmat S. Prosper lib. 2. de vocatione Gentium dicens, De

Parentum carnalium iudicio conqueri non audemus cum aliqui Filios suos ante ullos mores ante aliqua pietatis obsequia indulgentiori complectuntur affectu. In Dominis quoque erga famulos libera est dispositio; neque iuste quoque reprehenditur, qui de unius conditionis familia quosdam sibi quos benignius bonifaret, & quos liberalius erudiret, elegit: Nunquid de summi Patris, & veri Domini benevolentissimæ equitate causandum est, quod in magna domo eius innumeris differentiis universa variantur?

Obijcies 2. Si Deus suam gratiam conferret antecedenter ad voluntatis operationem, & meritum, omnino pessumdaretur, & tueret humana libertas; sed directè militat in omnes sacras Scripturas liberum hominis arbitrium affirmantes, & probantes: Ergo necessarium est ut homines gratiam promerentur per congruam, & rectam suæ libera voluntatis operationem.

Nego antecedenti: Quamquam enim divina gratia humanas præveniat, & ad opus bonum præparet voluntates, nullisque præcedentibus meritis confertur; nihilominus non extinguit, sed potius perficit liberum hominis arbitrium cum ipsum moraliter tantum moveat, non autem physice promoveat, & impellat voluntatem ad consensum & opus. Unde merito sanctus Hieronymus Epist. ad Cresiphontem, cum dixisset de Pelagianis; Quod autem sursum dorsum iacitans liberum à nobis arbitrium destrui: Subdit, Audiamus à contrario eos arbitrii destruere libertatem, qui male eo abutuntur adversus beneficium largitoris. Quis destruit arbitrium? Ille qui semper Deo agit gratias, & quodcumque in suo rivalis fuit ad fontem refert? An qui dicit; recede à me quia mundus sum, non habeo te necessarium; dedisti enim mihi semel arbitrii libertatem, ut faciam quod voluero: quid rursus te ingeris, ut nihil possim facere, nisi tu in mea dona compleris?

Item ibidem, Injuriam tibi fieri putas, & destrui arbitrii libertatem, si ad Deum semper autorem recurras, si ex illius pendente voluntate, & dicas: Oculi mei semper ad Dominum; quoniam ipse vellet de laqueo pedes meos: Unde & audeas lingua proferre reverentiam unumquemque arbitrio suo regi. Si arbitrio suo regitur, ubi est auxilium Dei? Si Christo rectore non indiget: quomodo scribit Jeremias, non est in homine via ejus, & à Domino gressus hominis diriguntur? Et aliquando post: Frustra blasphemias, & ignorantias au-

*auribus ingeris, nos liberum arbitrium condem-
nare. Damnetur ille, qui damnat.*

Cui concinit sanctus Augustinus lib. de Spiritu, & Littera cap. 30. *Liberum ergo, inquit, arbitrium evacuas per gratiam? Absit, sed magis liberum arbitrium statui-
mus. Sicut enim lex per fidem, sic liberum arbitrium per gratiam, non evacuat, sed statuitur. Neque enim lex impletur, nisi libe-
ro arbitrio: sed per legem cognitio peccati, per fidem impetratio gratiæ contra peccatum; per gratiam sanatio animæ à vitio peccati, per ani-
mæ sanitatem libertas arbitrii, per liberum ar-
bitrium iustitiæ dilectio, per iustitiæ dilectionem legis operatio.*

QUÆSTIO TERTIA.

*An Electio efficax Prædestinatorum ad gloriam
merita prævisa antecedit
vel supponat.*

Notandum. 1. Citra omnem controver-
siam apud Catholicos esse, Præde-
stinationem in ordine executionis à meri-
tis, & bonis operibus omnino pendere,
maximè respectu adultorum, quibus æter-
na beatitudo confertur, non solum titulo
hereditatis quemadmodum tribuitur par-
vulis aqua baptismali renatis, & ex hac
vita ante rationis usum migrantibus; sed
etiam titulo *Premii, Coronæ, & Mercedis*:
Unde sola remanet solvenda difficultas,
an ipsa Prædestinatorum Electio ad glo-
riam, seu intentio & volitio efficax, quam
Deus habet ab æterno conferendi gloriam
Electis, & per quam illos à Reprobis se-
cernit, merita prævisa supponat, & ab illis
pendeat tanquam à causa motiva, cujus in-
tuitu Deus excitetur, & moveatur ad il-
los præ aliis seligendos; an verò Deus
incipiat discernere Prædestinatum à non
Prædestinato per Electionem ad gloriam ex
sola sua liberalitate, & bonitate proceden-
tem, ita quòd inde tantum sequatur ele-
ctio ad gratiam, & ad media, quibus in-
fallibiliter Prædestinatus gloriam conse-
quetur.

In cujus difficultatis resolutione triplex
laborat Authorum sententia. *Quidam* enim
cum Thomistis disertè affirmant Prædesti-
nationem non fieri ex prævisis meritis,
nec Prædestinatorum merita prævisa esse
causam, sed potius effectum Prædestina-
tionis. *Nonnulli* cum Catharino assentiunt

aliquos eximè Prædestinatos ab æterno se-
ligi ad gloriam antecedenter ad eorum me-
ritorum prævisionem; aliorum verò electio-
nem merita supponere: *Ceteri* verò cum
Alexandro Alensi, S. Bonaventura, Al-
bertomagno, quibus non repugnant Do-
ctores Subtilis, & Angelicus cum nume-
roso celebriorum Doctorum tam veterum,
quàm modernorum agmine, docent ele-
ctionem efficacem Prædestinatorum ad glo-
riam merita prævisa supponere, & ab illis
ut à causa motiva pendere: Unde sup-
ponunt antecedenter ad prævisionem me-
ritorum, in Deo solam voluntatem com-
placentiæ dandi gloriam, Prædestinatis,
& Reprobis communem.

Notandum 2. Prædestinationem, quantum
ad præsentem difficultatem spectat, tripli-
citer usurpari posse: *Primo* quidem pro so-
la Prædestinatione ad gratiam secundum
se, & solitarie sumptam; *Secundo* pro Præ-
destinatione ad gloriam, præcisè quatenus
tantum gloria est, & seorsum à gratia;
Tertio denique pro Prædestinatione ad gra-
tiam simul, & ad gloriam conjunctam:
alii enim est prædestinare ad gratiam,
quæ est primarius Prædestinationis effectus:
alii prædestinare ad gloriam, quæ est
Prædestinationis corona, & aliud simul
prædestinare ad utrumque conjunctum.
Certum est autem, & ex precedenti Quæ-
stione liquet Prædestinationem ad gratiam
fieri independentem ab ullis bonis ope-
ribus & ex mera liberalitate, & misericor-
dia Dei: Certum pariter Prædestinationem
ad gratiam, & gloriam simul, & conjun-
ctam, nulla etiam supponere merita; quia
gratia, quæ in ipsa Prædestinatione cum
gloria involvitur, non datur, nec destina-
tur conferenda ob merita; Sola ergo re-
manet solvenda difficultas de Prædestina-
tione ad gloriam seorsim consideratam.

Notandum 3. Sententiam assistentem Præ-
destinationem ad gloriam solitarie, & nu-
dè spectatam fieri ante prævisa merita, nihil
prorsus commune habere cum erronea opi-
nionem Pelagianorum, & Semi-pelagianor-
um; siquidem Pelagiani (ut dictum est)
aut omnem prorsus gratiam prævenien-
tem, excitantem, & moventem nostras
voluntates ad opus bonum negabant; aut
eam non effect simpliciter, & absolute ne-
cessariam; sed tantum ad facilius operan-
dum affirmabant; Unde manifestum est,
quòd assenserent Prædestinationem ad glo-
riam

riam fieri non ex prævis meritis à gratia Christi, & humana voluntate provenientibus; sed tantum ex operibus arbitrii liberi virtute elicientis, Semi-pelagiani vetò, cum contenderent initium fidei, seu primum credulitatis affectum à nobis oriri, non autem à Deo, nec ab ejus gratia excitante, & adjuvante; etiam affirmabant Prædeterminationem nostram ad gloriam non esse adæquatè, & universaliter ex prævis meritis à gratia, & universali humana profectis; Quibus patet illorum opinionem longè exorbitare à sententia Catholicorum Doctorum affirmantium Prædeterminationem nostram fieri ex prævis bonis operibus à gratia, & humana libertate provenientibus, cum quibusque

CONCLUSIO UNICA.

Electio efficax Prædinatorum ad gloriam fit ex prævis eorum meritis, quibus inducitur, & movetur Deus ad eos præ aliis eligendis, & ad æternam beatitudinem destinandos. Hæc est graviorum, & melioris notæ Theologorum aperta sententia; ut infra constabit; quam utique quatuor momentis probare lubet sequentibus in distinctis paragraphis, ut res clarius, & efficacius appareat.

§. I.

Prima Probatio ex Scriptura Sacra.

Hanc ipsam Conclusionem ita disertis verbis Scripturæ sacre aperiunt, ut nefas videatur de ipsius veritate dubitare; & primò quidem illam disertè exprimit Christus Matth. 25. ubi Electos ita compellat, *Venite benedicti Patris mei possidete paratum vobis regno à constitutione mundi; esurivi enim, & dedistis mihi manducare.* Quibus verbis significat Christus regnum gloriæ paratum fuisse Electis ex bonis eorum operibus prævis; quod patet tum ex particula causalium enim, quæ cum connectatur duobus verbis paratum, & possidete, demonstrat Regnum Cælorum, nedum in executione conferri; sed etiam in intentione designari, & parari propter bona opera. Tum quia sancti Patres ita præfarum contextum interpretantur, maxime verò S. Chrysostomus Homilia 86. in Mattheum, *Sciebam, inquit in persona Christi, vos antequam nati essetis hujusmodi futu-*

ros, hæc vobis à me preparata fuere: Necnon & S. Augustinus in Psalm. 40. ubi expendens hæc verba, *Venite benedicti Patris mei percipite, ait: Quid percipite? Regnum: Pro quo? Esurivi, & dedistis mihi manducare...* Tanti valet Regnum Cælorum, &c. Quibus indicat opera hominum esse motiva justitiæ reddentis Regnum pro operibus. Et sermone 50. de Tempore, ait; *Quare causas vel tantæ mercedis, vel tantæ supplicii? Percipite Regnum, & ite in ignem æternum. Quare isti percipientur Regnum? Esurivi enim, & dedistis mihi manducare: Quare isti ituri sunt in ignem æternum? Esurivi, & non dedistis mihi manducare:* Quibus aperte indicat causas, & motiva gloriæ fuisse opera misericordiæ ab æterno prævisa.

Confirmatur ex sequentibus Christi verbis, ubi reprobos alloquens ait: *Discedite à me maledicti in ignem æternum, qui parati estis Diabolo, & Angelis ejus, esurivistis enim, & non dedistis mihi manducare.* Ex quibus sic argumentor: Eodem modo ratiocinandum est de destinatione Justorum ad gloriam, quomodo de destinatione Reprobatorum ad gehennam: sed Diabolus, & Reprobi ejus affectæ, non sunt ab æterno destinati ad gehennam, nisi ob eorum prævisa demerita: Ergo nec regnum Justis est paratum, nisi ob eorum prævisa merita, Patet major: Utrobique enim est eadem particula causalis, & continua antichesis Electorum, & Reprobatorum, bonorum operum, & malorum, regni, & ignis æterni.

Reponunt Adversarii, Duplex in Deo distinguendum esse decretum ante actuale collationem gloriæ, unumquidam *intentionis*, quo Deus gratuito, & sine prævis meritis vult eos salvare, alterum est *executionis*, quo Deus vult illos jam prædestinatos salvare quidem, eisque conferre gloriam, sed per merita: De primo, inquit, non agitur in præfato textu, sed tantum de secundo: Unde inferunt particulam illam causalem enim, non esse referendam ad dictionem paratum, quæ decretum intentionis significat; sed ad verba antecedentia *venite, & possidete*, quæ designant decretum executivum, quod præscientiam meritum præsupponit.

Contra primò: Illud duplex decretum omnino fictitium est, & nedum sanctis Patribus, & antiquioribus Theologis, sed etiam Philosophis inauditum, qui præter

voluntatem, & decretum de fine aliquo comparando, nihil aliud quam executionem, & mediorum applicationem consequentem tale decretum agnoverunt. *Secundò*, illa duo decreta non coherent invicem, secundum enim nedom primum coarctat, & restringit, sed etiam omnino immutat, & evertit; siquidem primum decretum, quod est intentionis, & gratuitum, vel est omnino efficax, & absolutum independentè à secundo, vel non: si non sit, omnino est inutile, cum tantum efficacitatem suam habere deberet à secundo, à quo tanquam à conditione dependeret: Si sit, non potest subsistere cum secundo: Cum enim primum decretum sit omnino gratuitum, & absolutum, etiam omnino pugnat cum secundo decreto, quod est onerosum, & conditionatum, quia dependet ab operibus eliciendis: Impossibile namque est quòd idem omnino respectu ejusdem sit gratuitum, & onerosum, absolutum, & conditionatum: Hæc enim non minus pugnant, quam simplex, & compositum, quæ ita sunt impossibilia, ut simul stare nequeant respectu ejusdem.

Adde quòd idcirco primum decretum dicitur gratuitum, quia est de danda gloria simpliciter ex mera Dei liberalitate absque ullo motivo, & ulla conditione ex parte prædestinati: Secundum verò est onerosum, quia involvit conditionem meritum, & laboris: At gloriam esse dandam absque ulla conditione, & cum aliqua conditione, ex mera liberalitate, & ex debito, & mercede, absolute, & conditionate, independentè ab aliquo extrinseco, & dependenter, sunt omnino pugnantia: Ergo invicem respectu ejusdem subsistere nequeunt.

Denique: Nemo negabit quòd si quis promississet absolute aliquid alteri se datum, & vellet postea ut ille alter cui promissit, rem ipsam mereretur, aut emeretur; Nemo, inquam, negabit quin per secundum dictum primum revocasset; siquidem primum erat de donatione, secundum verò esset de venditione: Venditio autem, & donatio sunt actus oppositi quorum unus alterum revocat, quia donatio est merè gratuita; venditio autem est onerosa: Ergo à parisi Deus haberet duplex illud decretum, quorum priorii vellet dare gloriam gratis, & ex pura liberalitate, posteriori verò vellet eam conferri tantum per ope-

ra; haud dubium est quin posterius decretum primum revocaret, & everteret; adeoque non tantum Deum mutabilem efficeret, sed etiam divinam ejus bonitatem, infinitamque sapientiam probro verteret; quod aptissimo quidem exemplo probari potest, & illustrari: Si dives quispiam in animo primò habuisset omnes suos parentes, & amicos eximio, & opulenti convivio gratis exciperet, dum autem laute, & opipare epulantur, cogitans ipse dives quos, quantosque sumptus fecit in illo parando convivio, apud se decerneret ut unusquisque accumbentium cœnz partem solveret, eamque exigeret, dicendo quidem se illos primò gratis, & ex amicitia invitasse; at se statuisse deum, quòd omnes impensas solverent: Quis non meritò invitantis sensa rideret, & succerneret? Item planè prorsus de Deo sentiunt Assertores illorum duorum decretorum, quorum primo Deus statuerat Electis ex mera liberalitate, & gratuito conferendam gloriam; Secundo verò decerneret eam non esse largiendam nisi ex præsuppositis operibus bonis quibus illa esset promerenda.

Reponunt Alii non equidem duplex esse decretum, sed ejusdem decreti, & voluntatis duplicem connotationem, secundum rationem intentionis, & executionis: ita quòd in primo signo rationis Deus voluerit omnibus suis Electis gloriam efficaciter conferre ex mera sua liberalitate; sed tamen obtinendam per merita infallibiliter futura, & pendentem in executione ab ejusmodi meritis: & ideo in priori signo ordine intentionis, gloria est destinata ante merita; in posteriori verò, & ordine executionis non datur Electis nisi ex meritis.

Contra: Repugnat aliquid simul esse consequendum ex pura liberalitate donantis, & ex labore consequentis, ut dictum est: Ergo pariter repugnat Deum decernere gloriam ex pura sua liberalitate, & ex Electorum meritis obtinendam; quod enim omnino gratuitum est, omnem prorsus meriti, laboris, & emptionis rationem excludit. *Deinde* hæc interpretatio directè militat in sanctos Patres supra laudatos, & infra referendos, qui præfatum contextum ita interpretantur, ut asserant merita Electorum esse causam ipsius præparationis gloriæ; non autem solum illius collationis: Ita quòd non aliter præparavit Deus gloriam Electis præ aliis; nisi quia illi prævisi sunt.

sunt bene operantes. Denique eadem est ratio præparati regni Electis, ac parati ignis æterni Diabolo, & Angelis ejus: sed ordine intentionis non fuit paratus ignis æternus Diabolo, & Angelis ejus ante prævisa illorum demerita: Ergo pariter ordine intentionis paratum non fuit regnum Electis nisi ex prævisione meritorum ipsorum: adeoque sicut non potest duplex distingui voluntas, exequens scilicet, & intendens respectu Reprobiorum, ita nec assignanda est respectu Electorum.

Reponunt denique in præfato contextu Scripturæ sacre reddidit quidem rationem cur tradatur possessio æterni regni illis quibus debetur propter opera: Non autem assignari causam, quæ Patrem impulit ut illis potius quam aliis regnum pararet. Idque probant ex verbis illis, *Benedicti Patris mei*, quæ significant Deum sua Prædestinatione fuisse causam totius felicitatis Sanctorum; & Benedictio quippe divina in sacris litteris non supponit, sed causat bonum quod exprimit, sic Genesis 1. *Benedixit eis*, & ait, *Crescite, & multiplicamini*, & *replete terram*, &c.

Contra 1. Particula enim revera causalis est; non autem tantum explicativa, ut constat apud omnes Scripturæ sacre Interpretes: Ergo replica nulla. Secundò eodem modo causalis esse debet respectu destinationis Electorum ad gloriam, ac respectu designationis Reprobiorum ad gehennam: sed nemo dixerit illam non esse causalem respectu Reprobiorum, quibus gehenna tantum decernitur ob prava eorum merita: Ergo nemo pariter inficiari debet illam esse causalem respectu Electorum. Denique illud ipsum postulat verborum series, & intentio Christi judicis sententiam illam ferentis, ait namque *possidete paratum vobis regnum*, *ejuravi enim*, &c. quali diceret, quia mihi tantum bonum præstitistis, quia mihi in urgente mea, morumque necessitate præsto fuistis; ideo in compensationem beneficii. *Venite, possidete paratum vobis regnum à constitutione mundi*. Dum autem Prædestinati respondent, *Domine quando te vidimus esurientem*, & *parvum*, *sicentem*, & *dedimus tibi potum*? Semper Christus suam gratitudinem obtendens, & in præfata ratione compensandi beneficii perstat, dicens, *Amen dico vobis, quamdiu fecistis uni de fratribus meis minimis, mihi fecistis*: quæ procul dubio verba Christi gratitudi-

nem significando, etiam indicant motum cur fuerit Electis paratum regnum, nempe quia prævisa sunt eorum charitatis officia.

Ad confirmationem dico, quòd etsi Benedictio Dei interdum eo sensu usurpetur in Scriptura; frequenter tamen per eam significatur aliquid consequens ad bonum opus creaturæ, propter quod illa à Deo diligitur, & benedicitur; sic Genesis 22. Deus Abrahamum alloquens ait; *Quia fecisti hanc rem, & non peperisti Filium unigenitum propter me, benedicam tibi*, &c. Hujus verò generis esse benedictionem de qua loquitur Christus verbis supra citatis ex Matth. 27. ostendit particula causalis proximè subjuncta, *Ejuravi enim*, &c.

Probatur 2. ex prima ad Corinth. 2. ubi dicitur quòd *nec oculus vidit, nec auris audivit, nec in cor hominis ascendit, quæ præparavit Deus iis qui diligunt illum*; Ubi sermo fit de Prædestinatione: Verbum enim *præparavit* idem sonat, ac *prædestinavit*, ut ibidem explicat S. Thomas: sed hujus prædestinationis, seu præparationis gloriæ profertur causa ex parte Electorum, nempe *Dei dilectio*, quæ est causa formalis cur Deus iis præparaverit gloriam, ut constat ex verbis. Deinde si illa præparatio non supponeret dilectionem, non congruè diceretur gloria præparari diligentibus Deum, sed vel inimicis Dei, si Prædestinatio facta sit per originale peccatum, per quod omnes homines Dei inimici constituuntur; vel diceretur præparari omnino indifferentibus, si facta esset ante prævisum peccatum originale, cum in hoc statu nec amici, nec inimici essemus illius: Ergo cum dicitur *præparata diligentibus*, revera supponit dilectionem, seu statum futurum prævisum, in quo Deum diligimus.

Denique omnis actus supponit objectum suum, quia objectum est causa actus: sed objectum illius præparationis gloriæ est dilectio hominum: dicitur enim quòd *præparatur diligentibus*: Ergo illa dilectio Electorum supponitur ad præparationem gloriæ, estque causa objectiva illius præparationis.

Nec vales dicere illam præparationem significare executionem, non verò intentionem. Hæc enim replica aptè militat in ipsum textum in quo nullus est sermo de præparatione mediorum ad executionem faciendam: Imo potius supponuntur il-

la media. Dicitur quippe gloriam *præparari diligentibus*, idest habentibus jam dilectionem, quæ est medium principale ad consequendam gloriam; & consequenter ibi non est sermo de præparatione mediorum, sed de ipsa præparatione gloriæ respectu eorum, qui de sacro Deum diligere prævidentur, & per hanc dilectionem æternam gloriam promereri.

Probat 3. ex eodem Apostolo ad Rom. 8. *Quos præcivit, & prædestinavit conformes fieri imaginis Filii sui*, quem textum sancti Patres interpretantur de scientia futurorum, ut directiva est Prædestinationis; adeoque ut supponit merita prævisa ad Prædestinationem. Sic sanctus Ambrosius lib. 5. de Fide cap. 3. ubi sic habet, *Quos præcivit, & prædestinavit, quia non ante prædestinavit, quam præcivit: sed quorum merita præcivit, eorum præmia prædestinavit*. Simili modo loquitur Sedulius in Epist. ad Rom. *Hos quos præcivit futuros devotos sibi*, inquit, *ipsos elegit ad promissa præmia capessenda*: ut paulo post, *Aliud est præcivisse, aliud prædestinare*: Præscientia itaque gerenda prænoſcit, postmodum prædestinatio retribuenda describit; illa prævidet merita; hæc prædestinat præmia. Nec non & Primasius Auguſt. discipulus, *Prædestinavit, inquit, ut qui doctus conformis esset invitæ, esset conformis in gloria*. Deinde ibid. Apostolus scitè præscientiam præmittit prædestinationi: *Quos præcivit, inquit, & prædestinavit*: Quibus significat præscientiam bonorum operum antecedere Prædestinationem meritum; Inconsulto enim nihil, & imprudenter Scriptura sacra loquitur. Denique illud ipsum evidenter colligitur ex antecedentibus, & consequentibus verbis; siquidem versu 17. ejusdem capituli Apostolus incipit hortari fideles ad patientiam à qua velut à conditione necessaria pendere, ait, quod simus futuri hæredes vitæ æternæ; *Si autem filii, inquit, & hæredes: hæredes quidem Dei, co-hæredes autem Christi: Si tamen compatimur, ut & glorificemur*; Et versu 28. ostendit tribulationes Electis nocere non posse, sed potius illis in bonum cedere ad consequendam scilicet gloriam æternam: *Scimus, inquit, quoniam diligenter Deum omnia cooperantur in bonum his qui secundum propositum vocati sunt sancti*: idest secundum voluntatem antecedentem eos salvandi, quæ de conditionata transit in absolutam, supposita prævisione de perseverantia ipsorum

in dilectione Dei; unde subdit, *Nam quos prædestinavit, supple tales futuros, illos, & prædestinavit conformes fieri imaginis Filii sui in gloria sicut fuerunt conformes in patientia*: Unde subinfert, *quos autem prædestinavit, mediante scilicet illa scientia, hos & vocavit gratiis prævenientibus*: & quos *vocavit, hos & justificavit*, illos nempe, qui consenserunt vocationi; *Quos autem justificavit, illos & glorificavit*; præsciens videlicet eos perseveraturos in dilectione Dei, & ea propter ad consortium gloriæ Christi efficaciter, & absolute illos prædestinavit.

Probat 4. ex illis Christi verbis Matth. 20. ubi Zebedæi filios alloquens ait: *Sedere ad dexteram meam, & sinistram non est meum dare vobis, sed quibus paratum est à Patre meo*; quasi diceret, æterna gloria non est parata à Patre meo, ut eo modo conferatur qualiter terreni Reges munera sua conferre solent pro libito, & mera voluntate suis Parentibus, Amicis, & Aulicis; sed quemadmodum Pater statuit, idest juxta normam, & mensuram meritum, ut ritè expendit S. Augustinus in Psalmum 126. explicando hunc versiculum, *Vanum est vobis ante lucem surgere*, ubi cum dixisset, *Tales erant filii Zebedæi qui antequam humiliarentur secundam Passionem Domini jam sibi loca eligebant, ubi sederent, ubi unus ad dexteram, aliter ad sinistram: ante lucem volebant surgere, ideo in vanum ibant. Revocat illos Dominus ad humilitatem* &c. Subdit: *Exurgens ab humilitate pervenis ad regnum*; nam si præcipis regnum, cadis à regno antequam surgas: Potestis bibere, inquit, Calicem quem ego bibiturus sum? & illi postulumus, & ille Calicem meum bibetis, sedere autem ad dexteram, vel sinistram non est meum dare vobis, *Aliis paratum est à Patre meo*. Quid est, non est meum dare vobis, nisi non est meum dare superbis? hoc enim adhibuerant; sed si vultis illud accipere nolite esse quod estis. Aliis paratum est, Et vos alii estote, & vobis paratum est, Quid est alii estote? Prius humiliamini, qui jam vultis exaltari. Quibus S. Augustinus indicat gloriam æternam non esse paratam nisi bonis operibus.

Ipsi concinunt ceteri Patres eodem modo præfatum contextum interpretantes, sic Epiphanius hæret. 69. Hoc, inquit, vult ostendere quod non juxta Personarum acceptiorem res ista fiat, sed pro dignitate: Et infra, *Si laboraveritis erit vobis præparatum à Patre meo*.

meo. Cyrillus lib. 10. Theauri c. 6. *Non est meum dare supremum bonorem vobis potenti- bus quire; servatus est in præscientia Patris illius quoscensurus certandi commendaverit:* His ad- stipulantur Theophylactus in hunc locum, Chrysostomus Hom. 63. nec-non, & S. Thomas, ubi ex S. Hieronymo refert, *Non est meum dare, &c. quasi dicat: im- mentia dignitatis non datur persone, sed meri- to, &c. hoc secundum prædestinationem divi- nam, &c.*

Denique: Probatur in omnibus Scriptu- ræ textibus quibus æterna vita significatur esse danda tanquam merces bonorum ope- rum: Sic Matth. 25. ubi proponitur Pa- rabola operatorum laborantium in vinea; & servorum quibus commissa erat nego- tiatio ex acceptis talentis; qui omnes mercedem retulerunt juxta suum labo- rem: sed nullus Pater-familias decernit ali- cui operario dandam mercedem nisi præ- supposito ipsius labore: Ergo nec Deus de- cernit dandam gloriam nisi ex prævisis ope- ribus. *Nec refert,* quòd ibidem conqueren- tibus primis operariis, quòd Pater-familias pares eis faceret in mercede illos qui mi- nori tempore laboraverant, id referre vi- deatur, non ad ferventem posterorum operantium laborem, sed ad suam bonita- tem, & liberalitatem: Nam id suæ bonita- ti non tribuit ratione totalis mercedis, sed tantum ratione excessus mercedis supra laborem præstitum: Non enim dicit simpli- citer volo huic dare denarium, sed *volo huic novissimo dare sicut, &c. tibi,* in qua est sola comparatio mercedis unius cum mer- cede alterius, quæ quidem in utrisque æ- qualis est: sed videtur superabundans in uno propter scilicet minorem impensum la- borem, quam superabundantiam ipse Pater- familia ex pura liberalitate donat.

Plures sunt alii Scripturæ textus idem insinuantes; sic 2. Petri 1. *Satagite fratres, ut per bona opera certam vestram vocationem, & electionem faciatis;* Quasi diceret, cum vestra electio pendeat ab operibus, quan- diu durat hæc vita, quatenus antecedit prævisionem finis, non ita firmiter nos ordinar ad salutem, quam possit eventui fru- strari; quapropter *Satagite, &c.* Id ipsum confirmatur Apocalypsis 3. *Tene quod ha- bes ne alius accipiat coronam tuam;* Quibus constat coronam non ita certò, & firmiter decretam ante prævisum vitæ finem, quin reipsa possit amitti: adeoque illa certitu-

do coronæ, quæ fit per electionem effica- cem, supponit opera meritoria. Ex his, & aliis infra referendis contextibus patet Scripturam sacram, juxta genuinam SS. Patrum interpretationem pro veritate no- stræ conclusionis aperte militare.

§. I I.

Secunda Probatio ex sanctis Patribus.

QUAMQUAM plures è sanctis Patribus suis oraculis hanc ipsam nostræ con- clusionis veritatem aperte tuentur, illos tamen præ cæteris audiendos esse censco, quos in controversia Prædestinationis judi- ces, & arbitros appellavit Concilium Val- entinum 3. his verbis: *Indubitanter Docto- ribus piis, & rectè tractantibus Verbum veri- tatis, ipsi quæ sacra Scripturæ lucidissimis ex- positioribus, idest Cypriano, Hilario, Ambrosio, Hieronymo, Augustino, cæterisque in Christiana pietate quiescentibus reverenter auditum, & obtemperanter intellectum submittimus, & pro viribus, quæ ad salutem nostram scripserunt amplectimur.* Quod ut planius exequatur, primò eos laudandos censui quos ipse lau- davit, & condemnavit Augustinus. Deinde aperiendum quid ipse S. Augustinus hæc de veritate censuerit: Demum quæ fue- rit Augustini Discipulorum hæc de resen- tentia.

Sententiæ Patrum à S. Augustino laudatorum.

SANCTUS Epiphanius quem S. Augustinus laudat in libro ad Quodvult-Deum, in lib. adversus hæreses, hæresi 69. expli- cans illa verba Matthæi, *Non est meum dare vobis.* Hoc, inquit, *vult ostendere quid non juxta personarum acceptionem res ista fiat, sed pro dignitate, &c.* Unde colligit, *Non est meum dare vobis, sed gloriam vobis præparatam à Patre meo.* Quibus aperte significat electionem ante merita per il- lam præparationem.

Sanctus Ambrosius quem sanctus Augu- stinus lib. 1. contra Julianum appellat *Ex- cellentem Dei dispensatorem*, quem, inquit, *veneror ut Patrem, cujus pro Catholica fide gratiam, constantiam, & ipse expertus sum, & mecum non dubitat orbis predicare Ro- manus:* Is inquam in Commentario Epi- stolæ ad Rom. (ubi tamen illius sit) ex- po-

ponens illa verba capitis 8. *Quos præci-
vit, & prædestinavit*, ait, *quos præcivit fu-
turos sibi devotos ipsi elegit ad promissa cape-
scentia*: Et cap. 9. in illud, *Misereror cu-
jus misertus ero*, ait, *ejus mihi crebor cujus
præcitus eram, quod misericordiam daturus es-
sem*: *scilicet: non conversurum illum, & apud me man-
surum*: Verum quia nonnulli hunc li-
brum à S. Ambrosio conscriptum recla-
mant, ideo audiendus est ille ipse lib.
5. de Fide cap. 2. ubi exponens laudata
verba Matthæi, *Non est meum dare vobis*,
ait, *Denique ad Patrem referens addidit* qui-
bus paratum est, *ut ostenderet Patrem quo-
que non petitionibus deferre solere sed meritis*,
quia *Deus personarum acceptor non est*: *Unde
Apostolus ait quos præcivit, & prædestina-
vit. Non enim ante prædestinavit quam præci-
ret, sed quorum merita præcivit eorum præmia
prædestinavit*. Quibus verbis aperte verita-
tem nostræ conclusionis explicat.

Sanctus Chrysostomus quem *sanctus Au-
gustinus* lib. 1. contra Julianum capi-
tul. 6. *In Fide Catholica* eruditum, &
alii erudientes pronuntiat, *Homil. 80.
in Matthæum*, exponens illa verba,
Venite benedicti Patris mei, ait, *O quan-
te gloria, quanta beatitudinis hæc verba
sunt! nec solum dicit accipite, sed bene-
dicite, quasi propria, quasi paterna, quasi
vestra quæ vobis à principio debebantur*: Nam
antequam nati fuisset quia sciebat vos hujusmo-
di futuros, hæc vobis à me preparata fuisse:
Et Sermone 1. in Epistolam ad Ephesios
eundem textum explicans, ait, *Eligi ve-
rò, & divine benignitatis judicium est, &
virtutis eorum qui eliguntur, omnino siquidem
probatior eligit, &c.*

Sanctus Hieronymus, cujus nobis eloquium
ab Oriente usque ad Occidentem ad instar lam-
padis resplenduit, inquit *sanctus Augu-
stinus* libro laudato capite 7. Ille, inquam,
in caput primum libris explicans illud,
Si volueritis bona terra comedetis: Sic ait,
*Liberum servat arbitrium, ut in utramque
partem non ex præjudicio Dei, sed ex meritis
singulorum, vel pæna, vel præmii sit*. No-
ta (non ex præjudicio Dei) idest ex sententia
anticipata, antecedente scilicet examen
causæ; Idem in capite 1. Malachiæ ex-
plicans illud, *Jacob dilexi, Esau autem odio
habui*, sic habet: *Dilectio, & odium Dei,
vel ex præscientia nascitur futurorum, vel ex
operibus. Alioquin novimus quod omnia Deus di-
ligat, nec quicquam oderit eorum quæ creavit,*

antecedenter scilicet, & à se. Denique *Epist.
105. ad Hebræos* quæst. 10. loquens de
Reprobis, & Prædestinatis ad gloriam,
ait, *Vasa misericordie, quæ preparavit in
gloriam, quæ vocavit, hoc est nos qui non so-
lum ex Judeis sumus, sed etiam ex Gentibus,
non salvati irrationabiliter, & absque judicii
veritate; sed causis præcedentibus* (nempe me-
ritis) quia alii *sucepimus Filium Dei, alii
autem recipere sua sponte noluerunt*. Quibus
apparet eum loqui de Electione, non ve-
rò de sola executione: Item de electione
ad Gloriam, non verò ad Gratiam; nam
ubique supponit fidem, & receptionem Fi-
lii Dei in eis de quibus agit.

Reponam Adversarii, Patres laudatos tan-
tum esse intelligendos de quadam electio-
ne consequente, & remuneratoria, quæ
fit post prævisa merita; non verò de elec-
tione purè gratuita meritis prævisis ratio-
ne priori, & illa antecedente.

Contra: Laudati Patres diserte asserunt
Deum in præparando efficaciter, & sine-
rè Regnum Cælorum Electis justitiam ser-
vare, non gratiam; non deferre petitioni-
bus, sed meritis, quia non est personarum
acceptor; & non ante prædestinasse, quam
præciseret; sed quorum merita præcivit,
eorum præmia prædestinavit: Ergo rejiciunt
illam electionem efficacem purè gratuitam,
& antecedentem opera prævisa, in qua
non servatur justitia, sed Gratia; nec quic-
quam deferitur meritis, sed ex mera acce-
ptione personarum. *Secundò* SS. Patres as-
firmant pœnam, & præmium, idest re-
probationem, & prædestinationem, non
esse ex præjudicio Dei, idest ex sententia
anticipata, & antecedente examen causæ:
Itemque dilectionem, & odium Dei nasci,
vel ex præscientia futurorum, vel ex
operibus; quoniam alioqui Deus omnia
diligat, ut loquitur S. Hieronymus lauda-
tus: Ergo aperte rejiciunt illam electionem
gratuitam, absolutam, & efficacem an-
tecedenter ad prævisionem meritorum. *Deni-
que*, iidem sancti Patres apertis verbis exclu-
dunt illam electionem antecedentem absolu-
tam, & efficacem, dum affirmant electio-
nem fieri ratione operum, & præscientiæ
prædestinationem antecedentis: Ergo, &c.

Testimonia ipsiusmet S. Augustini.

Variæ sunt sancti Augustini rationes,
ac sententiæ, quibus Prædestinationem

nem nonnisi ex præviis operibus fieri declarar, præcipuas autem profero.

Primo, Quoties S. Augustinus de Prædestinationis ordine loquitur, præponit præscientiam iis omnibus, quæ pertinent ad Prædestinationem. Imò ipsam Prædestinationem per præscientiam describit, & utramque ita strictè conjunctam censet, ut plerumque præscientiam pro prædestinatione usurpet. Sentit ergo prædestinationem fieri ex præscientia nostræ cooperationis cum divina Gratia. Patet antecedens quantum ad primam partem, nempe quòd præmittat præscientiam prædestinationi, nam lib. de Natura, & Gratia cap. 5. loquens de peccatoribus quos Christus venit salvos facere, ait, *Quos præsciuit, prædestinavit, vocavit, justificavit, glorificavit*. Eundem servat ordinem lib. de Correctione, & Gratia cap. 9. dicens, *illa omnia jam facta sunt, præsciuit, prædestinavit, vocavit, justificavit*. Et infra, *Quicumque ergo in Dei providentissima dispositione præsciit, prædestinavit, vocati, justificati, glorificati sunt*, &c. Quibus satis indicat, quòd quemadmodum vocatio justificationem, & justificationis glorificationem antecedit, sic & præscientia prædestinationi præsupponitur.

Patet idem antecedens quantum ad secundam partem, nempe quòd Prædestinationem per præscientiam definiat, nam lib. de Bono perseverantiæ cap. 14. ait, *Hæc Prædestinatio Sanctorum nihil aliud est quàm præscientia, & præparatio beneficiorum quibus certissimè liberantur quicumque liberantur*. Consequens est ergo quòd præscientia nedum sit intrinseca Prædestinationi, sed etiam ipsi sit præponenda secundum prioritatem conceptus.

Patet denique quantum ad tertiam partem, nempe quòd S. Augustinus præscientiam istam pro prædestinatione usurpet, nam lib. de Bono perseverantiæ cap. 17. ait, *Hæc Dei dona, si nulla est prædestinatio quam defendimus, non præsciuntur à Deo, præsciuntur autem, hæc est igitur prædestinatio, significatur etiam nomine præscientiæ, sicut ait Apostolus*. Non repulit Deus plebem suam quam præsciuit. *Hæc quod ait, præsciuit, non rectè intelligitur nisi prædestinavit*. Et in fine capitis subdit, *Sine dubio enim præsciuit si prædestinavit, sed prædestinasse est hoc præscisse, quod fuerat ipse factururus*. Quibus patet ex S. Augustini sententia præscientiam ita archè conjungi prædestinationi, ut

Froßen Thcol. 1om. II.

tamen secundum conceptum nostrum eam antecedere censet.

Reponunt Adversarii etiam S. Augustinum interdum præponere prædestinationem ipsi præscientiæ, nam lib. de Bono perseverantiæ cap. 10. loquens de bonis operibus, & de perseverantiæ in illis, ait, *Ea esse à Deo præcognita, & per hoc prædestinata*: Ergo, inquit, præscientia illa est posterior prædestinatione, cum ex illa inferatur prædestinatio.

Contra primò, Quamquam ex laudato loco ab Adversariis id fortè posset colligi, nihilominus certum est in locis à nobis assignatis S. Augustinum intelligendum esse de Præscientia antecedente Prædestinationem. Tum quia, ut diximus, expresse præscientiam Prædestinationi præponit, eamque per præscientiam definit, quasi per aliquid prævium, & nullo modo consequens ipsam Prædestinationem. Nam si præscientia esset quid consequens ipsam Prædestinationem, esset pariter ei extrinseca, & per consequens impertinens ad ejus definitionem. Tum quia ex laudato cap. 18. de Bono perseverantiæ S. Augustinus infert præscientiam ex prædestinatione dicens, *Sine dubio præsciuit si prædestinavit*: Ergo non censet præscientiam præsupponere prædestinationem. Tum quia lib. de Prædestinatione Sanctorum cap. 10. affirmat *Præscientiam posse esse sine prædestinatione, non verò prædestinationem sine præscientia*, Sentit ergo præscientiam esse priorem prædestinatione saltem in legitima subsistendi consequentia. Tum denique quia S. Augustinus lib. de Bono perseverantiæ cap. 17. 19. 22. affirmat non majorem esse difficultatem in Prædestinatione, quàm in simplici præscientia, non alia certè ratione nisi quia præscientia prædestinationem antecedit, ita quòd in præscientia ut prævia suaviter, & benigne Deus disponat dona, & auxilia quibus creaturam ordinat, & destinat ad gloriam, quò fit ut Prædestinationem eam præscientiam, & dispositionem sequens faciliè concipiatur. Adcoque ejusmodi præscientiam, & ordinationem noverit.

Adde quòd in laudato loco ab Adversariis, etiam dici possit Augustinum intelligendum esse de præscientia antecedente, & idcirco inferre prædestinationem ex illa, non quòd censet prædestinationem esse priorem præscientiæ; sed quia tam archè cum ea connectitur, ut indiscriminatim

R

una

una rē inferatur ex alia, eo scilicet modo, quo lux Solis ex die, & dies ex luce Solis colligitur, sicut enim recta est illatio, Sol lucet, ergo dies est, & reciprocè dies est, ergo Sol lucet, propter scilicet intrinsicam utriusque connexionem. Ita pariter inferre licet, Deus prævidit se daturum perseverantiam in bono: Ergo prædestinavit eum, & reciprocè hunc Deus prædestinavit: Ergo prævidit perseverantem in bono, quæ quidem vera sunt ratione ætissimæ connexionis prædestinationis cum præscientia, non autem ex eo quod præscientia prædestinationem antecedar.

Respondunt 2. Nedom in locis à nobis assignatis, sed etiam alibi sanctum Augustinum loqui de præscientia bonorum operum quatenus consequitur prædestinationem, & coincidit cum scientia visionis, idem enim ipsi præscientiæ tribuit objectum quod tribui solet scientiæ visionis, nempe rem non conditionatè, sed absolutè futuram, dicit enim, quod Deus per illam præscientiam scivit quid facturus esset si hoc, vel illud accidisset, quod manifestè scientiam absolutam indicat. Inde formari potest hoc argumentum. Illa præscientia consequitur prædestinationem, & eadem est cum scientia visionis, quæ habet idem objectum cum ipsis: sed præscientia de qua loquitur S. August. habet idem objectum cum prædestinatione, & scientia visionis, nempe res, quæ reverà futuræ sunt: Ergo, &c.

Distinguo maiorem, Quæ habet idem objectum tam materiale, quàm formale, concedo, materiale tantum, nego. Similiter distinguo minorem, illa præscientia habet idem objectum cum prædestinatione, materiale, concedo, formale, nego. Hæc enim præscientia respicit quidem futurum, quod reverà futurum est, non tamen quatenus est absolutè futurum. Quod ut percipiatur evidentiùs, advertendum est, quod etsi scientia conditionata secundum se sit unica, & simplex, tamen si consideretur per ordinem ad objectum, duplex potest distingui, nimirum ea quæ versatur circa objectum conditionatè quidem, sed tamen reverà futurum, qualis erat cognitio, qua prænoſcebat Deus Saulum esse reverà convertendum, si tali vel tali modo vocaretur, & ea qua novit Deus quæ futura fuissent, si posita fuisset conditio, quæ cum non sit ponenda, sic nec futu-

ra sunt, qualis erat futura Tyrionum conversio si Christus eis fuisset annuntiatus, quod cum factum non fuerit, etiam nec ipsi conversi sunt.

Cum autem Semipelagiani abuterentur ista præscientia non futurorum, ut suum errorem propugnarent, dicentes quosdam parvulos idcirco ad baptismum deduci ante mortem, quia præviderat Deus, quod si diutiùs vixissent, iustè, pièque vitam egissent, aliosè contra ante baptismum susceptum è vivis excidere, quia præviderat eos futuros impios si vixissent, unde inferebant gratiam baptismatis secundum merita licet nusquam futura concedi. Quem errorem ut expugnaret S. Augustinus, loquitur solum de præscientia rerum conditionatè futurarum, quæ tamen reverà futuræ sunt. Illam autem præscientiam rerum nusquam futurarum, quæ tamen futuræ fuissent si posita fuisset conditio ad earum futuritionem desideranda, censet S. Augustinus tanquam inutilem esse retinendam in negotio prædestinationis, quod ut evincat, pluribi hanc erroneam sententiam Semipelagianorum explodit: Unde lib. de Bono perseverantiæ cap. 9. de tam absurda eorum sententia tædium patiens ait: *An eò reddituri sumus, ut adhuc disputemus quanta absurditate dicatur judicari homines mortuos etiam de his peccatis, quæ præcivit eis Deus perpetraturus fuisse, si viverent, quod ita abborret à sensibus Christianis, aut prorsus humanis, ut nihil etiam resillere queat? Cur enim non dicatur, Quia ipsum Evangelium cum tanto labore, passionibusque Sanctorum frustra esse prædicatum, vel adhuc prædicari, si iudicari poterant homines etiam non audito Evangelio secundum contumaciam vel obedientiam quam præcivit eis habituros esse si audissent?* Concludendum est ergo quod etsi sanctus Augustinus in præfatis locis, non conditionatè loquatur, non minis tamen intelligendus est de scientia conditionata, & antecedente decretum, & prædestinationem.

Confirmantur hæc omnes repliæ, & simul præfata ratio roboratur ex eo, quod sanctus Augustinus asserat Prædestinationem esse effectum divinæ Præscientiæ: Ergo reverà censet prædestinationem ad gloriam, factam esse post prævia merita. Consequentia patet, effectus enim semper est posterior sua causa, vel instanti à quo, aut in quo, seu posteritate suppositionis, vel durationis.

Pro-

Probatur antecelens ex libro de Spiritu, & littera ubi ait, *Per Spiritum sanctum diffundit Deus Charitatem in cordibus eorum, quos præsevit ut prædestinaret, &c.* Quali diceret præscientiam assumptam esse ut causam ad efficiendam prædestinationem, adeoque censet prædestinationem esse posteriorem ipsa præscientia, & veluti ejus effectum. Quod confirmatur ex simili modo loquendi sancti Augustini de Prædestinatione ad gratiam, in libro namque de Prædestinatione Sanctorum cap. 18. Pelagianos urget ut fateantur gratiam esse priorem bonis operibus, ex eo quod Apostolus dicat Deum Nos elegisse, ut essemus Sancti, non verò quia eramus Sancti: Ergo similiter sanctus Augustinus arguit præscientiam esse priorem prædestinatione ex eo, quod ipsemet asserat Deum præsciisse ut prædestinaret, non verò quia prædestinaverat, idem enim est utrobique dicendi modus.

Secunda probatio defumitur ex libr. 1. ad Simplicianum qu. 2. ubi discretis verbis affirmat Prædestinationem ad gloriam fieri ex prævisis operibus, explicans enim illud Apostoli dictum ad Rom. 9. Cum nondum nati fuissent, aut aliquid boni egissent, aut mali, ut secundum electionem propositum Dei maneret, non ex operibus, sed ex vocante dictum est ei, quia major servit minor, sicut scriptum est, Jacob dilexi, Esau autem odio habui. Infert demum S. Augustinus, Non ergo secundum electionem propositum Dei manet: sed ex proposito electio, id est non quia invenit Deus bona opera in hominibus quæ eligat, ideo manet propositum justificationis, sed quia illud manet ut justificet credentes, ideo invenit opera quæ jam eligat ad regnum. Quasi diceret non quia elegit nos ad regnum Cælorum voluit nos justificare, imo quia nos justificavit, idcirco elegit ad regnum Cælorum. Unde subdit. Non tamen electio præcedit justificationem, sed electionem justificationis. Nemo enim eligitur nisi jam distans (per opera bona prævisa) ab illo qui rejicitur. Unde quod dictum est elegit nos Deus ante mundi constitutionem, non video quomodo sit dictum, nisi præscientia, operum scilicet bonorum cum Dei gratia, & perseverantia finali. Cumque aperte significat idcirco unum seligi præ alio quia jam ratione præstiti meriti est distans ab eo qui rejicitur, nam ut antea dixerat. Quomodo est iusta, aut quæcumque omnino electio, ubi nulla distantia est? Si enim nullo meritis ele-

ctus est Jacob, omnino elegi non potuit nulla existente differentia qua eligeretur.

Reponunt Adversarii hanc auctoritatem non esse magnificandam ex eo quod hunc librum S. Augustinus scripserit dum esset junior, & ante exortam Pelagianam hæresim, ideoque non ita accuratè quæstiones de Prædestinatione eo in libro enodavit, ut ipse fatetur libr. 2. Retractat.

Contra, Primò falsum est quod S. Augustinus eos scripserit libros ad Simplicianum, dum esset junior, siquidem ipsemet affirmat lib. de Bono perseverantiae se eos scripserit initio sui Episcopatus, ait enim cap. 1. loquens de Semi-pelagianis, Videant virum in primi libri posterioribus partibus eorum d. eorum quos mei Episcopatus initio antequam Pelagiana hæresis appareret, ad Simplicianum Mediolanensem Episcopum scripsi, remanserit aliquid, quo vocetur in dubium gratiam Dei non secundum merita nostra dari, & utrum ibi non satis egerim, etiam initium fidei esse donum Dei, & utrum ex iis, quæ dicta sunt non consequenter elucet, & si non sit expressum, etiam usque in finem perseverantiam nonnisi ab eo donari, qui nos prædestinavit in suum Regnum, & Gloriam: Ergo falsum est eos libros ad Simplicianum scripserit sanctum Augustinum, dum esset junior. Similiter aperte falsum cum ipsos libros emendasse in libris Retractationum. Etenim licet in 2. libro Retractationum cap. 1. agens de prima duarum illarum quæstionum, quas enodavit in primo libro ad Simplicianum, fateatur sese deprehendisse postmodum probabiliora, quàm ea quæ de priori illa quæstione scripserat, nihilominus tantum abest ut in quæstione secunda ex qua excerptus est præfatus textus, quidquam reprehensione dignum repererit, imo eam ibidem commendat tanquam gratiæ congruentissimam, Posterior, inquit in hoc libro quæstio est ab eo loco, ubi ait Apostolus non solum autem, sed & Rebecca, &c. usque ad, & nisi Dominus fabao re reliquisset nobis semen, &c. In cuius quæstionis solutione elaboratum est quidem pro libero arbitrio voluntatis humanæ, sed dicit gratia Dei, nec nisi ad illud potuit pervenire, ut liquidissima veritate dixisse intelligatur Apostolus, quis te discernit, &c. Quibuscumque tantum abest ut S. Augustinus censet in illa posteriori quæstione ad Simplicianum esse aliquid emendationis dignum, imo

eandem approbat, & confirmat in præfato libro Retractionum.

Adde quod ipsemet Augustinus in lib. de bono perseverantiz, quos scripsit senex, & post jam scriptos libros Retractionum eandem Quæstionem ad Simplicianum approbet, cum enim dixisset se ante exortam Pelagianam hæresim prædicasse gratiam, qua nos Deus liberat à malis erroribus, & meritis nostris, non præcedentibus bonis meritis nostris faciens hoc secundum gratuitam misericordiam suam. Subdit, quod plenius sapere cæpi in ea Disputatione, quam scripsi ad beatæ memoriæ Simplicianum Episcopum Mediolanensis Ecclesiæ in mei Episcopatus exordio, quando & initium fidei donum Dei esse cognovi & asserui. Insuper Primasius Augustini Discipulus, & acerrimus gratiæ defensor, hos libros ad Simplicianum ita orthodoxos existimavit, ut totam partem illam, ex qua desumpta est præfata secunda probatio, in suo Commentario in caput 10. ad Romanos de verbo ad verbum scripserit, dicens. Incipit expositio de libro sancti Augustini excerpta à loco ad sanctum Simplicianum de Jacob & Esau, &c.

Tertia probatio desumitur ex Sermone 7. de verbis Domini ubi explicans illud. Nemo potens manum suam ad aratrum, & respiciens post tergum aptus est Regno Dei, ait, In hoc Capitulo discimus quoniam quos voluit Dominus bene elegit. Elegit autem ut dicit Apostolus & secundum suam gratiam, & secundum illorum iustitiam. Et infra præmissis illis Apostoli verbis ad Rom. 4. Reliqui mihi septem millia, qui non curvaverunt genu ante Baal. Subdit. Quid est reliqui mihi? Ego illos eligi, quia vidi mentes illorum de me præsumentes, non de se, nec de Baal. Quibus aperte faretur Deum aliquos seligere ad Regnum Dei ex sua gratia, & illorum præfata iustitia, seu ex prævisis iustitiæ operibus. Qualiter autem illa electio sit simul secundum gratiam, & secundum iustitiam, ipsemet exponit libr. de Correctione, & Gratia cap. 13. nimirum quia bona illa opera propter quæ eligimur efficaciter ad vitam æternam, non sunt ex nobis solis, & naturæ viribus elicitæ, ut volebant Pelagiani, sed ex gratia Dei nos præveniente, & adjuvante.

Quarta denique probatio desumitur ex Sermone 233. de Tempore, ubi non aliam assignat rationem cur aliqui seligantur ad gloriam, alii verò ab ea rejiciantur, quam

quia prævidentur eorum bona, aut mala opera. Multis, inquit, scire volunt quare illi vocati Dominus, & illum non vocat, uni subvenit, & uni non. Hunc dignum habet, & illum indignum, illum honorat, & illum cruciat. Respondet, Audi homo; hunc dignum habet pro bonis operibus suis, illum habet indignum pro suis operibus malis. Idipsum confirmat libr. 82. quæstionum, quæst. 68. Cujus vult miseretur, inquit, & quem vult indurat, sed hæc voluntas Dei iniusta esse non potest, Venit enim de occultissimis meritis, quæ & ipsi peccatores, cum propter generale peccatum unam massam fuerint, non tamen nulla est inter illos diversitas. Præcedit ergo aliquid in peccatoribus, quo quamvis nondum sint iustificati, digni efficiuntur justificatione. Et item præcedit in aliis peccatoribus quo digni sint obtinere. Quibus verbis quamquam S. Augustinus expressè agat de conversione, & obduratione peccatoris, nihilominus cum ratio, propter quam Deus unius miseretur, & alium obdurat, æquè conveniat electioni efficaci aliquorum ad gloriam, & aliorum exclusioni, nimirum quia Dei voluntas iniusta esse non potest, iniusta autem esset nisi ex parte peccatorum præcederet aliqua differentia in qua fundaretur. Idcirco præfate sententiæ veritatem nostræ conclusionis confirmant, & directè in Adversarios militant.

Sententiæ Patrum Augustini Sequacium,
& Discipulorum.

Quæ fuerint sancti Augustini genuina mens, & sententia, patet ex ejus Discipulis, & sequacibus, nimirum Prospero, Fulgentio, Primasio, Anselmo, & Bernardo.

Prosper differet asserit pluribi neminem prædestinatum nisi ex præsentia ipsius bonorum operum, maxime verò in responsionibus ad capita Callorum, sic responsione tertia loquens de peccatoribus à Deo derelictis, ait. Reliquerunt, & relictæ sunt, & ex bono in malum propria voluntate mutati sunt, atque ab hoc licet fuerint renati, fuerint iustificati, ab eo tamen, qui illos tales præseruit non sunt prædestinati. Similia habet in responsione ad 7. & 15. objectionem. Item ad objectiones Vincentianas Responsione 12. explicans hæc verba. Exierunt ex nobis; sed non fuerunt ex nobis, si enim fuissent ex nobis, mansissent utique nobiscum, ait, voluntate exierunt, voluntate ceciderunt,

& quia

Quia præsciti sunt casuri, non sunt prædestinati, essent autem prædestinati si essent reverſuri, & in sanctitate, ac veritate manſuri. Ipsi concinit

S. Fulgentius lib. 1. ad Monimum circa medium, ubi ait, *Offensus itaque Deus quid reddendum præciverit, & quid donandum, prædestinavit illos ad supplicium quos à se præcivit voluntatis male vitio discessuros, & prædestinavit ad Regnum quos ad se præcivit misericordie prævenientis auxilio redituros, & in se misericordie subsequenti auxilio esse manſuros.* Quibus verbis præscientiam operum electioni, & reprobationi apertè supponit, unde subdit, *Quia misericors est Dominus, & iustus, prædestinavit iustos ad gloriam, & impios ad poenam.* Sed clariùs lib. 3. de veritate Prædestinationis, & Gratiæ circa finem, ait, *Sicut per misericordiam præparavit gratuitum justificationis donum, ita per iustitiam præparavit æternæ justificationis præmium.* Opus itaque gratiæ in omnibus prædestinatis gratuita misericordia inchoatur, & iusta retributione perficitur. Prædestinavit ergo Deus sanctos suos, & ad gratiam vite bonæ, & ad gratiam vite æternæ præparatam gratiam donat Deus ut homines iustificentur, & bene vivant, & vitam æternam pro rectè factis accipiant, ideo autem & ipsa vita æterna gratia Dei ab Apostolo dicitur, quia gratis hominibus vita bona datur. Quibus apertè distinguit præparationem gratiæ à præparatione gloriæ, quòd illa sit opus solius misericordiæ, & omninò gratuita. Hac verò opus iustitiæ, & nostra supponens opera. Loquitur autem non de executione, & collatione actuali, sed de præparatione æterna, adeoque nostram sententiam explicat, & firmat.

Primus denique accitimus gratiæ defensor in Commentario ad Romanos cap. 8. & 11. disertè affirmat Prædestinationem supponere præscientiam, necnon & 2. ad Timotheum 4. in hæc verba, *Fidem servavi, &c. Fidem, inquit, in finem usque per gratiam ejus servavi quam reddet mihi in illa die iustus Judex, qui me novit usque ad mortem pro iustitia ejus adversario dimicasse.* Quasi diceret idcirco Deus est compensaturus, quia præcivit fidelitatem, & merita.

S. Anselmus quemipsi Adversarii non esse postremum Augustinianæ doctrinæ Sectatorem affirmant, edocet Prædestinationem eodem modo se habere ad prædestinatos quemadmodum præscientia ad res

Fraſſen Theol. Tom. 11.

præscitas, scribit enim lib. de concordia Prædestinationis, & liberi arbitrii cap. 2. *Sicut præscientia quæ non fallitur non præcis nisi verum, ita prædestinatio quæ non mutatur non prædestinat nisi sicut est in præscientia, & quemadmodum quod præcitur licet in æternitate sit immutabile, tamen in tempore aliquando antequam sit mutari potest, ita est per omnia de Prædestinatione.* Unde concludit quòd sicut præscientia non officit libertati, quia non antecedit futuritionem humanarum actionum, sed eas futuras supponit, ita censet Prædestinationem quoque idcirco libertati non officere, quia non antecedit futuritionem meritum, sed eam supponit.

S. Bernardus Eximius Augustinianæ doctrinæ defensor, & sequax, sermone 23. in Cantica disertè affirmat eos esse prædestinatos, qui præciti fuerunt conformes imagini Filii Dei, ait enim, *Generatio coelestis æterna Prædestinatio est, quia Electos suos Deus dilexit, & gratificavit in dilecto Filio ante mundi constitutionem, sic in sancto apparentes sibi ut viderent virtutem suam, & gloriam suam, quò ejus forent consortes hæreditatis, cujus & apparent conformes imagini,*

§. III.

Tertia Probatio ex rationibus Theologicis.

Variæ Theologicæ rationes ab Auctoribus hanc ipsam nostram conclusionem propugnantibus proferuntur, uti videre est apud Lessium, Tractatu de Prædestinatione sect. 2. Albertum Pigbium lib. 8. de lib. arbitrio cap. 2. Osorium lib. 9. de Justitia, Ricardum art. 7. Cardinalem Sadoletum in cap. 8. ad Rom. Cardinalem Contarvenum Opusculo de Prædestinatione, Turrianum de Electione divina, Cartagenam in suis de Prædest. Opusculis, Vaquesium, & Gregorium à Valentia prima parte qu. 23. Joſephum Tricassinum Opusculo de Prædestinatione post prævisa merita, & nostrum Pontium in commentario ad questionem 41. primi sententiarum Scoti. Urgentiores autem sunt

Prima, Quod sincerè proponitur obtinendum tanquam merces præmium, & corona, illud decernitur propter merita

K 3 ca-

eaque supponit: sed gloria æterna in Scripturis sacris ita proponitur: Ergo, &c. Minor patet: etenim Matth. 5. æterna beatitudo proponitur ut merces his verbis, *Gaudere*. *Exultate quoniam merces vestra copiosa est in Cælo*, 1. ad Corinth. 9. Statuitur ut corona, *Illi quidem ut incorruptibilem coronam accipiant, nos autem incorruptam*. Denique proponitur ut præmium Apocalypsis 2. *Qui vicerit dabo ei edere de ligno vite*. Et ad Philippenses 3. *Ad destinationem persequor, ad bravium supernæ vocationis Dei in Christo Jesu*. Major verò probatur: Omnis effectus iustitiæ supponit meritum, alioqui non esset effectus iustitiæ, sed vel misericordiæ, vel liberalitatis: at merces, corona, & præmium sunt effectus, aut objecta iustitiæ, sicut enim reddere justum pretium pro re accepta ab aliquo, est actus iustitiæ, ita pariter compensare mercedem operis, vel laboris, est iustitiæ actus, & effectus, quod confirmat Apostolus 2. ad Timoth. 4. *Mibi reposita est corona iustitiæ quam reddet mihi in illa die iustus iudex*.

Adde quòd cum motivum liberalitatis, & gratiæ directè opponatur motivo mercedis, & præmii, consequens est quòd cum motivum gratiæ, & liberalitatis sit purus amor, sine ullo respectu ad laborem, & opus, ita motivum mercedis sit ipsummet opus meritum, nec usquam decernatur præmium, quin videatur meritum aut præsens, aut futurum. Unde cum Scriptura sacra expressè nobis proponat gloriam ut mercedem, & præmium, consequens est quòd supponat meritum tanquam motivum à Deo prævisum antequam decerneret præmium.

Reponunt Adversarii, volitionem mercedis, præmii, & coronæ non ita necessario supponere provisionem meritum, quin aliquando volitio mercedis, & præmii sit prior volitione laboris, & operis, ut constat exemplo Regis qui ex liberalitate decernere potest aliquod bonum conferendum suis subditis, quod tamen vult ab eis per generosos actus esse consequendum. Nam quòd velit eis illud bonum, provenit ex ejus liberalitate, & gratia, quòd verò intendat illud esse consequendum per merita, oritur ex aliqua iustitia, ita quòd prius velit illis bonum ut finem, & deinde generosos actus tanquam media conducentia in assecutionem decreti boni.

Contra, Qui intendit præmium, vel illud

formaliter, & sincerè intendit sub ratione præmii, vel non. Si ita intendat, consequens est ut illud conferre velit tantum intuitu, & ex præsuppositione operum, & meriti, præmium enim non habet rationem formalem præmii nisi respectivè ad laborem, & merita. Unde licet in intentione eius qui sperat præmium, prius sit meritum quàm præmium, quia meritum respicit ut medium, præmium verò ut finem, tamen in intentione præmiatarii secus accidit, præmiator enim prius intendit meritum quàm præmium, prius laborem quàm mercedem, præmium, & coronam. Si verò ita non intendat, replica non est ad propositum, siquidem Scriptura sacra aperte satis indicat gloriam æternam esse conferendam sub ratione præmii.

Nec quidquam juvat allatum exemplum de Rege, in hac enim hypothefi, Rex non decernit conferre bonum propositum ex formali motivo iustitiæ, seu quatenus est merces, & præmium formaliter, sed vel ex motivo amicitiz, vel ex motivo magnificentiz, & Regiæ liberalitatis. Nec refert quòd statuat talem circumstantiam, nempe quòd subditus per opera consequatur bonum propositum, hoc enim ideo ordinat ut illa acquisitio sit illustrior subdito, utpote qui ad eam aliquid ex parte sua contulerit.

Reponunt Alii, quòd etsi quandoque in Scriptura sacra repromittatur æterna beatitudo sub ratione præmii, coronæ, & mercedis, nihilominus etiam interdum promittitur ut hæreditas: sed hæreditas jure ipso, & non ex industria succedit, & solam nativitatem, non autem merita, nec laborem supponit: Ergo hac ratione non decernitur ex prævisis meritis.

Respondet quòd etsi reverà beatitudo promittatur ut hæreditas, non tamen est conferenda jure nativitatis, sed beneficio solius divini adoptionis ad quam adoptionem duo desiderantur. Primum quidem quòd per justificationem in Filios Dei consignemur, ut loquitur Apostolus ad Rom. 8. *Acceptis spiritum adoptionis Filiorum Dei*, hoc est, gratiam sanctificantem per quam renascimur spiritualiter, & Filii Dei adoptivi constituimur. Ut justificati gratia ipsius, inquit ad Titum 3. *heredes sumus æternæ*

am spem vite æternæ. Secundò ad illam adoptionem requiritur, ut eam conservemus, & notam faciamus per bona opera, juxta illud. *Vident opera vestra bona, & glorificent Patrem vestrum.* Unde illa hæreditas coincidit cum ratione mercedis, & præmii, quocirca Apostolus ad Colossenses 3. eam appellat retributionem hæreditatis. Quibus significat hæreditatem illam non conferri, maximè adultis, nisi per modum retributionis, & mercedis. Unde ad Romanos 8. idem explicans ait, *Si autem filii, & hæredes, hæredes quidem Dei, coheredes autem Christi, sitam: non compatiatur, ut & glorificemur.* Quali diceret, illa divina hæreditas non fundatur in sola gratia justificante, quam quis aliquando habuerit; sed etiam in labore, & exercitio virtutum, necnon & in perseverantia in eis. *Qui enim perseveraverit usque in finem hic salvus erit:* Ergo etiam gloria æterna per modum hæreditatis conferenda non decernitur nisi ex præsuppositis meritis.

Secunda ratio formatur hujusmodi. Ille modus prædestinandi est Deo tribuendus, qui judicator convenientior illius gloriæ, hominumque salutis. At prædestinare homines post prævisa eorum merita, magis divinæ gloriæ, hominumque salutis congruit, quàm si prædestinatio fieret antecederet ad illam prævisionem: Ergo, &c. Major patet ex illa præclara sancti Augustini regula lib. 3. de libero arbitrio c. 5. ubi ait, *Quidquid tibi vera ratione melius occurrerit, scias scribere Deum tanquam bonorum omnium Conditorem.* Ratione autem suadetur finem ultimum prædestinationis esse Dei gloriam, proximum vero, & minus principalem esse hominum salutem, adeoque modi prædestinandi convenientia sumi debet per ordinem ad majorem Dei gloriam, & hominum salutem.

Minor etiam constat quantum ad primam partem, nempe quod prædestinatio ex prævisis meritis magis cedat in Dei gloriam. Ex eo nempe summa Dei bonitas, & clementia maximè commendatur, quod quantum in se est, sincerè velit omnes homines salvari, omnibusque gratias sufficientes præparet, ac subministrat juxta easque statum, & conditionem, quibus ad vitam æternam pervenire possint si volue-

rint, ita quod eorum perditio non ex parte Dei, neque ex ejus anticipata determinatione; sed ex prava ipsorum voluntate sit deducenda. Idipsum autem non sequitur ex opposita sententia, ut constat. Patet etiam eadem minor quoad secundam partem, nempe quòd ille modus nostræ salutis magis congruat, exinde nempe omnes omnino homines, ne uno quidem excepto, totis viribus contendere possunt, & debent ad gloriam æternam capefendam, utpote cum sciant illius ademptionem sibi ipsis relinquere, nullisque decretis prævisis ex parte Dei ad unum illigari, sicut contendit opposita sententia: Ergo, &c.

Tertiò ex opposita sententia varia sequuntur absurda, quæ in Dei gloriam; hominumque salutem apertè militant. Primò namque sequitur Deum non velle sincerè omnino omnium hominum salutem: sed istud consequens est absurdissimum: Ergo & antecedens. Minor patet ex innumeris Scripturæ textibus quibus apertè constat Deum velle omnium prorsus hominum salutem, sic 1. ad Timotheum 2. *Deus vult omnes homines salvos fieri, & ad agnitionem veritatis venire.* Et cap. 4. dicitur *Deus Salvator omnium, maximè autem fidelium,* ex quibus colligitur Deum habuisse ab æterno voluntatem sinceram quantum ex se est salvandi omnes omnino homines, ne uno quidem excepto, quod apertius patet ex his locis Matth. 18. *Non est voluntas ante Patrem vestrum ut pereat unus ex his pusillis.* Et 2. Petri 3. *Patienter agite propter vos nolens aliquos perire, sed omnes ad penitentiam reverti.* Quod nedum de generibus singulorum, ut inquit adversarii, sed etiam de singulis generum est intelligendum, cum enim verbum *Nolens* contineat negationem, quæ omnia removel, & nihil excipit, consequens est quòd nullum prorsus hominem Deus, quantum in se est, perire velit, & item cum ista particula *Aliquos* indefinita, etiam pertinet ad singulos indefinitè sumptos, inde fit quòd si solum duos excipias ab illa bona voluntate Dei, consequens est quòd vult aliquos perire, nempe illos duos quos excipis, hoc autem apertè militat in præfatum textum: Ergo reverà Deus nemine excepto vult omnes homines salvos fieri.

Robatur major, si Deus sincerè velit omnium hominum salutem, cur ante prævisionem futurorum tam paucos eligit,

& ceteros omnes non sic Electos ita negligit ut ex eis nemo salvetur? Hic enim defectus salutis ex parte non Electorum refundi nequit in ipsorum demerita, cum nondum censeantur prævisa, proindeque refundi deberet in ipsam Dei voluntatem nolentem sincerè eorum salutem.

Confirmatur. Ille non vult sincerè salutem omnium hominum maximè Reproborum, sed tantum simulatoriè, & illusoriè, qui tantum gratiam incongruam eis præparat: atqui ex opposita sententia Deus tantum Reprobis gratiam incongruam eorum salutis præparat: Ergo non verè vult eorum salutem. Major patet, Minor pariter. Nam ex adversariis Deus ante prævisionem operum, vel status finalis, eligit absolute, & efficaciter quotquot ad gloriam perducendi sunt in individuo, & in tali gradu gloriæ, ita ut omnes illi sint eo perducendi infallibiliter, & præter illos omnino nullus alius. Unde consequens est, quòd Deus in posteriori signo decernat media congrua quibus illi ita electi, infallibiliter ad locum, & gradum gloriæ destinatum perveniant, & consequenter quòd aliis tantum, qui non sunt electi, incongrua media subministrat ne fortè quis eorum gloriam assequatur.

Dicitur Deum propterea non seligere de industria media incongrua Reprobis, seu neglectis; sed dare prout occasio fert, qualemve cursus rerum, & opportunitas circumstantialium postulat, non attendendo sint ne congrua an incongrua.

Contra. Si res ita sit, incredibile videretur quòd nemo prorsus ex tanta multitudine Reproborum gratiam congruam fortiaur, & salvetur, & è contra quòd nullus ex tanta multitudine Electorum fortiaur incongruam, & damnatur. Fingantur enim duæ hominum multitudines ingentes hinc inde stantes, & aliquis in medio utriusque ex ingenti arca nummis argenteis partim bonis partim adulterinis plena, his, & illis omnibus nummos distribuere, fieri ne potest quin aliquibus ex utraque multitudine obtingant boni, & aliquibus falsi, & adulterini, nisi de industria uni multitudini omnes bonos seligat, alteri omnes adulterinos? Eodem modo si Deus sincerè distribuat omnes suas gratias tam Prædestinatis, quàm Reprobis, & non seligat incongruas pro Reprobis, fieri nequit quin aliquibus obtingat gratia congrua,

& ita illi salvabuntur: Ergo vel illa gratia quam Deus Reprobis subministrat non est sufficiens, vel de industria quæsitæ est ejus incongruitas.

Reponunt Adversarii non minùs Deum habere sincerum amorem, & voluntatem salvandi omnes homines quamquam præsciverit multos non esse salvandos: Ergo sicut stat illa sincera voluntas salvandi omnes cum tali præscientia non salvandorum, etiam stare poterit cum eorum non Electione.

Contra. Nulla paritas inter Præscientiam, & Electionem, illa namque pendet quodammodo à rerum eventu, siquidem res non sunt futuræ quia Deus eas prævidit, sed eas prævidit quia futuræ sunt. Unde prævisa Reproborum culpa non ex parte Dei, sed ex eorum parte est repetenda. Quocirca stare potest in Deo sincera voluntas salvandi omnes homines cum prævisione peccatorum quæ causæ erunt cur illi reprobentur, & damnentur. Secus verò est de Electione, illa enim tota est ex parte Dei, si fiat antecederet ad prævisa merita, adeoque cum illa stare nequit sincera voluntas salvandi eos quos ad eternam salutem Deus non elegit.

Secundum inconveniens est quòd ex sententia Adversariorum sequatur Reprobos in illo ipso instanti Reprobationis efficaciter, & positive expelli à beatitudine etiam ante prævisa eorum mala opera; sed hoc alienum est à fide Catholica, & Calvinisimo omnino sapit: Ergo, &c. Minor patet. Eamque ultro admittunt Adversarii. Major verò probatur. Qui vult absolute, & efficaciter totum aliquod ex certis tantum partibus in individuo cognitis coalescens per modum aggregati perfecti, hoc ipso excludit omnes alias partes etiam possibiles, & omnes illæ aliæ partes relicte excluduntur efficaciter, & infallibiliter, si intentio illa, & determinatio est infallibilis. Atqui Deus ex adversariis, ita se habet, ut quotquot ad gloriam seligit, eos absolute, & efficaciter eligat in individuo: Ergo quemadmodum Architectus mente concipiens ædificium construendum, ubi aliquos numero, & in individuo determinatos lapides ad id seligit, ita quòd non alios, nec plures ad id velit seligere, & notare, eo ipso censetur neglectos lapides positive respicere, quia lapides interservire nequeunt ædificio construendo nisi ab Architecto.

foli-

feligantur, notentur, & assumantur: Ita à pari si Deus ab æterno nullis prævisis meritis certum Prædestinatorum numerum feligit tanquam lapides vivos pro construenda cœlesti Jerusalem, ita ut omnes, & soli illi Electi huic spirituali structuræ deservire possint, consequens est quod ii omnes, qui ita non desinantur, nec assumuntur, positivè reproberentur, etiamsi hæc Reprobatio non intelligatur fieri per actum positivum, & actuale decretum, quo Deus eos addicat pœnis æternis; sufficienter enim excluditur à gloria, qui non includitur in voluntate eligentis ad gloriam.

Tertiò, ex illo decreto antecedente sequitur humanam libertatem adimi, quantum ad consecutionem gloriæ: sed hoc est contra fidem, quæ asserit in libertate, ac manu nostra esse perdere gloriam si voluerimus, aut eam cum gratia Dei acquirere: Ergo non est admittendum huiusmodi decretum. Probatur sequela maioris: Quia posito illo decreto in sensu composito, impossibile est, quòd quis non consequatur vitam æternam; aliàs posset decretum efficax divinum falli, aut frustrari, & creatura esset potentior ad rejiciendam gloriam, quàm Deus ad conferendam: Sed sensus ille compositus esset antecedens, & independens à voluntate nostra: Ergo non haberet libertatem respectu consequendæ gloriæ. Probatur consequentia: Quia voluntas non est libera respectu illius ad quod ponendum, vel non ponendum non habet potestatem positam omnibus prærequisitis, & antecedentibus suam actionem, quæque ab ipsamet nullo modo dependens: Ergo si decretum efficax sit antecedens; ac independens à voluntate, & eo posito voluntas nequit efficere quàm habeat gloriam, non est in manu ipsius habere, & non habere gloriam, nec consequenter habere libertatem in ordine ad hoc.

Quariò, ex opposita sententia omnis de consequenda beatitudine, & salute firmanda per bona opera sollicitudo tollitur, & amandatur; quisque enim apud se ita ratiocinari potest, vel sum ex solo Dei beneplacito Prædestinatus, vel non: Si sim, haud dubiè quidquid egero salvabor; cum enim decretum Dei sit efficax, & invariabile, frustrari nequit effectus. Si non sim, irrita prorsus, ac vana erit mea diligentia de sectanda virtute, & bonis operibus eligendis, cum illa ad firmandam prædesti-

nationem nihil deserviant, utpote quæ fixa, & rataque fuerit ab æterno antecedenter, & independentèr à prævisione bonorum operum, quæ omnia directè militent in illud sancti Petri monitum: *Satagite fratres ut per bona vestra opera, certam vobisram vocationem, & electionem faciatis.*

§. I V.

Solvuntur objectiones. 1. Ex Scriptura sacra.

Objiciunt Adversarii varios Scripturæ sacre textus quibus significatur gratuita hominum Electio ex solo Dei proposito, & decreto, non verò ex præcitis meritis pendere. Primò quidem illud Lucæ 12. *Nolite timere pusillus grex quia complacuit Patri vestro dare vobis regnum; ubi per pusillum gregem, volunt intelligi Prædestinatos, qui comparatione majoris numeri Reprobatorum, pusillus grex appellantur.* Per verbum *complacuit*, ajunt significari Dei affectum specialium, & voluntatem antecedenter efficacem erga omnes Prædestinatos, quippe quæ illis proponitur ut motivum fiduciæ: Denique per vocabulum *Regni* contendunt designari Electionem ad gloriam, quæ sola regni nomen obtinet: Ergo, &c.

Respondeo 1. Non esse certum per pusillum gregem designari Prædestinatos, Christus enim ad omnes prorsus Apostolos, & Discipulos hæc verba dirigebat, qui omnes non erant Prædestinati, siquidem Judas Iscariotes inter eos erat traditor, & Filius perditionis; Unde verius dicendum arbitror cum Makdonato, præfata verba ad eos dicta, ad quæ superiora directæ fuerant, illa autem ad omnes prorsus Auditores, & in eorum persona ad omnes futuros fideles dictata fuerant.

Respondeo 2. Per verbum (*complacuit*) non significari voluntatem efficacem antecedentem: Tum quia voluntas efficax suum assequitur effectum; constat autem ex illo pusillo grege sive omnes Auditores, sive solos Apostolos intelligas, aliquos non fuisse adeptos effectum Prædestinationis, nempe gloriam æternam: Tum quia revelatio talis voluntatis efficacis nihil conducebat ad stabilendam fiduciam illam quam in eorum animis Christus excitare intendebat; immò eos ad quandam fœcordiam, & igna-

viam concitasset, quippe cogitasset eis ultro non esse ad laborandum cum ex efficaci Dei Decreto eorum beata fors jam esset peracta. Tum denique quia ad eam fiduciam provocandam, sufficiebat quod repromissa æterna merces decerneretur consequenter, & ex prævisis meritis; intendebat enim Christus Apostolis suadere eos omnem in Dei providentia curam, & sollicitudinem collocare debere; non solum quia, inquit, qui pascit animalia, homines non deseret impastos: sed etiam ducens argumentum à majori ad minus, si Deus decrevit vobis dare regnum suum quod est maximum, quanto magis temporalia vobis subministrabit? Ad id autem sufficiebat, quod esset decreta gloria æterna hominibus danda; sive interim ante, vel post prævisa merita decreta fuerit.

Respondeo 3. quod etsi per præfata verba significetur voluntas efficax, illa tamen non est purè beneplaciti, & per exclusionem meritum; sed beneplaciti ex motivo justitiæ fundatæ in prævisione meritum: Tum quia significatur illa gloria danda humilibus ob eorum pusillitatem, quocirca dicitur pusillus grex, *Pusillum gregem*, inquit venerabilis Beda, *vel ob comparationem majoris numeri Reprobatorum; vel potius ob humilitatem nominat*; qualiter etiam Christus Matth. 19. *Sinite parvulos* (id est humiles) *venire ad me, talium enim est Regnum Cælorum*. Tum quia Christus id ipsum ibidem insinuat; cum enim proposuisset Apostolis propter Dei gloriam negligendas opes, omnem terrenarum sollicitudinem amandandam, imò & spernendam vitam, ut ad gravia hæc æquo animo subeunda excitaret, ait, *Nolite timere*, &c. quasi diceret, hæc vobis dulcia videri debent, si quidem propter horum tolerantiam placuit Patri vestro Regnum Cælorum in mercedem, & præmium decernere. Tum denique quia si verbum *complotuit* significaret Electionem esse omnino gratuitam, etiam & omnino gratuitam executionem, & collationem exprimeret; tota enim illa sententia executionem magis quam intentionem declarat, siquidem non dicitur placuit *eligere*, quod intentionem, sed placuit *dare*, quod executionem importat: ac nemo dixerit gloriam secundum executionem gratis conferri: Ergo nec asserere debet illam gratis decerni secundum intentionem.

Obijciunt 2. Plures sancti Pauli sententias quibus innuere videtur divinam Prædestinationem fieri ex solo Dei absoluto decreto, & proposito. Sic ad Ephes. 1. *Elegit nos in ipso ante mundi constitutionem ut essemus sancti, & immaculati in conspectu ejus, in Charitate, qui prædestinavit nos in adoptionem Filiorum per Jesum Christum in ipsum secundum propositum voluntatis suæ, in laudem gloriæ gratiæ suæ, &c.* Loquitur autem, inquit, de voluntate absoluta, ut patet tum ex verbis *Elegit*, & *Prædestinavit*; tum ex eo quod subdit *secundum consilium voluntatis suæ*: Similiter agit de Electione gratuita, non enim quia eramus sancti nos elegit, sed ut essemus: Donque de Electione ad gloriam, quia loquitur de iis quos benedixit Deus omni benedictione spirituali in cælestibus; gratia autem, quæ Reprobis, & Prædestinatis est communis, nec est omnis benedictio, quippe adhuc superest benedictio gloriæ; nec benedictio in cælestibus, cum viatoribus in terra tantum largiatur: Ergo ex sancto Apostolo Prædestinatio fit exmero Dei absoluto beneplacito, non verò ex prævisis hominum operibus; adeoque præfata nostra conclusio sacre Scripturæ aperte contradicit.

Respondeo negando consequentiam; siquidem ibidem Apostolus intelligendus est de Prædestinatione, non quidem ad gloriam, & beatitudinem æternam; sed ad gratiam per exclusionem operum elictorum naturæ viribus, ut interpretantur sanctus Hieronymus in Commentario, & August. lib. de Prædestinatione Sanctorum c. 19. S. namque August. valde hunc locum urget contra Semi-pelagianos, qui cum assererent initium fidei esse tribuendum viribus liberi arbitrii, & non ex gratia; eos confutat ex eo, quod dicat Apostolus Deum nos elegisse, non quia eramus, sed ut essemus sancti. Unde ipsemet Augustinus ibidem cap. 18. versat. eundem textum ait, *Fecit hoc secundum beneplacitum voluntatis suæ, ut nemo de sua, sed de illius voluntate gloriaretur: Fecit hoc secundum divitias gratiæ suæ, secundum bonam voluntatem suam quam proposuit in dilecto filio suo, in quo sortem consecutus sumus, Prædestinatis secundum propositum non nostrum, sed ejus qui universa operatur*; Quibus patet cum explicare textum Apostoli de Prædestinatione ad gratiam. Tum quia ipsemet Apostolus hæc indicat per subsequencia verba, *Prædestina-*

navit

mauit nos in adoptionem filiorum in quo habemus redemptionem per sanguinem ejus remissionem peccatorum, quæ omnia gratiam, non verò gloriam denotant; nam adoptio, redemptio, & peccatorum remissio pertinent ad gratiam justificationis. Tum denique quia hæc verba dirigebat ad omnes Ephios quos certus non erat Apostolus omnes esse Prædestinatos ad gloriam, cum ipsemet de sua Prædestinatione non esset securus, sed tremens, ac timens dicebat, *Castigo corpus meum, & in servitutem redigo, ne forte, cum aliis prædicavero, ipse Reprobos efficiar.*

Obijces 2. Illud ad Romanos 9. *Cum nondum nati fuissent:* Jacob scilicet, & Esau, Aut aliquid boni egissent, aut mali; non ex operibus, sed ex vocante dictum est ei, Rebecca, quia maior serviet minori: sicut scriptum est, *Jacob dilexi, Esau autem odio habui.* Et paulò post: *Igitur non est volentis, neque currentis, sed miserentis Dei:* Ergo ejus vult miseretur, & quem vult indurat. Et, numquid potest figulus ex eadem massa facere aliud quidem vas in honorem aliud autem in contumeliam? Hæc autem omnia significant efficacem Dei voluntatem in prædestinandis hominibus antecederet ad prævisa eorum opera: Ergo Prædestinatio ad gloriam est ex mera Dei misericordia, & non ex prævisis meritis.

Nego sequamur: Primò namque Apostolus quidem dicit, quòd Deus dilexerit Jacob antequam quidquam boni fecisset, non autem ait se eum dilexisse priusquam prævidisset quid Jacob aliquando acturus erat: Unde excludit quidem opera jam facta, atque illa non fuisse rationem amoris Jacobi, & odii Esau; non verò excludit opera prævisa: Itaque Deus ab æterno dilexit Jacob cum nondum aliquid boni fecisset, nempe ab æterno, quia nondum erat; licet prævisus fuisset benè acturus in tempore, quæ prævisio causa fuit cur à Deo diligeretur.

Respondet secundò Apostolus esse intelligendum de Electione ad gratiam, non verò ad gloriam; alioquin inde sequeretur Esau quoque fuisse Reprobatum, & destinatum ad gehennam ante prævisa ipsius demerita: Eodem enim modo de odio Esau, & dilectione Jacob Apostolus loquitur dicens, *Antequam quidquam boni vel mali fecissent, Jacob dilexi, & Esau odio habui:* Sed nullus præter Calvinum, dixit Reproba-

tionem fieri ante prævisa demerita; Ergo nullus pariter asserere debet Jacob fuisse prædestinatum ante prævisa ipsius merita, proindeque hæc electio intelligenda est non ad gloriam, sed ad gratiam. Non quòd reverà Deus voluerit gratiam largiri Jacob, & denegare Esau, nemini enim Deus suam gratiam denegat. Sed significare voluit Apostolus Deum dilexisse Jacob, quia contulit ei ampliores gratias, quàm ipsius fratri, quem idcirco odio habuisse dicitur, quòd minus eum diligendo, etiam minores gratias contulerit: Odium enim in Scriptura sacra interdum minorem amorem significat, sic enim accipiendum est quòd Christus dixit Lucæ 14. *Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem animam suam, non potest meus esse discipulus:* quam sententiam Matth. cap. 10. ita reddit, *Qui amat patrem, & matrem plusquam me, non est me dignus, & qui amat filium, aut filiam super me, non est me dignus.*

Respondet 3. Apostolum loqui de Electione ad fidem; toto namque illo capite docet Judæos rejectos esse à iustitia, & salute propter infidelitatem, Gentes autem ad eam adscitas esse propter fidem in Christum; quòd maxime patet ex vers. 30. ubi totum hoc capitulum ita concludit; *Quid ergo dicemus? Quòd gentes quæ non sequebantur iustitiam, apprehenderunt iustitiam; iustitiam autem quæ ex fide est, Israel verò sequebando legem iustitiæ, id est legem veterem iustitiæ legalis, in legem iustitiæ, id est veræ sanctitatis per Christum collatæ, non pervenit; Quia non ex fide, sed quasi ex operibus; offenderunt enim in lapidem offensivum sicut scriptum est, ecce pono in Sion lapidem offensivum, & petram scandali, & omnis, qui credit in eum, non confundetur.*

Ita hunc textum interpretantur sanctus August. Epist. 105. & lib. 1. ad Simplicianum qu. 2. & de Prædestinatione Sanctorum cap. 16. & 19. nec-non & Magister sententiarum lib. 1. dist. 41. cap. 1. imò & sanctus Thomas in hunc locum dicens, *Potest intelligi figuratè (prout scilicet sumebat Apostolus) ut per Majorem intelligatur populus Judeorum, qui primò adoptionem filiationis in est, gratiam accepit: Per Minorem autem figuratur populus Gentilium, qui posterius est ad fidem vocatus. Major ergo populus serviet minori, in quantum Judæi sunt nostri caparii custodientes libros ex quibus nostræ fidei testimonium perhibetur.*

Idipsum

Idipsum quoque apertè satis colligitur ex sequentibus verbis Apostoli, quæ maxime electionem ad gratiam, & fidem indicant; *Dilectio* namque gratiam sanctificantem supponit, tanquam motivum divini amoris: *Odium* verò provenit ex privatione gratiæ: Similiter hæc verba, *Non est volentis, neque currentis, sed miserantis est Dei;* non spectant ad prædestinationem, & gloriam æternam; alioquin Apostolus maximam hominibus etiam pietati de dictis desperationis ansam ingeminasset, si pro viribus, & adjuvante gratia nitentibus ad gloriam, intellexissent nihilominus eam sibi fore denegandam. Significant ergo tantum concursum, seu gratiam Dei actuale in bona opera, ut colligere est ex hoc verbo *Currentis*, quod actualem cursum, & contentionem ad æternam beatitudinem per opera bona designat. Uteplacant sanctus Augustinus eodem libro cap. 8. & S. Thomas ibidem. In id pariter collineant hæc verba, *Cujus vult miseretur, & quem vult indurat*, non enim Apostolus dicit *Reprobat*, sed *indurat*, quod importat privationem gratiæ efficacis, & per consequens significat miserationem præcedentem ei oppositam esse collationem gratiæ efficacis. Cum ergo hæc omnia verba tantum gratiam fonsent, consequens est quod Apostolus ibi electionem, & Proposuit usurpet pro electionem ad gratiam, aut fidem.

Dices: Saltem ex his verbis, *Vasa misericordie quæ preparavit Deus in gloriam*, colligitur Apostolum intendere prædestinationem ad gloriam: Ergo, &c.

Neque antec. Siquidem hæc ipsa verba etiam rectè exponi possunt de prædestinatione ad gratiam, *Gloria* namque ibi non usurpatur pro gloria cœlesti, sed pro illa Dei gloria extrinseca seu clarificatione, & honore in quem Deus Electos ordinavit tanquam vasa in honorem, ut nempe homines videntes eorum opera bona, glorificent & laudent in eis Deum, sicut interpretatur Haymo: Consonat & Græcum, nam verbum *δῶκα*, quod noster Interpres vertit in *gloriam*, propriè significat honorem, famam, splendorem, & nominis claritatem, ut ipsemet exponit S. Augustinus tract. 10. in Joannem, *Ipsa*, inquit, *quæ Græcè dicitur δῶκα: Unde dictum est verbum δῶκα, & claritas interpretatur, & gloria: gloria namque fit quique clarus, & claritate gloriosus, ac per hoc quod utroque verbo signifi-*

ca: ut idipsum est. Sicut autem definitur antiqui Latine lingua clarissimi auctores, Gloria est frequens de aliquo fama cum laude.

Obijciunt 4. Illud Actor. cap. 13. de Antiochenis *Crediderunt quoniam erant præordinati ad vitam æternam.* Quibus significatur Prædestinationem esse causam fidei, & bonorum operum, adeoque illa non sit ex prævisis meritis.

Neque hunc esse sensum contextus, etenim per illam *Præordinationem* nihil aliud significatur quam prædispositio, seu affectus ipsorum Antiochenorum curam, & desiderium habentium suæ salutis beneficio gratiæ sibi concessæ, idque colligitur ex textu Græco ubi pro *Præordinati* legitur *προϋποτιθετο* id est ordinati, dispositi, bene comparati, quod fit per desiderium salutis: Et quia Deus æterno consilio id mentibus eorum immiserat, rectè dici possunt præordinati. Hæc autem prædispositio ibidem vers. 46. opponitur malæ dispositioni Judæorum contradicentium ex malitia prædicationi Apostoli, quos idcirco Paulus compellat his verbis. *Vobis oportebat primum loqui Verbum Dei; sed quoniam repellistis illud, & indignos vos iudicatis vitæ æternæ, ecce convertimur ad Gentes.*

Respondeo 2. Per verbum *Præordinati*, non significari Prædestinationem completam, & ad gloriam, sed incompletam seu ad gratiam. Tum quia Prædestinatio ad gloriam est occultissima, nec ulla apparet ratio cur qui essent in Antiochena civitate Prædestinati, Scriptori sacro revelarentur; Tum quia hæc revelatio præbisset ansam illis, qui tunc crediderunt, deponendi omnem curam suæ salutis; illis vero qui non crediderunt ingeminasset desperationem; si enim omnes qui erant prædestinati tunc crediderunt, consequens est alios non credentes fuisse Reprobos: Tum denique quia non est verisimile in illa urbe celeberrima non alios fuisse Prædestinatos, quam qui tunc baptizati fuerunt in modico, ac parvo numero.

Respondeo 3. Per illam præordinationem significari posse etiam Prædestinationem ad vitam æternam; non quidem antecedenter, sed consequenter ad prævisionem bonorum operum, quæ idcirco vocatur præordinatio, quia fit ab æterno, & antequam opera illa in tempore eliciantur.

Obijciunt 5. Illud Christi ad Apostolos Joan. 13. *Si hæc sciitis, beati eritis si feceritis ea;*

ea: Non de omnibus vobis dico: Ego scio quos elegerim; sed ut adimpleatur Scriptura, qui manducat mecum panem levabit contra me calcaneum suum; Quibus, inquit, solis Apostolis Christus loquitur de electione antecedenti, absoluta, & efficaci. Primò, quia Judam excipit è numero Electorum: at electio antecedens conditionata, & inefficax est communis omnibus; & nullus ab illa excluditur. Secundò, quia Christus affert electionem illam pro causa cur Judam excipiat, cum ait: *Non de omnibus vobis dico, Ego scio quos elegerim,* &c. At electio antecedens, inefficax tantum, & conditionata, non est causa quempiam excipiendi: Secus autem voluntas antecedens absoluta, & inefficax per quam ceteri virtualiter excluduntur: Ergo reverà Christus loquitur de electione antecedenti, qua prædestinati erant Apostoli, excepto Judà, ex mero Dei beneplacito.

Nego consequentiam: Christus enim ibi non agit de electione ad gloriam, sed ad Apostolatulatus munia post ejus mortem obcuncta à quibus quidem muneribus obeundis arceri debebat Judas traditor, tum propter perfidiam, tum propter mortem ejus impoenitentem ante Christum Dominum è morte suscitatum: Ad textum autem dico hunc esse genus illius sensum, *Beati eritis si hac sentis, quæ dico vobis, id est si creditis, & si feceritis ea;* ut jam de facto creditis, & ea aliquando facietis, non de omnibus vobis dico, quia non omnes creditis, aut facietis. *Ego scio quos elegerim.* Idest, scio quales estis interioris quos in Apostolos elegi. Quibus patet de electione ad Apostolatulatum duntaxat sermonem esse.

Dices S. Augustinus hunc textum interpretatur de electione ad Gloriam. Cui etiam expositio favet illud, *Beati eritis si feceritis ea,* ubi de beatitudine gloriæ sermo est.

Respondet Interpretationem de electione ad Apostolatulatum, ut magis litteralem, ac propriam admitti ab aliis Patribus, quos sequuntur Maldonatus, & Toletus; de qua etiam intelligendus est illud Christi Joannis 15. *Non vos me elegistis, sed ego elegeri vos, ut eatis, & fructum afferatis.* Dicitur *eat*, Ite enim Apostolorum, idest missorum, proprium est: & illud Joann. 6. *Nonne ego vos duodecim elegi, & unus vestrum Diabolus est?* Addo neque illam explicatio-

nem S. Augusti. nobis obesse: Effic enim potest hic sensus. *Ego scio quos elegerim* ad gloriam efficaciter, prævidens scilicet, & quid facturi sint, quemve statum finalem habaturi, ex cujus prævisione illos elegi efficaciter.

Obijciunt 6. Illud Joannis 10. ubi Christus Judæos incredulos alloquens ait, *Vos non creditis, quia non estis ex ovibus meis: Oves mea vocem meam audiunt; & ego cognosco eas, & sequuntur me, & vitam æternam do eis, & non peribunt in æternum, & non rapiet quisquam de manu mea:* Ex quo inferunt Adversarii Prædestinationem ad gloriam esse causam vocationis ad fidem; nam esse ovem Christo datam, & esse prædestinatum, idem est: Ergo reverà prædestinatio ad gloriam fit ante prævisa merita: quippe cum fiat ante fidem, quæ est primum meriti principium.

Nego consequentiam 1. Quia etsi præfatus textus intelligeretur de solis Prædestinatis ad gloriam, exinde tamen non sequeretur eum esse intelligendum de prædestinatione ante prævisa merita: Imo ipsum textum S. Aug. usurpare videtur de prædestinatione post prævisa merita, siquidem lib. de Correptione, & Gratia cap. 9. ait: *Hi ergo intelliguntur dari Christo, qui ordinati sunt ad vitam æternam, nam illi supponuntur ordinati, seu apti facti ad vitam æternam, prius quam Christo dentur.*

2. Dico textum præfatum intelligendum esse de Prædestinatione ad gratiam, & fidem; alioquin immeritò Christus Judæos arguisset quòd non essent ex ovibus suis, nec in eum credere vellent. Cum enim decretum absolutum prædestinationis sit immutabile; consequens est, quòd si defectus prædestinationis Judæorum, causa fuisset cur ipsi non crederent, certè ille defectus fidei non esset in illis culpandus, quippe cum non eorum perversa voluntate procederet, sed ex ordinatione Dei, qui ipsos non prædestinaverat. Itaque sensus loci illius est, quòd cum Judæi perverso in Christum essent animo, nullatenus parati erant, & dispositi ad credendum, ut fierent ejus Oves, & Discipuli, idcirco dicit, *Mibi non creditis, quia non estis ex ovibus meis:* Idest non habetis docilitatem ovium mearum, imò verò lupi estis quærentes devorare, & perdere Pastorem unà cum ovibus: Unde subdit *Oves mea vocem meam audiunt,* hoc est, non resistunt verbo: meo, & gratis quibus eas ad fidem ad voco: sed

sed facile acquiescunt veritati, quam ego ipse annuntio vobis.

Nec refert quod subijciat Vitam æternam de eis, &c. Hæc enim non usutpantur absolute; sed sub hac conditione, si consentire velint verbis meis, & præceptis obedire; nec enim quemquam Deus cogit ad salutem; sed tantum invitat, & vocat ut liberè, & voluntariè consentiat.

Nec pariter obsunt sequentia verba, Nemo rapies eas de manibus: ibi enim per *manum*, potestatem significari affirmat S. Aug. Tract. 48. in Joannem, unde sensus est, quod Deus ita muniat fideles suis gratis, & auxiliis, ut nemo possit abducere eos ab illo, nisi ex eorum consensu; ita quod nemo pereat nisi sua propria voluntate, non autem defectu protegentis: Non secus ac si quis confugisset ad cuiusdam Principis palatium, ut ibi suam vitam adversus hostes tueretur, eique Princeps dixisset, nemo te rapiet de manu mea; seu abducat è Palatio: & interim ille qui ita confugit, sponte sua exiret è Palatio, & dederet se hostibus suis; certe Princeps argui non posset culpæ aut mendacii. Ita à pari non est arguendus Deus quod nonnulli ex his quibus auxiliatricem manum subministrat, à gratiis excident, quia hæc exorbitatio ex prava eorum voluntate est repetenda, non ex defectu divinæ protectionis.

Solvuntur objectiones ex Patribus:

Objiciunt 1. Illud Cyrilli Alexandrini in Joannem cap. 24. *Ego elegi vos, non vos me: Ego me notum vobis ignorantibus feci humanitate, clementiaque commotus; Ego vos aditè roboravi, ut procedere, progredique ad tantam cum Deo fiduciam possitis, ut quicumque petieritis in nomine meo vobis concedatur.* In quibus verbis adversarii pendunt 1. Electionem Dei præcedere quæ sit causa, cujusque virtutis in homine prædestinato 2. Hinc provenire vim impetrandi in oratione 3. Hanc gratiam collatam esse à Deo sine precedentibus meritis sola Dei benignitate, & clementia.

Respondet Cyrillum non intelligendum esse de omnibus Prædestinatis; sed de Discipulis solum, sive Apostolis, deque illorum electione ad Apostolatam, ut ex verbis sequentibus manifestum est, quibus dicuntur Apostoli à Christo electi, scientia in-

structi, fiducia roborati; &c. Quæ omnia optime stant absque antecedenti electione ad gloriam. *Addit* quod tunc Judas erat inter Discipulos, & Apostolos, ad quos hæc verba dirigebantur; constat autem eum non fuisse electum efficaciter ad gloriam, adeoque nec S. Joannes, nec S. Cyrillus intelligendi sunt de electione ad gloriam, sed ad Apostolicam dignitatem.

Objiciunt 2. Illud S. Chrysost. Homil. 54. in Matthæum: *Quos ante constitutionem mundi suos esse cognovit, tantis eos laboribus oneravit, & tantum laborare facit: donec digni efficiantur regno caelorum.* Ergo. Prædestinatio causa est cur digni fiant, non autem dignitas eorum est motivum, & ratio cur prædestinentur.

Respondet 1. Hunc textum non esse ipsius S. Chrysost. sed auctoris anonymi 2. Dico hæc omnia facile intelligi posse de Præscientia, & Electione efficaci facta ab æterno post prævisa merita, quæ tamen tantum fient in tempore; ita quod non sit antecessio decreti; sed simplex consuetio temporis ad id quod Deus ab æterno vidit, & approbavit; prius enim prævidit opera meritoria, & inde decrevit conferendam gloriam, quam illa opera de facto fuissent elicia.

Solvuntur objectiones ex S. Augustino.

Objiciunt 1. S. Augustinum lib. de Correctione, & Gratia cap. 7. ubi sic habet: *Quicumque ab illa originali damnatione ista divina gratia largitate discreti sunt, non est dubium quod & procureretur eis audiendum Evangelium, & cum audiant credunt, & in fide quæ per dilectionem operatur, usque in finem perseverant, & si quando exorbitant correpti emendantur:* Et paulo post; *Hæc omnia operatur in eis, qui vasa misericordiae operatus est eos, qui & elegit eos in Filio suo ante constitutionem mundi per electionem gratia.* Si autem gratia, jam non ex operibus, alioquin gratia jam non est gratia. Ex quibus sancti Augustini verbis colligunt Adversarii ipsum indubitanter sensisse homines Prædestinatos fuisse electos efficaciter ad gloriam citra previsionem meritorum: Juxtaque illius mentem hunc ordinem esse statuendum in decreto divinæ voluntatis, ut in primo instanti rationis fuerint prævisi omnes homines in massa perditionis. In secundo Deus aliquos illorum in electos

omnes prædestinaverit ex hac massa gratuita, & efficaci electione ad gloriam. In 3. elegerit media per quæ infallibiliter perducerentur ad finem destinatum. Elogerit, inquam, vi præcedentis separationis, quæ illum adiecit ad eligenda media congrua, & efficacia.

Respondet 7. Cur? Lessio, Martinone, & Josepho Tricassino, sanctum Augustinum ibidem intelligendum esse de electione ad gratiam. Scopus enim eius erat docere qualiter omnia bona opera, & ipsa perseverantia non esset ex nobis, hoc est nudis liberi arbitrii viribus, sed ex gratia, & dono Dei; Similiter discretionem in massa perditionis, & electionem ad gratiam justificationis, & inde ad gloriam non esse ex operibus, sed ex gratia; & gratuita Dei misericordia. Hunc autem effectum sancti Augustini pater ex ipsometextu, sic enim habet paulò ante verba laudata, *Discernuntur*, inquit, *non meritis suis, sed per gratiam Mediatoris, hoc est in sanguine secundi Adam justificati gratis*, &c. ubi patet eum affirmare gratiam justificationem, quæ supponit liberum hominis consensum, requiri ad illam discretionem, seu Prædestinationem.

Deinde ipsemet ibidem explicat illud, *Non ex operibus*, dum subdit, *Electi sunt per electionem gratia, non præcedentium meritorum suorum, quia gratia est illis omnem meritum*. Id est non ex meritis gratiam præcedentibus, quia omne meritum illotum est ex gratia; itaque illa electio gratuita non excludit merita, quæ sunt ex gratia, sed solum ea, quæ non sunt ex gratia.

Confirmatur hanc esse mentem S. Augustini, quia eo in loco, & aliis similibus disputat contra Pelagianos, quorum hæresis in eo non erat, quòd putarent gloriam dari propter opera gratiæ; sed quòd dicerent illam dari propter opera facta solis viribus naturæ, ut manifestè patet ex verbis ejusdem Augustini lib. de Gratia, & libero arbitrio cap. 6. ubi exponens illud 1. Timot. 2. *In reliquo reposita est mihi corona justitiæ, quam reddet mihi Dominus in illa die justus Judex*: Subjungit, *Cui redderet coronam justus Judex, si non donasset gratiam misericors Pater? Et quomodo esset ista corona justitiæ, si non præcessisset gratia, quæ justificat impium? Quomodo ista debita redderetur, si non prius illa gratuita donaretur? Sed cum dicunt Pelagiani hanc esse solam secundum meritum*

sua gratiam, qua homini peccata dimittuntur: illa verò quæ datur in fine, id est æternam vitam meritis nostris præcedentibus reddi. Respondendum est eis; si enim merita nostra sic intelligerent, ut etiam ipsa dona Dei esse cognoscerent, non esset reprobanda ista sententia. Quoniam verò merita humana sic prædicant, ut ea à semetipso habere hominem dicant: prorsus rectissime respondet Apostolus. Quis enim te discernit? Quid autem habes; quòd non accepisti? Si autem accepisti; quid gloriaris quasi non acceperis? Prorsus talia cogitanti verissime dicitur, dona sua coronat Deus; non merita tua, si tibi à seipso non ab illo sunt merita tua. Hæc S. Augustinus; ex quibus aperiret, ejus intentionem tantum esse docere perseverantiam, & electionem efficacem ad gloriam, non ex operibus naturæ, sed ex gratia, & operibus gratiæ.

Insuper. Sanctus Augustinus ibidem explicans ad quid electi sint ii, qui vocati sunt secundum propositum, ait: *Electi autem sunt ad regnandum cum Christo, & ad obtinendum Regnum suum*. Ubi nomine Regni non intelligit Ecclesiam militantem, quam plerumque in Evangelio *Regnum Cælorum* appellat. Nam subdit illos sic vocatos, *Perseverare usque in finem, & ex istis nullum perire*. Quod utique de Ecclesiæ militantis Fidelibus noquit intelligi, ex eis namque multi pereunt, ac proinde ibi solum loquitur de Prædestinatione ad gloriam ante prævisa merita.

Nego consequentiam: Nam cum sanctus Augustinus ibi ageret de Prædestinatione ad gloriam, non tamen exinde sequeretur eum intendere illam Prædestinationem fieri ante prævisionem operum, imò contrarium ex eo deducitur. Tum quia ibidem præscientiam Prædestinationi præmittit, loquens enim de iis, qui cum fuerint aliquando justificati, tamen rursus in peccatum lapsi in eo moriuntur ait, *Procul dubio nec illo tempore, quo bene, priusque vivunt in isto numero Prædestinatorum computandi sunt: Non enim sunt à massa illa perditionis præscientia Dei, & Prædestinationis discreti, & ideo nec secundum propositum vocati, ac per hoc nec electi*: Ergo cum vocatio Prædestinationem, & hæc præscientiam operum, ac cooperationis supponat, evidenter sequitur S. Augustinum ibi solum agere de Prædestinatione post prævisa merita. Tum quia Prædestinationis certitudinem,

nem, & infallibilitatem ab illa præscientia colligit, ait enim, *Si quisquam perit, fallitur Deus; sed nemo eorum perit, quia non fallitur Deus.* Cùm enim infallibilitas hæc non inferat humanæ voluntati necessitatem, sequitur idcirco Deum non falli, quia præscit hominum merita atqueam quidquam de eorum æterna beatitudine decernat. Tum quia ibi loquitur de Electione Prædestinatorum ad regnum quomodo loquitur de Electione Judæ ad fundendum Christi sanguinem; Illis ergo, inquit, elegit ad obtinendum suum regnum, illum ad effundendum sanguinem suum: Sed Judas non fuit electus ad tantum scelus perpetrandum ante prævisam ipsius malitiam; Deus enim intentator malorum est: Ergo nec Prædestinati electi fuerunt ad gloriam ante prævisa ipsorum merita.

Urgebis: S. August. nusquam agnovit illam duplicem Prædestinationem incompletam ad gloriam, aut ad gratiam, sed quoties de Prædestinatione loquitur, toties solam prædestinationem completam ad gloriam, & gratiam simul intelligit: Ergo nulla responsio.

Neque antecedens: Illius namque falsitas colligitur ex variis sancti Augustini locis. *Primo* namque lib. de Bono perseverantiae cap. 17. & 18. affirmat omne donum Dei, quod operatur in nobis per gratias excitantes, & adjuvantes verè prædestinari à Deo, *Quidquid enim, inquit, donat Deus, hoc Prædestinavit ut faceret, & donaret:* Atqui fides, & justitia etiam in Reprobis sunt dona Dei: Ergo & à Deo prædestinantur: & consequenter sanctus Augustinus agnovit Prædestinationem incompletam ad gratiam, & non solam completam ad gratiam, & gloriam simul, nulla namque in Reprobis est Prædestinatio ad gloriam. *Secundo* idem de Prædestinatione Sanctorum cap. 10. *Quando promissit Deus Abraham silem Gentium, &c. Non de nostræ voluntatis potestate, sed de sua Prædestinatione promissit;* Sed non promissit tantum fidem, quæ datur solis Prædestinatis ad gloriam, sed etiam illis, qui ex eodem genere Abraham non sunt Prædestinati: & consequenter ibi sanctus Augustinus admittit Prædestinationem incompletam ad gratiam. *Tertio* sanctus Augustinus duplicem agnovit hominum discretionem; unam ad solam gratiam, alteram verò ad gratiam, & gloriam: Ergo & duplicem agnovit Præ-

stinationem, unam incompletam ad solam gratiam; alteram verò completam, ad gratiam simul, & ad gloriam. Consequenter clara est, quia discretio, & prædestinationis apud sanctum Augustinum idem sonant.

Probat antecedens ex lib. de Bono perseverantiae cap. 9. ubi loquens de non perseverantibus, adeoque de non Prædestinatis ad gloriam, ait, *Secundum hoc, id est secundum silem, & justitiam, erant ex nobis; verumtamen secundum aliam quandam discretionem non erant ex nobis; nam si fuissent ex nobis, mansissent utique nobiscum.* Quid est hoc secundum aliam quandam discretionem, non erant ex nobis, nisi secundum distinctam discretionem, qua Reprobis feceruntur à Prædestinatis? adeoque datur duplex discretio, cùm detur alia quam ea, quæ sit perseverantium, & salvandorum: Sed ea non potest esse nisi prædestinatio incompleta ad gratiam, sive ad fidem, justitiamque Christianam: Ergo falsum est quod secundum sanctum Augustinum nulla detur alia Prædestinatio quam ea quæ est ad gratiam, & gloriam simul.

Quarto denique, idipsum constat ex pluribus locis ejusdem sancti Doctores, maxime verò ex laudato libro cap. 17. ubi clarè loquitur de prædestinato incompleto, seu ad aliquam gratiam, abstrahendo à gloria; ait enim ille, *Quem Deus cassum futurum prædestinavit, quomodo id incertum habent, non ideo non agit ut cassus sit, quoniam Dei dono se audit futurum, quod credit.* Et infra, quod ego dixi de Castitate, hoc de Fide, hoc de Pietate, de Charitate, &c. veracissimè dici potest: Sed Prædestinatio ad has virtutes, quæ comitantur gratiam, est tantum incompleta: Ergo reverà sanctus Augustinus duplicem agnovit Prædestinationem, nimirum completam ad gratiam, & gloriam simul, & incompletam ad gratiam solum; idem affirmat disertè libro de Prædestinatione Sanctorum cap. 6. 9. 15. & 19.

Obijciunt: 2. Eundem S. Augustinum libro de Bono perseverantiae cap. 18. ubi sic ait, *Ex duobus itaque parvulis originali peccato obstrictis, cur iste assumatur, & ille relinquitur? & ex istis duobus jam grandibus impulsus cur iste ita vocetur, ut vocantem sequatur, ille autem aut non vocetur, aut non ita vocetur, ut vocantem sequatur, inscrutabilia sunt iudicia Dei.* Ex duobus autem piis, cur huic donatur perseverantia usque in finem,

illi autem non doneatur, inferabilius sunt iudicia Dei. Quibus verbis D. August. videtur insinuate id ex eo provenire, quod alter sit electus, alter non electus ad vitam; quod aperte docet verbis sequentibus cum ait. *Illud tamen fidelibus debet esse certissimum hunc esse ex Prædestinatis, illum non esse: Nam si fuissent ex nobis, ait unus Prædestinatorum, qui de pectore Domini biberat hoc secretum, manifestum utique nobiscum.*

Deinde querit quid sit illud: *Non erant ex nobis:* Et tandem respondet. *Non erant ex eis qui non erant secundum propositum vocati, non erant in Christo Electi ante mundi constitutionem, non erant in eo sortem consecuti, non erant Prædestinati secundum propositum ejus, qui universa operatur.* Quibus verbis S. Augustinus docet rationem illius vocationis, vel non vocationis repetendam esse ab Electione, vel non Electione ad gloriam: Ergo reverà sanctus Augustinus contendit Electionem, seu Prædestinationem ad gloriam esse causam meritorum, non verò merita supponere.

Nego consequentiam: Contrarium enim ex ipsometextu evincitur: nam vel sanctus Augustinus scivit Prædestinationem ad gloriam esse causam concessionis, aut negationis gratiæ efficacis, & perseverantiæ; vel nescivit: Si scivit, cur dicit illa esse inferutabilia, cum rationem illorum ipse teneat; illud enim non est inferutabile cujus causa non latet? Si nescivit, cur ergo eum tanta certitudine affirmat Prædestinationem ad gloriam esse causam cur unus vocetur, alius verò non? Cum ergo in hoc aperta sit contradictio, certo certius est eam non Augustino, sed Adversariorum falsæ interpretationi esse tribuendam: Unde merito S. Bonaventura in 1. dist. 41. q. 2. si, inquit, non esset alia ratio, quare istum Deus elegit, & non illum, nisi quia ita Deo placet, certè jam non occulta diceretur divina iudicia, sed manifesta; cum quilibet hanc rationem capiat; nec diceretur irreverabilia, sed potius voluntaria.

Dicit: Eandem ex nostra sententia suboriri difficultatem, hæc nempe reddi posset ratio, cur hic Parvulus non baptizetur, & iste Pius non perferret; nempe parentum negligentiam, & inconstantem hominis voluntatem: Ergo ex nostra sententia Mysterium hoc non foret inferutabile.

Dico equidem nonnullas proferri posse *Frasen Theol.* Tom. II.

rationes, cur ex duobus parvulis alteri procurretur baptismus, alteri verò non, nempe communis rerum cursusquem Deus imputare non vult nec renetur: parentum impietas, vel pias, qua Deus movetur ad conferendam gratiam baptismatis, vel negandam, non impediendo rerum seriem, & cursum. Similiter proferri posset aliqua ratio ex parte eorum, qui convertuntur; nempe quia voluerunt consentire vocationi, & auxiliis collatis ad perseverandum. Verum S. August. noluit ad eas rationes proferendas animum adicere, quò facilius proscriberet errorem Pelagianorum, qui discrimen inter vocatum, & non vocatum repetebant ex parte Adultorum in bonum usum liberi arbitrii; Ex parte verò infantium in bona illorum opera conditionatè futura, si diutius vixissent. Totum ergo Prædestinationis arcanum in gratia vocationis situm est, quapropter

Respondet 2. S. Augustinus ibi non agere de Prædestinatione ad gloriam sed ad fidem, & ad perseverantiam, nihilquæ aliud intendit quàm quòd vocatō efficax ad fidem, & ad perseverantiam sit donum Dei merè gratis concessum; & idcirco inferutabile esse cur huic conferatur gratia efficax ad fidem, illi verò non; cur huic detur perseverantia, non verò illi: Cum enim collatio, & intentio conferendi gratiam sit Deo merè voluntaria; ideo nullus illius causam detegere potest, quis enim novit sensum Domini? Cuius tamen subdit, illud tamen debet esse certissimum quòd hic cui dat fidem, & perseverantiam, est ex prædestinatis, ille autem cui has non dat, non est ex prædestinatis; per hæc non reddit rationem præcedentium, sed tantum in illa incertitudine, & ignorance causæ præcedentium asserit id, quod est certum, scilicet quòd causa illa qualis cumque sit, & quæ nobis est incognita, se teneat ex parte Dei, & non ex parte solius humani arbitrii, ut volebant Pelagiani; nam esse prædestinatum, & esse ex Deo idem est apud Augustinum.

Obijciunt: 3. S. August. lib. de Gratia, & libero arbitrio cap. 9. ubi exponens hæc verba Apostoli, *Gratia Dei vita æterna*, ita ponderat, *cum possit dicere Apostolus, & rectè dicere, Stipendium iustitiæ vitæ æternæ, maluit dicere, gratia autem Dei vitæ æternæ, ut hunc intelligeremus non pro meritis nostris Deum nos ad æternam vitam, sed pro sua* S. misse

miseratione perducere: Quo aperte designat nostra non attendere opera in decernenda prædestinatione. *Insuper eandem gratuitam Prædestinationem aperte docet lib. 3. Soliloq. cap. 28. ubi Deum alloquens ait: Mundas autem de nobis filius hominum eos in quibus tibi complacuit habitare, quos ab inaccessibilibus profundis secretis iudiciorum in comprehensibilium sapientie tue, semper iustorum, licet occultorum, sine eorum meritis prædestinasti ante mundum, vocasti de mundo, iustificasti in mundo, & magnificasti eos post mundum.*

Respondeo ad r. S. Aug. Idcirco vitam æternam gratiam appellare, quia ut supra dicebamus ex S. Fulgentio, illam consequi non possumus naturæ viribus, sed per opera gratiæ beneficio elicitæ: Inde S. August. merito ait, *Non pro meritis nostris Deum nos ad æternam vitam, sed pro sua miseratione perducere*; quia nempe merita nostra nulla sunt nisi à gratia Dei simul, & libero arbitrio procedant; Quod autem sit hæc genuina S. Aug. sententia, liquet ex verbis; nam si omnino merita etiam à gratia provenientia censeret non deservire ad Prædestinationem, etiam assereret illa non prodesset ad vitæ æternæ consecutionem; magis enim loquitur de assecutione actuali, quam de destinatione ad gloriam; sed consequens illud est hæreticum, adeoque non illa fuit ipsius sententia.

Ad secundum dico S. Aug. duos tantum *Soliloquior. libros* edidisse ut ipse memorat lib. 1. Retractionum cap. 4. quocirca Doctores Lovanienses merito hunc 3. *Soliloq. lib.* unde præfata sententia desumpta est, inter opera falsò S. Aug. adscripta reponendum esse iudicant. *Adde* quod etiam si quæ esset huic lib. danda fides, nihilominus Adversariis non faveret; agitenim tantum de Prædestinatione ad munditiam, seu gratiam sanctificantem, non verò ad gloriam. *Denique* etsi loqueretur de prædestinatione ad gloriam, non esset intelligendus de prædestinatione ad gloriam solam; sed de prædestinatione quæ simul gratiam, & gloriam involvit, ut dictum est in 3. Notabili.

Obijciunt 4. Sententia S. August. in materia de Gratia, & Prædestinatione erat omnino diversa, & totaliter opposita doctrinæ Fausti Regienfis Galliarum Episcopi, & Semi-pelagianorum antesignani: Sed Faustus ille in duobus libris editis de Gra-

tia, & libero arbitrio assererebat Prædestinationem fieri ex prævisis meritis etiam cum gratia elicitis: Inde S. Augustinum, suppresso tamen illius nomine, tamquam Manichæum, & Gentilitiz superstitionis rem calumniatur, propterea quod contrarium assereret: Ergo reverà S. Aug. docuit Prædestinationem fieri ante prævisa merita. Probat *minor* ex lib. 2. ipsius Faustii c. 6. ubi exponens hæc verba Apostoli, *Non ex operibus, sed ex vocante dictum est, Jacob dilexi, Eam autem odio habui*, sic ait: His verbis hoc vult intelligi Gentilitiz superstitionis impietas, quod Deus absque ullo inter bonum, & malum Moderatoris examine, non ordine regentis, sed iure damnantis, illum affectu dignum reddat, hunc odio illum recipiat studio, hunc excludat imperio, &c.

Distinguo minorem: Faustus docebat Prædestinationem supponere præscientiam meritum provenientium ex prævia dispositione solius liberi arbitrii, concedo: provenientium ex gratiæ adiutorio per exclusionem talis dispositionis quam appellabant initium fidei, nego: Itaque S. August. merito adversabatur sententiæ Faustii Regienfis, & Semi-pelagianorum, qui volebant opera gratiam præcedentia esse rationem cur aliqui vocarentur, alii verò negligerentur, quos expugnat, & impugnat affirmans illam vocationem ad gratiam esse merè gratuitam. Unde solim ipsi lis erat cum Semi-pelagianis de vocatione ad gratiam, non verò ad gloriam: Similiter de operibus sola liberi arbitrii virtute elicitis, non verò de operibus, quæ sunt dependentes ab auxilio gratiæ.

Insunt: Plures ex Massiliensibus contra quos agit S. Aug. assererebant electionem ad gloriam esse ex prævisis meritis gratiæ: Ergo nulla solutio. Patet *antecedens* ex Epist. S. Prosperi ad August. ubi sic habet. „ Hæc ipsorum (scilicet Massiliensium) definitio, acque professio est, omnem quidem hominem Adamo peccante peccasse, & neminem propter opera sua, sed per Dei gratiam regeneratione salvari. Qui autem credituri sunt, qui-ve in ea fide, quæ per Dei gratiam fit servanda mansuri, præscisse ante mundi constitutionem Deum, & eos prædestinasse in Regnum suum quos gratis vocatos, dignos futuros electione, & de hac

„ hac vita sine bono discessuros esse præ-
viderit: Ergo non omnes Semipelagiani pro causa electionis ad gloriam opera naturæ constituebant; sed aliqui opera prævisa ex gratia, ac proinde Aug. contra illos disputans, utrumque impugnat.

Respondeo e quidem nonnullos Semipelagianos in ea fuisse sententia, quod Deus solum eos prædestinaret, quos gratis vocatos, dignos fore per suum consensum, & sua opera regni æterni prævidebat: at nego idcirco ab August. fuisse reprehensos, non enim mota fuit Aug. inter, & Semipelagianos controversia de electione ad gloriam, sed ad gratiam, ut videre est in libris de Prædestinatione Sanctorum, & de bono perseverantiz, in quibus totus est in assignanda, & astruenda prædestinatione ad gratiam ex pura Dei misericordia proveniente, non autem ex aliqua præparatione ex parte liberi arbitrii, quod ut facilius percipias,

Observandum est Massilienses duplicem passos esse difficultatem circa doctrinam S. Augustini, unam quidem realem, & veram, aliam verò imaginariam, & fictitiam: Prior subieciatur ex ipsamet doctrina de Prædestinatione, & Gratia, quæ tam altum, tamque abstrusum mysterium complectitur, ut ipsemet Augustinus merito dixerit de Gratia Christi cap. 47. *Ista questio, inquit, ubi de arbitrio voluntatis, & Dei gratia disputatur, ita est ad discernendum difficilis, ut quando defenditur liberum arbitrium, negari Dei gratia videatur; quando autem asseritur Dei gratia, liberum arbitrium putetur auferri*: Inde factum est quod ipsemet Augustinus priusquam hanc questionem accuratius ventilasset, versaretur in eodem errore Massiliensium, putans initium fidei esse ab homine, & non à Deo, & meritis humanis retribui, non verò gratis concedi; ut ipsemet ingenuè fateatur lib. de Prædestinatione Sanctorum cap. 3. *Nec enim, inquit, fidem putabam Dei gratia proveniri, ut per illam nobis daretur, quod posceremus ulditer, nisi quia credere non possumus si præcederet præconium voluntatis: Ut autem prædicato nobis Evangelio consentiremus, nostrum esse proprium, & nobis ex nobis esse arbitrabar; quem meum errorem, nonnulla opuscula mea satis indicant ante Episcopatum meum &c.* Quo circa mirum non est si Semipelagiani vanæ hominum Philosophiæ, & doctrinæ nimium dedici, & liberi arbitrii af-

sertores, etiam exorbitaverint, & vix adduci potuerint, ut assererent liberum arbitrium nihil absque Dei gratia moliri posse.

Secunda verò Massiliensium difficultas erat omnino imaginaria, cò quod perperam interpretantes verba sancti Augustini de gratia proveniente, & de do no perseverantiz, fingebant S. Augustinum per illa dona efficaciam, & à solo Deo dependentiam, fatalem quandam necessitatem inducere, omnemque adimere liberi arbitrii facultatem, cum tamen ipsemet S. Augustinus loqueretur solum de necessitate extrinseca, & consequente, qua res dum est, non potest non esse: unde certa erat, & infallibilis rerum præscientia, & futuritio. Nec enim sumebat perseverantiam pro habitu infallibiliter moventem, & inclinante hominem ad continuandum infallibiliter, & immobiliter in gratia: Ita quod posita illa gratia cum ea diu vivere posset homo, non posset autem cum ea à virtute deviare, ut isti errantes imaginabantur. Sed gratiam perseverantiz usurpabat pro illo instanti mortis contingenti in statu gratiæ; ita quod habere gratiam perseverantiz in mente sancti Augustini, nihil aliud esset quam mori in statu gratiæ sanctificantis: Unde ipsos errantes ridet lib. de Bono persever. cap. 6. *Noluit ut scribitis isti Fratres ita banc perseverantiam prædicari, ut non vel suppliciter emereri, vel admitti contumaciter possis; ubi quid dicant parum diligenter attendunt: de illa enim perseverantia loquimur qua perseveratur usque in finem, quæ si data est, perseveratum est usque in finem; Si autem non est perseveratum usque in finem, non est data ... Non itaque dicant homines perseverantiam cuiquam datam usque in finem, nisi cum ipse venerit finis, & perseverasse, cui data est, repertus fuerit usque in finem, &c.* Quibus aptè dicit gratiam perseverantiz non esse aliquem habitum infallibiliter moventem voluntatem ad perseverandum in gratia usque in finem, sed ipsamet gratiam sanctificantem, in qua reperitur prædestinatus in instanti mortis.

Obijciunt S. Sanctum Augustinum affirmantem pluribi, maxime verò in Epistola 105. & in libris de Correctione, & Gratia cap. 8. nec non in libro de Prædestinatione Sanctorum, idem judicandum esse de Adultis, ac de Parvulis ante rationis usum, & post susceptum Baptisma ex hac

vita migrantibus: sed Parvuli non prædestinantur ratione præviſorum meritorum, quippe cum non ſint præditi uſu liberi arbitrii, nec proinde meriti proprii capaces: Ergo nec ita prædeſtinantur Adulti. Major patebit legenti prænominatos libros: Mimer etiam per ſe eſt evidens, eamque eleganter inculcat ſanctus Fulgentius libro de Incarnatione, & Gratia Chriſti cap. 30. ubi gratuitam Adultorum electionem exemplo gratuitæ electionis Parvulorum colligens, ait; *Ut prolificitate viſantes omittamus alia, quæ poſunt pro veritate fidei huic prævia ſententia replicari: interim teſtimonio confundantur, & convincantur, non loquentium hominum, ſed tacentium parvulorum in quibus ad evacuandam ſapientiam verbimul-tum reſplendet virtus Chriſti, quæ gratis in omnibus hominibus propria utentibus voluntate eandem ſalutem à ſe eſtendi fieri, quam in infantibus nullam voluntatem habentibus dignatur operari: In eis namque, nec bona voluntas eſt, ut æquum ſit in volentibus præmiũ, nec mala ut ſit in nolentibus juſta damnatio. Si ergo ad ſalvandos homines ſicut iſti volunt, non excitat, neque mutat, ſed expectat hominum voluntates: Quomodo infantibus, qui baptizantur, & in eadem infantia moriuntur, dat æternam ſalutem quorum bonam nec expectat, nec invenit voluntatem? Concludit ergo infantium exemplo etiam adultorum ſalutem à Deo fieri, non expectatam, neque inventam eorum voluntate; ſed potiùs Deum ad ſalvandos illos excitare, & mutare eorum voluntatem, ut loquitur, ita ut prior ſit intentio ſalvandi, indeque oriatur voluntas excitandi, & mutandi eorum voluntatem, ac tum demum hujusmodi voluntatis bonum opus inveniat, ſeu prævideatur à Deo.*

Reſponſo 1. S. Auguſtinum, & Proſperum intelligendos eſſe de operibus ſola liberi arbitrii virtute elicitis, ut liquet tum ex verbis, tum ex libris laudatis; ſiquidem res iſtis ſanctis Patribus erat cum Pelagianis, & Semi pelagianis, qui hominum electionem ad fidem, gratiam, & gloriam volebant refundi in opera viribus naturæ elicta; quorum errorem, ut proſcribant gratiæ Defenſores, & Aſſertores, eos urgent exemplo parvulorum, quorum aliqui ſuſcepto baptiſmate vitam æternam conſequuntur; alii verò baptiſmo negato reproban-tur, abſque aliquo merito actuali ab iſtis repetendo. Quod autem præſta-

ti ſancti Patres, exinde tantum colligant gratuitam eſſe hominum adultorum electionem ad fidem, & gratiam, nullamque mentionem faciendæ electione ad gloriam, patet ex ipſo S. Fulgentio, qui ibidem ita ſubdit: Igitur quia Deum juſtum, bonumque Catholica veraciter credi, & conſiteor Eccleſia, certiffimè credendum eſt, & fiducialiter conſidendum unam, eandemque Dei gratiam in maioribus ſalvandis operari bone voluntatis iniſium, quæ in parvulis ſine voluntate operatur ſalvationis effectum. Ipſa gratia infantes neque volentes, neque nolentes redimit, quæ majores illuminando volentes ex-nolentibus, & hoc in parvulis ſalutis opus ſine propriæ voluntatis aſſenſu gratia Dei operante perſecitur, quod bone voluntatis exordio divinitus dato in maioribus inchoatur, ut opere ſolius gratiæ voluntas, quæ mala fuit, bona fiat, & deinceps gratiæ ſecum operanti ſervitium obedi-tiæ cooperatricis exhibeat. Quibus aperte conſtat eum ſolum agere de vocatione ad gratiam; unde ſubdit, Sicut Deus crudelis non eſt in infantibus dammandis; quibus baptiſmatis beneficium non tribuit; ſi injuſtus non eſt in maioribus cum bonam non donat voluntatem; & ſicut illos voluntas ſua mala, ſic iſtos jure puniri facit origo damnata, &c.

Reſponſo 2. Infantes quidem ſuſcepto baptiſmate ex hac vita migrantes prædeſtinari ſine ulla quidem præviſione operum, & meritorum priorum; Prædeſtinari autem ex meritis Chriſti, qui Baptiſmum inſtituere voluit, & proprio ſuo ſanguine virtutem remittendi peccata iſti conferre, ut ſalubriter applicaretur in remedium peccati tam infantulis, quam adultis, ut quæſtione ſequenti demonſtrabimus.

Objeiunt 6. Evidentiùs detegi non po-teſt, quæ fuerit genuina ſancti Auguſtini ſententia, quam ex ejus Diſcipulis; ſed ex his conſtat gratuitam eſſe electionem adultorum ad gloriam: Ergo, &c. Probat minor: Primò ex S. Proſpero cap. 2. ad obſectiones Vincentianas, ubi ait: Quid multi pereunt, pereuntium eſt meritum; quod multi ſalvantur, ſalvatoris eſt donum, & ad excerpta Genuentium cap. 6. de gratuita hominum electione diſſerens, ait: Hec omnia ſi non reſtè dicta ſunt inſcrutabilia ſunt judicia Dei, & in-veſtigabiles viæ ejus, nec oculum eſt quare ille potius, quam ille ſalvatur; & in ſe non in Domino gloriabitur, qui aliis vitæ ſuo pereuntibus, electione dignus inventus eſt, &c. ſic

justitia quidem erit, quod plurimi damnantur, sed non erit gratia, quod plurimi liberantur. Absit hoc à catholicis cordibus, absit talis impietas, ut quemquam putemus meritis suis erui de potestate tenebrarum, & in regnum Filii Dei debita non gratuita adoptione transferri: Et infra, De universo genere hominum salvat innumeros non secundum opera nostra, sed secundum propositum suum, & gratiam, quæ data est nobis in Christo Jesu ante tempora æterna. Secundò ex Fulgentio lib. 1. ad Monimum cap. 13. Potuit, inquit, sicut voluit prædestinare quosdam ad gloriam, quosdam ad penam: sed quos prædestinavit ad gloriam, prædestinavit ad justitiam, quos autem prædestinavit ad penam, non prædestinavit ad culpam. Quibus cum opponat Prædestinationem Reprobationi in hoc, quod illa sit gratuita, hæc autem ex justitia, consequens est ipsum censuisse Prædestinationem ad gloriam non esse ex prævisis meritis: Idipsum confirmat de veritate Prædestinationis, & Gratiz pluribus. Tertiò denique ex S. Bernardo, qui sermone in illud Sapientiz 10. *Justum deduxit Dominus per vias rectas, & ostendit illi regnum Dei, ait; Regnum Dei conceditur, promittitur, ostenditur, percipitur: Conceditur in Prædestinatione, promittitur in vocatione, ostenditur in justificatione, in glorificatione percipitur In Prædestinatione est gratia, in vocatione potentia, in justificatione laetitia, in magnificatione est gloria.* Ubi cum ait, in Prædestinatione esse Dei gratiam, intelligit gratuitam electionem: Ergo non ex prævisis meritis.

Respondet, ex illis omnibus sententiis solum inferri, quod homines non seligantur ex operibus naturæ viribus elicitis, sed gratiz beneficio factis, quocirca meritò gratuita dicitur electio, quia gratia, quæ est principium illorum operum, gratis conceditur à Deo, qui ipsam largitur, quibus, & quando cult. Unde idcirco non incongruè S. Bernardus eam gratuitam electionem appellat, quia fit tantum ex prævisis operibus in gratia, & à gratia elicitis,

Solvuntur objectiones ex Theologica ratione,

Objiciunt 1. Autoritatem, & rationem Subtilis Doctoris, qui in 1. dist. 41. qu. unica, numer. 11. Contrariam sententiam amplectitur, eamque firmat hoc argumento: Omnis ordinatè volens prius *Fraffen Theol. Tom. II.*

vult finem, quàm media ad finem: sed Deus ordinatè vult: ergo prius vult finem, quàm media ad illum: At gloria est finis, & merita sunt media ad illam conducentia: Ergo Deus prius vult gloriam quàm merita, & consequenter electio ad gloriam non potest esse ex prævisione meritorum.

Respondet: Nego consequ. & ad auctoritatem Doctoris respondeo ipsam nobis ad stipulari. Cum enim Doctor ibidem præsentem quæstionem singulari genti sui subtilitate utrinque librasset, diversisque de ea sententias expendisset; tandem concludit his verbis: *De istis opinionibus, quia Apostolus videtur disputare de ista materia ad Rom. in fine, quasi totum imperferibile relinquere, O altitudo, inquit, divitiarum Sapientiz, & Scientiz Dei: & quis novit sensum Domini, aut quis consiliarius ejus fuit? Ideo ne scrutando de profundo, secundum dictum Magistri, eatur in profundum, eligatur, quæ magis placeat, dum tamen salvetur libertas divina, sine aliqua injustitia, & alia quæ salvanda sunt circa Deum, ut liberaliter eligentem, & qui aliam opinionem tenuerit, respondeat ad ea, quæ ista sunt contra eam.* Quibus aperte significat nostram Conclusionem esse probabilem, omniaque in illam objecta posse dilui.

Secus autem sentire videtur de opposita sententia. Cum enim videret eam maximis undique scatere difficultatibus, quarum aliquas solvebat niteatur, ipsam quidem probabilem affirmat: *Dum tamen, inquit, salvetur libertas divina sine aliqua injustitia, & alia salventur, quæ salvanda sunt circa Deum, ut liberaliter eligentem:* quæ duo sanè vix salvari possunt in opposita sententia; maximam quippe contra liberatam, justitiamque divinam Deo necessitatem antecedentem imponit providendi, & studendi, ne electi finaliter à gratia excident: Similiter, ut non electi, quantumvis justis, perfecti, & innocentes fiant per bona opera, & Ecclesiz Sacramenta: nihilominus tandem labantur in peccatum, in illoque statu moriantur, & in æternum pereant, quod sanè durissimum videtur, & divinæ libertati, justitizque valde injurium. Vix pariter salvari possit summa Dei libertas, & benignitas in eligendo; ut quid enim, cum omnes, aut tamen plures eligere possint, tam paucos seligit, & innumeros perire modum petendo delectavit, idque ca. 10

& sola ipsius voluntate: & nulla in eligendis supposita minima diversitate; quæ omnia absurda non sequuntur ex nostra sententia, adeoque non leve indicium est illam Doctori Subtili magis placuisse.

Ad rationem. Respondeo primò: Hoc argumentum nimis probare, nedum enim suadet Prædestinationem esse factam ante prævisa merita; sed etiam quòd aliter fieri non potuerit, cum enim Deus inordinatè nihil velle possit, quia sapientissimus est: Consequens est quòd si ut ordinatè vellet, prius velle deberet nostram justificationem, quàm nostram meritum, non posset, etiam de potentia absoluta, velle prius meritum, quàm glorificationem, quòd plane absurdum est, ut fateretur etiam ipsi Adversarii.

Secundò. Respondeo maiorem esse tantum veram respectu proprii finis, & non alieni: Potest quis v.g. velle prius victoriam à milite consequendam, quàm præmium ipsi largiendum, licet victoria non sit finis ipsius militis, sed præmium: Itaque cum glorificatio nostra non sit finis Dei, sed nostri, nec merita nostra sint media respectu Dei, sed nostri; non est necesse quòd Deus prius velit glorificationem nostram quàm nostram meritum, sed rectè, & ordinatè velle potest merita, antequam velit glorificationem nostram. *Adde* quòd glorificatio nostra habeat quasi rationem mediæ: Glorificatio autem quasi rationem finis respectu Dei: siquidem ipse nobis gloriam proponit ut ad merita, & opera bona nos provocet.

Respondeo 3. Maiorem esse veram de mediis physicis, non de moralibus, quæ varia sunt respectu vitæ æternæ: Cum enim medium morale non realiter, sed impetratione tantum concurrat ad consecutionem finis; cumque non possit impetratione concurrere, nisi supponatur esse in ejus cognitione, à quo finis est impetrandus, nihil enim movere potest voluntatem nisi sit cognitum, quia nihil volitum quin scitum, adeoque necesse est, ut prius intendatur media moralia, quàm finis per ea consequendus.

Respondeo 4. Distinguendo maiorem: Ordinatè volens prius vult finem quàm media, si finis consideretur absolutè; & sub formalitate rationis, concedo: Ut sic enim quicumque vult finem efficaciter, ab ipso fine movetur, ut etiam efficaciter velit

media ad ipsius assèctionem conducen-
tia, adeoque prius vult finem quàm media si consideretur conditionatè & in ratione præmii, nego. Ut sic enim ordinatè volens, non vult efficaciter dare præmium alicui nisi prævideat antea meritum. Glorificatio autem nostra vocatur merces, corona, & retributio, adeoque nihil mirum si Deus prævideat prius, & velit merita, quàm gloriam.

Inflabis: Deus reverà prius intendit finem, quàm media: Ergo nulla solutio: Probatur antecedens ex sancto Augustino libro de Dono Perseverantiæ cap. 41. ubi agens de Tyrriis, & Sydoniis ait, eos *Credere potuisse si mira illa Christi signa vidissent: sed quoniam, ut crederent, non erat eis datum, etiam unde crederent est negatum:* Quibus verbis indicat Deum prius eligere ad finem: Deindè concedere media, nempe prædicationem, & signa quibus fides comparatur: Unde factum est quòd cum Tyrrii, & Sydonii non essent Prædestinati ad fidem, idcirco non sunt eis concessa media efficacia, ut fidem consequerentur: Ergo, inquit, Deus prius vult finem, quàm media.

Nego consequentiam: Tum quia inductio generalis non fit ex unica specie actus; hic autem unica profertur species prædeterminationis, nempe Prædestinatio ad gratiam, ex qua non licet colligere idem esse dicendum de Prædeterminatione ad gloriam. Tum quia, ubi unum colligitur ex alio comparato, necessum est, ut inter utrumque intercedat aliqua paritas; Nulla autem est paritas inter Prædeterminationem ad fidem, seu gratiam, de qua solum loquitur sanctus Augustinus in objectione, & Prædeterminationem ad gloriam, de qua nunc agimus; illius enim finis est absolutus, quippe cum fides non pendeat à meritis, sed à sola Dei liberalitate; adeoque omnia merita præcedat; Gloria autem est finis conditionatus dependens à meritis: Unde cum repugnet decerni rem aliquam conditionatam, ante prævisionem conditionis futuræ, etiam repugnat Deum velle glorificationem nostram, quæ supponit merita priusquam ipsa merita intendat.

Obijciunt 2. Effectus est posterior sui causa saltem in aliquo signo rationis; sed opera meritoria à Deo volita sunt effectus Prædeterminationis: Ergo illa sunt à Deo volita in posteriori signo rationis, adeoque

que Prædestinatio fit ante prævisam meritam. *Nego minorem* cum Ochamo, Gabriele, sancto Bonaventura, Faventino, Valentia, Isamberto, Josepho Tricassino, & aliis; unicuique enim, & proprius effectus Prædestinationis proprie dictæ, de qua nobis sermo est, est ipsa visio beatifica, & nostra glorificatio; hæc enim nobis conferitur ratione formalis Prædestinationis, quemadmodum S. Augustinus lib. de Prædestinatione Sanctorum cap. 10. loquendo de Prædestinatione ad gratiam ipsam, *Prædestinatio*, inquit, *quæ in bono est, gratia est, ut dixi, preparatio; gratia vero est ipsius Prædestinationis effectus*. ita à simili, dum agimus de Prædestinatione ad gloriam, revera possumus asserere unicuique illius esse proprium effectum, nempe ipsam eternam gloriam, & beatificationem nostram.

Obijciunt 3. Eo modo prædestinatur nostra salus quomodo perseverantia nostra, ab ea namque totaliter, & adæquatè solus pendet, juxta illud Matth. 12. *Qui perseveraverit usque in finem hic salvus erit*. sed perseverantia nostra actualis prædestinatur à Deo, sine ullis meritis, estque gratuitum Dei donum, *Quod quidem aliunde haberi non potest nisi ab eo qui potens est eum qui stat statueret, ut perseveranter stet, & eum, qui cadit, restituere*, inquit Concilium Tridentinum sess. 6. cap. 13. Ergo patet nostra salus, & Prædestinatio ad gloriam æternam ex gratuita Dei voluntate, non verò ex meritis pendet.

Distinguo minorem: Perseverantia nostra est gratuitum Dei donum quod non potest emereri merito de condigno, & ex iustitia, concedo: merito de congruo, imputationis, & decentiæ, nego. Perseverantia namque non ita gratuitum est Dei donum, ut ab illo solo pendeat, sine ulla alia nostra cooperatione libera, qualiter ab eo solo pendent primæ gratiæ vocationis, quas operatur in nobis sine nobis; sed admittit liberam nostram cooperationem ad consentiendum gratiæ, obediendum Dei mandatis, & resistendum omnibus occasionibus mortaliter peccandi; unde gratiam perseverantiæ adæquatè sumptam Deus non prædestinit absolute, & efficaciter absque prævisione nostræ cooperationis, & idcirco neganda est consequentia.

Insuper: Eo modo loquitur S. Augustinus de Prædestinatione ad perseveran-

tiam, quomodo de Prædestinatione ad primam gratiam: sed Prædestinatio ad primam gratiam omne prorsus meritum excludit: Ergo & perseverantiam.

Nego majorem: Verum quidem est ipsum removere quodcumque meritum ad primam gratiam, non sic autem de gratia perseverantiæ: Imò lib. de Bono perseverantiæ cap. 6. illam gratiam posse emereri pronuntiat: *Hoc ergo Dei donum*, inquit, *suppliciter emereri potest; sed cum datum fuerit amitti contumaciter non potest*: Unde cap. 16. distinguir gratiam perseverantiæ ab initio fidei, quod hoc Deus gratis concedat: illam verò inter eundem orantibus largiatur: *Cum*, inquit, *conflet Deum alia etiam non orantibus, sicut initium fidei, alia non nisi orantibus præparatæ, sicut usque in finem perseverantiam*. Inde hortatur ad orationem, ut illud perseverantiæ donum possumus assequi, non quidem ex merito iustitiæ, sed ex merito impetrationis, & decentiæ.

Obijciunt 4. Prædestinatio Christi est exemplar nostræ prædestinationis, dicente S. Augustino lib. de bono perseverantiæ c. 23. *Nullum est illius Prædestinationis exemplar, quam ipsemet Salvator qui quis fidelis vult eam bene intelligere, attendat ipsum, atque in illo inveniat se ipsum*: sed Prædestinatio Christi facta fuit omnino gratis, & absque ullis meritis: Ergo & prædestinatio nostra.

Distinguo majorem: Prædestinatio Christi est exemplar nostræ Prædestinationis ad gratiam, concedo: ad gloriam, nego: & similiter distincta minore, Nego consequentiam, nec enim aliud intendit Augustinus; quod nedum constat ex scopo totius libri qui est de Prædestinatione ad gratiam, & ad donum perseverantiæ; sed maxime ex illo ipsorum. *Capitulum laudato*, ubi, post verba in objectione posita, concludit: *Qui ergo hunc fecit ex semine David dominum nostrum, qui nunquam esset injustus, sine ullo merito præcedentis voluntatis ejus, ipse ex injustis facit iustos sine ullo merito præcedentis voluntatis ipsorum, ut ille Caput, hi membra sint ejus*. *Qui ergo fecit illum hominem sine ullis ejus præcedentibus meritis, nullum, quod ei dimitteretur, vel origine trahere, vel voluntate perpetrare peccatum; ipse nullis eorum præcedentibus meritis facit credentes in eum quibus dimitat omne peccatum &c.* Patet ergo his verbis Augustinum ibi solum agere de prædestinatione ad gratiam.

Obijciunt 5. Deus media quædam efficacia prædestinatis confert, quibus gloriam assequantur, quæ non dat reprobis: Ergo signum est Deum habere voluntatem efficacem conferendi gloriam illis, non istis, antecedenter ad prævisâ ipsorum merita.

Distinguo antecedens: Darquædam media, quæ sunt efficacia ex parte Dei, & ante prævisâ hominis cooperationem, nego: ex parte accipientis, & cooperantis, concedo. Itaque media, seu gratiæ concessæ, tam Prædestinatis, quàm Reprobis, considerari possunt, quatenus à Deo donantur, vel quatenus ab homine suscipiuntur, & applicantur. Priori modo omnes gratiæ sunt efficaces in *abû primo*, quia ex se habent sufficientem vim assequendi suum effectum, si ex parte hominis nulla interveniat oppositio, quæ earum efficacitatem præpediat: Posteriori verò dicuntur efficaces vel inefficaces in *abû secundo*, juxta hominis assensum, vel dissensum, cooperationem, vel repulsam. *Addo*, quod etiam ipsis Reprobis, interdum, efficaciores gratiæ concedantur, quàm Prædestinatis: Judas enim Reprobatorum ille pessimus longè plures, & ampliores gratias accepit, quàm rusticus aliquis qui Dei præcepta servans in statu gratiæ sanctificantis vitam finit, ille tamen damnatur, hic salvatur: Ergo non sequitur Prædestinatos efficaciores habere gratias, quàm Reprobos.

Inslabis: Deus omnibus, & solis Prædestinatis elegit, & confert media efficacia, quatenus efficacia sunt: Ergo media collata Prædestinatis discrepant à mediis collatis Reprobis; sed illud discrimen, aliunde repeti non potest, quàm quia Prædestinati eliguntur ad Regnum ante prævisâ eorum merita, & ante decretum de conferendis efficacibus illis mediis: Ergo reverà Deus eos prædestinat ante prævisâ merita, & idcirco eis confert media differentia ab illis quæ prædestinatis tribuuntur.

Respondeo 1. Negando majorem, alioquin sequeretur Reprobos idcirco damnari, quia Deus ipsis media sufficientia denegasset, sicque ipsorum damnatio non prævisâ eorum operibus, sed absoluto Dei decreto esset tribuenda, quod Calvinismus sapit.

Resp. 2. Distinguendo ipsam majorem, Deus seligit, & discernit media prædestinatis, ut efficacia sunt, nego: ut apta sunt, & sufficientia ad finem consequendum,

concedo. Itaque quòd illa media sint efficacia, & effectum habitura pender ab eventu, & libera cooperatione hominis; quem quidem eventum prævidit, & approbavit Deus, cum eligeret ipsa media, sed non elegit quia prævidit habitura effectum, quasi illa media non seligeret, nisi essent habitura effectum; Sicut ex opposito non elegit Reprobis media inefficacia, quatenus inefficacia sunt, licet ex prava hominis libertate, & voluntate ea fore inefficacia præviderit, & permittere decreverit: sed elegit ut bona, & idonea ad effectum consequendum, si ipsi, quibus hæc media collata sunt, voluissent.

Urgebis: Quamquam Deus non elegerit Reprobis media, quatenus inefficacia, tamen scienter, & liberè elegit media, quæ noverat non esse profutura re ipsa: Unde non minus sequitur necessariò eorum damnatio, quàm si Deus elegisset illa media, quatenus sunt inefficacia: Ergo nostra sententia, non magis tractur, & explicat sincerum Dei amorem erga eorum salutem; quomodo enim sincerè, & ex animo salvare voluisset eos, quibus scienter, & liberè elegit media, quæ noverat ipsis non esse profutura, cum tamen posset æque faciliè eligere media, quæ proderent?

Distinguo antecedens: Deus scienter, & liberè elegit Reprobis media non profutura, ex defectu efficacitatis mediorum, nego: non profutura ex malitia, vel negligentia suscipientium, concedo: Ad sequelam dico, exinde sequitur Damnatio Reproborum, defectu efficacitatis mediorum, nego: defectu negligentie, vel malitiæ ipsorum Reproborum, & statu peccati mortalis, in quo voluntariè moriuntur, concedo: Unde neganda est consequentia; opposita namque sententia refundit eorum damnationem in ipsum Dei decretum antecedens, & excludens virtualiter, aut æquivalenter eos omnes, quos Deus desepxit, seu neglexit ante prævisionem operum, & nulla data occasione ex parte ipsorum, adeoque subsistere nequit cum sincero Dei affectu salvandi homines. Secus autem est de nostra sententia, quæ ipsam Reprobationem refundit in prævisâ ipsorum mala opera, & in abusum gratiæ ac mediorum, non autem in ipsam Dei voluntatem nisi tanulim consequenter ad illam prævisionem.

Obijciunt 6. Deus elegit aliquos eximie prædestinatos ad gloriam vel aliquam dignitatem supernaturalem ante omnem prævisionem futurorum, ut constat de Beata Virgine, sancto Joanne Baptista, Apostolis, & aliis eximie Prædestinatis: Ergo cum similis sit ratio omnium Prædestinatorum, nullumque occurrat motivum excipendi aliquos ab hoc modo eligendi, assumendum est omnes sic esse prædestinatos, ante prævisa merita.

Nego antecedens: Probabilius enim est nullam puram creaturam electam fuisse efficaciter, & absolute ad gloriam, vel dignitatem aliquam, ante prævisa merita, vel conditionem finalem, imò nec Beata Virgo electa fuit, non modo ad gloriam, sed neque etiam ad Maternitatem Dei, sine prævisio ipsius consensu: Unde probabiliter sustinent Theologi ipsam promeritam fuisse divinam hanc suam Maternitatem; quod & indicat Ecclesia, tum in orationcula, *Regina Cæli latere, quia quem mirivisi portare resurrexit.* Nec non, ut *dignum filii tui habitaculum effici mereretur.*

Adde quòd quidquid sit de Beatissima Virgine, cujus privilegia ad nullam aliam puram creaturam extendi possunt, nullatenus evinci potest alios eximie Prædestinatos electos fuisse ante prævisa ipsorum opera; id enim neque Scriptura docet, neque sancti Patres affirmant, neque aliunde efficaciter colligi potest. Quòd enim S. Joannes Baptista, & Apostoli alique viri sanctissimi dicerentur eximie Prædestinati, ad id sufficiebat, quòd Deus amplioribus beneficiis, & donis supernaturalibus eos cumlaret, quibus facilius permanerent in gratia, omneque excluderent occasiones mortaliter peccandi.

Obijciunt 7. Aliqui parvuli rapiuntur statim post Baptismum, alii verò paulò ante susceptum Baptismum etiam adhibita omni diligentia, ut Baptismus eis procuraretur: Unde fit quòd priores ad gloriam prædestinentur, alii verò ad gehennam destinantur: sed hæc fortis diversitas non provenit ab ullis prævisis meritis, aut demeritis: Ergo in solam Prædestinationem meritum est refundenda.

Nego consequentiam: Id enim non est necesse provenire ex tali Electione, & Reprobatione, quæ omnem futurorum prævisionem antecedit, illud enim accidere

potest, vel propter negligentiam, aut malitiam parentum, vel propter rerum ordinem, ita se habentem, ut naturaliter non possit parvulus diutius vivere, nec proinde ad Baptismi gratiam pervenire; Deus autem habet se permissive ad hanc privationem, quia non tenetur invertere communem rerum ordinem impediendam hanc Baptismi receptionem, nec vim inferre voluntati parentum, qui noluerunt Baptismum parvulo conferri: Spectat enim ad sapientem Dei Providentiam, ut sinat res agere secundum naturam suam liberas libere, contingentes contingenter, & non passim miracula facere, subindeque omnia vertere, propter bonum aliquorum particularium.

Unde privatio ista Baptismi à parvulo se habet in ordine supernaturali, quemadmodum monstra in ordine naturali; & sicut mors illius adulti, qui decidit in Amentiam, Apoplexiam, Icthergum, post mortale peccatum. Hæc enim omnia permittit Deus, quia cum sit summus omnium ac sapiens rerum Provisor, non debet immutare rerum ordinem propter aliquod bonum particulare, nisi forte ad id moveatur parentum vel aliorum precibus. Cum autem immutat cursum rerum ordinem propter parentum preces, aut vota; hoc non provenit ex Electione absoluta antecedenti, sed ex prævisione talium precum.

Obijciunt denique: Si Electio ad gloriam facta esset ex prævisis meritis, Mysterium Prædestinationis non esset incomprehensibile; Sed hoc est contra Apostolum exclamantem ad Romanos cap. II. *O Altitudo divitiarum Sapientiæ! & Scientiæ!* Ergo &c. Major patet, mirum enim non videtur, quòd Deus decreverit salvare eos, quos prævidit bene acturos, & damnare alios, quos prævidit male victuros, sicut nemo miratur si videat à iudice puniri noxios, liberari innoxios:

Nego majorem: Quamquam enim Prædestinatio fiat ex prævisis meritis, nihilominus maxima remanet ansa exclamationis propter inscrutabilia Dei judicia. Licet enim omnes vocentur ad gloriam, nihilominus interdum alios vocat vocatione ita congrua, ut respondeant, sicut vocavit Paulum, Magdalenam &c. Alios autem vocat vocatione tantum ordinaria, cui possunt quidem respondere, non tamen

respondent: cut autem diversam hanc adhibeat vocationem, illud omnino est inscrutabile, ut aperte declarat sanctus Augustinus in Enchiridio cap. 95. ubi clare indicat esse aliquas causas cur parvuli, & adulti assumantur ad primam gratiam, aut ab illa excludantur: *Quas*, inquit, *nosce- mus in beatitudine eterna, cum nos lateant in hac vita*: Hinc est quod cum quaerit has causas diversæ Dei vocationis, & administrationis gratiæ, semper recurrit ad inscrutabilia judicia Dei, & non ad meram eius voluntatem, quia nempe ibi supponit esse aliquam causam, sed nobis incognitam.

QUÆSTIO QUARTA.

An, & quomodo hominum Prædestinatio decreta fuerit ex prævisis meritis Christi.

Notandum 1. Prædestinationem considerari posse dupliciter, nimirum quantum ad actum Prædestinantis, vel quantum ad effectum Prædestinationis. Rursus actus Prædestinantis spectari potest bifariam, scilicet vel *Absolute*, & secundum entitatem; vel *Respectuè*, & juxta terminationem extrinsecam ad aliquem effectum Prædestinationis. Similiter Prædestinatio secundum effectum considerari potest, vel secundum ordinem æternæ intentionis, vel secundum ordinem temporalis executionis. Certum est autem Christum Dominum non esse causam nostræ Prædestinationis quoad actum Prædestinantis absolute spectatum, cum enim hic divinus actus secundum entitatem idem omnino sit realiter cum Essentia divina, nullam sui agnoscat causam, physicam, vel moralem, hoc est, nec productivam, nec meritoriam: Solum ergo remanet discutienda Quæstio de illo ipso divino actu Prædestinationis quatenus terminatur ad aliquem effectum ipsius Prædestinationis, nempe ad gratiam vocantem, adjuvantem & sanctificantem, nec non ad gloriam, quæ sola propterea effectus Prædestinationis est.

Notandum 2. Christum Dominum dici posse tripliciter causam nostræ Prædestinationis, nimirum vel *Exemplarem*, quatenus ipsius Prædestinatio est exemplar Prædestinationis nostræ; vel *Finalem*, eo quod Prædestinatio nostra ordinata sit in ipsius gloriam, vel denique *Meritoriam*, ita ut merita Christi fuerint prævisa, & accepta-

ta tanquam rationes Deum moventes ad decernendam nostram Prædestinationem. Certum est autem Christum Dominum esse revera causam exemplarem nostræ Prædestinationis, siquidem Deus *prædestinavit nos conformes fieri imaginis filii sui*, inquit Apostolus ad Rom. 8. Unde sanctus Augustinus, lib. de bono perseverantiæ cap. 24. ait, *Nullum aliud illustrius est Prædestinationis exemplar, quam Christus Jesus*. Certum pariter cum esse causam finalem ipsiusmet nostræ Prædestinationis, siquidem ut Apostolus ait ad I. thess. 1. Deus, *Prædestinavit nos per Jesum Christum in ipsum*, hoc est, *Propter ipsum*: Unde merito Tridentinum sess. 6. c. 7. loquens de justificatione ait, *Hujus justificationis cause sunt, scilicet quidem gloria Dei, & Christi*. Idem autem dicendum videtur de Prædestinatione. Solum itaque restat discutiendum, an revera Christi prævisa merita fuerint causæ moventes Deum ad decernendam nostram Prædestinationem.

Notandum 3. Certum esse Christum Dominum dici causam meritoriam nostræ Prædestinationis, & omnium illius effectuum, quantum ad executionem, id nempe aperte satis indicat sanctus Paulus ad Ephesios cap. 1. dicens, *Benedictus Deus, & Pater Domini nostri Jesu Christi, qui benedixit nos in omni benedictione spirituali in caelestibus in Christo, sicut elegit nos in ipso ante mundi constitutionem, ut essemus sancti, & immaculati in conspectu eius in Chariate*. Quibus completitur effectus Prædestinationis, scilicet gratiam vocantem, adjuvantem, & sanctificantem nobis propter Christum concessam, quod aperte significat dum subdit, *Qui prædestinavit nos in adoptionem Filiorum Dei per Jesum Christum in ipsum*, Id est propter ipsum. Etenim apud Apostolum, plerumque synonyma sunt hæc vocabula, *Per Christum, in Christo, & propter Christum*. Id ipsum clarissime explicat Concil. Trident. sess. 6. cap. 6. his verbis, *Declarat præterea sancta Synodus ipsius justificationis exordium in adultis à Dei per Christum Jesum præveniente gratia sumendum esse, hoc est, ab ejus vocatione, qua nullis eorum existentibus meritis vocantur, &c.* duadetiam aperta ratio: Christi namque merita prævisa fuerunt ante quodcumque donum supernaturali nobis concedendum, est enim *Primogenitus ante omnem Creaturam*: Eccl. 24. adeoque ante illas cum suis meritis, & ope-

operibus saltem in communi prævisus, & consequenter haud dubium est, quin eorum intuitu divinus Pater decreverit omnia media ad salutem, & gloriam æternam consequendam nobis esse conferenda: Nemp̃e ut ab ipso divino Capite facer ille gratia Spiritus in omnes fideles ejus membra exundaret, & efflueret; quod etiam haud obscure indicat sancta Ecclesia, quoties omnia ista munera, & dona à Deo exoptat, & expostulat *Per Jesum Christum Dominum nostrum*. Tantum itaque hic resolvendum superest, an reverà nostra Prædestinatione decreta fuerit ex prævis Christi meritis secundum ordinem intentionis, quocirca sit

CONCLUSIO UNICA.

Christus est causa meritoria nostra Prædestinationis, etiam secundum ordinem intentionis, & electionis. Hæc videtur probabilior.

Probat̃ur primò: Christus quatenus Deus homo, prædestinatus fuit, & prævisus ante prædestinationem cujuslibet Creaturæ: Ergo prævisa illius merita fuerunt rationes moventes Deum ad decernendam nostram Prædestinationem. Consequentia patet; si enim in illo ipso signo æternitatis, in quo Deus Prædestinatos elegit, jam habeat præsentia Christi merita futura, evidens est quòd cum illa merita sint digna quocumque præmio possibili, & Deo Patri offerantur propter hominum salutem, & Prædestinationem, etiam divinum Patrem moveant ad decernendas omnes gratias in tempore hominibus conferendas, quibus, si voluerint, gloriam æternam consequantur.

Probat̃ur antecedens illis omnibus Scripturæ textibus, quibus Christus prævisus dicitur ante quamlibet Creaturam; sic 8. Proverb. *Dominus possedit me in initio viarum suarum*, &c. Ubi septuaginta interpretes vertunt, *Dominus creavit me in initio viarum suarum*; Quæ verba intelligi nequeunt de Christo secundum Divinitatem, utpote quæ creationis est expertus; neque de eratione, & formatione illius temporali secundum executionem, siquidem incarnatio facta est tantum in medio annorum: Uestat ergo, ut intelligantur de formatione ipsius incarnati Verbi secundum æternam destinationem, & prævisionem.

Similiter Joannis 17. Christus ait, *Clarifica me Pater claritate, quam habui apud te, priusquam mundus fieret*. Quibus petit conferri sibi gloriam, quam habuit ante mundum conditum: at non petit gloriam Divinitatis, cum ipsa nunquam caruerit: Ergo humanitatis, quam habuit in divina Prædestinatione ante mundum conditum. Denique ad Coloss. 1. Christus ipse dicitur *Primogenitus omnis Creaturæ*, quod sanè intelligi debet secundum humanitatem: At ita dici non potest Primogenitus, nisi ratione prædestinationis, quatenus nimirum ante omnem Creaturam est prædestinatus: Ergo prædestinatus est, ac prævisus ante quamlibet Creaturam, adeoque ipsius merita Deo præsentia fuerunt ante Prædestinationem ejusque Creaturæ.

Secundò: Scriptura sacra disertè significat omnes gratias, omniaque spiritualia dona nobis in tempore conferenda, decreta fuisse à Deo ab æterno per Christum Jesum: Ergo pariter indicat illius merita fuisse rationes moventes Deum ad decernendam illam donorum cœlestium collationem. Pater antecedens ex laudato jam loco ad Ephesios. *Benedixit nos in omni benedictione (spirituali in cœlestibus in Christo, &c.* Ubi particulæ in Christo, & per Jesum Christum, Christi meritum significant, quæ enim alia fingi posset significatio? quod etiam sequentibus Apostoli verbis clariis explicatur: subdit enim, *In qua gratificavit nos in dilecto Filio suo, in quo habemus redemptionem per sanguinem ejus*: Quibus declarat, illam divinam electionem, qua nos Deus elegit ante mundi constitutionem, & Prædestinavit ad Gratiam, & Gloriam, factam fuisse intuitu meritorum Christi. Id ipsum apertius significat 2. ad Timoth. 1. *Qui nos liberavit, & vocavit vocatione sua sancta, non secundum opera nostra (natura viribus elicit) sed secundum propositum suum, & gratiam, qua data est nobis à Christo Jesu, ante tempora secularia*. Quibus verbis Apostolus significat Deum ab æterno decrevisse gratiam nobis conferendam in Christo, hoc est propter Christum, quod & expressè docet Concilium Tridentinum sess. 6. cap. 4. cum dicit, *Justificationem Impii, hoc est, translationem ab eo statu, in quo homo nascitur filius primi Adam in statum gratiæ, & adoptionis filiorum Dei, fieri per secundum Adam Jesum Christum Salvatorem nostrum*: Hæc enim translatio à statu peccati ad

ad statum Justitiæ, gratiam primò vocantem includit, à qua pendet omne Prædestinationis ædificium: Ergo cum hæc gratiarum dona intuitu meritorum Christi concedenda fuerint ab æterno decreta, ut ibidem indicat Concil. cap. 5. dicens, *Declarat præterea ipſus justificationis exordium in adultis à Dei per Jeſum Chriſtum præveniente gratia ſumendum eſſe*, hoc eſt, ab ejus vocatione, &c. conſequens eſt ipſam etiam Prædeſtinationem nonniſi propter ipſa merita decretam fuiſſe.

Tertiò idipſum ſuadet variò: Deus in tempore nihil quidquam exequitur niſi juxta decretum ab æterno formatum de rebus in tempore faciendis: fed ſatentur omnes gratiam quamlibet, nec-non & gloriam ipſam concedi nobis propter Chriſti merita; Ergo cum gloria, & gratia in tempore concedenda ſit præmium meritorum Chriſti, proſeſſo ab æterno Deus etiam voluit, & diſpoſuit illam concedere ratione talium Chriſti meritorum: Unde fit ut ſoli Chriſto, & meritis euſtanguam cauſæ moventi, & merenti tribui debeat.

Deinde: Prædeſtinatione noſtra, ut fuſe probatum eſt, decreta ſunt ſolium poſt præviſa merita: ſed illa ipſa noſtra merita omninò pendent à gratia per Chriſtum concedenda; Ergo neceſſum fuit prius fuiſſe præviſa Chriſti merita, quàm noſtra prædeſtinatione ſtatuere.

Reponunt Adverſarii hæc omnia quidem eſſe vera ſecundum ordinem executionis, non verò ſecundum ordinem intentionis; ita quòd cum Deus ex ſuo beneplacito elegiſſet omnes ſalvandos ad ſuum quemque gradum, cæteris negativè reprobatis, & illis prædeſtiniſſet omnia opera bona, perfeverantiam, & gratiam congruam in tempore ſuſcipiendam, & exequendam, voluit hoc totum exequi per Chriſti merita.

Contra: Ex illa ſententia ſequitur Chriſtum eſſe merum executorem patrum decretorum, abſque ulla poteſtate conſeſcendi alicui gratiam aliquam majorem, quàm quiſque in tempore reiſp accipit: Non enim poſſet excedere præſcriptum divini decreti, quòd ipſe clarè in Deo conſpicit, & novit ſibi eſſe ſolvendum, & executioni mandandum; ſed hoc pugnare videtur in Scripturam ſacram, quæ ſignificat plenariam Chriſto Domino conceſſam eſſe poteſtatem, nedum in reſtem-

poraneas, & terrenas, ſed etiam cœleſtes, ſpirituales, & æternas: Sic Joann. 23. *ſciens quia Pater dedit ei omnia in manus*: Et Matth. 28. *Data eſt mihi omnis poteſtas in Cælo, & in Terra*: Quomodo autem haberet omnem poteſtatem niſi quia poteſt de omnibus propria autoritate diſponere, maxime verò ea, quæ ſpectant ad hominum ſalutem? Quòd ultra conſirmatur Joannis 5. & 6. cap. ubi Chriſtus ipſe affirmat omnimodam ſibi conceſſam autoritatem viviſicandi, judicandi, & beatiſicandi mortuos; non quidem ratione Divinitatis, qua ita ſupremam habet cum Patre autoritatem, nec opus eſt, ut ei donetur; ſed ratione humanitatis: unde ait: *Dedit ei poteſtatem judicium facere, quia filius hominis eſt*. Nolite mirari hoc, quia venit hora, in qua omnes, qui in monumentis ſunt, audient vocem ejus (Filii hominis) & procedent, qui bonegerunt in reſurrectionem vite, qui verò mala in reſurrectionem Judicii: Et cap. 6. *Ego reſurſcitabo eum in noviſſimo die*: Quibus verbis nedum ſimplex executio, ſed & ſuprema poteſtas Chriſto conceſſa ſignificatur.

Deinde Chriſtus dicitur Caput, & Rex totius Univerſi: Ergo ſicut Caput viviſicat, & regit omnia membra, & Rex terrenus totum ſuum regnum, omneſque ſubditos adminiſtrat, & de ipſorum functionibus, officiis, & ſtatu decernit; ita Chriſtus totum univerſum dirigit, maxime verò in iis, quæ ad ſalutem ſpectant, ſiquidem *Non miſit Deus Filium ſuum in mundum, ut judicaret mundum, ſed ut ſalvetur mundus per ipſum*.

Denique: Ex Doctore in 3. diſt. 13. Chriſti humanitas in tantum extollenda, & dignificanda eſt, quantum dignificari poteſt abſque repugnantia, In commendando enim Chriſto, inquit, malo excedere, quàm deficere à laude ſibi debita, ſi propter ignorantiam oporteat in alterum incidere: Ex quo colligit in Chriſto admittendam eſſe ſummam gratiam creabilem, quòd utique conſirmat per illam ſententiam ſancti Auguſtini de libero arbitrio, *Quidquid tibi vera ratione melius occurrit, jctas hoc Deum magis ſciſſe quàm non ſciſſe* ſ. d. longe magis cedit in Chriſti gloriam, quòd non ſolum executivam, ſed etiam autoritativam habeat poteſtatem in hiis, quæ ſpectant ad hominum ſalutem, illud quæ repugnare nulla ratio ſuadet; adeoque non ſolum ſecundum executionem temporalem, ſed etiam ſecundum æternam præviſionem, & deſtinationem,

netum,

nem, Christus ratione suorum meritorum auctoritatem habuit circa statuendam nostram prædestinationem; conveniebat enim, ut qui gratias omnes ex parte sua promereri debuerat per sua merita, etiam aliquam libertatem haberet in suis meritis applicandis, neque restringeretur ad solam executionem eorum, quæ de tali applicatione ab æterno Patre decreta fuerant.

Dices 1. Deus nos prædestinavit juxta meritum suæ divinæ voluntatis beneplacitum: Ergo non ex Christi meritis. Probatur antecedens, ex laudato loco ad Ephes. 1. *Prædestinavit nos in adoptionem filiorum per Jesum Christum in ipsum, secundum propositum voluntatis suæ in laudem gratiæ suæ.* Quibus significat nos esse Prædestinatos per Christum quantum ad executionem; per propositum autem Dei quantum ad intentionem.

Respondeo non eum esse sensum Apostoli, imò ex eo colligi prædestinationem nostram pendere à meritis Christi etiam secundum intentionem, cum id maxime Christi gloriam, & excellentiam spectet; dicitur autem prædestinatio facta secundum propositum voluntatis, non ut excludat meritum Christi, sed solum ut significant Christum pro illis tantum efficaciter merita sua obtulisse, pro quibus cognoscebat Deum velle, ut ita offerrentur, nam ut loquitur Doctor in 3. dist. 19. n. 6. *Sicut Verbum prævidit passionem Patri offerendam pro prædestinatis, & electis, sic tam efficaciter obtulit in effectum: ita tota Trinitas pro eis passionem efficaciter acceptavit, & pro nullis aliis fuit efficaciter oblata, nec ab æterno acceptata, & ideo tantum meruit eis primam gratiam ordinantem ad gloriam consummatam.*

Dices 2. Prædestinati dati sunt Christo ut eos custodiret, & sanctificaret: Ergo revera non meruit eorum prædestinationem. Patet antecedens ex illo Joan. 17. *Quos dedisti mihi custodire.* Consequencia verò probatur: Omnis donatio est gratuita, nec supponit merita, inde sanctus Augustinus colligit primam gratiam, & fidem non concedi propter merita, sed gratis donari.

Nego consequentiam, & ad ejus probationem dico donationem esse gratuitam respectu ejus, cui fit donatio, concedo: Respectu illius propter quem fit donatio, nego: Sic Apostolus ad Ephes. 2. ait, *Gratia estis salvati per fidem, & hæc non ex vobis, Dei enim donum est:* Et tamen sancti Pa-

tres, nec-non & Concilium Tridentinum suprâ laudatum affirmant gratiam vocationis, nec-non & fidem ipsam nobis concedi propter Christi merita, & consequenter donatio aliqua potest esse simul gratuita respectu illius, cui fit, licet iustitiam aliquam supponat ratione illius propter quem fit.

Dices 3. Si Christus meruisset prædestinationem, potuisset illam conferre ex propria sua auctoritate: sed falsum consequens: Ergo & antecedens. Probatur sequela ex illo Math. 21. *Sedere ad dexteram meam, vel sinistram non est meum dare vobis, sed quibus paratum est à Patre meo.*

Nego sequelam: Etenim, ut diximus, ea verba solum significant regnum æternum non esse conferendum titulo consanguinitatis, sed tantum ratione meriti. Unde Christus non excludit suam auctoritatem circa collationem æternæ gloriæ, imò illam statuit, ut patet ex illo Lucæ 22. *Dispono vobis regnum sicut disposui mihi Pater.*

Dices 4. Deus non ex mera charitate prædestinavit, & elegit: Ergo non ex prævisis Christi meritis. Probatur antecedens ex illo Rom. 5. *Commendat autem charitatem suam Deus in nobis, quia cum adhuc peccatores essemus, secundum tempus Christus pro nobis mortuus est.*

Nego antecedens, & ad ejus probationem dico Apostolum ibi non agere de prædestinatione ad gloriam, sed de decreto Incarnationis Christi, quæ ex mera Dei liberalitate pendet, nullis namque præcedentibus meritis, vel Christi, vel aliorum, Deus moveri potuit ad decernendam Incarnationem; sed illam gratuito, & ex pura Charitate, ac Misericordia suam decrevit.

Obicies 5. Doctorem in 3. dist. 19. nu. 6. ubi probans Christum esse prius prædestinatum quam alios, hunc statuit prædestinationis ordinem, Tunc, inquit, *iste fuit ordo in prævisione divina. Primo enim Deus intellexit se sub ratione summi boni. In secundo signo intellexit omnes alias creaturas. In tertio prædestinavit eos ad gloriam, & gratiam, & circa alios habuit ætatem negativam non prædestinando. In quarto prævidit illos casuros in Adam. In quinto præordinavit, sive prævidit de remedia quomodo redimerentur per passionem filii: Itaque Christus in carne sicut & omnes Electi, prius prævidebat: & prædestinabatur ad gratiam, & gloriam, quam prævideretur passio Christi, ut Medicina contra la-*

*lapsus, sicut Medicus prius vult sanientem hominis quam ordinet de Medicina ad sanandum. Ergo censet Doctor prius homines fuisse prædestinatos, quam prævisa fuerint Christi merita, quod confirmat subiiciens, Si-
cut prius prædestinantur electi, quam passio Christi prævideatur ut remedium contralapsu-
corum, ita tota Trinitas prius ordinavit prædestinatos, & electos ad gratiam, & gloriam finalem quantum ad efficaciam, quam prævi-
derit Christi passionem tanquam Medicinam ac-
ceptandam pro electis cadentibus in Adam, prius prædestinatos ad gloriam finalem.*

Respondet Doctorum esse intelligendum de prædestinatione secundum ordinem Executionis, & quatenus de facto impletur in tempore; non verò secundum ordinem Intentionis, & qualiter ab æterno decreta fuit; alioquin sibi ipsi contradiceret, docet enim Christum esse primum prædestinatum, Christi, inquit, incarnatio non fuit occasionaliter prævisa, sed sicut finis immediatè videbatur ab eo ab æterno; sicque Christus in natura humana, cum sit propinquior fini cæteris prius prædestinabatur. Ergo revera non intendit Christi merita fuisse tantum prævisa in quinto signo secundum intentionem, sed secundum executionem, alioquin ipsius Incarnatio fuisset decreta tantum occasione peccati, nec ipse fuisset prævisus, & destinatus ante omnem creaturam.

Vel dicendum cum esse intelligendum de Christo in carne passibili non verò de eo statu, in quo prævisus fuerat incarnandus si Adamus non peccasset.

Unde juxta ipsius principia, si ordinem intentionis spectes, hic ordo erit statuendus. In primo signo decreta fuit Christi Incarnatio, abstrahendo à carne vel passibili, vel impassibili, & nihil adhuc discernendo de statu mortali, vel immortalis. In secundo decretum fuit ipsum fore caput omnium prorsus hominum salvandorum, adeoque pariter decretæ sunt omnes gratiæ conferendæ intuitu ipsius meritum: In Terio illa ipsa sua merita Christus Patri obtulit pro iis, quos prævidebat Deus, & ipsemet Christus noverat bene usus gratiis, & mediis. In quarto præviso Adami peccato tunc decreta fuit Incarnatio in statu passibili; prævisa pariter Christi passio, & ipsius merita oblata pro illis ipsis, qui in gratia erant perseveraturi, tunc autem absolute, & effi-

caciter formatum fuit prædestinationis decretum, adeoque simpliciter, & absolute non prius absoluta fuit hominum prædestinatio secundum ordinem intentionis, quam præderentur Christi merita.

Dices denique: Si Christus meruit prædestinationem secundum ordinem intentionis, etiam meruit Reprobationem derelictorum: Sed consequens repugnat summæ Dei Charitati, & præstantissimo ipsius muneris Redemptoris: Ergo non est dicendum ipsum ita meruisse Prædestinationem.

Nego sequelam majoris: Quamquam enim Christus meruit Electionem sanctorum, non tamen meruit Reprobationem aliorum, sicut enim Iustorum merita in die iudicii erunt in causa, cui ipsi separentur ab Impiis, non tamen erunt causa derelictionis, & damnationis Impiorum; ita Christi merita quæ pro prædestinatis oblata fuerunt efficaciter, non fuerunt in causa, cur alii relictæ fuerint, siquidem illa ipsa sua merita pro omnibus sufficienter obtulit, & Reprobi sibi ipsis causæ fuerunt, propter suam malitiam, & negligentiam, cur ipsa Christi merita etiam efficaciter pro ipsis oblata non fuerint, nec eis profuerint.

SECTIO TERTIA.

De effectibus Prædestinationis.

Declaratis, & elucidatis divinæ Prædestinationis causis, jam illius effectus detegendi sunt; quos omnes triplicem in ordinem censeo distinguendos: Aliqui namque sunt effectus principes, & directi, & alii subsidiarii, & auxiliares, cæteri denique occasionales, & indirecti. Principes, & Directi effectus Prædestinationis appello, qui directè à Deo ipso prædestinante intenduntur, & ad ipsum prædestinationis decretum immediatè consequuntur: Subsidiarii sunt illa sensibilia, & temporalia bona, quæ quidem per se generaliter non intenduntur à Deo, nec conferuntur omnibus omnino prædestinatis, sed tantum quibusdam quatenus facilius gloriam assequi valeant: Occasionales denique dicuntur illa prædestinatorum peccata, quæ ipsis ansam, & occasionem præbent poenitentiam agendi, & ferventius suæ salutis invigilandi. Quocirca præsens articulus tribus quæstionibus est absolvendus.

QUÆSTIO PRIMA.

Quot, & qui sint Principes, & Directi Prædestinationis effectus.

Notandum 1. Quatuor desiderari conditiones, ut aliquid directus sit Prædestinationis effectus. *Primo*, quod causetur à Deo immediate; cum enim Prædestinatio activè sumpta sit ipsamet divina voluntas Dei eligentis Creaturas ad beatitudinem, necesse est, ut ab ipso immediate fiat, qua ratione peccata, & quilibet defectus Prædestinatorum non possunt effectus Prædestinationis censerī, licet ad eam stabiliendam interdum conferant; siquidem ab ipso Deo sanctitatis Oceano, & gratiæ scaturigine oriri nequeunt: *Secundo*, quod causetur ex intentione efficaci conferendi, & tribuendi gloriam, hæc namque intentio est radix, & causa, ac motivum Electionis, nec-non & collationis, & applicationis mediolorum omnium, quæ ad negotium Prædestinationis concurrunt. *Tertio*, quod de facto illi effectus per se conducant ad ipsius gloriæ consecutionem; cum enim ex intentione efficaci dandi gloriam prædestinatis, omnes alii Prædestinationis effectus intendantur, consequens est, quod ipsi effectus reverà ad illam affecutionem per se conferre debeant; voluntas enim Dei efficax, irrita, & cassa esse non potest. *Quarto* denique, quod illi effectus Prædestinationis pendeant à meritis Christi, Non enim est aliud nomen sub cælo datum hominibus, in quo oporteat nos salvos fieri.

Notandum 2. Tres vulgò Prædestinationis directos effectus à Theologis numerant, nimirum gratiam vocationis, justificationis, & glorificationis; seu incipiens, continuans, & consummans negotium Prædestinationis. Quos enumerat S. Paulus ad Romanos 8. his verbis, *Quos prædestinavit, hos & vocavit, & quos vocavit, hos & justificavit, quos autem justificavit, illos & glorificavit.* Nihilominus in hac stabilienda veritate, non omnes conveniunt: siquidem Durandus in 1. dist. 41. qu. 2. vult solam gratiam: Chamus autem è contra ibidem contendit solam gloriam: Sanctus autem Bonaventura existimat gloriam, & primam gratiam justificantem: cæteri verò Theologi, nedum gloriam ipsam; nec solam justificationem, sed & omnes gratias vo-

cantes, cooperantes, & ad justificationem, & perseverantiam disponentes, censent inter directos effectus Prædestinationis esse computandas.

Notandum 3. Duplicem distingui posse Vocationem, & Justificationem. Alia enim est *Vocatio efficax*, quæ adjunctum habet consensum liberi arbitrii, humanæ voluntatis cooperationem assequitur, & finem, ad quem ordinatur, obtinet, de qua Job, *Vocabis me, & ego respondebo tibi.* Altera verò dicitur *Vocatio inefficax*, quæ per Vocati malitiam, adhesionem, aut negligentiam effectui suo, ac fine frustratur, repulsamque patitur: Triplex enim genus hominum gratiam respuit, nimirum negotiis dediti, voluptatibus irretiti, & malitia obcæcati, qui omnes exprimentur in Parabola invitantis ad nuptias; Alius enim abiit in villam ad recreandum animum: Alius ad negotiationem suam: Reliqui verò tenuerunt servos, & occiderunt. De quibus conquiratur Deus, *vocavi vos, & renuistis.*

Rursus *Vocatio efficax* iterum duplex; aliqua enim habet tantum effectum temporalem, ut contingit in Reprobis, qui interdum vocati Deo obtemperant, pieque vivunt; at cum finaliter à gratia excidant, illa omnia, quæ gesserunt, bona opera non proliciunt ad beatitudinem æternam obtinendam: Alia verò habet effectum in vitam æternam; idque, vel proximè, ut contingit in iis, qui perseverant finaliter; vel remotè, ut fit in iis, qui cum à gratia ceciderint, per poenitentiam resurgunt. Similiter

Justificatio est duplex; alia enim habet effectum tantum temporalem, ut fit in Reprobis, qui interdum sacramenta frequentant, & justificantur, sed rursus precipites in peccatum dati, pereunt in æternum, nihilque eis præmissa justificatio prodest: Alia verò habet effectum in vitam æternam; idque, vel immediate, qualis est justificatio perseverans finaliter, vel mediatè, dum scilicet prædestinati à justitia deviantes, sed iterum per poenitentiam cautiore, & ferventiores resurgentes, eorum pariter modificata opera reviviscunt, & prius adeptum jus ad gloriam, quod per peccatum amissum fuerat, iterum sibi vindicant. Quæritur itaque, an hæc omnes vocationis, & justificationis species, inter directos Prædestinationis effectus, sint computandæ.

CON.

CONCLUSIO PRIMA.

OMnis Prædestinatorum gratia Vocationis, quæ habet effectum in vitam æternam, est reverè directus Prædestinationis effectus.

Probatur primò: Ex illo Joannis 16. *Omnes qui audiat a Patre, & didicit, venit ad me.* Quod omnes sancti Patres, & sacri Interpretes intelligunt de gratia vocationis: sed nullus ad Christum pervenit, nec cum eo permanet nisi Prædestinatus: Ergo cum vocatus ad illum perveniat, & cum eo subsistat, consequens est, quod gratia vocationis intendatur à Deo prædestinante, & inter Prædestinationis effectus numeretur: Idem firmatur ex illo ad Rom. 8. *Quos prædestinavit, hos & vocavit.* Quem textum egregie sic expendit sanctus Augustinus lib. de Prædestinatione Sanctorum capite 17. *Quos enim Prædestinavit ipsos & vocavit; illa scilicet vocatione Secundum propositum, Non ergo alios, sed quos prædestinavit, ipsos vocavit: Nec alios, sed quos ita vocavit, ipsos & glorificavit; Nec alios, sed quos Prædestinavit, vocavit, justificavit, ipsos & glorificavit: Illo utique fine, qui non habet finem.*

Ipsi concinit sanctus Fulgentius lib. 1. ad Monimum cap. 11. ubi disertè affirmat omnes gratias vocationis, justificationis, & glorificationis ad Prædestinationem spectare; cum enim expendisset hunc locum Psalm. 22. *Misericordia tua subsequetur me;* dixissetque *Prævenit igitur impium, ut fiat iustus; subsequitur iustum, ne fiat impius; prævenit cæcum, ut lumen, quod non invenit, donet; subsequitur videntem, ut lumen, quod contulit, servet; prævenit elisum ut surgat; subsequitur elevatum, ne cadat: Prævenit donans homini bonam voluntatem, subsequitur benevolentem, operando in illo boni operis facultatem:* Tandem concludit, *Hoc igitur est misericordia Dei in homine subsequitur, quod præveniens ipsa largitur, & ideo non solum errantem justificando ad viam revocat, sed etiam bene ambulanti custodit, & adjuvat, ut ad donum glorificationis æternæ perducatur.* Hæc autem omnia, id est, & vocationis nostræ initia, & justificationis augmenta, & glorificationis præmia in Prædestinatione semper Deus habuit, quia & in vocatione, & in justificatione, & in glorificatione Sanctorum gratia sua opera futura præservit.

Probatur etiam ratione: Primò, quidquid confertur prædestinatione decreti Prædestinationis, est illius effectus: Sed omnes vocationes efficaces, omniaque auxilia præparantia ad justificationem conferuntur ratione decreti Prædestinationis: Ergo, &c. Major patet: Nihil enim habet effectum Prædestinationis, nisi ratione illius decreti, quo statuitur prædestinatio, & quod à prædestinante intenditur tanquam medium conducent ad finem. Minor verò probatur ex illo Apostoli 2. ad Timoth. 1. *Vocavit nos vocatione sua sancta, non secundum merita nostra, sed secundum propositum suum, & gratiam suam:* Ubi disertè affirmat gratiam vocationis esse ex proposito, & decreto Prædestinationis. Idipsum firmatur ex illo ad Rom. 8. *Diligentibus Deum omnia cooperantur in bonum his, qui secundum propositum vocati sunt sancti:* Ubi prædestinatos, ex proposito, & decreto, vocatos dicit, ut significet vocationis gratiam ratione, & vi decreti conferri.

Adde, quòd, si ex hac sententia S. Pauli nonnulli inferant bona temporalia inter effectus Prædestinationis esse computanda, multo magis omnia divina auxilia, quales sunt gratiæ vocationis, inter effectus directos debent censeri.

Deinde, ex S. August. *Prædestinatio est præparatio mediæ, quibus certissime liberantur quicumque liberantur;* Sed vatio est unum ex illis mediis, & quidem simpliciter necessarium; quippe initium est, sine quo homo nequit credere nec justificari: Ergo reverè est effectus Prædestinationis.

Denique, Prædestinatio ex Doctore, est *ordinatio creaturæ intellectuális in vitam æternam*, adeoque requirit consensum ex parte creaturæ, sicut & auxilium ex parte Dei: Sed ille consensus, illudque auxilium non subministratur nisi per gratiam vocationis, qua Deus creaturam intellectualem advocat, & ordinat in illum finem. Ergo illa vocationis gratia à Deo prædestinate intenditur, & ratione decreti Prædestinationis confertur.

Dices 1. Effectus Prædestinationis nequeunt esse communes Prædestinatis, & Reprobis; Sed gratiæ vocationis, etiam efficaciæ, utrique communes sunt, multoties enim his, sicut & eis conceduntur; unde multi sunt vocati, pauci verò electi: Ergonequeunt esse effectus Prædestinationis.

Nego minorem: Licet enim vocatio, &

justificatio possint in Reprobis inveniri, non tamen eodem modo, quo in prædestinatis; quia in his inveniuntur cum ordinatione efficaci, & perseverantia usque ad consecutionem gloriæ, in Reprobis vero sine illa. Unde non eodem modo se habent.

Inflabis: Omnes prædestinati non habent gratiam vocationis: Ergo illa non est cenda directus Prædestinationis effectus. Consequentia patet: Effectus enim directus necessario sequitur ad positionem causæ, quidem ex eo arguitur causæ existentia, sicut ignis ex calore, & ex illuminatione conspicitur.

Probat antecedens exemplo parvulorum decedentium post susceptum baptismum; cum enim rationis, & libertatis non sint compotes, etiam sunt incapaces consensus, & cooperationis; adeoque & gratiæ vocationis.

Distinguo antecedens: Omnes prædestinati non habent gratiam vocationis immediate, concedo: mediatè saltem, nego: licet enim parvuli per se, & immediate non vocentur ad Baptismum; vocantur tamen mentibus iis, qui eorum curam gerunt, & illos ad Baptismum deferunt.

Adde quòd de ratione effectus Prædestinationis non sit, quod omnibus, & solis prædestinatis conveniat, sed sufficit, quòd quando confertur, tantum tribuatur vi, & ratione decreti prædestinantis.

Dices 2. Plures sunt vocationes quæ ad prædestinationem non conferunt: Ergo non sunt illius effectus: Patet antecedens in iis omnibus vocationibus, quæ per subsequens peccatum fiunt irritæ.

Nego antecedens: Etsi enim illæ vocationes per peccatum mortificentur, nihilominus per subsequentem gratiam justificationis reviviscunt, & ad gloriam consequendam ordinantur, & conferunt.

Quæres: An etiam vocatio inefficax in Prædestinatis, inter Prædestinationis effectus sit computanda.

Respondeo: Equidem illam, saltem remotè, & mediatè, esse effectum Prædestinationis: Tum quia ut dictum est, *Diligentibus Deum*, id est, Prædestinatis, ut explicat sanctus Augustinus lib. 1. contra duas Epistolas Pelagii, *Omnia cooperantur in bonum*: Ergo etiam vocatione ineffica-

ces, quæ saltem remotè disponunt ad conversionem, efficiendo, ut prædestinatus suam negligentiam, & obdurationem tandem aliquando mente revolvens, Deo vocanti promptè respondeat: Tum quia illæ vocationes sunt incentivum, & motivum ad humilitatem, gratitudinem, & poenitentiam; quippe prædestinatus semel, iterum, & tertio vocatur, tandem aliquando has vocationes in memoriam revocans, ex animo dolet se illis non consensisse, dolor autem iste conducit ad poenitentiam acrius exequendam, nec non ad maiorem curam, & vigilantiam salutis. Adeoque etiam confert ad gloriam consequendam.

Dices. Hæ vocationes non conferunt ad gloriam nisi occasionaliter: Ergo non sunt inter directos Prædestinationis effectus computandæ: Patet antecedens, ex allatis rationibus; consequentia etiam est evidens; alias etiam peccatum, cum sit occasio humilitatis, & majoris poenitentis incentivum, diceretur etiam directus Prædestinationis effectus.

Nego antecedens: Nam saltem remotè, & mediatè conducunt ad gloriam consequendam, ut dictum est; non sicut æ priores guttæ conferunt ad cavandum, & emolliendum lapidem. Ad consequentiam dico non eandem esse peccati, & gratiæ vocantis inefficacis rationem; quia peccatum non intenditur à Deo prædestinante, sicut ipsa vocatio, quæ ex parte Dei semper est efficax, licet ex parte vocati fiat inefficax, propter negatum consensum.

CONCLUSIO SECUNDA.

Justificatio tam perseverans, quam interrupta, quæ habet effectum in vitam æternam, revera est effectus Prædestinationis.

Prima pars clara est, nec ullus eam in dubium revocat; quippe cum dixerit Apostolus, *Quos justificasti, hos & glorificasti*: Unde sanctus Augustinus lib. de Bono perseverantiae cap. 14. constanter affirmat gratiam esse Prædestinationis effectum, quod utique de gratia perseveranter justificante dictum est, utpote cum illa subsistat in vitam æternam usque.

Adde, quòd huic ipsi justificationi perseveranti apprime quadret illa Prædestinationis definitio per effectum ibidem à sancto Augustino laudata, *Prædestinatio Sanctorum*, inquit, *nihil aliud est, quam præ-*

scientia, & præparati beneficiorum Dei, quibus certissime liberantur, quicumque liberantur. Constat enim per ipsam justificationem perseverantem prædestinatos certissime liberari à quacunque temporalis, vel spiritali captivitate, utpote cum hæc illos in libertatem æternam transmittat.

Denique, vocatio efficax, etsi secundum se non perseveret ad vitam æternam usque, reverà tamen est effectus Prædestinationis: Ergo multò magis ipsa justificatio, quæ est præsentis vitæ felix clausula, faustumque æternitatis initium.

Probatur secunda pars: Primò quidem ex illo sancti Pauli oraculo; *Quos Prædestinavit, hos & justificavit*, quod utique SS. PP. & Interpretes de quacunque justificatione, quæ habet effectum in vitam æternam indefinitè accipiunt; ita quod vox illa *Justificatio* indifferenter comprehendat omnem justificationem, sive acceptam in baptismo, sive reparatam in poenitentia, sive ad mortem usque in prædestinato perseverantem.

Deinde, justificatio intermissa per peccatum, Electis tandem efficaciter conducit ad vitam æternam: Ergo reverà est Prædestinationis effectus. Consequentia patet: Etenim prædestinatio, ut mox dictum est, est causa, & præparatio omnium beneficiorum Dei, quibus certissime liberantur, quicumque liberantur. Probatur antecedens ex tribus potissimis utilitatibus quas ipsa amissa, & reparata justificatio confert ad consequendam vitam æternam.

Primò namque, illa gratia justificans haud dubiè fuit principium alicujus boni operis, & vitæ æternæ meritarii; cum enim sit semen bonorum operum, diu carere non potest aliquo boni operis effectu: Sed meritum, & bona opera in peccato mortificata, per poenitentiam reviviscunt, & tandem Electis conciliant specialem gloriæ gradum ipsis meritis respondentem: Ergo reverà illa justificatio interrupta confert ad gloriam.

Secundò, justificatio amissa, & demum reparata ipsis Electis est per poenitentiam incentivum multorum operum bonorum: Tum quia illos ad vehementius poenitendum provocat: Tum quia in ipsis, ratione præcedentium bonorum operum, reliquit optimos habitus morales, aut saltem species intelligibiles, quibus homo promptior redditur, nedum ut resurgat à pec-

cato, sed etiam ad bonè, pièque operandum, statim ac amissam justitiam recuperavit: Tum denique, quia Electi mente revolventes insignem illam, & summè laudandam iacturam, quam per peccatum fecerunt, excitantur ad damnum hoc operibus poenitentiae, aliisque exercitiis pietatis compensandum, & ad cautius deinceps in via salutis incutendum. Unde merito S. Augustinus lib. de corrept. & gratia cap. 9. ait, *Talibus Deus, diligenter eum omnia cooperantur in bonum usque adeo prorsus Omnia, ut etiam, si qui eorum deviant, & exorbiunt, etiam hoc ipsum eis faciat proficere in bonum quia humiliores redeunt, aique doctiores, discunt enim in ipsa via iusta cum tremore se exultare debere, Non arrogando tanquam de sua virtute fiduciam permanenti, nec dicendo in abundantia sua, non movebimur in æternum.*

Tertia denique, & potissima utilitas, quam ipsa justificatio amissa, & reparata prædestinato confert, est, quòd jus ei tribuat ad specialem gloriæ gradum, quem non consequeretur, si de facto illam gratiam amissam, & reparatam non habuisset; fatentur enim omnes Theologi per salutarem poenitentiam restitui hominem in pristinum gradum justitiæ ac meritum; ita quòd gratia præcedens, unà cum operibus mortificatis reviviscat sive in individuo, sive in altero ejusdem gradus individuo, quod perinde est ad præsens institutum, adeoque recuperat idem jus ad gloriæ gradum, quod ante peccatum sibi vindicabat.

Reponunt Adversarii ipsum gloriæ gradum non competere prædestinato ratione gratiæ justificantis perperitæ, utpote quæ amplius non subsistit nec eadem numero reddit; sed solum ipsi tribui ratione alterius gratiæ, quæ per succedentem poenitentiam comparatur: Ergo prior gratia non est causa ipsius specialis gradus gloriæ consequendæ, nec consequenter est effectus Prædestinationis.

Nego antecedens, & ad ejus probationem dico: Non esse necesse ad Prædestinationis effectum, quòd in se maneat usque ad ipsius gloriæ consecutionem; sed sufficere quòd in aliquo suo effectu, usque ad ultimum effectum subsistat; vel saltem, cum intermediis effectibus Prædestinationis, connexionem habeat; aliàs prima vocatio efficax non esset effectus Prædestinationis, cum secundum se non maneat in gloria, tumi-

similiter opera meritoria etiam ab hac ratione effectus removerentur, vix enim imò ferè nusquam ad extremum usque perseverant: Tum quia homines in ipsa mortis periodo, aliquandiu deserviunt usu rationis: Tum quia plures post mortem ipsam immediate gloriam æternam non consequuntur, sed diu in Purgatorio culparum reliquias solvunt, & diluunt.

Instans: Ille specialis gradus gloriæ non tribuitur homini prædestinato propter justificationem reparatam, sed propter poenitentiam. Ergo illa justificatio nullatenus est effectus Prædestinationis. Probatur antecedens: Illud enim ius ad eum specialem gloriæ gradum non extitit amplius, nisi poenitentia successisset: Ergo ipsi poenitentia tribuendum est.

Adde quod causare supponat esse: sed gratia iustificans per peccatum omnino extincta est: Ergo non potest esse causa illius iuris ad specialem gloriæ gradum.

Dislinguo antecedens: Illud ius tribuitur Prædestinato propter poenitentiam, tanquam causam per accidens, & remotionem id, quod amovebat illud ius, concedo: tanquam causam per se motivam, & moralem, nego: restituitur enim illud ius propter ipsam: restituitur ipsam, quæ reverà est causa motiva, & moralis, cuius intuitu, ablato per poenitentiam impedimento, Deus vel priorem gratiam in individuo, vel aliam similem infundit, & restituit: in qua gratia ius illud ad specialem gloriæ gradum fundatur. Unde quamquam illa gratia per peccatum physice extincta fuerit, nihilominus manet moraliter in acceptione, & æstimatione divina, ita quod Deus ex mira sua erga iustos, & amicos benignitate, & misericordia velit eos priorem in gloriam restituere, statim ac per poenitentiam sublatum fuerit peccati impedimentum.

Urgens: Etiam gratia quam Reprobis amissa, manet in Dei acceptione, & tamen illa non est effectus Prædestinationis, sed generalis Providentiæ: Ergo neque gratia amissa prædestinati.

Nego consequentiam: Disparitas enim est, quod gratia Prædestinati ius aliquando habuerit ad gloriam infallibiliter consequendam, quod utique gratia iustificans interdum Reprobo concessa, nusquam sibi vindicavit, tantum enim ejus effectus temporalis fuit.

CONCLUSIO TERTIA.

Glorificatio est reverà effectus Prædestinationis. Hæc sufficienter patet ex dictis, maxime ex illo ad Rom. 8. *Quos vocavit, & justificavit, ipsos & glorificavit*, Vocatio enim, & Justificatio sunt causæ ipsius gloriæ: sed hæ sunt effectus Prædestinationis: Ergo & illa, nam quod est causa causæ, est etiam causa causati.

Nec refert, quod pro verbo *Glorificavit* versio Græca habet *Magnificavit*, quametiam plures sancti Patres retinent, maxime Hieronymus, Chrysostomus, & Ambrosius: Nam præterquamquod vulgata Latina, auctoritate pontificis, & Concilii Tridentini recognita, verbum *Glorificavit* jam pridem à sanctis Augustino, & Fulgentio expressum; retinendum esse censuit: etiam aperte videtur sanctus Paulus vocabulo *Glorificavit* designare gloriam æternam, non verò claritatem quandam per bonam famam, & nominis celebrationem; loquitur enim de gloria, quæ est per se debita justificationi, quæque maxime intenditur à Deo prædestinante. Hæc autem alia non est, quam æterna beatitudo: Ergo hæc reverà est effectus Prædestinationis.

Adde, quod in omni deliberatione, & consultatione consecutio finis est ultimus illius effectus, & maxime intentus per applicationem mediorum; quod patet exemplo hominis querentis, & intendentis sanitatem, nam ipsa sanitas, quæ est ipsius finis, est etiam potissimus illius inquisitionis, & intentionis effectus: sed gloria æterna est finis ipsius Prædestinationis, & omnium mediorum, quæ propter ipsam applicantur: Ergo etiam est ipsius effectus.

Dices: Prædestinatio non est de fine, sed de mediis, quibus pervenitur ad finem; est enim, inquit S. Augustinus, præparatio mediorum; &c. sed glorificatio est finis, & non medium: Ergo non est Prædestinationis effectus.

Nego majorem: Quemadmodum enim finis, licet in intentione sit causa mediorum, tamen in executione est eorum effectus, sicut sanitas est causa finalis Medicinæ, & tamen per Medicinam causatur: Sic gloria æterna licet in intentione sit causa præparationis, & collationis medicamentorum, tamen in executione est eorum effectus.

Dices 2. Omnis effectus Prædestinationis debet esse illius obiectum; sed glorificatio non est obiectum Prædestinationis: Ergo nec illius effectus. Probat *minor*, Obiectum Prædestinationis debet esse obiectum Electionis, quatenus ab intentione distinguitur; huius enim obiectum est finis, illius autem est medium: at glorificatio non est medium in Prædestinatione, sed illius finis. Ergo non est obiectum Electionis, nec proinde Prædestinationis effectus.

Distinguo minorem: Non est obiectum immediatum, concedo; medium, nego. Et similiter, distincta minore probationis, neganda est consequentia. Cum enim finis in intentione causetur à mediis in executione, ut dictum est; cumque media sint immediatum obiectum electionis: consequens est, quod glorificatio sit obiectum saltem mediatum ipsius Prædestinationis, non quidem secundum ordinem intentionis, & quatenus est causa finalis; sed secundum ordinem executionis, & quatenus ab ipsis mediis causetur; non enim comparatur glorificatio, nisi per vocationem efficacem, & justificationem, quæ sunt media ad ipsam.

Vel distingo aliter: Glorificatio, secundum suum esse reale non est effectus, sed obiectum Prædestinationis, concedo: Secundum suam collationem, & possessionem, nego: ut sic enim reverà causetur per alios Prædestinationis effectus, qui ad ejus consecutionem ordinantur.

QUÆSTIO SECUNDA.

Utrum bona naturalia sint Subsidiarii Prædestinationis effectus.

Notandum 1. Omnia bona naturalia ad quinque Capita maxima revocari, nimirum *primo* ad esse naturale, sub quo comprehenditur substantia, facultates, & naturales potentie ipsius Prædestinati. *Ad secundum* spectant genium perspicax, temperamentum ad virtutem libratum, bona indoles, & alia ejusmodi naturalia virtutis semina. *Ad tertium* verò reducuntur variz circumstantie ipsius prædestinati vitam spectantes, v.g. quod nascatur tali tempore, tali loco, à talibus parentibus, quod citius moriatur, aut diutius vivat. *Sub quarto* comprehenduntur

omnia bona moralia propter solam virtutis honestatem edita. *Ad quintum* denique omnes opes, & divitiæ reducuntur.

Notandum 2. Illa ipsa naturalia bona tribus modis concipi posse Prædestinationis effectus, nimirum, *Vel* quatenus essent cause meritorie, aut dispositive ad gratiam, & gloriam, qualiter Pelagiani, & Semipelagiani illa esse prædestinationis effectus affirmabant; quod damnatum fuit à sanctis Patribus, summis Pontificibus, & Conciliis: *Vel* prout sunt subiectum, in quo ceteri Prædestinationis effectus recipiuntur: *Vel* quatenus sunt materia, & virtutum occasiones, quibus prædestinatus facilius excipitur ea, quæ salutem spectant.

Notandum 3. Duplicitè concipi posse bona naturalia hominibus à Deo concedi, nimirum, vel ratione Providentiæ generalis, quæ singulis quibusque media largitur, quibus destinatum finem assequantur; sive interim finis ille sit naturalis, & per sola media naturalia; sive supernaturalis, & per media supernaturalia obtinendus. Secundò, quod conferantur ex intentione, & decreto Prædestinationis, ita quod Deus illa non tribueret, nisi prævideret fore subsidia prædestinato, quò facilius salutem operetur, & gloriam eternam obtineat. Priori modo dicuntur tantum per accidens ordinari ad Prædestinationem. Posteriori verò ad eam per se spectant, & dici possunt directi, & subsidarii illius effectus.

CONCLUSIO UNICA.

Bona naturalia prioris ordinis supponuntur ad Prædestinationem, cetera verò dici possunt subsidiarii illius effectus. Hæc est Doctoris quoad partemque præmissam, quarum

Probat *prima*: Idque auctoritate Doctoris dicentis in 1. dist. 41. quæst. unica. *Quod in primo instanti* Petrus, *Quod* Judas *equales voliti a Deo in esse existentia offeruntur Deo, Quod tunc Deus ita vult gloriam Petro, ut nihil vellet Juda, sed tantum sit ibi negativæ voluntatis glorie*. Sentit itaque Prædestinationem positivam, sicut & Reprobationem negativam, supponere hominem jam prævisum secundum esse existentie; adeoque esse existens non est effectus Prædestinationis, sed ad eam præsupponitur. Confirmatur ex eodem in 3. dist. 39. ubi dicit, *Hunc fuisse ordinem in prævisione divina, in primo Deum*

Deum se intellexisse sub ratione summi boni; in secundo intellexisse Creaturas; & in tertio prædestinasse has ad gloriam, &c.

Probat etiam ratione: Forma accidentalis supponit esse subjecti, in quo recipitur; & consequenter volitio ejusdem formæ supponit volitionem subjecti: sed per decretum Prædestinationis Deus vult homini conferre gloriam tamquam accidens illi superadditum, illumque non substantialiter, sed tantum accidentaliter perficiens: Ergo decretum Prædestinationis supponit decretum productionis subjecti illius, quod quidem subjectum est ipsa natura, & esse substantiale hominis Prædestinati.

Deinde illa voluntas, qua Deus vult omnes homines salvos fieri, est prior prædestinatione, siquidem ad omnes omnino homines sese extendit, & comprehendit tam eos, qui postmodum ordinantur ad beatitudinem ex prævisis eorum meritis, quam eos, qui reprobantur ex prævisis demeritis: Sed illa voluntas antecedens præsupponit, aut saltem est simul cum esse substantiali hominum: Ergo Prædestinationis decretum supponit decretum productionis, adeoque hoc non est illius effectus.

Denique, si esse naturale hominis prædestinati dici posset effectus illius Prædestinationis, etiam dici posset gratia, & dependeret à meritis Christi: Sed hoc utrumque dici vetat S. Aug. Epist. 105. ad Sixtum, ubi cum pluribus impugnavit errorem Pelagii affirmantis creationem esse gratiam, quia Deus gratuito, & ex pura liberalitate nobis dat esse, non autem ex nostris meritis, tandem concludit: Abiciatur à Christianorum cordibus ista fallacia: nam omnino non istam gratiam commendat Apostolus, quæ creati sumus, ut homines essemus: sed quæ justificati sumus, ut homines iusti essemus: ista enim est gratia per Jesum Christum Dominum nostrum: Etenim Christus non pro illis, ut homines conderentur, sed pro impiis mortuus est, ut justificarentur. Quibus verbis aperte indicat esse naturale nullatenus inter prædestinationis effectus computandum, nisi remotè, & fundamentaliter, seu quatenus est Prædestinationis subjectum.

Probat etiam secunda pars; Nempe, quod cætera bona naturalia dici possint effectus subsidiarii Prædestinationis. Quidquid homini prædestinato inferuit ad gloriam facilius consequendam, est subsidiarius Prædestinationis effectus: sed ita est

de præfatis bonis; Ergo &c. Probat innot de bonis secundi ordinis: Id quod juvat hominem, eique inferuit, ut promptior fiat ad amplectendam fidem, & ut facilius virtutem sectetur, est reverà Prædestinationis effectus; Sed ita est de bonis ad secundum caput spectantibus, ut docet S. Aug. lib. de bono perseverantiz cap. 14. Apparet, inquit, habere quosdam in ipso ingenio divinum naturaliter munus intelligentie, quo moveantur ad fidem, si congrua suis mentibus, vel audiant verba, vel signa conspiciant. Quibus Augustinus sentit illud intelligentie munus, quod est per se naturale, esse Prædestinationis effectum in Electis.

Pater etiam de bonis tertii capitis. Siquidem Christus ipse Matth. 24. dicit quod, Nisi breviami fuerint dies isti (persecutionis Anti-Christi) non fuisset salva omnis caro, sed propter electos, quos elegit, breviabuntur dies: Ergo abbreviatio illa dierum intenditur à Deo prædestinante, & est causa extrinseca, vel conditio, sine qua non, salutis prædestinatorum. Idipsum confirmatur ex Sapientia 4. ubi de iusto electo dicitur, Raptus est ne malitia mutaret intellectum ejus. Quem textum sanctus Aug. lib. de Prædestinatione Sanctorum cap. 14. ita interpretatur, Dilectum est secundum pericula vite huius, non secundum præscientiam Dei, qui hoc præcavit, quod futurum erat, non quod futurum non erat. Id est, quod ita mortem immaturam fuisset largiturus, ut temptationum subtraheretur incerto, & ibidem laudat sanctum Cyprianum lib. de mortalitate dicentem, Non solum non esse fidelibus inutilem mortem, verum etiam utilem reperiri, quoniam peccandi periculis hominem subtrahit, & in non peccandi securitatem constituit.

Idipsum de cæteris circumstantiis temporum, locorum, temptationum, &c. affirmat ipsemet Aug. lib. 30. homil. 23. circa medium ubi ait, Adulter non fuisti? hoc tibi dicit Deus tuus: Regem te mihi, servabam te mihi, ut adulterium non committeres; Et explicans qualiter servaverit partim per gratiam paternæ protectionis peccandi occasiones removendo; partim per gratiam internæ motionis, subdit, Suasor defuit, & ut suasor desset ego feci: Locus, & tempus defuit, & ut desset ego feci, adfuit suasor, non defuit locus, non defuit tempus: ut non consentiret, ego terris. Agnosce ergo gratiam ejus, cui debes, & quod non admisisi. Constat itaque circumstantias loco-

rum, & temporum, in quibus nascuntur, vivunt, & moriuntur electi, nec non conditiones parentum, ex quibus nascuntur, & hominum à quibus educantur, vel cum quibus conversantur, esse effectus Prædestinationis.

Patet eadem veritas de bonis quarti ordinis: Opera namque moralia, quæ sine ullo gratiæ concursu fiunt à prædestinatis, ipsi sunt in subsidium ad beatitudinem consequendam: Tum quia conducunt ad gaudium accidentale, quod eorum causa prædestinati percipiunt in statu beatitudinis: Tum quia conferunt ad vitandum peccatum, si opus, quod elicitur, præceptum sit, & ordinatum ex lege: Tum quia illa bona opera menti objecta, prædestinato subministrant occasionem laudis, & gratiarum actionis. Tum denique, quia bona temporalia, quatenus esse possunt, & de facto futura sunt instrumenta virtutis, revera inter Prædestinationis effectus numerantur, possuntque cadere sub meritum, ut docet S. Thomas *prima secunda quæst. 114. art. ultimo*. Ergo multo magis boni actus morales, propter solam honestatem elicti, viam enim sternunt ad opera meritoria cum gratia elicienda, & semina quædam virtutum subijciunt.

Denique idem constat de bonis quinti capituli. Opes enim, & divitiæ non modicam prædestinato conferunt utilitatem, ut facilius salutem operetur, ipsi namque sunt instrumenta virtutum liberalitatis, misericordiae, eleemosynæ, quibus redimuntur peccata, gratiæ comparantur, dicente Christo: *Qua mensura mensi fueritis remetetur vobis*, nec non, *dare eleemosynam; Ecce omnia munda sunt vobis*, &c.

Deinde, etiam ipsi animum præbent Deo lubentius, & facilius inserviendi, nec non & opera pietatis, ac devotionis frequentandi; cum enim divites liberi sint à negotiis, quibus eorum vita subtenetur, eis per tempus licet audire sacra, conciones frequentare, & cætera id genus ad salutem maxime conducuntia exercere.

Denique, illa ipsa bona conferunt ad opera meritoria, & interdum cadunt sub meritum, ut affirmat S. Thomas mox laudatus. Ergo etiam conferunt ad salutem. Unde etiam in oratione dominica, aliisque precibus temporalia bona petimus à Deo in nomine Salvatoris: Ergo possunt illa bona temporalia esse effectus Prædestinationis,

reducuntur enim ad ordinem gratiæ, aut sunt salutaria, & sub objecto Spei infuse continentur, ut affirmat S. Thomas 2. 2. q. 17. art. 2.

Obijciat 1. contra primam partem: Quidquid confert efficaciter, & influit in Prædestinationis effectus, & intenditur in ipsa prædestinatione, est illius effectus: Sed substantia, & esse naturale prædestinati influit efficaciter in effectus Prædestinationis, est enim causa efficiens actuum, quibus homo iustificatur, & promeretur gloriam; est etiam causa efficiens ipsius gloriæ, & visionis beatificæ, quam producit mediante intellectu per lumen gloriæ elevato; insuper potest esse motivum per modum objecti, quo scilicet stimuletur prædestinatus ad referendas Deo gratiarum actiones, pro creationis, & conservationis beneficio: Ergo substantia prædestinati ad prædestinationem conducit, adeoque ab illa intenditur.

Nego majorem. Non enim omne, quod concurrat efficienter ad effectum Providentiæ alicujus, est effectus talis Providentiæ, ut patet exemplo, quando enim quis amico providet de equo ad equitandum; ipse amicus non censetur talis Providentiæ effectus, licet efficaciter concurrat ad equitationem equum ascendendo, cumque agitando, & impellendo.

Vel distinguo: Quidquid confert efficaciter ad prædestinationem per modum medii ad finem conducentis, est illius effectus, concedo: per modum subiecti ad formam accidentalem recipiendam, nego: substantia autem, & facultates naturales prædestinati, non ordinantur ad gloriam, ut finem; sed solum, ut subiectum ad formam accidentalem, quam recipit, & à qua perficitur, adeoque Prædestinationis effectus esse nequeunt.

Obijciat 2. Bona indoles, & ingenii perspicacitas sunt effectus Prædestinationis, ut dictum est: sed hæc omnia identificantur substantiæ, & facultatibus naturalibus ipsius prædestinati: Ergo si hæc non sint effectus Prædestinationis, nec illæ esse poterunt.

Respondet 1. Quòd quando diximus bonam indolem, & alia huiusmodi esse Prædestinationis effectus, abstraximus ab illa quæstione philosophica de distinctione reali, vel formali facultatum, & potentiarum rationalium à substantia animæ, cuius sunt

sunt potentiz. Unde supposita sententia de reali identitate potentiarum intellectualium, cum substantia intellectuali,

Distinguo minorem: Bona indoles, & animi perspicacitas, non est Prædestinationis effectus, quatenus entitativè considerantur, concedo: operative, seu quatenus attenduntur penes operationem, & exercitium, nego: ut sic enim, cum dependeant ab organis corporeis, non identificantur cum substantia animæ, adeoque possunt esse media ad gloriam consequendam licet ipsa anima non ita se habeat.

Obijciat 3. Nasci tali, vel tali tempore, à talibus, vel talibus Parentibus, est effectus Prædestinationis, ut dictum est: Ergo pariter nasci simpliciter, & habere esse naturale, inter effectus Prædestinationis debet computari. Consequentia patet: Quia esse natum ex talibus parentibus involvit, & significat naturam jam esse, & natam esse: Ergo quidquid affirmatur de primo, negari non potest de secundo, adeoque si primum sit effectus Prædestinationis, & secundum esse debet.

Nego sequelam. Non enim id magis sequitur, quàm si diceret, hominem involvi materiam, & animam hominis esse: Ergo scit hominem esse est effectus generationis; ita esse materiam, & animam hominis est effectus generationis, quæ consequentia est erronea, & sophistica: Anima namque hominis non est generabilis.

Dico itaque, meritò negari sequelam, quia quoties in aliquo toto sunt plures partes, rectè potest aliquid esse causa unius partis, absque eo, quòd sit causa alterius; vel esse causa totius, absque eo, quòd sit causa partium seorsim; reverà enim homo generans concurrat ad productionem corporis, & hominis geniti, non verò ad productionem animæ: hinc ut, quod affirmatur de uno, etiam de altero possit affirmari, necessum est, ut attributum, quod affirmatur, utrique conveniat. Unde licet *Natum esse ex talibus Parentibus* ordinetur tanquam medium ad gloriam, adeoque sit effectus Prædestinationis, non tamen sequitur, quòd *natum esse simpliciter* debeat esse pariter effectus, quippe cum non possit habere rationem medi, sed tantum subjecti respectu gloriæ consequendæ.

Obijciat 4. Unius hominis nativitas potest esse effectus Prædestinationis alterius,

sic v. gr. Nativitas Beatissimæ Virginis, fuit effectus Prædestinationis Christi. Ergo à pari hominis Nativitas potest esse effectus Prædestinationis ejusdem.

Nego consequentiam. Et ratio disparitatis est, quòd unius hominis nativitas possit esse medium ad salutem alterius hominis, atque ita fieri potest effectus Prædestinationis alterius: Secus verò de nativitate alicujus hominis, respectu sui ipsius; hæc enim, cum non possit esse medium ad ipsius salutem, sed pertineat tantum ad constituendum subjectum, quod per certa media promoveri debeat ad salutem, inde fit, quòd non possit effectus Prædestinationis dici.

Obijciat contra secundam partem: bona naturalia nullam habent proportionem cum gratia, & gloria; & consequenter nullatenus ad eorum affectionem conferunt. Ergo non sunt effectus Prædestinationis.

Nego consequentiam: Ex hoc enim tantum sequitur, quòd non sint dispositiones, & causæ meritoriz respectu gratiæ, & gloriæ, quod ultro fateamur; non verò sequitur, illa bona non posse deservire ad has obtinendas dispositiones, & gratiam promptius, ac facilius recipiendam, & exercendam.

Obijciat 2. Prædestinatio est præparatio donorum gratiæ: sed ista bona sunt naturæ, non verò gratiæ: Ergo non sunt effectus Prædestinationis.

Distinguo antecedens: Talia bona non sunt à Deo, ut auctore gratiæ productivè, & elicitive, concedo: imperativè, & ordinativè, nego: producuntur itaque à Deo, ut auctore naturæ, sed ab eo ordinantur, ut auctore gratiæ ad beatitudinem. *Vel aliter distingo:* Sunt bona naturæ, & naturalia secundum substantiam, concedo; Secundum modum, & operationem supernaturalem, nego: Ut sic autem possunt esse effectus Prædestinationis, sicut externa prædicatio, & miracula, quæ licet naturalia sint quoad substantiam, & tantum supernaturalia quoad modum, nihilominus dicuntur esse effectus Prædestinationis à S. Augustino lib. de Bono perseverantiæ cap. 14.

Obijciat 3. Effectus Prædestinationis ita se habent, quòd priores sint veluti causæ respectu posteriorum, sic enim vocatio ad justificationem, & hæc ad glorificationem conducit: sed illa bona naturalia non

conducunt ad alios effectus Prædestinationis, nempe ad gratiam, & gloriam, alioquin essent dispositiones, quarum intuitu Deus gratiam largiretur, quod est error Semi-pelagianorum: Ergo, &c.

Respondet, majorem esse veram de effectibus directis, & per se; non verò de effectibus indirectis, & per accidens, qualia sunt bona naturalia. Deinde dico non esse necessarium, ut inter omnes effectus Prædestinationis sit illa connexio, quod secundum detur propter primum, tanquam propter meritum, aut propter finem proprium; sed possunt illi duo effectus esse duo media ad unum tertium. Sicut enim lumen, v. g. & species dantur propter causandam visionem; inter se verò tantum proportionem, & connexionem habent ad complendum principium visionis: ita à pari prædestinatio supponit naturam, & ipsi accommodatur per modum subjecti, aut fundamenti, cui ex liberalitate Dei additur auxilium supernaturale, quo elevatur, & constituitur quasi integrum principium operis meritorii, aut dispositivi ad alios effectus Prædestinationis.

QUÆSTIO TERTIA.

Utrum defectus, & mala tam naturæ, quam morum sint occasionales Prædestinationis effectus.

Notandum 1. Duplex solitò malum distinguui, nimirum *Naturæ*, & *moris*. Malum naturæ, seu naturale est, quod ipsi naturæ, secundum sua principia naturalia consideratæ, dissentaneum est, eamque male afficit, sive interim sit quid privativum, ut cæcitas, surditas, ighorantia, mors, &c. Sive quid positivum, ut dolor, tristitia, error, &c. *Malum moris* dicitur, quod est dissentaneum naturæ rationali, quatenus est agens liberum, seu quod est contra regulam rectæ rationis; qualia sunt omnia peccata, sive commissionis, sive omissionis. *Rursus* hoc utrumque malum tam naturæ, quam moris, est duplex: Aliud enim est purum malum, & absque ulla admixtione boni; ut quævis privatio boni debiti naturæ, vel rectæ rationi, puta cæcitas, & ommissio præcepti; hæc enim est necessario sint connexa rei bonæ, nempe subjecto, quod per se bonum est, tamen

per se mala sunt, quia puræ sunt negationes tali subjecto disconvenientes, nec in se aliquid entitatis, nec proinde entitativæ bonitatis habent. Aliud non est purum malum, sed habet in se bonitatem entitativam, & perfectionem sibi debitam secundum speciem; sed est alteri malum, quatenus per illam ipsam suam entitativam perfectionem est alteri dissentaneum, & repugnans, & male illum afficit, sic dolor dicitur malum animantis, quia ipsi disconvenit, & ægrè illud afficit.

Notandum 2. Deum non esse causam efficientem mali moralis, quatenus purè malum est: Tum quia hoc ipsius divinæ bonitati, & infinitæ sanctitati repugnat: Tum quia malum morale non habet causam efficientem, sed deficientem, & deviantem; adeoque non est effectus, sed defectus: Sed tantum est causa permissiva. Permittere autem idem est, quod non impedire, cum tamen facultas impediendi suppetat; unde; ut aliquid reverà dicatur permitti, quinque desiderantur: Primò ut displiceat permittenti: Secundò, ut sit eventurum, nisi illius causa impediatur: Tertiò, ut qui permittit sciat eventurum, nisi ipsemet impediatur. Quartò, ut adsit facultas impediendi: Quintò, ut voluntariè omitat impedire, sive ut se non opponat rei eventuræ; qui enim se opponit, & conatur impedire, non dicitur permittere, etiam si res eveniat.

Notandum 3. Omnem permissionem divinam cadere sub æternum Dei decretum, non minùs, quàm omnes Dei operationes positivæ; sicut enim Deus nihil facit in tempore, nec ullum creaturæ effectum impedit, quin decreverit illud facere, vel impedire ab æterno; ita etiam nihil omnino permittit, quin illius permissionem ab æterno decreverit: Itaque nullum committitur peccatum in mundo, quin Deus in particulari ab æterno illud permittere statuerit.

Insuper, sicut omnis permissio Dei est bona, & ob eam est laudandus, & benedicens Deus; ita quoque omnes ejus permissiones bonæ sunt, & ipse ob eas laudibus est celebrandus, quamvis ea quæ permittit, detestanda sint, & pessima; habet enim iustissimas, & sanctissimas rationes, cur ea permittat: Unde S. Aug. in Enchiridio cap. 96. *Non sit aliquid nisi Omnipotens fieri vellet, vel suadendo ut fiat, vel ipse faciendo: Nec dubitamus Deum bene facere etiam*

etiam mala fieri sinendo, non enim hoc nisi iusto iudicio fieri.

Jam dictum est in præcedenti disputatione omnia mala tam naturæ, quam morum, à divina Providentia congruos in fines ordinari, solum itaque restat in præsentî quæstione resolvendum, an hoc utrumque malum etiam à divina Prædestinatione intendatur, tanquam quid occasionaliter conducens ad ipsius prædestinati salutem.

CONCLUSIO PRIMA.

Revera mala naturæ à Deo prædestinante intenduntur, ut occasionaliter conducant ad hominum salutem.

Probatur primò, ex Scriptura ad Philipenses 2. *Vobis datum est pro Christo non solum, ut in eum credatis, sed etiam, ut pro ipso patiamini.* Quibus verbis Apostolus affirmat tribulationes fidelium, nedum divinitus ordinari in eorum salutem, sed etiam intendi à Deo tanquam quid conducens ad gloriam æternam assequendam. Unde sanctus Petrus 1. Epist. cap. 2. constanter affirmat quòd *Christus passus est pro nobis, vobis reliquens exemplum, ut sequamini vestigia ejus.* Si enim, inquit sanctus Paulus ad Rom. cap. 8. *Compatimur, & conglorificabimur.* Et 2. ad Corinth. 1. *Sicut socii passionum ejus, sic eritis & consolationis.* Idipsum confirmant omnes Patres in præcedenti disputatione hac in re laudati.

Secundò probatur ratione, Quidquid certissime confert ad prædestinati salutem, reverà est Prædestinationis effectus, sed mala naturalia, & pœnæ hujus vitæ conferunt ad prædestinati salutem: Ergo, &c. Major patet ex dictis. Minor probatur, Tum quia hæc mala Electis ministrant medium, & modum satisfaciendi divinæ Justitiæ pro peccatis suis. Tum quia aniam præbent exercendæ fortitudinis, patientiæ, & alterius virtutis. Tum quia occasiones sunt, & incentiva ad cavenda peccata, frandas cupiditates, passionēs domandas, Deum invocandum, & alia id genus pietatis opera exercenda, quibus maxime hominis salus promovetur.

Dicit, Pœnæ Purgatorii non sunt prædestinationis effectus, sed tantum ordinantur à Providentia supernaturali, & divina Justitia: Ergo neque pœnæ hujus vitæ. Consequentia patet à paritate rationis,

tam enim illæ pœnæ sunt Deo satisfactoriæ, quam quæcumque excipi, & substineri possunt in hac vita. Antecedens verò probatur, Effectus Prædestinationis debet esse beneficium à Deo concessum, quo certissime salvantur Electi. Sed illæ pœnæ Purgatorii non censentur esse divinum beneficium, siquidem non à Dei bonitate, & liberalitate, sed tantum ex vindictiva ejus justitia ortum habent: Ergo, &c.

Nego consequentiam, & ratio disparitatis est multiplex. Primò quidem, quia pœna hujus vitæ, ratione status præsentis, se habet per modum gratiæ, & beneficii ordinabilis ad finem Prædestinationis, seu ad salutem Electorum. Vel enim voluntariè suscipiuntur ab Electis, & sic possunt esse meritoriz. Vel saltem ipsis non contradi-centibus inferuntur à Deo ad solvendum in hac vita id omne, quod per peccatum debiti contraxerunt, ne graviore Purgatorii pœnas postmodum incurrant, quod certè maximi beneficii locum habet. Purgatorii verò pœnæ nec possunt esse meritoriz, cum jam animæ illis pœnis addictæ sint in termino, adeoque non amplius mereri possint, nec possunt esse media ad alias majores pœnas vitandas. Secundò, Pœnæ hujus vitæ maxime conducunt ad alia Dei beneficia assequenda in ordine ad salutem, nempe ad consequendas ampliores gratias, & ad exercendam virtutem patientiæ, quæ divinam misericordiam maxime allicit, & provocat, non ita de pœnis Purgatorii. Siquidem animæ illas subeuntes sunt in termino meriti, gratiæ, & virtutis.

CONCLUSIO SECUNDA.

Permissio peccati dici potest occasionalis Prædestinationis effectus. Probatur. Illud dicitur effectus occasionalis divinæ Prædestinationis, quod reverà aniam præbet Prædestinato illa omnia sectandi, & exequendi, quæ conducunt ad salutem. Sed talis est peccati permissio: Ergo, &c. Major patet ex dictis. Probatur minor ex illo ad Romanos octavo. *Diligentibus Deum omnia cooperantur in bonum.* Ubi glossa subdit. *Etiā peccata, quatenus sunt materia exercendæ virtutis humilitatis, &c.* Cui concinit S. Augustinus lib. de Correctione, & Gratia cap. 9. dicens. *Usque adeo prorsus omnia, ut si qui eorum Prædestinatio-*

runt

rum deviant, & exorbitant, hoc ipsi faciat proficere in bonum, quia humiliores, & cautiore reddunt. Secundò, illa permissio maxime conducit ad manifestationem, & commendationem divinæ gratiæ, & misericordiæ, in Prædestinatis, & Electis, nam inquit Apostolus ad Rom. 9. *Deus sustinuit in multa patientia vasa iræ apta in interitum, ut ostenderet divitiis gloriæ suæ in vasa misericordiæ quæ preparavit in gloriam.* Ergo reverà hæc permissio intenditur à Deo prædestinante. Tertiò denique plerumque hæc permissio peccati, prædestinati prodest ad salutem. Nam inquit S. Augustinus, scrm. 33. de verbis Domini, *Audeo dicere, Superbis continentibus expedit cadere, ut in eo ipso, in quo se extollunt, humilientur, & cum timore, & tremore salutem suam operentur.* Sic multi Sanctorum occasione sui lapsus postmodum cautiore, humiliores, & ferventiores resurgunt.

Dices 1. Effectus Prædestinationis est gratiæ beneficium. Sed permissio peccati non est donum gratiæ, imò est gratiæ congruè, & efficacis substractio: Ergo, &c.

Distinguo minorem, Non est donum gratiæ secundum se, concedo, quatenus à Deo intenditur, & ordinatur ad ipsius prædestinati salutem, scilicet, ut cautior, humilior, & ferventior evadat, nego.

Dices 2. Christus nobis meruit effectus Prædestinationis: sed non meruit illam permissionem peccati: Ergo illa non est effectus Prædestinationis.

Distinguo minorem, Non meruit illam præcisè, quatenus permissio peccati est, concedo, quatenus ordinabilis in prædestinati salutem, nego. Hæc enim reduci potest ad aliquem ex tribus effectibus directis, liquidem confert ad vocationem, quatenus Electus peccata sua mente revolvens, excitatur ad promptius, & ferventius Deo vocanti consentiendum, & cum hæc ipsa recordatio provocet ad penitentiam majorem, etiam occasionem præbet novam gratiam comparandi, & consequenter acquirendi novum jus ad gloriam.

Subjumes, Ergo licebit petere à Deo permissionem proprii peccati: sed hoc est absurdum: Ergo, &c. Pater sequela, licet enim petere id omne, quod Christus meruit. *Nego sequelam.* Cum enim peccatum non possit esse in homine, quin fiat propria ipsius voluntate, idcirco homo non potest desiderare permissionem pec-

cati, quin pariter desideret voluntatem, & occasionem committendi peccata, quod reverà malum est, quamquam conducere possit ad majus bonum, ut docet S. Paulus ad Rom. 3. *Nam, inquit, sicut blasphemamur, & sicut ajunt quidam nos dicere, faciamus mala, ut veniant bona.* Unde ad probationem dico, licet petere quod Christus per se meruit, concedo, quod meruit tantum ex consequenti, nego. Permissionem autem illam peccati meruit tantum ex consequenti, quatenus nempe sua merita divino Patri obulit, ut ex illa permissione eliceret gratias, & virtutes prædestinato conferendas.

Dices denique, Idcirco permissio peccati esset effectus occasionalis Prædestinationis, quia exinde homo resurgit humilior, & ferventior: at non ex permissione, sed ex intuitu peccati, homo ita resurgit: Ergo non ipsa divina permissio, sed ipsum peccatum erit effectus prædestinationis, quod est absurdum.

Nego minorem, Siquidem ex ipsius divinæ permissionis consideratione præcisè resurgit homo cautior, & ferventior per penitentiam, exinde enim conspicit, ita fragilem, & lubricam esse hominum sortem, ut sola divina permissione posita, statim à virtute exorbitet, & in peccatum præceps ruat, juxta illud. *Aversisti faciem tuam a me, & factus sum conturbatus.*

ARTICULUS TERTIUS.

De Reprobatione.

Examinato, & quantum licuit explicato divinæ Prædestinationis mysterio, jam ipsius affine tremendum Reprobationis arcanum evulgandum aufpicamur, ordine quidem congruo, utpote cum utraque divinæ Providentiæ sit ordinata species, qua Creatura rationalis æternum in finem sibi congruum, & debitum ordinatur, ac deducitur. Quocirca, de Reprobatione tria discutere licet. *Primò*, quæ sint ipsius existentia, natura, & partes. *Secundò*, quas habeat causas. *Tertiò*, qui sint ejusdem effectus.

QUÆSTIO PRIMA.

An, quid, & quoruplex sit Reprobatio.

Notandum 1. Reprobationis nomen idem significare, ac exclusionem, vel repudiationem alicujus rei discorde-

nientis, formatur enim à particula *rei*, & nomine *probatio*. Particula autem *re*, quandoque contrarium suorum nominum simplicium significat, & importat (ut observat Calepinus.) Inde trifariam reprobationis nomen usurpatur in Scriptura sacra. *Primò* quidem latinis ad designandam cuiusvis rei vilis, & inutilis repudiationem, sic ad Hebræos 7. veteris legis ablegatio dicitur *Reprobatio præcedentis mandati propter infirmitatem ejus*, & inutilitatem. *Secundò*, stricte pro reiectione cuiuscunque rei malæ, & nocivæ, live in genere entis, live in genere moris, sic Ecclesiastici 9. *Speciem mulieris alienæ multi admirati reprobi facti sunt*. *Tertiò* denique pro decreto divino, quo aliqui propter demerita excluduntur à regno cœlesti, & deputantur ad pœnam. Reprobatio enim Electioni opponitur: Ergo licet Electio est voluntas efficax coronandi electos, & dilectos Dei, sic Reprobatio est voluntas absoluta projiciendi suos hostes in ignem æternum, & eos excludendi à regno Cœlorum. Sic autem Reprobationis vocabulum usurpasset videtur S. Paulus 1. ad Corinth. 9. *Ne forte cum aliis prædicaverim, ipse reprobus efficiar*. Inde varia sunt Reprobatorum in sacris Scripturis nomina, dicuntur enim *vasa iræ*, *vasa furoris*, *vasa in contumeliam*. Item *projecti*, *expulsi*, *despecti*, *oblivioni traditi*, &c.

Notandum 2. In Reprobatione tres inveniuntur actus intellectus, & totidem voluntatis, ut jam de Prædestinatione dictum est. In intellectu namque divino est actus scientiæ simplicis, quo Deus cognoscit possibilitatem culpæ, ac pœnæ. Insuper actus scientiæ conditionatæ, quo cognoscit futuram culpam, & pœnam, si negetur auxilium efficax. Denique actus scientiæ visionis, quo absolute, & intuitivè futuram culpam, & pœnam deprehendit. Similiter in voluntate primus actus est decretum permittendi peccatum, & perseverantiam in eo, usque ad mortem. Secundus, voluntas excludendi à gloria, propter prævisam indignitatem. Tertius, voluntas puniendi pœna æterna sensus, propter læsam divinam majestatem.

Notandum 3. Duplicem solitò distingui Reprobationem, unam à *gratia*, aliam à *gloria*. Prior dicitur tantum Reprobatio secundum quid, quia etiam gratia efficaciter negatur Prædestinatis, qui tamen à Circore Reprobi non appellantur. Poste-

rior verò dicitur Reprobatio simpliciter, quia omnem omnino exclusionem, tam à gratia, quam à gloria importat, & significat. Rursus hæc iterum duplex ab aliquibus distinguitur, nimirum *negativa*, & *positiva*. Negativa, inquit, est voluntas, qua Deus ab æterno eligendo aliquos ante prævisa ipsorum opera alios negligit, absque ulla adhuc demeritorum prævisione. Unde oritur voluntas negandi gratias efficaces ad vitandum peccatum. Positiva est voluntas, seu decretum æternum, quo Deus, præviso hominum quorundam finali peccato, ipsos arceat à regno Cœlorum, & ad pœnam æternam destinat. An autem hæc veritati congruant, resolvetur infra.

CONCLUSIO PRIMA.

Admittendum est in Deo decretum efficax, & immutabile, quo nonnullos homines, & Angelos ab æterno voluit à gloria excludere, & ad pœnam æternam destinare. Patet primò ex Concilio Valentino canone 3. ubi dicitur, *Fidenter fateamur, Prædestinationem Electorum ad vitam, & Prædestinationem Impiorum ad mortem*. Secundò, id ipsum patet omnibus illis Scripturæ textibus, quibus damnati dicuntur à Deo *reijcendi*, *recessuri*, *projici*, & *miti in ignem æternum*. Necnon illis omnibus parabolis, quibus damnandi sunt similes hædis constituendis à sinistris, & inde ejiciendis in flammam, Zizanii crescentibus usque ad metum, sed postmodum colligendis in fasciculos ad comburendum, necnon & malis piscibus foras mittendis, Matth. 13. Nam, ut inquit Chrysologus serm. 48. *Similitudo hæc prædit, cur in Apostolatum piscatores elegerit Christus, & captivos piscum fecerit hominum piscatores, ut divini iudicii typus aris piscatoria monstraretur. Pisces congregat captura confusus, sed in vasa discreto dat electos. Sic vocatio Christiana iustos, & iniustos, malos, bonosque congregat; sed bonos, malosque electio divina discernit*.

Probatum id ipsum ratione, Primò quidem Deus nihil quidquam in tempore exequitur, quod ab æterno facere non decreverit, sed reverà de facto multos arceat à gloria, & pœnis æternis adjudicat. Ergo illud ab æterno proposuit, tale autem propositum dicitur Reprobatio: Ergo est admittenda.

Deinde, De ratione providentis generalis

lis est, ut permittat aliquas causas secundas ex natura sua defectibiles, interdum deficere à consecutione sui finis; spectat enim ad rationem provisoris universalis, quod sinat causas particulares agere, juxta modum suae naturae; sed eo ipso, quo agunt juxta modum suae naturae, deficient à fine; quia propter defectibilem naturam inclinationem multa committunt peccata: Ergo ad rationem providentiae spectat, ut patiarur quasdam Creaturas rationales à gloria excidere. Hic autem casus est Reprobatio: Ergo datur.

Denique; Si foret à Deo arcenda Reprobatio, maxime quia defectum aliquem importat, & arguit; sed non ita; imò maxime conducit ad evulgandam, & magnificandam Dei justitiam, potentiam, bonitatem, & patientiam, quae non minus elucet in reprobatione, quam in electione; utraque enim mirabilem Dei potentiam, patientiam, & justitiam punientem, & remuncerantem ostendit: Unde Apostolus ad Rom. 9. *Deus volens ostendere iram, & notam facere potentiam suam, sustinuit in multa patientia iram a se apta in iniquitatem*. Infinitae enim potentiae, & patientiae, ac bonitatis est, quod voluntati ejus serviant, quaecumque sunt contra illius voluntatem; quod diu toleret impios in multa patientia, ut ad poenitentiam eos provocet; repugnantes autem, & hac patientia abutentes, tandem aliquando puniat: Ergo, &c.

Dices 1. Hominum damnatio accidit præter voluntatem Dei; *Vult enim omnes homines salvos fieri*: Item, *Nolo mortem impiis, sed ut convertatur impius à via sua*: Ezechiel. 11. Ergo non fit per absolutum, & efficax decretum reprobationis.

Distinguo antecedens: Accidit præter voluntatem antecedentem inefficacem, & primariam, qua Deus, ex infinita sua bonitate, omnes homines creat, & destinat ad gloriam, tanquam ad eorum finem ultimum, ante praevisae eorum merita, & demerita, concedo: præter voluntatem efficacem absolutam, & subsequentem prævisionem demeritorum, qua ex justitia vindicante ulcisci debet peccata, nego.

Dices 2. Aeterna hominum damnatio infinitam Dei bonitatem dedecet; qualiter enim infinitè bonus, qui aeternae hominum miseriae esset artifex? Ergo illa ab ejus efficaci decreto non provenit.

Nego antecedens: Nam, ut loquitur Ter-

tullianus lib. 1. adversus Marcionem cap. 25. *Deus de sola bonitate censendus non est*, si enim, ut subdit c. 26. *Neque amulatur, neque irascitur, neque damnat, neque vocat, utpote, qui nec judicem praestat; non invenio, quomodo illi disciplinarum ratio consistat, & quidem plenius; quale est enim, ut præcepto constitutis non executus; ut delicta prohibeat non vindicaturus, qui non judicaturus; extraneus scilicet ab omnibus sensibus severitatis, & animato personis?* Unde concludit, *Stupidissimus ergo, qui non offenditur facto, quod non amat fieri, quando offensa cunctis sit frustrata voluntatis; qui si offensus debet irasci, si irascitur debet ulcisci; nam, & ultio fructus est ira, & ira debitum offensa, & offensa, ut dixi, comes frustratae voluntatis*.

Inflabit: Ad manifestandam divinum illam justitiam sufficit, quod Deus malum prohibeat, seu ut loquitur Tertullianus ibid. cap. 27. *Quod judicet malum nolendo, & damnet prohibendo; admittit autem non vindicando, & absolutat non puniendo*.

Nego antecedens: Hic enim justitiae modus incertum Deum, & imbecillum ostendit: unde merito ibidem exclamatur Tertullianus: *O Deum veritatis praevocatore, sententiae suae circumscriptorem! Timet damnare, quod damnat; timeo dissile, quod non amat; factum finit, quod fieri non finit: tam vult ostendere, quid nolit, quam probare. Hoc erit bonitas imaginaria, disciplina phantasia, & ipsa transfusoria praeccepta, secunda delicta, &c.*

Dices 3. Perfecta Providentia efficere debet, ut res sibi subjectae praescriptum finem assequantur; sed divina Providentia est perfectissima: Ergo efficere debet, ut homines sibi subditi beatitudinem aeternam, ad quam, ut ad finem ultimum, ordinantur, infallibiliter obtineant; adeoque apud illum nulla esse debet Reprobatio.

Distinguo majorem: Perfectissima providentia particularis, ita sese gerere debet, transcat: Providentia communis, & generalis, nego. Quamquam enim ad particularem provisorum spectet quilibet defectum excludere ab eis, qui ipsius ordinationi subjunguntur, secus tamen est de Provore universalis. Cum enim hic respiciat bonum commune, quod impediri potest, & diminui per bona particularium; inde fit, ut permittere debeat defectum aliquem in particularibus, propter servandum bonum commune totius; Cum igitur Deus

fit universalissimus Provisor, permittere debet defectus singularium, ne impediatur bonum totius Universi, si enim omnia prohiberentur, & cohererentur mala, multa bona decissent universo, si enim non esset plantarum, & animalium consumptio, nec bruta, nec homines viverent, si non esset persecutio tyrannorum, decisset patientia Martyrum. Denique, si non esset peccati permissio, non esset pariter divinæ justitiæ, defectibilitatis liberi arbitrii, & necessitatis gratiæ manifestatio.

Adde, quod, ut diximus, de ratione perfectissimæ Providentiæ sit, quod res sibi subiectas ordinet in finem, juxta modum suæ naturæ, adeoque ut defectibiles interdum finat à fine deficere, ut exinde naturæ pateat defectibilitas.

Dices 4. Nemo Sapiens aliquid faciens propter finem, illud à fine obtinendo arcere debet, quantum est ex parte suâ; sed Deus omnes homines condidit propter beatitudinem: Ergo ab eadem non debet eos excludere, nec consequenter reprobare.

Distinguo majorem, Si illud necessariò, & indefectibiliter ad talem finem ordinet, concedo. Si contingenter, ac defectibiliter, nego. Ut sic enim permittere potest, quod aliqua individua deficient à consecutione finis, tum ad servandam eorum libertatem, tum ad defectibilitatem aperiendam, & suam justitiam manifestandam.

CONCLUSIO SECUNDA.

Reprobatio rectè describitur, *Efficax, & absolutum divine voluntatis decretum, divinique intellectus judicium de pœna æterna infligenda rationali creaturæ, & ipsius à beatitudine exclusionem, propter prævisum gratiæ abusum, & peccatum finale.* Patet hujusce descriptionis veritas ex singularium ipsius partium declaratione. Primò namque dicitur *efficax decretum voluntatis*, in quo convenit cum Prædestinatione, quæ est etiam Dei voluntas efficax deducendi homines justos in finem sibi congruum. Additur *absolutum*, ut excludatur illa Reprobatio negativa, quam nonnulli auctores adstruunt, quamque mox impugnabimus. Additur *divini intellectus judicium*, siquidem ad reprobationem tres desiderantur actus intellectus, ut dictum est in secundo Notabili, unde Reprobatio simul dicitur *præscientia, & prævisum.* Præscien-

tia quidem quatenus est actus intellectus, vel apprehensivus, vel judicativus, apprehensivus, inquam, demeritorum, & judicativus indignitatis eorum, qui propter demerita judicantur indigni. Similiter est propositum voluntatis detestantis simul, & approbantis. Detestantis, inquam, iniquitatem morientium finaliter in peccato, & approbationis, eorum exclusionem ab æterna beatitudine, damnationem ad pœnas. Reprobatio, inquit Alensis, 1. p. qu. 29. membr. 2. *Est scientia cum approbatione pœnæ, & cum detestatione iniquitatis*, seu ut loquitur Magister sententiarum dist. 4. ex S. Aug. Reprobatio est *præscientia iniquitatis quorundam, & preparatio damnationis eorumdem.* Additur denique *propter prævisum gratiæ abusum, & finale peccatum.* Non enim Reprobatio fit, nisi ex prævisis demeritis, ut contra Calvinum probabimus quæstione sequenti. Inde nulla admitenda est ex parte Dei reprobatio negativa, ex pura ipsius libertate proveniens, & ante prævisa hominum demerita, ut aperiet

CONCLUSIO TERTIA.

Non est admitenda Reprobatio negativa. Hæc sequitur ex dictis, Deus enim non prædestinat nisi ex prævisis meritis: Ergo nec deserit, nisi quos providet non habituros merita, adeoque nullos deserit absque prævisa causa ex parte eorum, quod probatur 1. ex Scriptura, Tobie 3. *Non delectaris in perditionibus nostris.* Et 2. Petri c. 3. *Patienter Deus agit propter vos, nolens aliquem perire.* Ergo sine causa ex parte Creaturæ nullum Deus reprobatur, si enim ex pura liberalitate aliquos seligeret, alios verò despiceret, & desereret, absque aliqua causa ex parte ipsorum, haud dubiè vellet illos derelictos perire, quippe, cum non vellet illos salvare, & delectaretur in eorum perditionibus, quia illa perditio, juxta ipsius voluntatis beneplacitum, accideret.

Deinde ex 1. ad Corint. cap. 2. *Deus vult omnes homines salvos fieri*, non quidem voluntate consequente, quia reverà vult eos, qui prævidentur morituros in peccato finali, esse damnandos: Ergo voluntate antecedente prævisionem, tam meritorum, quam demeritorum, adeoque, ante illam prævisionem, non habet voluntatem negativam respectu salutis quorundam, qui non eliguntur, qualiter enim vellet om-

omnes salvos fieri, si nullam haberet voluntatem salvandi aliquos ex illis omnibus?

Confirmatur ex S. Damasceno lib. 2. de fide Orthodoxa cap. 29. ubi ait. *Sciendum est, Deum antecedenter velle omnes salvari, & regno ipsius potiri, non enim ad puniendum formavit nos, sed tanquam bonus ad sua bonitatis communicationem. Peccatores autem vult punire tanquam justus.* Hoc ipsum probat S. Prosper in responsione tertia ad objectiones Gallorum, ubi de Reprobis loquens ait. *Quod ergo hujusmodi in hec prolapsi mala, sine correctione penitentia defecerunt, non ex eo necessitatem pereundi habuerunt, quia Prædestinati non sunt, sed ideo Prædestinati non sunt, quia tales futuri ex voluntaria prævaricatione præciti sunt.* Quibus aptè negat Prædestinationem, & Reprobationem antecedentem prævisionem operum, adeoque etiam excludit illam reprobationem negativam. Quod rursus confirmat cap. 7. ubi iterum loquens de damnandis ait. *Horum lapsum Deo adscribere modica pravitatis est, quasi ideo ruina ipsorum impulsor, atque auditor esset, quia illos ruituros propria ipsorum voluntate præciti;* & ob hoc à filiis perditio nis nulla prædestinatione discrevit.

Probatur etiam ratione, Admissa illa Reprobatione negativa necessariò sequitur non Electos, nullatenus posse salvari, & quidquid fecerint infallibiliter damnandos iri. Sed consequens est absurdum: Ergo & antecedens. Probatur sequela majoris. Nemo enim salvatur nisi prædestinatus. Hæc namque certa est Dei lex, alioquin Deus faceret in tempore, quod ab æterno non decrevit facere.

Deinde, cum ita certus, & determinatus sit prædestinatorum numerus, ut nec augeri, nec minui possit, sicut probatum est; consequens est, quod, qui ita non erit electus, nullatenus poterit salvari, sicque salus ipsi omnino erit impossibilis. At hoc est absurdum, aliqui culpandi non essent, qui damnantur, quod salutem suam non fuerint operati, nemo quippe justè culpari potest, quod non fuerit executus, id quod ipsi prorsus erat impossibile. Quis enim Rex nisi stolidus, & omnino crudelis, ac injustissimus damnaret hominem aliquem ad mortem, propterea quod non impleverit mandatum de extrahendis à Cælo syderibus, vel mati integro epotando? Adde, quod exinde molestissimum illud dilemma, Perversus quisque solmare potest, ut

lubentius voluptatibus indulgeat, parumque sit de salute sollicitus. Vel sum, inquit, ita gratis electus ab æterno, vel non sum ita electus. Si sim electus, certe quidquid egero, infallibiliter salvabor, siquidem Dei decretum omnino est inviolabile. Si non sum electus, frustranci sunt omnes mei conatus ad salutem, quia infestabiliter damnabor, quippe, cum certum sit, neminem salvatum iri, nisi sit in numero eorum, qui gratis electi sunt, quod certè dilemma omnes ad impietatem habenas laxat, & solvit.

Denique, Ex admissa Reprobatione illa negativa, ut Adversarii explicant, sequitur damnandos, non solum negativè, sed etiam positivè exclusos fuisse, saltem implicitè, & æquivalenter à gloria æterna, ante prævisa ipsorum demerita, & statum finalem injustitiæ; sed hoc Calvinì blasphemiam redolet, ut patebit quæstione sequenti: Ergo, &c. Probatur sequela majoris, Qui vult absolute, & efficaciter totum aliquod constans ex multis partibus in individuo cognitis, per modum aggregati perfecti, & cum proportionem partium ad invicem, in numero, gradibus, & aliis circumstantiis particularem determinationem significantibus, hoc ipso excludit omnes alias partes non electas, etiam possibiles, ita quod, si illa electio quarundam partium, & determinatio sit infallibilis, & efficax, etiam infallibiliter, & efficaciter excluduntur aliæ partes electæ ad illius totius constitutionem. Atqui Deus ex Adversariis, ita se habet, ut regnum cœlestè intendat efficaciter, & absolute illa electione antecedente prævisionem metitorum, velut totum quoddam determinatum, quoad personas in numero, qualitate, gradu gloriæ, & aliis circumstantiis, seu (ut ipsi loquuntur) se habet per modum Architecti, qui palatium determinatæ magnitudinis ex tot lapidibus in individuo, quantitate, & qualitate destinatis ædificare cogitaret, vel ut conviva, qui prandium ex certo numero personarum in individuo designatarum vellet instituire. Ergo sicut Architectus reverà reprobatur omnes lapides, quos non comprehendit sub illo determinato numero, & sicut conviva excludit à suo prandio omnes illos, quos non invitat, etiam Deus vi decreti æterni, quo aliqui eliguntur, cæteri verò negliguntur, censetur negligens excludere.

Consequentia patet, & præcedens ratio confirmatur. Quia quilibet numerus certus, & determinatus non minus excludit illas omnes unitates ex quibus non constat, quam includit omnes illas, ex quibus constat, & formatur. Deinde, si decretum istud non haberet vim exclusionis, Deus non posset ex eo certo, & infallibiliter cognoscere, quod nullus alius præter sic electos salvandus sit. Denique ex illa determinata electione fit, quod Deus Electis præparet gratias efficaces, quibus salutem infallibiliter assequantur, aliis verò tales gratias non præparet. Sed hæc gratiæ negatio exclusionem positivam arguit, sicut & præparatio gratiæ positivam electionem supponit: Ergo reverà, ex Reprobatione negativa, sequitur non electos positivè à gloria excludi, ante prævisa ipsorum demerita, quod omnino Calvinissimum sapit.

Quæ hanc adversus conclusionem posset obijci, jam satis, superque soluta fuisse ex iis, quæ diximus probando prædestinationem fieri solum ex prævisis meritis, adeoque omnem Reprobationem fieri tantum post prævisa demerita.

QUÆSTIO SECUNDA.

An, & in qua sit causa Reprobationis.

Reprobationis, sicut & Prædestinationis causa ex duplici capite cogitari potest esse repetenda, nimirum, vel ex parte Dei pro nutu, & absoluto suo in Creaturas dominio, quas voluerit prædestinantis, aut reprobantis, vel ex parte Creaturæ, quæ pro suis meritis, aut demeritis Deum movet ad Prædestinationem, vel Reprobationem.

Notandum 1. Hanc esse pessimam Calvini sententiam, necnon & quorundam ejus sequacium, Deum æterni sui consilii, seu decreti ratione prius, quam prævideret peccatum originale, & ejuscumque hominis meritum, aut demeritum, destinasse aliquos ad vitam, alios autem ad damnationem æternam. Quoniam autem nonnulli Calvinistæ impudenter pectant, hunc errorem falso Calvino suo Patriarchæ asfingi, operæ pretium est illud ipsum ex ipsius verbis demonstrare, scribit namque libro 2. Institutionum cap. 21. nu. 5. *Prædestinationem*, inquit, *vocamus æternum Dei decretum, quo apud se constitutum habuit, quid*

de unoquoque homine fieri vellet, non enim pari conditione creantur homines, sed aliis vita æterna, aliis damnatio æterna præordinatur. Itaque prout in alterum finem quisque conditus est, ita vel ad vitam, vel ad mortem prædestinatum dicimus. Et cap. 22. nu. 3. *Ubiunque verò regnat hoc Dei placitum, nullam in considerationem veniunt opera.* Et cap. 23. nu. 4. *Fateor sanè in banc, qua nunc illigati sunt, conditionis miseriam, Dei voluntate decidisti universos filios Adam.* Atque id est, quod principio dicebam, redeundum tandem semper esse ad solum divine voluntatis arbitrium, cujus causa sit in ipso abscondita. Et nu. 7. *Decretum, inquit, horribile fateor. Inficiari tamen nemo poterit, quin præciderit Deus, quem exitum esset habiturus homo, antequam ipse conderet. Ideoque præciderit, quia decretis suis sic ordinaverat.* Quibus verbis, & aliis similibus, satis aperte patet ejus sententia.

Notandum 2. Huic impitæ, & blasphemæ sententiæ, aliam non minus execrandam Calvinum attexere, nempe, quod illud Dei decretum æternum, & immutabile, arbitrii nostri libertatem auferat in negotio Prædestinationis, & Reprobationis, imponatque necessitatem inevitabilem Prædestinati, ut salventur, & Reprobis, ut damnentur, adeoque, juxta pessimam ipsius sententiam, Reprobos ad peccandum trahit, impellit, & cogit, estque Auctor omnium cupiditatum, & criminum, quibus subjiciuntur. Sic enim scribit lib. 3. Institutionum cap. 23. num. 8. *Adjunt, Catholici doctores, Deo permittente, non autem volente perire Impios: sed cur permittente dicimus? nisi, quia ita vult? Quamquam nec ipsum quidem per se probabit: est, sola Dei permissione, nulla ordinatione hominum sibi acceperisse mererunt. Non dubitabo igitur cum Augustino simpliciter fateri voluntatem Dei esse rerum necessitatem, atque id necessarium futurum, quod ille voluerit.* Et lib. 2. cap. 3. num. 10. *Ac voluntatem movet (Deus) non qualiter multis sæculis traditum est, & creditum, ut nosse posset sui electionis motionem, aut obtemperare, aut refragari: sed illam efficaciter officiendo. Illud ergo toties à Chrysto repetitum repudiare necesse est quem trahit, volentem trahit.*

Et cap. 2. num. 7. affirmat Deum ex intentione periculi Reprobos omnem illis viam salutis præcludere. *Quosdam*, inquit, *Deus exitio devovet, quosdam damnationi addicit, siquæ incomprehensibili judicio viæ aduam præcludit.* Et cap. 24. num. 12.

Quos

Quos in vita contumeliam, & mortis exitum creavit, ut ira sua organa farent, eos ut in finem suum perveniant, nunc audiendi verbi sui facultate prout, nunc eius prædicationem magis excusat, & obfuscat. Et paulo post nu. 12. Ecce vocem ad eos dirigit, sed ut magis obfuscescant, lumen accendit, sed ut reddantur cæciores, Doctrinam proferit, sed qua magis obfusceant, remedium adhibet, sed ne sentiantur. Et lib. 1. cap. 18. nu. 2. asserit Dæmonem impelli à Deo ad malè agendum, & homines perdendos. Fateor, inquit, interposita Satanae opera sepe Deum agere in Reprobis, sed ut eius impulsu Satan ipse suas partes agat, & proficiat, quatenus datum est, dicitur etiam idem Satan excusare fideles mentes, sed unde hoc, nisi quid à Deo ipso manat efficacia erroris, ut mendacis credant, qui renuntiare parere veritati? Secundum priorem rationem dicitur. Si Prophetæ quispian locutus fuerit mendaciter, ego Deus illum decepi. Secundum alteram vero dicitur, ipse dare omnes homines in Reprobum sensum, & projicere in scædas cupiditates. Quia iussu suæ vindictæ præcipuus est auditor, Satan verò tantum minister, &c. Quot, & quam horrendæ, ac execrandæ impiissimi Nebulonis blasphemie!

Notandum 3. Circa præsentem questionem tres esse Catholicorum Doctorum sententias, quarum Prima diserte contendit utramque Reprobationem, tam positivam, quam negativam ab ipsis propugnatam, supponere præscientiam peccatorum, & ab ea tanquam causa motiva, & demeritoria dependere. Secunda verò distinguit inter Reprobationem positivam, & negativam, necnon & inter voluntatem infligendi pœnam, & excludendi à gloria, ut à beneficio indebito. Unde asserunt primam voluntatem supponere præscientiam demeritorum, & in illa fundari. Secundam verò docent ex puro divinæ voluntatis beneficio originem ducere, in quo partim conveniunt cum Calvino, partim ab eo discrepant. Conveniunt, inquam, in eo, quod asserunt Deum aliquos excludere à regno, ut beneficio indebito ante prævisa demerita, discrepant autem in eo, quod asserunt sic exclusos ad ignem æternum non destinari nisi post prævisa demerita. Ita docent plures Thomistæ quibus viam prævivere Bannes, Zumel, & Alvarez disp. 110. de auxiliis nu. 8. ubi ait. *Reprobatio qua Deus statuit non dare aliquibus*

viam æternam, & permittit peccata eorum, non est conditionata, sed absoluta, nec præsupponit in Deo præscientiam, vel prævisionem demeritorum ipsius Reprobi, aut perseverantiam in peccato usque ad ultimum vite. Et disput. 102. num. 6. conclusione 3. prius dixerat, *Abus positus, quo Deus ab æterno voluit non admittere quosdam in suum regnum, non fuit conditionatus, sed absolutus, antecedens in significatione præscientiam mali usus liberi arbitrii.* Tertia denique sententia, quæ est Granadi tract. 6. disput. 2. fatetur quidem Reprobationem positivam esse posteriorem peccatis conditionate prævisi, sed unico tamen, & eodem actu decerni à Deo peccati permissionem, & damnationem Reprobi, adeo ut simul, & in eodem signo, permittatur peccatum fieri, prævideatur futurum, & propter illud decernatur hominis damnatio. Quæ autem ex his sententiis Catholicæ veritati, & fidei magis congruat, sit

CONCLUSIO PRIMA.

DEUS neminem decernit damnare ad pœnam æternam ante prævisa demerita. Hæc est de fide.

Probat'ur primò ex Concilio Valentino cap. 3. ubi dicitur. *Fidenter fatemur prædestinationem Electorum ad vitam, & Prædestinationem Impiorum ad mortem, in Electione tamen salvandorum, misericordiam Dei præcedere meritum bonum, in damnatione verò peritorum, meritum malum præcedere iustum iudicium Dei.* Quibus verbis Concilium hoc statuit discrimen inter Prædestinationem, & Reprobationem, quod Reprobatio sit opus iustitiæ vindicativæ, quæ supponit demerita ex parte Reprobandi. Prædestinatio verò eatenus sit opus misericordiae, quatenus supponit Dei gratiam prævenientem, & cooperantem, quibus adjuvantibus fiunt opera meritoria, quæ Deum movent ad formandum Prædestinationis decretum. Et consequenter censet Concilium, Deum neminem reprobare, nisi ex prævisis illius demeritis.

Dicit Concilium esse intelligendum de Reprobatione secundum executionem, quæ reverà supponit demerita, & peccatum finale, non verò secundum intentionem, quæ pro Dei nutu, & arbitrio decernitur.

Contra, Concilium opponit Reprobationem Prædestinationi, in hoc, quod illa sit

fit opus iustitiæ, hæc verò opus misericordiz: Sed sic non opponuntur secundum executionem, utraque enim sic est ex iustitia; illa quidem ex iustitia vindicativa; hæc ex iustitia remunerante: Ergo illa oppositio intelligi debet secundum ordinem intentionis, in quo Reprobatio est purum opus iustitiæ, quia supponit hominum demerita; Prædestinatio verò dicitur opus misericordiz, quia supponit merita, quæ, à gratia ortum habent.

Confirmatur ex Conc. Arausicano 2. circa finem ubi ait: *Aliquis ad malum divina potestate Prædestinatus esse non solum non credimus, sed etiam si sunt qui tantum malum crescere velint cum omni detestatione illis anathema dicimus.* Et ex Conc. Trid. Sess. 6. Cano. 17. si quis iustificationis gratiam non nisi prædestinati ad vitam contingere dixerit, reliquis verò omnes, qui vocantur, vocari quidem, sed gratiam non accipere, utpote divina potestate prædestinatos ad malum, anathema sit.

Dices Concilia esse intelligenda de malo culpæ, non de malo pænæ damni.

Contra: Pœna damni est præcipuus terminus, & primum obiectum Reprobationis: Ergo de ipso Conciliorum sententiæ sunt intelligenda. Adde quòd Concilia loquuntur de pœna æterna à Reprobis subeunda, adeoque de solo malo culpæ non sunt intelligenda.

Probatur secundò Conclusio ex SS. Patribus, maximè verò ex Augustino, quem sibi suffragantem falsò, & impudenter Calvinus pœtitat. Itaque S. Augustinus pluribi edocet Deum neminem damnare, nisi ex prævisis ipsius demeritis: sed maximè Epist. 106. ubi cum dixisset, *Quamvis nemo ab illo iustificetur meritis præcedentibus, neminem tamen obdurari, nisi meritis, nocuerit:* Subdit *Pietas namque, & veraciter creditur Deus nocentes, atque Impios iustificando à pœnis debitis liberare; quemquam verò immeritum, & nulli obnoxium peccato, si Deus damnare creditur, alienus ab iniquitate non creditur.* Hinc lib. contra Iulianum cap. 18. ut probet necessitatem Circumcisionis, & Baptismi ad delendum peccatum originale, & præcavendam æternam damnationem, ait, *Bonus est Deus, iustus est Deus: potest aliquis sine boni meritis liberare, quia bonus est; non potest quemquam sine meritis damnare, quia iustus est.* Cui concinit Tertullianus lib. 2. contra Marcionem cap. 11. *Deus ex seipso bonus est, ex nobis iustus.* *Id prior bonitas Dei secundum na-*

turam; severitas posterior secundum causam: illa ingenua, hæc accidenti; illa propria, hæc accommodata: illa edita, hæc adhibita; nec natura enim inopertatam debuit continuisse bonitatem, nec causa dissimulatam evasisse severitatem: alteram sibi, alteram reis Deus præstitit.

Item S. Aug. lib. 2. contra eundem Julianum cap. 10. ut probet veritatem peccati originalis ait. *Deus autem iustus, si tanta parvulus mala, quanta nunc dicere non iusticio nihil peccati trahentibus irrogaret, magis appareret iniustus.* Quanto magis iniustus si eos in æternum, absq; peccato, damnet? Unde lib. 4. contra eundem cap. 8. disertè pronuntiat, *Certum, & immobile teneamus, inquit, non esse iniquitatem apud Deum, quæ quemquam sine malis meritis damnet.*

Denique lib. de unitate Trinitatis contra Manichæos cap. 7. *Non enim iniustitia est apud Deum, ut damnet eos, qui omnino nihil peccaverunt.* Quibus aperte constat, quantum impia Calvinii sententia à sancti Augustini doctrina longè exorbitet. Hæc omnia confirmantur ex iis, quæ diximus de mente sancti Augustini, circa prædestinationem ex prævisis meritis.

Probatur eadem veritas ratione, & quidem à Doctore Subtili in 1. distinctione 21. num. 14. his verbis, *Damnatio non videtur bona, quia iusta, nam secundum Augustinum lib. 11. super Genesim cap. 24. non prius est Deus ultor, quam aliquis sit peccator: Videtur enim esse crudelitatis punire aliquem non præexistente in eo culpa; igitur à simili, non vult Deus prius aliquem punire, quam videat aliquem esse peccatorem.* Non igitur primus auctus voluntatis divinæ circa Judam est velle damnare Judam, prout Judas offertur in puri naturalibus: quia hunc videretur velle damnare sine culpa, sed videtur, quòd oportet Judam occurrere voluntati divinæ sub ratione peccatoris, antequam vellet ipsum damnari: Ergo cum Reprobare sit velle damnare, Reprobatio habet, ex parte obiecti, rationem aliquam, scilicet peccatum finale prævisum.

Deinde, pœna ut pœna videtur esse quoddam bonum ex occasione: sed bonum occasionatum, cum non ametur nisi occasione mali præsuppositi, necessum est, ut, qui decernit infligendam pœnam, prius supponat peccati futuritatem. & consequenter voluntas puniendi, & infligendi pœnam, supponit in Deo prævisionem culpæ, & ab ea dependet: Unde sanctus Fulgentius

V lib.

lib. 1. ad Monimum expendens illa verba Pauli ad Rom. 9. *Ejau odiabavi*, ait *Quæso Monime Charissime, ut hunc locum Apostoli diligenter attendas: notum namque est iram Dei dici non posse, nisi ubi creditur hominis iniquitas præcessisse*: Et infra, *Quia Deus peccata hominum præscientia vidit, sententiam Prædestinationis distinxit*. Concinit sanctus Damascenus lib. 2. de fide cap. 26. *Deus, inquit, ex se ipso movetur ad miserendum: ad puniendum, non nisi ex nostra præsupposita culpa*.

Denique, aliquem ad poenam destinare, est ipsum odio habere, & quidem positivè: sed odium Dei positivum necessariò supponit culpam, juxta illud Sapientiæ 14. *Odio sunt Deo impius, & impietas ejus*: Ergo voluntas, qua Deus homines destinat ad poenam, necessariò supponit peccati prævisionem. Cujus hanc adversus veritatem ab hæreticis solent obijci, rectius dissolvit

CONCLUSIO SECUNDA.

DEUS ante prævisa peccata, neminem positive decernit excludere à gloria eterna, ut beneficio indebito. Hæc est contra duas posteriores sententias, &

*Probat*ur primò illis omnibus Scripturæ textibus, quibus indicatur Deum voluntate antecedente velle omnes homines salvos fieri, nec non & iis, quibus Deus testatur non esse voluntatis suæ mortem impij, & perditionem Israël esse ex illa ipsa. *Probat*ur etiam autoritate sanctorum Patrum, quibus supra demonstravimus eos aperte sentire Deum neminem prædestinare, nisi ex prævisis meritis; adeoque nec aliquem Reprobare, nisi ex demeritis suppositis.

Confirmatur insuper ex sancto Augustino Epistola 106. ubi ait, *Cum per liberum arbitrium primi hominis in condemnationem universa massa deflueret, proculdubio quod ex ea sunt vasa in bonorem, non ipsius justitiæ, quam gratia nulla præcessit, sed Dei misericordie: quod verò in contumeliam, non iniquitati Dei, quæ absit, ut sit apud Deum, sed judicio deputandum est*: At qui positivè Reprobantur, sunt vasa in contumeliam: Ergo sicut qui prædestinantur, sunt vasa in honorem ex misericordia, quæ supponit merita ex gratia per misericordiam Dei largienda; ita qui reprobantur, & excluduntur à Regno, sunt vasa in contumeliam ex divina justitia vindicativa, quæ supponit cul-

pam. Ipsi concinit S. Prosper Responsione 7. ad objectiones Gallorum, ubi de Reprobis ait, *Gratia Dei non prius eos deseruit, quam ab eis desereretur, & quia hoc, os voluntaria facturos defectione prævidit, ideo in Prædestinationis electione illos non habuit*.

*Probat*ur item ratione: Si voluntas excludendi à regno non pendeat ex prævisione peccati futuri, sequitur Reprobum de facto non excludi à regno, propter peccatum commissum: sed consequens est hæreticum: Ergo, &c. Probat^{ur} sequela maioris: Homo non potest censeri damnandus propter peccatum commissum, quando damnatio ipsa reverà futura est, etiam si nullum esset peccatum: sed esset futura damnatio Reprobi, quamvis nullum esset ejus peccatum; posito enim Dei decreto absoluto de excludendo Juda v. g. à gloria, ante prævisionem ipsius malitiam, implicat, ut hæc exclusio non sequatur, quamvis nullum sit futurum ipsius Judæ peccatum; decretum enim Dei absolutum omnino irrefragabile, & invariabile est.

Deinde posita illa exclusionem positiva à Regno ante prævisa demerita, sequitur Deum non velle sincerè, voluntate antecedente, salvare omnes homines: sed consequens apertè militat in Scripturam sacram, ut pluries insinuavimus; Ergo, &c. Probat^{ur} sequela maioris: Si Deus sincerè velit, voluntate antecedente, salvare Judam, tenetur ratione hujus voluntatis credere Judæ salutem possibilem: sed supposito illo decreto antecedente de excludendo Juda à Regno eterno, ut beneficio indebito, salus non est amplius ullo modo Judæ possibilis, quia hæc divina voluntas effectu suo frustrari non potest: Ergo, &c.

Denique, si decretum excludendi Reprobos à regno non supponat eorum prævisa peccata futura, sequitur Reprobos, si bene, sive male agant, invariabiliter esse damnandos: At hæc divinæ bonitati, & justitiæ repugnant: Ergo, &c. Probat^{ur} sequela maioris: Illud est invariabiliter futurum, quod non potest non evenire: Sed ita est impresentiarum, quia cum decreto absoluto de damnatione conjunctione nullo modo potest negatio damnationis; cum enim decretum damnationis sit absolutum, etiam est invariabile, ante prævisionem peccati futuri: Ergo, si ille bene agat, sive male, semper damnabitur.

Dices 1. Sanctus Paulus ad Rom. 9. expressè

præse loquitur de Reprobatione positiva: Sed ibidem affirmat illam fieri independentem à prævisione demeritorum, & à sola Dei voluntate pendere: Ergo revera ita fit. Major patet: *Primò*, quia Reprobationem vocat odium; loquens enim de Esau in persona cæterorum Reprobatorum, dicit Deum odio illum habuisse; odium autem est positiva detestatio rei, & aliquid amplius significat, & importat, quàm non dilectio: *Secundò*, id ipsum demonstrat exemplo figuli facientis vas in honorem, & aliud in contumeliam; figulus autem positivè contemnit illam massæ terreæ partem, ex qua facit vas in contumeliam. *Tertiò*, finem à Deo reprobante intentum, docet ibi. S. Paulus, esse offensionem nostræ, seu justitiæ divinæ, justitiæ autem actum positivum indicat. *Quartò* voluntas, cui opponitur resistens, est positiva: Sed talem voluntatem significat Paulus esse Reprobationem; dicit enim *Voluntati ejus quis resistit?* Ergo revera ibidem agit de Reprobatione positiva.

Probatur itaque minor, nempe quòd Apostolus ibidem affirmat illam positivam Reprobationem à sola Dei voluntate, non autem à meritis pendere: *Primò* quia Esau cum nondum aliquid mali egisset dictum est, *Esau odio habui*; quod probat subiiciendo, *Igitur non est volentis, neque currentis, sed misereentis Dei*: Id ipsum confirmat exemplo Pharaonis, quia in hoc ipsum excitavit, *ut ostendami te virtutem meam, & ut annuntiaretur nomen meum in universa terra*: Unde concludit Apostolus, *Ergo cuius vult miseretur, & quem vult indurat*: Et mox sibi obiciens: *Dicis itaque mihi, quid adhuc queritis? voluntati ejus quis resistit?* Non aliud respondet quàm *O homo tu, quis es qui respondeas Deo?* Quasi diceret à sola Dei voluntate Reprobationem pendere. Quod confirmatur rursus exemplo figuli, *Nunquid dicit figmentum ei, qui finxit se, quid me fecisti sic? An non habet potestatem figulus luti ex eadem massa facere aliud quidem vas in honorem, aliud verò in contumeliam?* Quasi diceret; quemadmodum figulus pro voluntate, & arbitrio ex eadem massa terreæ aliud effingit vas in honorem, aliud in contumeliam, ita Deus pro sua libertate, & voluntate, aliquos selegit ad gloriam, alios in contumeliam destinat, & in opprobrium sempiternum.

Respondeo 1. Nos huic objectioni jam

apertè fecisse satis in Quæstione de Prædestinatione post prævia merita: Ad hoc solum addo negandum esse minorem, & ad ejus probationes dico, Esau odio haberi antequam agat aliquid boni, vel mali, quia minus diligitur, & reprobatur à gratia efficaci, quam gratis, & ex pura Dei misericordia Jacob accipit: Neque similis est ratio amoris Jacob, & odii Esau, quia Jacob amatur propter bona opera, quæ proveniunt ex gratia, quam Deus ex pura misericordia largitur, & idcirco, *Non est volentis, neque currentis* ad hanc gratiam, sed solius *Dei misereentis*: Esau verò non habetur odio, nisi propter peccatum, quod ab ipso Deo non intenditur, nec perfitur, sed prohibetur, & punitur. Similiter, cum dicitur Pharaon excitatus, ut Deus in ipso ostendat virtutem suam, illa *Excitatio* potius eventum significat, quàm causam finalem: Insuper comparatur Deus *Figulo* facienti aliud vas in honorem, aliud in contumeliam, ut significetur eum aliquos equidem destinare ad gloriam, alios autem ad opprobrium æternum, sed post prævia ipsorum opera, nec enim necesse est, ut comparatio in omnibus quadret, sed sufficit, quòd in aliquo significationem obtineat.

Addo quòd ibidem Apostolus solum loquitur de electione ad gratiam, & fidem Christianam, quæ ex mera Dei misericordia pendet, quamque nulla promereri possunt bona opera naturalia Gentilium, nec legalia Judæorum; ut constet ibidem à *versu* 24. usque in finem capitis: Signanter enim dicit, *Quid ergo dicemus, quòd Genes, qui non sequebantur justitiam apprehenderunt justitiam, iustitiam autem, quæ ex fide est: Israel verò, etiam do legem iustitia, in legem justitiæ non pervenit?*

Dices 2. Sanctus Augustinus pluribi asserit non posse proferri ullam rationem Prædestinationis, vel Reprobationis: ait enim tract. 26. in Joannem, *Quare illum strabat, & illum non strabat noli disputare, si non viserrare*: Et lib. de bono perseverantiæ cap. 11. *Cur autem potius illis, quàm illis detur, qui cognovissent sensum Domini?* Ecce. Et cap. 12. idem repetens ait, *Cur hunc potius liberet, quàm illum, iterum atque iterum dicimus; O homo tu quis es, ut respondeas Deo?* Sed si peccatum esset causa Reprobationis positivæ, revera quis, absque periculo erroris, de hoc iudicium ferret, Dominique sensum cognosceret: Ergo revera non ita fit.

Respondeo 1. Rectè in Adversarios posse retorqueri argumentum; si enim illa Reprobatio ex sola Dei voluntate penderet, haud dubicillius causa non esset ignota, sed quique affirmare posset, idcirco Judam esse damnatum, quia Deus, quos vult pro libertate felices ad gloriam, aut destinans ad penam, Judam inter Reprobos computaverat.

Respondeo 2. Cum Doctore in 1. dist. 41. n. 15. quod Apostolus dicens judicia Dei esse inscrutabilia redarguit præsumptuos inquirentes illa, quorum non sunt capaces: Non autem propter inopiam reddendæ rationis, saltem in communi, licet in particulari nesciatur, quod malum prævideat Deus in isto, propter quod reprobet eum, & in istis specialibus peccatis prævisis est altitudo divitiarum, & sunt judicia incomprehensibilia. . . . Nescit enim homo, nec potest scire in quod peccatum Deus vult permittere istum cadere, respectu cuius sit non volitio conferendi gratiam; ut sic auferatur tanquam finaliter peccator in illo peccato, & sic propter illud peccatum prævisum reprobetur.

CONCLUSIO TERTIA.

Non solum peccatum originale, sed quodlibet peccatum finale prævisum est causa positiva Reprobationis. Hæc est Doctoris loco laudato.

*Probat*ur prima pars: Id, quod non est causa damnationis, non est causa positivæ Reprobationis: sed peccatum originale, in multis reprobis non est causa eorum damnationis; Ergo nec positivæ Reprobationis. Major constat: siquidem unicus, aut saltem præcipuus positivæ Reprobationis effectus, est damnatio, ut patebit infra. Minor probatur: peccatum semel remissum, non potest esse motivum, & causa damnationis: sed peccatum originale in multis Reprobis est remissum, multi namque remedium peccati originalis recipiunt, & interdum iusti, & sanctè vivunt: Ergo illud non est causa eorum Reprobationis.

Confirmatur ex Concilio Tridentino Sess. 5. Canone 5. ubi ait, *Si quis per Jesu Christi Domini nostri gratiam, quæ in baptismo confertur, reatum originalis peccati remitti negat, aut etiam esset non tolli totum id, quod veram, & propriam peccati rationem habet; sed illud dicit tantummodò radi, aut non imputari, anathema sit: In renatis enim nihil odit Deus, quia nihil est damnationis iis, qui verè consepul-*

ti sunt cum Christo per baptismum in mortem, &c. Si autem Deus damnaret Reprobos, qui baptizati fuerunt, propter aliquando contractum originale peccatum, certè odisset illos propter aliquid perseverans post baptismum: Ergo reverà censet Concilium illos non reprobari præcisè propter illud peccatum originale.

Nec refert, quòd sublato etiam originalis peccati reatu, remaneat obligatio ad penas aliquas temporales; siquidem renati adhuc subiciuntur somiti concupiscentiæ, mortalitati, & cæteris calamitatibus hujus vitæ. Aliud enim est in eis remanere obligationem ad penas, quibus divini justitiæ satisfaciunt, & gloriam æternam promerentur; aliud verò remanere aliquid ipsius reatus culpæ, quo divinum odium provocent, & damnationem æternam incurrant; hoc enim apertè Concilium damnat, adeoque nullus, absque anathematis periculo, oppositum docere potest.

Dicit: Sanctus Augustinus pluribi, maxime verò Epistola 105. lib. 1. ad Simplicianum q. 2. in Enchir. c. 94. & lib. de Corrupt. & gratia c. 7. apertè docet, omnes Reprobos ex uno peccato itæ in damnationem, id est ex peccato originali, quod vocat *unum*, hoc est commune omnibus: Unde factum est, ut Semi-pelagiani hunc articulum Augustino adscriberent, quòd ab his, qui non sunt Prædestinati ad vitam, non auferat percepta baptismi gratia Originale peccatum, intelligentes nempe Augustinum locis citatis docuisse, quòd etiam baptizati damnantur, propter originale peccatum, adeoque illud non fuisse per baptismatis gratiam expunctum.

Respondeo S. Aug. equidem Reprobationis causam assignasse peccatum originale, non quidem proximam, & formalem, sed remotam, & radicalem in Adultis; nam propter peccatum originale, ita quoddam permittit Deus cadere in peccatum finale, ut id non permisisset, si Adamus nec peccasset, nec suam posteritatem originali labe infecisset, omnes namque fuissent finaliter iusti, & salvati, ut docet ipsemet S. Augustinus lib. Retractionum cap. 33. Permissio autem illa non est propriæ causæ peccati finalis, adeoque nec Reprobationis, sed solum occasio, vel conditio sine qua non, inquit S. missus noster disp. 6. nu. 716.

Hanc autem esse sancti Augustini mentem confirmat S. Prosper responsione ad obje-

objectiones Callorum dicens, quòd *Qui recedit à Christo, & alienus à gratia fuit hanc vitam, quid nisi in perditionem cadit? Sed non in quod remissum est recidit, nec in originali peccato damnabitur, qui tamen propter postrima crimina ea morte afficietur, quæ ei propter illa, quæ remissa sunt debebatur. Quod quia Dei præscientiam, nec latuit, nec fefellit, sine dubio talem nunquam elegit, nunquam prædestinavit, & perituum nunquam ab æterna damnatione discrevit. Quibus aperte docet Deum reprobare solum post prævium peccatum, non quidem originale solum, sed etiam finale, adeoque nostram conclusionem disertè affirmat.*

Patet secunda pars ex illo Eccles. 11. In quocumque loco ceciderit lignum, ibi erit. Quibus significat in hominis damnatione magis attendi statum finalem, quàm primordiale peccatum.

Deinde motivum Reprobationis petitur à peccato vel originali, vel actuali intermedio, vel finali: Non quidem ab originali, ut dictum est, nec etiam ab actuali intermedio; Ergo restat, ut illa causa repetenda sit à prævio finali peccato, sive tandem illud sit originale perseverans, & non expunctum, ut contingit in parvulis, qui ante susceptum baptismum moriuntur, vel actuale, in quo adustus vitam claudit.

Dices: Causa Reprobationis debet esse æqualis in omnibus: sed multi reprobantur propter originale: Ergo & omnes.

Distinguo majorem: Causa formalis Reprobationis eadem debet esse in omnibus Reprobis, concedo: materialis, nego: causa autem formalis Reprobationis est peccatum finale, sive illud sit originale perseverans, sive actuale.

QUÆSTIO TERTIA.

Quos, & qui sunt Reprobationis effectus.

QUAMQUAM juxta nostram sententiam, sola æterna damnatio, quantum ad pœnam sensus, & damni, unicus, ac proprius sit effectus Reprobationis secundum intensionem; utpote quæ sola sequatur peccatum finale prævium, quoad Reprobationis causam demeritoriam, & motivam supra diximus: Nihilominus, quoniam secundum executionem, tribus veluti passibus, Reprobis quisque in illam damnationem æternam præceps ruit; nem-

pe gratiarum substructione, & expulsiōne, Excecatione, & Obduratione; hinc operæ pretium est de singulis quidpiam impræsentiarum delibare.

Notandum 1. Ex S. Bonaventura in compendio Theologico. l. 2. cap. 31. quòd Spirituum Obduratio, translativè, & per metaphoram dicitur juxta quandam proportionem à duritie rerum corporearum. Duritiam autem corporum (inquit) sequitur triplex proprietas. Primùm est inhabilitas ad suscipiendam impressionem. Secundùm stabilitas ad permanendum in se. Tertiùm est fortitudo ad resistendum. Unde cor dicitur obdurari tripliciter, uno modo per inhabilitatem ad suscipiendam gratiam: Secundo, per firmam adhesionem ad peccatum: Tercio modo, per rebellionem divinarum inspirationum, & mandatorum Dei. Primum oritur ex vitiis, & per peccatum depravatis animæ facultatibus: secundum, ex assidua peccandi consuetudine, qua fit ut peccator, cum in profundum venerit, contemnat. Tertium verò, ex ipsius peccatoris inveterata, & obfirmata malitia, & superbia, qua Deum spernit, nec minis ejus terretur, nec promissis allicitur, nec gratis movetur amplius.

*Notandum 2. Excecationem, gratiæ substructionem, & recessum, & obdurationem, fieri tripliciter, scilicet affectivè, dispositivè, & effectivè, seu causativè: Prims namque peccator propter assiduum peccandi consuetudinem, ita circa peccatum afficietur, ut Deo vocanti, & invitanti per gratias suas ad conversionem, diu, ac pertinaciter resistat divinis mandatis, & minis non attendat, & ad similitudinem incudis istibus resistat, & magis obdurescat; qualem erat peccatum Pharaonis, qui tot flagellis, & tam crebrò repetitis Dei miraculis non cedeat. Secundò, peccator habet veluti dispositiones quasdam habituales, per quas obdiuturna peccata redditur in posterum inhabilis ad obediendum divinis inspirationibus, ita ut vix illas sentiat, vixque attendat ad veritates supernaturales, quas proponit. Obduratio enim, quæ duos alios effectus complectitur, videtur tribus his contineri, videlicet, *Non cogitare, non penetrare, non sentire* divina beneficia ad pœnitentiam provocantia; Juxta illud *Isaie; Excæca cor eorum, & aures aggrava, & oculos clande, ut videntes non videant, &c.* Sicut enim gratia includit illuminationem intellectus, & impulsus voluntatis,*

tis, juxta illud, *Illuxerunt coruscationes tue orbitæ, vidit, & commota est*: Sic Obduratorio dicit quendam cæcitatem in intellectu, & inadventum ad ea, quæ Deus loquitur interiori: includit etiam voluntate obstinationem, quæ nec sentit divinos motus nec ab illis tangitur, ut efficaciter recipiscat: Juxta illud, *Induraverunt facies suas supra petram, & noluerunt reverti*. Tercio denique hi tres effectus sumuntur causivè, & effective, ex parte scilicet causæ, à qua per accidens hæc dispositio, & peccatum obduratorio trahunt originem: illa autem causa non alia est, quam divinum decretum negandi Rebro, propter peccata præcedentia, gratias congruas, quibus cor de facto emolliretur.

Inde sequitur juxta triplicem hanc acceptionem, quod Obduratorio, Excecatio, & gratiæ Substratio simul sit peccatum, & causa peccati, & pœna peccati, ab ipso Rebro magis, quam à Deo rependenda.

Notandum 3. Ex S. Bonaventura in 1. dist. 40. art. 4. qu. 1. pœnam distingui posse triplicem: *Est enim, inquit, quedam pœna inflicta, quedam contracta, quedam acta*: Pœna inflicta simpliciter est Passio, quæ non repugnat gratiæ, quales sunt jamae, sitis, & ægrotudo. Pœna contracta, est fomes, & concupiscentia, & hæc quidem passio est, & ideo pœna, sed tamen inclinat ad actionem malam: & ideo gratiæ repugnat, non quantum ad substantiam, sed quantum ad inclinationem. Pœna acta, est sicut obduratorio, & gratiæ expulso, & hæc quidem pœna est, quia passio est: Sed quia ex mala actione, sive ex peccato est, & illud concomitatur inseparabiliter, ideo opponitur gratiæ, & ita patet, quod quavis contingat per propriam actionem, nihilominus pœna est, sicut patet in scabioso, qui in scalpendo se deletat, sed postea sentit in carne ardorem. His ita prælatis quæritur, an gratiæ expulso, & recessus, Excecatio, & Obduratorio contingant potius ex parte Dei, quam ex parte peccatoris Rebro.

CONCLUSIO UNICA.

Gratiz recessus, & bumani cordis excecatio, ac obduratorio, ex parte peccatoris, prius, quam ex parte Dei, ortum habent. Hæc est communis sanctorum Patrum, ac Doctorum sententia, & constat quidem 1. de recessu gratiz ex Concilio Tridentino sess. 6. cap. 11. ubi hæc habet, *Deus sua gra-*

tia semel justificatos non deserit, nisi ab eis prius deseratur. Quod confirmatur ex S. Augustino lib. de Natura, & Gratia c. 16. ubi ait, *Cum ad perfectam sanitatem, hoc est, ad perfectam vitam, justificationem perduxeris, non deseris, si non deseratur, ut semper, jusque vivatur*. Ipsi concinit S. Prosper respons. 7. ad objectiones Vincentianas, ubi loquens de Christianis, qui pietatem Christianæ conversationis, & fidei deserentes, in prophanos errores, aut damnabiles mores irrevocabiler transferunt, ait, *Nullo modo credendum est huic/modi homines in banc desperationem ex Dei voluntate cecidisse, cum potius allexeret Dominus omnes, qui corrumpunt, & erigat omnes elisos, nemo enim nisi illius gratia erigitur, nemo nisi illius gratia salubatur*. Dei ergo voluntas est, ut in bona voluntate maneat, qui & prius quam deseratur neminem deserit, & multos desertores sepi convertit.

Idem patet de Obcecatione cordis, quam peccati pœnam, & peccati causam, necnon & peccatum esse, sanctus Augustinus pronuntiat l. 3. contra Julianum c. 3. his verbis, *Cacitas cordis, quam solus remouet illuminator Deus, & peccatum est, quo in Deum non creditur, & pœna peccati, quæ cor superbum digna animæ aversione punitur, & causa peccati, cum mali aliquid cæci cordis errore committitur*. Quam veritatem luculenter expendit lib. de Natura, & Gratia capite 22. ubi exponens illud Apostoli ad Rom. loquentis de Philosophis, qui *Cum Deum cognovissent non sicut Deum glorificaverunt, aut gratias egerunt, sed evanuerunt in cogitationibus suis, & obscuratum est insipiens cor eorum*, ait, *Utrique ista obscuratio vindicta, & pœna jam fuit, & tamen per hanc pœnam, id est per cordis cacitatem, quæ fit deserente luce sapientie, & in plura, & gravia peccata collapsi sunt, dicentes se esse sapientes, stulti facti sunt: Gravi hæc pœna est, si quis intelligat, & ex hac pœna videt, quod ierunt: Et immutaverunt, inquit, gloriam incorruptibilis Dei, in similitudinem imaginis corruptibilis hominis, & volutrum, & quadrupedum, & serpentium: Ita fecerunt ex peccati pœna, quæ obscuratum est insipiens cor eorum, & propter hæc tamen, quia licet pœnalis, etiam ipsa peccata sunt, adjungit, & dicit propterea tradidit illos Deus in desideria cordis illorum in immunditiam. Videte etiam ex hac pœna quid faciunt, ut contumeliis, inquit, afficiant corpora sua in semetipsis. Et quia pœna est*

ista iniquitatis cum sit, & iniquitas, evidentiùs commendat dicens, qui transmutaverunt veritatem Dei in mendacium, & coluerunt, & servierunt creaturæ potius, quàm Creatori, qui est benedictus in sæcula amen. Propter hoc, inquit, tradidit Deus illos in passionibus ignominia: Ecce quoties vindicat Deus, & ex eadem vindicta plura, & graviora peccata conjungunt, &c.

Denique id ipsum constat de cordis (b-durati) nam ut ipsemet S. Aug. loquitur lib. de Gratia, & libero arbitrio exponens illud Apostoli ad Rom. 9. Cujus vult miseretur, & quem vult indurat. In eo, inquit, quem seduci permittit vel obdurari, mala ejus merita credit; in eo verò cuius miseretur, gratiam Dei non reddit; mala promittit, sed bona promittit, fideliter, & in dubitante agnoscit. Nec ideo auferatis à Pharaone liberum arbitrium, quia multis locis dicit Deus: Ego induravi Pharaonem, vel indurabo eor. Pharaonis. Non enim proprie ita ipse Pharaon non induravit eorum. Nam, & hoc de illo legitur, quando ablata est ab Egyptiis cymonia dicente Scriptura, & ingravit Pharaon cor suum, & in isto tempore, & noluit dimittere populum: ac per hoc, & Deus induravit per ipsum judicium, & ipse Pharaon per liberum arbitrium. Unde egregiè concludit S. Aug. fideles ad assiduum profectionem adhortans: Certi ergo scitis, quia non erit inanis labor vester, si in bono proposito proficientes perseveretis usque in finem. Deus enim, qui modo illis quolibet non reddidit secundum opera eorum, tunc reddet unicuique secundum opera ejus. Reddet omnino Deus, & mala pro malis, quoniam justus est, & iustus; & bona pro malis, quoniam bonus est; & bona pro bonis, quoniam bonus, & iustus est: tantummodo mala pro bonis non reddet, quoniam iustus non est. Reddet ergo mala pro malis, poenam pro iniustitia; & reddet bona pro malis, gratiam pro iniustitia; & reddet, bona pro bonis, gratiam pro gratia.

Ipsi continent Africani Praefules in Sardima exultantes in Epistola Synodica circa medium. Deus, inquit, obdurare dicitur, non quia ad iniquitatem compellit, sed cum ab iniquitate non eripit: quod, quia iustus est, iustus facit. Deo ergo miserante sine sui meritis homo salvatur; obdurante autem iustus recipit, quod meretur. Dominus quippe dono bonitatis solvat, iudicio severitatis obdurat. Accedit & sanctus Isidorus lib. de summo bono cap. 5. circa finem, Sicut, inquit, au-

ferre Deus dicitur homini donum aliquod, quod homo non habuit, id est, quod accipere non meruit, sic & obdurare dicitur Deus hominem, non ejus faciendo duritiam, sed non auferendo eam, quam sibi ipse nutrit. Non aliter & obsecrare dicitur quosdam Deus, non ut in eis eandem ipse cecitatem faciat: sed quod pro eorum inutilibus meritis, cecitatem eorum ab eis ipse non auferat.

Quam autem sit lugenda hæc cordis duritia disertè aperit sanctus Bernardus lib. 1. de consideratione cap. 2. ubi Eugenium Pontificem alloquens, cumque interpellans, ut sese subducatur à temporaneis negotiis, & redeat ad cor, ne forte paulatim trahatur ad cor durum, ait, Ne pergas querere, quod illud sit: Si non expavisti, tuum hoc est. Solum est cor durum, quod semetipsum non exhorret, quia nec sentit. Quod me interrogas? Interroga Pharaonem, nemo duricordis salutem unquam adeptus est, nisi quem foris miserans Deus abstersit ab eo, iuxta Prophetam cor lapideum, & dedit cor carneum.

Deinde duritiam cordis egregiè depingit: Quid ergo cor durum? inquit. Ipsum est, quod nec compunctione scinditur, nec pietate mollietur, nec movetur precibus, minis non cedit, flagellis duratur. Ingratum ad beneficium est, ad consilia infidum, ad identia severum; inveterandum ad turpia, impavidum ad pericula, inhumatum ad humana, temerarium ad divina: Præteritorum obliviscens, præsentia negligens, futura non providens. Ipsum est cui præteritorum præter, olas iniurias, nihilominus non præterit; præsentium nihil non perit, futurorum nulla nisi forte ad ulciscendum prospectio, seu preparatio est. Et ut brevi cuncta horribitis mali mala complectar, ipsum est, quod nec Deum times, nec bonum reverterer. En quo trabere te habent hæc occupationes maleficia, si tamen pergis, ut capisti ad dote te ipsum illis nihil tui tibi relinquens; perdis tempus: Et si licet nunc alterum me tibi exhibere seibo, tu quoque in his stulto labore consumeris, quæ non sunt, nisi assiduo; spiritus, evicerati mentis, evacuati gratiæ. Nam fructus bonorum quid nisi aranearum tela?

APPENDIX

De Libro viiq.

Queres 1. an sit admittendus. Affirmo, id siquidem Scriptura sacra pluribus in locis disertè indicat: Primo quidem

Exodi 32. ubi Moyses Deum alloquens ait, *Aut dimitte eis hanc noxam, aut si non facis dele me de libro, quem scripsisti*; Et ibidem, *Qui peccaverit mihi delebo eum de libro meo*. Psalm. 68. *Deleantur de libro viventium, & cum iusti non scribantur*. Psalm. 138. *In libro tuo omnes scribentur*: Qui contextus, quamquam à nonnullis explicentur de Scriptura sacra, seu libro in quo scribebantur insignia facta iustorum, qui tempore veteris legis claruerunt, qui liber ideoque appellatur *Liber iustorum* Josue 10. & 2. Regum 1. cap. ira ut ex illo libro Moyses potius optaverit deleri, quam Deum populo manere offensum: Nihilominus convenientius, & rectius intelliguntur de illo libro metaphorico, seu de scientia, quam Deus habet de numero salvandorum, vel reprobatorum; ut clarius innotescit ex aliis sequentibus Scripturæ textibus Daniel 11. *In tempore illo, inquit, salvabitur populus tuus omnis, qui fuerit inventus scriptus in libro*: & multi de his, qui dormiunt in terra pulvere evigilabunt, alii in vitam eternam, alii in opprobrium, ut videant semper. Qui contextus intelligi nequit de salvandis salute temporali, ut quidam perperam interpretantur; siquidem loquitur Propheta de salute consequenda post resurrectionem mortuorum.

Nec pariter explicari potest de scientia ipsorum salvandorum; siquidem illi, ante sententiæ extremæ prolationem, nesciunt, qui salvandi sint, quive damnandi: Restat ergo, quod intelligatur de scientia, quam Deus habet de his, qui certo salvabuntur, aut damnabuntur. Quod confirmatur sequentibus Scripturæ textibus. Apocal. 3. *Qui vicerit, sic vestiamur vestimentis albis, & non delebo nomen ejus de libro vite*: Et cap. 13. *Adoraverunt bestiam omnes, qui inhabitant terram, quorum non sunt scripta nomina in libro vite à constitutione mundi*: Et c. 17. *Mirabuntur inhabitantes terram, quorum non sunt scripta nomina in libro vite à constitutione mundi*: Et cap. 21. *Non intrabit in eam aliquid coinquinatum, aut abominationem faciens, & mendacium, nisi qui scripti sunt in libro vite Agni*. Quæ verba clariora sunt, quam, ut de alio, præter librum scientiæ Dei commodè possint intelligi.

Quæst. 2. quid sit *Liber Vite*.

Respondet. S. Augustinus lib. 20. de Civitate Dei cap. 14. quod *Liber vite est quedam vis divina, qua fit, ut unicuique opera sua vel bona, vel mala cuncta in memoriam revocentur, & mentis intuitu mira celeritate cernantur, ut accuset scientia conscientiam, atque omnes, & saguli, ita judicentur: quæ nimirum vis divina libri nomen accepit; in ea quippe quodammodo legitur, quidquid ea faciente recollitur*. Verum hæc definitio quadrare non potest cum laudatis Scripturæ textibus; Augustinus enim, per *Librum Vite*, intelligit judicandorum conscientias, nec-non & ipsos Sanctos, & Electos, qui dicuntur aperiendi, quatenus omnia ipsorum opera singulis patebunt, ut notificetur etiam Reprobis possibilem fuisse observantiam mandatorum Dei: At hoc sanè conciliari nequit cum præfatis Scripturæ textibus: Tum quia in exemplo, seu vita Sanctorum, non apparent Reproborum opera; adeoque in illis apparere nequit scriptum iudicium Reproborum, secundum opera ipsorum: Tum quia simili ratione Reprobi vocari possent libri, quatenus suo exemplo offendunt Electis possibilem fuisse observantiam mandatorum; ideoque ipsos propter liberam eorum observantiam merito coronari.

Unde rectius videtur definiti *liber vite* Certa, & perspicacissima Dei cognitio, quæ numerum salvandorum, sum in speciem, tum in individuum intuitivè conspiciat. Hæc autem cognitio, licet quodam metaphoricè dicatur *Liber Vite*; quia sicut Scriptura libri est signum eorum, quæ faciendæ sunt; ita Dei notitia, & memoria, quæ firmiter novit se aliquos prædestinasse, est signum apud ipsum, eorum qui sunt perducendi ad vitam æternam, juxta illud ad Timotheum 2. *Firmum fundamentum Dei stat habens signaculum hoc: novus Dominus, qui sunt eius*. Hinc sequitur primò librum vite esse veluti cognitionem consequentem decretum Prædestinationis, & ab eo formaliter distingui; siquidem illud supponit, & decretum Prædestinans, sive hac sequenti cognitione, adequatè, & formaliter potest concipi. *Sequitur secundò*, Nibum istum propriè spectare vitam gloriæ, & finem supernaturalem; ita ut sit conscriptio

quæ-

quædam, siue notitia electorum ad vitam gloriæ æternæ, quia illud ad quod eligitur aliquis, & conferbitur, habet rationem finis: sicut miles, non eligitur, aut conferbitur, ut armetur, sed ut pugnet. Tertiò denique sequitur, quòd cum liber vitæ sit conscriptio ordinatorum in vitam æternam, & aliquis ad illam ordinetur ex duobus, videlicet ex prædestinatione divina, & ex gratia sanctificante; quicumque enim habet Prædestinationem divinam, ex hoc ipso dignus est vita, quia illa numquam deficit; secus verò secundum posteriorem, quia multi deficiunt à gratia per peccatum mortale, de quibus intelligi potest illud Ps. 68. *Delectant de libro viventium, & cum iustis non scribantur*. Priores dicuntur simpliciter in libro vitæ: Posteriores verò dicuntur scribi tantum secundum quid. Ut explicat Alensis noster 1. p. q. 23. memb. 3. art. 4. *Dicitur, inquit, aliquis scribi in libro vitæ dupliciter, simpliciter, & secundum quid; simpliciter ibi scribuntur illi, qui habent perseverantiam finalem in gratia: secundum quid verò dicuntur ibi scribi reprobi, cum habent presentem iustitiam.*

Quæres 3. An revera sit etiam Liber Mortis, in quo describi dicantur Reprobi.

Affirmo: Sicut enim prædestinationi respondet liber vitæ, ita dici potest reprobationi respondere metaphorice librum mortis, idest notitiam, & memoriam Dei, qua firmiter novit, & retinet se aliquos propter peccatum finale morti æternæ addixisse; certum enim est habere Deum præscientiam indelebilem eorum omnium, qui pereunt, æquè ac habet eorum omnium, qui salvantur; adeoque sicut illa notitia vocatur *Liber vitæ*, sic ista verè potest appellari *Liber mortis*. Quem loquendi modum probare videtur Ecclesia, liquident in officio Defunctorum sic canit, *Liber scriptus profertur, in quo totum continetur, unde mun-*

us iudicatur. Colligitur etiam ex Apocalypsi 20. *Libri aperti sunt, & alius liber apertus est, qui est vita, & iudicati sunt mortui ex iis, quæ scripta erant in libris, secundum opera illorum, & qui non est inventus scriptus in libro vitæ missus est in flagnum ignis*: Unde S. Basilius in c. 4. Isaïæ exponens illud Jer. 17. *Recedentes à te in terra scribentur*, ait, *Dua intelligi debent descriptiones: Una quidem est eorum, qui ad vitam; Altera autem eorum est, qui scribuntur ad perditionem.*

Nihilominus memoria prædestinatorum convenientius dicitur *Liber vitæ*, quam memoria reproborum appellatur *Liber mortis*: Tum quia inquit Alensis laudatus, *Deus habet propriam quod ipsum est, scilicet salvare, & præmiare, ex ipso verò proprio, siue secundum ipsum non est punire, sed ex nobis ipsis*. Tum quia liber scribitur, ut ante oculos scribentis versetur, & ad perpetuam rei memoriam: At Deus potius obliviscitur quodammodo reproborum, qui æterna memoria indigni sunt, juxta illud Osæ 1. *Oblivione obliviscar eorum*: Contra verò *In memoria æterna erit iustus* Psal. 3. Item quia sicut in Scriptura dicitur Deus magis specialiter scire ea, quæ approbat, & nescire, quæ reprobant Matth. 25. Lucæ 13. & Corinth. 14. sic liber dicitur magis specialiter ille, qui continet nomina Electorum, de quibus dicitur, 2. Timoth. 2. *Novit Dominus, qui sunt ejus*; Juxta probabilem multorum interpretationem. Quo sensu Euthym. in Psalm. 68. sic ait, *Liber Dei est summa ejus scientia: Scriptura verò perpetua memoria. In libro igitur divine scientiæ omnes scribuntur, iam iusti, quam peccatores; verum hic divina scientia liber magis est universalis; Est etiam alius liber scientiæ Dei magis privatus, (id est magis proprius) in quo soli iusti scribuntur ex ratione, quòd eos tantum cognoscere, hoc est approbare dicitur, juxta id, quod scriptum est, novit Dominus vias iustorum.*

Finit Tractatus Secundus Theologicus De Deo essentialiter Operante.



I N D E X

Rerum, & Sententiarum, quæ in hoc Secundo Volumine continentur.

Prior numerus significat paginam, posterior verò columnam.

A

Actus.

- A**ctus voluntariis sunt triplicis generis, pag. 106. 1
Quomodo idem actus divinæ voluntatis sit
necessarius, & contingens. 112. 1
Tres voluntatis prædestinantis actus. 179. 1
Triplex genus actuum divinarum. 181. 2
Actus prædestinantis considerari potest, vel ab-
solutè, vel respectivè. 178. 2

Adoptio.

- Duo ad divinam adoptionem requiruntur. 158. 2
Æternitas prædestinationis dupliciter spec-
tatur. 185. 2

Amor.

- Amor Dei erga seipsum est amor amicitie sal-
tem improprius. 95. 2
Mira divini amoris circulatio. 96. 1
Amor Dei erga Creaturas vel est benevolentie,
vel complacentie. 92. 1
Necessitas divini amoris erga Creaturas possibles,
oritur ex immutabilitate divinæ voluntatis. 101. 1
Amor Dei erga nos est vera amicitia. 105. 2
Verus est amor in Deo formaliter à gaudio dis-
tinctus. 107. 1
In Deo verus est amor amicitie erga Creaturas ra-
tionales, concupiscencie verò erga irrationales. 108. 1

Augustinus.

- Sanctus Augustinus duos tantum soliloquiorum
libros edidit. 170. 1
Quid per donum perseverantie intellexerit. 171. 2

Auxilium.

- Auxilium ad salutem est efficax, vel ex parte Dei do-
nantis, vel ex parte hominis suscipientis. 173. 2

B

Bonitas.

- Totus in Creaturis potest distingui Bonitas,
quotuplex esse. 99. 2
Iustitia, & misericordia Dei solum moventur
à bonitate increata. 104. 2
Bonitas divina est sui communicativa cum su-
bordinatione ad voluntatem. 113. 2

Bonum.

- Aliquid cooperari potest in bonis tripliciter. 166. 1
Quadruplex boni acceptio. 167. 1
Bona naturalia sunt quintuplicis generis. 188. 1
Bona naturalia tribus modis possunt esse effectus
prædestinationis. 18. 2
Bona naturalia conceduntur per providentiam ge-
neralem, vel particularem. 18. 2
Qualiter Bona naturalia habeant proportionem
ad gloriam. 191. 2

C

Causa necessaria duplex.

197. 2

Christus.

- Christus gratis prædestinatus est ad incarnatio-
nem, sicut & nos ad primam gratiam. 175. 2
Christus est nostræ prædestinationis causa exem-
plaris, finalis & meritoria. 178. 1
Christus est causa meritoria nostræ prædestinatio-
nis quantum ad executionem, & etiam quan-
tum ad intentionem. 18. 2
Christus fuit prævisus, & destinatus ante omnes
Creaturas, quibus omnes gratias ipsi collatas
meruit. 179. 2
Christus habet absolutam auctoritatem in homi-
num salutem. 180. 2
Quare Christus non dicatur meruisse reproba-
tionem Impiorum, sicut meruit Prædestinatio-
nem Iustorum. 182. 2
Christus non meruit permissionem peccati, quan-
tenus præcisè permissio peccati est. 194. 1

Cognitio.

- Quare Divina cognitio omnia, quæ sunt in Deo
percipiat. 10. 2
Nedum scelerati homines, sed etiam Philosophi Deo
cognitionem rerum minimarum denegarunt. 12. 1
Quodnam sit discrimen inter Cognitionem crea-
tam, & divinam. 49. 2

Cognoscere.

- Aliud est rem Cognosci in seipsa, aliud in alia,
aliud ex alia. 9. 1
Res futuras triplici via possumus Cognoscere. 186. 2

Conceptus.

- Conceptus objectivus non redolet imperfectionem
in Deo. 12. 1

Creatio.

- Discrimen inter decretum, & actum Creationis. 110. 2

Creatura.

- Creaturæ habent triplicem esse in Deo. 12. 2
Creaturæ possibles non efficiunt infinitum Ca-
thegorematicum. 14. 2
Creaturæ non sunt objectum motum intellectus
divini, sed tantum terminativum. 18. 1
Creaturæ habent triplicem esse. 21. 2
Creaturæ non habent esse reale ab æterno. 11. 2
Creaturæ non representantur in Essentia divina
antequam intelligantur. 28. 1
Qualiter Creaturæ possibles sint intelligibiles. 32. 2
Creaturæ possibles cognoscuntur à Deo tantum
scientia simpliciter intelligenti, idque vel in Es-
sentia, vel in Omnipotentia Divina. 18. 2
Creaturæ in triplici Statu, triplicem ad Deum
habent dependentiam. 39. 1
Quadruplex Status in quo cœpiuntur Creaturæ. 41. 2

Crea-

ET SENTENTIARUM.

Creaturæ dicunt respectum dependentiæ, non verò Condecenciæ ad bonitatem Dei. 109. 2
Creaturæ & in fieri, & in conservari egent influxu Causæ primæ, non autem secundæ. 171. 1
Absolutè nulla Creatura sine Dei influxu subsistere valet. ib. 2

D

Decretum.

Decretum Divinum quid, & quomplex. 55. 1
Decretum Conditionatum aliud ex parte subiecti, aliud ex parte objecti. ib. 1
Discrimen inter utrumque. ib. 1
Admiranda sunt in Deo Decreta absoluta quidem subiectivè, & ex parte Dei Decretantis, & volentis, sed Conditionata objectivè, & ex parte rei Decretæ, ac objecti voliti. 56. 1
Qualiter Decreta Conditionata sunt libera. 57. 1
Ex Sac. Script. Colligitur in Deo esse decreta Conditionata, quæ non sūt de re vana, & repugnante. 58. 1
Ex Decretis Conditionatis non sequitur Deum habere voluntates oppositas. 59. 1
Decreta Conditionata probantur à posteriori. ib. 2
Illa Decreta non debent esse innumerabilia. 60. 1
Sine Divino Decreto nihil est futurum. ib. 2
Non est in Deo duplex Decretum, aliud intentionis, & aliud executionis, neque etiam duplex Decreti Connatio. 148. 2
Revera Scriptura Sacra prædeterminationis Decretum ex meritis, tanquam ex Causa morali procedere significat. 149. 1

Determinatio.

Triplex distingui potest voluntatis Determinatio. 100. 2

Deitas Deus.

Deus in seipso se, & alia novit. 10. 2
Deus distinctissimè omnia cognoscit, etiam minutissima. 11. 2
Deus cognoscit Creaturas numero infinitas. 14. 1
Deus creaturas novit in seipso. ib. 1
Deus omnes Creaturas continet secundum eorum esse intelligibile, ac entitativum. 15. 2
Non omnes Conveniunt de modo, quo Deus cognoscit Creaturas. 12. 1
Qualiter in Deo sit duplex modus cognoscendi Creaturas. 19. 2
Probabile est Deum Creaturas cognoscere in seipsis. 16. 2
Certò constat Deum habere scientiam. 20. 1
Deus certò novit futura Contingentia. 31. 1
Deus certò novit quicquid est Scibile. ib. 2
In quo Deus cognoscit peccata futura. 43. 2
Qualiter, quod à Deo Decretū est, sit necessariū. 48. 2
Deus novit futura conditionaria. 49. 2
Deus certò novit eventum rei future conditionatæ, si Conditiō poneretur. 50. 2
Deus habet ideas omnium rerum. 77. 2
Quomodo Deus habet ideam peccati. 84. 2
Quomodo Deus dicatur cognoscere peccatum per accidens. 85. 1
Quomodo Deus dicatur cognoscere peccatum per privationem. ib. 1
Quomodo in Deo sit varietas. 89. 1

Quomodo in Deo sit appetitus naturalis, & elicitus. ib.

Deus seipsum amat primariò, & comprehensivè propter suam bonitatem essentialē, non attributam. 94. 2
Deus se amat necessariò, & liberè libertate essentiali. 95. 2

Fide constat Deum Creaturas actu existentes diligere. 99. 1

Deus amat amore inefficaci Creaturas possibiles. 100. 2
Deus amat liberè Creaturas actuales, necessariò tamen possibiles diligere. 101. 2

Deus movetur ad amorem Creaturarum tantum per suam bonitatem. 102. 2

Deus non tam necessariò Creaturas possibiles diligit, quam seipsum. 104. 1

Deus licet non habeat finem sui, tamen habet finem suorum effectuum. 105. 2

Nec spes, nec desperatio Deo ullatenus convenit, nec pariter existit, nec timor. 106. 2

Deus nihil desiderat, aut fugit. 110. 1
Deus est liberrimus. 112. 1

Quatuor momenta, quibus Doctor demonstrat adversus Philosophos Deum non agere necessariò. 113. 2

Deus est liber tùm libertate contrarietatis, tùm libertate contradictionis. 124. 1

Quomodo fortitudo, & temperantia possint esse in Deo. 135. 1

Quomodo Deus sit dicendus Creaturæ debitor. 138. 2
Religio, & Pietas non sunt propriæ in Deo. 144. 1

Deus bonos miseris, malos verò deliciis abundare permittit pluribus de Causis. 153. 1

Deus & præstantissimis, & vilissimis providet, tùm in communi, tùm in particulari. 154. 1

Deus non habet æqualem curam de omnibus. 156. 1
Deus fat o non subijcitur. 164. 1

Quare Deus permittat mala. 165. 2
Quoslibet morum, & Naturæ defectus Deus ordinat ad universi pulchritudinem. 169. 2

Cur Deus plura homini nociva Creaverit. 168. 1
Deus nec imbecillis est, nec invidus, ex eo quod mala non tollat. ib. 2

Deus res omnes immediatè condidit, & in fines suos etiam immediatè ordinar. 169. 1

Deus immediatè, & per se conservat Creaturas. 170. 1
Deus concurret immediatè ad omnes effectus Creaturarum. 171. 2

Deus nedum inferioribus Creaturis ad superiorum conservationem, sed etiam Superioribus ad inferiorum regimen, & tutelam utitur. 172. 2

Cur Deus Creaturas rationales prædestinet, non autem ratione destitutas. 177. 2

Quomodo Deus ut supremum liberum nostras voluntates contineat. 200. 2

Deus nos elegit ex mero beneplacito, non ad gloriam, sed ad gratiam. 261. 1

Deus tempore nihil exequitur, nisi quod æterno decrevit. 280. 1

Deus non est Causa efficiens mali moralis. 292. 1
Deus neminè reprobavit nisi ex prævisis de meritis. 300. 2

Deus neminem deserit, nisi deseratur. 306. 1

Diffusio.

Cur Diffusio non sit distincta à Consilio. 92. 1

Di-

INDEX RERUM,

Diffinitio.
Diffinitio formalis in Deo non impedit quin sit
actus purus. 5. 2

E

Effectus.
Effectus necessarius duplex. 197
Tres sunt Prædeterminationis effectus. 182. 2
Ad directum prædeterminationis effectum quatuor
deiderantur. 183. 1
Tres sunt directi prædeterminationis Effectus. ib.
Effectus directi prædeterminationis supponuntur ad
invicem, non ita directi. 191. 1

Electio.

Electio Triplex. 180
Electio Jacob, & reprobatio Esau significat, vel præde-
terminatione, & reprobatione post prævisa merita, vel
solum Electionem ad gratiam, vel ad fidem. 163. 1

Eus.

Quid sit ens necessarium, & ens Contingens. 31. 1

Epistola.

Cur variè à Sanctis Patribus ad Demetriadem &
ejus Matrem Scriptæ fuerint Epistolæ. 110. 2

Esse.

Primum esse distinctum Creaturarum est ab in-
tellectu Divino. 14. 2
Illud esse Creaturarum in seipsis non est quid
reale ab æterno. 16. 1
Esse in Deo plus dicit, quàm Cognosci à Deo. 85. 1
Esse ideale Creaturarum præstantius est esse entitati-
vo in uno sensu, non verò in alio, 86. 1

Essentia.

Essentia divina est objectum primum Divini in-
tellectus. 2. 2
Essentia divina est per se infinita fundametaliter. 10. 1
Essentia divina non habet rationem speciei intelli-
gibilis. 19. 2
Qualiter rerum essentia dicantur æternæ. 14. 1

Execratio.

Execratio quid, & quomodo contingat. 104. 2

Existentia.

Existentiæ, & naturalis Entitatis hominis nō potest cen-
seri prædeterminationis effectus subsidiarius. 188. 1.

F

Fatum.

Fatum quid. 164. 1
Fatum à providentia distinguitur, tanquam effe-
ctus à Causa. ib.

Fides.

Fides non solū Deū supponit, sed etiā detegit, & indi-
cat, nec propterea Dei existentiā bis creditur. 155. 1

Finis.

Tria requiruntur, ut aliquid ad aliud, tanquam
ad finem ordinetur. 96. 1
Duplex animalium finis. 177. 1

Forma.

Quomodo Forma possit esse in subjecto capaci de-
nominationis, & illud non denominare. 114. 2

Futura.

Futurorum est triplex genus. 31. 2
Futura conceptibilia sunt, vel in se, vel in suis Cau-
sis, vel ante, vel in, vel post decretum, 30. 1

Futura Deus non novit in sua essentia, sed præ
supposito Decreto. 17. 2

Eximis hac de re Doctoris subtilis Doctrina. 38. 1

Futura magis sunt in nostra potestate, quàm
præterita, aut præsentia. 45. 2

Futura Conditionata sunt triplicis generis. 49. 1

Qualiter futura Conditionata determinatam vo-
luntatem habeant. 54. 1

Futuricio.

Nulla est rerum Futuricio antecedenter ad di-
vinum Decretum. 19. 2

G

Gaudium.

Gaudium est formaliter generatio in Deo. 117. 2

Gloria.

Gloria Dei non est quid creatum, sed ipsemet
Deus ut glorificandus. 104. 2

Duplex est Gloria Justis à Deo destinata, alte-
ra æterna, altera temporalis. 164. 1

Gloriam æternam solis operibus ex gratia reddend-
am docet Sanctus Augustinus contra Pelagianos,
qui prædeterminationem ad gloriam post prævisa
merita constanter edocet. 167. 1

Quare gloriam æternam Sanctus Augustinus gra-
tiam appellat. 169. 2

Glorificatio.

Glorificatio est effectus prædeterminationis. 187. 1

Quid vocabulo glorificavit significetur. ib.

Qualiter glorificatio sit prædeterminationis obje-
ctum. 188. 1

Gratia.

Gratia necessariò gratis datur. 144. 2

Licet Deus uni tribuat gratiam non autem alteri,
non ideo est personarum acceptor. 145. 1

Gratia non destruit liberum arbitrium, imo per-
ficit. ib. 2

H

Homo.

Quare Homo potius quàm Angelus fuit re-
demptus. 146. 1

Qualiter Homo à Deo derelictus in horrenda
peccata præceps ruat. 106. 2

Humanitas.

Humanitas Christi omnimodè est dignificanda. 80. 2

I

Idea.

Quid significet nomen Idea. 76. 1

Varia de divinis Ideis Theologorum placita. 77. 1

Idee definitio. ib.

Quid sit Idea divina. 80. 1

Idea in Deo non distinguuntur realiter, neque etiam
formaliter, sed tantum denominative. 81. 2

Utrum Filius, & Spiritus Sanctus habeant sui
Ideam. 84. 1

Quomodo imperfecta habeant sui Ideam. 85. 2

Idemitas.

Strictior potest, esse aliqua Identitas conceptum
creati, quàm increati. 5. 1

Incaruatio.

Incaruatio ex pura Dei Misericordia est decre-
ta. 181. 2

ET SENTENTIARUM.

Inferius.

Qualiter inferiora subiciantur Superioribus, & ab eis periciantur. 101. 2.

Intelligere.

Ad intelligendum tria desiderantur. 2. 1

Ira.

Ira est formaliter in Deo. 110. 1

Judicium.

Qua inscrutabilia sunt semper Dei Judicia, sive predestinatio fiat ante, vel post praevisa merita. 101. 1

Jus, Justitia.

Justitiae nomen a jure desumptum. 136. 1

Justitiae duplex definitio. 1b.

Sicut quadruplex est Jus, ita quadruplex Justitia. 1b.

Justitia duplex, discernit inter utramque. 1b. 2.

Quoniam virtutes ad justitiam revocantur. 1b. 2.

Justitia est in Deo proprie. 1b.

Justitia legalis, & commutativa non sunt in Deo proprie. 138. 1.

Justitia distributiva in Deo verè potest affirmari. 139. 1

Justificatio.

Justificatio duplex. 183. 2

Justificatio duplicem habet effectum. 1b.

Justificatio peccaverans est effectus praedestinationis. 185. 2

Justificatio interrupta, quae habet effectum in vitam aeternam, est effectus praedestinationis. 1b.

L.

Liber.

Reverè est Liber vitae in quo praedestinati scribi dicuntur. 307. 2

Est etiam Liber moralis pro Reprobis, non tamen ita proprie dicitur, ac Liber vitae. 308. 2

Libertas.

Quotuplex Libertas. 94. 1

Quid sit Libertas essentialis, 1b.

Necessitas non peccandi in Beatis stat cum eorum libertate. 1b. 2

Libertas essentialis non consistit in indifferentia, vel in Dominio super actum. 98. 2

In quo discrepant indifferentia, necessitas, & libertas. 99. 2

Libertas in genere duplex. 111. 1

Variae de Divina Libertate Theolog. sententiae. 116. 1

Libertas Dei est perfectio ipsi intrinseca. 117. 1

Libertas Divina etiam inadèquate non consistit in extrinseco. 118. 1

Libertas divina non consistit in forma Contingenti distincta à perfectionibus necessariis, nec in modo aliquo defectibili neque etiam in aliquo respectu rationis. 1b. 2.

Quid sit formaliter divina libertas in sententia Doctoris subtilis, cuius segrega Doct. expenditur. 120. 2

Quid sit libertas, & quā indifferentia requiratur. 198. 1

Libertum.

Libertum, & necessarium non opponuntur in mente Doctoris. 23. 2

M.

Malum.

Qualiter malū conferat ad decorem universi. 164. 1

Malum est privatio ordinis particularis, non universalis. 166. 2

Malum duplex. 192. 1

Mala Naturae sunt occasionales effectus Praedestinationis. 191. 1

Medium.

Quid sit mediū cognitionis ut quod, & ut quo. 18. 2

Ad mediū cognitionis duo maxime requiruntur. 37. 1

Media cum fine duplici modo comparantur. 157. 2

Maritum.

Quomodo merita nostra moveant Dei voluntatē. 104. 1

Misericordia.

Misericordiae etymologia. 144. 1

Misericordia quid importet. 1b.

Misericordia est veluti duplex in Deo. 1b.

Misericordia est in Deo formaliter. 1b. 2.

Misericordia Divina alia generalis, alia specialis. 145. 2

Triplex opus divinae Misericordiae. 147. 1

Mundus.

Mundus non esset tam perfectus, si non essent tot defectus. 168. 2

N.

Natura.

Sola Natura intellectualis creata potest praed. 184. 2

Natura praecisa à sua personalitate potest esse obiectum praedestinationis. 185. 2

Necessitas.

Necessitas multiplex. 45. 2

Necessitas duplex. 1b.

Necessitas iterum multiplex. 1b.

O.

Obduratio.

Quid sit obduratio, & unde dicta. 305. 2

Qualiter fiat cordis Obduratio. 1b.

Quam lugenda cordis Obduratio. 307. 2.

Obiectum.

Multiplex divinae cognitionis Obiectum. 8. 2.

De primario divini Intellectus obiecto varia placita. 1b.

Obiectum Voluntatis duplex. 12. 2

Oidium.

Quotuplex Odium. 109. 1

Admittitur in Deo Odium abominationis, necnon & amicitiæ. 1b.

Opus.

Qualiter omnia Dei Opera sint perfecta. 112. 2

Opera Meritoria non sunt effectus praedestinationis proprie dictæ. 174. 2

Ordinabile.

Triplici modo aliquid est ordinabile. 164. 2

Ordo.

Nullus est in Dei Decretis Ordo realis. 115. 2

Quid sit in Deo Ordo originis, & naturæ. 1b.

Ordo inter divina Decreta desumitur vel permissivè, vel positivè. 126. 1

Inter divina Dec. est Ordo prioris, & posterioris. 1b. 2

Quare in Deo possit esse Ordo, licet non sit in eo discursus. 129. 1.

Ordo inter divina decreta non est mutandus ex ordine, quem inter se servant illorum obiecta, neque ipsorum obiectorum dignitate, nec ex naturali dispositione, sed tantum quatenus ipsa obiecta divinae voluntatis subsunt. 1b.

Quid sit in Deo Ordo intentionis, & execut. 120. 1

Ordo quē statuit Doctor in decernenda praedestinatione, nō secundū intentionē, sed executionē. 181. 2

INDEX RERUM,

P
Particula.
 Particula si triplicem habet significationem. 116. 1
Parvulus.
 Cur ex duobus Parvulis unus baptizetur Alius non. 169. 2
Peccatum.
 Quomodo peccatū omne sit in iustitia in. Deū. 140. 1
 Peccatum formaliter subest Divinæ providentiæ. 165. 1
 Quodnam sit Corpus, Cor, & Spiritus peccati. 191. 1
 Peccatum tum Originale, tum finale prævisum, est Causa reprobationis. 304. 1
 Peccatum Originale est tantum remota, & radicalis Causa reprobationis. ib. 2
Pelagius.
 Quis, & qualis fuerit. 207. 1
 A quibus primum impugnata, & in apertum latens Pelagii hæresis deducta fuerit. 209. 1
 Quæ scripserit Pelagius. ib. 2
 Pelagius aliquando visus fuit vir doctus, & probus. 211. 1
 Quot, & quis fuerint Pelagii, ac Celestii errores. ib.
 Quanam arte Pelagius Concilii Diospolisani Patres luserit. 213. 1
 Quibus in Conciliis damnatus fuerit Pelagius. ib.
 Pelagii errores primum damnati sunt à Romana Sede, deinde in Concilio Carthagenensi, deinde à variis summis Pontificibus, maxime ab Innocentio, & Zosimo. 214. 1
 Quos habuerit asseclas, & Patronos. 216. 2
 Quinam præcipui fuerint illius Impugnatores, & Expugnatores. 217. 2
 Utrum Pelagius aliquando suum errorem temperaverit, & tandem aliquod internum, ac necessarium gratiæ auxilium admisserit. 218. 2
 Prima gratia, quam admisit, fuit liberū arbitriū. 219. 1
 Admisit etiā gratiā Doctrinæ, gratiā exemplarē, gratiā remissionis peccatorū, internā illustrationē. ib. 2
 Visus est admittere gratiā internā, sed fallaciter. 221. 1
 Admisit gratiam internā supernaturalē, non ad necessarium, sed tamen ad faciilius operandum. ib.
 Pelagio prima Causa erroris fuit zelus subdolos. 222. 1
 Ex Pelagianismo duo subortii errores oppositi. ib. 2
Permīssio.
 Utrum Permīssio designet actum positivum problematice disputat Doctor. 92. 1
 Permīssio duplex. 91. 1
 Permīssio Physica respicit vel omissionem, vel positionem actus. ib.
 Permīssio actus faciendi est à Deo decreta. 192. 2
 Permīssio peccati potest esse effectus occasionalis prædestinationis. 193. 2
 Quomodo permīssio peccati possit dici donum gratiæ. 194. 1
Perseverantia.
 Quomodo mereri possimus donū perseverantiæ. 275. 1
Plato.
 Plato non fuit primus Idearum Assertor, nec eas extra Deum existere asseruit. 76. 1
Pœna.
 Quare pœnæ hujus vitæ sint prædestinationis effectus, non verò pœnæ alterius. 193. 1
 Pœna triplex. 196. 1

Possibilitas.
 Qualiter rerum possibilitas omnipotentiam in Deo supponat, & inferat. 16. 1
 Triplex est rerum possibilitas. 21. 2
 In detegenda rerum possibilitate tria sunt distinguenda instantia. 22. 1
Potentia.
 Potentia intellectiva in Deo ab essentia distinguitur formaliter. 1. 1
Præcursor.
 Qui fuerint Pelagianismi Præcursores. 203. 2
Prædestinationis.
 Unde suborta fuerit hæresis Prædestinationis, pro qua acerrime pugnant Calvinista. 230. 1
 Prædestinationis hæreticos extrusse diserte probant SS. Augustinus, & Prosper. ib. 2
 Prædestinati damnati sunt in Conciliis Arausicano, & Arelatenſi. 232. 1
 Sanctus Augustinus prædestinationis hæresim mentionem facit pluribus. ib. 2
 Falsum est Gennadium primum omnium prædestinatos in hæreticorum album reposuisse. 233. 1
 Falsum etiam Concilii Arelatenſis præfules Semi-pelagianos fuisse. 234. 1
 Epistolæ Lucidi nihil nisi speciem tenus Semi-pelagianismum redolent. 235. 2
 Gotthelchus prædestinationis hæresim innovavit. 237. 2
Prædestinatio.
 Quam inscrutabile sit Divinæ prædestinationis arcanum. 124. 1
 Unde derivetur prædestinationis vocabulum. ib. 2
 Prædestinatio trifariam usurpatur. 175. 1
 Prædestinatio duplex. ib. 2
 Qui Divinæ Prædestinationis existentiam impugnaverint. 176. 1
 Admittenda est in Deo Prædestinatio. ib.
 Sine Prædestinatione salvari nemo potest. 177. 1
 Prædestinatio non destruit sollicitudinem de salute consequenda, sed adstruit. 178. 1
 Prædestinatio respicit intellectum, voluntatem & potentiam. 179. 1
 Prædestinatio duplex. ib. 2
 Prædestinatio præcise versatur circa gratiā, & gloriā. ib.
 Quid sit Prædestinatio. 180. 2
 Quomodo differant propositum, prædestinatio, & electio. 181. 1
 Prædestinatio est actus immanens in Deo æternus, sed tamen mixtus. ib. 2
 Prædestinatio libera est, & contingens, necessaria tamen respectivè. 183. 1
 Prædestinatio alia communis, alia specialis. 184. 1
 Prædestinatio præservativa locum habet in Angelis, non liberativa. 185. 1
 Triplex error circa prædestinationis certitudinē. 186. 1
 Prædestinatio ut sit completa requirit cooperationem hominis. 187. 2
 Dantur quædam signa prædestinationis. 190. 1
 Quatuor ad prædestinationis integritatem desiderantur. 191. 2
 Prædestinatio non officit humanæ libertati, neque ex parte infallibilis præscientiæ, neque ex parte æterni decreti. 194. 2
 Non

ET SENTENTIARUM.

Non recte Conciliatur divina Prædestinatio per decretum prædeterminans. **197. 1**
 Qualiter Conciliatur Prædestinatio cum humana libertate. **101. 1**
 Non eadem fuit Pelagii, & Juliani de Causis Prædestinationis sententia. **143. 2**
 Certum est Prædestinationis coronidem à meritis dependere. **146. 1**
 Prædestinatio tripliciter potest usurpari. **ib.**
 Prædestinatio fit ex prævisis meritis non solum quantum ad executionem, sed etiam quantum ad intentionem. **147. 1**
 Quibus in negotio Prædestinationis ex Sanctis Patribus maxime credendum. **151. 2**
 Sanctus Augustinus præscientiam Prædestinationi præsupponi edocet. **151. 2**
 Stricta est Prædestinationis cum præscientia connexio. **151. 2**
 Prædestinatio significat vel internam dispositionem ad gratiam, vel prædestinationem ad gratiam, vel prædestinationem ad gloriam post prævisa merita. **164. 1**
 Sanctus Augustinus duplicem prædestinationem ad gratiam, & gloriam agnovit. **168. 1**
 Prædestinatio spectari potest vel penes actum prædestinati, vel penes effectum prædestinationis. **177. 2**
 Prædestinatio facta secundum propòsitum voluntatis non excludit Christi meritum. **181. 1**
 Prædestinatio tam est de fine, quam de Mediis. **287. 2**
 Naturalis activitas ingenii etiam à morte præmatura possunt esse prædestinationis effectus. **189. 1**
Prædestinatus.
 Quos modis aliquid possit dici Prædestinatum. **183. 2**
 Prædestinatorum nullus perire potest. **185. 2**
 Quomodo Prædestinatus possit damnari. **188. 1**
 Prædestinatus numerus fixus est, & determinatus. **ib.**
 Quomodo quis accipere possit Coronam alterius. **ib.**
 Sine revelatione nemo scit se esse Prædestinatum. **189. 1**
 Major est numerus Reproborum, quam Prædestinatorum. **192. 1**
 Quomodo Prædestinatus dicatur non posse peccare. **196. 2**
 Eximie Prædestinati non eliguntur absolute independenter à prævisis eorum meritis. **177. 1**
 Prædestinatorum donatio Christo à Patre facta non excludit ejus meritum. **181. 1**
Præscientia.
 Divina Præscientia nō tollit hominis libertatē. **15. 1**
 Argumentū Marcioniscōtra divinā Præscientiā. **ib.**
 Qualiter Sanctus Augustinus negaverit Deum habere veram præscientiam. **36. 1**
 Egregia Sancti Gregorii, & Boetii doctrina circa divinam præscientiam. **ib.**
 Divina Præscientia non tollit rerū cōtingentiā. **46. 1**
 Divinæ Præscientiæ certitudo humanam libertatem non lædit. **49. 2**
 Præscientia, & Prædestinatio nō sunt Synonyma, sed duo actus distincti, & in invicem subordinati. **125. 1**
Præparatio.
 Præparatio mediorum duplex. **181. 1**
Prophecia.
 Triplex Prophetiæ genus. **53. 2**
Propositio.
 Qualiter propositiones de Creaturis habeant ve-

ritatem ab æterno. **23. 2**
 Una propòsitum de futuro contingenti est determinatē vera. **33. 2**
 Quando, & quo sensu una ē propòsitum contradicatibus sit determinatē vera, & alia falsa. **41. 1**
Proprietates.
 Discrimen inter proprietates, & operationes. **6. 1**
providentia.
 Quam sit difficile de una divina providentia dis-
 cernere. **147. 1**
 Providentiæ nominis etymon, & significatio. **ib.**
 Qui Providentiā omoe medio *sustulerint*. **148. 1**
 Variæ de Divina Providentiā Ethnicorum, & Christianorum sententiæ. **ib.**
 Quotuplex Providentiā. **149. 1**
 Divinæ Providentiæ excellentiam discretè adstruunt Sacri Codices, nec non & Sanctorum Patrum gravissimæ rationes, & momenta. **ib.**
 Quomodo Dei Providentiā cum libertate hominis, & rerum contingentiā conciliatur. **151. 1**
 Eihnicorum de fato Sententiā proponitur, & solvitur. **151. 2**
 Validū contra Divinā Providentiā argumentū. **152. 1**
 Providentiā importat sollicitudinem, sed line animi Commotione. **153. 2**
 Duplex Divinæ Providentiæ cura. **155. 1**
 Providentiā triplicem requirit actum intellectus, & totidem voluntatis. **157. 1**
 Quis Ordo inter præfatos actus servandus. **ib.**
 Providentiā formaliter suprà est actus volūtatē. **158. 1**
 Quomodo Providentiā sit etiam actus intellectus, & pars prudentiæ. **160. 1**
 Non est de ratione Providentiæ ut infallibiliter cōsequatur finem particularem, sed sufficit quòd inferat consecutionem finis generalis Coexistentis suæ gloriæ, & bono universi. **161. 1**
 Providentiā Cōditionata non arguit impotentiam, nec ignorantiam in provifore, sed tantum libertatē. **163. 1**
 Quadruplex Divinæ Providentiæ munus. **169. 1**
 Providentiā una sufficiens, alia favorabilis. **ib.**
 Quatuor fructus ex Divinæ Providentiæ consideratione colligendi. **173. 1**
 Quomodo Providentiā sit temporalis, & æterna. **182. 2**
R.
Regulari.
 Aliquid potest regulari dupliciter. **80. 1**
Reprobatio.
 Reprobationis usurpatio varia. **194. 2**
 In reprobatione tres sunt actus intellectus, & totidem voluntatis. **195. 1**
 Reprobatio duplex. **ib.**
 Reprobatio impij Dei bonitati non adversatur, nec etiam Divinæ Providentiæ generali deest, licet particulari non congruat. **196. 1**
 Reprobatio quid. **197. 1**
 Non est in Deo Reprobatio negativa. **ib.**
 Quæ fuerit detestanda Calvinī de reprobatione Sententiā. **199. 1**
 Calvinus censuit Reprobationis decreto liberum arbitrium extingui, & per illud homines fatali necessitate ad interitum rapi. **ib.**
Reprobatus.
 Quomodo Reprobatus possit salvari. **178. 2**
Res.

INDEX RERUM,

Res.
Res possibilis nō magis est realis, quā Chimera. 26. 2
Res possibilis duo complectitur. 28. 2
Res possibilis novit Deus perfectissimē. 29. 1
Qualiter reserazat sint stabiles, & instabiles. 162. 1

Sanctitas.
Quid sit divina Sanctitas. 131. 1
Quadruplex Sanctitatis Erymologia, & Character. ib
Sanctitas Deo, hominibus, & locis tribuitur, sed variē. ib. 2
Divina Sanctitas in multis à Sanctitate creata distat, maximē vero in quintuplici distantia. 134. 1

Sapientia.
Sapientia Dei magis in minimis, quā in maximis enitet. 154. 2

Scientia.
Quomodo mutetur scientia ad mutationem objecti. 14. 2
Scientia Divinæ multiplex divisio. 20. 1
Discrimen inter scientiam simplicis intelligentiæ, & scientiam visionis. 28. 2
Quā sit arduum, & periculosum de scientia visionis aliquid velle certō statuere. 31. 2
Qualis sit ordo notandus in divina rerum Creaturarum cognitione. 32. 2
Tria signa rationis in Divina scientia statuuntur. 37. 1
Scientia distingui possunt per media in quibus, non verō à quibus. 43. 2
Quid per scientiam mediā intelligatur. 60. 2
Cur vocetur mediā. ib.
Recenter inventam omnes consentiunt præter suarum. 61. 2
Offenditur scientiā mediā esse vetus fragmentū. 68. 1
In quo discrepet scientia nostra conditionata à mediā. ib

Nulla est in Deo scientia mediā. 62. 2
Sanctus Augustinus scientiam mediā, ut Dogma Semi-Pelagianorum impugnatur. 63. 1
Sanctus Prosper affirmat Semi-Pelagianos propugnasse scientiam illam mediā ad conciliandam humanam libertatem cum Dei Decretis. ib.
Scientia mediā ratione Theologica exploditur. 65. 2
Scientia mediā est inutilis ad conciliandam humanam libertatem cum prædestinatione. 68. 1
Egēgia Sancti Augustini hac de re Sententia. 67. 2
Scientia mediā impugnatur ab inconvenientibus ex illa oriundis. 68. 2
Scientia mediā detrahit divinæ omnipotentia, favet Semi-Pelagianis, Pelagianorum etiam errori patrocinatur. ib
Duplex distingui potest scientia conditionata. 254. 1

Semi-pelagiani.
In quibus Semi-pelagianis Pelagianis discrepant. 221. 1
Cassianus primus Semi-pelagianismi inventor. 225. 2
Fausus Regienis Semi-pelagianiam in heresim incidit. 226. 2
Nihilominus in album Sanctorum est relatus. 227. 2
Qualiter Vincentius Lirinensis Semi-pelagianis

adhæserit. 228. 2
Qui fuerint Semi-pelagiani: ū impugnatores. 229. 2
Duplex fuit Sententia Massiliensium de Sancti Augustini Doctrina. 271. 1

Similitudo.
Triplex est rerum Similitudo. 79. 2

Species.
Non est etiā in Deo Species impressa, est tamē in eo aliquid per modum habitus intellectualis. 7. 1

Terminatio.
Terminatio potest esse intrinseca simul, & extrinseca. 116. 1

Tribulatio.
Tribulatio virtutem probat, perficit, & purgat. 153. 1

Veritas.
Veritates rerum Creatorum continguntur in Deo quatuor modis. 23. 2

Virtus.
Quænam virtutes Deum dedecrant. 135. 1

Vocatio.
Vocatio duplex. 283. 2
Vocatio efficax duplex. ib
Vocatio, quæ habet effectum in vitam æternam non est effectus Prædestinationis. 284. 1
Omnis vocatio sit ratione decreti Prædestinantis. ib. 2
Vocatio est unum ex mediis necessariis ad salutē. ib.
Vocatio in Prædestinato non est similis ei, quæ est in Reprobo. 285. 2
Nulla est Prædestinati vocatio, quæ ipsius Saluti non deserviat. 286. 1
Qualiter omnis vocatio inefficax etiam sit effectus Prædestinationis. ib
Qualiter vocatio reviviscens penitentis virtuti tribuatur. 287. 1

Voluntas.
Divina Voluntas non semper realem in Creaturis mutationem infert. 85. 2
Quid significetur nomine Voluntatis. 163. 1
Fide divina constat esse in Deo Voluntatem. ib. 2
Duplex divinæ Voluntatis usurpatio. 87. 1
Voluntas operativa dicitur vel facultas volitiva, vel actualis volitio. ib
Voluntas divina ut est facultas duplex est. ib
Ratione naturali demonstratur Deum habere voluntatem. ib. 2
Voluntas, ut potentia distinguitur ab essentia, & volitione. 89. 1
Voluntas divina non est productiva, nec receptiva sui actus. 89. 1
Multiplex Voluntatis divinæ divisio. ib. 2
Voluntas nostra non est semper recta, quoties voluntati divinæ est conformis, nisi quando habet quatuor conditiones à S. Bonaventura expressas. 93. 1
Precipue actus entitativi divinæ voluntatis proprietates. 206. 1
Voluntas divina non est indifferens ad oppositos actus. 111. 2
Voluntas creata est productiva, receptiva, & operativa. ib